

# Holy Bible

## *Aionian Edition®*

भड़लाई बाइबिल

**Bhadrawahi Bible**

[AionianBible.org](http://AionianBible.org)

The world's first Holy Bible untranslation

100% free to copy and print

also known as " The Purple Bible "

*Holy Bible Aionian Edition ®*

ભડ્લાઈ બાઇબિલ

Bhadrawahi Bible

CC Attribution ShareAlike 4.0, 2018-2024

Source text: eBible.org

Source version: 2/21/2024

Source copyright: CC Attribution ShareAlike 4.0

The Love Fellowship, 2020

Formatted by Speedata Publisher 4.19.2 (Pro) on 4/23/2024

100% Free to Copy and Print

TOR Anonymously

<https://AionianBible.org>

Published by Nainoia Inc

<https://Nainoia-Inc.signedon.net>

We pray for a modern public domain translation in every language

Report content and format concerns to Nainoia Inc

Volunteer help is welcome and appreciated!

*Celebrate Jesus Christ's victory of grace!*



# Preface

ભદ્રવાહી at [AionianBible.org/Preface](http://AionianBible.org/Preface)

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aīdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aīdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is *eternal*! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to *eternal* life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of *eternal punishment*. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at [eBible.org](http://eBible.org), [Crosswire.org](http://Crosswire.org), [unbound.Biola.edu](http://unbound.Biola.edu), [Bible4u.net](http://Bible4u.net), and [NHEB.net](http://NHEB.net). The Aionian Bible is copyrighted with [creativecommons.org/licenses/by-nd/4.0](http://creativecommons.org/licenses/by-nd/4.0), allowing 100% freedom to copy and print, if respecting source copyrights. Check the Reader's Guide and read online at [AionianBible.org](http://AionianBible.org), with Android, and TOR network. Why purple? King Jesus' Word is royal... and purple is the color of royalty!



# Table of Contents

## NEW TESTAMENT

मत्ती .....	11
मरकुस .....	29
लूका .....	43
यूहन्ना .....	62
प्रेरितों के काम .....	77
रोमियों .....	96
1 कुरिन्थियों .....	105
2 कुरिन्थियों .....	114
गलातियों .....	120
इफिसियों .....	123
फिलिप्पियों .....	126
कुलुसियों .....	128
1 थिस्सलुनीकियों .....	130
2 थिस्सलुनीकियों .....	132
1 तीमुथियुस .....	134
2 तीमुथियुस .....	137
तीतुस .....	139
फिलेमोन .....	141
इब्रानियों .....	142
याकूब .....	149
1 पतरस .....	151
2 पतरस .....	154
1 यूहन्ना .....	156
2 यूहन्ना .....	158
3 यूहन्ना .....	159
यहूदा .....	160
प्रकाशित वाक्य .....	161

## APPENDIX

Reader's Guide

Glossary

Maps

Destiny

Illustrations, Doré



# **NEW TESTAMENT**



यीशु ज़ोर्ब, “हे बाजी एन माफ़ करां एन न ज़ानन् कि एना कुन लोरेम केरने।”  
ते तैनेई तैसेरे लिंगडां केरे लेइ पेरची छेडतां शर्त रख्यू ते एप्पू मांमेइं बंटां।

लूका 23:34

# मत्ती

**1** अब्राहमेरा औलादी मरां दाऊद राजों थियो, दाऊद राजेर औलादी मरां यीशु मसीह थियो। यीशु मसीहेरे दादे-पड़दादां केरा नंवां इना आन। 2 अब्राहमेर मटू इसहाक थियू, इसहाकेर याकूब, याकूबेरां मटूं यहूदा ते तैसेरे डला थियै। 3 यहूदा ते तामारेर मटूं पेरेस ते जेह थिया, पेरेसेर मटू हेसोन, हेसोनेरु एराम, 4 ते एरामेरु अम्मीनादाब, अम्मीनादाबेरु नहशोन, नहशोनेरु सलमोन, 5 ते सलमोन ते तैसेरी कुआन्स राहाबेरु मटूं बोआज थियूं ते बोआज ते तैसेरी कुआन्स रुत्र आबेद, ओआदेरु थियै, 6 ते यिशैरु मटू दाऊद राजों थियो, दाऊद राजूरु मटू सुलैमान तैस कुआन्सी सेइं पैदा भीव, ज़े पेड़ली ऊरियाहारी कुआन्स थीं। 7 सुलैमानेरु रहबाम, रहबामेरु अबियाह, अबियाहेरु आसा, 8 ते आसारु यहोशाफात, यहोशाफातेरु योराम, ते योरामेरे खानदानेरे मरां उज्जियाह पैदा भोव। 9 उज्जियाहरु योताम, योतामेरु आहाज, आहाजेरु हिजकियाहरु, 10 ते हिजकियाहरु मनश्शे, मनश्शेरु आमोन, आमोनेरु मटू योशियाह थियूं 11 ते योशियाहेरु पोटलड़ां यकुन्याह होव ते तैसेरे डला थियै, जैना गिरफ्तार भोइतां बाबेलेरी गुलैमी मां गानेरे वर्के मां ज़र्मोंरी थियां। 12 गिरफ्तार भोइतां बाबेलेरी गुलैमी मां गानेरे पत्ती यकुन्याहेरु शालियेल ते शालियेलेरु जरुब्बाबेल, 13 ते जरुब्बाबेलेरु अबीहूद, अबीहूदेरु एलयाकीम, एलयाकीमेरु अजोर, 14 ते अजोरेरु सादोक, सादोकेरु अखीम, अखीमेरु एलीहूद 15 ते एलीहूदेरु एलीआजर, एलीआजोरेरु मत्तान, मत्तानेरु याकूब, 16 ते याकूबेरु यूसुफ, ते यूसुफ मरियमरो मुन्श थियो, ते मरियमस मटूं यीशु आए, जैन जो मसीह ज़ोतान। 17 एन्वरे अब्राहमे करां दाऊद राजे तगर चेवधे पीड़ी भोइ, ते दाऊद राजे करां यहूदी केरे गिरफ्तार भोइतां बाबेलेरी गुलैमी मां गाने तगर चेवधे पीड़ी भोइ, ते गिरफ्तार भोइतां बाबेलेरी गुलैमी मां गाने तगर चेवधे पीड़ी भोइ। 18 यीशु मसीहेरु ज़र्म एन्वरे सेइं भीव, कि ज़ैखन तैसेरी अम्मा मरियमरी कुड़माइ यूसुफ नंवे एककी मैन्हु सेइं भोइ थी, त तैन केरे डला भोने करां पेइले मरियम पवित्र आत्मारे शेर्ति सेइं दोज़ीनी भोइ। 19 तैसारो मुन्श यूसुफ ज़े धर्मी मैन्हु थियो, तै तैस बदनाम केरिन न थियो चातो। तैनी चुपचारे इन सोचू कि मीं एस सेइं डला नईं बनानो। 20 हेजू तै एन सोचने लोरो थियो, त प्रभुएरे एककी स्वर्गदूते तैस सेइं सुपने मां इडतां ज़ोवं, “हे यूसुफ! तु जै दाऊदेरे खानदाने मरां आसा, तू मरियम अपनि कुआन्स बनाने करां न डर, किजोकि जैन तैसारे पेरे मां आए तैन पवित्र आत्मारे तरफां आए। 21 तैस मटूं भोन्हाए, ते तू तैसेरु नंवं ‘यीशु’ रेखा, किजोकि तै अपने लोकन तैन केरे पापन करां मुक्ति देलो।” 22 एन सब किछ एलहेरेइ भीव, कि जैन वचन प्रभुएर यशायाह नेवे जिरिये जोरे थिये पूरे भोए कि, 23 “हेरा, अक अड़लाई कुई पेटे भारी भोली, ते तैस अक मटूं भोलू, ते लोक तैस जौ इम्मानुएल ज़ोले” जैसेरी मतलब इ हाए, परमेश्वर असन सेइं साथी आए। 24 तैखन यूसुफ निड़लारां बीझों त तैनी परमेश्वरे स्वर्गदूतेरु ज़ोनू मन्हू ते मरियमी सेइं डला बनाव ते अपने घरे आनी। 25 पन ज़ांतगर तैस मटूं न भोवं तांतगर तै तैस सेइं साथी न झूल्लो ते ज़ैखन तैस मटूं भोवं त यूसुफे तैस मटूं नवं यीशु रख्खू।

**2** हेरोदेस राजेरे ज़माने मां ज़ेइस यहूदिया इलाकेरे बैतलहम नगरे मां यीशु पैदा भीव, त पूर्वेरां किछ जोषी लोक यस्शलेम नगरे मां आए। 2 ते तैना लोकन पुच्छने लगे, “यहूदी लोकां केरो राजों जै ज़र्मोरीए ते कोड़ि आए? किजोकि असेइ पूर्वे मां तैसेरो तारो लोरोए, ते आस तैस कां मथ्यो टेकने आओरे।” 3 ज़ैखन हेरोदेस राजे ए गल शुनी, त हेरोदेस राजे ते कने यस्शलेम नगरेरे सारे लोक घबराए। 4 ते हेरोदेस, यहूदी लोकां केरे प्रधान याजक ते शास्त्री लोक अकोद्दे केरतां तैन पुच्छने लगा, “मसीह कोड़ि पैदा भोरो लाड़े?” 5 तैनेई तैस सेइं ज़ोवं, “यहूदिया इलाकेरे बैतलहम नगरे मां,” किजोकि (बड़े पेइले) मीका नेवे एन्वरे लिखोरुए, कि परमेश्वरे ज़ोवं, 6 “हे

तू बड़ु खास नगर आस, किजोकि तीं मरां अक एरो हाकिम निसेलो जै मेरे लोक इसाएलेरी रखवाली केरेलो” 7 ज़ैखन हेरोदेस राजे एन शुनू ते तैनी जोषी चुपचारे कुज़ेइतां तैन करा तारो निसनेरे ठीक वकरे बारे मां पतो कियो। 8 ते तैनी जोषी एन ज़ोइतां बैतलहम नगरे जो भेजे, कि “गाथ, ते तैस बच्चेरे बारे मां रोड़ेखारे पतो केरा ते ज़ैखन तुसन पतो लगे, त (वापस एडतो) मीं भी पतो देव्यथ ताके अवं भी तैस कां गेइतां मथ्यो टेकी।” 9 तैना जोषी (हेरोदेस) राजेरी गल शुन्तां (यस्शलेम नारेरां) चले जे। ते अकदम तै तारो, जै तैनेई पूर्वे मां लोरो थियो, तैन अग्री-अग्री चलो ते तैस घेरे वा रुको ज़ैडी तैन मटूं थियूं। 10 ज़ैखन तैनेई तै तारो लव, त तैन बड़े खुश भोए। 11 तैखन तैना घेरे अन्तर जे ते तैन मटूं तैसेरी अम्मा मरियमी कां लाव ते तैस मटूं कां मथ्यो टेको। तैखन तैनेई अपने-अपने खजानेरे झोले खोलतां सोनू लोबान ते मुर्ह तैस कां चाहू। 12 जोषी केरे तैटुं निसनेरां पती, तैन सुपने मां ए बिस्तार मैल्लो कि वापस हेरोदेसे कां न गेइयथ। एलहेरेले तैना वापस कोन्ची होरि बत्ता अपने मुलखे जो चले जे। 13 जोषी केरे गानेरां पती, अचानक प्रभुएरो अक स्वर्गदूत यूसुफे सुपने मां मैल्लो ते ज़ोने लगो, “उठ, बच्चो ते तैसेरी अम्मा नेहता मिस्य मुलखे जो नश्श। ते मेरे ज़ोने तार तैड़ी रेइयां, किजोकि हेरोदेस राजों बच्चे तोपां मारने चातो।” 14 यूसुफ निड़लारां उठो ते मटूं ते तैसेरी अम्मा साथी नेहतां रातो-रात मिस्य मुलखे जो चलो जेव। 15 हेरोदेसेर मसने तगर यूसुफ तैड़ी राव, ताके प्रभुएरु जैन वचन पूर भोए, जैन होशे नेवे लिखोरु थियूं “मीं मिस्य मुलखे मरां अपनू मटूं कुजाव।” 16 ज़ैखन हेरोदेसे जोषी केरे खोखे बैज़रो पतो लगो, तैस बड़ी सरक आई तैनी अपने मैन्हु भेजतां, जैन गल्लां केरो पतो तैस जोषन करां मैल्लोरो थियो, तैनी बैतलहम नगरे ते तैसेरे आसेपासेरे इलाकन मां सिपाही भेजतां सारां मटूं, जैन दूर्ही सालां केरो या दूर्ही सालन करां निकड़ां थियो मारां। 17 ज़ैखन एन भोव, तै तैखन तैन वचन पूर भोव, जैन यिम्याह नेवे ज़ोरु थियूं तैनी ज़ोवं, 18 “रामाह नगर मां बेड़ि लेरो ते मातमेर आवाज शुनोई, राहेल अपने बच्चां केरे लेड लेरां देने लोरी, तैसारो दिल ठंडो न भोए, किजोकि तैसेरे बच्चे मेरि जोरान।” 19 हेरोदेसेरी मौतारां पती, ज़ैखन यूसुफे मिस्य मुलखे मां थियो, त अचानक प्रभुएरो स्वर्गदूत तैस सुपने मां लेहाहव ते तैस सेइं ज़ोने लगो, 20 “उठ, बच्चो ते कने तैसेरी अम्मा साथी नेहतां इसाएल मुलखे जो वापस चलो गा, किजोकि जैन लोक बच्चे मारने चातो थिये, तैन मेरि जोरान।” 21 फिरी यूसुफ निड़लारां बीझों, ते बच्चो ते तैसेरी अम्मा साथी एन्ता इसाएल मुलखे जो वापस अव। 22 पन ज़ैखन यूसुफे एन शुनू कि अरखिलाउस अपने बाजी हेरोदेसेरी ठैरी यहूदिया इलाके पुड़ राज़ केरने लगोरो, तै तै तैड़ी गाने करां डरो। एलहेरेले ज़ैखन यूसुफे सुपने मां पम्सेशरो बिस्तार मैल्लो, तै गलील इलाके जो चलो जेव। 23 ते तैड़ी पुजातां तै नासरत नंवेरे नगर मां राने लगो, ताके तैन वचन पूर भोव, जैन परमेश्वरे अपने नेवी केरे ज़िरिये ज़ोरो थियूं। तैनेई ज़ोवं, “तैस जो नासरी ज़ोलो।”

**3** तैन दिहाडुन मां यूहन्ना नंवेरो भैन्हु, जै बपतिस्मो देनेबालो थियो, यहूदिया इलाकेरे सुनसान ठैरी मां अव। तै लोकन जैन तैस कां एडते थिये, तैन ई प्रवाच केरतां थियो, 2 “अपने पापन करां मनफिराथ, किजोकि स्वर्गू रासु नेडे ओराए!” 3 ई तैै ज़ेसेरे बारे मां यशायाह नेवे एन ज़ोरु थियूं, “कोई सुनसान ठैरी मां लोकन, जैन तैस कां गानत, तैन उच्ची आवाजी सेइं ज़ोलो कि ‘तुसन कां प्रभु एजनेबालो आए, एलहेरेले तैसेरी बत तियार केरा ते कने तैसेरेले सङ्कां सिद्धी केरा।’ (यानी, प्रभुएरो लेड तुस अपने दिल साफ केरा।)” 4 यूहन्ना आम लिगड़ां लातो थियो जैन लिगड़ां ऊंटेरे बालन सेइं बनोरां थियां। तै अपनि कमरी पुड़ चमडेस मज बंधतो थियो। तै तै टिट्वां त कने ज़ंगलेरु माली खातो थियो 5 तैखन यस्शलेम नगरे बड़े लोक ते यहूदिया इलाकेरे बड़े लोक ते यरदन दरियाए मां बपतिस्मो नीयो। 6 तै तैनेई अपने पाप मेन्तां यूहन्ना करां यरदन दरियाए मां बपतिस्मो नीयो। 7 पन ज़ैखन तैनी हेरु कि बड़े फरीसी ते सदकी लोक बपतिस्मो नेमेरे लेड तैस कां एजने लोरेन, तैनी

तैन सेइं ज़ोवं, “तुस ज़ेहरीले सप्पेरे ज़ेरे बुरे आथ! तुसन केनि ज़ोवं कि, एजनेबाले परमेशरे कोपे करां नशा? ४ सज़ाई करां बच्नेरे लेइ तैन कम्मा केरा, ज़ैन सेइं पतो लगो तुसेईं सच्चये पापन करां मन फिरावरोए। ९ ते अपने-अपने दिले मां एन न सोचा कि ‘अब्राहम इश्शो बाजी आए’ (परमेशर तुशे पाप सिर्फ एलहेलेइ माफ़ न केरेलो कि तुस अब्राहमेरी औलात आथ), किजोकि अवं तुसन सेइं ज़ोताई कि परमेशर इन घोड़न मरां भी अब्राहमेरे लेइ औलाल घैदा केरि सकतो! १० ते हुन्ना त बुट्टां केरे जीलन पुड़ परमेशरेरो मैकुकु रख्खोरोए, एल्हेलेइ ज़ै कोई तेस बुट्टोरो ज़ेरो भोते, जै रोडो फल न दे, तै कटनोए ते अगी मां छडनोए। ११ अवं त तुसन पैनी सेइं बपतिस्मो देटाई किजोकि तुसेईं मनफिरोरोए, पन मसीह ज़ै मेरे बाद एजनेबालो, तै मीं केरा भी महान आए। अवं त तैसेरो गुलाम भोनेरे काबल भी नई कि तैसेरे बूट छुई। तै तुसन पवित्र आत्माई सेइं ते अगी सेइं बपतिस्मो देलो (ज़ैना मन फिरान, तैनन)। १२ तैसेरु छज्ज तैसेरे हथ्ये मां आए ते तै खलाड रोडेखरे साफ केरेलो, तै गेहुं अपने कोठरे मां रखेलो, पन झाड़ी तैस अगी मां फुकेलो ज़ै कथेन हिश्शो। (एल्हेलेइ पापन करां मनफिराथ नई त परमेशर तुसन सज्जा देलो)। १३ तैस मौके यीशु गलील इलाके मरां यरदन दरियारे बन्ने पुड़ यूहन्ना कां अवं, ताके तैस करां बपतिस्मो ने। १४ पन यूहन्ना, यीशु जो इन ज़ीतां रोकने लगो, “मीं तीं करां बपतिस्मो नीयोरो लोडिते, फिरी किजो तू मीं करां बपतिस्मो नेने आरोसेस?” १५ पन यीशुए तैस ई जुवाब दितो, “हुनी तू एन्नरे भोने दे, किजोकि एन्नरे केरतां अस जैन केरतम ज़ैन परमेशर चातो।” तैखन यूहन्ना तैसेरो गल मन्नी। १६ ते यीशु जैखन बपतिस्मो नेइतां पैनी मरा बेद्र अव, तैस मौके हेरा अम्बर खुल्ली ज़ोवं। ते तैनी पवित्र आत्मा कबूतरेरी शकली मां एप्पु पुड़ इड्डी लाई। १७ ते तैखन हेरा अम्बरे मरां ए आवाज आई (त यीशुए बारे मां ज़ोवं), “एन मेरु ट्लास्मठू, अवं एस पुड़ बडी खुश आई”।

## ४ तैल्ला पत्ती, पवित्र आत्मा यीशु सुनसान ठैरी मां नीयो, ताके शैतान

तैसेरी अज़मैदश केरो। २ ४० दिहाडे ते ४० रातन किछ न खानेरां पत्ती तैस द्लुख लग्गी। ३ त तैखन शैताने ज़ैन जो अज़माने बालो भी ज़ोतन, तैस कां एइतां ज़ोवं, “अगर तू परमेशरेइ मठू आस, त इन घोड़न जो हुन्नम देइतां साबत केर, कि एना रोट्टी बन्न ताके तू खेइ सकस”। ४ यीशुए तैस जुवाब दितो, “अवं न केरेलो किजोकि परमेशरेरी किताबी मां लिखोरुए, ‘मैन्हू सिर्फ रोटेंड सेइं ज़ीतो न राए, बर्क्के ते हर गल मने सेइं ज़ीतो राते, जै परमेशर ज़ोतो।’” ५ फिरी शैताने तै पवित्र नगर यस्तशेमे मां नीयो ते मन्दरेरी उच्ची छप्पी पुड़ नेइतां खड़ो कियो। ६ तैखन तैनी यीशु सेइं ज़ोवं, “अगर तू हकीकिं मां परमेशरेइ मठू आस त द्लुख बिछुडतां साबत केर, किजोकि पवित्रशस्त्रे मां लिखोरुए, ‘तै तेरे लेइ अपने स्वर्गदूतन हुक्म देलो, ते तैना तीं अपने हथ्थन मां ट्लाले, ताके तेरे पावन केन्ची घोड़न सेइं ठोकर न लगो।’” ७ यीशुए तैस सेइं ज़ोवं, “(नई, अवं छाल न मारेलो, किजोकि) परमेशरेरी किताबी मां एन भी लिखोरुए, ‘तू प्रभु अपने परमेशरे अज़मेइतां इन साबत केरेरो कोशिश न केर कि तै अपने वादे पूरे केरते या नई।’” ८ तैखन शैताने, यीशु एक्की बडे उच्चे फाहडे पुड़ नीयो, ते तैटी दुनियारां सारा राज्जां ते तैन केरि धन दीलत तैस हिराई। ९ तैखन तैनी यीशु सेइं ज़ोवं, “अगर तू मीं कां मध्यो टेक्स ते मेरी आराधना केस, त अवं इन सब किछ तीं देलो।” १० यीशुए तैस जो ज़ोवं, “हे शैतान! दू भो, किजोकि परमेशरेरी किताबी मां लिखोरुए, ‘तू सिर्फ प्रभु अपने परमेशरे कां मध्यो टेक ते तैसेरी आराधना केर!’” ११ तैखन शैतान तैस करां च्लो जेव, ते अकदम किछ स्वर्गदूत यीशु कां एइतां तैसेरी सेवा केरने लग्गे। १२ एक्सां केन्चे यीशु जो ज़ोवं, कि यूहन्ना जै बपतिस्मो देनेबालो थियो, कैद कियोरोए त यीशु यहूदिया इलाकरों, गलील इलाके मां वापस अव। १३ ते नासरत नगर शैरता कफरनदूम नारे मां राने लगो, ज़ैन समुद्रेरे बन्ने पुड़ आए, जैटी जबूलून ते कने नपाताली गोट्लेरे लोक राते थियो। १४ ताके तैन वचन जैन यशायाह नेबे ज़ोरु थियूं पूरु भोए, तैनी ज़ोवं, १५ “ज़ैना लोक जबूलून ते नपाताली गोत्रा

केरे इलाके मां आन, ज़ैना गलील समुन्दरेरे नेडे यरदन दरियारे उस पार, गलील इलाके मां आन, जैटी गैर यहूदी लोक भी रातन, १६ (तैना लोक) ज़ैना पापेरे आधरे मा बिश्शोरेन, तैनेवे बड़ी लौ लई। तै लौ तैन पुड़ चमकी ज़ैना हमेशारे मौतरे अंधरेरे मुलखे मां बिश्शोरेन।” १७ ते इसेरु देतु यीशुए परमेशरेरी खबर लोकन शुनानेरी सेवा शुरू की। तैनी लोकन ज़ोवं, “अपने पापन करां मनफिराथ, किजोकि स्वर्गेरु राज्ज नेडे ओरोए।” १८ एक्सां जैखन यीशु गलील समुन्दरेरे बने च्लोरो थियो, तै तैनी दूर्द मैनू लाए जैना मेछली ट्लानेवाले थियो। तैना मेछली ट्लानेरे लेइ समुन्दरे मां जाल छेड़ी राजोरे थियो। तैन मरां एक्केरु नवं शमान, ज़ैस जो पतस भी ज़ोतन, तै तैसेरो द्लाल ज़ेसेरु नवं अन्दियास थियूं। १९ यीशुए तैन सेइं ज़ोवं, “एज्जा मेरे चेले बना। अवं तुसन शिखालेलो कि केन्चरा होरे मैन्हू मेरे चेले बनानेन।” २० तैना अकदम अपना जालां छेडतां यीशु पत्ती च्ले जे। २१ ते तैना तैटु थोडे ज़ोरे अगगर जे, त यीशुए होरे दूर्द द्लाल, यानी याकूब त केर तैसेरो द्लाल यूहन्ना अपने बाजी जब्बी सेइं साथी किश्ती मां लाए। तैना किश्ती मां जालां ठीक केरे लग्गोरे थियो। यीशुए तैना भी कुजाए (कि तैनी तैसेरे चेले बनन)। २२ ते तैना भी तैखने किश्ती ते अपने बाजी तैटी जेरे छेडतां यीशु सेइं साथी च्ले जे। २३ तैल्ला पत्ती, यीशु सारे गलील इलाके मां हठोरे फिरतो राव। तै तैन केरे प्राथना घरन मां लोकन शिक्षा देतो राव ते परमेशरेरो राज्जेरी खुशखबरी शुनातो राव। ते तै लोकां केरि हर किसमेरी बिमैरी ते कमज़ोरी दू केरतो राव। २४ यीशुएरे बारे मां ई खबर सारे सीरिया इलाके मां मुशूर भोड़ जेई। एसेरे वजाई सेइं, जैटी कोन्ची तै जेव, तैटी लोक सेल्ही बिमारन जैना हर किसमेरी बिमैरी तै तकलीफन मां फसोरे थियो, ते जैन लोकन पुड़ भूतां केरो सायो थियो, ते जैना मिरारे रोगी थियो, ते जैना अधरंगेरे रोगी थियो, तैना यीशु कां अनां ते यीशुए तैन सारे बज्जानाए। २५ एसेरे वजाई सेइं मैन्हू केरि बड़ी भीड़ यीशु पत्ती च्ली। तैना लोक गलील, दिकापुलिस इलाकां केरे, यरशतेम नगरेरे, यहूदिया इलाकेरे, ते यरदन दरियारे पैरीं पारेरे इलाकां केरां औरे थिये।

## ५ यीशु तैना हछे लोक लेइतां एक्की पैटैडी पुड़ च्लो जेव, ते जैखन तै शिखालेने लेइ बिश्शो तै तैसेरे चेले तैस कां आए। २ तैखन यीशु तैन लोकन शिक्षा देने लगो, ३ “परमेशर तैन लोकन बरकत देतो, जैना जानतन कि तैन परमेशरेरी ज़रूरते, किजोकि तै तैन पुड़ राज्ज केरेलो। ४ परमेशर तैन लोकन बरकत देतो, जैना दुखी अन, किजोकि परमेशर तैन सप्तसली देलो। ५ परमेशर तैन लोकन बरकत देते जैना नप्र आन, किजोकि परमेशर तैन, तैना सैरी बरकतां देलो जैन केरो तैनी वादो कियोरोए। ६ परमेशर तैन लोकन बरकत देतो, जैना परमेशरेरी नज़री मां रोड़ी गल्ला केरेनी बड़ी इच्छा रखतन, (जेन्चरे कोई दलुखोरो खाने पीनेरी इच्छा रखते) तैन परमेशर अपनि मेझ्जी पुड़ च्लालेने लेइ शक्ति देतो। ७ परमेशर तैन लोकन बरकत देतो, जैना दया केरतन, किजोकि परमेशर भी तैन पुड़ दया केरेलो। ८ परमेशर तैन लोकन बरकत देतो, जैन केरे मन साफ आन, किजोकि तैन परमेशर दर्शन देलो। ९ परमेशर तैन लोकन बरकत देतो, जैना शैनतां कम्मा केरतन, किजोकि तैन जो परमेशरेरे बच्चे ज़ोले। १० परमेशर तैन लोकन बरकत देतो, जैना परमेशरेरी नज़री मां रोड़ि गल्ला केरेने वजाई सेइं सताए गातन, किजोकि परमेशर तैन लोक तुसन बरकत देलो, जैखन लोक तुसन मेरे चेलो भोनेरे वजाई सेइं तुश्शी तुहीन केरन ते स्तान ते झाठ ज़ोइतां हर किसमेरी बुरी गल्लां तुश्शे बारे मां ज़ोन। १२ तैखन तुस खुशी रेड्यथ ते मध्यन भोड्यथ, किजोकि परमेशरेरे जैन इनाम स्वर्गे मां तुश्शे लेइ रख्खेरए तैन बड़ बड़ूए, किजोकि लोकेई बडे पैइले तैन नवी भी एन्चरे सतोरे थिये।” १३ “तुस इस दुनियारे लोकां केरे लेइ लूनेरे ज़ेरे आथ, पन अगर लूनेरो स्वाद च्लेले गाए, त फिरी दुवारां केन्चरे तैसेरो स्वाद वापस अनेले? फिरी तैन कोन्ची कम्मेरु न राए, सुवाए बेइरोवं शारनेरां ते लोकां केरे पावेइ सेइं ढलेनोनेरां।” १४ “तुस इस दुनियारे लोकां केरे लेइ लूलोअरे ज़ेरे आथ। जैन नगर पहाडे पुड़ बसते तैन कथ भी छेप्पी न सके। १५ लोक

बलतो दीयो हेटी मां न रखन, पन तैस उच्ची ठैरी रखतन ताके घेरेरे सैरी मैनन् लौ पुज्जे। 16 ते एन्नरे तुश्री लौ मैन्हु केरे सामने एरी चमके, ताके तैना तुश्रा रोड़ा कम्मा हैरता तुश्रे स्वर्गेर बाजीरी तारीफ केरन। 17 “एन न बुझथ कि अवं मूसेरो कानून या नेबी केरे किताबन मां लिखोरी गल्लां रद केरने ओरोई। अवं तैन रद केरने नई बल्के पूरी केरने ओरोई। 18 किजोकि अवं तुसन सेइं सच्च जोताई, कि जां तगर धरती त अम्बर खतम न भोए, तांगर परमेशरे कानूने मरां अक मात्रा या बिंदी भी न टलेली, जां तगर सब किछ लिखोर पूरू न भोए। 19 एल्हेलेल जै कोई इन निकडे करां निकडे हुक्मन मरां केन्वी एककी जेरे ट्लोडेते होरन भी एन्ने केरन् शिखालते, ते स्वर्गेर राज्जे मां सेभन करां निकडो भोलो, पन जै तैन हुक्मन पुड़ अमल केरते होरन भी एन्ने हुक्मन पुड़ ब्लनेरे बारे मां शिखालते त तै स्वर्गेर राज्जे मां बड़ो भोलो। 20 किजोकि अवं तुसन सेइं जोताई कि जां तगर तुस शास्त्री ते फरीसी लोकन करां रोडे चारे कानूने न मनेले, तांगर तुस स्वर्गेर राज्जे मां दाखल न भोई सकतथ।” 21 “तुसेई शुनेस्थ थियू कि परमेशरे इश्वे दादे-पड़दादन सेइं जॉस थियूं “खून नई केरनो, ते जै खून केरेलो त तैस आदालत सज्जा देली।” 22 पन मेसू जॉनू एने कि जै कोई अपने ढ्लाए पुड़ क्रोध केरते, परमेशर तेरेरो इन्साफ केरेलो, ते जै कोई अपने ढ्लाए जो निकम्मो जोते त तैस भी महासभा मां जुवाब देनो पेनोए, ते जै कोई अपने ढ्लाए जो बिवरकूफ़ ज़ोलो त परमेशर तैस नकेरे अगारी सज्जा देलो। (Geenna g1067) 23 एल्हेलेल अगर तू अपनि चढ़तल मन्नरे मां आनस, ते तैडी तीं याद एज्जे कि मीं अपने ढ्लाए सेइं किल्ह गिलोए। 24 त तू अपनि चढ़तल बलिदान चाढ़नेरे ठैरी पुड़ छेड़तां पेहले अपने ढ्लाए सेइं मेल-मलाप केरां, फिरी अपनि चढ़तल चैड़ा। 25 अगर कोई मैन्हु तीं पुड़ दाओ एकरां तांग आदालती मां नेनो चाते, त तू बत्ता तैस सेइं मेल-मिलाप केरां न त तैनी तू हाकिमे का खड़ो केरनोस, ते तैनी तू स्पैष्टीएरे हवाले केरनोस ते स्पैष्टीएरु तू कैद केरना छुनोस। 26 अवं तुसन सेइं सच्च जोताई कि जां तगर तू पाई-पाई न देलो त तांगर तैटूं छुट्टी न सकेलो।” 27 “तुसेई शुनेस्थ थियूं कि ई हुक्म दित्तोरो थियो, ‘बदमाशी नई केरिन।’ 28 पन अवं तुसन इन भी जोताई कि जै कोई केन्वी कुआन्शी पुड़ गेन्दी नज़रा सेइं तकते, तैनी अपने दिले मां पेहली तैस सेइं बदमाशी केरि छड़ी। 29 अगर तेरी देइनी अङ्ग तीं पाप केरेले लेइ ठोकर खुवाए, त तैस केढता शार, किजोकि तेरी पूरी जान नरके मां छड़े गाने करा तेरे लेइ एन्ने रोहुए कि तेरी जानी मरां अक अंग नाश भोए (Geenna g1067) 30 अगर तेरो देइनो थही तीं पाप केरेसे लेइ ठोकर खुवाए त तैस केटां शार, किजोकि तेरी पूरी जान नरकेरी अग्गी मां गाने करां तेरे लेइ एन्ने रोहुए कि तेरी जानी मरां अक अंग नाश भोए।” (Geenna g1067) 31 “एन भी जॉस थियूं ‘जै कोई अपनि कुआन्श शारे त एन ज़रूरीए कि फारखी लिखतां हावाले केरे।’ 32 पन अवं तुसन सेइं जोताई, कि जै कोई अपने कुआन्शी बदमैशरे अलावा हारि केन्वी गल्ली पुड़ फारखी दे, त तै तैस केरां बदमैशी केरवाते। ते जै कोई तैस शीरोरी कुआन्शी सेइं इला बनाते, त तै भी तैस सेइं बदमाशी केरेस।” 33 “तुसेई शुगो, कि ई हुक्म दित्तोरो थियो, ‘झूरी कसम नई केरनि, पन कसम प्रभुएरे लेइ पूरी केरथ।’ 34 पन अवं तुसन सेइं जोताई कि कथे कसम न केरथ, न स्वर्गेरी, किजोकि तै परमेशरेरो तखत आए। 35 न ज़मीनारी किजोकि परमेशर तैडी पाव रखते, ते न यरक्षलेम नारोरी किजोकि तैन महा राजां केसू नगर आए। 36 ते न अपने दोगेरी कसम केरथ, किजोकि तुस अपनो अक बाल भी छित्तो या कालो न केरि सकतथ। 37 पन हांएरी ठैरी हाँ ते नाएरी ठैरी न ज़ोथ, किजोकि जैन किछ एस करा जादे तैन बुरेई यानी शीतानेरे पासेंरां आए।” 38 “तुसेई शुनोरुए, कि मूसेरे कानूने मां लिखोरुए, कि अछ़छेरे बदले अछ़ ते दंतेरे बदले दंत। 39 पन अवं तुसन सेइं जोताई कि, बुरे मैन्हु करां बदलो ने नेड्यथ। अगर कोई तेरे देइनी ख्यखोड़ी पुड़ थप्पड़ बालो त तू बाएं पासो भी तैसेरे पासे रेख्यां। 40 ते अगर कोई मुकदमो केरां तेरी कमीज़ नेनी चाए त तू कोट भी तैसेरे हवाले केरां। 41 ते अगर कोई सिपाई तीं भारो छुने अक मील नेने चाए त तू दूँड़ मील गेइयां। 42 जै कोई तीं करा किछ मग्गे, तैस दे। ते जै कोई तीं करा

ओथार मग्गे त तुतर न फिरेइयां।” 43 “तुसेई शुनोरुए, कि मूसेरे कानूने मां लिखोरुए, कि ‘अपने पड़ोसी सेइं अपनो ज़रो प्यार केरथ ते दुश्मने सेइं बैरे रेखथ।’” 44 पन अवं तुसन सेइं जोताई, कि अपने दुश्मन सेइं प्यार केरा, ते जैना तुसन सतातन तैन केरे लेइ प्रार्थना केरा। 45 ज़ैस सेइं तुस अपने स्वर्गेरी बाजी केरे बच्ये बेनि सकतथ, जै अपनो दिहाड़ो अपने रोडे लोकन पुड़ चमकाते ते बुरे लोकन पुड़ भी, ते धेर्मी लोकन पुड़ झाड़ी देते ते बुरे लोकन पुड़ भी। 46 किजोकि अगर तुस तैने लोकन हिरानेरे लेइ न केरा, नई तुश्रो स्वर्गेरी बाजी तुसन कोई इनाम मैलू? कुन चुनी धिने बाले भी एने न केरन?” 47 “ते अगर तुस सिफ़ अपने ढ्लालां जो नमस्कार ज़ोथ, त तुस होरन करां जादे कुन केरतथ? कुन गैर कौमां केरे लोक जैना परमेशरेरो कानूने न मनन् तैना भी एक न केरन? 48 तुसन तैन लोकन सेइं प्यार केरेसी ज़रूरत आए, जैना तुसन सेइं प्यार न केरन, एन्वरां तुस सिद्ध भोले जेन्वरे स्वर्गे मां रानेबालो तुश्रो बाजी सिद्ध आए।”

6 “खबरदार, तुस अपने रोडां कम्मा सिफ़ लोकन हिरानेरे लेइ न केरा, नई तुश्रो स्वर्गेरी बाजी तुसन कोई इनाम न देलो। 2 एल्हेलेल ज़ैखन तू गरीब मैन्हु दान देस, त तू दुँदुरो न बजेइयां, ज़ेन्वरे पाखंडी लोक प्रार्थना घरन मां ते गेल्लन मा केरतन, ताके लोक तैन केरि तारीफ केरन। अवं तुसन सेइं सच्च जोताई कि जैन इनाम तैन मैलू थियूं तैन सिफ़ इन्ने, कि लोकेई तैन केरि तारीफ की (परमेशरे करां तैनन् कोई इनाम न मैलेलो।) 3 पन ज़ैखन तू गरीब मैन्हु दान देस, त केन्वी पतो न लोडे लगोरो कि तीं कुन दित्तू। 4 ताके तेरु दान छप्पोरु भोए, तैखन तेरो बाजी जै छेप्तां तकते, तीं इनाम देलो।” 5 “ज़ैखन तू प्रार्थना केरस त पाखंडी लोकां केरो ज़ेरो न बेना, जैना प्रार्थना घरन मां ते सङ्कां केरे मोडन पुड़ खेडोहितां प्रार्थना केरनि सुखातन, ताके लोक तैन तककन ते तैन केरि तारीफ़ केरन। अवं तुसन सेइं जोताई कि जैन इनाम तैन मैलूलो लोडतु थियूं तैन सिफ़ इन्ने, कि लोकेई तैन केरि तारीफ की (परमेशरे करां तैनन् कोई इनाम न मैलेलू।) 6 पन ज़ैखन तू प्रार्थना केरस त अकैल्लो अपने कमरेरो अन्तर गा, ते दार बंद केरतां अपने परमेशरे कां जै लेइहोए न तैस कां प्रार्थना केरा। तैखन तुश्रो बाजी परमेशर जै लेइहोए न, जै हर वक्त तीं तकतो राते तै तीं इनाम देलो। 7 प्रार्थना केरते बार, गैर कौमा केरु ज़ेरु बक्कब केरन केरां, किजोकि तैना समझातन कि तैन केरे बक्कब केरसे सेइं तैन केरि प्रार्थना शुनी गाली। 8 तैन केरे ज़ेरे न बाना, किजोकि तुश्रो बाजी तुश्रे मग्गे करां पेले तुश्री ज़रूरतां ज़ानतो।” 9 “एल्हेलेल तुस एन्वरे प्रार्थना केरा, हे इश्वे बाजी, तू जै स्वर्गे मां आस, लोक तेरी आदर केरन किजोकि तू पवित्र परमेशर आस। 10 तू सेब्बी लोकन पुडे ते चीज़न पुड़ राज़ केरस। तेरी मर्जी जेन्वरे स्वर्गे मां पूरी भोये, इस धरीती पुड़ भी भोए। 11 इश्वी रोज़ेरी रोटी अज़ असन दे। 12 ते जेन्वरे अस जैना इश्वे खलाए बुराए केरतन, तैन माफ़ केरतम, तेर्वरे तू भी इश्वी बुरैई माफ़ केर। 13 अज़मैशरेरो जियिरो असन पाप केरने न दे, पन बुरैई यानी शैताने करां बवेइया, (किजोकि राज़, शक्ति ते महिमा हमेशा तेरी भोती राए। आमीन।)” 14 “एल्हेलेल अगर तुस लोकां केरे पाप माफ़ केरेले, त तुश्रो स्वर्गेरो बाजी भी तुश्रे पाप माफ़ केरेलो। 15 ते अगर तुस लोकां केरे पाप माफ़ न केरेले, त तुश्रो स्वर्गेरो बाजी भी तुश्रे पाप माफ़ न केरेलो।” 16 “ज़ैखन तुस बरत रखत, त पाखंडी लोकां केरु ज़ेरु अपनू तुतर न बगै़डथ। तैना अपनू तुतर बिगाडतन, ताके लोकन पतो लगे कि एनेई अज़ बरत रख्योरुए ते तैन केरि तारीफ़ केरन। अवं तुसन सेइं सच्च जोताई कि जैन इनाम तैन मैलू थियूं तैन मैल्ली जेव। 17 बल्के जैखन तू बरत रखस त अपनू तुतर धोइयां ते दोगे तेल मेल्लां। 18 ताके लोक नई, पन तेरो स्वर्गेरो बाजी, जै लेइहोए न तै लाए कि तीं बरत रख्योरुए तै तीं इनाम देलो।” 19 “एपू जैई धरीती पुड़ दौलत अकोटी न केरा, जैडी किडे खातन ते मारौदो लेगतां नाश केरते, ते ज्वोर तुश्रु घर ट्लोडांतो ज़ोरी केरतन। 20 बल्के रोडु केरतां अपने लेइ स्वर्गे मां दौलत अकोटी केरा जैडी न किडी लागे, ते न मोरज्जो लागे ते न ज्वोर ज़ोरी केरेले। 21 किजोकि जैडी तेरी दौलत भोली, तैडी

तेरो दिल भी लगेतो।” 22 “अछ जानेरे लेइ दीयेरी जेरि आए, एलहेरेलेइ अगर तेरी अछ रोड़ी साफ आए, त तेरी सारी जान लौ भोली। 23 अगर तेरी अछ खराब आए, त सारी जानो मां अंधूर भोलू। बस अगर ज़े लौ तीं मां आए तै अंधूर बेनि गाए, त तैन केनू अंधूर भोलू!” 24 “कोई मैनू दूद मालिकां केरि सेवा एक्की वक्ते मां मां केरि सके। न त एक्की सेइ दुश्मनी केरेलो ते होरि सेइ प्यार केरेलो, या एक्केरो बेनतां रालो त होरि न सुखालो। तुस परमेश्वरी ते दौलतरी, दुधां केरि सेवा न केरि सकतथ। 25 एलहेरेलेइ अंवं तुसन सेइ ज़ोताई, कि तुस अपने ज़िन्दगरी ज़रूरतां केरे लेइ फिक्र न केरा, कि तुस कुन खाले या कुन पीले, ते न अपने जानारी कि कुन लामेलो। कुन प्राण रोटी करां ते जान लिंगडे करां बेधां नई!” 26 “अबरेरे चुदीलन हेरा! तैना न किछ बेन, ते न किछ कटून, ते न अकोटे केरतां रखन, फिरी भी तुश्वो स्वर्गरो बाजी तैन खाने जो देते ते तैन केरि हेरोश केरते। कुन तुश्वी कदर तैन करां जादे नई? 27 तुसन मां एरो कौन आए, ज़ै फिक्र केरतां अपनि उमर अक घडी भी बधैर्ह सकतो?” 28 “ते लिंगडेरे लेइ किजो फिक्र केरतथ? जंगले मां सोसेनां फूँडु हेरा कि तैना केन्द्रे बेडोतन, न तैना मेहनत केरन, ते न तैन लिंगडां बनान। 29 फिर भी अंवं तुसन सेइ ज़ोताई कि राज्ञो सुलेमाने भी अपने सारे धन दौलतरे बावजूद भी तैन केरां ज़ेरा लिंगडा न लां। 30 एलहेरेलेइ ज़ैखन परमेश्वर मैदानेरो धास, ज़ै अज्ञ आए ते कालां लौवंते मां फुकोए, एरी खूबसूरी देते, त हे घट विश्वासे बाले लोकव, कुन तै तुसन लिंगड़ न देलो? 31 एलहेरेलेइ तुस किफ्र केरतां एन न ज़ोल्यथ, कि ‘कुन खामेले, या कुन पीमेले, या कुन लामेले?’ 32 किजोकि गैर कौमां एन गल्लां केरि फिक्री मां रेडचन ते तुशो स्वर्गरो बाजी जानते, कि तुसन कोनां-कोनां चीजां केरि ज़रूरत आए। एलहेरेलेइ तुस कोन्ची चीज़री फिक्र न केरा। 33 पन पेइले तुस अपने आपे परमेश्वरे राज्ञेरे लेइ अर्पण केरा, ते तैन कम केरा ज़ैन परमेश्वरी नज़री मां रोटु भोते, त इना सैरी चीजां भी तुसन मैल्ली गैली। 34 एलहेरेलेइ कालेरे बारे मां फिक्र न केरथ, किजोकि कालेरी दिहाड़ी अपने लेइ एप्पु फिक्र आनेली। अज़्जेरे लेइ अज़ेरो दुख सुद्धाए।”

7 “केन्ची पुडु दोष न तेइयथ, तुसन भी दोष न लगेतो। 2 किजोकि ज़ैन्चरे तुस होरि पुडु दोष लाएले, तेन्चरे परमेश्वर भी तुश्वो इन्साफ केरेलो। ज़ैन्चरे तुस होरि लोकन सेइ बतावि केरतथ, तेन्चरे परमेश्वर तुसन सेइ बतावि केरेलो।” 3 “तू अपने द्लालारी एछळी मां कूड़ो किजो तकतां, पन तेरी एछळी मां त नग आए, ते तैसेरो तू खियाल भी न केरस? 4 ज़द तेरी एछळी मां नग आए, त तू कौस ऐरी सेइ अपने द्लालो जो ज़ोई सकतां कि, ‘एई, अंवं तेरी एछळी मरा कूड़ो केही!’ 5 हे पाखंडी! पेइले अपने एछळी मरां नग कळ, ते किरी अपने द्लालारी एछळी मरा रोटे चारे तेकतां कूड़ो केही सकतस।” 6 “ज़ैना लोक परमेश्वरू वचन शनूं न चान, तैन न शुनाथ। अगर तुस एन्चरे केरेले, त पवित्र चीज़ कुतरन कां छड़नेरे बाबार ते कने मोती सूरन कां छड़नेरे बाबार भोले, कि तैना तैन पव्वन हैठ डुलन्चन ते बेदलोइतां तुसन पुडु हमलो केरेलो।” 7 “परमेश्वरे करां मगगा, त तुसन दितू गालू। ते तोप्पा, त तुसन मैल्ली गालू। ते दार गुडकाथ, त तुशो लेइ खोल्लू गालू। 8 किजोकि ज़े कोई मगते तै हासिल केरो, ते ज़े कोई तोपते तैस मैल्ली गाते, ते ज़े कोई दार गुडकाते तै तैसेरेलेइ खोलू गालू। 9 तुसन मां एरो कौन आए, कि अगर तैसेसु मटू रोटी मगगे, त तै तैस घोड़ दे? 10 या अगर मछली मगगे, त तैस सप दे? 11 ते तुस बुरे भोनेरे बावजूद भी अपने मटून रोड़ी चीजां देनी ज्ञानतथ, त तुशो स्वर्गरो बाजी तुसन रोड़ी चीजां कि न देलो, जैना तैस करां मगतन? 12 ज़ेरु तुस चातथ कि लोक तुसन सेइ केरन, तुस भी तैन सेइ तेरहु केरा, किजोकि मूसेरो कानूनेरो त कने नेबी केरि लिखोरी शिक्षा ईं आए!” 13 “तुस परमेश्वरे राज्ञे मां सिंक सुन्कड़े दरेरां बत्तां गेइ सकतथ। किजोकि तैन दार चौड़ु, ते तै बत बड़ी खुल्ली आए ज़े नाशेरे पासे गाचे, ते तैस बत्तां गानेबाले बड़े आन। 14 किजोकि तैन दार सोंकड़ु आए, ते तै बत असुखती आए, ज़ै हमेशारे पासे गाचे, ते

तेरहां गानेबाले थोड़े आन।” 15 “झूठे नेबन करां खबरदार रेड्यथ, जैना तुसन कां भैड़ुन केरे रूपे मां इटन पन असली मां तैना मासे बालां गिदां भोतन। 16 तुस तैन केरे कम्मन सेइ तैन पिशानेले, कुन लोक डाल्लन सैहीयरां दालू कदठन ते करेरी सैहीयरां फैगू ट्लोडतन? 17 एलहेरेलेइ हर एक्की रोड़े बुटे रोडो फल लगते, ते हर एक्की बुटे बुटे बुरो फल लगते। 18 रोडे बुटे बुरो फल न लगे, ते न बुटे बुटे रोडो फल लगते। 19 ते ज़ैस बुटे रोडो फल न लगे तै केटां अग्गी मां फुकतां छडतन, तेन्चरे झूठे नेबन भी सज्जा मैलेली। 20 बस्सा, तुस तैन केरे कम्मन सेइ तैन पिशानेले।” 21 “मींजो, ‘हे प्रभु, हे प्रभु’ जैनेबाले सारे मैनू द्व्यगरे राज्ञे मां दाखल न भोले, पन ज़ै, मेरे स्वर्गेर बाजी केरे मेर्जी पुडु च्लाने बालोए तै ज़रूर दाखल भोले। 22 इन्साफेरे दिहाड़ी बडे लोक मां सेइ ज़ोले कि, ‘हे प्रभु, हे प्रभु’ कुन असेइ तेरे नंवे सेइ भविष्याचानी नई कियोरी? ते तेरे नंवे सेइ भूतां नई कढोरां ते तेरे नंवे सेइ बडे चमत्कार नई हेरेवरे? 23 तैखन अंवं तैन जो साफ ज़ोलो, ‘अंवं तुसन कथे न ज़ैनी, ओ बुरा कम्मा केरने बालाव, मेरे तुतर अगरां दूर भोथा।’” 24 “एलहेरेलेइ ज़ै मेरी गल्लां शुनते ते तैन पुडु अमल केरते त तै तैस अकलमन्द मैनेरो ज़ेरो भोलो, ज़ैनी अपनू घर शफ़डी पुडु बनेवरु। 25 झाड़ी लग्गी ते हडाई आई अंधगुबारी भोड़े ते तैस घरे कां पुजी ते तैन घर डुल्लू किजोकि तैसेरी मुनीयाद पेककी शफ़डी पुडु कढोरी थी। 26 पन ज़ै मेरी गल्लां शुनते ते तैन पुडु अमल न केरे, त तै तैस बेकूफ मैनेरो ज़ेरोए भोलो, ज़ैनी अपनू घर रेती पुडु बनेवरु थियू। 27 झाड़ी लग्गी ते हडाई आई अंधगुबारी भोड़े ते तैस घरे कां पुजी ते तैन घर डुल्ली जोवं ते बरबाद भोवं।” 28 ज़ैखन यीशुए एना सैरी गल्लां शुनेइतां झाड़ी, त सारे लोक तैसेरी शिक्षा शुन्तां हैरान भोए। 29 किजोकि यीशु तैन शास्त्री लोकां केरि ज़ेरि नई, बल्के अधिकारे सेइ शिक्षा देतो थियो।

8 ज़ैखन तै पहेड़ी पुडुन उन्डो अव, त बडे लोक तैस पत्पती ज़ले। 2 तैखन एक्की कोडे यीथु कां ज़ैन्यु केरे भारे बिश्तां तैस कां मिन्नत केरतां ज़ोवं, “हे प्रभु अगर तू चास त मेरु कोढ बज़्जोई सकतस।” 3 यीशुए तैस पुडु हथ रेखतां ज़ोवं, “अंवं तार्हां, तू बज़्जोसा।” ते तै कोढी तैखने साफ भोड़े जेव। 4 यीशुए तैस सेइ ज़ोवं, “हेर, एस गल्लरे बारे मां केन्ची सेइ किछ न ज़ाइयां। बल्के अपनो आप याजक हिरा। तैल्ला पत्ती, तू अपने बेड़ोनेरे वजाई सेइ चढ़तल चाढ़, ज़ेसेरे बारे मां मूसा नेवे कानूने मां हुक्म दितोरोए, ताके लोकन पतो च्ले कि तू बेड़ोनेरोस।” 5 ज़ैखन यीशु कफन्हन्यू नगर मार माव अव त अक रोमी सूबेदार ज़ै 31 सिपेहिन केरो अफसर थियो, तैनी यीशु कां इटां बिनती की। 6 “हे प्रभु, मेरो नौकर अधरोंरो मरीज घरे बिमार भोरोए, तै चलनेरो काबल नई, ते तै बेडि तकलीफी मां आए।” 7 तैनी तैस सेइ ज़ोवं, “अंवं एज्जेलो ते तैस बज़्जोइलो।” 8 सूबेदार जैने लगो, हे प्रभु अव एस काबल नई कि तू मेरे घरे मां एज्जी सकस; पन तू अगर सिके ज़बाना सेइ ज़ोस त मेरो नौकर बेड़ोली। 9 किजोकि अंवं भी केचेरे अधिकारे मां कम केरताई, ते सिपाही मेरे अधीन आन, ते ज़ैखन एक्की जो ज़ोताई इकि गा, त तै गाते ते होरी जो ज़ोतां एई, त तै एइते ते अपने सेवेके जो ज़ोताई इन कम केर त तै केरते। 10 यीशु एन शुन्तां हैरान रेड जेव, ते एप्पु पत्ती ज़लने बाले मैनू सेइ ज़ोने लगो, “अंवं तुसन सेइ साव चाव ज़ोताई, कि मीं इसाएल मूलख्ये मां इस गर्यादी मैनेरो जेरो मैनू नई लोवरो जै मीं पुडु एत्रो विश्वास केरे।” 11 अव तुसन सेइ ज़ोताई कि बडे गैर कौमां केरे लोक पूर्वों ते पछमों एइतां अब्राहमे, इसहाक ते याकूबे सेइ साथी परमेश्वरे राज्ञेरी धामी मां शामिल भोले। 12 पन इसाएली लोक बेइर आधरे मां छड़े गाले ज़ैडी तैना लेरां देते ते दंत चापते राले। 13 ते यीशुए तैस सूबेदारे सेइ ज़ोवं, “धेर जो गा, जेरो तेरो विश्वासे तेरे तेरहु केरा, किजोकि मूसेरो कानूनेरो त कने नेबी केरि लिखोरी शिक्षा ईं आए!” 14 तुस परमेश्वरे राज्ञे मां सिंक सुन्कड़े दरेरां बत्तां गेइ सकतथ। किजोकि तैन दार चौड़ु, ते तै बत बड़ी खुल्ली आए ज़े नाशेरे पासे गाचे, ते तैस बत्तां गानेबाले बड़े आन। 15 तैनी तैसारो हथ द्लातो ते अकदम तैसारो भुखार उतरी जेव, ते तै खड़ी उड़तां तैसेरी सेवा केरने लग्गी। 16 ज़ैखन ड्लोडा भोड़े त लोकैदै बडे बिमार, जैन पुडु भूतां केरो सायो थियो तैस कां आने, ते तैनी तैन भूतां

अपने वचने से इंकड़ां, ते सारे बिमार बज़्ज़ाए। 17 ताके यथायाह नेबेरी जोरी तै गल पूरी भोए कि, “तैनी एप्पू इश्शी कमज़ोरी हटेड़ ते इश्शी बिमैरी भी मुकेई।” 18 यीशुए अपने ब्रैंडे पासन मैनू करे भीड़ लेइता अपने चेलन, गलील समुन्दरे पार गानेरो हुक्म दितो। 19 ज़ैखन तैना पार गानेरी तियारी केरने लगे, त तैखन अक शास्त्री मैनू तैस कां एइतां ज़ोने लगो, “गुरु, तू ज़ेरहां भी गालो त अवं तीं पत्ती च्चलोलो।” 20 यीशुए तैस जो ज़ोवं, “लौई केरि कूड़ां, ते अम्बरेरे चुड़ोल्लू केरे आले भोतन, पन मैनेरे मट्टे यानी भी कां कोई ठार नई ज़ैडी अवं झुल्लू सेक्क्वी।” 21 चेलन मरां एक्के होरे तैस से इं ज़ोवं, “हे प्रभु, मीं घेरे गानेरी अज़ाज़त दे, मेरे बाजेरे मरनेरां बाद अवं तैस देबतां एजेलो ते फिरी तीं पत्ती च्चलोलो।” 22 यीशुए तैस जो ज़ोवं, “तू मेरो चेलो बन ते मीं पत्ती च्चल, ते ज़ैना लोक आत्मिक तरीके से इं मरने तैन अपने मैनू मसने बलगने दे।” 23 ज़ैखन यीशु किश्ती मां च्छो त तैसेरे चेले भी तैस से इं साथी ज़रे। 24 ते अचानक समुन्दरे मां अक बड़ो तूफान अव ते किश्ती छेलहैर्से इं सें छपने लगी ते यीशु तैस मां झुल्लोरो थियो। 25 तैखन चेलैड़ तै बीझेइतां तैस से इं ज़ोवं, “हे प्रभु, असन बचा। अस त डुबने लोरेम।” 26 तैनी तैन से इं ज़ोवं, “हे घट विश्वास बालाव, तुस किजो डरतथ?” तैखन तैनी खड़े उट्टां तूफान त समुन्दर डाटो, तैखने तूफान रुकी जेव त समुन्दर बडे शांत भोव। 27 लोक हैरान भोइतां ज़ोने लगे, “ए मैनू कोन आए कि तूफान त समुन्दर भी एसेरो हुक्म मन्तन।” 28 ज़ैखन तै गलील समुन्दरे पार, गिरसेनी इलाके मां पुज़ा, त दूझ मैनू ज़ैन पुड़ भूतां केरो सैयो थियो कब्रन मामेंड यीशु कां मिनत नाए। तैना एत्र मिगर थिय, कि कोई भी तैस बत्तां निस्सी न थियो बटतो। 29 तैना ज़ोर-ज़ोरे चिन्डाूं मारने लगे ते ज़ोने लगे, हे परमेशरो मट्टां, तीं असन से इं कुन कम्मे? कुन तू बुक्के करां पेइले असन नरके मां छड़ने औरोस? 30 तैन केरां दूर सूराूं केरो अक बड़ो धान च्चरने लोरो थियो। 31 भूतैई यीशु कां मिनत केरां ज़ोवं, “अगर तू असन कढ़ने चातस त उन सूराूं केरे धाने मांजो भेज़।” 32 तैखन यीशुए ज़ोवं, “गाथ,” तैना भूताूं तैट्टां निस्तां तैन सूराूं केरे धाने मां जेआ, ते सूराूं केरो सारो धान उछड़तो-उछड़तो डैल्लै मां गेइता सारे सूर मेरि जे। 33 तैखन सूराूं केरे चानेबालै एन हेरु, तैना डेरी जे, ते तैनैई नारेरे लोकन से इं सारो बिस्तार दितो, ते ज़ैन पुड़ भूतां केरो सैयो थियो तैन केरो हाल भी शुनाव। 34 तैस नगरेरे सारे लोक यीशु से इं मिलनेरे लेइ आए ते यीशु लेइतां लोक मिनत केरतां ज़ोने लगे, इश्शो इलाके मरां च्चलो गा।

**9** फिरी यीशु किश्ती मां च्रेहतां दरियाए पार जो जेव, ते अपने नगर मां अव। 2 ते हेरा, किछ मैनेर्ई अक अधरंगी मैनू खट्टी पुड़ छुइतां तैस कां आनो, ज़ैखन यीशुए तैन केरो विश्वास हेरो, त तैस अधरंगी मैनू जो ज़ोवं, “मट्टा, गा हिम्मत रख, तेरे पाप माफ़ भोए।” 3 एस गलील पुड़ किछ शास्त्री एप्पू मामेंड ज़ोने लगे, “ए त परमेशरेरी तुरीन केरतो।” 4 यीशुए तैन केरि मनेरी गल्लां बुझाताूं तैन जो ज़ोवं, “तुस अपने-अपने मने मां एन्वरां किजो सोचने लगोरेथ? 5 एन ज़ोनु कुन सुखतुपै कि गा “तेरे पाप माफ़ भोए,” या एन ज़ोनु कि “उठ, ते च्चल फिर?” 6 पन अवं किल केरनेबालैई, ज़ैस से इं तुसेर्ई बुझन्नूए कि मैनेरे मट्टे (यानी भी) धेरती पुड़ लोकां केरे पाप माफ़ केरनेरो अधिकार आए।” 7 तैखन तैनी तैस अधरंगी मैनू जो ज़ोवं, “अपनि खट्ट छुइतां अपने धरजो च्चलो गा।” 7 त अधरंगी मैनू तैखने अपनि खट्ट छुइतां धरजो च्चलो जेव। 8 लोक एन हेरतां डेरी जे ते परमेशरेरी बड़ायाई केरने लगे, कि ज़ैनी मैनू एत्रो अधिकार दितोरोए। 9 ज़ैखन यीशु तैट्टां अग्रोव च्चलो त तैनी अक मर्ती नंवेरो मैनू, चुंगी नेनेबालो दफ्करे मां बिश्शरो लाव, ते यीशुए तैस जो ज़ोवं, “तू मीं पत्ती च्चल।” तै तैखने यीशु पत्ती च्चलो। 10 ते ज़ैखन यीशु अपने चेरोे घेरे गेइतां रोटी खाने बिश्शो ज़ेसेरू नवं मर्ती थियूं, त बड़े चुंगी नेनेबाले ते पापी मैनू भी आए ते यीशु त तैसेरे चेलन से इं साथी रोटी खाने बिश्शो। 11 ज़ैखन फरीसी लोकैई एन हेरु, त तैनैई तैसेरे चेलन पुच्छु, “तुश्शो गुरु चुंगी घिन्ने बाले ते पैपी लोकन से इं साथी रोटी किजो खाते?” 12 एन शुन्तां यीशुए तैन मिसाल देइतां ज़ोवं, “सझार लोकन

डाक्टरेरी ज़रूत न भोए, पन बिमार भोचे।” 13 फिर भी तुस गेइतां एस गल्लरो मतलब कठा, “अवं बलिदान नई बल्के दया पसंद केरताई, किजोकि अवं धर्मी लोकन नई बल्के पापी लोकन कुजाने ओरोई।” 14 तैखन यूहन्नारे चेले यीशु कां एइतां ज़ोने लगे कि कुन वजा आए, कि अस ते फरीसी लोक त बरत रखतम, पन तेरे चेले किजो बरत न रखन? 15 यीशुए तैनन् ज़ुवाब दितो, “झुलाएरे दिहाड़े, ज़ैखन लाडो जैनी से इं साथी राते, कुन जन शौग बने इं सकतन? पन तैना दिहाड़े एज्जले, जेहस लाडो तैन केरां अलग कियो गालो (यानी मारो गालो), तैखन तैना (अपने दुख्खेरे वजाई सेंदे) बरत रखेले। 16 अवं तुसन अक होरि मिसाल देताई, नंव्य लिगारेई टलोई पुराने लिगड़े कोई न लाए। किजोकि नंव्य लिगारेई टलोई पुराने लिगड़े अपने पासे खिच्ची छुड़ेली। ते तैन पेइले केरां भी जादे छिन्दोलू। 17 ते नंव्य दाढ़ारो रस पुरैनी मसकन मां न भरन, किजोकि मसकां फैट्टी गाचिन ते दाढ़ारो रस ज़ैया भोइ गाते ते मसकां भी कोन्वी कम्मेरी न रान। एल्होरेलै नंव्य दाढ़ारो रस नेव्वी मसकी मां छुडतन ताके दुधे बरबाद न भोन।” 18 यीशुए एन गल्लां हेजू मसां ज़ोने लारो थियो, त प्रार्थना घेरो अक प्रधान अव ते यीशु कां मथ्थो टेकां ज़ोने लगो, मेरी कुई मेरि जोरीए, “पन तू अगर एइतां तैस पुड़ हथ रखतस तै हुन्ना ज़ींती भोइ गानीए।” 19 यीशु तैस से इं साथी च्चलो जेव, ते चेले भी तैस से इं साथी जे। 20 ते एरु भोव कि अक कुआन्स भी थी, ज़ैस 12 सालां केरि खुन च्चलनेरी बिमारी थी। तैसां यीशु पत्पती एइतां तैसेरे चोगे से इं हथ लाव। 21 किजोकि तै अपने दिले मां एन ज़ोती थी, कि अगर अवं यीशुए चोगे से इं हथ लाएली त अवं बेज़ोड़ो गानीं। 22 यीशुए बेदलोइतां तैस कुआन्से पासे तक्कु ते ज़ोवं, “हे कुईरा, विश्वास रख, तेरे विश्वासे से इं तू बैज़ोरोस” ते तै तैखने बेज़ोड़ो ज़ोई। 23 ज़ैखन यीशु तैस प्रधानेरे घेरे पुज़ो, त लोक नारारो बज़ाते ते लेरां देंते लाए। 24 तैखन यीशुए तैन लोकन से इं ज़ोवं, “दूर भोथ, किजोकि कुई मर्सी नई, बल्के झुल्लोरी।” एन शुन्तां तैना लोक हसने लगे। 25 पन ज़ैखन लोक तैट्टां दूर कडे, त यीशुए अन्तर गेइतां कुद्यरो हथ ट्लाव, त तै ज़ींती भोइ। 26 ते एस गल्लरी खबर सेरे इलाके मां फैली ज़ोई। 27 ज़ैखन यीशु तैट्टां अग्रोव च्चलो, त दूझ काने तैस पत्ती चिन्डाूं मारते ज़ोने लगो, “हे दाऊदेरा मट्टां असन पुड़ दया केरा।” 28 ज़ैखन तै घेर अन्तर जेव, त तैना काने तैस कां आए, ते यीशुए तैन से इं ज़ोवं, “कुन तुसन विश्वासे, कि अवं तुसन बज़ोड़ेई सकताई?” तैनैई ज़ुवाब दितो, “हाँ प्रभु, अस विश्वास केरतम, तू असन बज़ोड़ेई सकतस।” 29 तैखन तैनी तैन केरि एछुलन से इं हथ लाव ते ज़ोवं, “तुस विश्वास केरतथ कि अवं बज़ोड़ेई सकताई, अवं तुसन बज़ोड़ेइलो।” 30 ते तैना लहने लाए, ते यीशुए तैन रोदेच्चारे समझोइतां ज़ोवं, “खबरदार जैन मीं तुश्शे लेइ कियूं तैसेरे बारे मां कोन्वी से इं न जोइयथ।” 31 पन तैनैई बेडर गेइतां सारे मुलखे मां एस चमत्कारेरे बारे मां ज़ोवं। 32 ज़ैखन तैना बेडर च्चलोरो थियो, त लोकैई अक मैनू ज़ै गल्लां न थियो केरि बटो, किजोकि तैस पुड़ भूतोरो सैयो थियो, तै तैनैई यीशु कां आनो। 33 ते ज़ैखन भूतोरो सैयो तैस मेरां कडो, त लट्टे गल्लां केरने लगो, लोक बड़े भौरान भोइजेइ ते ज़ोने लगो, असेई एरो ज़ेरो इसाएले मां पेड़ते कधे नई लाहोरो। 34 पन फरीसी लोक ज़ोने लगो, “ए त भूतां केरे गुरेरी मद्दी से इं भूतां कंदहो।” 35 यीशु त कने तैसेरे चेले गलील इलाकेरे इलोंव्वन ते नगरन मां ते प्रार्थना घरन मां जो। ते तै शिक्षा देतो राव, ते परमेशरेरे राज़ज़ेरी खुशखबरी शुनातो राव, ते लोकां केरि हर किसमेरी बिमारी ते कमज़ोरी दूर केरतो राव। 36 ज़ैखन तैनी बड़े लोक लाए ते तैस तैन लोकन पुड़ बड़ो तरस अव, किजोकि तैना तैन भैड़ा केरे ज़ेरे थिये ज़ैन केरो कोई पुहाल न भोए, तैन केरो बड़ो तुरो हाल थियो ते तैना टेपलोरे थिये। 37 तैखन यीशुए अपने चेलन से इं ज़ोवं, “पकोरी फसलरे ज़ेरे बड़े लोक तियार आन ज़ैना परमेशरेरे वचने पुड़ विश्वास केरनू चातन, पन कम केरनेबाले थेड़े आन ज़ैना तैन परमेशरेरे राज़ज़ेरे बारे मां ज़ोन। 38 एल्होरेलै तुस फसलरे मालिके कां प्रार्थना केरा कि तै जादे कम केरनेबाले भेज़ो, कि तैना लोकन परमेशरेरे राज़ज़ेरे बारे मां ज़ोन।”

# 10 फिरी यीशुए अपने 12 चेले एप्पू कां कुजाए, ते तैन भूतां केरो सैयो

कङ्गेरो ते हर बिमारी ते तकलीफ दूर केरनेरो अधिकार दित्तो। 2 12 प्रेरितां केरो नव्वा इना आन, शमौन ज़ैस जो पतरस जौतन ते तैसेरो ढला अन्द्रियास, जब्देर मटू याकूब ते कने तैसेरो ढला यूहन्ना, 3 फिलिप्पुस, बरतुम्मै, थोमा, ते मर्ती चुंगी घिन्ने बालो, हलफ़िरु मटू याकूब, ते तदै। 4 शमौन कनानी, ते यहूदा इस्करियोती ज़ौनी ते ढलुवेवो भै थियो। 5 एन 12 यीशुए एन ज़ोइतां भजे, “गैर कौमां केरे पास न गेड्यथ, ते कने सामरी लोकां केरे केन्नी नगर मां न गेड्यथ। 6 बच्के द्याएलेर घरानोरी हेरोरि भैडुन कां गेड्यथ। 7 ते चलते-चलते, एन ज़ोंते गेड्यथ कि स्वर्गेरु राज नेडे ओरु। 8 बिमारन बङ्गेड्यथ, मुडन ज़ीति केरथ, कोडी केरु कोड साफ केरथ, ते भूतां केरो सैयो केढथ, तुसन एन सब किछ मुफ्त मैलोएप ते मुफ्त देइयथ। 9 ते साथी सोन्नू चाँदी ते पेंडिसे न रेखथ। 10 ते न बत्तारे लेइ झोलो नेइयथ ते न दूर्दूर्दूर लिगां, ते न बूट ते न सोटी, किजोकि मज़दूर अपनि मज़दूरारो हक्कदार भोते।” 11 “जैखन तुस केची नगर या ढलोवें मां गाथ त तुसु एरे मैनेरो पतो केरथ, कि कौन अतबारेरो काबल? तेंदुं ज़ां तगर गानेरो वक न एज्जे त तांगर तैडी तैसेरो कां रेइयथ। 12 ते घेरे मां अन्तर गांते बार तैन जो शान्ति देइयथ।” 13 “अगर तैन घर तुशी काबल भौलू त शान्ति पुजेली, ते अगर तैन घर तुशीशी काबल न भौलू त तुशीशी शान्ति तुसन पुड वापस एज्जेली। 14 ज़ै तुसन कबूल न केरे ते तुशीशी गल न मन्ने त तैस घेरे या नगर मरां बेइरोवं गांते बार अपने पावां केरि थूड तैडी झौङ्गथ।” 15 “अंवं तुसन सेइं सच जोताई कि इन्साफेरो दिहाडे तैस नगरोरो हाल सदोम ते अमोरा नगरां केरे हाले करां भी जादे बुरो भोलो।” 16 “हेरा, अंवं तुसन भैडुं केरे गिदन मां भेज्ने लोरोई, एल्हेरेलेइ तुस सप्पां केरे ज़ेरे हुशार ते कबूलतां केरे ज़ेरे सादे बेनथ। 17 मैन-करं हुशार रेइयथ तैना तुसन ढलेइतां सभान मां पैश केरेले ते प्रार्थना घरन मां तुसन कोडा केरि मार दुवाले। 18 ते तुसन मेरी वजाई सेइं गवर्नरन ते कने राजन कां हाजर केरेले, ताके तुस तैन मां ते गैर कौमन मां मेरे गवाह बन्थ। 19 पन ज़ैखन तैना ढलुवेइतां हावाले केरेले, ते तुस फिक्क न केरथ, कि अस कुन ज़ोमेते ते केन्वेरे ज़ोमेते, किजोकि जैन किछ ज़ौनू भौलू तैखने अंवं तुसन ज़ोइलो। 20 किजोकि ज़ोंते बाले तुस नई, बल्के पावित्र आत्मा भोलो ज़ै तुशीं स्वर्गेर बाजी पम्मेशरेरे तरफा आए।” 21 “ढला, ढलाए ते बाजी मटू मारनेरे लेइ सोफेले, ते मटूं अपने अम्मा बाजी केरे खलाफ भोइतां तैन माराले। 22 मेरे नंवेरो वजाई सेइं सब लोक तुसन सेइं बैर केरेले, पन ज़ै आखरी तगर बरदाशत केरेले तैससे मुक्ति मैलेली। 23 ज़ैखन लोक तुसन एक्की नगर मां साताले, त होरि नगर मांजो नेशी गेड्यथ, अंवं तुसन सेइं सच ज़ोताई कि एस करां पेइले तुस इसाएलेरे सैरी नगरन मां तुशू सफर पूरू न भोलू, त अंवं मैनेरु मटू एज्जी गालू।” 24 “चेलो अपने गुरु करां बड्डो न भोए, ते न नौकर अपने मालिके करां। 25 चेलेरे लेइ त एन्ने बडुए कि तै अपने गुरोरो ज़ेरो भोए, ते नौकरेरे लेइ एन्ने बडुए कि तै अपने मालिकेरे बराबर भोए, अगर तैनेई मालिके जो शैतान ज़ोवं, त तैसेरे घेरबालन जो केट्रु ज़ोन्पू।” 26 “तुस तैन करां न डेरथ, किजोकि कोई वीज़ा छुप्पेरी नई, ज़ै खोल्ली न गाली, ते कोई भेद छुप्पेरो न रालो, बल्के सारो भेद बांदो भोलो। 27 जैन किछ अंवं तुसन सेइं आंधरे मां ज़ोताई, तुस तैन दीसां ज़ोइयथ, ते जैन किछ तुशी कन्ने पत्र बल्हे सेइं शुनावं गांते, तुस लाए पुड गेइतां तैसेरो प्रचार केरथ। 28 तुस तैन करां न डेरथ जैन जानी त मारतन, पन आत्मा न मैरी बटन, परमेशरे करां डरा, ज़ै आत्माई ते जानी दुझे नकेरे मां नाश केरि बटते। (Geenna g1067) 29 कुन एक्की सिकेरी दूर्दू चङ्गोली न बिकन? फिरी भी तुशीशी बाजोरे मेरज़ोर बगैर तैन मरां अक भी धेरती पुड न झेड़ी बटन। 30 परमेशर तुशीशी हर गल्लरी किफ्र केरते इडी तगर तुशीशी दोगेरे बाल भी गन्नोरेन। 31 एल्हेरेलेइ डरा न, तुशीशी कदर बेड़ि चङ्गोलन करां भी बडी जादे।” 32 “जैना लोक, मैन्हु केरे सामने मेरो इक्करा केरतन कि तैना मेरे चेलेन, त अंवं भी अपने स्वर्गेरो बाजी केरे सामने तैन केरो इक्करा केरेलो, कि तैना मेरे चेलेन। 33 पन जैना लोक, मैन्हु केरे सामने इन ज़ोने करां डरेले, कि तैना मेरे चेलेन, त अंवं भी तैन केरो अपने स्वर्गेरो

बाजेरे सामने इन्कार केरेलो, कि एना मेरे चेले नई।” 34 “इन न सैमझाथ कि अंवं धेरती पुड एल्हेरेलेइ ओरोई लोक मेल मिलापे सेइं रान, पन मेरु एजनू लोकन एप्पू मांसेइ लडनेरी वजा भोड़, मेल मलाप नई।” 35 अंवं एल्हेरेलेइ ओरोई कि मटु बाजी करां ते कुड्डे अम्मा करां ते नुशी शिखी करां अलग केरि। 36 मैरे दुश्मन त तैसेरे अपने घेरे लोक भोनेन।” 37 ज़ै कोई अम्मा या बाजी मां करां जादे त्तलारे समझते, तै मेरो चेलो बन्नेरे काबल नई ते ज़ै कोई मटु या कुड्डे मां करां जादे समझते, तै भी मेरो चेले बन्नेरे काबल नई। 38 ज़ै कोई मेरो चेलो भोनेरी वजाई सेइं दुःख झौल्लनेरे लेइ त कने मरनेरे लेइ तियार नई, त तै भी मेरो चेलो बन्नेरे काबल नई। 39 ज़ै कोई मरने करां बज्जेरे लेइ मेरो इन्कार केरेलो, त तैन हमेशारी ज़िन्दगी न मैलेली। पन ज़ै मां पुड विश्वास केरनेरे वजाई सेइं अपने जान देनेरे लेइ भी तियार भोलो, त तैस हमेशारी ज़िन्दगी मैलेली। 40 “जैना तुसन कबूल केरतन, तैना मां कबूल केरतन, जैना मां कबूल केरतन, जैना अंवं इडी भेजोरोई।” 41 “जै नेबन, नवी सेमझातां कबूल केरेलो, परमेशर तैस नेवी केरे बराबर इनाम देलो, ते ज़ै धेर्मी मैन्हु धर्मी सेमझातां कबूल केरते, परमेशर तैस धेर्मी बराबर इनाम देलो। 42 ज़ै कोई इन निकड़न मरां एक्की मेरो चेलो बुझातां सिर्फ अक कटोरे ठेंदू पानी पियालो, अंवं तुसन सेइं सच ज़ोताई तैस पक्क इनाम मैलनू आए।”

# 11 ज़ैखन यीशुए अपने 12 चेलन हुक्म दित्तो, त तै तैडुं ख्लो जेव,

ताके चेला केरे नगरन मां गेइतां शिक्षा दे ते प्रचार केरे। 2 यूहन्ना नेवे कैदखाने मां मसीहों कम्मा केरे बारे मां शुन्नां तैस कां अपने चेले इन पुछ्हने भजे। 3 “तैनी तैन सेइं ज़ोवं, एजनेबालो मसीह तू आस, ज़ेसेरे बारे मां परमेशर वादो कियोरोए, या आस केन्नी होरि बलामप?” 4 यीशुए जैन जुवाब दित्तो, “जैन किछ तुस शुन्नत ते लातथ तैन गेइतां यूहन्ना सेइं ज़ोथ।” 5 कि काने लातन, ते टोटेन च्चलतन, ते कोडी केरु कोड शुद्ध भोते, ते टोंडने शुन्नत, ते मुड्डे ज़ीति भोतन, ते गरीबन खुशखबरी शुनाई गातीए 6 परमेशर तैस बरकत देते, ज़ै मां पुड शक न केरे।” 7 ज़ैखन यूहन्नारे चेले तैडुं ख्लो जे, त यीशु लोकन सेइं यूहन्नारे बारे मां ज़ोने लगो, “तुस सुनसान ठैरी कुन हैने जेरो थिये? कुन हावाई सेइं हिलते निरेहर डाले।” 8 त फिरी होरु कुन हैने जेरो थिये? माध्यं लिगां लेइतां कोई? हेरा जैन माध्यं लिगां लेइतां भोतन तैना महलन मां रातन। 9 फिरी तुस कुन हैने जेरो थिये? कुन कोई नेवी? हां पन अंवं तुसन सेइं ज़ोताई कि नेवी करां भी बहु हैने जेरो थिये। 10 इ तै एवं यूहन्ना आए ज़ेसेरे बारे मां परमेशर पवित्रास्ते मां ज़ोते, कि हेरा, “अंवं अपने बिस्तार देनेबालो तीं अग्री भेजताई, ज़ै तेरे लेइ बत तियार केरेलो।” 11 अंवं तुसन सेइं सच ज़ोताई, कि ज़ै कुआन्शन करां ज़रमोरोए तैन मां यूहन्ना बपतिस्मा देनेबाले करां कोई बड्डो नई भोरो, पन ज़ै स्वर्गेर राज्जे मां निकड़े करां निकड़ोए तै तैस करां भी बड्डोए। 12 यूहन्ना बपतिस्मा देनेबालेरे दिहाइन करां अज़ तगर प्रचार भोइ रावरोए, ते स्वर्गेरु राज जल्दी बधने लोएरु, पन बड़े निगर लोक तैस पुड हमलो केरतन। 13 सरे नेवी केरे लेख, ते मूसेरो कानून यूहन्ना तगर भविष्याणी केरते राए। 14 अगर तुस चाथ ते मन्थथ, एलियाथ ज़ेसेरे बारे मां नेबई ज़ोरु थियूं कि तै एजनेबालो थियो तै ईए। 15 ज़ै कोई समझानू चाते, तै थ्यान सेइं शुने ते समझो। 16 “अंवं इस जामानेरो लोकां केरे मिसाल केस सेइं देई, इना तैन मटू केरे जेरेन जैना बज्जारन मां बिश्तां अपने दोसन सेइं शक्येत केरतन, 17 कि असेई तुशी लेइ बाजी बजाव, ते तुस न नच्चे, ते असेई शोग कियो तै तुसेई छाती न पिट्ठी। 18 किजोकि यूहन्ना बपतिस्मा देनेबालो जादे तर बरत रखतो थियो, ते शराब न थियो पीतो, ते तैन तैस जो ज़ोतन कि एस पुड भूतेरो सैयो आए। 19 ते मैनेरु मटू यानी अंवं खातो पीतो, हेरा, ते तैन जातन केरे घट ते शराबी मैन्हु ते चुंगी नैनेबाले ते पापी लोकां केरो दोस्त, पन अकलमन्द कैनै तैसेरे कम्मेई सेइं पतो च्चलते।” 20 तैखन यीशु फिरी तैन नगरन मां गेइतां तैटैरे लोकन झिङ्कतां ज़ोने लगो, जैन मां तैनी चमत्कार कियोरे थी, पन तैनेई अपने पापन करां मन न फिराव। 21 “हे खुराजीन नगरेरो लोकव!

तुसन पुड़ अफसोस, हे बैतसैदा नगरे लोकव तुसन पुड़ अफसोस, कि जैना चमत्कार तुसन मां किये, अगर एना चमत्कार सूर ते सैदा नगर मां कियोरे भोथे, त तैन लोकैई केइसेरे देंतेरी टाट पलेटां ते मांजनी मां विश्वां अपने पापन करां मनफिरावरो भोथो। 22 पन अवं तुसन सेंड ज्योताई, कि इन्साफेरे दिहाडे परमेशर, जै सज्ञा सूर ते सैदा नगरा करे लोकन देलो, तुश्शी सज्ञा तैस करा भी जादे भोली। 23 ते हे कफरनहूम नगरे लोकव, कुन तुस सोचतथ कि स्वर्गे मां तुश्शी आदर भोनीए। नई तुस त नरके गाले जैडी पापी लोकन सज्ञा मैलेली। किजोकि जैना चमत्कार तुसन मां किये, अगर मीं एना सदोम नारे मां कियोरे भोथे त सदोम नगर अज तगर भी भोनू यीथूं (Hadēs g86) 24 पन अवं तुसन ज्योतां कि इन्साफेरे दिहाडे परमेशर जै सज्ञा सदोम नगरे लोकन देलो, तुश्शी सज्ञा तैस करां भी जादे भोली।<sup>1</sup> 25 तैखन यीशुए जोवं, “हे बाजी, स्वर्ग ते धरतरे प्रभु, अवं तेव शुक्र केरतां कि तीं एना गल्ला अकलमद ते समझदार लोकन करां छेपेहतुं रुख्वी ते तैन लोकन पुड़ वैदी की, जैना निकके बच्चां केरे जेरे आन। 26 हाँ, हे बाजी तीं एने रोडू लग्मू। 27 “मेरे बाजैई सब किल मेरे सुपुर्द कियोरुए; कोई होरो मट्टु न जाने, सिंफ बाजी जानते; कोई बाजी न जाने सिंफ मट्टु जानते, या ते मैन्हु बाजी जानते जैस पुड़ मट्टु बांदो केरने चाए। 28 “हे मैन्हनत केरेनेबाले लोकव, ते भारे सेंड थकोरे लोकव मीं कां एज्जा, अवं तुसन आराम देइलो। 29 मेरे अधीन एन्वरे भोथ ज़ेन्वरे दांत जूंप हैंड भोते, ते ज़ैन किछ अवं तुसन शिखालताई तैस शिखावा, किजोकि अवं शरीफ आईं ते दिलेरो नग्र आईं ते तुश्शी जानी आराम मैलेलो। 30 जै भार अवं तुसन देइलो तै पोल्लोए, तुस तैस आरामे सें छह्द सकतथ।”

12 यीशु आरामेरे दिहाडे ऊडान मांमेइ एक्की बत्ताँ च्चलोरे थियो, ते तैसेरे चेलान ढूलखु लाग्गी, ते तैना शिलां ट्लोडातां खाने लग्गे। 2 फरीसी लोकैई एन लेइतां यीशु सेइ ज्ञोवं, “तक! तेरे चेले तैन कम केरने लोरेन जैन आरामेरे दिहाडे केसु जेइज नई” 3 यीशुए तैन जुवाब दिटो, “कुन तुसेई पवित्रशास्त्रे मां कथें नई पढेह कि ज़ेइस इश्शे पूर्वज दाऊद राज्ञा ते तैसेरे साथी ढूलखोरे थियो ते तैनई कुन कियेह थियूं? 4 ते केन्वे परम्पशरेह घेरे मां जेव, ते जैना चैंदोरी रोटी थी तैद्वां एन्ना एप्प भी खेद, ते अपने सैथन भी दिती, ते तैनई भी खेड हालांकि तैना रोटी खैनी तैन केरे लेइ ज़ेइज थी, तैना सिर्फ याजक खेड सकते थियो। 5 या तुसेई मूसेरो कानूने मां एन भी नई पढेह, कि याजक मन्दरे मां आरामेरे दिहाडेरी विधि न मन्ने पुडे भी वेकसूर भोतान। 6 पन अवं तुसन सेइ ज़ोताई कि इडी तैै, जै मन्दरे करा भी बडौए। 7 अगर तुस एहोरो मतलब ज़ानेथे कि, अवं बलिदान नई बल्के दया पसंद केरताई, त तुस बेकसूर कुसुरवार न बनाये। 8 किजोकि मैनेमु मट्टु यानी अवं आरामेरे दिहाडेरो भी प्रभुआर्द्ध। 9 यीशु तैद्वां निस्तां तैन केरे प्रार्थना घेरे मां जेव। 10 तैडी अक मैनू थियो, जेसेरो हथ शुक्कोरो थियो, तैनई यीशु दोष लानेरे बहाने सेइ तैस पुच्छु, “कुन आरामेरे दिहाडे कोई बड़ानो जेज़े?” 11 तैनी तैन जो ज्ञोवं, “तुसन मरां कौनै, जेसेरो अक्के भैद भोए, ते तै आरामेरे दिहाडे गते मांजो बिछडे, त तुस कुन तैस तैद्वां बेइर न कदेल? 12 मैनेरी कीमत त भैडी करां केक्त्री जादो! एलहेलै आरामेरे दिहाडे रोडु कम केरनू जेड़ज़े।” 13 तैखन यीशुए तैस मैन्हु जो ज्ञोवं, “अपनो हथ अग्रोव केरा!” तैनी मैने अपनो हथ अग्रोव कियो, ते अकदम तैसेरो हथ बेज़ज्जोव। 14 तैखन फरीसी लोक बेइर गेहतां तैसेरो खलाफ साज़िश केरने लगे, कि एस केन्वरे मारस? 15 इन बुझातां यीशु तैैन च्चलो जेव। ते बडे लोक तैस पत्ती च्चले, ते तैनी तैना सब बज़्झाए। 16 ते तैनी तैना खबरदार कियो, कि मेरे बारे मां केन्वी सेइ न ज़ोइयथ। 17 ताके यशायाह नेवेरी जोरी तै गल पूरी भोए: 18 “होरा ई मेरो सोवके जै मीं चुनोरोए, इ मेरो ट्लारोए जैस पुडे मेरो दिल खुशे, अवं अपनि आत्मा तैस पुड छडेले, ते तै गैर कोमन मां गेहतां इन्साफेरी खबर शुनालो। 19 तै न लडाई केरेलो, ते न शौर, ते बज़ारन मां कोई तैसेरी आवाज न शुनेलो। 20 ते ए धूलेन्नोरे निरैरे डाले न ट्लोडेलो, ते न बलतो दीयो हिशाहो ज़ां तगर इन्साफ भारी न भोए। 21 ते तैसेरे नंचे पुड गैर कौमां

‘‘मीदार रेखेली’’। 22 तैखन लोकैई अक मैनू यीशु कां आनो जै कानो ते लट्टो थियो ते तैस पुङ् भूतेरो सैयो थियो, तै तैनैई तैस कां आनो, तैनी तै ठीक कियो, ते तै लहने लगो ते गल्लां भी केरने लगो। 23 एन हेरतां लोक हैरान भोइटा ज्ञोने लगो, ‘‘कुन एन दाउदेक मटूप?’’ 24 पन फरीसी लोकैई एन शुन्तां ज्ञोवं, ‘‘ए त भूतां केरे प्रधान शैतानेरी मद्धती सेइ भूतां केरो सैयो कढतो।’’ 25 यीशुए तैन केरे मन्ना केरे खियाल जैनता तैन सेइं ज्ञोवं, ‘‘जैस राज्जे मां फूट पेचे, तैन राज्ज बनोरु न रेइ सके, ते केन्वी नगर या खानदाने मां फूट पेचे, तैन भी बनोरु न राण।’’ 26 अगर शैतान एप्पू अपने भूतां कढे, त तै अपनो मुखलाक एप्पू भुओ, त फिरो तैसेरु राज्ज केन्वे बनोरु रेइ सकते? 27 अगर अवं शैतानेरी मद्धती सेइं भूतां केरो सैयो कढताई तुश्शे अपने मैन्हु केरेरी मद्धती सेइं कढतन? तैना तुश्शो हाकिम भोले। 28 पन अगर अवं परमेश्वरी आत्मारे मद्धती सेइं भूतां केरो सैयो कढताई त परमेश्वरे राज्ज तुश्शे नेडे पुजोरुए। 29 या कोई मैन्हु केन्वी ज्ञोरिबाले मैनेरो घरेरे मां गोइतां तैसेरी माल तांतगर लुट्टी न सके, जांतगर कि तै पैइले तैस ज्ञोरिबाले मैन्हु बैंधी न छड्हे। तैखन तै तैस ज्ञोरिबाले मैनेरो माल लुट्टी सकते। 30 जै मीं सेइं साथी नई तै मेरे खलाफे, ते जै मीं सेइं साथी नई तै अकोड्ह न केरे तै दिंग उंग बिट्लतो। 31 एलहेरेले अवं तुसन सेइं ज्ञोताई कि, मैन्हु केरे सारे पाप ते तुहीन माफ भोली, पन पवित्र आत्मारी तुहीन माफ न भोली। 32 जै कोई मैनेरो मट्टेरे खलाफ किछ ज्ञोलो, त तैसेरो ए पाप माफ कियो गालो, पन जै पवित्र आत्मारी तुहीन केरे, त तैस मैन्हु न इस दुनियाई मां माफ भौले ते न एजने बैली दुनियाई मां माफ भौल।’’ (ai0n g165) 33 ‘‘अगर बुट रोडे, त तैसेरे फल भी रोड्ही भोलो, अगर बुट बुरोए त तैसेरे फल भी बुरो भोलो, किजोकि बुट अपने फले सेइं विशेषतो। 34 तुस ज़ाहरीले सपेरे बच्चां केरे बुरे भोइतां रोडी गाल केन्वे ऱोई ईसकतथ? किजोकि जैन दिले मां भोते तैने ज़बानी पुड़ एड्हे। 35 रोडो मैन्हु दिलेरो रोडे खजाने मरां रोडी गल्लां कढते, ते बुरो मैन्हु बुरे दिलेरो बुरे खजाने मरां बुरी गल्लां कढहे (दिल खजानेरो जेराए)। 36 अवं तुसन सेइं ज्ञोता, कि जैना-जैना निककेमी गल्लां मैन्हु ज्ञोले, इन्साफेरे दिहाडे लोकन अपनि हर एककी तैस गल्लरो हिसाब देनो भोलो। 37 किजोकि तू अपने गल्लैई सेइं धर्मी ते अपने गल्लैई सेइं दोषी भोलो।’’ 38 इस पुढ़ किछ शास्त्री ते फरीसी लोकैई तैस सेइं ज्ञोवं, ‘‘हे गु अस तीं करां कोई निशान हेरनो चातम।’’ 39 तैनी तैन जुवाब दितो, ‘‘इस ज़मानेरे दुरे ते बदमाश लोक निशान हेरनो चातन, पन तैन योना नेवेरे निशानेरे अलावा होरो कोई निशान न दितो गालो।’’ 40 जैन्सेरे योना नवी ट्लाई दिहाडे ते ट्लाई रातन मेछलोरे पेटे मां राव, तेन्वेरे मैनैर मटू यानी अवं भी ट्लाई दिहाडे ते ट्लाई रातन जमीनी मां रालो। 41 नीनवेरै लोक इन्साफेरे दिहाडे इस ज़मानेरे लोकन सेइं साथी खडे भोइतां एन दोषी बनाले, एलहेरेले इकि तैनैई योनारो प्रचार शुन्तां पापन करां मन किराब, ते हेरा इड्ही तैं, जै योना करां भी बड्होए, पन तुरुई पापन करां मन पिरानो न चाव। 42 दक्षिणेरी रानी इन्साफेरे दिहाडे इस ज़मानेरे लोकन सेइं साथी खडी भोइतां दोषी बनाली, किजोकि तै बडे दूरेरां सुलैमान राजेक जान शुन्नेरे लेइ ओरी थी, पन हेरा इड्ही तैए, जै सुलैमाने करां भी बड्होए।’’ 43 ‘‘जैखन केन्वी मैन्हु मरां भूतां केरो सैयो निसते, तै अपने आरामेरे लेइ बेरान ठारां हंठते, पन जैखन तैस ठार न मैल्ले।’’ 44 तैखन ज्ञोते, कि अवं वापस अपने तैसेरु घरे मां गाताई जैस मरां निसोरो आई, ते जैखन तै वापस एड्हे, त तैस तैन घरे खाली, धोवेऱ ते साफ सुथरु सङ्ज्ञो-सज्जेवरू मैलते। 45 तैखन तैन गाते ते सत बुरा भूतां एप्पू सेइं साथी आनते, ते तैन सब तैस मां रहतन, ते तैस मैनेरो हाल पेइले हाले करां भी जादे बुरो केरतन, तेन्वेरे इस ज़मानेरे बुरे लोकां केरो हाल भी एरो भोनाए।’’ 46 जैखन तै मैनैर सेइं गल्लां केरने लोरी थियो, तैसेरी अम्मा ते कने तैसेरे ढाला खडे थी, तैन तैस सेइं गल्लां केरनि चाते थिये। 47 केन्वे गेइतां तैस सेइं ज्ञोवं, ‘‘बेइ तेरी अम्मा ते ढाला खडे आन, तैना तीं सेइं गल केरनि चातन।’’ 48 एन शुन्तां तैनी पतो देनेबाले जो ज्ञोवं, ‘‘कौनै मेरी अम्मा, ते कौन मेरे ढाला?’’ 49 ते अपने चेलां केरे पासे हथ अयोवं केरतां जोवं, ‘‘द्वेरा मेरी अम्मा ते मेरे ढाल द्वा आन।’’ 50 किजोकि जै

कोई मेरे स्वर्गेर बाजेरी मेझी पुड़ चलते तैए मेरो ढ़ला ते मेरी बेङ्न, ते मेरी अम्मा आए।”

**13** तैस दिहाड़ी यीशु धरेरान निस्सो, ते गल्ला समुद्दरे बन्हे पुड़ गइतां बिश्वो। 2 तैसेरे चेवे पासन लोकां केरि एत्री भीड़ अकोट्ठी भोइ, ते तै एककी किश्ती मां चढ़ो ते विश्वी जेव, ताके तै सेव्ही लोकन परमेश्वरी गल्ला केरि शिक्षा देड़ सके, ते सारे लोक बन्हे पुड़ खड़े राए। 3 तैखन तैनी तैन सेंड़ कहैनी केरे तरीके सेंड़ वेड़ गल्लां जोई, “एकसां अक बीज़ बेनेबालो बीज़ बेने जो जेव। 4 बीज़ बेते बार किछ बीज़ बत्तेरे ड्लेखी बिछड़ त चुदोल्लैई इडतां तैन बीज़ चुनू। 5 किछ बीज़ घोड़नबाली ज़मीनी पुड़ बिछड़, ज़ेड़ी तैस दुग्धी मिर्ती न मेलनरे वजाई सेंड़ तैन लूपी उग्गू ते बूटा लगो। 6 पन ज़ैखन दिहाड़ी निस्सो, त तै किंडो बूटो फुकोई जेव। ज़ील न छड़नेरे वरजाई सेंड़ शुककी जेव। 7 ते किछ बीज़ कंटा केरे झैल्लन मा बिछड़ ज़ैखन तैड़ी बूटो लगो, त कंटा केरे झैल्लैई भी बेडोहितां तै बूटो दबेड़ छड़ो। 8 पन ज़ैन रोड़ी ज़मीनी मां बिछड़, त तैस फल भी लगो कैन्ची शौव गुणा कैन्ची शू गुणा, ते कैन्ची ट्ली गुणा। 9 ज़ी कोई समझनू चाते, तै ध्याने सेंड़ शुने ते समझा।” 10 चेलैई यीशु कां इडतां पुच्छ, “तू लोकन सेंड़ कंहैनी केरे तरीके सेंड़ गल्ला किजो केरतां?” 11 तैने जुवाब दितो, “तुसन त स्वर्गेर राज्जेरे भेदां केरि समझा दितोरीए” पन होरि लोकन नहै। 12 किजोकि ज़ैस कां परमेश्वरी मर्झी समझनेरी इच्छा आए, तैस परमेश्वर जादे समझा देलो। पन ज़ैस कां परमेश्वरी मर्झी समझनेरी इच्छा नहै, तैस केरा, थोड़ी ज़ेरि समझा, ज़ै तैस कां आए, तै भी नी गानी। 13 अवं तैन सेंड़ एलरेलेड कहैन्ह मां गल्ला केरतां, कि तैन, तैना बार-बार शुनेते, पन मेरी गल न समझोले। 14 तैन केरे बारे मां याशयाह नेबेरी भविष्यवाणी पूरी भोतीए, तै तुस कन्हैई सेंड़ त शुनेते पन समझोले न, तुस एछळन सेंड़ त लाएले पन पिश्वेनी न सकेलो।” 15 “किजोकि एना लोकां केरे दिलन पुड़ चर्वी भेरोरीए, ते एना कन्न सेंड़ उकडु शुन्तन, ते एन्हैई अपनि एछळी तुमोरिन, एरु न भोए कि तैना एछळैई सेंड़ लहन, ते कन्हैई सेंड़ शुन्त ते दिले सेंड़ समझन, ते मेरे पासे फिरन ते अवं तैन बज़ूँड़ो।” 16 “पन तुशी एछळी धन आन, कि तुस लातथ ते तुशे कन्न धन आन किजोकि तुस शुन्तन। 17 अवं तुसन सेंड़ सच्च ज़ोताई, कि बड़े नेबी ते धेरमी लोकई चाव कि ज़ैन गल्ला तुस हेरतथ तैना हेरन, पन न हेरी बेटि, ते ज़ैना गल्ला तुस शुन्तन शुन्त, पन न शुनी बेटि।” 18 “हुनी तुसी बीज़ बेनेबालेरी कहैनरो मतलब शुना। 19 बीज़ बेनेबालो तै आए, ज़ै परमेश्वरी गल्ला लोकन शुनाते। ज़ैना मैनु परमेश्वरी गल्ला शुन्तन, तैन मरा किछ लोक तैस बत्तेरे ज़ेरे आन, ज़ेड़ी बीज़ बिछड़तो। तैना त परमेश्वरी गल्ला शुन्तन, पन शैतान अकदम इडतां तैन मैनु केरे दिले मरा परमेश्वरी गल्ला कीदू छड़तो। 20 ते ज़ैन घोड़नबाली ज़मीनी मां बेव, एना तैना आन, ज़ैना खुशी सेंड़ वचन शुन्तन कबूल करेतन। 21 पन एप्पू मां ज़ील न रख्खनेरे वजाई सेंड़ तैन थोड़े दिहाड़ी केस्त, ते ज़ैखन वचनेरे वजाई सेंड़ तैन पुड़ मुसीबत या जुलम भोते त तैखने ठोकर खातन। 22 होरे किछ लोक ज़ैना परमेश्वरी गल्ला शुन्तन, तैना तैस कंटा केरे झैल्लां केरे ज़ामीनेरे ज़ेरे आन। पन दुनियारो फिर्क ते दौलतरे वजाई सेंड़ थोखो खातन, ते तैना बेफल रेड़ गातो। (aiōn g165) 23 ज़ैन रोड़ी ज़मीनी मां बेव, एना तैना लोकन ज़ैना वचन शुन्तन ते समझतन, ते तैस फल भी लगते कैन्ची शौव गुणा कैन्ची शू गुणा, ते कैन्ची ट्लही गुणा।” 24 यीशुए तैन अक होरि मिसाल देइतां ज़ोवं, “स्वर्गेर राज़ तैस मैनेहु ज़ेरूए ज़ैनी अपने ऊडारे मां रोड़ु बीज़ बेव। 25 पन ज़ैखन लोक झुलोलो थियो, त तैसेरे दुश्मने इडतां तैसेरे ऊडारे मां गेहु केरे बीज़ मामेई ज़ंगली बीज़ बेव। 26 ज़ैखन पटलां ते शिल्लां लगाने त तै ज़ंगली डाल भी साथी लगो। 27 मालिकेरे नौकरेई इडतां तैस सेंड़ ज़ोवं, “हे मालिक, कुन तीं अपने ऊडारे मां रोड़ु बीज़ न थियू बेव, फिरी ज़ंगली तैस मां कोट्ठां अव?” 28 तैनी तैन सेंड़ ज़ोवं, एन कैन्ची दुश्मनेरु कम्मे, नौकरेई पुच्छु कुन तू चातस, कि अस गेइतां तैन पुटी छड़म? 29 पन तैनी ज़ोवं नन्ना, एरु न भोए कि तैस सेंड़ साथी तुस गेहु भी पुटथ। 30 फसल

लुन्ने तगर दुड़ये साथी बेडोने देथ, ते लुनते बार अवं एप्पू लुने बालन सेंड़ ज़ोडलो, कि पैदले ज़ंगली बीज़ लुन्ना अग्गी मां फुकनेरे लेड़ अकोट्ठू केरा, ते फिरी तुस गेहु मेरे कोठारे मां ज़म्हा केरतां रुख्खा।” 31 तैनी तैन अक होरि मिसाल देइतां ज़ोवं, “स्वर्गेर राज़ शेरीएरे वीज़ेरु ज़ेरू आए, ज़ैन एकके मैने आनू ते अपने ऊडारे मां बेव। 32 एन बीज़ सेव्ही बीज़न करां निककु भोते, पन ज़ैखन तैन बीज़ बेव गाते, त तैन उगतां सारे निकके-निकके बुद्धन केरां बहु भोते। ते एरो बुट बनते इडी तगर कि अम्बरेरा चुडोल्लू भी तैस पुड़ बिश्वतन।” 33 तैनी तैन अक होरि मिसाल देइतां ज़ोवं, “स्वर्गेर राज़ अम्लटेरु ज़ेरू, ज़ैन कैन्ची कुआन्शां आनू, ते हछे अट्टे मां मलाव ते सारू अट्टु खमीर बेनि ज़ोवं।” 34 एन सैरी गल्ला यीशुए तैन लोकन मिसाल देइतां शुनाते थियो, ते मिसाल देनेरे बौरे तै तैन किछ न थियो शुनातो। 35 तैके तैन वचन जैन नेवे ज़ोवरो थियू पूरु भोए, “अवं कहैनी केरे लेड़ अपनि ज़बान खोल्लेलो, ते तैना गल्ला झोडलो ज़ैना दुनिया बने करां पेडली छेप्पोरी थी।” 36 तैखन यीशु लोकन करां अलग भोहितां घरों आव, ते तैसेरे चेलैई तैस कां इडतां ज़ोवं, “तू असन ऊडारेर ज़ंगली बीज़ेरा कहैनरो मतलब समझा।” 37 तैनी तैन जुवाब दितो, “रोड़ु बीज़ बेनेबालो मैनेहु मट्टुए।” 38 ऊडार ई दुनियाए, ते रोड़ु बीज़ राज़ हासिल करेनेबाले लोक, ते ज़ंगली बीज़ेरे ग्रेव अकोट्ठे केरतां अग्गी मां फुकतन, ते तैन जैवाल लोक आन। 39 ते तै दुश्मन ज़ैनी तैन बेवरू थियू तै शैताने, लुनेरो मतलब इस दुनियारो अन्त भोनोए, ते लुने बाते स्वर्गदूतन। (aiōn g165) 40 ज़ेन्च्वरे ज़ंगली बीज़ेरे ग्रेव अकोट्ठे केरतां अग्गी मां फुकतन, ते तैन ऊडार धिनायारो अन्त भोनोए। (aiōn g165) 41 मैनेहु मट्टु अपने स्वर्गदूतन भेजेलु, ते तैन केरे राज्जे मां ठोकरारी वजा ते बुरां कम्मां करेनेबालन अकोट्ठे केरेले। 42 ते तैन अग्गारे कुण्डे मां छुडेले, ज़ैड़ी तैना लोक लेवां देते ते दंत चापते राले। 43 ते इस धर्मी लोक अपने बाजी केरे राज्जे मां दिहाडेरे ज़ेरे चमकेले। ज़ै कोई समझान चाते, तै ध्याने सेंड़ शुने ते समझा।” 44 “स्वर्गेर राज़ तैस दौलतरु ज़ेरू ए, ज़ै एककी ऊडारे मां दबोरी थी, ज़ै एककी मैने तोप्पी, ते तैस मैल्ली भी, ते फिरी तैने छ्येइतां छुटी ते खुरी शुने सेंड़ अपनु सब किछ बेच्तां तैन ऊडार धिनु। 45 “स्वर्गेर राज़ तैस दुपैरू ज़ेरूए, ज़ै कीमती मोती तोपतो थियो। 46 ज़ैखन तैस अक कीमती मोती मैल्लो, ते तैनी अपनु सब किछ बेच्तां तै मोती धिनो। 47 “स्वर्गेर राज़ तैस मेल्ली ज़ालरु ज़ेरूए, ज़ैन समुद्रे मां छ़ूट ते तैस मां हर किसमेरी मेल्ली लेग्गी।” 48 ते ज़ैखन जाल भेरोई ज़ोवं तै झिरेई ज़ाल खिचतां कराने पुड़ आनू, ते बिश्वा रोड़ी-रोड़ी मेल्ली टोकरन मां रेख्यां ते बुरी-बुरी मेल्ली शैरी छैडी। 49 दुनियारे अन्ते मां भी एरु भोनू, स्वर्गदूतैई इडतां दुष्ट लोक, धेर्मी लोकन करां अलग केरेनेम। (aiōn g165) 50 ते तैना अग्गारे भेठी मां छुडेनेन तैड़ी लेरां ते दंत चापने भोले। 51 “कुन तुसेई एन सैरी गल्ला लां सेमझी?” तैन ई ज़ोवं, “हाँ” असेर्डी सेमझी। 52 फिरी यीशुए तैन सेंड़ ज़ोवं, “हर अक शास्त्री ज़ै स्वर्गेर राज़ोरो चेलो बनोरोए एककी एरु मुकान मालिकोरो ज़ेरोहें, ज़ै अपने खजाने मरा नव्वीं ते पुरेनी चीज़ां कठटो।” 53 ज़ैखन यीशुए एना सब कहैनी शुनेई तै तै तैदूरु अग्रोव चलू जेव। 54 ते अपने नगर मां एइतां तैदूरे प्रार्थन धरे मां गेइतां शिक्षा देने लगो, ते लोक तैसेरी शिक्षा शुन्तन हारो भोए ते ज़ोने लगो: “ए अकल बुधी ते एना चमत्कार एस कोट्ठां हासिल भोए।” 55 एन त तैस ट्लखनेरु मट्टु आए ते एसेरे अम्मारु नवं मरियम ते एसेरे ढुलां केस नवं याकूब, यूसुफ, शमीन ते कने यहूदा आन, 56 ते एसेरी सब बैडेना इंश्शे इडी रेइचन, फिरी एसमां ई काबलीत कोट्ठां आई?” 57 ए-च्वरे तैन लोकेई इन्कार कियो। पन यीशुए तैन सेंड़ ज़ोवं, “नवी अपने नगर मां ते अपने धरेरे अलावा होरि कौन्ची ठारी बेइजत न भोए।” 58 ते तैने तैड़ी तैन केरे विश्वास न केरेनेरे वजाई सेंड़ जादे चमत्कार न हिराए।

**14** ज़ैइस हेरोदेस ज़ै मुलखेरे ब्रेवरोवं हिस्से पुड़ हकोमत केरतो थियो, तैनी यीशुएरे बारे मां शुनु। 2 तैनी अपने नौकरन सेंड़ ज़ोवं, “ए यूहन्ना आए जै बपतिस्मो देनेबालोए, ए मुड्दन मरां ज़ीतो भोरोए, एलहेरेलैट तै चमत्कार हिरातो।” 3 किजोकि हेरोदेसे अपने ढुलाए फिलिप्पुसेरी कुआन्श हेरोदियासेरी वजाई सेंड़ यूहन्ना ट्लैइतां बन्धोवरो ते कैदखाने मां छ़डोरो

थियो। 4 किजोकि यूहन्ना हेरोदेस सेंड जोरु थियूं, कि ए रखनी तेरे लेड जेइज नई। 5 ते हेरोदेस तैस कल्ल केरोनो चातो थियो, पन लोकन करां डरतो थियो, किजोकि लोक तैस कल्ल केरोनो चातो थियो, पन लोकन करां डरतो थियो, किजोकि लोक तैस कल्ल केरोनो चातो थियो। 6 पन जैखन हेरोदेसरी जाम दिहेडी आई, त हेरोदियासेरे कुइयां मेहमाना केरे सामने नेत्रतां हेरोदेस खुश कियोरे थियो। 7 एहरेलेड तैनी वादो कियोरे थियो, “कि जैन किछ तू मग्गेली, अवं तीं तैनै देलो।” 8 तैसां अपने अम्मां शिखालाने पुड जोरुं, “मींजोई यूहन्ना बपतिस्मो देनेवालेरी क्रोडी थाले मां मगा।” 9 राजे बडो अफ्सोस भोव, पन अपने मेहमाना केरे सामने ते कसम खानेरी वजाई सेंड हुक्म दितो कि देथ। 10 ते तैनी कैदखाने मां लोक भेजतां यूहन्नारी क्रोडी कटाई। 11 ते तैसेरी क्रोडी थाले मां रेखतां कुइये कां दिती, ते तै अपनि अम्मा कां घिन्तां जेई। 12 तैखन तैसेरे खेले आए, ते तैनै तैसेरी लाश नेइता देबतां छडी ते गेहतां यीशुप पतो दितो। 13 जैखन यीशुप एन शुनूं त तै किशरते जिरिये अकेन्ती ठारी जो चलो जेव, ते लोक एन शुन्तां नगर नगरे पैदल तैस पती ज्ञले जे। 14 जैखन यीशु किश्ती मारं ओस्सो त तैनी बडे लोक पतोरां इदेत लाए, ते तैस तैन पुड बडो तरस अव, ते तैनी तैन केरे बिमार लोक बज्ज़ाए। 15 जैखन डलोङ्गा भोव, त यीशुपेरे चेलेई तैस कां इदां जोरुं, “ईं सुनसान ठार आए, त चिर भी बडु भोव आए। ते एन लोकन भेजी छड ते कोस्कोई डलोङ्वन मा गेहतां किछ खाने जो घिन्ना।” 16 यीशुप तैन सेंड जोरुं, “एना भेजने ज़रूरी नई! तुसें एन किछ खाने जो देथा।” 17 चेलेई तैस सेंड जोरुं, “इडी असन कां पंच रोटी ते दूर्द मेहली केरे अलावा होरु किछ नई।” 18 तैनी जोरुं, “तैन इरा मां कां आनां।” 19 तैखन यीशुप लोकन घासे पुड उद्दे विश्वारे लेड जोरुं, ते पंच रोटी ते दूर्द मेहली हथ्ये मारेख्यी, ते अभ्यरेरे पासे तेकतां शुक कियूं ते रोटी टलोङ्गी-टलोङ्गी अपने चेलन को दिती, ते चेलेई तैन लोकन दिती। 20 ते सारे मैन्ह खेडां रेज्जी जे। तैल्ला पती, यीशुपेरे चेलेई बरोरे टुकडन सेंड 12 टोकी भेरि। 21 रेटी खानेबाले लोकां केरि तैथात कुआन्शां ते बच्चां केरे अलावा कोई 5000 मड्ड थियो। 22 तैल्ला पती, यीशुप अपने चेलन हुक्म दितो कि, तुस किश्ती मा चेढतां मां केरा पेइल समुन्दरेरे उस पार जो गाथ ते अवं एन लोकन वापस भेजतां एताई। 23 लोकन भेजनेरे पती, यीशु तेंदू निस्तां नेडे एक्की पहाई पुड प्रार्थना केरन्ने लेड जेव। ते डलोङ्गी ते अकेल्लो थियो। 24 तैखन किश्ती बन्ने करां दूर पुजोरी थी, किजोकि एग्रोवारा बडी तेज हवा चलोरी थी। 25 ते लगभग ड्रेज़रेरे चेत्रे बजेई जैखन हेजु आंधूरु थियूं यीशु समुन्दरेरे पैनी पुड चेलतां अपने चेलन कां अव। 26 जैखन चेलेई यीशु समुन्दरे पुड चलतो लाव त तैना डेरि जे, तैनै बुझुं “ए भूत ओरोए,” ते डेरतां चिन्दा लग्गे मारने। 27 यीशुप तैखने तैन सेंड रोडेवारे गल्लां की ते जोरुं, “हिम्मत रख्या डरा नन्ना, अवं आई!” 28 पतरसे तैस जुवाब दितो, “हे प्रभु अगर तू आस, त मां भी हुक्म दे ते अवं भी पैनी पुड चलतो तीं कां एज्जी।” 29 तैनी जोरुं, “एई!” तैखन पतरस किश्ती मारा औस्तां यीशु कां गानेरे लेड ऐनी पुड मेंड चलने लगो। 30 पन तेज़ हावी सेंड लेली चलने लग्गी ते तै डेरि जेव, ते डुबने लगो तैखन तैनी विन्डा मैरां जोरुं, “हे प्रभु मूर्मी बत्रा।” 31 यीशुप लूकी अपने हथ्ये सेंड झाफ देडां पतरस टलातो, ते तैस सेंड जोरुं, “हे घट भरासे बाला तीं किजो शक की?” 32 जैखन तैना किश्ती मां बिश्शेरे ते हवां रुकी जेई। 33 तैखन जैना किश्ती मां बिश्शेरे थिये, ते तैनै तैस कां मथ्थो टेको ते जोने लगो, “तू सङ्घे परमेश्वरो मदूस।” 34 जैखन तैना गलीली समुन्दर पार केरता गन्नेसरत नंवेरे जगाई पुड पुज्जो। 35 ते तैटेरे लोकोई यीशु पिशानो ते आसेपासेरे इलाके मां खबर दिती, ते सारे बिमार तैस कां आने। 36 ते तैनै यीशु सेंड मिन्त केरते थिये कि, तैन तैसेरे लिगडन सेंड हुने दे। ते जेत्रेई तैसेरे लिगडन सेंड हथ लाव तैना सब बेज्ज़ो।

**15** तैखन किछ फरीसी ते किछ शास्त्री लोक यस्तलेम नगरे मां यीशु कां आए ते जोने लगो। 2 “तेरे चेले बुजुर्गा केरि रसमरे खलाव किजो चलतन, तैना रोटी खाने करां पेइले हथ न थोन?” 3 तैनी तैन जुवाब दितो, “तुस किजो अपने रसमन सेंड परमेश्वरो हुक्म टलोइतथ? 4 किजोकि

परमेश्वरे जोरुप, कि अपने हाज बव्वेरी इज्जत केरा, ते जै कोई अपने हाज बव्वे जो बुरु ज्ञालो तै मारो गालो। 5 पन तुस ज्ञातथ, कि जै कोई बाजी या अम्मा सेंड ज्ञाए कि, मीं करां जै किछ मदहत तुसन मैल्ली सकती थी, ते पेइली बलिदान भोरीए, यानी परमेश्वरे जो चाढतल चाढोरीए 6 त तै अपने बाजी केरि इज्जत न केरे, एन्वेरे तुस अपने रसमन सेंड परमेश्वरो हुक्म टलोइतथ। 7 हे पाख्यां लोकव, यशायाह नेवे तुश्शे बारे मां ई भविष्यिवाणी ठीक कियोरीए, 8 एना लोक ऐशी सेंड ते मेरी बडी तारीफ केरतन, पन एन केरे दिल मीं करां बडे दूर आन। 9 एना लोक बैफेई मेरी आराधना केरतन, किजोकि एना मैन्ह केरे हुक्मां केरि शक्षा देतन।” 10 फिरी मैन्ह एप्पू कां कुजेइतां ज्ञावं, “शुना, ते समझा। 11 जै चीजै ऐशी मां गाचे तैस सेंड मैन्ह जुट्टो न भोए, पन जैन तैसेरे ऐशी मारं बेडीरो निस्ते, तैनै तैस जुट्टो केरतो।” 12 तैखन चेलेई यीशु कां इदां ज्ञावं, “कुन तू ज्ञानतस कि फरीसी लोकेई ए गल शुन्तां ठोकर खाइ?” 13 तैनी जुवाब दितो, “जै बुट मेरे स्वरोरे बाजे नई लोरो तै जीलाना पुटां छडोनाए। 14 तैन केरि परवाह न केरा, तैन काने बत हिराने बालेन, अगर अक कानो होरि काने बत हिराए, त तैना दुइये गढे मां बिछुडेले।” 15 एन शुन्तां पतरसे जोरुं, “ए मिसाल असन समझा।” 16 यीशुप जोरुं, “कुन तुस हेजु भी बेसमझाथ?” 17 “कुन तुस न जानथ, कि जैन किछ ऐशी मां गाते तैन पेटे मां गाते, ते फिरी पेटे मारा बेरो निस्ते? 18 पन जैन किछ मैनेरे अन्वेरां निस्ते, तैन दिले मारा निस्ते, तैने मैन्ह जुठो केरतो? 19 किजोकि बुरे खियाल, कल्ल केरनो, अडुलाए देहेने गलत कम केरनु, बदमाशी, चोरी, छाठी गवाही देनी, ते तुहीन दिले मारा निस्ते। 20 एन एरी गल्लन जैना मैन्ह जुट्टो केरचन, पन हथ धोने बैर रोटी खाने सेंड मैन्ह जुट्टो न भोए।” 21 यीशु तेंदू चलाने जेव, ते सूर ते सेदारे आसेपासेरे इलाकेरे नेडे अव। 22 तैस इलाकेरी अक कानानी कुआन्श यीशु कां आई, ते चिन्दा मैरां जोने लग्गी, “हे प्रभु दाऊदरा मट्टु, मीं पुड दगा केर, मेरी कुइये पुड भूतेरो सैयोए, तैन भूत तैस बडू सताते।” 23 पन यीशुप कोई जुवाब न दिरो, तैसेरे चेले नेडे इदां तैस कां मिनत केरने लगो, “एस भेज़, किजोकि ए चिन्डां मारचे ते इश्शो पीछो न छडे।” 24 तैनी जुवाब दितो, “अवं इश्शाएरी हेरोरि भूडां केरे अलावा होरि कोन्वी कां नई भजोरो।” 25 पन ते कुआन्श आई, ते तैस कां मथ्थो टेकतां जोने लग्गी, “हे प्रभु मेरी मदहत केरा।” 26 तैनी जुवाब दितो, “बच्चां केरि रोटी नेइतां कुतरन देवी ठीक नई।” 27 तैसां जोरुं “सङ्घे प्रभु, पन जैन टुडेले मालिकेरी मेजे पुदेरां बिछुडतन तैना कुतरां भी खातात।” 28 यीशुप तैस जुवाब दितो, “ए कुआन्श तेरो विश्वास बडो, जेसु रु चातिस तेरे लेड तेरेह भोए” ते तैसारी कुई तैखने बेज्जोइ जेई। 29 यीशु तेंदू निस्तां गलील समुन्दरेरे बन्ने पुड अव, तैखन तै एक्की पहाडे पुड गेहुं बिश्शी जेव। 30 ते बडे लोकां केरि भीडू तैस कां आई, तैन लोकेई एप्पू सेंड साथी टोटे, काने, लेड, डोडे ते होरे काई ऐरे जेरे मैन्ह साथी आने, ते तैसेरे पावन कां छडे, ते तैनी तैना सब बज्जाए। 31 जैखन लोकेई हेहु किलहै गल्लां केरतन कमजोर तकडे भोतन, टोटे चलतन ते काने लातन त तैना बडे हैरान भाओ जे ते इसाएरो परमेश्वरी तारीफ केरे लग्गो। 32 यीशुप अपने चेले कुजेइतां तैन सेंड जोरुं, “मीं एन लोकन पुड बडो तरस एइते, एना मैन्ह टलेइ दिहेडी केरे देंते बराबर मीं सेंड साथिन, ते एन कां खाने जो किछ भी नई। अवं एन नियने भेजने न चैर्ह, कोस्कोई एरु न भोए कि एना बत्ती मां रेडे गान।” 33 तैसेरे चेलेई तैस जुवाब दितो “अस इस सुनसान ठैरी मां एत्रे लोकां केरे लेड रोटी कोठुं आनम, जैना सेथी केरे लेड पूरी भोन?” 34 यीशुप एप्पू पुच्छ, “तुस रोटी रोटी आन?” तैनै जोरुं, “सत रोटिन ते किछ निक्की मेल्ली भी आन।” 35 तैखन तैनी लोकन जैमीनी पुड बिश्शेरे लेड जोरुं। 36 ते यीशुप तैना सत रोटी ते मेल्ली टलेइ, ते परमेश्वरू शुक्र केरतां टलोडी, ते अपने चेलन कां दिती ते चेलेई तैना मैनैन दिती। 37 सारे मैन्ह रोटी खेडां रेज़ज़ी जे। तैल्ला पती, यीशुपेरे चेलेई मेल्ली त कने रोटी केरे बज्जोरे टुकडन मारं सत टोके भेरतां सल्ला। 38 रोटी खाने बाला केरि तैथात कुआन्शां ते बच्चां केरे अलावा 4000 मड्ड थियो। 39 तैखन तैने तैना सब लोक भेजे ते एप्पू किश्ती मां चेढतां मगदन इलाके जो चलो जेव।

किछ फरीसी ते किछ सदूकी लोक यीशु कां आए, “ते तैस अजमारे देवता जूबाव दित्तो, “जैखन डलोङ्गा भौतीए त तुस जौतथ कि मौसम रोड़ाए किजोकि अम्बर लाले ते बिदलारे, तुस अम्बर हेरतां अंदाजो लेइता ज़ोतथ, पन ज़मानेरो निशान न पिरीनी सकतथ! 4 इस ज़मानेरो बुदे ते बदमाशी केनेवाले लोक निशान मगतन, पन तैन योना नेवेर अलावा होरो कोई निशान न दितो गालो।” यीशु तैन शैरतां ज़लो जेव। 5 ते यीशुए चेले समुन्द्रे पार पुजी जे, पन तैनेई रोटी साथी नेनी बिसरोरी थी। 6 यीशुए तैन सेइं ज़ोवं, “खबरदार फरीसी ते कने सदूकी लोकां केरे खमीरे करां हुशार रेइयथ!” 7 तैना एप्पू मांमेई गलबात केरने लगो, “असेई रोटी नई आनोरी, एलहेरेलैटी तै एक ज़ने लोरोए!” 8 एन ज़ैनतां, यीशुए ज़ोवं, “हे घट विश्वेसव, तुस एप्पू मांमेई किजो सोची राओरेथ, कि असन कां रोटी नई? 9 कुन तुसन याद नई? ज़तानी मीं 5000 मैन्हु केरे लेइ पंच रोटी ट्लोडां दितोरी थी, त तुसेई बाद मां बच्चोरी रोटी केरे केत्रे टोके भेरतो सल्लोरे थिये? 10 ते तैन 4000 मैन्हु केरे लेइ सत रोटी ते टुकां केरि केत्री टोकरी सैल्लोरी थी? 11 तुस की न समझाथ, कि मीं तुसन रोटी केरे लेइ न थियू ज़ोरु? पन फरीसी ते कने सदूकी लोकां केरे खमीरे करां हुशार रेइयथ!” 12 तैखन तैन केरि समझी मां अव, कि तैनी रोटी केरे लेइ नई, बल्के फरीसी ते कने सदूकी लोकां केरे खमीर यानी शिक्षाई करां हुशार रानेरे लेइ ज़ोरु थियू। 13 ज़ैखन यीशु कैसरिया फिलिप्पी इलाके मां अव, त तैनी अपने चेलन पुच्छू, “मैनेरू मटू कौने, लोक एस बारे मां कुन ज़ोतन?” 14 चेलैई ज़ोवं, “किछ ज़ोतन यूहना बपतिस्मो देनेबालोए, किछ ज़ोतन एलियाह, ते किछ ज़ोतन यिर्मयाह नवी ते किछ ज़ोतन नेबन मरां कोई अक आए!” 15 यीशुए तैन पुच्छू, “पन तुस मेरे बारे मां कुन सोचतथ कि अव कौन आई?” 16 शमोन पतरसे जूबाव दितो, “तु ज़ीते परमेश्वरू मटू मसीह आस!” 17 यीशुए ज़ोवं, “ए शमोन योनारे मटूं तू धन आस, किजोकि ए गल मासे या खुने नई बल्के मेरे स्वर्गेर बाजे तीं पुड बांदी कीयोरीए। 18 ते अवं तीं सेइं ज़ोताईं, तू पतरस आस ते अवं इस पर्के घोडे पुड अपनि कलासिया बनेहलो ते पातालरां दारा तैस पुड अस्सर न केरि बटेलो। (Hades g86) 19 अवं अपने स्वर्गेर राज्जेरी चैबी ती देइलो, ते ज़ैन किछ तुस ज़मीनी पुड बंधेले तैन स्वर्मे मां बंधेलू, ते ज़ैन किछ तू ज़मीनी पुड खोल्लोले तैन सब किछ स्वर्मे मां खुल्लेलू।” 20 तैखन यीशुए चेलन जो ज़ोवं, ए गल केची सेइं न ज़ोइयथ कि अवं मसीह आई। 21 एसेरे बाद यीशुए अपने चेलन ज़ोने लगो कि, “तैसेरू यरुशलेम नगरे मां गानू ज़र्सीए ताके यहूदी लोकां केरे बुजुर्गन, प्रधान याजकन ते स्वास्त्री लोकां केरे हथेइं तै बडो दुख झाल्ले, ते मारो गाए ते तै ट्लेइयोंवं दिहाडे फिरी ज़ीतो भोलो।” 22 पतरस तैस अलग नेइता डिङ्कने लगो, “हे प्रभु, पसेशर न केरे, तीं सेइं एरु कथे न भोलू।” 23 यीशुए मुडतां पतरसे सेइं ज़ोवं, “हे शेतान, मीं करां दूर भो, तू मीं करां पाप करानेरी कोशिश कराने लोरीस। किजोकि तू ज़ेन्येर परमेश्वर सोचते तेज़रे नई बल्के ज़ेन्येरे मैन्हु सोचन तेज़रे सोचतस!” 24 तैखन यीशुए अपने चेलन सेइं ज़ोवं, “अगर कोई मीं पत्ती एजनो चाते त तै अपने आपेरो इन्कार केरे, ते अपनू क्रूस छुइतां मीं पत्ती चलो।” 25 “किजोकि जै कोई अपनि जान बचानी चालो, त तै तैस गुवालो, ते ज़ै अपनि जान मेरे लेइ गुवालो, ते तै तैस हासिल केरेलो। 26 अगर कोई सारी दुनिया हासिल केरे, ते अपने हमेशारे ज़िन्दगी गुवाए, त तैस कुन फैइदो भोलो? या मैन्हु हमेशारे ज़िन्दगी बदले कुन देलो? 27 किजोकि जैखन मैनेरू मटू अपने बाजेरी महिमाई मां अपने स्वर्वदून सेइं साथी एजेलू, तैखन तै हर्हीकेची तैन केरे कियोरे कम्मां केरो फल देलो। 28 अवं तुसन सेइं सन्न ज़ोताईं कि जैना इडी खडे आन, ज़ां तगर मैरेरे मटू अपने राज्जे मां इडते न लाएले, तांतगर न मरेलो।”

शेइ दिहाड़ा बाद, यीशु अपने चेले पतरस, याकूब त तैसेरे ढला यूहना सेइं साथी एक्की पहाडे पुड जेव, ज़ैडी कोई भी न थियो। 2

तैडी तैन केरे सामने तैसेरी शकल बेदलोई जेर्द, तैसेरू तुतर दिहाड़ेरु जेरु चमकने लगू ते तैसेरां लिगडां लोअरा ज़ेरा छित्तां भुआं। 3 तैखन तैनेई मूसा ते एलियाह नवी यीशु सेइं गल्ला केरते लाए। 4 पतरसे यीशु सेइं ज़ोवं, “हे प्रभु इश्वर डडी रान रोडाए, अगर तू चातस त आस ट्लाई डेरे बनाम, अक तेरे लेइ ते अक मूसेरे लेइ ते अक एलियाहाहे लेइ।” 5 तै ए गल ज़ोई राहोरी थियो, अक बडी चमकती बिदलारी तैन पुड इद्दां रुकी, ते तैस बिदलारी मरां ई आवाज आई, “एन मेरू ट्लारू मट्टू, जैस पुड अवं खुश आई, एसेरी शुना।” 6 चेले एन शुन्नां तुतेरे भारे बिछडे ते बडे डेरि जे। 7 एन यीशुए इद्दां तैन सेइं हथ लाव, ते ज़ोवं, “उठा, डरा नन्ना।” 8 जैखन तैनेई चैव्रे पासन तक्कु, त यीशुएरे अलावा होरो कोई न लाव। 9 जैखन तैना तैस पहाडे पुडरो उन्हे औरे चिये, त यीशुए तैन ई हुक्म दितो, जैन किछ तैसेई लाहेरु, “ज़ां तगर मैनेरू मटू मुद्दन मरां ज़ीतू न भोए तांतगर केची सेइं न ज़ोइयथ।” 10 तैसेरे चेलैई तैस पुच्छू, “शास्त्री किजो ज़ोतन कि मसीहेरे एजेनरों पेइले, एलियाह नेबेरु दुनियाई मां एजुन ज़रुरी आए?” 11 तैनी जूबाव दित्तो, “एलियाह ज़सर एज्जेलो ते सब किछ बहाल केरेलो। 12 एन अवं तुसन सेइं ज़ोताई कि ‘एलियाह’ त पेइले ओरोए, पन लोकेई तै न पिशानो, पन ज़ैन चाऊ तैस सेइं तैने केरे एहथन सेइं दु-ख भोगेलो।” 13 तैखन तैन चैलैई बुद्धू कि असने सेइं यूहन्ना बपतिस्मो देनेबालेरे बारे मां ज़ोने लारोए। 14 जैखन तैन हठे मैन्हु केरि बडी भीडी कां पुजे, त अक मैन्हु तैस कां अव, ते ज़ीधू केरे भारे बिश्तां ज़ोने लगो। 15 “हे प्रभु मेरे मटू पुड दया केर, तैस मिरगरी वजाई सेइं दौवरे एइतन, ते तैस बडो दुखे, ते बार-बार अगी मां ते बार-बार पैनी मांजो खिरकते। 16 मीं तैन तेरे चेलन कां आनोरू थियू, पन तैनेई तैन ठीक न केरि बटु।” 17 यीशुए ज़ोवं, “हे घट विश्वासैवत ते ठीठ लोकव, अवं केइस तगर तुसन सेइं साथी भोगीई, केइस तगर तुशीशी झीलतो रेल्लो? तै मीं कां आनां।” 18 तैखन यीशुए तैन भूत झिङ्कू, ते तैस पुडां सैयो निस्ती जेव, ते तैन मटू तैखने ठीक भोइ ज़ोवं। 19 तैखन चेलैई अकैल्ले ज़ेरे यीशु कां गेइतां पुच्छू, “अस तैस मटू मरां भूतेरो सायो की न केढ़ी सके?” 20 तैनी तैन सेइं ज़ोवं, “अपने घट विश्वासैव वजाई सेइं, अवं तुसन सेइं सच ज़ोताई, अपर तुशो विश्वास शेरीएरे लोवे ज़ेत्रो भी भोए, त तुस उस पहाडे जो ज़ोले कि, “इट्टां निस्तां उडी गा,” त तैन गालू, ते तुशेशे लेइ कोई भी गल असुखती न भोली। 21 पन इस किसमें भूतां प्रार्थाना ते बरते बगैर न निस्सन।” 22 जैखन तैना गतीले मां थी, त यीशुए तैन सेइं ज़ोवं, “मैनेरू मटू भी मैन्हु केरे हवाले कियू गालू।” 23 तैना तैस मारेलो, ते तैन ट्लेइयोवं दिहाडे फिरी ज़ीतो भोलू।” चेले एन शुन्नां बडे परेशन भोए। 24 जैखन तैना कफरनहूम नगर मां पुजे, त प्रार्थना घेरे लेइ चुंगी धिन्ने बाले पतरसे कां इडतां पुच्छू, “कुन तुशो गुरु प्रार्थना घेरी चुंगी न दे?” 25 तैनी जूबाव दित्तो, “हा देटो।” जैखन पतरस घेरे मां पुजो त यीशुए तैसेरे पुछेनेरे पेइले तैस सेइं ज़ोवं, “हे शमोन तू कुन समझातस? दुनियारे राजे कोन लोकन करां चुंगी धिन्नन अपने बच्चन करां या होरि लोकन करां?” 26 पतरसे तैस सेइं ज़ोवं, “होसम करां!” यीशुए तैस सेइं ज़ोवं, “त मटूं बरी भोइ जेआ।” 27 फिरी भी एल्लेरेलैट कि अस तैन ठोकर न देम, तू समुन्द्रे पुड गेइतां कंटो लेइतां मेछली ट्लेइयां, ते ज़ै मछली पेइतां लगगेली, तैसारु अशी खोल्लां, ते तीं अक सिक्को मैलनोए, ते तै सिक्को नेइतां मेरी ते अपनि चुंगी देइयां।”

तैखन चेले यीशु कां आए ते पुच्छने लगो, “स्वर्गेर राज्जे मां सेब्बन करां बडो कौने?” 2 तैनी अक निकडो बच्चो एप्पू कां कुजाव, ते मझाटे खडो कियो। 3 ते ज़ोने लगो, “अवं तुसन सेइं सच ज़ोताई, कि तुस कैरो खाल न भोले।” 4 ज़ै कोई अपनो आप इस बच्चेरो ज़ेरो निकडो बनालो, त तै स्वर्गेर राज्जे मां बडो भोलो। 5 ते ज़ै कोई एरे ज़ेरो निकडे बच्चे मेरे नव्वे सेइं कबूल केरते, त तै मीं कबूल केरते।” 6 “ज़ै कोई इन निकडन मरां ज़ैना मीं पुड विश्वास केरतन एककेरे लेइ ठोकर बने, त तैसेरेलैट एने

रोडू आए कि बडे ढलाटेरो ढलेइटोल तैसेरे गल्ले उन्दो ढंडेइतां डुधे समुन्द्रे मां डॉबतां छुडोरो लोडते। 7 ठोकरां केरि वजाई सेइं दुनियाई पुड अफसोस। ठोकरां लेणगी त ज़रूरन पन, अफसोस तैस मैन्हु पुड ज़ेसेरो वजाई सेइं ठोकर लगगतीए। 8 अगर तेरो हथ या तेरो पाव तेरे लेड ठोकरारो ज़ियरो बनते, त तू तैस केटां छुड, किजोकि तेरु टोंटु या कानु बेनतां ज़िन्दगी मां दाखल भोनु रोड्हए, ते तेरे दुधे हथ पाव सथे भोने सेइं अगर तू हमेशारी अगगी मां गास त तैला केरतां तू टोंटो या कानो बेनतां रोडोस। (aiōnios g166) 9 अगर तेरी अछे तेरे लेड ठोकरी वजा बनती, त तू तैस केटां शैरी छुड, कानु भोइतां ज़िन्दगी मां दाखल भोनु तेरे लेड रोड्हए, कि दुझे एछाँ भोने सेइं तू नकेरी अगगी मां गास त तैला रोडोस। (Geenna g1067) 10 “हेरा इन निकके चेलन मरां तुस केन्वी घटिया न बुझा, अवं तुसन सेइं ज़ोताई कि तैन केरे स्वर्गदूत हर कस्त स्वर्गे मां मेरे बाजी केरे हज़ुरी मां रातन। 11 (किजोकि मैनेरु मधू यानी अवं हेरोरे लोकन बचाने ओरोई) 12 तुशो खियाल कुरो? कि केसकर्के इंका 100 भैंडां भोन, ते तैस मरां अक हेरो, त कुन ते नडुन्वें भैंडां ज़ैडी खतरो न भोए तैडी छेडतां, तैस हेरोर न तोपेलो? 13 ते अगर एस भोए, तैस तै मैल्ले, त अवं तुसन सेइं सच्च ज़ोताई कि तै तैना नेडुवं केरे लेइ एसी खुशी न मनालो, ते तैस एककी भैंडारे लेड जादे खुशी बनालो। 14 एन्नरे तुशो बाजी ज़ै स्वर्ग मांए, तै एन न चाए कि एन निकन मरां भी कोई नाश न भोए।” 15 “अगर कोई मीं पुड विश्वास केरेनेवालो ढला तीं सेइं बुराई केरते, त तू अकल्ले मां तैस समझा, अगर तै तेरी गल शुने, त तीं तै वापस परमेशरे कां आनो। 16 अगर तै तेरी गल न शुने, त तू एपू सेइं साथी अक या दूर्द मैन्हु नेइयां, किजोकि मूसेरे कानुनेरे मुताबिक हर शिकेइतरी मां दूर्द या टाईल्ई मैन्हु गवाह भोतन। 17 अगर तै तैन केरि भी न शुने, त तू कलीसियारे लोकां सेइं ज़ो, अगर तै कलीसियारे लोकां केरि भी न शुने, त तू तैस सेइं एरो बतवि केर ज़ेन्चरो तै गैर कोमरो भोए या चुंगी धिने बालो भोए।” 18 “अवं तुसन सेइं सच्च ज़ोताई, ज़ैन किछ तुस ज़मीनी पुड बंधेले त समझा कि स्वर्गे पुड बंधोलू, ते ज़ैन किछ तुस ज़मीनी पुड खोल्लेले तै तैन स्वर्गे मां खुल्लेलू। 19 फिरी अवं तुसन सेइं सच्च ज़ोताई, कि अगर तुसन मरा दूर्द ज़ोन धेती पुड अक मन भोइतां कोनी मसलेरे हल कढनेरे लेड परमेशरे करां ज़ै स्वर्गे मां आए मदहत मान, त तै तैन केरि मदहत ज़रूर केरेलो। 20 किजोकि ज़ैडी दूर्द या टाईल्ई मैन्हु, मेरे नव्वे सेइं परमेशरे करां मदहत मगनेरे लेइ अकोटु भोतन, अवं तैडी तैन केरि मदहत केरनेरे लेइ तैन मा भोइताई।” 21 तैखन पतरसे यीशु कां इतां पुच्छू, “प्रभु अगर कोई तीं पुड विश्वास केरेनेवालो, मीं सेइं बुराई केरतो राए, त अवं केत्रे बार तैस माफ केरि? कुन सत बार?” 22 यीशु जुवाब दितो, “अवं तीं सेइं इन न ज़ोई सत बार, बक्के सत्तेरे सत्तर बार माफ करां (यानी लगातार माफ केरतू रानू)। 23 बस्सा अवं तुसन सेइं इन ज़ोताई, स्वर्गेरु राज तैस राज्ञेझू ज़ेरु आए, ज़ैनी सौचू कि अवं अपने नौकरन करां हिसाब धिनी। 24 ज़ैखन तै हिसाब धिने लगो, त अक मैन्हु तैस का हाजर कियो, ज़ै दश हज़ार सोन्नेरे सिक्का केरे तोड़ा केरो कर्दार धियो। 25 तैस कां कर्ज़ों मुकाने जो किछ न थियूं राजे हुक्म दितो, एसेरे बाल बच्चे ते कुआन्श ते ज़ैन किछ भी आए सब बेचतां कर्ज़ों उसुल केरा। 26 पन तै नौकर ज़ोवले हथ केरतां मालिके कां मिनत केरतां ज़ोने लगो, “मीं किछ मौको दे, त अवं तेरो सारो कर्ज़ों मुकालो।” 27 मालिके तैस नौकरे पुड बड़ो तरस अव, ते तैनी तै छेडी दितो ते तैसेरो कर्ज़ों भी माफ़ कियो।” 28 “पन ज़ैखन तै नौकर तैटुं च्लो जेव, त तैस अक एरो नौकर मैल्ले, ज़ै तैसेरो साथी धियो, ते तैस तैनी 100 दीनार दितोरे धिये, तैनी तै गलेरां टलाव ते ज़ोने लगो, “मेरो कर्ज़ो कढ़।” 29 तैसेरो साथी नौकर तैसेरो कां मिनत केरने लगो, मीं किछ मौको दे ते अवं तेरो सारो कर्ज़ों मुकालो। 30 पन तैनी तैसेरो अक गल भी न शुनी, ते तैनी तै ढेपतां छुट्टो कि ज़ां तगर कर्ज़ों न देस तांतगर ढप्पोरो रा। 31 ज़ैखन होरि नौकरेई एन शुद्ध, त तैना बडे परेशान भोए, ते मालिके कां गेहडां सारो हाल शुनावा। 32 तैखन मालिके तै अपने नौकर कुजेइतां ज़ोवं, ‘ओ वेइमान नौकरा मीं तेरो सारो कर्ज़ों माफ़ कियो, किजोकि तीं मीं कां छेदे कियोरे धियो। 33 कुन तेरे

लेड ज़रूरी न थियूं, कि ज़ेन्वरे मीं तीं पुड दया केरतां तेरो कर्ज़ों माफ़ कियो, ते न्वरे तू भी अपने सैथन पुड दया केरतां तैन केरो कर्ज़ों माफ़ केरेथो?” 34 मालिके सरक आई, ते तैनी तै नौकर सज़ा देवेबालां केरे हवाले कियो, कि ज़ां तगर मेरो सारो कर्ज़ों न दे तांतगर ढप्पोरो भोए। 35 “एन्वरे अगर तुसन मरां हर कोई, तैस मैन्हु ज़ै मीं पुड विश्वास केरते दिले सेइं माफ़ न केरे त मेरो स्वर्गे बाजी यानी परमेशर भी तुसन सेइं एन्वरे पैश एज्जेलो।”

**19** ज़ैखन यीशुए एन गल्लां ज़ोई छैरी, त तै गलीते मरां गेइतां यरदन दरियरे पार यूहदिया इलाके मां च्लो अव। 2 बडे लोक यीशु पत्ती च्ले जे, ते यीशुए तैना तैडी बज़्झाए। 3 तैखन फरीसी लोकेई यीशु कां एहतां तैस अज्ञामारे लेइ पुच्छू, “कुन मैन्हु अपनि कुआन्श केन्वी भी वजाई सेइं फारख्वी देनी जेड़ज़े?” 4 तैनी जुवाब दितो, “कुन तुसेइ नई पढ़ेर कि ज़ैने तैना बना तैनी शुरु करां मङ्गद ते कुआन्श बनेवरां धियां। 5 ‘एल्हेलेले मङ्गद अपने हाज बच्चे करां कनारे बिश्तां अपनि कुआन्शी सेइं साथी रालो, ते तैना दुधे अक जान भोला।’ 6 एल्हेलेले हुनी तैना परमेशरी नज़री मां दूर्द नई, पन अक्के आन। एल्हेलेले ज़ैना परमेशरे जोड़ेरेन, नैन कोई मैन्हु अलग न केरे।” 7 तैनेई तैस पुच्छू, “फिरी मूसे ए हुक्म किजो दितो कि फारख्वी लिखतां छैडी देथ?” 8 तैनी तैन सेइं ज़ोवं, “मूसे तुशेश सखत दिलेरी वजाई सेइं अपनि कुआन्शन छलनेरो हुक्म दितोरो धियो, पन शुरु करां एन न थियू। 9 अवं तुसन सेइं सच्च ज़ोताई, कि ज़ै कोई अपनि कुआन्शी बदमैशरे अलावा कोनी होरि गल्ली पुड फारख्वी दे, ते तै केन्वी होरि सेइं इला बनाते, त तै (एप्प) बदमाशी केरो। ते ज़ै तैस शैरोरी कुआन्शी सेइं इला बनाते, त तै भी बदमाशी केरो।” 10 चेलेई यीशु सेइं ज़ोवं, “अगर मङ्गद ते कुआन्शारे रिशतेरो इ हाले त इला न ले डो बनोरो।” 11 यीशुए तैन सेइं ज़ोवं, “ए गल सब कबूल न केरि बटन, सिफ तैना ज़ैन परमेशर इ काबलीत दितोरीए। 12 किछ त ज़म्मेरे हिङ्ड भोतन ते किछन लोक बनातन, ते किछ एरे भी आन, कि ज़ैन स्वर्गे राज्जोरे लेड इला न बनान, ते ज़ैना इन गल्लां सेमझी सकतन तैना समझन।” 13 तैखन लोकेई बच्चे यीशु कां आने, कि तैन पुड हथ रेखतां प्रार्थाना केरे, पन चेलेई तैना लोक छिडके। 14 यीशुए ज़ोवं, “बच्चे मीं कां एजने देथ, तैन न ठाका, किजोकि स्वर्गेरु राज एरां केरुए।” 15 ते तै बच्चन पुड हथ रेखतां तैटुं अप्रोवं च्लो जेव। 16 हेरा, अक मैन्हु यीशु कां अव ते पुच्छने लगो, “हे गुरु अवं कुन भलू कम केरि, कि हमेशारी ज़िन्दगी हासिल केरि?” (aiōnios g166) 17 यीशुए तैस पुड ज़ोवं, “तू मीं भलैलैये वारे मा किजो पुछतस? परमेशरे अलावा होरो कोई भी रोडो नई, पन अगर तू हमेशारी ज़िन्दगी हासिल केरिन चातस त हुक्म मनन्।” 18 तैनी ज़ोवं, “कोन हुक्मन पुड?” यीशुए ज़ोवं, “खून नईं केरनो, बदमाशी नईं केरनि, चोरी नईं केरनि, छूठी गवाही नईं देनी, 19 अपने हाज बच्चां केरि सेवा केर, अपने पड़ोसी सेइं अपने बराबर ध्वाकरे।” 20 तैनी जवाने जुवाब दितो, “एना सब हुक्म अवं बचपनेरो मन्तो ओरोई। हुनी मीं मां को कमीए?” 21 यीशुए तैस सेइं ज़ोवं, “अगर तू सिद्ध भोन चातस, त ग ज़ैन किछ तीं कां आए तैन बेचतां गरीब मैनैन दे, तैखन तीं स्वर्गे मां खाजानो मैलैलो। ते एहतां मीं पत्ती च्ल।” 22 पन तैनी जवाने ए गल शुनी, त बड़ो उदास भोइतां च्लो जेव, किजोकि तै बड़ो अमीर धियो। 23 तैखन यीशुए अपने चेलन सेइं ज़ोवं, “अवं तुसन सेइं सच्च ज़ोताई कि अमीर मैनेरु स्वर्गे राज्जे मां दाखल भोनु मुशकल।” 24 फिरी अवं तुसन सेइं ज़ोताई, परमेशरेरो राज्जे मां अमीर मैनेरु दाखल भोने केरां ऊटेसेरे सांधेरे पाएरे मरां निसु नूख्य आए।” 25 एन शुनतां चेलेई हैरान भोइतां ज़ोवं, “फिरी करेशी मुक्ति भोइ बटरीए।” 26 यीशुए तैन केरे पासे तेकतां ज़ोवं, “मैनन करां त एन न भोड़ सके पन परमेशरे करां बच्चे किछ भोइ बटरे।” 27 एस पुड पतरसे ज़ोने लगो, “हेर अस सब किछ शैरतां तीं पत्ती च्लोरेरो ते असन कुन मैलैलू?” 28 यीशुए तैन सेइं ज़ोवं, “अवं तुसन सेइं सच्च ज़ोताई कि, मालिके कां गेहडां सारो हाल शुनावा।” 29 तैनी केन्वे अपना धरां

ते ढ़ला या बेड़न या हाज या बव या बच्चे या ऊडारां छ़ड़ेरेन, तैस 100 गुणा फल मैलेला, ते हमेशारी जिन्दगरी विरासत मैलेली। (alōnios g166) 30 पन बड़े मैन्हु ज़ीना हुन्ना पेइले आन, तैना बादे मां पत्रोंव भोनेन। त ज़ीना हुन्ना पत्रोंव आन, तैना बादे मां पेइले भोनेन।”

**20** “स्वर्गेरु राज तैस ज़िमदारेस ज़ेरूप जै झोझां उट्टां ते अपने दाढ़ी बागी मां मज़दूर कम्मे लाए। 2 तैनी अक दीनार रोज मुजुरी देवरे लेइ तैना बागी मां भेजे। 3 फिरी नौ बजेइ बेदर गेइतां तैनी बज़ेरे मां काई लोक बेकार खड़े लाए। 4 तैनी तैन सेइं ज़ोंव, ‘तुस भी मेरी बागी मां गाथ, ते ज़ीन किछ जेइज़ भेलू अवं तुसन देलो।’ तैना कम्मे पुड़ जो जे। 5 फिरी तैनी दुपहेरै ते टलेइ बज़न तगर एने कियू। 6 पंचे बजेइ तैनी बेदर निस्तां किछ होरे लोक भी खड़खडे लेइतां तैन पुच्छू, ‘तुस झोझेरे देते किजो खेड़ेरेथ?’ तैनेई जुवाब दितो, ‘अस केन्चे कम्मे नई लोरो।’ 7 तैनी तैन सेइं ज़ोंव, ‘तुस भी मेरी बागी मां गाथ ते कम केरा।’ 8 “झोझी तैनी बागरे मालिके अपने मुश्नी सेइं ज़ोंव कि, ‘पेइले लग्गोर मज़दूर ते पत्ती कम्मे लग्गोर मज़दूर सेंबन अक-अक दीनार दिहाडी दे।’ 9 ज़ीना पंचे बजेइ ओरे थिये, तैन भी अक दीनार पूरी दिहाडी मैल्ली। 10 ज़ीना मज़दूर झोझां कम्मे लग्गोरे थिये तैन केरि बारी आई ते तैनेई सोचू कि असन जादे मैलेनन, पन तैन भी अक-अक दीनार मैल्ली। 11 ज़ैखन दिहाडी मैल्ली, त तैस मालिकेरे बारे मां तैना एप्पु मांमेई बुराई केरसे लगो। 12 ‘पत्ती लोरे मज़दूरेई सिफ अक धैन्नो कम कियोरुए, ते तीं तैन भी असन बराबर जैनेई सैरी दिहैड़ी कम किया मुजुरी दिती।’ 13 तैनी तैन मरां एक्की जुवाब दितो, ‘देवर्स मी तीं सेइं काई बेइन्साकी नई कियोरी, कुन मीं तीं संद अक दीनार दिहैड़ी गल न थी कियोरी? 14 एल्हेरेले जे तेरी मज़दूरीए तै ढला ते चलो गा, ए मेरी मज़ींए कि बादे मां लग्गोर मज़दूर भी एत्रे देई। 15 कुन मीं ए अधिकार नई कि अपने माले मरां जैन चैई तैन केरि? तू मीं पुड़ एल्हेरेले ज़ ज़लतस कि अवं खुल्ले दिले सेइं देने बालोई? 16 एल्हेरेले बड़े मैन्हु ज़ीना हुन्ना पेइले आन, तैना बादे मां पत्रोंव भोनेन, ते ज़ीना हुन्ना पत्रोंव आन, तैना बादे मां पेइले भोनेन।” 17 यस्शलेम नगरे जो गांते बार यीशुए अपने 12 चेलन अलग डेतां तैन सेइं ज़ोंव, कि तैस सेइं कुन भोने बालूए। 18 ‘हेरा, अस यस्शलेम नगरे जो चलालेस, मैनेरु मटू प्रधान याजकां ते शास्ती लोकां केरे हवाले कियू गालू, ते तैना तैस मासरेवे काबल ठैरेले। 19 तैस गैर कौमां केरे हवाले केरेले, तैना मैरेम ढुरीयानी मेरी हासी बनाले, ते तैस कोइ बाहेल, ते फिरी तैस क्रूपे पुड़ चाढ़ेले, ते अवं टलेइयोंव दिहाडे फिरी ज़ींती भोलो।’ 20 तैखन ज़ब्दी नंक्वे मैनेरु मटू केरि अम्मा अपने मटून सेइं साथी यीशु कां आई, ते तैस कां मिनत केरने लाई ते तैस करां किछ माने लग्गी। 21 तैने तैस पुच्छू, “तीं कुन लोडेतु?” तैसां ज़ोंव, “वचन दे, कि मेरा इन्ना मटू तेरे राज्जे मरा अक तेरे देवने पासे त होरु तेरे बाएं पासे विश्वन।” 22 पन यीशुए तैन सेइं ज़ोंव, “तुस न ज़ानथ कि कुन माने लग्गोरेथ! ज़ेन्जरे दुख अवं झ़लने बालोई, कुन तुस झोल्ली सकतथ? तैनेई जुवाब दितो, हां झोल्ली सकतम।” 23 तैनी तैन सेइं ज़ोंव, “तुस मेरे ज़ेरो दुःख झ़ललेले, पन एन मेरु कम नई कि एक्की देइने पासे ते होरि बांए पासे विश्वली, ए ठार ज़ेसेरे लेइ मेरे बाजेरे तरफां रखोरीए ते तैसे लेइए।” 24 एन शुन्तां होरि दश चेलेई तैन दुई ढ़लान पुड़ नराज भोड़ जे। 25 यीशुए अपने सार चेले नेडे कुजेडांता, तैन सेइं ज़ोंव, “होरि कौमां केरे प्रधान अपने लोकन पुड़ राज केरतन, ते तैन केरे मालिक तैन पुड़ अधिकार रखतन। 26 पन तुसन मां एरु न लोडे भोरु, बल्के तुसन मां ज़ी बड़ो बन्नो चातो, तै सेड्भी केरो सेवक बने। 27 ज़ी कोई तुसन मां प्रधान बनू चाए, तै सेड्भी केरो गुलाम बने, 28 ज़ेन्जरे कि मैनेरु मटू एल्हेरेले नई ओरुए कि कोई तैसेरी सेवा केरे, बल्के एल्हेरेले कि सेवा केरे, ते अपनी जान बड़े लोकां केरे छुटकारे लेइ दे।” 29 ज़ैखन यीशु ते तैसेरे चेले यरीहो नगरे मरां चलाले थिये, त बड़े लोक तैस पत्तवी चले। 30 दुई काने बत्ती मां विश्वारे थिये, तैनेई एन शुनू कि यीशु इस बत्तां चलारोए, त तैना चिन्डां मारने लगे, “हे प्रभु दाऊदेरा मटू असन पुड़ दया केरा।” 31

लोक तैन झिड़कने ते ज़ोने लगे कि चुप राथ, पन तैना मना चिन्डां मारने लगे, “हे प्रभु, दाऊदेरा मटू असन पुड़ दया केरा।” 32 तैखन यीशु खेड़ोव ते तैन कुजेइता पुच्छने लगो, “तुस कुन चातस अवं तुशें लेइ केरी?” 33 तैन कानेई जुवाब दितो, “हे प्रभु अस चातम कि इश्शी एछ़छन लौ एज्जो।” 34 यीशुए तैन पुड़ बड़ो तरस अव, ते तैनी तैन केरे एछ़छन पुड़ हथ रखखो ते तैना लहें लगे, ते दुझे काने यीशु पत्ती चले जे।

**21** ज़ैखन यीशु ते कने तैसेरे चेले यस्शलेम नगरेरे नेडे पुजे, त यीशुए जैतून पहाडे पुड़ बैतफगे मरां अपने दुई चेले एन ज़ोइता अग्रोव भेजे।

2 “अपने सामने उस इलवें मां गाथ, ते तैनी पुजुले, त तुसन अक गधी बंधोरी मैलनिये, ते तैस साथी तैसेरो बच्चो भी भोनेए, तैस खोलतां झड़ी मीं कां आनां।” 3 अगर तुसन काई पुच्छे, त तुस ज़ोइयथ, कि प्रभुए एसेरी ज़रूरत आए, ते तै लूटी तैस वापस भेजेलो। 4 इन सब किछ एल्हेरेले भोवं, कि नेबे जैन वचन ज़ोरु थियू, तैन पूरु भोवं, 5 “सियोनेरु कुद्दये सेइं ज़ोथ, कि तेरो राज्जो तीं कां ओरोए, ते तै बड़ो हलीमी ते तै गैधी पुड़ चेढ़तां ओरोए, बल्के गधेरे बच्चे पुड़।” 6 चेले चले जे ते ज़ेन्जरे यीशुए ज़ारु थियू, तैनेई तेन्वरे कियू। 7 तैनेई ते गधी ते तैसेरो बच्चो आनो, ते तैन पुड़ अपना लिंगडां छांडा, ते यीशु तैस पुड़ चेढ़तां चलो। 8 बड़े लोकेई अपना लिंगडां बत्ती मां विछां, ते किछेई बुद्धा केरे डाल केटां बत्ती मामेइं झड़ोरे थिये। 9 ते तैना लोक ज़ीना यीशु सेइं साथी अग्री-अग्री ते पत्ती-पत्ती चलोरे थिये, तैना नहरे देते थिये, “दाऊदेरे मधेरी होशाना (तारीफ़), धने तै, जै प्रभुए नव्वे नव्वे सेइं एक्ते, स्वर्गे मां होशाना।” 10 ज़ैखन यीशु यस्शलेम नारे मां पुजो, त सारे नार मां हलचल मेंजि जैई, ते लोक जौने लगे, “ए कैने?” 11 लोकेई जौवं, “ई गलीलेरे नासरत नोरोरो नबी यीशुए।” 12 यीशुए परमेश्वरे मन्दरेरे अंगेरे मां गेइतां, ज़ीना बुपारी बुपार केरते थिये सब तैठुं कडे, तैनी सुनारां केरि दुकान ते कबूतर बेइने बालां केरि ठारा ढलोड़ी। 13 ते तैनी ज़ावं, “लिखोरुए कि मेरे मन्दरे जो प्रार्थना केरनेक घर ज़ोले, पन तुसेई ते ए डैकू केरो अड्हो बनेवरोए।” 14 तैखन काने ते टोंटे मन्दरे मां यीशु कां आए, ते तैनी तैना सब बज़ाए। 15 पन ज़ैखन मन्दरेरे प्रधान याजक ते शास्त्री लोक एना कम्मां जैना तैनी कियां, ते मटून मन्दरे मां दाऊदीरी औलादीरी होशाना (तारीफ़) ज़ोते लाए, तैन बड़ी सारक आई। 16 ते तैस सेइं ज़ोने लगे, “तू शुन्ते लोरोस कि एना कुन ज़ोने लोरोन?” यीशुए तैन सेइं ज़ोंव, “हाँ अवं शुने लोरोई, तुसेई कधे नई पुढ़ेरु कि, ‘तीं मटून ते दुखु पीते बच्चन करो भी तीं अपनी पूरी तारीफ़ कमाई?’” 17 तैखन तै तैन शैरतां नारे बेइरोवं चलो जे, ते बैतनियाह नगरे मां जेव ते तैड़ी रात गुजारी। 18 झोझां ज़ैखन यीशु नगरे मांजो वापस ओरो थियो, त तैस ढुलुख लग्गी। 19 बड़ोरे ड्लेखी अक फेरोरे बूट लाव ते तैस कां जेव, ते पट्टान केरे अलावा तैस पुड़ किछ न लाव, तैनेई तैस जो ज़ोंव, “कधे भी तीं पुड़ फल न लग्गोलो ते तैखने ते बुट शुक्की जैव।” (alōn g165) 20 एन हेरतां चले हैरान भोइतां पुच्छने लगो, “ई फेरोरे बूट अकदम केन्वरे शुक्की जौरोए?” 21 यीशुए जुवाब दितो, “अवं तुसन सेइं सप्त्र ज़ोताई कि अगर तुस विश्वास रखथ, ते शक न केरथ, जैन फेरोरे बुटे सेइं भोवं तैन तुस भी केरि सकतथ, बल्के उस पहाडे जो ज़ोले कि दुहु उखड़तां समुद्रे मां गा, त तैने भोलू।” 22 अगर तुशें विश्वास पक्कोए त जैन किछ तुस प्रार्थनाई मां मग्गोले, तैन तुसन मैल्ली गालू? 23 यीशु मन्दरे मां विश्वा देने लोरो थियो, त प्रधान याजक, ते लोकां केरे बुजोई तैस पुच्छू, तु एन कम कसरे अधिकारे सेइं केरतस? ते तीं एन कम कैनी दितोरोए? 24 यीशुए तैन जुवाब दितो, “अवं भी तुसन अक गल पुछलई, अगर तुस तैसेरो जुवाब देले, त अवं भी ज़ोइलो कि अवं एन कम कसरे अधिकारे सेइं केरताई।” 25 यूहन्नारो बपतिस्मो कोठुं थियो? स्वर्गेरि तरफां थियो, या की इन्सानेरी तरफां थियो? तैना एप्पु मामेइं गलबात केरने लगो, कि अगर अस ज़ोतम कि, स्वर्गेरि तरफां थियो, त फिरी तैनी ज़ोनूए कि फिरी तुसेई तैसेरो याकिन की नई कियेरु? 26 पन अगर अस ज़ोतम कि, ‘इन्सानेरी तरफां थियो,’ त लोकां केरो भी डरे किजोकि लोक यूहन्ना

नबी मन्ते थिये।” 27 एल्हेरेलेइ, तैनेई यीशुए जुवाब दित्तो, “अस किछ न ज्ञानम।” तैनी भी तैन सेइं ज़ोवं, “अवं भी तुसन सेइं न जोई कि अवं इन कम्मा कर्सेरे अधिकारे सेइं करताई।” 28 पन तुस इस मिसालरे बारे मां कुन सोचतथ? केन्वी मैनेरन दूझ मट्टु थियो, तैनी बहु मट्टु कां गेइतां ज़ोवं, “अज़ दाल्ही बागी मां गा ते कम केर।” 29 तैनी जुवाब दित्तो, “अवं न गेई।” पन बादे मां पश्चेइतां च्चलो जेव। 30 फिरी बाजे होरि मट्टु कां भी गेइतां एन्ने ज़ोवं, तैनी जुवाब दित्तो, “अच्छा खरी गाताई।” पन जेव नन्ना। 31 “एन दुझे मरां केनि अपने बाजेरो हुक्म मन्नो?” तैनेई जुवाब दित्तो बहु हुक्म मन्नो, यीशुए तैन सेइं ज़ोवं, कि अवं तुसन सेइं सच्च ज़ोताई, कि चुंगी थिने बाले ते बदयलन कुआन्नरा तुसन कांग पेइले परमेश्वरे राज़ मां दाखल भोली। 32 अवं इन ज़ोताई, यूहन्ना बपतिस्मो देनेबाले तुसन ज़ोवं, कि थार्मिकतरी ज़िन्दगी केन्वरां ज़ीनाए पन तुसेई तैसेसु विश्वास न कियो, पन चुंगी थिने बाले ते बदयलन कुआन्नरे हैं तैसेसु विश्वास कियूं, एन हेरतां भी तुसेई पापन करां मन न फिराव ते तैस पुडु विश्वास न कियो। 33 अक होरि मिसाल शुना, एक्की ज़मीनदारे अक दाल्ही बाग लाई ते तैसेरे चेवे पापन बाड़ दित्तो, ते दाल्हीरो रस कंधनेरे लेइ अक हौवज़ बनाव, ते तैस बागरी हेरगेश केरनेरे लेइ अक उच्ची कूड़ी बनाई ते फिरी तै काशत केरनेबालन ठेके पुडु देइतां कोन्च दूर प्रदेशो जो च्चलो जेव। 34 ज़ैखन दाढ़ ढलालेनेरो मौको अव त तैनी अपनो हिस्सो नेनेरे लेइ अपने नौकर तैन ठेकेदारन कां भेजे। 35 ते ठेकेदारेइ तैसेरे नौकर कोई झूसो कुटो कोई मारो ते केन्वी जेई घोड़ेई दित्तो। 36 फिरी तैनी होरे नौकर भेजे जैना पेइलन करां जादे थियो, पन ठेकेदारेइ तैन सेइं भी तेरोहो ज़ेरो सलूख्य कियो। 37 आख्कर्कार तैनी अपन मट्टु तैन कां भेज्जु ते सोचू कि मेरे मट्टुरो ते लिहाज़ केरेलो। 38 “पन ज़ैखन ठेकेदारेइ तैसेसु मट्टु लाव, त तैना एप्पु मामेई मुसोरो केरेने लगे, कि एज्जा एस सेवा मारम ते एसेरी बागी पुडु कब्जी केरम”। 39 “तैखन तैनेई तैन मट्टु ढलाव ते बागारे बेदर शेरी छहु।” 40 एल्हेरेलेइ ज़ैखन बागारे मालिक एप्पू एज्जोलो, त तैन ठेकेदारन सेइं केरो सलूख्य केरेलो?” 41 तैनेई जुवाब दित्तो, तै तैन बुरन, बुरे तराके सेइं मैरतां बागारो ठेको होरि ठेकेदारन देलो, जैना माके पुडु तैसेरो हिस्सो तैस देन। 42 यीशुए तैन सेइं ज़ोवं, “तुसेई पवित्रशास्त्रे मां कथे नई पढेहु, ज़ी घोड़ मिस्ट्रेई रही कियोरो थियो, तैए कूनेरो घोड़ भोलो, एन कम परमेश्वरे कियोरुप, ते इश्शी नज़री माएन आजीब आए?” 43 एल्हेरेलेइ अवं तुसन सेइं ज़ोताई, कि परमेश्वरे राज़ तुसन करां निव गालू ते एरी कौमी कां दित्त गालू ज़ी वक्ते पुडु तैस फल दे। 44 ते ज़ी कोई इस घोड़े पुरु बिछुडेलो ते तैसेरे टुकड़े-टुकड़े भोइ गारे, पन ज़ी एस उन्हो बिछुडेलो ते तैस पड़तां छडेले। 45 प्रधान याजक ते फरीसी लोकेई यीशुरी ए मसाल शुनां सेमझी जे, कि यीशु एन गल्लां दूशे बारे मां ज़ोने लोरोए। 46 तैनेई यीशु ढलानो चाव, पन लोकन करां डरते थिये किजोकि तैना यीशु नबी मन्ते थिये।

**22** यीशु फिरी मसाल देइतां ज़ोने लगो। 2 “स्वर्गेंरु राज़ एक्की राज़ेरु ज़ेरु, जैनी अपने मट्टुरे ढला बनाव।” 3 ते अपने नौकर भेजे कि तैना लोकन जैन जेई ढलाएरी थाम बनोरी थी, तैन कुजान पन तैना न आए। 4 तैखन तैनी अपने नौकर एन ज़ोइतां भेजे, कि जैन जेई ढलाएरी थाम बनोरीए, तैन ज़ोथ, रोटी बनोरीए ते मां बड़े-बड़े जानवर कटौरन, ते सब किछ तियार भोए, ते ढलाएरी थामी मां शामल भोथ। 5 पन तैनेई ध्यान न दित्त ते कोई परवाह न की, कोई अपने ऊडरे मां च्चलो जेव, ते कोई अपने कारोबारे मां लगो ते कोई कोरां च्चलो जेव। 6 किछेई तैसेरे नौकर टलेइतां तैन तैना बेड़त किये, ते जानां भी मैरी छहु। 7 ज़ैखन राजे एन शुनू त राजे बड़ी सरक आई, ते तैनी अपनि फौज भेजतां तैना कातली मैरी छहु ते तैन करां नगरां फुके। 8 तैखन तैनी अपने नौकरन सेइं ज़ोवं, ढलाएरी थाम तियार आए, पन जैन कुजोरे थिये तैन एस काबल नई। 9 एल्हेरेलेइ तुस हर पासे गाथ ते ज़ेत्रे तुसन मैलतन, तैना सब इरां कुजाथ। 10 तैखन तैना नौकर च्चले जे ते हर पासे गेइतां ज़ेत्रे खेरे बुरे तैन मैलते, सब अकोट्टु ढलाए मां आने

ते मेहमानेइं सेइं घर भेरतां भोवं। 11 “ते राजो मेहमान सेइं मिलने अन्तर अव, त तैसेरी नज़र एक्की मैन्हु पुडु पेर्दू ज़ै इलाए लिंगड़ां लेडतां न थियो ओरो।” 12 राजे तैस पुच्छु, हे दोस्त, तू ढलाएरे लिंगड़ां मां की नई ओरो? पन तैने किछ न ज़ोवं। 13 “एस गल्ली पुडु राजे अपने नौकरन सेइं ज़ोवं, ‘एसेरे हथ पाव बेंथत बेइर आधरे मां छाड़ा ज़ैडी ए लेरा देतो राए, ते दंत चापतो राए।” 14 किजोकि परमेश्वरे हमेशारे ज़िन्दगे लेइ त बडे कुजोरे पन चुनोर थोडेन।” 15 तैखन फरीसी लोक तैटुं च्चले जे, ते एप्पु मौमेइं मुशोरो केरेने लगे एस केन्वरे गल्लन मां फसाम। 16 एल्हेरेलेइ तैनेई अपने किछ च्चले हेरोदेस राजेरे लोकन सेइं साथी यीशु कां भेजे, ते तैनेई ज़ोवं, “हे गुरु अस ज्ञानतम कि तू सद्योस, ते परमेश्वरी बत सद्येइं सेइं शिखाततस ते कोन्वेरी परवाह न केरस किजोकि तू मैन्हु केरु तुतर देरतां गल्लां न केरस। 17 एल्हेरेलेइ असन जो, तू कुन सोचतस? महाराजे जो चुंगी देनी जेड़े की नई?” 18 यीशु तैन केरि चाल सेमझतां ज़ोवं, “हे पाखंडी लोकव मां किजो अज़मातथ? 19 ज़ै सिको चुंगे लेइ देतथ तैस मां हिराथ, तैनेई अक दीनार तैस कां आनो।” 20 यीशुए तैन पुच्छु, इस पुडु कसेरी शकल ते कसेरु नवं लिखोरुप?” 21 तैनेई जुवाब दित्तो महाज़ेरु, तैखन तैन सेइं ज़ोवं, “जैन महाराज़ेरु तैन महारजे जो देथ, ते जैन परमेश्वरे ए तैन परमेश्वरे जो देथ।” 22 तैना एन शुन्तां हैरान रेइजे, ते तैस तैटुं छेडतां च्चले जे। 23 तैस्से दिवेड़ी किछ सद्यकी लोक ज़ैना जोते थिये कि मरनेरां बाद कोई ज़ीतो नई भोनो, तैनेई तैस पुच्छु, 24 “हे गुरु मूसे ज़ोरुप कि, ‘अगर कोई मैन्हु बैओलाद मेरि गाए, त तैसेरी ढला तैसेरी कुआन्नी सेइं ढला बनाए ताके अपने ढलाएरे लेइ औलाद पैदा केरे।’” 25 इश्शे इडी सत ढला थिये, पेइले ढला बनेइतां मेरि जेव, तैस औलाद न थी तैनी अपनि कुआन्श अपने ढलाएरे लेइ छेड़ी दित्ती। 26 ए वजा आए ते सेरे दुझेयोवं ते दलेइयोवं भी एन्वरे कियूं बल्के सरते ढलान सेइं एने भोत राऊं। 27 आख्कर्कार तै कुआन्श भी मेरि जेई। 28 हुनी ज़ो तै कुआन्श मुड़दन मां ज़ीतो भोनेरे दिहाडे तैन सरते ढलान मां किसेरी कुआन्श भोली? किजोकि तै सेभी केरि कुआन्श बनोरी थी।” 29 यीशुए तैन जुवाब दित्तो, “तुस न पवित्रशास्त्र ते न परमेश्वरी शक्ति ज्ञानथ, ते एसे वजाई सेइं तुस टेपलारेथि।” 30 किजोकि ज़ीतो भोनेरा पत्ती तैना ढला न बनाले, पन तैना सर्गे मां परमेश्वरे स्वर्गदूतां केरे ज़ेरे भोनेन।” 31 “पन मुड़दन मरां ज़ीतो भोनेरे बारे मां कुन तुसेई इन वचन नई पढेहु जैन परमेश्वर तुसन सेइं ज़ोवं, 32 ‘अवं अब्राहामेरो परमेश्वर, ते इसहाकेरो परमेश्वर ते याकूबेरो परमेश्वर आई?’ ते मुवोरां केरो नई बल्के ज़ीतां केरो परमेश्वर।” 33 लोक तैसेरी ए शिक्षा शुन्तां हैरान रेइजे। 34 ज़ैखन फरीसी लोकेई एन शुनू कि तैनी सद्यकी केरु आशी बंद कियोरुप, त तैना तैस कां सब अकोट्टु भोए। 35 तैन मरां अक शास्त्री तैस अज्जमानेरे लेइ यीशुए पुच्छु। 36 “हे गुरु, मूसेरे कानूने मां सेव्हन करां बड़ो हुक्म कौ आए?” 37 तैनी ज़ोवं, “तू परमेश्वर अपने प्रभु सेइं अपने सारे दिले सेइं ते अपनि सैरी जानी सेइं ते अपनि सैरी अक्ली सेइं प्यार केरा। 38 सेव्हन करां बड़ी ते खास हुक्म ईए।” 39 एसेरो ज़ेरो ईए, “अपने पड़ोसी सेइं अपने बराबर प्यार केरा।” 40 इन्ना दूर हुक्म मूसेरे कानून ते नेवी केरो आधारे।” 41 ज़ैखन फरीसी लोक भी तैटुं ज़म्हां भोइजेइ, त यीशुए तैन पुच्छु। 42 “मसीहो बारे मां तुश्शो कुन खियाले, कि तैन केसेरु मट्टुए?” तैनेई जुवाब दित्तो, “दाऊदेरु मट्टु।” 43 यीशुए तैन सेइं ज़ोवं, “फिरी दाऊद आत्माइ मां तैस जो प्रभु किजो ज़ोते?” 44 “प्रभु मेरे प्रभु सेइं ज़ोवं, रेदेने पासे विश्वासी जां तगर अवं वेरे दुश्मन तेरे पावन हैठ न ढलन्वेइ।” 45 बस्सा, अगर दाऊद तैस जो प्रभु ज़ोते ते तैन तैसेसु मट्टु केन्वरे सेइं भोइ सकते?” 46 तैन मरां केन्वे भी एक्की गल्लरो जुवाब न दैंड बटो। पन तैस वक्ते बाद फिरी कोन्ची तैस पुच्छनेरो हिम्मत न भोए।

**23** तैखन यीशुए बड़े लोकन सेइं ते अपने चेलन सेइं एन ज़ोवं। 2 “शास्त्री ते फरीसी लोक मूसेरो कानून समझाने बालेन।” 3 एल्हेरेलेइ जैन किछ तैना तुसन ज़ोतन तैन तुस केरा ते मेना, पन तैन केरां ज़ेरां कम्मां न केरा, किजोकि तैना ज़ोने त ज़ोतन पन केरन नन्ना। 4 तैना अपने मेझ्हा

सेइं कानून बनातन जैना लोकां केरे लेइ मन्ने मुश्किल भोतन, पन एप्पू अपने कानूने मन्नेरी कोशिश भी न केरन। 5 तैना जैन किछु केरतन सिर्फ मैनन् हिरानेरे लेइ केरतन, तैना अपने कुपाए ते पैखड़न पुड़ पवित्रशास्त्रेरे वचन लिखतां बहु-बहु जन्नां केरे ज़ेरे बन्धनतन, ते अपने चोगन पुड़ लम्पो गुच्छा लातन (ताके लोक समझन तैना बड़े धर्मी आन)। 6 तैना धामन मां खास ठैरी बिश्नू चातन, ते प्रार्थना घेरे मां खास कुर्सन पुड़ बिश्नू चातन। 7 ते तैना चातन कि लोक तैनन जो बजारन मां नमक्कार जोन, ते तैनन जो गुरु जोन। 8 पन तुस अपने आपे जो गुरु न जुवेइयथ, किजोकि तुश्शो अक्के गुरु आए, ते तुस सब ढुलां केरे ज़ेरे बाबर आथ। 9 ते दुनियाई मां केन्वी जो (आत्मिक) बाजी न जोइयथ, किजोकि तुश्शो अक्के बाजी आए जै स्वर्ग मां आए। 10 ते न केन्वी जो मालिक जोइयथ किजोकि तुश्शो अक्के मालिके जै मसीह आए। 11 पन जै तुसन मां बहु भानू चाते, त तै तुश्शो सेवक बने। 12 ते जै कोई अपने आप बहु बनानेरी कोशिश केरते, त तै निकडो बनाव गालो, ते जै कोई अपनो आप निकडो बनाते त तै बहु बनाव गालो।<sup>13</sup> 13 तैखन यीशुए जोवं, “हे पाखंडी शास्त्री ते फरीसी लोकव, तुसन पुड़ अफसोस, किजोकि तुस स्वगरे राज्जों मां लोकन दाखल भोने न देथ, किजोकि न तुस एप्पू दाखल भोथ, ते न होरन दाखल भोने देथ। 14 हे पाखंडी शास्त्री ते फरीसी लोकव तुसन पुड़ अफसोस, तुस विधवा कुआन्नां केरे घरन लुटथ, ते लोकन हिरानेरे लेइ लेम्मी-लेम्मी प्रार्थना केरतथ, तुसन जादे सज्जा मैलेली।” 15 “हे पाखंडी शास्त्री ते फरीसी लोकव, तुसन पुड़ अफसोस। तुस अक मैनू अपने धर्मे मां आन्नेरे लेइ बहु दूर-दूर गतथ, ते जैखन तै तुश्शी शिक्षा मन्त तैस एप्पू करां दुगनो नरके मां गानेरे काबल बनातथ।” (Geenna g1067) 16 “हे बत हिराने बाले कानाव, तुसन पुड़ अफसोस, कि तुस ज्ञोतथ कि अगर कोई मन्दरेरी कसम केरे, त तैसेरी कसमारो पाबंद भोलो। 17 हे बेवकूफ ते कानाव, बहु कुन आए सोनू या मन्दर, ज़ेसेरी वजाई सेइं सोनू पवित्र समझू गाते?” 18 “तुस ज्ञोतथ कि अगर कोई बलिदान ज़ाहनेरे ठारारी कसम केरे, त कोई हर्ज़ नई, पन चैंदोरी चीज़री कसम केरे त तैसेरो पाबंद भोलो। 19 हे कानाव! बहु कुन आए, चैंदोरी चीज़ या बालिदान ज़ाहनेरे ठार ज़ेसेरी वजाई सेइं चांदोरी चीज़ पवित्र समझू गावे? 20 अगर जै कोई बलिदान ज़ाहनेरे ठारारी कसम केरते, त तै सेब्बी चैंदोरी चीज़जां केरि कसम केरते। 21 जै कोई मन्दरेरी कसम केरते त तै मन्दरे मां रानेबाले परमेश्वरी कसम केरते। 22 ते जै कोई स्वर्गोरी कसम केरते, तै परमेश्वरे तख्तेरी ते तैस पुड़ बिश्नेबालेरी कसम केरते।” 23 “हे पाखंडी शास्त्री ते फरीसी लोकव, तुसन पुड़ अफसोस, तुस पुतनेरो ते सोफेरो ते ज़ेरिरो दशेवं हिस्सो त देतथ, पन मूसोरे कानूनेरी खास गल्लां ज़ेन्नरे इन्साफ केनो, दया केरनि ते ईमानदार भोनू शारोरू, ज़स्सी यिथूं तुस एन भी केरते राथे ते तैन भी न शरिथे। 24 हे बत हिराने बाले कानाव! तुस मश्शे त छानतथ पन सथ्थो ऊंट निगलतथ।” 25 “हे पाखंडी शास्त्री ते फरीसी लोकव, तुसन पुड़ अफसोस, तुस कटोरो ते कोने थाली बेइस्मै खूब मांजुतथ पन अन्नमै लालत्र ते बे सबरीए भेरताए।” 26 “हे काने फरीसाव येइले कटोरो ते थाली अन्नमै मांजां, ते फिरि बेइस्मै भी साफ भोए।” 27 “हे पाखंडी शास्त्री ते फरीसी लोकव तुसन पुड़ अफसोस, तुस तैन कब्रां केरे जेरेथ जैन बेइस्मै त सफेदीए ते बैंडो रोड़ा लेहीयोचन, पन अन्नमै मुद्रदां केरि हहुती त सब किसमेरी गेन्दी सेइं भेरतन। 28 एन्नरे तुस बेइस्मै लोकन बड़े धर्मी लेइयोतथ, पन अन्नमै दुनियारे पाखंडे ते अर्धमै सेइं भेरतथ।” 29 “हे पाखंडी शास्त्री ते फरीसी लोकव तुसन पुड़ अफसोस, किजोकि तुस नेवी केरे आसाथान सजातथ ते धर्मी लोकां केरि कब्रां बनातथ। 30 ते ज्ञोतथ कि, ‘अगर अस अपने दादे-पड़दादां केरे जमाने मां भोये त नेबन मारेन मां तैन केरु साथ न देथे।’ 31 एन्नरे तुस एप्पू मूलतथ कि तुस नेवी केरे कल्ल केनेबाला केरि औलादी मारा आथ। 32 हुनी तुस अपने दादे-पड़दादां केरे पापेरे धड़ो भरते राथ।” 33 “हे ज़हरीले सप्पां केरे ज़ेरे बच्चाव! तुस नरकेरी सजाई करां केन्वरे बज़ेले? (Geenna g1067) 34 एल्हरेलेइ हेरा अव नेबन ते

अकलमन्दन ते शास्त्री लोकन तुसन कां भेजताई, तुस तैन मरा किछन कल्ल केरेले, ते किछन कूसे पुड़ ज़ाहेले, ते किछन अपने प्रार्थना घेरे मां कोडेहं सेइं बाले, ते नगर-नगरे मां तैन मारनेरे लेइ तैन पत्ती लग्गोरे राले। 35 एल्हरेलेइ सारे धर्मी केरो कल्ल जै इस धर्ती पुड़ भोरोए, तैन केरि सज्जा तुसन पुड़ एज्जे, धर्मी हाबिलेरे कल्ले करां लेइतां, ते बिक्रियाहेरे मधु जकर्याहेरे कल्ले तगर जै तुसेहं मन्दरेरे ते बलिदान केरेरे ठारारे मङ्गाटे मन्दरेरे अंगे मां कल्ल कियोरो थियो। 36 अव तुसन सेइं सज्ज जोताई कि इस ज्ञानेरे लोकन एना सैरी गल्लां केरे सज्जा मैलीनी।” 37 फिरि यीशुए जोवं, “हे यस्शलेम नगरेरे लोकव, हे यस्शलेम नगरेरे लोकव, तुसेहं केत्रे नवी कल्ल किये जैना बड़े पेहले तुसन कां आए, ते जैना तुसन कां भेजे तुसेहं तैन घोड़ेहं बई, मां बड़े बार सोचू कि तेरे बच्चन अकोटु केरि ज़ेन्वरे कुक्की अपने बच्चन अपने फंगन हैठ रख्चे पन तुस राजी न भोए। 38 हेरा तुश्शू घर तुश्शे लेइ बेरान भोइ गाते। 39 किजोकि अव तुसन सेइं सज्ज जोताई, कि तुस मीं हुन्ना करां तैस दिहाड़े तगर कथे न लेइ सकेले, ज़ातिगर मेरे बारे मां इन न ज़ोल, ‘तैसेरी तारीफ भोए जै प्रभुरे अधिकारे सेइं इडते।’”

**24** जैखन यीशु मन्दरे मरा निस्तां ब्रलोरो थियो, ते तैसेरे चेले तैस कां आए, ताके तैस मन्दरेरे रोड़ेरोड़े भवन हिरान। 2 तैनी तैन सेइं जोवं, “कुन तुस एन सब किछु हेरेने लोरेथ? अव तुसन सेइं सज्ज जोताई कि इडी कोई घोड़े पुड़ घोड़ बाकी न रालो, जै बछोड़ा न गालो।” 3 जैखन तै जैतून पहाड़े पुड़ विशोरो थियो, ते तैसेरे चेले अलग जेरे तैस कां इदां तैस सेइं जैने लगे, “असन जौ कि एन गल्लां केइस भोनिन? ते तैरे एजनेरो ते दुनियारो अन्त भोनेरो कुन निशान भोनोए?” (aiōn g165) 4 यीशुए तैन जुवाब दिलो, “खबरदार राथ, कोई तुसन न टपलाए। 5 किजोकि बड़े मेरे नंके सेइं एजनेरो ते तैनई जॉनूए कि, ‘अव मसीह आई,’ ते तैनई बड़े लोक टपलानेन। 6 तुस लडाई ते लड्डै केरि अफवाह शुनेले, खबरदार डेरथ नना, किजोकि एन गल्लां ज़रूरी भोनिन, पन तैस वक्ते खातमों नई भोनो। 7 किजोकि कौमी पुड़ कौम, ते राज्जे पुड़ राज चढ़हाई केरेलू ते ठारी-ठारी काल पेलो, ते भुजल एजनेरो। 8 मुनीबता केरि शुरुआत भी एने गल्लैहं सेइं भोनीए। 9 जैखन जैना तुश्शू खलाफन तैना तुसन टलेइतां बड़ी सखत सज्जा देले, ते कल्ल केरेले, ते मां पुड़ विश्वास केरेरे वजाई सेइं, सैरी कौमां केरे लोक तुसन सेइं बैर रखेले। 10 तैखन बड़े लोक मां पुड़ विश्वास केरनो शरेले, एक्की होरी टलुवाले, ते एप्पू मांमेहं भी वैर रखेले। 11 ते बड़े झूठे नवी दुनियाई मां निसेन ते बड़े लोक टपलानेन। 12 अर्धम बधने सेइं बड़े लोक एप्पू मांमेहं प्यार केरनो शरेले। 13 पन जै कोई आखरी दम्मो तारा मीं पुड़ विश्वास केरेलो, ते तैसेरे मुक्ति मैलीनी। 14 ते परमेश्वरे राज्जोरी ई खुशखबरी दुनियारे हर पासे शुगाई गाली, ताके सैरी कौमां केरे लोकन मौकी मैले कि तैना इस कबूल केरन, तैखन दुनियारो खातमों भोलो।” 15 “जैखन तुस तैस उज्जाने बाली भट्टी चीज़ी, ज़ेसेरे बारे मां दानियेल नेबे ज़ोर थियू पवित्र ठैरी खड़ी लाएले, (त पढ़नेबालो भी समझो)। 16 कि जैना तैस मैके यूहदिया इलाके मां भोले तैना पहाड़न पुड़ जो नशन। 17 ते जैना लाए पुड़ भोन तैना कोई चीज़ नेने अन्तर न एजन। 18 ते जै मैनू ऊड़ेरे लोक टपलानेन। 19 तैन दिहाड़न मां जैना दोर्जीती त दुद्द पियाती कुआशा भोली, तैन केरे लेइ लड़ अफसोस। 20 “ते प्रार्थना केरा कि तुसन हिंवतड़े या आरामेरी दिहाड़ी नशनू न पे। 21 किजोकि तेइस एत्री बहु मुसीबत भोली, ज़ेरि दुनियारे शुरु करां अज तगर नई ओरी, ते न कधी एज्जेली। 22 अगर तैन दिहाड़न केरि तैधात घटेवरी न भोथी, त कोई प्राणी न थियो बचानो, पन चुनोरां केरे लेइ तैना दिहाड़े घटेवरन। 23 अगर कोई तुसन सेइं जोए कि, ‘तक्का, मसीह इडी आए। या उड़ी आए।’ त तुस विश्वास न केरथ।” 24 “किजोकि इडो मरीह ते बहु बहु चमत्कार हिरानेन, ते भोइसखे त चुनोरे लोक भी टेपलानेन। 25 हेरा, मीं तुसन सैरी गल्लां भोनेरे पैइले जैनिन। 26 अगर कोई तुसन सेइं जोए कि, ‘हेरा तै ज़ंगले मांए,’ त तुस बेइर न गेड़यथ; हेरा, तै घेरे

मां', त तुस विश्वास न करेथा।" 27 "किजोकि जेन्वरे बिजली पूर्वां, पछां में तगर चमकतीए एन्वरे मैनेरु मटू भी एज्जेलू।" 28 "जैडी जिग्गा भोते तैडी इल्लां जम्हां भोइचन।" 29 "तैन दिहाड़ा बाद दिहाड़ा कालो भोइ गालो, त चाँदीनी लौ न देली, त कने अम्बरेरां तांते विछुड़ने लगेले, त अम्बरेरी सैरी शेक्कि हिलै गेली।" 30 तैखन मैनेरे मटूरो निशान अम्बरे मां लै इहोनोए, ते दुनियारी सैरी कौमां छाती पिट्टेली, ते मैनेरु मटू अम्बरे मां बिदलारी पुड़ बैड़ि शेक्कि ते महिमा सेइ एइटे लाएले। 31 ते तै अपने स्वर्गदूत ते नडिशिगेरी बड़ी आवाजी सेइ साथी भेजेलो, ते तैसेरे चुनोरे लोकन चेत्रे पासन अम्बरेरे एककी पासेरां होरि पास तगर सेब्बन जम्हां करेलो।" 32 "फ्रेगेरे बुटे करां ई सरक शिखा, जेरे तैसेरे डाल नर्म भोतान ते पटलां निसतन त तुस बुद्धतथ कि गेमेरो मौसम एज्जनेवालो आए।" 33 एसेरो जेरो, जैखन तुस एना गल्लां, जेना मीं जौई, भोते हैरेलो, त तुस बुज्जीनी छाड़ा कि मैनेरु मटू, यानी अंवं बड़े नेडे पुज्जोरोई। 34 अंवं तुसन सेइ सच्च ज्ञोताई, कि जां तगर एन सब किछ पूरू न भोए, तांतगर एस पीड़ोरो खातमों न भोलो। 35 अम्बर ते धर्ती टेली गाली पन मेरी गल्लां कथे न टेलेली।" 36 "भेरे वापस एज्जनेरे दिहाड़े बारे मां, या तैस वस त्वरेव बारे मां कोई भी न जाने कि तै कताली भोलो, स्वर्गरे स्वर्गदूत भी न जानन् त कने परमेशरेमु यानी अंवं भी न जैनी, पन सिर्फ मेरो बाजी परमेशर जानतो।" 37 जेन्वरे नूहोरे जमाने मां भोरु थियूं तेन्वरे मैनेरे मटूरे एज्जनेरे वक्ते भोनए। 38 किजोकि तुफान एजने करां पैदले भी लोक खाते पीते थिये, ते ड़ला भी बनाते थिये, ते नूहेरे किश्ती मां गाने तगर एन सब किछ भोतू राऊं। 39 तैन पतो भी न थियो कि कुन भोने बालूए, फँडी तगर कि तुफान अव ते तैनी सब किछ रुडेंडांत नेव, ते मैनेरे मटूरु यानी मेरु एजनु भी एस भोनए। 40 तैखन ऊडारे मां दूसू मैनू कम करेते भोले ते अक नीयो गालो, ते दुड्योवं तैडी रालो। 41 ते दूर्धु कुआन्शां ढलाट पिती भोली त अक नी गाली ते होरि तैडी राली। 42 तुस बींझे राथ किजोकि तुस न जानथ कि तुश्शो प्रभु केइस एजनोए। 43 पन याद रखा, अगर घरेरो मालिके पतो भोए कि चोर कताली एजनो, तै तै बींझे बिशेथो ते अपने घरे चोरी न भोने देथो। 44 एल्हरेलेडे तुस भी तियार राथ, किजोकि जैखन तुसन शक भी नई भोनी त मैनेरु मटू यानी अंवं एज्जी गानोई।" 45 "ईमानदार ते अकलमन्द नौकर तैसेरो जेरोए, जेरोरो मालिक तैस अपने नौकरन पुड़ पुछ्यो गन्ने रख्ये ताके तै तैन मौके पुड़ रोकी दे, ते फिरी दूर सफरे पुड़ गाए।" 46 "तै नौकर धने ज्येसेरो मालिक एइतां तैस करां एरु ज़ेरु करेतो लाए।" 47 अंवं तुसन सेइ सच्च ज्ञोताई कि तै मालिक अपने घरेरो सारो अधिकार तैसेरे सुपुर्द करेलो। 48 "पन अगर तै बुरो नौकर अपने दिल मां एन जोए कि मेरे मालिकेरे एजने हेजू बृड़ चिरे।" 49 ते अपने सैथन मारने कुटने ते शरैपण सेइ खाए ते पीए। 50 त तैसेरो मालिक कोस्कोई एरी दिहाड़ी एज्जे जेरोइस तैस नौकरे उमीदे न भोए, ते तैसेरो मालिक वापस एज्जी गाए। 51 ते मालिक तैस पक्की सज्जा देतो, ते तैसेरो हिस्सो पारखंडी लोकन सेइं साथी भोलो, जैसी लेग देती वे दंत चाजाए भोलो।"

जैखन तैना तेल धिने चेलोरी थी त तैत्रे मां लाडो पुजी जेव, ते जैना तियाथी, तैना लाडे सेइं साथी अन्तर डुलाएरे घेरे मां चेली जेई, ते दार बंद करतां छाड़। 11 बादे मां तैना होरि अडलैरै कुझायां भी वापस पुजी ते लाडे जो जोने लेगि, “प्रभु! प्रभु! इश्वरी लेड दार ख्याल्ला। 12 पन तैनी जुवाब दितो, ‘अवं तुसन सेइं सच ज्ञोताई, अवं तुसन न ज्ञैनी।’ 13 एल्लरेलेइ ख्वरदारार राथ, किजोकि तुस मेरे वापस एज्जलो त स्वर्वोरु राज तैस मैनेरो ज्ञेझुप, जै दूर मूलखे जेव, तैनी अपने नौकर कुजाए ते सारी दौलत तैन दितो, ते तैन ज्ञोंव एस दौलती सेइं होरि भी कमाई करो। 15 “तैनी एक्की पंच तोडे दितो होरि दूर्घ तोडे दितो, ते एक्की अक्के तोडो दितो, हर एक्की तैसेरो काबलीतर मुताबिक दितो, ते एप्पु होरि मूलखे जो चलो जेव।” 16 जैस नौकरे पंच तोडे मैल्लोरे थिये, तैनी गेडतां कारोबार करतां पंच तोडे होरे कमाए। 17 एन्हरेजैस नौकरे दूर्घ तोडे मैल्लोरे, तैनी दूर्घ होरि कमाए। 18 पन जैस नौकरे अक तोडो मैल्लोरे थिये, तैनी मिस्ती घेडतां मालिकेरी रकम छ्येपेतां छाडी। 19 बडे च्चिरेंग पत्ती तैसेरो मालिक वापस अव, ते नौकरन सेइं हिसाब करेने लगो कि तैनेहै तैन तोडां केलु कुन कियुं। 20 “जैस नौकरे पंच तोडे मैल्लोरे थिये, तैनी गेडतां पंच होरे तोडे हाजर कमाए ते जोने लगो, ‘हे मालिक तीं पंच तोडे दितोरे, ते हेर मां पंच तोडे होरे कमाए।’ 21 मालिके तैस सेइं ज्ञोंव, “शाबाश ईमानदार नौकरा तीं थोडी जेरि रकमी पुड़ इमानदारी सेइं कम कमाव, अवं तीं बेडि चीजां केरो मुख्तियार बनालो, ते अपने मालिकेरी खुशी मां शामिल भो।” 22 ते जैस दूर्घ तोडे मैल्लोरे थिये, तै भी अव ते जोने लगो, “हे मालिक तीं मां दूर्घ तोडे दितोरे थिये, ते हेर मां दूर्घ तोडे होरि कमाए।” 23 मालिके तैस सेइं ज्ञोंव, “शाबाश ईमानदार नौकरा तीं थोडी जेरि रकमी पुड़ इमानदारी सेइं कम कमाव, अवं तीं बेडि चीजां केरो मुख्तियार बनालो, ते अपने मालिकेरी खुशी मां शामिल भो।” 24 ते जैस अक तोडो मैल्लोरे थिये, तै भी हाजर भोव ते जोने लगो, “हे मालिक अवं ज्ञानोते थियो तू बडो सखत मैनू आस, तू तैस मैनेरो जेरोस जैनी ऊडारे मां फसल नई बेवरी ते तै तैटु फसल करतो।” 25 एल्लरेलेइ अवं डोरो कि अगर अवं तेरी दौलत हिरेइलो त तू मां सजां देलो, तांए तेरी दौलत मां ज्यामीनी मां देवतां छाडी, हेर, “तेरी दौलत ई आए।” 26 तैसेरो मालिके जुवाब दितो, हे दुष्ट ते निकम्मे नौकरा अगर तीं पतो थियो, कि अवं तैस मैनेरो ज्ञेझु जैस ऊडारे मां नई बेवरू त तैटुं कर्टो। 27 त तीं एन लोडू थियूं कियोरु, कि मेरी दौलत शौकारां केरो हवाले केरस, तैखन अवं वापस इडतां अपने दौलत सूते समेत उसुल करेथो। 28 हुनी एन केरा कि एस करां तै तोडो नेडातं तैस देव जैस कां दश तोडेन। 29 एल्लरेलेइ जैस कां पमेश्वरी मर्जी समझनेरी इच्छा आए, तैस पमेश्वर जादे समझ देलो। पन जैस कां पमेश्वरी मर्जी समझनेरी इच्छा नई, तैस केरा, थोडी जेरि समझ ज्ञै तैस कां आए, तै भी नी गाली। 30 ते एस निकम्मे नौकरे अधरे मां छाड्हा, ज्ञेझु ए लेस देवी ते दंत चापोरी राए। 31 जैखन मैनेरो मूल यानी अवं, अपने महिमा मां अपने स्वर्वदून सेइं साथी एज्जलो त अपने मैहिमारे तखते पुड़ बिश्तां लोकन पुड़ राज्ञ केरेलो। 32 सैरी कौमां मां कां अकोट्टी भोती, ते धर्मी लोक बुरो लोकन करां अलग किये गानेन, जैन्वरे पुहाल भैझुन, छेल्लन मरां अलग केरेतो। 33 ते अवं धर्मी लोकन सेइं जैना मेरे देइने पासे भोले, ते बुरे लोकन जैना मेरे बांए पासे भोले। 34 तैखन राजो यानी अवं अपने देइने पासेरो लोकन सेइं ज्ञोलो, “एज्जा मेरे बाजेरे धन लोकव इन राजा, जैन दुनियारे शुरु मां तुश्शे लेइ तियार कियोरु।” 35 किजोकि अवं नियन्नो थियो, ते तुसेई मीं राटी खुवाई, अवं टूलिशोरो थियो, ते तुसेई मीं पानी पियावं अवं परदेशी थियो, ते तुसेई अवं अपने घेरे मां कुजाव। 36 अवं नगो थियो, ते तुसेई मीं लिगांड़ दितां, ते अवं बिमार थियो, ते तुसेई मेरी हेरोशो की अवं कैद थियो, ते तुस मीं मिलने आए।” 37 तैखन तैन धर्मी मैनू जोलो, “हे प्रभु असेई कैखन तु नियन्नो लाव, ते असेई तीं रोटी खुवाई या तू टूलिशोरो थियो, ते असेई तीं पानी पियावं।” 38 असेई कैखन परदेशी समझातां तू अपने घेरे मां रस्खो, या तू नगो थियो ते असेई तीं लिगांड़ दितां? 39 ते अस्य कताली तीं बिसार या

25 तैर

वापस एजेलो तैस मौके सर्वों रु राज़ तैन दश अडलैंड कुइया केरु  
जेरु भोतू जैना अपनि मिसालां बैलतां लाडे सेंद मिलनेरे लेड निस्सी। 2  
तैन मां पंच बेवकूफ थी, पन पंच अकलमन्द थी। 3 जैना बेवकूफ थी तैनेई  
मिसालां त नी, पन होरो तेल साथी न नीयो। 4 “पन जैना अकलमन्द थी  
तैनेई मिसालां केरे अलावा कुप्पन मां होरो तेल भी साथी नीयो।” 5 लाडो  
एजने विर लग्गू ते तैना सब बलगते-बलगते डिगरी लेड देने, ते झुल्ली जैई।  
6 “अधीरी रात भोइ त शौर मस्री कि लाडो ओरो, ते तैस सेंद मिलनेरे लेड  
एज्जा। 7 तैखन सैरि अडलैंड कुड्यां बीङ्गी, ते अपनि-अपनि मिसालां ठीक  
केने लेगि। 8 बेवकूफ कुड्येई अकलमन्द अडलैंड कुड्यन सेंद जोवं, ‘अपने  
तेल मरा थोडो’ जेरो तेल असन भी देथ, किजोकि इश्शी मिसालां हिश्शने  
लोरिन।’ 9 पन अकलमन्देई जुवाब दित्तो, ‘असन कां एत्रो तेल नई, कि इश्शे  
लेड ते तुश्शे लेड पूरो थोए, तुस एरु केरा कि बेच्चेबालन कर्य आना।’ 10

कैद लेडतां तीं सेंड मिलने आए? 40 तैखन राजो यानी अंवं जुवाब देलो, “कि अंवं तुसन सेंड सच जोताई कि जैखन तुसेई इन लोकन सेंड जैनेई मीं पुड़ विश्वास कियो एककी सेंड भी एरो बर्ताव कियो त एन बुझा कि एन तुसेई मीं सेंड कियूं।” 41 तैखन तै बांए पासे बालन सेंड ज़ोलो, “हे लानती लोकव मेरे तुतरे अगरां तैस हमेशारी बैलती अग्नी मांजो गाथ, ज़ै परमेशरे, शैतान त कने शैताने दूतां केरे लेइ तियाक कियोरीए। (aiōnios g166) 42 एलहेरेलेड जैखन अंवं नियन्नो थियो, ते तुसेई मीं रोटी न खुवाई अंवं टूलिशोरो थियो, ते तुसेई मीं पानी न पियांव। 43 अंवं परदेशी थियो, ते तुसेई अंवं अपने घेरे मां न रख्खो, अंवं नग्गो थियो, ते तुसेई मीं लिगडां न दित्तां, ते अंवं बिमार ते कैद थियो, ते तुस मीं सेंड मिलने न आए।” 44 तैखन तैना लोक भी ज़ोले, “हे प्रभु असेई कताली तू नियन्नो या ते टूलिशोरो या परदेशी ते नग्गो या बिमार या कैद लाव ते असेई तेरी सेवा न की?” 45 तैखन अंवं अपने बांए पासेरे लोकन जुवाब देलो, “अंवं तुसन सेंड सच जोताई कि जैखन तुसेई मेरे इन निकडे करां निकडे लोकन पुड़ जैना मीं पुड़ विश्वास केरतन एककी सेंड भी एरो ज़ेरो बर्ताव कियो त एन बुझा कि एन मींए सेंड कियूं। 46 एलहेरेलेड एन लोकन हमेशारो लेइ सज्जा भोली, पन धर्मी लोकन हमेशारी किन्दगी मैलेली।” (aiōnios g166)

(aiōnios g166)

**26** जैखन यीशुए एन गल्लां की, त तै अपने चेलन सेंड ज़ोने लगो। 2 “तुसन पत्ताए कि दूर्ध दिहैडना बाद फ़सह तिहारे, ते मैनेरु मटु कूसे पुड़ चाढ़ेरे लेइ डलुवाव गाए।” 3 तैखन प्रधान याजक ते कौमेर बुजुग़ कफा महायाजकरे अंगने मां अकोट्टे भोए। 4 ते तेनेई सल्लाह कीं, कि यीशु थोखे सेंड टैलेइतां मैरी छडम। 5 पन तैना ज़ोते थी, कि फ़सह तिहारे मौके पुड़ नई, एरु न भोए कि लोक हंगामो केरन। 6 तैस मौके यीशु बैतनिय्याह डुलव्वें मां शमैन कोढोरो घेरे मां थियो। 7 ते अक कुआन्श श्वेमरमी भांडे मां इत्र विन्नां यीशु कां आई, तैखन तै रोटी खानरे लेइ बिशोरो थियो, त तैसेरे दोगे पुड़ तै इत्र उलाटाव। 8 चेले एन लेइतां बडे नाराज भोए ते ज़ोने लगे, “कि ए किजो बराबर कियो?” 9 अगर ए बेगोरो भोयो, त बड़ी कीमत मैलनी थी, ज़े गरीबन बेन्टात देथे। 10 यीशुए एन शुन्ता तैन सेंड ज़ोवं, “तुस एस कुआन्शी किजो तंग केरने लोरेथ? एसां त मीं सेंड रोटु कियोराए।” 11 गरीब त हमेशा तुसन सेंड साथी भोनेन, पन अंवं तुसन सेंड साथी हमेशा नई भोनो। 12 तैसां मेरी जानी पुड़ ज़े ई इत्र उलाटावरोए, तैसां मेरे दवनरे लेइ कियोरु। 13 अंवं तुसन सेंड सच जोताई, कि सैरी दुनियाई मां ज़ैडी भी खुशखबरी शुनाई गाली, तैडी तेरी सरी यादगैरो मां एस गल्लरे बारे मां भी ज़ोवं गालू।” 14 फिरी 12 चेलन मरां अक ज़ेसेस नव यहूदा इस्करियोति थियूं प्रधान याजकन कां जेव ते ज़ोवं। 15 “अगर अंवं यीशु तुसन ड्लुवेइ, त तुस मीं कुन देले? तैनेई तैस टैलाही चैरेरे सिके दितो। 16 ते तै तैसेरो तै ठीक मौके बलगने लगो कि यीशु केन्नरे सेंड डलुवाए।” 17 “अख्मरी रोट्टुरे तिहारेरी पेइली दिहांडी चेले यीशु कां इटां पुच्छने लगो कि, तू फ़सह तिहारेरी रोटी कोड़ि खानी चातस, ताके अस गेडां तियारी केरम?” 18 तैनी ज़ोवं, “नगर मां अक फलानो मैनूर, ते तुस तैस कां गाथ ते तैस ज़ोथ, कि गुरु ज़ोने लगगोरोए, मेरो वक्त नेडे पुज़ोरोए ते अंवं अपने चेलन सेंड साथी फ़सह तेरे घेरे मां मेन्दिलो।” 19 बस्सा ज़ेरो यीशुए अपने चेलन हुक्म दितोरो थियो, तैनेई तेन्नरे फ़सह तिहारेरी रोटी तियार की। 20 जैखन ड्लुवाइ भोइ त यीशु 12 चेलन सेंड साथी रोटी खाने बिश्शो। 21 ते रोटी खांते बार यीशुए तैन सेंड ज़ोवं, “अंवं तुसन सेंड सच जोताई कि तुसन मरां अक मीं टूलुवालो।” 22 “एन शुन्तां तैना सारे चेले उदास भोए, तैना बैरी-बैरी सेंड तैस पुच्छने लगो, हे प्रभु कुन अंवें त नई?” 23 तैनी जुवाब दितो, “ज़ैनी मीं सेंड साथी थैली मां हथ छडोरोए, तैए मीं टूलुवालो। 24 मैनेरे मट्टोरे लेइ त ज़ेरु तैसेरे बारे मां लिखोरुए तैस सेंड तेरुहु कियूं गाते, पन अफ़सोस तैस मैन्हु पुड़ ज़ेसेरी वजाई सेंड तैन डलुवाव जेव, तैसेरेलेड एने रोटु थियूं कि तै ज़मोरो न भोयो। 25 तैखन डलुवानेबालो यहूदा ज़ोने लगो, हे गुरु अंवें त नई? तैनी तैस सेंड ज़ोवं, तीं एप्प ज़ोवं।” 26 खांते बार यीशुए रोटी टूलाती,

ते बरकत मेगतां ट्लोडी, ते चेलन कां देह्तां जोवं यांथ खाय ई मेरी जाने। 27 फिरी यीशुए दाढ़ेरे रसेरो कटोरो टूलातो, ते परमेशरेरु शुक्र केरतां चेलन कां दितो ते ज़ोवं, “यांथ तुस सब इस मरा पीया। 28 किजाकि ई मेरे नव्वे करारे मा मेरो तै खुने ज़े बड़ा केरे पापां केरि मैफ़रे लेइ दितो गाते। 29 अंवं तुसन सेंड जोताई, कि अंवं दाढ़ारो ई रस फिरी कथे न पियेलो ज़ां तगर परमेशरेरे राज्जे मा तुसन सेंड साथी नंचो न पीं।” 30 तैल्ला पत्ती, यीशु त कने तैसेरे चेले परमेशरेरु भजन जोड़तां, यरूशलेम नगरेरे बेडर जैतून नंचरे पहैड़ी पुड़ चली जे। 31 तैखन यीशुए तैन सेंड ज़ोवं, “तुस अजे राती मेरी वजाई ई सेंड ठोकर खाले, किजोकि लिखोरुए, ‘अंवं पुहाले मेरिलो ते धेरेनी भैड़ा तितर-वितर भोली।’” 32 पन अंवं ज़ीतो भोइतां तुसन करा पेइले गलील इलाके मां गेइलो।” 33 पतरसे तैस सेंड ज़ोवं, “अगर सारे तेरी वजाई सेंड ठोकर खान त खान, पन अंवं तेरे बारे मां कथी ठोकर न खेइलो।” 34 यीशुए तैस सेंड ज़ोवं, “अंवं तुसन सेंड सच जोताई कि अज़ा राती कुकड़ बांग देने करां पेइले तू मेरो टूलाई बार इन्कारा केरेलो।” 35 पन पतरसे ज़ोवं, “अगर तीं साथी मीं मरन भी पे, त तांभी अंवं तेरो इन्कारन केरेलो ते सैरी चेलीई भी एने ज़ोवं।” 36 तैखन यीशु अपने चेलन सेंड साथी एककी ठैरी पुजो, ज़ैस ठारास नवं गत समनी थियूं, ते तै अपने चेलन सेंड ज़ोने लगो, तुस इड़ी बिश्शा, ते तांतराग अंवं उड़ी अगर गेइतां प्रार्थना केरताई। 37 तैनी पतरसे ते जेब्बेरां दुइये मटुं साथी निया, ते तैडी तै बड़े परेशान भोने त कने घबराने लगो। 38 फिरी यीशु तैन सेंड, इस दुखेरे वजाई सेंड मेरे प्राण निसने लोरेन इड़ी बिश्शोरे राथ त बंडीं देशे राथ। 39 फिरी थोडो जेरे अगर गेइतां तल्ले मां मथ्थो टेकतां खिरको ते प्रार्थना की, “हे बाजी अगर भोइसखे त ई कटोरो मीं करां टेली गाए, फिरी भी जैन अंवं चाताई तैन नई बल्के जैन तू चातस तैने भोए।” 40 फिरी तै चेलन कां वापस अव ते तैना झुलाले लाए, ते तैने पतरसे सेंड ज़ोवं, “कुन तुस अक घडी भी मीं सेंड साथी वीडी न विश्शी सके?” 41 बंडो बिश्शा ते प्रार्थना केरते राथ ताके तुस अज़मैदैरी मां न राथ, आत्मा त तियारे पन जान कमज़ोर। 42 यीशुए फिरी जेव, ते ई प्रार्थना की, “हे मेरे बाजी ई दुख्खेरो कटोरो मेरे पीने बगैर टेली न सखे, त तेरी मर्जी पूरी भोए।” 43 तैखन तै चेलन कां एइतां तैना फिरी झुलाले लाए, किजोकि तैन केरि एछुली ऊंडले सेंड गिरको भोरी थी। 44 ते तैन तैडी छेड़तां च्लालो जेव, ते फिरी तै ए प्रार्थना केरने लगो ज़े पेइली कियोरी थी। 45 तैसेरां बाद तै चेलन कां वापस अव, ते तैन सेंड ज़ोने लगो, “हुनी झुलाले राथ ते आराम केरा, हेरा तै मौको नेडे पुज़ुरोए, ते मैनेरु मटु पापी लोका केरे हवाले कियूं गाते। 46 उठा, चलाम। हेरा! मीं टूलुवानेबाली नेडे पुज़ुरी जोरोए!” 47 तै एना गल्लां ज़ोने लोरो थियो, त यहूदा जै 12 चेलन मरां थियो तैडी पुजो, तैस सेंड साथी बड़े मैन्हु थिये जैना तलवारां ते लालूं धिनां अेरो थिये जैना प्राधान याजकन ते कौमेर बुजुर्ग लोकेई भेजोरे थिये। 48 तैसेरे टूलुवाने बाले तैन ई निशान दित्तोरो थियो, कि ज़ैस अंवं फुम्मडी देइलो तै एप्प, ते तुस तैस टूलेइयथ। 49 ते तैखन यहूदा, यीशु कां एइतां ज़ोवं, हे गुरु नमस्कार, ते एइतां तैस फुम्मडी दिती। 50 यीशुए तैस सेंड ज़ोवं, हे मेरे दोस्ता ज़ैस कम्परे लेइ तू ओरोस तैन कम केर, तैखन लोकेई एगरोइतां यीशु पुड़ हथ रखे ते टूलाव। 51 यीशुएरे सैथन मरा एकके अपनि तलवार कही, ते महायाजकेरे नौकरे पुड़ बाई ते तैसेरो कन्न कटो। 52 तैखन यीशुएरे तैस जो ज़ोवं, तलवारी मियाने मां रथ किजोकि जैना तलवार च्लालातन तैना तलवारी सेंड मारे गाले। 53 “कुन तू न जानस अंवं अपने बाजी करां मिनत केरि सकताई तै हुन्ना स्वर्गटूतों केरि 12 फौवजां लुक्के तैस करां भी जादे भेज़ते। 54 पन फिरी तैना पवित्रशास्त्रेरी गल्ला केन्नरे पूरी भोनिन जैन केरु पूरु भौनू ज़स्सीए?” 55 तैखन यीशुए तैन हछे लोकन सेंड ज़ोवं, “अंवं कुन कोई डैकू आई ते तुस मींजो डांग सोटे ते तलवारां टूलेइतां मंझ ट्लाने ओरेथ? अंवं त रोज़ा मन्दरे मां बिश्शां शिक्षा देतो थिये ते तैखन तुसेई अंवं नई टूलातोरो?” 56 पन एन सब किछ एल्लेरेलेड भोवं, कि पवित्र बचने मां नेबी केरि लिखोरी गल्लां पूरी भोन, तैखन सारे चेले तैस तैडी छेड़तां च्लाले जे।” 57 ते यीशु टूलानेबाले तैस महायाजक कैफा कां विन्नां जे, जैडी तैना शास्त्री ते बुजुर्ग अकोट्टे भोरे

थिये। 58 ते पतरस भी दूरें देंतो पत्पती तैस महायाजकेरे अंगनेरे तगर जेव, ते तैड़ी पेरहेदारन सेइं साथी बिश्तां यीशुएरो अन्त लोरो थियो हेरने कि कुन केरतन। 59 प्रधान याजक ते कने सारी महासभा यीशुएरे खलाफ गवाही तोपनेरी कोशिश केरि राओरे थियो, कि ज़ैस सेइं यीशु कल्क कियो गाए। 60 14 पन कोई गवाह न मैल्लो, हालांकी बड़े झूठे गवाह भी पैश भोए, आखकर दूई गवाह पैश भोए। 61 ते ज़ोने लगे, एनी ज़ो कि “अंवं परमेश्वरेसु घर ढालतां टलेइ दिवाड़न मां फिरी खड़ू केरि सकताई!” 62 तैखन महायाजक खड़ो भोडतां यीशु पुछ्छेने लगो, “कुन तू कोई जुवाब न देस, इना लोक तेरे खलाफ कुन गवाही देतन?” 63 पन यीशु चुप राव, “तैखन महायाजक फिरी पुछ्छेने लगो, तीं ज़ींति परमेश्वरी कसम भोए कि असन ज़ो, कि तू परमेश्वरेसु मट्ठ मसीह आस? 64 यीशु जुवाब दित्तो, तीं एप्पु ज़ोई छूट ते हुनी अंवं भी ज़ींताई कि अज़ज़ोरे बाद तुस मैनेरे मट्ठे परमेश्वरे देहेने पासे बिश्शोरे लाएले, ते अम्बरे पुड़ बिदलारो मां एइते लाएले।” 65 तैखन महायाजके अपना लिगांड़ छिंदा, ते ज़ोने लगे, एनी परमेश्वरी तुहीन कियोरीए पुनी असन केन्ची गवाहीरे ज़रूरत नई, तुसेई हुन्ना एसेरु छूठ शुनेसु। 66 तुश्शी कुन राईए? तैनेई जुवाब दित्तो ए कतलारे कावल आए? 67 तैखन तैनेई तैसेरे तुतरे पुड़ थुकू ते तैस खुसेई ते होरेई थपड़ मैरतां ज़ोवं। 68 “हे मसीह अगर तू नबी आस त भविष्यवाणी केर ते ज़ो, तीं केनि बाहोरिए?” 69 पतरस बेड़ अंगने मां बिश्शोरे थियो, ते अक नौकरानी तैस कां आई ते ज़ोने लग्गी कि तू भी यीशु गलीली सेइं साथी थियो। 70 तैनी सेब्बी केरे सामो इन्कार कियो ते ज़ोवं, “मीं नई पतो तू कुन लोरिस जोने? 71 तैखन पतरस बेड़ फाटकेरे पासे जेव, ते अक होरि नौकरानी तैस लेडतां तैन सेइं जैन तैड़ी थी ज़ोने लाई, ई मैन्हु भी नासरतेरे यीशु सेइं साथी थियो।” 72 पन तैनी सेब्बी केरे सामो कसम केरतां इन्कार कियो, ते ज़ोवं, अंवं एस मैन्हु सैइयां न ज़ीनी। 73 थोड़े चिरेरा पत्ती तैना लोक ज़ोनी खड़खडे थिये, पतरसे का आए ते ज़ोने लगे, सच्चे तू भी तैने मरां अक आस, किजोकि तेरी बोती सेइं बुझोते कि तू तैसेरो साथिस। 74 तैखन तै तैस जो गैई देहतां ज़ोने लगो, ते कसम केरतां ज़ोने लगो, “अंवं एस मैन्हु सैइयां न ज़ीनी।” 75 तैखन कुकडे बांग दित्ती। 75 पतरसे तैखन यीशुएरी ते गल याद आई, जै तैनी ज़ोरी थी कि कुकडेरे बांग देने करां पेड़ले तू टलेइ बार मैरो इन्कार केरेलो, ते पतरस बेड़ गैइतां हुस्कूकैइं-हुस्कूकैइं लेरो देने लगो।

**27** झेड़ा भोंते सारे लोक ते प्रधान याजक, ते कौमरे बुजुर्गें मुश्रोरो कियो कि यीशुएरे कत्तल केरनेरो फैसलो कियो। 2 ते यीशु बैथतां नीयो, ते रोमी गवर्नर पिलातुसे कां नीयो। 3 ज़ैखन यहूदा ज़ीनी यीशु दलुवेवरो थियो तैस एसास भोव, कि यीशु मुर्जिम बनोरोए ते तैनी बड़ू पशतावं, ते तैना चैंदरे दलही सिक्के प्रधान याजक ते बुजुर्नां कां वापस आने। 4 ते ज़ोने लगो, “मीं पाप कियो, कि अक बेकसूर मैन्हु मारने लेइ दलुवाव,” ते तैना ज़ोने लगे, “असन कुने? तू जान ते तेरु कम ज़ोने।” 5 तैखन यहूदा तैना सिक्के मन्दरेरे अंगने मां शैरतां छडे, ते तैटुं गेहूतां अपने आपे फासी दिती। 6 प्रधान याजकेरी तैना सिक्के सल्ले, ते ज़ोने लगे, “इन सिक्के इश्शो कान्नोरे मुताबिक मन्दरेरे खजाने मां रखने जेइज़ नई, किजोकि ए कोन्ची मैन्हु मारनेरी कीमतो।” 7 एल्हेरेलै तैनेई मुश्रोरो केरतां तैस करमी सेइं कुम्हरे करां अक ऊडार घिन्नु ताके पदरेशी केरे लेइ कब्रास्तान बनाव गाए। 8 तांए त अज़ तगर भी तैस ऊडार जो खुनेऱू ऊडार ज़ोतन। 9 तैखन तै गल पूरी भोड़ जै यिर्माह नेवे जोरी थी, कि तैनेई तैसेरो पूरी कीमत चैंदरे दलही सिक्के निये, ए कीमत इसाएलेरे लोकेरी कियोरी थी। 10 ते तैन चैंदरे दलही सिक्केइं सेइं कुम्हरेरू ऊडार घिन्ने जो दिते जेन्नरे प्रभुए मीं हुक्म दितोरो थियो। 11 ज़ैखन यीशु हाकिमेरे तुतरे अगर खड़ो थियो, ते हाकिम तैस पुछ्छु, “तू यहूदी केरो राजोस?” यीशुए जुवाब दितो, “तू एप्पु ज़ोने लोरोस।” 12 ते ज़ैखन प्रधान याजक ते बुजुर्ग तैस पुड़ इलजाम लाने लोरे थिये त यीशुए कोई जुवाब न दितो। 13 तैखन पिलातुसे यीशु सेइं ज़ोवं, “हेर एना तेरे खलाफ केरी गवाहैइ लोरेन देने तू शुन्तस की नई।”

14 पन यीशुए तैस एककी गल्लारो भी जुवाब न दितो; ते डड़ी तगर कि हाकिम बड़ा हैरान भोइ जेव। 15 ते हाकिमरो अक दस्तूर थियो, कि फ़सह तिहारेरे मौके पुड़ अक कैदी ज़ैस लोक चाते थिये तैस हथरां छडतो थियो। 16 तैस मौके तैन केरो अक बड़ी मुशूर कैदी थियो, ज़ेसेरु नवं बरअब्बा थियू। 17 ज़ैखन तैना लोक पिलातुसे कां जम्हां भोए, ते पिलातुसे तैन पुछ्छु, “तुस कुन चातथ, अंवं केस हथरां छेड़ी? बरअब्बा कि यीशु ज़ैस जो मसीह ज़ोतन?” 18 किजोकि तै जानतो थियो, कि तैनेई सिफ़ जलनी सेइं तै टलेवोरो। 19 ज़ैखन तै आदालतरी तखते पुड़ बिश्शोरो थियो, ते तैसेरी कुआन्शां तैस जो समाद भेजोरो थियो, “कि तू एस रोडे मैनेरे बारे मां किछ न करां, किजोकि मीं अज़ राती एसेरी बराई सेइं सुपने मां बड़ो दुख भोरोए।” 20 पन प्रधान याजकेरी तै बुजुर्ग लोकेरी लोक बमकाए, कि तैना पिलातुसे करां बरअब्बा हथरां छडन ते यीशु मारन। 21 ज़ैखन हाकिमे तैन लोकन पुछ्छु, “कि तुस एन दुर्घन मरां केस चातथ, अंवं तैस हथरां छेड़ी,” तैलोकेरी ज़ोवं, “बरअब्बा।” 22 पिलातुसे तैन पुछ्छु, “फिरी अंवं यीशु ज़ैस जो मसीह ज़ोतन तैस सेइं कुन केरि?” सब लोक ज़ोने लगे “एस कूसे पुड़ चाढ़ा।” 23 हाकिमे ज़ोवं किजो? “एनी कुन बुराई कियोरीए? पन तैना मना ज़ोरे-ज़ोरे ज़ोने लगे कि एस कूसे पुड़ चाढ़ा।” 24 ज़ैखन पिलातुसे हेरु कि किछ भी बन्ने बालू नई बल्के उलटो फसाद भोने बालोए, ते तैनी पानी मेगतां तैन मैन्हु केरे सामो हथ थोए ते ज़ोवं, “कि अंवं एस एककी थीर्मी मैनेरे खुने करां बरी भोइताई, तुसे ज़ाना।” 25 ते सारे लोकेरी जुवाब दितो, “एसेरो खुन असन पुड ते इश्शी औलादी पुड़ भोए।” 26 तैखन पिलातुसे बरअब्बा हथरां छडो, ते यीशुए कोडे बावैहीतां तैन केरे हवाले कियो, ताके तैना तैस कूसे पुड़ चाढ़ान। 27 ते तैखन हाकिमे सिपैहीयेइं यीशु महलेरे अंगने मां नेहतां सारे फौजेरे सिपाही यीशुएरे चुफुरतां जम्हां भोए। 28 तैनेई तैसेरा लिगांड़ खलालां ते तैस अक लाल रंगोरो चोगो लुवाव। 29 फिरी कंटा केरु ताज तैसेरे दोगे पुड़ रख्खू ते तैसेरे देहेने हथ्ये मां अक निरैठरी लैठ दिती, ते तैस कां मथ्यो टेकतां तैसेरी हासी बनाने लगे, ते ज़ोने लगे, “हे यहूदी केरे राजा नमस्करा।” 30 तैना तैस पुड़ थुकते ते सोटी सेइं तैसेरे दोगे पुड़ बाते थियो। 31 ज़ैखन तैनेई तैसेरो मज़ाक बनाव, ते तैसेरो चोगो खोल्लो, ते फिरी तैस तैसेरा लिगांड़ लुवां ते तैटुं चलो, ताके तैस कूसे पुड़ चाढ़ान। 32 ज़ैखन तैना तैटुं चलोरे थिये, ते तैन शमैन कुरेसी नंव्वरो अक मैन्हु मैल्लो, तैन लोकेरी तै दलातो ताके यीशुएरु कूस छुइतां चलाए। 33 ते यीशु गुलगुता नंव्वरो ठैरी पुजे, ज़ेसेरो मतलबे खोपाडारी ठार। 34 तैड़ी तैनेई यीशु दालारो रस ते टुलिठो रस मिलेहतां पीने जेरी दितो, पन तैनी पीनी न चाव। 35 ज़ैखन तैनेई यीशु कूसे पुड़ चाढो ते शत रेखतां चिट्ठी छेडतां तैसेरो लिगांड़ भी एप्पु मांमंड बंटा। 36 ते तैड़ी बिश्तां तैसेरो घैरोहो केरने लगो। 37 ते तैनेई तैसेरो जुर्म एककी पेखड़ी पुड़ लिखतां तैसेरो दोगे करां बा लाई ज़ैस पुड़ एन लिखूर थियू, “ई यहूदी केरो राजो यीशु आए।” 38 तैखन तैस सेइं साथी दूई डैकू भी कूसे पुड़ चाढ़ो, अक यीशुएरे देहेने पासे, ते जोरो बांग पासे। 39 तैटुं गणेबाले सारे लोक दोगे हिलेहतां गाते थिये ते तैसेरी तुहीन केरते थिये। 40 ते ज़ोते थी इस मन्दरे डोलने बाला ते टलेइ दिव्हन मां बनाने बाला, अपनो आप त बचा, “अगर तू परमेश्वरु मट्ठ आस त एस कूसे पुडरां उंदो ओसा।” 41 एन्व्वे प्रधान याजक ते शास्ती ते बुजुर्ग भी तैसेरी हासी बनाते थिये, ते ज़ोते थियो। 42 “एनी होंरे बचाए पन अपनो आप न बचेइ बटो, ‘ई त इसाएलेरो राजो आए।’ अगर हुन्ना भी तू कूसे पुडरां उंदो ओस्स, त अस तीं पुड़ विश्वास केरतम। 43 एसेरो भरोसो परमेश्वरे पुडे, अगर तै एस चाते त एस बचाए, किजोकि एनी ज़ो थियू, ‘अंवं परमेश्वरु मट्ठ आई।’” 44 ते दूई डैकू भी ज़ैना तैस सेइं साथी कूसे पुड़ चाढ़ोरे थिये, तैना भी तैसेरी तुहीन केरते थिये। 45 दीसेरे 12 बजेइ सारे मुल्चे मां आंध्र भोवं ते टलेइ बजन तगर राव। 46 ते टलेइ बाजां केरे लगभग यीशुएरु बडे ज़ोवं, “एली, एली लाला शबक्तनी?” ज़ेसेरो मतलबे, “हे मेरे परमेश्वर, हे मेरे परमेश्वर, तीं अंवं किजो शारो?” 47 ज़ैना लोक तैड़ी खड़खडे थिये, तैन मरां किछ शुन्तां एन ज़ोने लगे, कि ए त एलियाघ फुकारने लोरोए। 48 तैखन अक मैन्हु

देवडतां जेव, ते अक गलास पैनी मां डोबतां ते निरैठरे सोटी पुङ्ग टकेइतां पीनरे लेइ तैसेरे ऐशी सेइं हुरावं। 49 किछ ज्ञाने लगे, “बलगा हुनी हेरतम, कि एलियाह एस बजाने एडते कि नई” 50 ते यीशुए फिरी ज्ञारे सेइं चिन्द मारी ते प्राण दित्ते। 51 तैखन मन्दरेरो पड़दो बां देता बुन तगर फेटां द्वूँ द्रुकडे भोइ जे, ते पहाडां ते सारी ज्ञानी हीलने लगी। 52 कब्रां खुल्ली जेई, ते बडे पवित्र लोक ज्ञैना मौतरी निडुला मां द्वालोरे थिये, जींती भोइ जे। 53 ते कब्रन मरां निस्तां जींती भोनेरां पती पवित्र नगर मां दाखल भोए, ते तैडी बडे होरि लोकेई भी लाए। 54 तैखन तैनी सूबेदारे ते तैसेरे सैद्धेई जैन यीशुएरी निगरानी केरेने लोरे थिये, भुंजल गांतो हेरा, त तैना डेरी जे, ते जोने लगे, “सच्चे एन परमेश्वरो मटू थियु” 55 तैनी बेडि कुआन्ना जैना गलील इलाके मरां यीशु सेइं साथी तैसेरी सेवा केरती तैस पती ओरी थी, ते द्वेरां तकने लोरी थी। 56 तैन मां मरियम मगदलीनी ते याकूब त योसेसेरी अम्मा मरियम ते जब्बरे मटून केरि अम्मा साथी थी। 57 जैखन डलोङ्ग भोइ त अरिमतियाहो अक अमीर यूसुफ नंवेरो मैनू हु जै एप्पू भी यीशुएरो चेले थियो अव। 58 तैनी पिलातुसे कां गेहतां यीशुएरी लाश मगी, ते पिलातुसे लाश देनेरो हुक्म दितो। 59 यूसुफे लाश नेहतां एककी रोडि ज़ेरि चादरी मां पलेटी। 60 ते तै लाश एककी नव्वीं कब्री मां जै शफ़डी मां घड़ोरी थी रख्खी, ते तैस कब्री आग्रोरां अक बडौ घोड़ तैस उबरो छुट्टो। 61 ते मगदलीन डलव्वेरी मरियम ते होरि मरियम तैडी तैस कब्रेर सामने बिशोरी थी ज़ैस मां यीशुएरी लाश रख्खोरि थी। 62 होरसां तिवैरेर दिहाडेरे बाद यहूदी केरे आरामेरे दिहाडे प्रधान याजक ते फरीसी लोक मिलतां पिलातुसे कां पुगो। 63 ते जोने लगे महाराज असन यादे कि तैनी धोखे बाजे अपने जींते सांसेइं ज़ोरु थियु, “अवं मन्नेरे टलेइ दिहाडां बाद फिरी जींतो भोनोई। 64 एल्हेरेलेइ हुक्म दे ताके टलाई दिहाडन तगर कब्री पुङ्ग पेरहो दितो गाए, कि एरु न भोए कि तैसेरे चेले एइतां तैसेरी लाश चारन, ते लोकन सेइं जैन कि तै मुडनन मरां जींतो भोरोए, ए धोखो पेहले धोखे करां भी जादे बुरो भोलो।” 65 पिलातुसे जुवाब दितो, “तुसन कां पेरहो देनेबाले आन, गाथ ज़ेत्रु भोइसखे पेरहो देथ।” 66 तैखन तैनेई गेहतां घोडे पुङ्ग मोहर लाई, ते कब्रारे पेरहे लेइ पेरहेदार रख्खो।

**28** आरामेरे दिहाडेरे बाद हफतेरे पेइले दिहाडे टलेकडोंते-टलेकडोंते मगदलीन डलव्वेरी मरियम ते होरि मरियम जैडी यीशुएरी लाश कब्री मां रख्खोरी थी, हेरने एई 2 ते हेरा अक बड़ो भुंजल अव, किजोकि परमेश्वरो अक स्वर्गदूत स्वर्गोरां ओरो थियो, ते तैस कब्री अगरा घोड़ उन्डो बिछोडतां तैस पुङ्ग विश्शी जेव। 3 तैसेरी शकल सूरत दिहाडेरी ज़ेरि रोडी थी, ते तैसेरी लिगडां हीवरां ज़ेरो छित्तां सुफैद थियां। 4 पेरहेदार डेरतां थर-थर कम्बने लगे ते ज़ेरे मुडदे भोए। 5 स्वर्गूते कुआन्ना सेइं ज़ोव, “डरा नन्ना, अवं ज्ञानाई कि तुस यीशुए तोपने लोरिथ, जै कूसे पुङ्ग जाढोरोए। 6 तै इडी नई बल्के जेन्वरे तैनी ज़ोरु थियु, तै जींतो भोरोए, एज्जा तै ठार हेरा, जैडी प्रभु थियो। 7 ते जल्दी गेहतां तैसेर चेलन पतो देथ, कि तै मुडनन मरां जींतो भोरोए, ते तुसन करां पेइलो गलीले मां गाते, ते तुसेई तै लहनोए हेरा मां तुसन एन ज़ोरुए।” 8 तैखन तैना कुआन्ना डेरतां भी ते खुशी सेइं भी कब्री मरां बेइर एई, ते दौवडती-दौवडती जेई ताके चेलन पतो देन। 9 तैखन यीशु तैन मैल्ले, ते तैनी ज़ोव तुसन शान्ति मैल्ले, ते तैनेई तैसेरे पाव बंते, ते तैस कां मध्यो टेको। 10 तैखन यीशुए तैन ज़ोव, डरा न ते गाथ ते मेरे चेलन सेइं ज़ोथ कि गलीले मांजो गान, तैना मीं तैडी लाएले। 11 हेजु तैना कुआन्ना बत्ता थी कि जैना चेलन खबर देने चलोरी थी, त पेरहेदारन मरां किछ नगर मां जे ते प्रधान याजकन सेइं सारो बिस्तार शुनाव। 12 जैखन महायाजकेई बुजुर्गन सेइं मिलतां मुशोरो कियो, ते तैनेई ई फैसलो कियो कि सिपेहिन बडे पेइसे देन, कि तैना ई गल केन्वी सेइं न ज़ोन, कि कब्र केन्वरे खाली भोइ। 13 तैनेई पेरहेदारन एन ज़ोव, कि तुस एन ज़ोइयथ, कि जैखन अस राती झुल्लोरे थिये त तैसेरे चेले आए ते तैनेई तैसेरी लाश नी। 14 अगर ए गल गुवनरि तगर पुजेली त अस तैस एप्पू समझामेले त तुसन कोई परेशानी न

भोली। 15 ते सिपैहेई पेइसे नीए ते जेन्वरे तैनेई जोरु थियूं तेन्वरे कमाव, ते अज तगर ए गल यहूदन मां मुश्रूर। 16 11 चेले गलीले मा जे, ते तैस पहाडे पुङ्ग अकोट्टे भोए जैडी गान्नेर बारे मा यीशुए तैन ज़ोवरु थियूं। 17 जैखन तैनेई यीशु लाव त तैस कां मध्यो टेको, ते किछन हेजु भी शक थी, कि तै जींतो वापस ओरोए। 18 तैखन यीशु तैन केरे नेई एइतां ज़ोव, “धेरतरो ते स्वर्गेरो सारो अधिकार मीं दितोरोए। 19 एल्हेरेलेइ तुस गाथ ते सैरी कौमां केरे लोकन चेले बनाथ, ते तैन बाजी, ते मट्टोरे, ते पवित्र आत्मारे नंव्ये सेइं बपतिस्मो देथ। 20 ते तैन तैना सब हुक्म मने शिखाला जैना मीं तुसन दितोरेन, ते हेरा, अवं दुनियारे आखरी तगर हमेशा तुसन सेइं साथी आई।” (aion g165)

# मरकुस

1 ई यीशु मसीहेरे बारे मां खुशखेबरारी शुरुआत आए, जैन परमेश्वरे मट्ठा आए। 2 (बडे पेड़िले) वशायाह नेबे अपनि किताबी मां लिखोरु थियु कि, (परमेश्वरे अपने मट्ठे सेइं ज़ोवं, ) “शुन, अब अपनो बिस्तार देनेबालो ती केरां पेड़िले भेजेलो।” “तै तीं केरां पेड़िले गेइतां तेरे लेड बत तियार केरेलो। (यानी, लोकां केरे दिल परमेश्वरे लेड तियार केरेलो)” 3 “तै बिस्तार देनेबालो सुनसान ठैरी मां लोकन, जैना तैस कां गाले, तैन हक देइतां ज़ोलो कि ‘तुसन कां प्रभु एजेनेबालो आए, एल्हेरेलेड तुस तैसेरेलेड बत तियार केरा त कने तैसेरेलेड सङ्कां सिद्धी केरा।’ (यानी, प्रभुएरे लेड तुस अपने दिल साफ केरा)” 4 ज़ेन्द्रां लिखोरु थियूं अक बिस्तार देनेबालो अव। तैस मैनेह नव यूहन्ना थियूं लोक तैस जो बपतिस्मो देनेबालो भी ज़ोते थिये। तै यहूदिया इलाकेरे सुनसान ठैरी मां अव। तैड़ी तै लोकन परमेश्वरी गल्लां शुनातो थियो कि, “तुस अपने पापन करां मनकराथ, त कने बपतिस्मो नेथ, ताके परमेश्वर तुश्शे पाप माफ केरे।” 5 यहूदिया इलाकेरे बडे लोक त यरुशलेम नगरेरे रानेबालन मरां बडे लोक यूहन्नारी गल्लां शुन्नेरे लेड सुनसान ठैरी मां तैस कां आए। तैन लोकेई अपने पाप मैनेह यूहन्ना करां यरदन दरियाए मां बपतिस्मो नीयो। 6 यूहन्ना आम लिंगड़ां लातो थियो जैना लिंगड़ां ऊंटेरे बालन सेइं बनोरां थियां। तै अपनि कमरी पुड़ चमड़ेरु मज़ बंधतो थियो। 7 तै लोकन शुनातो थियो कि, “कोई अक, ज़ी मीं केरां भी महान आए, मेरे बाद एजेनेबालोए। अब त तैसेरो गुलाम भोनेरे काबल भी नई कि लिकतां तैसेरे बूटेरे तसमे खोल्ली। 8 अब त तुसन पैनी सेइं बपतिस्मो देइतां, पन तै तुसन पवित्र आत्मा मैसेइं बपतिस्मो देलो।” 9 तैल्ला पर्ती, तैन दिहाड़न मां एरु भोवं कि यीशु गलील इलाकेरे नासरत नगरेरे यूहन्ना कां अव। तैनी यूहन्ना करां यरदन दरियाए मां बपतिस्मो नीयो। 10 ज़ैखन यीशु बपतिस्मो नेइतां पैनी मरां बेइर अव, त तैनी अम्बर खुलूत त पवित्र आत्मा कबूतरेरी शकली मां तैस पुड़ एतो लाव। 11 तैखन परमेश्वरे स्वर्गों यीशु सेइं ज़ोवं, “तु मेरु टलारु मट्ठ आस, अब तीं पुड़ बड़ो खुश आई।” 12 तैल्ला पर्ती, अकदम पवित्र आत्मा यीशु सुनसान ठैरी जो भेजो। 13 सुनसान ठैरी मां 40 दिहाड़न तगर शैताने यीशु अज्ञामाव। त तैड़ी यीशु जंगली जानवरन साथी थियो। तैखन परमेश्वरेरे स्वगंदूत यीशु कां इडता तैसेरो रोवा केरने लगो। 14 किछ वक्तेरां बाद, यूहन्ना नवी कैद कियो जैवा तैल्ला बाद, यीशु गलील इलाके मां जेव। तैड़ी तै लोकन परमेश्वरेरे राज्योरे बारे मां खुशखेबरी शुनाने लगो। 15 तैनी ज़ोवं कि, “ठीक वक्त ओरोए त कने परमेश्वरेरो राज नेडे ओरूए। एल्हेरेलेड, तुस अपने पापन करां मनफिराथ ते इस खुशखेबरी पुड़ विश्वास केरा।” 16 एकसां, ज़ैखन यीशु गतील नवरेरे सम्मुन्दरे बन्ने चलोरो थियो, तैखन तैनी दूर्द मैन्हु शमौन त तैसेरो ढला अन्द्रियास लाए, जैना मेछली ढलानेबालो थिये। तैना मेछली ढलानेरे लेड सम्मुन्देरे मां जाल छेड़ी राओरे थिये। 17 यीशुए तैन सेइं ज़ोवं, “एज्जा मेरे चेले बना। अब तुसन शिखातेलो कि केन्वरा होरे मैन्हु सेरे चेले बनानेन।” 18 अकदम तैना अपना जालां छेडतां यीशु पत्ती चले जे। 19 ज़ैखन तैना थांडे ज़ेरे अगगर जे, त यीशुए याकूब त कने तैसेरो ढला यूहन्ना लाए। तैना दुड़े जेब्देरां मट्ठां थियां। तैना किश्ती मां जालां ठीक केरेले लगाने थिए। 20 अकदम यीशुए तैना अपने चेले बनानेरे लेड कुजाए। तैना दुड़े, अपने बाजी ज़ब्दी किश्ती मां मज़दूरान सेइं साथी छेडतां, यीशु सेइं साथी चले जे। 21 तैल्ला पर्ती, यीशु त तैसेरे चेले तैड़ुं कफरनहूम नगरे मां जे। आरामेरे दिहाड़े, अकदम यीशु तैन केरे प्रार्थना घरे मां जेव। तैड़ी तै परमेश्वरी गल्लां तैन लोकन शुनाने लगो। 22 तैना यीशुएरी शिक्षा शुन्नां हैरान भोए, किजोकि तैनी शास्त्री लोकां केरि ज़ेरि शिक्षा न दिती, पन तै अधिकारे सेइं शिक्षा देड़ राओरो थियो। 23 ज़ैखन यीशु तैड़ी थियो, त तैन केरे प्रार्थना घरे मां अक मैन्हु थियो, जैस पुड़ भूतोरो सायो थियो। 24 अचानक तैनी मैने चिन्डा॒ मेरता॒ ज़ोवं, “हे नासरत नगरोरो यीशु! तीं सेइं असन कुन कम? कुन तू असन नाश

केरनेरे लेड ओरोस? अब जानताईं कि तू कौन आस, तू परमेश्वरे पवित्र मट्ठ आस!” 25 पन यीशुए तैस भूते डिङ्कतां ज़ोवं, “चुप रा, एस मैन्हु मरी निस्सी गा!” 26 तैखन भूते तै मैन्हु डिलेड़ितां त ज़ारे सेइं चिन्डा॒ मेरता॒ तैस मैन्हु मरा निस्सी जेव। 27 एन हेरतां सरे लोक बड़े हैरान भोए। तैना एप्पू मामेइं गलबात केरतां एककी होरि पुछ्ने लगे कि, “ए कुन गल आए! ए त अक नंवी शिक्षा आए जैस मां अधिकार आए! तै त भूतन भी अधिकारे सेइं हुक्म देते ते तैना भी तैसेरो हुक्म मन्तना” 28 अकदम यीशुएरे बारे मां ए गल गलील इलाकेरे आसेपासरे सेथी ठैरन मां फैली जेई। 29 तैना अकदम प्रार्थना घरे मरां निस्तां, याकूब त कने यूहन्ना सेइं साथी शमौन त अन्द्रियासेरे घरे जे। 30 शमौनेरी शिखी भुखारे थियो ते तै लेटोरी थी। अकदम तैनेई तैसारे बारे मां यीशु सेइं ज़ोवं कि ऊ बिमार आए। 31 यीशुए तैस कां गेइतां तैसारो हथ द्लेइतां खड़ी की। अकदम तैसारो भुखार ठीक भोव। ते तै तैन केरि सेवा केरने लगी। 32 इलोझी जैखन दिहाड़ो ढुब्बो, त लोक सरे बिमार मैन्हु त कने जैन मैनन् पुड़ भूतोरो सायो थियो तैना यीशु कां आने लगे, ताके तै तैन बज्ज़ाए। 33 तैस नारेरे बडे लोक तैस घरेरे दारे पुड़ अकोटु भोए। 34 यीशुए बडे मैन्हु बज्ज़ाए, जैना बडे किसमां केरि बिमैरन सेइं दुखी थियो। त तैनी बडे मैन्हु मरां भूतां केरो सायो कह्हो। पन यीशुए भूतन किछ जाने न दितू, किजोकि तैना यीशु पिशानतां थियां (कि एन परमेश्वरेरु मट्ठ आए।) 35 एग्री दिहाड़ी, झेङ्डां-झेङ्डां दिहाड़ो निस्ते केरां बडे पेड़िले, यीशु उठतां बेइर एककी सुनसान ठैरी मां जेव। तैड़ी तै प्रार्थना केरने लगो। 36 पन थोड़े चिरेंसां बाद, शमौन त तैसेरो साथी, यीशु तोपेने जे। 37 ज़ैखन तैन तै मैल्लो, त तैनेई यीशुए सेइं ज़ोवं, (“वापस ढुलाव्वेमां एई, ) सरे लोक ती तोपी राओंतेन!” 38 पन यीशुए तैन सेइं ज़ोवं, “एज्जा, अस होरि केच्ची आसेपासरे ढलोंव्वन मां गाम, ताके अब तैन लोकन भी परमेश्वरी गल्लां शुनेई। किजोकि अब एस्से कम्पेरे लेड दुनियाई मां ओरोईँ।” 39 तैलहोरेलेड यीशु गलील इलाकेरे सरे ढलोंव्वन मां गेइतां, तैन केरे प्रार्थना घरन मां लोकन परमेश्वरी गल्लां शुनातो राव ते बडे लोकन मरां भूतां केरो सायो कढातो राव। 40 तैल्ला पर्ती, एक्सां अक कोढी मैन्हु यीशु कां अव। तैनी मैने यीशुएरे सामने जैन्थु केरे भारे बिश्तां तैस कां मिन्तत केरतां तैस सेइं ज़ोवं, “अगर तू चास, त मीं बज्ज़ोई इसकतस। (महरबानी केरतां मीं बज्ज़ा।)” 41 यीशुए तैस मैन्हु पुड़ तरस खाव। यीशुएरे अपनो हथ अग्रोवं कियो त तैस कोढी मैन्हु सेइं हथ लेइतां ज़ोवं, “अब चाताई, तू बज्ज़ोसा।” 42 अकदम तै कोढी बज्ज़ोई जेव। 43 तैखन यीशुए तै मैन्हु समझेइतां लूपी भेजो। 44 त तैनी तैस सेइं ज़ोवं, “हेर, एस गल्लरे बारे मां केच्ची सेइं किछ न ज़ोइयां। (तू यरुशलेम नगरेरे मदरे मां गा), त कने अपने आपे याजके हिरा। तैल्ला पर्ती, तू अपने बज्ज़ोनेरे वजाई सेइं चढ़तल चाढ़, जेसेरे बारे मां मूसा नेबे कानूने मां हुक्म दित्तोराए, ताके लोकन पतो चले कि तू बेज्जोरोसा।” 45 पन तै मैन्हु बेइर गेइतां एस गल्लरे बारे मां लोकन बड़ु शुनाने लगो ते इडी तरस फैलाने लगो कि यीशु किरी बादे नगरे मां न गेइ सको, पन बेइर सुनसान ठैरन मां राव ते ब्रेप्रे पासां केरे लोक तैस कां इटेरे राए।

2 किछ दिहाड़ा बाद, यीशु किरी कफरनहूम नगरे मां जेव। तैटुरे मैनेई शुनू कि तै तैड़ी एककी घरे मां आए। 2 अकदम बडे मैन्हु तैस घरे मां अकोटु भोए। तैड़ी ठार न राई, इडी तगर कि दारे केरां बेइर भी ठार न थी। यीशु तैन लोकन परमेश्वरी गल्लां शुनाने लगो। 3 तैखन किछ मैन्हु एककी अधरंगी मैन्हु छुलेइतां यीशु कां आए। त्वेवे मैनेई तै अधरंगी मैन्हु खट्टी पुड़ छुइतां आनोरो थियो। 4 मैन्हु केरि भीड़रे वजाई सेइं, तैना यीशुएरे नेडे न पुज्जी सके। एल्हेरेलेड तैनेई तैस घरे छत जैस मां यीशु थियो पुटी छह्ही। तैल्ला बाद, तैनेई तै खट ओसाली जैस पुड़ अधरंगी मैन्हु थियो। 5 यीशुए तैन केरो विश्वास हेरान अधरंगी मैन्हु सेइं ज़ोवं, “हे मद्दा, तेरे पाप माफ भोए।” 6 तैखन शास्त्री लोकन मरां किछ मैन्हु जैना तैड़ी थियो, अपने-अपने मने मां सोचने लगे कि, 7 “ए मैन्हु एन्चरां किजो ज़ोते? ए त परमेश्वरी तुहीन केरते।” 8 अकदम यीशुएरे अलावा कौन पाप माफ केरि सकते?”

जैनी छुप कि तैना अपने-अपने मने मां कुन सोचने लग्गोरेन। एल्हेरेलेइ तैनी तैन सेइं जोवं, “तुस अपने-अपने मने मा अन्वरां किजो सोचने लग्गोरेथ? 9 एस अथर्गी मैनू सेइं कुन जौनू सुखू आए? एन जौनू कि ‘तेरे पाप माफ़ भोए,’ या एन जौनू कि ‘उठ, अपनि खट छुइतां चल फिर?’ 10 अव किछ केरनेबालोई, जैस सेइं तुसेई बुज्जनूनो कि मैनेरे मधे (यानी मी) धेरती पुड़ लोकां केरे पाप माफ़ केरनेरे अधिकार आए!” फिरी तैनी तैस अथर्गी मैनेरे पापे मुहूतां तैस सेइं जोवं, 11 “अवं तीं सेइं जोतई, उठ, अपनि खट छुइतां अपने धरजो गा!” 12 अकदम तै खट्डो उठो ते अपनि खट छुइतां सरे मैनू केरे सामने निस्तां चलो जेव। एस वजाई सेइं सारे मैनू हैरान भोए, त परमेश्वरी बड़याई केरतां जैने लग्गो, “असेई एरु ज़ेरु कधी नई लावरु!” 13 तैल्ला पत्ती, यीशु तैटून निस्तां फिरी गलील समुन्दरे बन्ने जेव। तैखन मैनू केरि सारी भीड़ तैस कां आई। तै तैन लोकन परमेश्वरी गल्लां केरि शिक्षा देने लगो। 14 समुद्रेरे बन्ने गाते-गाते, यीशु लेवी नंवरे मैनू लाव, जैन हलफूर्डेसे रु मृदु थियू। तै मैनू चुंगी नेरे दफतरे मां कम केरते थियो। तैखन यीशुए तैस सेइं जोवं, “मीं पत्ती एई, ते मेरो चेलो बन!” अकदम लेवी उठो त यीशु पत्ती चलो। 15 बाटे मां, यीशु त तैसेरे चेले लेवेरे घरे मां रोट्टी खाने विश्व। तैखन बडे चुंगी नेरेबाले त होरे पापी मैनू (लोक तैन केरे बारे मां सोचते थिये कि एना पापिन।) भी यीशु त तैसेरे चेलन सेइं साथी रोट्टी खाने विश्व, किजोकि एन केरे ज़ेरे बडे लोक यीशु पत्ती चलते थिये। 16 ज़ैखन किछ शास्त्री लोकेई त कने फरीसी लोकेई हेस कि यीशु पापी मैनन त चुंगी नेरेबालन सेइं साथी रोट्टी खाने लग्गोरोए, तैखन तैनेई यीशुएरे चेलन सेइं जोवं, “तै चुंगी नेरेबालन त पैपन सेइं साथी किजो खाते पीतो?” 17 यीशुए तैन केरि गल शुन्तां तैन मिसाल देइतां जुवाब दित्तो, “सङ्गर लोकन डाक्टररो ज़रूरत न पे, पन बिमार मैनन् ज़रूरत पेचो। तेन्नरां, अव तैन मैनू केरे लेइ नई ओरोई जैना अपने आपे धर्मी समझान, पन पापी मैनन कुजाने ओरोई, ताके तैना अपने आपन केरां मन फिराना” 18 यूहन्नारे चेले त कने फरीसी लोक बरत रखते थिये, पन यीशुएरे चेले बरत न थिये रखते। किछ लोकेई यीशु कां एडतां तैस पुच्छु, “यूहन्नारे चेले ते फरीसी लोकां केरे चेले बरत रखतन, पन तेरे चेले बरत की न रखन?” 19 यीशुए तैनन् जुवाब दित्तो, “इलाएरे दिहाड़े, ज़ैखन लाडो जैनी सेइं साथी राते, कुन तैन बरत रेख्खी सकतन? (बिलकुल नई) तैल्लेरेलेइ, ज़ातिगर लाडो तैन सेइं साथी राते, तांतरग तैना बरत न रेख्खी सकन। (किजोकि तैना खुशी आन।) 20 मेरे चेले भी तैन केरे ज़ेरे आन, किजोकि अवं तैन सेइं साथी आई। पन तैना दिहाड़े एज्जले, ज़ैखन लाडो तैन केरां अलग कियो गालो (यानी मारो गालो), तैस मौके तैना (अपने दुख्खेरे वजाई सेइं) बरत रख्खेले।” 21 “अवं तुसन अक होरि मिसाल देटाई, नंवे लिगड़ेरी टलोई पुराने लिगड़े कोई न लाए। अगर कोई एन्वरा केरे, त धोनेरे पत्ती नंवे लिगड़ेरी टलोई पुराने लिगड़े अपने पापे खिच्ची छुहेली। त तैन पेइले केरां भी जादे छिन्नदूल।” 22 तेन्नरे कोई भी पुरैनी मसकन मां नंवे दाढ़ारो रस न रखे, किजोकि दाढ़ारो रस अम्लो भोइतां फुरुते बार मसकन छिन्नी छुहेलो। दाढ़ारे रस त कने मसकां, एना दुइये बरबाद भोई गाले। एल्हेरेलेइ नंवे दाढ़ारे रस हमेशा नंवे मसकन मा रख्खेरो लोडे, ताके मसकन न छिन्नदे।” 23 एककी आरामेरे दिहाड़े, यीशु त कने तैसेरे चेले बत्ती मांमेइं चलने लग्गोरे थिये, जै गेंवां केरे ऊडारान मामेइं थी। चलते-चलते तैसेरे चेले गेंवां केरे किछ शिलां टलोइतां खाने लग्गो। 24 पन किछ फरीसी लोकेई तैन हेरतां यीशु सेइं जोवं, “तक! एन आरामेरे दिहाड़े तैन कम किजो केरतन, जैन मूसेरे कानूनेरे मुताबिक जेइज नई?” 25 यीशुए तैन सेइं जोवं, “कुन तुसेई परमेश्वरी किताबी मां एन कधी नई पढ़ोए कि (बडे पेइले) दाऊद राजे कुन कियूं ज़ैखन तैस त तैसेरे सैथन ढलुख लग्गी त तैनन् रोटुरी ज़रूरत थी? 26 तुसन पतोए कि दाऊद राजे परमेश्वरे घरे मां गेहूतां, अबियातर न वंवेरे महायाजक करां खाने जो रोट्टी मग्गी। दाऊदे तै रोट्टी खाड, जै परमेश्वरे जो चाढ़ोरी थी। कानूनेरे मुताबिक याजक केरे अलावा होरि केन्वी तैना रोट्टी खानेरी अजाज़त नई थी। पन दाऊदे अपने सैथन भी रोट्टी दित्ती तैनेई भी तैना रोट्टी खेइ? (पन फिरी भी

परमेश्वरे दाऊदे पुड़ दोष न लाव।)” 27 तैखन यीशुए तैन फरीसी लोकन सेइं जोवं, “परमेश्वरे आरामेरी दिहाड़ी लोकन मद्दत केरनेरे लेइ बनेरीए, न कि आरामेरे दिहाड़ेरे कानून मन्नरे लेइ तैनी लोक रखे।” 28 एल्हेरेलेइ, मैनू मृदू यानी अवं आरामेरे दिहाड़ेरो भी प्रभु आई।”

**3** तैल्ला पत्ती, यीशु एककी प्रार्थना घरे मां जेव। तैड़ी अक मैनू थियो, जेसेरो हथ शुक्कोरे थियो। 2 तैड़ी किछ फरीसी लोक भी थिये, जैन यीशु पुड़ इलजाम लाने चाते थिये। एल्हेरेलेइ तैनी यीशु ध्याने सेइं हेरने लग्गोरे थिये कि आरामेरे दिहाड़े तै तैस मैनू बज्ज़ाते की नई। 3 तैखन यीशुए शुक्कोरे हथ्येबाले मैनू सेइं जोवं, “मज्जाटे खडे भो!” (तै तै मैनू खड़ा भोव।) 4 त यीशुए तैन लोकन पुच्छु, “आरामेरे दिहाड़े कुन केरनू जेइज़, मैनैरे भलू केरनू या बुरू केस्नू, मैनेरी जान बज्जानी या मास्नी?” पन तैना चुप राए। 5 त तैनी सरकी सेइं जैन केरे चेवे पासन तक्कू, पन तैन केरे सखत दिलेरी वजाई सेइं उदास भोव। तैखन तैनी तैस मैनू सेइं जोवं, “अपनो हथ अग्रोव केरा!” तैनी मैने अपनो हथ अग्रोव कियो। त अकदम तैसेरो हथ बेज्जोव। 6 तैखन फरीसी लोक प्रार्थना घरे मारं बेइर जे। अकदम तैना हेरोदेस राजेरे लोकन सेइं साथी यीशुएरे खलाफ साजिश केरने लग्गो कि यीशुएरो कोस तरीके सेइं कल्त केरम। 7 तैल्ला पत्ती, यीशु अपने चेलन सेइं साथी गलील समुन्दरे पासे जेव। मैनू केरि बड़ी भीड़ तैस पत्ती चली। गलील त यहुदिया इलाकां केरे लोक तैस कां आए। 8 यूह्नालेम नगरेरे लोक, इद्रूमिया इलाकेरे लोक ते यरदन दरियारे पारेरे लोक त कने सूर त सैदरे आसेपासेरे लोक भी तैस कां ओरे थिये। तैना सब यीशु कां आए, किजोकि तैनेई यीशुएरे साथे चमत्कारेरे कम्मां केरे बारे मां शुनोरु थियूं, जैना तै करते थियो। 9 यीशुए बडे लोक हथ लेइतां बज्ज़ावरे थिये, एल्हेरेलेइ होरे बडे लोक भी तैस पत्ती जादे थी। एल्हेरेलेइ यीशुए अपने चेलन सेइं जोवं, “मेरे लेइ अक किश्ती तियार केरा, ताके एना लोक मीं ढुलेन्नी न सकन।” 11 त ज़ैन लोकन पुड़ भूतां केरो सायो थियो, जैना भी यीशु लेइतां तैसेरे पावन पुड़ बिछड़ी गाते थिए। तैना भी जोरे-जोरे सेइं जोते थिए कि, “तू परमेश्वरे मृदू आस।” 12 यीशुए तैन भूतन सखत हुक्म दित्तो कि, “मेरे बारे मां लोकन न ज़ोथ कि अवं कौन आई।” 13 तैल्ला पत्ती, यीशु एककी पहाड़े पुड़ चढ़ो। जैना मैनू तै अपने चेले बनानो चातो थियो, तैना एप्पु कां कुजाए। तैना तैस कां आए। 14 यीशुए तैन मारं 12 मङ्गद चुने, ते तैन प्रेरित नवं दित्तू कि तैना तैस सेइं साथी-साथी रान, ताके तै तैन लोकन खुशखबरी शुनाने भेज़े। 15 यीशुए तैनन् लोकां केरि बिमैरी बज्ज़ाने त कने मैनन मारं भूतां केरो सायो कढ़ेरो अधिकार दित्तो। 16 तैना 12 मैनू केरां नंवां इना थियां: शामैन जेसेरो नवं यीशुए पतरस रखू, 17 याकूब त तैसेरो ढला यूह्नाना, एना दुइये जेब्देरां मृदू थियां, त यीशुए एन दुइया केरु नवं बुअनरागिस रखू, मतलब कि, गुड़ेरों मृदू। 18 त अन्द्रियास, फिलिप्पुस, बरतुल्मै, मत्ती, थोमा, याकूब जैन हलफूर्डेसे मृदू थियूं, त तदै, शामैन ज़ै पेइले रोमी सरकारारे खलाफ यहूदी लोकां केरि जौड़ेरे लेइ लड़नेबालो थियो। 19 त कने यहदा इस्करियाती जैनी बादे मां यीशु थोखे सेइं टलुवाव। 20 तैल्ला पत्ती यीशु कफरनहम नारेरे एककी घरे मां जेव। फिरी मैनू केरि भीड़ तैस घरे मां अकोट्टी भोइ, कि यीशु त तैसेरे चेलन रोट्टी खानेरे लेइ भी मौको कन न मैल्लो। 21 ज़ैखन यीशुएरे रिस्तेदारेई एन शुनू, त तैना तैस टलेइतां अपने घरे वापस आन्नेरे लेइ जे, किजोकि तैना जौने लग्गोरे थिये कि तैसेरो दिमाग ठीकाने नई। 22 किछ शास्त्री लोक, जैना यूह्नालेम नारेरां ओरे थिये, तैना लोकन सेइं जोई राओरे थिये कि, “यीशु मां शैतान आए।” त एन भी जोई राओरे थिये कि, “ते भूतां केरे प्रथानेरो शक्ति सेइं लोकन मरां भूतां केरो सायो कढ़ेरो अधिकार दित्तो।” 23 एल्हेरेलेइ यीशुए तैना नेडे कुजाए ते तैन मिसाल देइतां जौने लगो, “शैतान केन्चरां अपने भूतन लोकन मरां केही सकते? 24 अगर एककी राज्ज़ोरे लोक अपने राज्ज़ोरे खलाफ लड़ाई केरन, त तैन राज्ज़ोरे न

रेह सके। 25 अगर केन्ची टब्बरेरे लोक अपने टब्बरेरे खलाफ लड़ाई करेन, त तैन टब्बर भी बनोरु न रेह सके। 26 तेन्चरे, शैतान भी अगर एप्पु अपने भूतां केरे खलाफ लड़ाई केरे, त तै केन्चरां बनारो रेह सकते? तैसेरो त बिलकुल खातामो भोइ गालो। 27 अवं होरि मिसाल देताई, कोई मैन्हू केन्ची ज़ोरेबाले मैनेरे घरेरे मां गेडांतै तैसेरो माल तांतगर लुट्री न सके, ज़ांतगर कि तै पैइले तैस ज़ोरेबाले मैन्हू बेंधी न छहु। तैखन तै तैस ज़ोरेबाले मैनेरो माल लुट्री सकते। अवं भी शैतानेरे भूतां केरो सायो लोकन मरां केहु सकतां। (शैतान तैस ज़ोरेबाले मैनेरो ज़ोरेए) 28 अवं तुसन सेइं सच ज़ोताई कि मैन्हू केरे सारे किसमां केरे पाप त कने परमेशरेरी तुहीन, जै तैना केरतन, अगर तैना मन फिरान त परमेशर तैन माफ़ केरेलो। 29 पन जै कोई पवित्र आमारी तुहीन केरे, त तैस कधी भी परमेशर माफ़ क केरेलो। पन तै मैन्हू हमेशरे पापेरो दोषी बेनि गालो।” (aiōn g165, aiōnios g166) 30 यीशुए एन्चरां ज़ोवं किजोकि तैना यीशुएरे बारे मां एन ज़ोते थिये कि तैस पुड़ भुतोरा सायो आए। 31 तैखन यीशुरी अम्मा त कने तैसेरे ढला तैटी आए। तैना घरेरे बेडर खड़े भोइतां तैस जो बिस्तरा भेजो। 32 तैना घरेरे अन्तर न गेड़ सके किजोकि मैन्हू केरि भीड़ यीशुएरे चेवे पासन विश्शोरी थी। एल्लेरेलेड तैन लोकेहु यीशु सेइं ज़ोवं, “तक, तेरी अम्मा त तेरे ढला बेडर खड़े आन। तैना तीं सेइं मिलनू चातान।” 33 पन यीशुए तैनन् जुवाब दितो, “अवं तुसन ज़ोताई मेरी अम्मा त कने मेरे ढला कौन आन!” 34 तैखन यीशुए तैन लोकां केरे पासे तेकतां ज़ोवं, जैना तैसेरे चेवे पासन विश्शोरे थिये, “तकका, मेरी अम्मा त कने मेरे ढला इना आन। 35 किजोकि जै कोई परमेशरेरी मेर्जी पुड़ चलते, तै मेरो ढला, मेरी बेडन ते मेरी अम्मा आए।”

**4** तैल्ला पत्ती, यीशु फिरी गलील समुन्दरे बन्ने लोकन शिक्षा देने लगो। मैन्हू केरि एत्री भीड़ तैस कां अकोट्टी भोइ। यीशु समुन्दरे मां एककी किश्ती मां च्छाहो ते विश्शी जेव, ताके तै सेडभी लोकन परमेशरेरी गल्लां केरि शिक्षा देई सके। मैन्हू केरि सारी भीड़ तैसेरी गल्लां शुन्तां समुन्दरे बन्ने पुड़ खड़ी राई। 2 यीशुए तैनै बेडि गल्लां मिसालन मां जोई। तैनी शिक्षा देईता तैन लोकन सेइं ज़ोवं, 3 “ई कहानी शुना! एकसां अक बीज बेनेबालो बीज बेने जो जेव। 4 बीज बेते बार किल बीज बत्तेरे ढलेखी बिछड़ू त चुड़ोलेई इडांतां तैन बीज चुनू। 5 किछ बीज घोड़बाली ज़मीनी पुड़ बिछड़ू, ज़ोड़ी तैस डुग्याई मित्ती न मेलनेरे वजाई सेइं तैन लूरी उगू त बूटो लगो। 6 पन ज़ैखन दिहाड़ी निसो, त तै निकड़ी बूटो फुक्कोई जेव। ते ज़ील न छुङ्गनेरे वजाई सेइं शक्की जेव। 7 होरु किछ बीज कंटां केरे झूल्लन मां बिछड़ू। ज़ैखन तैटी बूटो लगो, त कंटां केरे झूल्लेर्ई बेडोइतां तै बूटो बेड छहु, त तैनी बुटे फल न दितो। 8 पन किछ बीज रोटी ज़मीनी पुड़ बिछड़ू, त तैन उगू त बेडोवं त फलदार भोवं। तैन मरां केन्ची बीजे ढलही गुणा फल दितो, त केन्ची बीजे शठ गुणा, त केन्चे शौव गुणा।” 9 ए मिसाल शुनानेरे बाद, यीशुए लोकन सेइं ज़ोवं, “जै कोई समझानू चाते, तै ध्याने सेइं शुने त समझो।” 10 तैल्ला पत्ती, ज़ैखन यीशु मैन्हू केरि भीड़ी करां अलग थियो, त तैखन तैसेरे सैथैर्ई त कने तैसेरे 12 चेलेई यीशु तैस मिसालेरे बारे मां पुच्छू। 11 यीशुए तैन सेइं ज़ोवं, “अवं तुसन परमेशरेरे राज्जोरो भेद समझोइला।” पन होरि लोकां केरे लेड मिसालन मां जोवं गातो। 12 ताके जेन्चरां परमेशरेरी किताबी मां लिखोरुए तेन्चरां भोए कि, “जैन अवं केरताई, तैन तैना बार-बार हेरेल, पन तैना तैसेरो मतलब न बुझोलो। जैन अवं जोटाई, तैन तैना बार-बार शुनेले, पन मेरी गल न समझोलो। एरु न भोए कि तैना अपने पापन करां मन फिरान त तैन केरे पाप माफ़ किये गान।” 13 तैल्ला पत्ती, यीशुए तैन सेइं ज़ोवं, “कून तुसेई तै मिसाल न समझी? अगर तुस तैस मिसाली न समझाथ, त फिरी होरि सब मिसालां केन्चरां समझोले? 14 अवं तुसन तै मिसाल समझाताई। बीज बेनेबालो तै आए, जै परमेशरेरी गल्लां लोकन शुनातो। 15 जैना मैन्हू परमेशरेरी गल्लां शुन्तन, तैन मरां किछ लोक तैस बत्तेरे ज़ेरे आन, ज़ोड़ी बीज बिछड़तो। तैना त परमेशरेरी गल्लां शुन्तन, पन शैतान अकदम इडांतां तैन मैन्हू केरे दिले मरां परमेशरेरी गल्लां केहु छहुतो।

16 किछ होरे लोक, जैना परमेशरेरी गल्लां शुन्तन, तैना तैस घोड़नबैली ज़मीनेरे ज़ेरे आन। तैना परमेशरेरी गल्लां शुन्तन त खुशी सेइं तैन कबूल भी केरतन। 17 पन ज़ेन्वरा निकड़ी बूटो घोड़नबैली ज़मीनी मां मित्ती घट भोनेरे वजाई सेइं लूशी लगते, तेन्वरां एना मैन्हू भी भोतन। तैना मज़बूत विश्वास न रखन। एल्लेरेलेड तैना थोड़े दिहाड़न तगर विश्वास रखतन। पन ज़ैखन परमेशरेरी गल्लां केरे मुताबिक चलनेरे वजाई सेइं तैन पुड़ मुसीबतां एच्चन त कने जैखन लोकन केरां सताए गातन, त तैखन तैन अकदम अपने विश्वास छेडांत ठोकर खातन। 18 होरे किछ लोक, जैना परमेशरेरी गल्लां शुन्तन, तैना तैस कंटां केरे झूल्लां केरे ज़मीनेरे ज़ेरे आन। तैना परमेशरेरी गल्लां शुन्तन, 19 पन तैना इस दुनियारी फिक केरतन, त कने दौलतरे वजाई सेइं खेदी खातन, त तैना बड़ी बीजां केरु लालाप केरतन। एसेरे वजाई सेइं तैना परमेशरेरी गल्लां बिसरी छुटन तैन गल्लन पुड़ न चलन। (aiōn g165) 20 पन किछ लोक, जैना परमेशरेरी गल्लां शुन्तन त कने तैन पुड़ चलतन, तैना तैस रोटी ज़मीनेरे ज़ेरे आन। तैना परमेशरेरी गल्लां शुन्तन त कबूल भी केरतन त फल देतन, मतलब की तैना परमेशरेरी गल्लां केरे मुताबिक ज़िन्दी ज़ीतन। कोई ढलही गुणा, कोई शठ गुणा त कोई शौव गुणा फल देतन।” 21 तैल्ला पत्ती, यीशुए मैन्हू केरि भीड़ी सेइं ज़ोवं, “कोई बलतो दीयो एन्तां हेती मां या खट्टी हठ न रख्खे। पन केन्ची उच्ची तैरी पुड़ रख्खो गाते। (ताके सारे घरे लौ भोए।) 22 कोई गल छप्पोरी न राली, पन सैरी गल्लां बेंदी भोली, ते न कोई भेद छप्पोरो रालो, पन सारो भेद बांदो भोलो। 23 जै कोई समझानू चाते, तै ध्याने सेइं शुने त समझो!” 24 तैल्ला पत्ती, यीशुए मैन्हू केरि भीड़ी सेइं ज़ोवं, “होशियार राथ कि अवं तुसन कुन शिक्षा देई राओरोहाई। मेरी शिक्षाई शुन्तां, ज़ेत्री तुस मेरी गल मन्नले तेत्री परमेशर तुसन समझा देलो। हाँ, परमेशर तुशीरी समझा होरी भी बधालो। 25 किजोकि जैस कां परमेशरेरी मर्जी समझानेरी इच्छा आए, तैस परमेशर जादे समझा देलो। पन जैस कां परमेशरेरी मर्जी समझानेरी इच्छा नई, तैस केरां, थोड़ी ज़ेरि समझा, जै तैस कां आए, तै भी नी गाली।” 26 तैल्ला पत्ती, यीशुए मैन्हू केरि भीड़ी सेइं ज़ोवं, “परमेशरेसु राज एरु ज़ेरु आए, कि अक मैन्हू ज़मीनी पुड़ बीज बेते। 27 तै मैन्हू हर राती झुलते त दीसां बींझाते। तैन बीज उगने लग्गोरुए त बडोने लग्गोरुए, पन तैस पतो न ज़ले कि तैन केन्चरां भोते। 28 केन्चरी मदतरे बगैर ज़मीनी एप्पु फल आन्चे। पैडेले मुक्केरे निस्तन, बादे मां शिल्लां निस्तन, तैल्ला पत्ती शिल्लन ग्लेव लगतन। 29 आखरी मां, ज़ैखन ग्लेव पेक्की गातन, तैखन अकदम तै मैन्हू कटाई केरनेरे लेड मैन्हू भेज़ते, किजोकि कटाईरो वक्त ओरो भोते” 30 तैल्ला पत्ती, यीशुए मैन्हू केरि भीड़ी सेइं ज़ोवं, “अस परमेशरेसु राज्जोरो राज्जोरी मासल कोस बीजी सेइं देई सकतम? कोस मिसाली सेइं अस तैस समझोइ सकतम? 31 परमेशरेसु राज शेरीएरे बीजेरु ज़ेरु आए (जै शेरीयो इस्याएले मां भोते)। ज़ैखन तैन बीज ज़मीनी मां बेव गाते, तैन सारे बीजन केरां निकड़ भोते। 32 पन ज़ैखन तैन बीज बेव गाते, तै उगातां सारे निकके-निकके बुदुन केरां बहु भोते। तैसेरी एत्री बेहु डेलडी निस्तन, कि अब्देरो बुदुलली तैसेरी लाई मां अपने आले बनेई सकतन।” 33 एन्चरां बेडि मिसालां ज़ोइतां, यीशु तैन लोकन परमेशरेरी गल्लां शुनातो थियो, ज़ेत्रु तैना शुनी सकते थियो। 34 तै हमेशा मिसाल देईता परमेशरेरो राज्जोरो बारे मां तैन सेइं ज़ोतो थियो। पन ज़ैखन मैन्हू केरि भीड़ी मरा यीशु तैसेरे चेले अलग बिश्ते थियो, तैखन यीशु अपने चेलन सेइं सैरी मिसालां केरो मतलब समझोती थियो। 35 तैस दिहाड़ेरे बादे मां, ज़ैखन इलोड़ा भोइ, यीशुए अपने चेलन सेइं ज़ोवं, “एज्जा, अस गलील समुन्दरेरे पार चलमा!” 36 तैल्लेरेलेड मैन्हू केरि भीड़ छेडांत तैना तैस किश्ती मां च्रैडे जैस मां यीशु पेड़लो थियो, तैना तैटुं चले जे। होरि किछ किश्ती मां भीलोक तैन चेले साथी जे। 37 ज़ैखन तैना समुन्दर पार केरने लग्गोरे थियो, तैखन अक बहु तूफान चलो, त छेल्ली एड़ी तगर पुज़्जी कि किश्ती पैनी सेइं भेरोही ज़ई। 38 पन यीशु किश्ती पैनी पासे, शेराहने पुड़ कोड़ी रेखतां झूल्लोरो थियो। तैखन तैसेरे चेलेर्ई तै बीजोइतां तैस सेइं ज़ोवं, “हे गुरु, कुन तीं फिक्र नई, अस त मरने बालेम!” 39 तैखन यीशुए उठतां तूफान डाटो,

त समुन्दरे सेइं ज़ोवं, “शान्त रा, रुकी गा!” अकदम तूफान रुकी जेव त समुन्दर शान्त भोव। 40 तैखन यीशुए अपने चेलन सेइं ज़ोवं, “तुस किजो डरतथ? कुन तुसन हैजू भी मीं पुड़ विशास नई?” 41 पन तैना बड़े डेरि जे त एप्पू मासेइं ज़ोने लगे, “ए मैन्हु कौन आए कि तूफान त समुन्दर भी एसेरो हुक्म मन्तन!”

## 5 यीशु त तैसेरे चेले गलील समुन्दरेरे पार, गिरासेनी इलाके मां पुज़ोँ।

2 ज़ैखन यीशु किश्ती पुड़ेरां औस्सो, त तैखन अक मैन्हु, ज़ैस पुड़ भूतां केरो सायो थियो, कब्रन मामैंइ यीशु कां मिलने अव। 3 ते मैन्हु कब्रस्ताने मां रातो थियो। (ते मैन्हु बड़ो खतरनाक थियो।) कोई तैस शंगली सेइं भी न बेंधी सकतो थियो। 4 किजोकि (पेहुने बड़े बार) लोकेइं तैसेरे हथ पाव शंगलन सेइं बंधोंथे थिये। पन हर बार तै हथ्थों केरि शंगलां ट्लोडतो थियो त पच्चां केरि शंगलां केरे टुकड़े-टुकड़े केरतो थियो। कोई तैस कैबू न केरि सकतो थियो। 5 तै हमेशा रात-दिवाहँी कब्रस्ताने मां त कने पहैड़न पुड़ोइं हन्ठोंथे थियो त चिंडां मारतो थियो, त अपने आपे घोड़न सेइं ज़खी केरतो थियो। 6 ज़ैखन तैनी मैने यीशु द्योरा लाव, त तै दौड़तां यीशु कां अव ते तैस कां मथ्यो टेको। 7 यीशुए भूते सेइं ज़ोवं, “हे भूता, एस मैन्हु मरा निसस्ती गा!” तैनी भूते ज़ोरे सेइं चिंडां मेरतां ज़ोवं, “हे यीशु, परमप्रथान परमेश्वरो मट्टा, मीं तीं सेइं कुन कम? अव तीं परमेश्वरी कसम देताईं, मीं दुख्न न दे!” 9 एल्हेरेलेइ यीशुए तैस पुड़, “तेरो कुन नवं आए?” तैनी यीशु सेइं ज़ोवं, “मेरु नंव फौज आए, किजोकि अस बड़े आम।” 10 तैखन तैनी यीशु कां बड़ी मिन्नत की, “इस इलाके मरा असन बेझ़ा।” 11 तैड़ी पहेड़ा पुड़ सूरां केरो अक बड़ो धान चैरी राहोरी थियो। 12 तैल्हेरेलेइ तैन भूतेइं यीशु कां मिन्नत की, “महरबानी केरतां असन उन सूरन मां भेजी दे ताके अस उन मां गाम!” 13 तैखन यीशुए तैन, सूरन मां गानेरी अज़ाज़त दिती, त तैन भूता तैस मैन्हु मरा निस्तां सूरन मां ज़ेआं। तैखन सूरां केरो धान, ज़ैस मां लगभग दूर्ह हज़ार सूर थिये, टिब्बे पुड़ेरां बिछ़डतां अकदम समुन्दरे मां डुबतां मेरि जे। 14 ज़ैखन सूरां केरे चारनेवालेइ एन हरू, त तैना डेरि जे। तैनेइं तैदूं नेशतां नगरी मां त कने आसेपासेरे इलोंव्हन मां ए ख्वर शुनाई। तैल्हेरेलेइ लोक एप्पू हेरने लेइ तैड़ी आए। 15 ज़ैखन नगरेरे लोक यीशु कां पुज़ो, त तैस मैन्हु, ज़ैस मां पेइले भूतां केरि फौजेरो सायो थियो, हुनी लिगड़ां लगगेरे त कने होरी मां लेइतां डेरि जे। 16 ज़ैनेइं तैना गल्लां पेइले लेवरी थी, तैनेइं तैस मैरे बोरे मां ज़ैस पुड़ भूतोरो सायो थियो त कने तैन सूरां केरे बोरे मां पूरो हाल लोकन शुनाव। 17 तैना यीशु कां मिन्नत केरतां ज़ोने लगे कि, “इश्वे इलाके मरा चैलि गा!” 18 ज़ैखन यीशु वापस गानेरे लेइ किश्ती मां चङ्गने लागो, त तैनी मैने ज़ैस मां पेइले भूतां केरो सायो थियो, यीशु कां मिन्नत की कि, “मीं एप्पू सेइं साथी चङ्गने दो।” 19 पन यीशुए तै एप्पू सेइं साथी चङ्गने न दित्तो। पन तैनी तैस सेइं ज़ोवं, “अपने घेरे जो गा त कने अपने लोकन सेइं ज़ो, कि प्रभु परमेश्वरे तीं पुड़ दया केरतां तेरे लेइ केन्ह बड़ु कम कियोरुए।” 20 एल्हेरेलेइ तै मैन्हु गेइतां दिकापुलिस इलाके मां लोकन शुनावे लगो कि यीशुए मेरे लेइ केन्ह बड़ु कम कियोरुए। सारे लोक ए गल शुनां तैरान भोइ जे। 21 तैल्ला पत्ती, यीशु फिरि किश्ती मां गलील समुन्दरेरे इस पासे वापस अव, त मैन्हु केरि बड़ी भीड़ी तैस कां अकोट्ही भोइ। यीशु समुन्दरेरे बन्ने पुड़ थियो। 22 तैखन याईं नवंवरो मैन्हु तैड़ी अव, ज़ै यहूदी लोकां केरे प्रार्थना घरेरे प्रधान्म अक थियो। ज़ैखन तैनी यीशु लाव, त तैसेरे पावन घेव। 23 तैनी एन ज़ोइतां यीशुए सेइं बड़ी मिन्नत की, “मेरी निकड़ी कुई मन्नेबाली आए। तू मीं सेइं साथी एइतां तैस पुड़ अपनो हथ रख, ताके तै बेज़़ोए ते ज़ींती राए।” 24 एल्हेरेलेइ यीशु तैस सेइं साथी तैसेरे घेरे जेव। मैन्हु केरि अक बड़ी भीड़ी यीशु पत्ती चळानी, इड़ी तंगर कि लोक यीशु पुड़ बिछ़डते थिये। 25 तैस भीड़ी मां अक कुआन्श भी थी, ज़ैस 12 सालां केरि खुन चलनेरी बिमारी थी। 26 तैसां बड़े बेवदन केरां बड़ो दुख झळ्लो। बिमारी ठीक भोनेरे लेइ तैसां अपने सब पेंड़ेसे खेंडी दिरे, पन तैस केर्द फैदो न भोव। पन तै होरि भी जादे बिमार भोइ ज़ेई। 27 तै

यीशुएरे बरे मां शुन्तां अपने दिले मां जोती थी, “अगर अवं सिफ्क तैसेरे लिगड़े सेइं हथ लाएली, त अवं बेज़़ोई गाली।” एल्हेरेलेइ तै मैन्हु केरि भीड़ी मां यीशुएरे पत्रवरां आई ते तैसेरे लिगड़े सेइं हथ लाव। 29 ज़ैखन तैसां यीशुएरे लिगड़े सेइं हथ लाव, त अकदम तैसेरो खून चलनेरी बिमारी बेज़़ोई। तैसां अपन जानी मां बुज़़ू कि अवं तैस बिमारी केरां बेज़़ोरी आई। 30 यीशुए अकदम बुज़़ू कि मीं मरां शक्ति निस्सोरीए। एल्हेरेलेइ तैनी मैन्हु केरि भीड़ी मां चेवे पासन मुड़तां लोकन पुच्छू, “मेरे लिगड़े सेइं केनि हथ लाव?” 31 तैसेरे चेलेइ तैस सेइं ज़ोवं, “तू हेरतस कि मैन्हु केरि भीड़ी तीं पुड़ बिछ़डने लगोरी, फिर भी तू किजो पुछतस कि ‘केनी मीं सेइं हथ लाव?’” 32 पन यीशु तैस हेरनेरे लेइ, ज़ैनी एरु कियोरु थियूं चेवे पासन तकने लगो। 33 तैखन तै कुआन्श डरती ते थक्ती थी, किजोकि तै जानती थी कि तैसां मूसेरो कानून ट्लोडरोए। तै अगर आई ते यीशुएरे पावन पुड़ बिछ़डतां, तैस सेइं सैरी गल्लां सञ्च-सञ्च ज़ोने लगगी। 34 पन यीशुए तैस सेइं ज़ोवं, “दे कुईए, तेरे विश्वासे, जै तीं मीं पुड़ रख्वोरे, तैनी तू बुज़़ाई। खुशी सेइं घरजो गा, ते हुनी तू एस बिमारी केरां बेची ज़ेई।” 35 जाताली यीशु ई गल मसां ज़ोई राहारो थियो, तैखन प्रार्थना घरेरे लीडोरे घेररां किछ मैनेइ एइतां तैस सेइं ज़ोवं, “तेरी कुई मेरि जोरीए, हुनी गुरु किजो तकलीफ देतस?” 36 पन यीशु तैन केरि गल न शुन्तां प्रार्थना घरेरे लीडोरे सेइं ज़ोवं, “न डर। सिर्फ मीं पुड़ विश्वास रख।” 37 यीशु ते याईर च्वलने लगे, पन यीशुए पतरस, याकूब ते तैसेरो द्लाला युहन्नारे अलावा, होरो कोई एप्पू सेइं साथी एजने न दित्तो। 38 प्रार्थना घरेरे लीडोरे घेरे मां पुजां यीशुए हल्लो मचोरो लाव ते कने लोक बड़े लेरां देते त शोग केरते लाए। 39 तैखन यीशुए घेरे मां गेइतां तैन सेइं ज़ोवं, “तुस किजो रोलो मचातथ त लेरां देतथ? कुई मरी नई, पन झुल्लोरीए।” 40 ज़ैखन तैन लोकेइं एन शुनू, त तैना तैसेरो मजाक बनाने लगे, किजोकि तैना जानते थिये कि कुई मेरि जोरीए। तैखन यीशुए सारे मैन्हु तैटूं केढतां, सिफ्क कुईअरे हाज-बव त कने अपने ट्लाई चेलन सेइं साथी कममेरे अन्तर जेव, ज़ोड़ी कुई पेत्री थी। 41 तैखन यीशुए कुईएरो हथ ट्लेइतां तैस सेइं अपनि भाषाई मां ज़ोवं, “तलाता कूमी!” ज़ेसेरो मतलब कि, “हे निकड़ी कुईए, अव तीं सेइं ज़ोटाईं, खड़ी उठ।” 42 अकदम कुई उठता च्वलने फिरने लगगी, किजोकि तैनी जोते थिये कि कुई मेरि जोरीए। तैखन यीशुए सारे मैन्हु तैटूं तैटूं केढतां, सिफ्क कुईअरे हाज-बव त कने अपने ट्लाई चेलन सेइं साथी कममेरे अन्तर जेव, ज़ोड़ी कुई पेत्री थी। 43 तैखन यीशुए कुईएरो हथ ट्लेइतां तैस सेइं अपनि भाषाई मां ज़ोवं, “तलाता कूमी!” ज़ेसेरो मतलब कि, “हे निकड़ी कुईए, अव तीं सेइं ज़ोटाईं, खड़ी उठ।” 42 अकदम कुई उठता च्वलने फिरने लगगी, किजोकि तैनी जोते थिये कि कुई मेरि जोरीए। एन हेरतां तैना बड़े हैरान भोए। 43 पन यीशुए तैन हुक्म देइतां ज़ोवं कि, “ए गल केन्ही सेइं न जोइयथ। एस कुईए किछ खाने जो देथ।”

## 6 तैल्ला पत्ती, यीशु तैटूं निस्तां अपने नगर नासरते जो जेव। तैसेरे चेले

तैस सेइं साथी च्वले। 2 आरामेरे दिहाडे, यीशु तैन केरे प्रार्थना घेरे मां गेइतां तैन लोकन परमेश्वरी गल्लां केरे शिक्षा देने लगो। तैसेरो शिक्षा शुन्तां बड़े लोक हैरान भोइ ते एककी होरि पुछने लगो, “एनी मैने एन गल्लां कोट्हुं शिख्यी? एस एत्री अवल कोट्हुं आई? एस एत्री चमत्कार केरनेरी शक्ति कोट्हुं मैल्ली।” 3 ए त ट्लखान आए, ज़ैन मरियामारु मठ आए। ए त याकूब, योसेस, यहूदा, ते शमानेरो द्लाला आए। एसेरो वेडान्हां भी इश्वे इडी रेइचान।” एल्हेरेलेइ तैनेइं यीशुएरो इन्कार कियो। 4 तैखन यीशुए तैन लोकन अक कहावत ज़ोई, “नबी बेदीरी लोकन मां झज्जतदार भोलो, पन अपने नामारेरे लोकन केरां ते कने अपने रिशेदारन केरां त कने अपने घेरबालन मां बेड़ज़त भोलो।” 5 तैन लोकेइं यीशु पुड़ विश्वास न केरनेरे वज़ाई सेइं, तैनी तैस नागरी मां सिफ्क थोड़े ज़ेवे बिमार मैनून पुड़ हथ रेखतां तैन बज़गाए, तैन केरे अलावा होरो कोई चमत्कार न केरे सको। 6 यीशु नासरत नगरेरे लोकां केरो अविश्वास हेरतां हैरान भोव। तैल्ला पत्ती, तै अपने चेलन सेइं साथी चेवे पासन केरे इलोंव्हन मां परमेश्वरी गल्लां केरि शिक्षा देतो राव। 7 तैल्ला पत्ती, यीशुए अपने 12 चेले एप्पू कां कुजेइतां, तैन दूर्ह-दूर्ह केरतां भेजने लगो। भेजने केरा पेइले, तैनी अपने चेलन, लोकन मरा भूतां केरो सायो काढनेरो अधिकार दित्तो। 8 ते तैनी तैन हुक्म दित्तो, “बत्ता च्वलते-च्वलते सोटेरै अलावा होरु किछ न जोइयथ। न रोट्टी न झाँलो त कने बेटवे मां पेइसे भी न नेइयथ। 9 पन बूट लेइयथ, पन दूर्ह-दूर्ह कुरते न लेइयथ। 10 ज़ैखन

तुस केन्ती ड्लोव्वें मां गाथ, अगर कोई अपने घेरे बिश्नेलेइ तुसन कुजाए, त तैससे घेरे मां बिश्शथ, जांतगर तैस इलोव्वेंन न निस्सथ। 11 अगर केन्ती इलोव्वें लोक तुसन कबूल न केरन त कने तुशी गल्लां न शुनन् त तैटू चलते-चलते तुस अपने पावां केरि धूड़ झोड़ी छेड़ुथ ताके तैन केरे खलाफ गवाही भोए। (अवं तुसन सेंद सब ज्ञोटई कि परमेश्वरे आदालते दिहाडे बुे लोकन सज्जा देलो, जैना सदोम त कने अमोरा नगरन मां रहते थिये। पन जैना लोक तुशी गल्लां न शुनेले, तैस नगरे लोकन परमेश्वर बड़ी जादे सज्जा देलो) 12 यीशुएरो हुक्म शुन्नेरे बाद, तैनेइ तैटू निस्तां बडे नगरन मां गेइतां लोकन परमेश्वरी गल्लां शुन्नई कि, “तुस अपने पापन करां मनफिराथ।” 13 ते तैनेइ बडे लोकन मरा भूतां केरो सायो भी कड़ो, त कने बडे बिमार मैनन् पुड़ तेल लेइतां बज़ाग्गाए। 14 हेरोदेस राजे भी यीशुएरे बारे मां शुनू किजोकि यीशुएरु नंव मुशू भोरु थियूं तैनी यीशुएरे बारे मां ज्ञोवं कि, “शायद, यूहन्ना, जै बपतिस्मो देनेबालो थियो, मुद्दन मरा ज्ञीतो भोरोए। एल्हेरेलेइ, तै एना चमक्करा केरि सकतो।” 15 होरेइ मैनेइ यीशुएरे बारे मां ज्ञोवं कि, “शायद, तै मैनू एलिय्याह नबी आए।” पन किछ होरेइ मैनेइ ज्ञोवं कि, “तै त पराने ज्ञानेरे परमेश्वरी गल्लां जौनेबालां केरो जेरो अक नबी आए।” 16 पन हेरोदेस राजे लोकां केरि गल्लां शुन्नां ज्ञोवं कि, “तै मैनू त यूहन्ना आए, जैसेरी क्रोडी मीं कट्टवी थी। तै मुद्दन मरा ज्ञीतो भोरो आए।” 17 हेरोदेस राजे एन्नरां सोचू किजोकि थोडे दिहाड़ाना पेइले, तैनी एप्प अपने सिपाही भेजातां यूहन्ना कैद केरतां छुहोरो थियो। तैनी अपने ढला फिलिप्पुसेरा लाई हेरोदियासरी वजाई सेंद एन्नरां कियोरु थियूं, जैस सेंद तैनी इला बनोरो थियो। 18 एल्हेरेलेइ, यूहन्ना हेरोदेस राजे सेंद बार-बार ज्ञोतो थियो कि, “तीं अपने ढलाएरी लाडी सेंद इला बनानो जेइज़ नई।” 19 तैल्हेरेलेइ हेरोदियास रानी यूहन्ना सेंद दुम्मनी रखती थी ते तैस कल्त केरनो चाती थी। पन तै तेच्चरा न केरि सकती थी, 20 किजोकि हेरोदेस राजे पता थियो कि यूहन्ना अक धर्मी ते पवित्र मैनू थियो। तैल्हेरेलेइ, हेरोदेस राजे तैसेरी बडी इज्जत केरतो थियो त कैदखाने मां हेरोदियास रैनी केरा बच्चेइतां रखतो थियो। त तै यूहन्नारी गल्लां शुन्नां बड़ो डरतो थियो, पन तैसेरी गल्लां खुरी सेंद शुन्नो भी थियो। 21 आखर्कार यूहन्ना मारनेरो ठिक मौको मैल्लो। हेरोदेस राजे अपने ज़सेरी दिहाड़ी मां अक धाम रखवी। तैस धामी मां तैनी अपने बडे खास अफससन, त कने फौजी अफससन, त कने गलील इलाकेरे बड़े-बड़े मैनू कुजाए। 22 तैखन हेरोदियास रैनीरी कुई तैस कमरे मां आई, जेडी तैना बिश्शोरी थियो। त तैसा तैडी नेवता हेरोदेस राजे त कने तैसेरे मेहमान खुश किये। तैखन राजे कुई ते सेंद ज्ञोवं, “जैन तू चास मीं केरां मग, अवं तीं देलो।” 23 त राजे तैस कुई ते सेंद कसम भी खाइ कि, “जैन किछ तू मीं केरां मगेली, अवं तीं देलो, इडी तगर कि अवं अपुन अध्यु राज भी देलो।” 24 तैल्हेरेलेइ तैस कुइया बेरंग गेइतां, अपनि अम्मा पुच्छ, “अवं हेरोदेस राजे केरां कुन मगेली?” तैखन तैसेरी अम्मा ज्ञोवं, “यूहन्ना बपतिस्मो देनेबालेरी क्रोडी मग।” 25 अकदम तै कुई अन्तर राजे कां आई त तैस का मिन्त की। “अवं वाताई कि, तू यूहन्ना बपतिस्मो देनेबालेरी क्रोडी केटां एककी थाले मां हुन्ना आन।” 26 तैसेरी गल शुन्नां राजो बड़ो दुखी भोव, पन अपनि कासमेरे वजाई सेंद त कने अपने मेहमानों केरे वजाई सेंद तैने इन्कार केरनो न चाव। 27 तैल्हेरेलेइ, तैनी अकदम एककी सिपाही हुक्म दितो कि, “यूहन्नारी क्रोडी केटां आन।” 28 सिपाही कैदखाने मां गेइतां यूहन्नारी क्रोडी कृटां, त एककी थाले मां रेखतां आनी त कुई एक कं दिती। त कुइया गेइतां अपनि अम्मा कां दिती। 29 ए गल शुन्नां यूहन्नारे चेले तैडी आए, त तैसेरी लाश नेइतां कब्री मां देव्वी छुट्टी। 30 परमेश्वरी गल्लां लोकन शुनानेरे पत्ती, यीशुएरे प्रेरित तैस कां चापस आए, जैना तैनी भेज़ोरे थिये। जैन किछ तैनेइ लोकन सेंद कियोरु ते शिक्षा दित्तीरी थी, तैन सारी गल्लां यीशु सेंद शुनाई। 31 बडे लोक यीशु त कने तैसेरे चेलन कां एइते गाते थिये। एस वजाई सेंद, तैन रोटी खानेरे लेड भी मौको न थियो मैल्लोरो। तैल्हेरेलेइ यीशुएरे अपने चेलन सेंद ज्ञोवं, “मीं सेंद साथी केन्ची अकेन्ची ठैरी एज्जा, त थोड़ो जेरो आराम केरा।” 32 एल्हेरेलेइ तैना किश्ती मां ज्ञेदां, अकेन्ची ठैरी

चेलि जे। 33 पन बडे लोकेई यीशु त तैसेरे चेले गाते लेइतां पिशानी छुट्टे कि तैना कोरां चलोरेन। तैल्हेरेलेइ, सारे नगरेरे मैनू हैदल दौड़तां तैन केरा पेइले तैडी पुज्जां अकोटु भोए। 34 जैखन यीशु किश्ती पुडेरा ओस्सो, त तैनी मैनू केरि अक बडी भीड़ लेइतां तैन पुड़ तरस खाव, किजोकि तैना मैनू भैड़ा केरे जेरो थिये, जैन केरो कोई पुहाल न भोए। तैखन यीशु तैन लोकन परमेश्वरे राज्जेरो बारे मां बेडि गल्लां केरि शिक्षा देने लगो। 35 जैखन दिहाड़ी डुबे ने लगोरी थी, त यीशुएरे चेलेई तैस कां इटां जोवं, “ई सुनसान ठार आए, ते चिर भी बडु भोरु आए।” 36 एन मैनू भेज़, ताके एना चेवे पासां केरे बेस्तन त कने इलोव्वेन मां गेइतां अपने लेड खाने जो रोटी थिन्न।” 37 पन यीशुएरे तैन जुवाब दितो कि, “तुस्से एन खाने जो रोटी देथ” पन तैनेइ तैस सेंद ज्ञोवं, “कुन अस दूड़ शौव दिहाड़ी केरि कमाई सेंद रोटी विन्तां एन मैनू खुवाम? एन न भोइ सके!” 38 एल्हेरेलेइ, यीशुएरे तैन सेंद ज्ञोवं, “तुसन कां केत्री रोटी आन? गेइतां हेरा।” पतो केरनेरे पत्ती, तैनेइ यीशु सेंद ज्ञोवं कि, “पंच रोटी त कने दूड़ मेड़ली आन।” 39 तैखन यीशुएरे अपने चेलन हुक्म दितो कि, “सारे मैनू नीले घासे पुड़ विशाला।” 40 एल्हेरेलेइ तैना मैनू शौव-शौव त कने पज्जा-पज्जा केरि हुन्डी मां बिश्शी जे। 41 तैखन यीशुएरे अपने हथ्ये मां पंच रोटी ते दूड़ मेड़ली ट्लैइ, त अम्बरेरे पासे तेकतां शुक्र कियू। तैल्ला पत्ती, यीशु तैना रोटी ट्लैइ तैल्लां चेलन कां देते जेव कि लोकन खाने जो देन। तेन्नरां दूड़ मेड़ली भी तैन सारे लोकन वेंटी दिती। 42 ते सारे मैनू खेड़तां रेज्जी जे। 43 तैल्ला पत्ती, यीशुएरे चेलेई बेड़ी बेड़ीरो रोटी त कने मेड़ली केरे टुक्कन सेंद 12 टोकरी भेरि। 44 जैनेइ रोटी त मेड़ली खेड़, तैन मां 5000 मृदु थियो। 45 तैल्ला पत्ती, यीशुएरे अपने चेलन हुक्म दितो कि, “तुस किश्ती मां चेदां मीं केरां पेइले समुन्दरेरे उस पार बैतैसैदा नगरे जो चली गाथ, जांतगर अवं एन लोकन न भेज्जी।” त तैना तैटू दां जो। 46 लोकन भेज़नेरे पत्ती, यीशु तैटू निस्तां नेडे एककी पहेड़ी पुड़ प्रार्थना केरसेरे लेइ जेव। 47 जैखन डलोड़ा भोइ, त तै किश्ती, जैस मां यीशुएरे चेले थिये, समुन्दरेरे मझाटे थी, त यीशु अकेल्लो ज़मीनी पुड़ थियो। 48 तैनी हेउ कि तैसेरे चेले किश्ती मां चेप्पे दृद-दृद प्रेशान भोने लगोरोन, किजोकि एग्रेवां बडी तेज़ हवा चलोरी थी। लगभग झोड़ि-झोड़े चेले बर्जेई जैखन हेजू आंधू थियूं यीशु समुन्दरेरे पैनी पुड़ चेलां अपने चेलन कां अव। तै तैन केरा अग्रोवं निस्न चाती थियो। 49 पन जैखन डलोड़ा भोइ, तै किश्ती, जैस मां यीशुएरे चेले थियो। 50 पन जैखन तैनेइ यीशु समुन्दरेरे पैनी पुड़ ज्ञलतो लाव, तै तैनेइ सोचो कि तै तै भूत आए। तैल्हेरेलेइ, तैनेइ चिन्डा मैरी, 51 किजोकि तैना सारे तैस देरां बडे डेरि जेरो थिये। पन तैनी अकदम तैन सेंद गल्लां की ते ज्ञोवं, “हिम्मत रखा! अवं आई। डरा न!” 51 तैखन तै तैन केरि किश्ती मां चाढो, ते तूफान चलनो बन्ध भोइ जेव। तैखन चेले बडे हैरान भोए, 52 किजोकि तैनेइ न थियूं समझौरो कि यीशु केन्चरां रोटी त कने मेड़ली बधोरी थी, पन तैन केरे मन बेसमझ भोरे थिये। 53 तैल्ला पत्ती, यीशु त तैसेरे चेले गलील समुन्दर पार केरतां गन्सेरत नंव्येरे जगाई पुड़ पुज्जा। तैडी तैनेइ किनारे पुड़ किश्ती वेंधतां रखवी। 54 जैखन तैना किश्ती पुडेरा ओस्से, तै तैटैरे लोकेई यीशु पिशीणी छुट्टी। 55 एल्हेरेलेइ, तैनेइ सारे इलाके मां गेइतां लोकन खबर शुनाई कि यीशु ओरोए। जेडी-जेडी लोकेई शुनू कि यीशु ओरोए, तैडी लोकेई बिमार मैनू खट्टी पुड़ छुट्टां यीशु कां आन्ने लगे, ताके तै तैन बज़ाग्गाए। 56 जेडी कोन्ची इलोव्वेन मां, नगरन या बेस्तन मां यीशु गातो थियो, तैडी लोक बिमार मैनू बज़ासन मां यीशु कां एन्ना रखते थिये। तैना यीशु सेंद मिन्त केरते थिये कि, तैन सिर्फ तैसेरे लिंगडे सेंद हथ लाते थिये, तैना सारे बेड़ोतो थिये।

7 एककी विहाडे किछ फरीसी लोक त कने शास्त्री लोकन मरा किछ लोक, जैना यरुशलेम नगरों आरे थिये यीशुए कां अकोटु भोए। 2 ते तैनेइ हेउ कि यीशुएरे किछ चेले रीति रुवाज़ेरे खलाफ अधोए हथ्यन थिये रोटी खेइ राओरेन। 3 किजोकि फरीसी लोक त कने सारे यहूदी लोक, जांतगर हथ न थोन तांतगर रोटी न खाते थिये। अपने बुजुर्गा केरि परमपरा चलाएरे लेइ तैना एन्नरां केरते थिये। 4 जैखन तैना बज़ारें घेरे एइते थिये, जैना सारे बेड़ोतो थिये।

निहान न देन तांतरग रोटी न थिये खाते। होरे भी बड़े रीति रुवाज थिये, जैना तैन केरे बुजुर्गन केरां औरे थिये, जैन्चरां कटोरे, घडे, टलामेरां भांडां रुवाज्जेरे मुताबिक धोना। 5 एल्हेरेलेड फरीसी लोकेईं त कने शास्त्री लोकेईं यीशु पुच्छू, “तेरे चेले इशो बुजुर्गा केरि परमपरा पुढ़ की न चलन? पन तैना रुवाज्जेरे खलाफ अथोए हथन सेंड रोटी खातान!” 6 तैखन यीशुए तैन सेंड ज़ोवं, “बड़े पेहले ये शयाह नेने तुश्हे जेरे पाखंडी केरे बारे मां ठीक भविष्यवाणी कियोरीए कि परमेशरे ज़ोवं, ‘एना लोक ऐसी सेंड त मेरी बड़ी तारीफ केरतन, पन एन केरे दिल मीं केरां बड़े दूर आन।’ 7 एना बेफाइदी मेरी आराधना (पूजा) केरतन, किजोकि एना त मैन्हु केरि बनोरी परमपरान, परमेशरेरे हुक्मां केरे जेरे लोकन शिशा देतन!” 8 तैखन यीशुए तैन सेंड ज़ोवं, “तुस भी तैन लोका केरे जेरे आथ, जैना परमेशरेरे हुक्मन टेलतां मैन्हु केरि बनोरी परमपरान मन्तन, जैन्चरां घडे त कने कटोरे रुवाज्जेरे मुताबिक धोने, त कने एसेरे जेरे होरे भी बड़े रुवाज्जन मन्तथ!” 9 फिरी तैनी तैन सेंड ज़ोवं, “तुस के त्रु गलत केरतथ, कि अपने रेति-रुवाज्ज मन्नेरे लेड परमेशरेरे हुक्म ट्लोडतथ। 10 किजोकि मूसा नेवे जोराए कि, परमेशरे सारी मैनन ई हुक्म दितो कि, ‘तु अपने हाज बच्वरी केरि इज्जत केर। त ज़ी कोई अपने हाज बच्वे जो बुरु ज़ोलो, तै ज़स्त मारो गालो।’ 11 पन तुस ज़ीतथ कि अगर कोई मैन्हु अपने हाज बच्वे सेंड सिफ़ एन ज़ोए, तै तैन बड़ु आए कि, ‘मीं करा ज़ै किछ मदत तुसन मैल्ली सकती थी, तै पेड़ली बलिदान भोरीए, यानी परमेशरे जो चढ़तल ज्ञादोरीए। एल्हेरेलेड, अंव तुसन किछ न देद सकी।’ 12 एसी शिशा देतां तुस लोकन तैन केरे हाज बच्वां केरि किछ मदत केरेने न देथ। 13 एच्चरां तुस अपनि परमपरा चलानेरे लेड, परमेशरेरी गल्लां टेली छङ्गतथ। एसी जेरि तुस होरे भी बेड़ि गलत परमपरा मन्ते औरेथ।” 14 तैखन यीशुए फिरी सारे लोक एप्पू कां कुजेइतां तैन सेंड ज़ोवं, “तुस सारे लोक, मेरी गल ध्याने सेंड शुना ते समझा।” 15 एसी कोई चीज़ नई ज़ै बेदिरां मैन्हु अन्तर गेइतां तैस जुटो केरे। पन जैना बुरी चीज़ां मैन्हेरे अन्त्रां, यानी तैसेरे दिले मरां बेइ निस्तचन, तैनां तैस जुटो केरचन। 16 अगर कोई समझाने चाते, तै तै ध्याने सेंड शुनो!” 17 बादे मां, यीशु मैन्हु केरि भीड़ी मरां घरे जो जेव। तैखन तैसेरे चेलेईं तैस मिसालारे मतलबेरे बार मां तैस पुच्छू। 18 तैनी तैन सेंड ज़ोवं, “होरि मैन्हु केरे जेरे कुन तुस भी न समझाथ? कुन तुस न समझाथ कि ज़ी चीज़ बेइरा मैन्हेरे अन्तर गाचे, तै तैस जुटो न केरि सके? 19 किजोकि तै तैसेरे दिले मां नई, पन तैसेरे पेटे मां गाचे ते बादे मां पेटे मरां निस्सी गाचे!” एन ज़ोइतां यीशुए समझाव कि खानेरी चीज़ कोई भी असन जुटो न केरे। 20 तैखन तैनी अपने चेलन सेंड ज़ोवं, “जैन मैन्हेरे अन्त्रां निस्ते, तैने परमेशरी नज़री मां मैन्हु जुटो केरते, 21 किजोकि मैन्हेरे अन्त्रां, यानी मैन्हेरे दिले मरां बुरे खियाल, बदमाशी, चोरी, कत्तल केरनो, 22 अड़लाए देने गलत कम केरनू, लालज़, दुष्ट कम केरनू, बेइमानी, बदचलन, जलन, तुहीन, घमण्ड, ते बेवकूफी एच्चन। 23 एना सेरी बुरी गल्ला मैन्हेरे अन्त्रां, यानी दिले मरां निस्ता मैन्हु जुटो केरचन।” 24 तैलाला पत्ती, यीशु तैदून निस्ता सूर त सैदा नारेरे आसेपासेरे इलाकेरे नेड़े अव। ते तैटी तै एककी घरे मां जेव। ते तै चातो थियो कि कोई न जैनी सके कि अंव इड़ी आई। पन तै छेप्पी न सको। 25 तैटी अक कुआन्श थी, जेरी निकड़ी कुर्दी पुढ़ भूतेरो सायो थियो। तै यीशुए बारे मां शुन्तां अकदम तैटी आई तै तैसेरे पावन पुढ़ पेई। 26 तै कुआन्श गैर कामीरी थी ते सुरुफिनिकी इलाकेरी थी। तैसा यीशु सेंड मिन्त की कि, “मेरी कुर्दी एपुड़ेरा भूतेरो सायो केही देथा।” 27 पन यीशुए तैस सेंड ज़ोवं, “पेइले बच्वन रङने दे, किजोकि बच्वां केरि रोटी नेइतां कुतरन जो देनी ठीक नई!” 28 तैसां जुवाब दितो, “सज्जे प्रभु! पन कुतरां भी मेड़े हेठोरां बच्वां केरि रोटन मरा बिछड़ो टुकडे खातान!” 29 तैखन यीशुए तैस सेंड ज़ोवं, “मीं पुड़ तीं एतो विश्वास रख्वोरो, एल्हेरेलेड तू आरामे सेंड घरे जो गा। तेरी कुर्दी मरां भूतेरो सायो निस्सी जोरोए।” 30 तैसां कुआन्श तैदून अपने घरे वापस इहात हेरु कि कुई खट्टी पुढ़ आरामे सेंड झुल्लोरी थी, त भूतेरो सायो तैस मरां निस्सी जोरो थियो। 31 यीशु फिरी अपने चेलन सेंड

भोइतां गलील समुन्दरेरे नेडे पुज़जो। 32 तैटी किछ लोकेईं अक टोबो मैन्हु, जै खेख्खो भी थियो, यीशु कां एतां तैस सेंड मिन्त की कि, “तू अपनो हथ एस पुड़ रख कि ए मैन्हु बेज्जोए।” 33 यीशुए मैन्हु केरि भीड़ी मरा तै मैन्हु अलग नीयो। तैखन तैनी अपनि एंगलोई तैस मैन्हेरे कन्न मां छेही, त अपनि एंगलोई सेंड थुक तैस मैन्हेरी जिभ्बी सेंड लाव। 34 तैलला पत्ती, यीशु अम्बरेरे पासे तेकतां ओशा छहो, त तैस मैन्हु सेंड अपनि (इब्रानी) भाषाई मां ज़ोवं, “इफत्तहा!” जेरोसो मतलब “खुल्ली गा!” 35 अकदम तै रोड़ेरारे शुने लगो ते तैसेरी जिभ भी ठीक भोइ जई, ते तै साफ-साफ गल्लां केरने लगो। 36 तैखन यीशुए तैन मैनन हुक्म दितो कि, “ए गल केन्वी सेंड न ज़ोइयथ।” पन जेत्रु जादे यीशु तैन हुक्म दितोरो थियो, तेत्रु जादे तैन होरी लोकन ए गल शुनाने लगो। 37 यीशुए चमत्कारेरा कम्मा केरे वजाई सेंड, तैन बड़े हैरान भोइतां ज़ोने लगो, “कमाल आए! यीशुए जैन किछ भी कियूं सब किछ रोदू कियोरुए। तै टोबन शुनेरी ते लट्टन गल्लां केरनेरी शक्ति देतो।”

**8** तैन दिहाड़न मां एरु भोव कि, मैन्हु केरि बड़ी भीड़ यीशु कां फिरि अकोट्टी भोइ। तैन कां किछ खाने जो न थियू। तैखन यीशुए अपने चेले एप्पू कां कुजेइतां तैन सेंड ज़ोवं, 2 “मीं एन मैन्हु केरि भीड़ी पुड़ तरस इटे, किजोकि एना ट्लेद दिहाड़ा केरे देते मीं सेंड साथी आन, ते एन कां खाने जो किछ नई राओरु। 3 अगर अंव एन ढलुख्खोरे घरे जो भेजी, त ज़लते-चलते बत्ती मां थेकतां रें गानेन, किजोकि एप मरां कोई-कोई दूरें भी आन!” 4 तैसेरे चेलेईं तैस जुवाब दितो, “इड़ी सुनसान ठैरी एन मैनन जो एसी रोटी काढ़ूं आनम कि एन मैन्हु रेज़तां खान?” 5 तैखन यीशुए तैन पुच्छू, “तुसन कां केत्री रोटी आन?” तैनैई जुवाब दितो, “सत रोटी आन।” 6 तैखन यीशुए मैन्हु केरि भीड़ेरे पासे मुढतां तैन जो हुक्म दितो कि, “ज़मीनी पुड़ बिश्री गाथ!” तैखन तैनी तैन सत रोटी ट्लेइतां परमेशरेरे शुक्र केरतां ट्लोडी, ते अपने चेलन कां देते जेव कि तैना लोकन खाने जो देना ते चेलेईं मैनन रोटी दिती। 7 तैन कां थोटी जेरि निककी मेल्ली भी थी। यीशुए मेल्ली केरे लेड भी परमेशरेरे शुक्र केराना अपने चेलन सेंड ज़ोवं, “इना भी लोकन खाने जो देथ।” तेज्जरां तैसेरे चेलेईं कियूं। 8 तैना सारे मैन्हु रेटी खेदितां रेज़ती जो। तैलाला पत्ती, यीशुए चेलेईं मेल्ली भी थी। यीशुए मेल्ली केरे लेड भी परमेशरेरे शुक्र केराना अपने चेलन सेंड ज़ोवं। 11 फिरि किछ फरीसी लोक यीशु कां इदातां तैस सेंड बेस केरने लगो। तैना तैस अज्जानेरे लेड तैस पुछ्ने लगो, “असन अम्बरेरां कोई निशान हिरा।” 12 जैखन यीशुए एन शुनू, त तैनी अक बड़ो ओशा छेड़तां ज़ोवं, “इस ज़मानेरे लोकन, यानी तुसन अंव कोई भी निशान न हिरै।” 13 तैलाला पत्ती, यीशु तैन लोकन छेड़तां, फिरी किश्ती मां चङ्गो ते गलील समुन्दरेरे पार चङ्गो जेव। 14 जैखन यीशुएरे चेले किश्ती मां चङ्गे, त तैना पुप्पू सेंड साथी रोटी नेनी बिसरी जो। किश्ती मां तैन कां अकके रोटी थी। 15 जैखन तैना समुन्दरे पार केरि राओरे थिये, त यीशुए तैन समझाव कि, “खबरदार! फरीसी लोकां केरे खर्मीरे बारे मां ते कने हेरोदेस राजेरे खर्मीरे बारे मां होशियार रेइयथ।” 16 चेले यीशुएरी गल गलत सेमझात एप्पू मामेंड गलबात केरने लगे कि, “असन कां त रोटी नई, एल्हेरेलेड यीशुए एच्चरां ज़ोवं।” 17 तैखन यीशुए तैन केरि गल जेनांत, तैन सेंड ज़ोवं, “तुस एप्पू मामेंड एच्चरां किजो सोची राओरेथ कि असन कां रोटी नई? कुन तुस हेजू भी मेरी गल न समझी ते कने न बुड़ी? कुन तुशेश मन बेसमझ भोइ जोरन? 18 कुन तुसन एछळी भोइतां भी न लेइहोए? ते कन भोइतां भी न शुनोए? कुन तुसन याद नई? 19 ज़ताली 5000 मैन्हु केरे लेड पंच रोटी ट्लोडां दितोरी थी, त तुसेई बादे मां बज्जरीरी रोटी केरे केरे टोकरे भेरतां सल्लोरे थियेए?” तैनैई तैस जुवाब दितो, “बारें टोकरे।” 20 तैखन तैनी तैन पुच्छू, “ज़ताली मीं 4000 मैन्हु केरे लेड सत रोटी ट्लोडां दितोरी थी, त तुसेई रोटी केरे केरे टोकरे भेरतां

सल्लोरे थिये?" तैनेई तैस जुवाब दित्तो, "सत टोकरे।" 21 तैखन तैनी तैन पुच्छ, "कुन तुसन हेजू भी समझ न आई?" 22 तैल्ला पत्ती, यीशु तैसेरे चैले बैतसैदा नगरे मां आए। लोकाई अक कानो मैन्हु यीशु कां आनो तै तैस कां मिन्तत की कि, "एस मैन्हु सेइं हथ लाथ ताके ए बेज़ोपो।" 23 तैखन यीशुए तैस काने मैनेरो हथ टलेइतां ड्लोंच्वे केरां बेडर नीयो। तैखन तैनी तैस काने मैनेरो एछणन पुड हथ रख्ये, तै तैस पुच्छ, "कुन तै किछ लातस?" 24 तैखन तैनी मैने उबर तेकतां ज्ञोवं, "हाँ, अव मैनै हेरी सकर्दै, तैना माँ च्लाते बुटां केरे जेरे लेइहोतन।" 25 तैखन यीशुए दुड्योवं हटे तैसेरी एछणन पुड हथ रख्ये। तै कानो ध्याने सेइं लाने लगो। तैसेरी एछङ्गी ठीक भोड जेर्द, तै तै सब किछ साफ-साफ हेने लगो। 26 तैल्ला पत्ती, यीशुए तै मैन्हु एन ज्ञोइतां घेरे जो भेजो, "तू इस ड्लोंच्वे मां पाव भी न रेखां (तै कने ई गल केन्ची सेइं न ज्ञोइयां।)" 27 तैल्ला पत्ती, यीशु तै तैसेरे चैले बैतसैदा नगरे मरां निस्तां कैसरिया-फिलिपी नंवरे नगरे ड्लोंच्वन मां च्लेल जे। बत्ता च्लाते-च्लाते यीशुए अपने चेलन पुच्छ, "जैखन लोक मेरे बारे मां गल्लां केरतन, तै तैना मेरे बारे मां कुन ज्ञोतन कि अवं कौन आई?" 28 तैसेरे चैले ई जुवाब दित्तो, "किछ ज्ञोतन कि तू यूहन्ना आस, जै बपतिस्मो देनेबालो थियो, पन किछ होरे मैन्हु ज्ञोतन कि तू एलियाह आस, जै नवी थियो, पन किछ होरे मैन्हु एन भी ज्ञोतन कि तू परमेश्वरी गल्लां ज्ञेनेबालन मरां अक मैन्हु आस।" 29 तैखन यीशुए अपने चेलन पुच्छ, "पन तुस मेरे बारे मां कुन सोचतथ कि अवं कौन आई?" पतरसे जुवाब दित्तो, "तू मसीह आस।" 30 तै यीशुए तैनैन समझावं कि, "मेरे बारे मां ई गल केन्ची सेइं न ज्ञोइयथ।" 31 तैखन यीशु अपने चेलन शिक्षा देनो लगो कि, "मैनेरे मैन्हु लेइ, यानी मेरे लेइ एन ज़रूरी आए कि मीं बडे दुख झाल्लनेन। यहूदी लोक केरे बुजुर्न, प्रधान याजकन, तै कने शास्त्री लोकन केरां अवं निकम्मो समझो गानोई त मारो गानोई। पन टलेइ दिहाइना पत्ती अवं फिरी जीता भोनोई।" 32 यीशुए एना गल्लां तैन सेइं साफ-साफ ज्ञोई तैखन पतरस तैस अलग नेहतां डांटने लगो, "मसीह न मेरो।" 33 पन यीशुए मुडतां अपने बाकी चेलां केरे पासे तक्कु, तै पतरसे सेइं ड्लिकेइतां ज्ञोवं, "है शैतान, मीं करां दूर भो। (मतलब एन्चरां न सोच। शैतान तीं करां एन्चरां जुवाते।)" मीं केरां दूर भोड गा। तू परमेश्वरी गल्लन पुड नई, पन मैन्हु केरि गल्लन पुड मन लातस।" 34 तैखन यीशुए अपने चेले तै कने मैन्हु केरि भीड़ एप्पू कां कुजेइतां सेभ्वन सेइं ज्ञोवं, "तुस अगर मेरे चेलो बन्नु चातथ, तै तुस अपने आपेरो इन्कार केरा तै कने तुस अपनू क्रूस छुइतां मीं पत्ती च्लाल। 35 किजोकि जै कोई अपनि ज़िन्दगी बजानी चाते, तै तै हमेशारी ज़िन्दगी गुवालो। पन जै कोई मेरे वजाई सेइं तै कने मेरे बारे मां खुशखबरी होरि लोकन शुनानेरी वजाई सेइं अपनि ज़िन्दगी गुवाते, यानी बलिदान केरते, तै तै तैस बजालो, यानी हमेशारी ज़िन्दगी हासिल केरेलो। 36 मैन्हु अगर सारी दुनियाई हासिल केरे तै अपनि हमेशारी ज़िन्दगी गुवाए, तै तैस फिरी कुन फैइडो भोलो? 37 मैन्हु अगर अपनि हमेशारी ज़िन्दगी गुवालो, तै गुवानेरे पत्ती तै कुन देहतां तैस वापस विनी सकते? 38 अज़रोरे ज़मानेरे लोक परमेश्वरे करां दूर्सन तै कने पापी आन। एस ज़माने मां, अगर कोई मैन्हु मीं केरां तै कने मेरी गल्लन केरां शरमाते, तै मैनेहु मृदू भी, यानी अवं भी तैस केरां शरमालो। जैइस अवं अपने बाजी केरि महिमा सेइं साथी तै कने पवित्र स्वर्गदूतन सेइं साथी वापस एज्जलो, तै तेइस अवं तैस केरा भी शरमालो।"

**9** तैखन यीशुए तैन सेइं ज्ञोवं, "अवं तुसन सेइं सब ज्ञोतई कि ज़ैना इडी खडे आन, तैन मरां किछ मैन्हु एरे आन कि ज़ांतगर तैना परमेश्वरे राज़ज़ेरी शक्ति न हेले, तांतगा तैना न मरेल।" 2 शेइ दिहाइना बाद, यीशु अपने चेले पतरस, याकूब तै कने यूहन्ना सेइं साथी एक्की पहाड़े पुड चढ़ा, ज़ेडी कोई भी न थियो। तैड़ी तैन केरे सामने यीशुएरी शकल बेदलाई जेर्द। 3 तैसेरो लिंगडां हियूवरें जेरां बडां चमकने लगां कि एत्रे छित्तां भुआं कि धेरती पुड कोई भी लिंगडां धोनेबालो एरां जेरां छिनां न केरि सके। 4 तैखन तैड़ी मूसा नवी तै कने एलियाह भी यीशु सेइं साथी लेइहोए। तै तैना यीशु

सेइं गल्लां केरने लगे। 5 ज़ैखन पतरसे एन हेरू, तै तैनी यीशु सेइं ज्ञोवं, "हे गुरु, इशू इडी रानू रोडू आए! एलहेरेलेड, अस ट्लाई डेर बनाम, अक तेरे लेड, अक मूसेरे लेड, तै कने अक एलियाहेरे लेड।" 6 पतरसे एन्चरां एलहेरेलेड ज्ञोवं किजोकि तैस पतो न थियो कि कुन ज्ञोई, किजोकि तै तै कने होरे दूर्घ चेले भी बडे डेरि जेरो थिये। 7 तैखन तैड़ी तैन पुढ बिदलार आई तै तैस बिदलारी मरां परमेश्वरी आवाज़ आई, "एन मेरू ट्लाम मृदू आए। ध्याने सेइं एसेरी गल शुना!" 8 अकदम, जैखन यीशुएरे चेले ई चेवे पासन तक्कू, तै यीशुएरे अलावा तैड़ी तैन कोई भी न लेइहोव। 9 पहाड़े पुडेरा ओस्टे-ओस्टे यीशुए अपने चेलन हुकम दित्तो कि, "ज़ांतगर मैनेहु मृदू यानी अवं, मेरतां जीतो न भोई, तांतगर जैन किछ तुम्हेर्ह पहाडे पुड लावरूं, तैन केन्ची सेइं न ज्ञोइयथ।" 10 तैनेई तैन केन्ची सेइं न ज्ञोवं, तै तैना एप्पू मांमेंह गलबात केरने लगे कि, "मेरतां जीतो भोनेरो कुन मतलब भोइ सकतो।" 11 तैखन तैनेई यीशुए पुच्छ, "शास्त्री लोक किजो ज्ञोतन कि मसीहेरे एजनेंरा पेहले एलियाह नेवेरु दुनियाई मां एजनू ज़रूरी आए?" 12 यीशुए तैन जुवाब दित्तो, "तै तै सच्ची गल आए कि मसीहेरे एजने केरां पेहले एलियाह एजतां सेरी गल्लां ठीक केरनिन। पन परमेश्वरी किताबी मां मैनेरे मृदू बारे मां, यानी मेरे बारे मां एन किजो लिखोए कि, 'मीं बडे दुख झाल्लनेन त लोक मीं निकम्मो समझोले?' 13 पन अवं तुसन सेइं ज्ञोतई कि 'एलियाह' त पेहले ओरोए, (यूहन्ना, एलियाहेरे जगाई अव) त ज़ेन्चरां तैसेरे बारे मां परमेश्वरी किताबी मां लिखोए थियूं, "मीं बडे दुख झाल्लनेन त लोक मीं निकम्मो समझोले?" 14 तैल्ला पत्ती, यीशु तैसेरे ट्लाई चेले पहाड़े पुडेरां ओस्टां, हारि चेलन कां पुज्जे, जैना बुन थिये। तैड़ी एजतां यीशुए तैन चेलन केरे चेवे पासन मैन्हु केरि बडी भीड़ लाई। शास्त्री तैन चेलन सेइं बेंस केरि राओरे थिये। 15 यीशु लेइतां सारे लोक बडे हैरान भाए। तैना तैसेरे पासे दोहांता आए तै तैस जो नमस्कार कियूं। 16 तैखन यीशुए तैन पुच्छ, "मेरे चेलन सेइं कुन बेंस केरि राओरेरथ?" 17 मैन्हु केरि भीड़ी मरां एक्की मैने यीशु जुवाब दित्तो, "हे उस्ताद, मीं अपनू मृदू तीं कां आनेरु थियूं ताके तैन ठीक भोए। किजोकि तैस पुड भूतेरो सायो आए, तै तैस गल केरने न दे। 18 कोन्ची भी ठेरी तैन भूत मेरे मृदू ट्लातो, तै ज़मीनी पुड बिछोडते। तैखन तैसेरे ऐसी मरां शैम्फ्र एच्चे तै तैन दंत कटते तै ठठमुकर भोइ गाए। मीं तेरे चेलन सेइं ज़ोरू थियूं कि, 'मेरे मृदू पुडेरां भूतेरो सायो केह्ती देथ।' पन तैना केह्ती न सके।" 19 एन गल्लां शुनां यीशुए तैन जुवाब दित्तो, "हे गैर विश्वासी मैनाव। अवं केइस तगर तुसन सेइं साथी रालो? तै केइस तगर अवं तुशो अविश्वास झाल्ललो? तैस मृदू मीं कां आनां!" 20 तैखन तैनेई तैन मृदू यीशु कां आनू। जैखन तैनी भूत यीशु लाव, तै तैनी अकदम तैन मृदू मरोडू, तै मृदू तल्ले चिछुलू। तै तैसेरी ऐसी मरां शैम्फ्र निस्ते लगी तै तैन इडलने लगां। 21 यीशुए तैसेरे बाजी पुच्छ, "एसेरी ए हालत केइसेरी देती आए?" तैसेरे बाजे ज्ञोवं, "बचपनेरी देती।" 22 एस मासनेरे लेइ एन भूत बडे बार कधी अग्नी मां ते कधी पैनी मां बिछोडतू राते, पन अगर तू किछ केरि सकतास, त असन पुढ तस प्पेहां इश्वरी मृदात केरि।" 23 यीशुए तैस मृदूरे बाजी सेइं ज्ञोवं, "तू ए को गल केरतस! अगर तू विश्वास केरस, त एन भोइ सकतो। किजोकि मीं पुड विश्वास केरनेबालां केरे लेइ सब किछ भोइ सकतो।" 24 तैस मृदूरे बाजे अकदम जेरो सेइं लेरा देहतां ज्ञोवं, "हे प्रभु, अवं विश्वास केरतई, मेरी मृदू करे कि अवं शक न केरि।" 25 ज़ैखन यीशुए हेरू कि बडे लोक दीड़तां अकोडे भोने लगोरेन, तै तैनी भूत एन ज्ञोइतां डांटू, "हे भूता, जै एस मृदू टोबू त लृबू बनातस। अवं तीं हुक्म देताई, एस मृदू मरां निस्ती गा, ते एसमां फिरी कधी भी न एज्जा!" 26 तैखन तैनी भूते चिन्दां मारी तैन मृदू मरोडू, फिरी तैन मृदू मरां निस्ती जेव। त मृदू मूर जेरू भोइ ज्ञोवं, इडी तगर कि बडे लोक जोने लगे कि मृदू मेरि जेव। 27 पन यीशुए मृदूरे हथ ट्लेतां खड़ कियूं। ते मृदू ठीक भीड़तां खड़ भोवं। 28 तैल्ला पत्ती, यीशु तै तैसेरे चेले लेइ घेरे जो जे। ज़ैखन तै अकैल्लो थियो तैखन तैसेरे चेले ई तैस पुच्छ, "अस तैस मृदू मरां भूतेरो सायो की न केह्ती सके?" 29 यीशुए तैन सेइं ज्ञोवं, "बगैर प्रार्थनारे (त कने बगैर बरत रखनेरे) अलावा,

होरि केन्वी तरीके सेइं, तुस ऐरे जेरे भूतेरो सायो न केढ़ी सकतथा।” 30 तैल्ला पत्ती, यीशु तैसेरे चेले तैटूं निस्तां गलील इलाके मांमेइ चेलि राओंरे थियो। यीशु न चातो थियो कि कोइ तैसेरे बारे मां जाने कि तै तैड़ी ओरोए, 31 किजोकि तैखन तै अपने चेलन शिक्षा देतो ते तैन सेइं जोती थियो कि, “मेरे दुश्मनेई मैनेम रम्भ, यानी अवं कैद करनोई। त तैनेई अवं मास्नोई, पन मास्नेरां त्लेइयोवं दिहाडे अवं मुद्दन मरां फिरी जींती भोनोई।” 32 पन यीशुएरी ए गल चेलां केरि समझी मां न आई, ते तैना एस गल्लारो मतलब पुऱ्हने केंगे भी डरते थियो। 33 तैल्ला पत्ती, यीशु ते तैसेरे चेले कफरनहूम नगरे मां आए। तैना तैड़ी एकी घेरे मां जो। तैखन यीशुए अपने चेलन पुऱ्हू, “बत्ता च्लाते-च्लाते तुस एप्पू मामेइ कोस गल्लारे बारे मां बेस केरि राओंरे थियो?” 34 तैना सब शरमेइतां चुप राए, किजोकि तैनेई बत्ता एप्पू मामेइ एसेरे बारे मां बेस कियोरी थी कि असन मां बहु मैन्हू कौन आए। 35 तैखन यीशुए तल्ले बिश्तां अपने 12 चेले कुजाए ते तैन सेइं जोवं, “अगर कोई परमेश्वरी नजरी मां बहु बन्नू चातो, त तै सेव्हन केरां निकडो बने, ते कने सेब्बी मैन्हू केरो सेवक बनो।” 36 तैखन यीशुए अक निकडो बच्चो हथ्थन मां ट्लेइता, तैन केरे मङ्गाटे खडो कियो। तैनी तो बच्चो अपने कुम्मे मां रेखतां अपने चेलन सेइं जोवं, 37 “ज़ीना लोक मां सेइं प्यार केरनेरे बाईंसे देइं एरे ज़ेरे बच्चन मरां अक भी कबूल केरतन, तैना मां कबूल केरतन। ज़ीना मी कबूल केरतन, तैना सिर्फ मां नई, पन तैना परमेश्वरे भी कबूल केरतन, ज़ीनी अवं इडी भेजोरोई।” 38 तैखन यूहने यीशु सेइं जोवं, “हे गुरु, असेई अक मैन्हू लाव, जै तेरु नंव घिन्तां लोकन मरां भूतेरो सायो केढ़ी राओरो थियो। एल्हेरेलेइ, असेई तै मैन्हू ठाको, किजोकि तै असन सेइं साथी तीं पत्ती नई च्लो।” 39 पन यीशुए जुवाब दितो, “तैस न ठाका, किजोकि अगर कोई मेरे नव घिन्तां चमत्कारेरो कम्मा केरे, त तै मेरे बारे मां लूसी बुरी गल्लां न ज़ोए। 40 किजोकि ज़ीना इश्शे खलाफ कम न केरन, तैना इश्शे पासेन। 41 अगर कोई मेरे नंवे सेइं तुशी मद्दत केरे, अक गिलास पानी भी तुसन पियाए, कि मसीरेर आथ, त अवं तुसन सेइं सच्च जोतां कि तै मैन्हू परमेश्वरे केरां अपनो फल ज़रूर हासिल केरेलो। 42 “जै कोई इन निकडे बच्चन मरां ज़ीना मां पुऱ्ह विश्वास केरन, केन्वी भी पाप करवाए, त तैस मैनेरे लेइ एन रोडू आए कि ढ्लाटेरो अक बहु ढ्लेइटोल तैसेरे गल्ले सेइं बेंधतां समुन्द्रे मां शारो गाए। 43 अगर तेरो हथ तीं पाप केरनेरे लेइ ठोकर खुवाए, त तैस केढ़ी छड। किजोकि तेरे लेइ दूर्दू हथ भोते सांते सज्जा मैलनेरे लेइ नरकेरी अग्गी मां गाने केरां एन रोडू आए, कि तू ढोण्डो भोइतां हमेशारी ज़िन्दगी मां दाखल भोस। किजोकि नरकेरी अग कधी भी न हिश्शे। (Geenna g1067) 44 तैड़ी तैन केरे कीडे, जैना तैन खातन न मरन ते कने अग भी न हिश्शे। 45 त अगर तेरो पाप तीं पाप केरनेरे लेइ ठोकर खुवाए, त तैस केढ़ी छड। किजोकि तेरे लेइ दूर्दू पाप भोते सांते सज्जा मैलनेरे लेइ नरकेरी अग्गी मां गाने केरां एन रोडू आए, कि तू टोटो भोइतां हमेशारी ज़िन्दगी मां दाखल भोस। किजोकि नरकेरी अग कधी भी न हिश्शे। (Geenna g1067) 46 तैड़ी तैन केरे कीडे, यानी ज़ीना तैन खातन न मरन त अग भी न हिश्शे। 47 अगर तेरी अछु तीं पाप केरनेरे लेइ ठोकर खुवाए, त तैस केढ़ी छड। किजोकि तेरे लेइ दूर्दू एछुछी भोते सांते नरकेरी अग्गी मां छड़े गाने केरां एन रोडू आए, कि एककी अछुछी सेइं तू परमेश्वरे राज्जे मां दाखल भोस। (Geenna g1067) 48 नरके मां तैन केरे कीडे, जैना तैन खातन न मरन त अग भी न हिश्शे। 49 जेन्वरा हर बलिदाने मां लून छडनू ज़स्ती आए, तेन्वरां परमेश्वर हर एककी मैनेरी अज़मैइश घिन्तालो, जै बडी दुखे बाली भोनी आए, ज़ेन्वरां कि अग्गी मामेइ निसनाए। 50 लून त रोडू आए, पन अगर लूनेरो स्वाद लैलि गाए, त फिरी दुबारां केन्वरे तैसेरो स्वाद वापस आनेले? तेन्वरां तुस भी एप्पू मां लून रखा, यानी परमेश्वरो हुक्म मन्ना, त एप्पू मामेइ मेल मिलापे सेइं राथा।”

**10** तैल्ला पत्ती, यीशु तैसेरे चेले तैटूं उठतां यहूदिया इलाके मां आए, त फिरी यरदन दरियारे उस पार चले जो। तैड़ी मैन्हू केरि भीड़ फिरी तैस कां अकोट्टी भोइ। तै अपने रीतेरे मुताबिक तैन किरी शिक्षा देने लगो।

2 तैखन फरीसी लोकेइ यीशु कां इद्वां तैस पुऱ्हू, “कुन एन जेइज्ज आए कि मङ्गद अपनि कुआन्शी फारखी दे?” 3 पन यीशुए तैन् पुऱ्हू, “बड़े पेइले मूसा नेवे तुसन कुन केरनेरो हुक्म दितोरो थियो?” 4 तैखन तैनेई यीशुए जुवाब दितो, “मूसे मङ्गदे अज़ाज़त दितोरीए कि तै लिखतां फारखी दे!” 5 तैखन यीशुए तैन् जुवाब दितो, “तुश्शे सखत दिलेरी वजाइ सेइं, मूसे तुश्शे लेइ ए हुक्म दितोरो थियो। 6 पन दुनियारी शुरुआती मां, जैखन परमेश्वरे मैन्हू केरि रस्ता की, तैखन तैनी तैना मङ्गद ते कुआन्श बनोरेन। 7 एल्हेरेलेइ, ढ्लाटेरे पत्ती मङ्गद अपने हाज-बव्वे केरां अलग भोइतां अपनि कुआन्शी सेइं साथी रालो, 8 ते तैना दुझे अक्के जान भोले।” तैल्ला पत्ती यीशुए जोवं, “एल्हेरेलेइ तैना हुनी परमेश्वरी नज़री मां दुई नई, पन तैना अवके आन। 9 एल्हेरेलेइ ज़ीना परमेश्वरी ज़ीडोरेन, तैन् कोई मैन्हू अलग न केरो!” 10 बादे मां, जैखन यीशु तैसेरे चेले घेरे मां थियो, तैखन तैसेरे चेलेर्इ फारखी देनेरे बारे मां तैस फिरी पुऱ्हू। 11 यीशुए तैन सेइं जोवं, “जै कोई अपनि कुआन्शी फारखी देइतां होरो ढ्ला बनाए, त तै तैस पेइली कुआन्शारे खलाफ बदमाशी केरते। 12 त अगर कुआन्श अपने मङ्गदे छेडतां हारो ढ्ला बनाए, त तै अपने पेइले मङ्गदेरे खलाफ बदमाशी केरचे।” 13 तैल्ला पत्ती, किछु लोक अपने निकके बच्चन यीशु कां आन्ने लगे ताके तै तैन पुडू हथ रेखतां आशिर्वाद दे, पन तैसेरे चेलेर्इ तैना लोक डाटे। 14 यीशुए एन हेरेतां सेरकोइतां अपने चेलन सेइं जोवं, “निकके बच्चन मां कां एजने देथ, तैन् न ठाका, किजोकि परमेश्वरे राज्जे एरे ज़ेरे लोकां केरे लेइ आए। 15 अवं तुसन सेइं सच्च जोताई कि जै कोई परमेश्वरेरो राज्जे निकडे बच्चेरु ज़ेरु कबूल न केरे, त तै परमेश्वरेरो राज्जे मां कधी भी दाखल न भोइ सके।” 16 तैखन यीशुए तैन बच्चे कुम्मे मां रेखां, तैन पुडू हथ रेखतां तैन् आशिर्वाद दितो। 17 तैल्ला पत्ती, जैखन यीशु तै तैसेरे चेले घेरेरां बेइर निस्तां बत्ता चेलि राओरे थियो, ते अक मैन्हू यीशु कां दोइतो अव। तैनी तैस कां मथ्थी टेकतां तैस पुऱ्हू, “हे रोडे गुरु, हमेशारी ज़िन्दगी हासिल केरनेरे लेइ अवं कुन केरो?” (aiōnios g166) 18 पन यीशुए तैस पुऱ्हू, “किजो तू मां जो रोडू जोतस? परमेश्वरेरे अलावा होरो कोई भी रोडो नई।” 19 तू तै परमेश्वरेरे हुक्मन जानतस, यानी ‘खून न केरा, बदमाशी न केरा, चोरी न केरा, ढूठी गवाही न देथ, धोखो न देथ, अपने हाज-बव्वां केरि इज़ज़त केरा।’ 20 पन तैनी मैने यीशु जुवाब दितो, “हे गुरु, एना सब हुक्म अवं बचपनेरो मन्तो ओरोई।” 21 तैखन यीशुए तैस तेकतां तैस सेइं प्यार कियो, तै तैस सेइं जोवं, “तीं मां एककी गल्लारी कमी आए। गा, जैन किछु तीं कां आए तैन बेखतां गरीब मैनून् दे, तैखन तीं स्वर्मे मां खजानो मैलोलो। तैल्ला पत्ती, एइतां मेरो चेलो बना, त अपनू कूस छुइतां मां पत्ती चाल।” 22 यीशुएरी ए गल शुन्नां तैस मैनेरु तुतर ट्लक्कू, तै बड़ो दुखी भोइतां चलो जैव, किजोकि ते बड़ो अमीर थियो तै अपनो धन छडेने न चातो थियो। 23 तैखन यीशुए चेव्रे पासन अपने चेलन तेकतां तैन सेइं जोवं, “अमीर मैन्हू केरु परमेश्वरेरो राज्जे मां दाखल भोनू बडू मुरिकल आए।” 24 यीशुएरी चेले तैसेरी गल्लां शुन्नां हैरान भोए। पन यीशुए फिरी तैन सेइं जोवं, “हे मट्राव, जैना थने पुडू भरोसो रेखतन, तैन केरे लेइ परमेश्वरेरो राज्जे मां दाखल भोनू बडू मुरिकल आए। 25 परमेश्वरेरो राज्जे मां अमीर थियो केरा लेइ उंतरू सांधनेरे पाए मरां निस्तू सुख्खु आए!” 26 तैखन तैना बड़े हैरान भोइतां एप्पू मामेइ जैने लगो, “अगर अमीर मैनेरे लेइ मुक्ति हासिल केरनि नमुमिकिन आए, त फिरी केसेरी मुक्ति भोइ सकचे?” 27 यीशुए तैन केरे पासे तेकतां जोवं, “मैन्हू अपने आपे न बच्चेरे सकन, यानी मुक्ति हासिल न केरि सकन, पन परमेश्वर एन केरि सकते, किजोकि परमेश्वर सब किछु केरि सकते।” 28 तैखन पतरस यीशु सेइं जोने लगो, “तक, अस त सब किछु छेडतां तीं पत्ती चलोरेम। असन कुन इनाम मैलूलू?” 29 यीशुए अपने चेलन सेइं जोवं, “अवं तुसन सेइं सब जोताई कि, जैनेई मेरे लेइ त कने मेरे बारे मां खुशखबरी होरे लोकन शुनानेरे लेइ अपने धर या ढ्ला या बेदन या हाज या बव या बच्चे या ऊडारां शारोरन, 30 तैनन् इस दुनियाई मां शौव गुणा मैलूलू। तैना धरन, ढ्लान, बेइनन, हैईयन, बच्चन त कने ऊडारां हासिल केरेलो। लोक भी

तैनन सताले, पन एजनेबाली दुनियाई मां परमेश्वर तैनन् हमेशारी जिन्दगी देलो। (aiōn g165, aiōnios g166) 31 पन बडे मैनू जैना हुन्ना पेइले आन, तैना बादै मां पत्रोब भोनेन। त जैना हुन्ना पत्रोब आन, तैना बादै मां पैइले भोनेन।” 32 तैल्ला पत्ती, यीशु त तैसेरे चेले ते किछ लोक यस्तश्लेम नगरे जो चलते-चलते, तैना हेजू बत्ता थिये। यीशु तैन केरे असी-अग्री पासे चेलि राओरो थियो। ते तैसेरे चेले हैरान भोए त होने लोक डरते-डरते तैस पत्ती चली राओरे थिये। तैखन यीशु अपने 12 चेलन बत्ती मरा अलग नेइतां फिरी तैन सेइं तैना गल्लां जोने लगो, जैना तैस सेइं भोनेबैली थी। 33 तैनी जोवं, “शुना, अस सारे यस्तश्लेम नगरे जो गेइ राओरोम। तैडी मैनेमू मदू (यानी अब) प्रधान याजकन त कने शास्त्री लोकन केरा कैट कियो गानोईं, त तैन मां मारनेरो हुक्म देले त गैर यहूदी लोकां केरे हवाले केरले। 34 त होरि कौमा केरे लोक मेरो मजाक बनाले, त मां पुड थुकेले, त मां कोडे मारले, त तैन मां मैरी छडेले, पन टूलेइ दिहाड्ना पत्ती अब मुद्दन मरा फिरी जीतो भोलो।” 35 तैखन याकूब त यूहन्ना, जैना जब्दी नंवरे मैनोरा मद्दां थियां, यीशुएरे नेडे इतां तैस सेइं जोने लगो, “हे गुरु, अस चातम कि जैन किछ अस तीं करां मग्गम, तैन तु असन देव्यथ।” 36 यीशुए तैन पुच्छू, “तुसन कुन लोडते, जैन अब तुसन देई?” 37 तैनेईं तैस सेइं जोवं, “असन एन दे कि जैखन तु महिमा सेइं साथी राज्ञ केरेलो, तैखन तीं सेइं साथी राज्ञ केरनेरे लेइ असन मरां अक तेरे देइने पासे त होरो तेरे बाएं पासे राज्ञेगद्वी पुड बिशेष।” 38 पन यीशुए तैन सेइं जोवं, “तुस न जानथ कि तुस कुन मग्गने लगारेइ। जेन्चरे दुख अब ज्ञाले बालोईं, कुन तुस छ्लेली सकात्थ? जेन्चरे अवं मारनोईं कुन तुस भी मारे गानेरे लेइ तियारथ?” 39 तैनेईं तैस जुवाब दितो, “हाँ, अस एन केरि सकात्थ।” एल्हरेलेइ, यीशुए तैन सेइं जोवं, “सज्जे, जेन्चरे अब दुख झालने बालोईं, तेन्चरे तुस झ्लेलो? जेन्चरे अब मारनोईं तेन्चरे तुस मारे गाले। 40 पन तै ठार जैन केरे लेइ पेइले तियारी कियोरीए, तैन छेडता होरे केन्ची अपने देइने पासे त कने अपने बाएं पासे राज्ञेगद्वी पुड बिशालनू मेरु कम नई!” 41 एन शुन्तां यीशुएरे बाकी दश चेले याकूब त कने यूहन्ना सेइं नराज्ञ भोइ जे। 42 तैखन यीशुए अपने सारे चेले नेडे कुजेडां, तैन सेइं जोवं, “तुसन पताए कि जैना होरि कौमां केरे लोकां केरे राज्ञ केरनेबाले समझो गातन, तैना अपने लोकन पुड राज्ञ केरतन। तैन मरा जैना बडे अफसर आन, तैना अपने लोकन पुड हकीमत च्लातन। 43 पन तुसन मां एरी जेरि गल न लाडे, पन जै कोई तुसन मां बड्ही बनू चाए, त तै निकडो बेनां तुशो सेवक बने। 44 त जै कोई तुसन मां प्रधान मैनू बनू चाए, त तै सारे मैनू केरो सेवक बने। 45 किजोकि मैनेमू मदू, यानी अबं एस दुनियाई मां एल्हरेलेइ नईं ओरो कि कोई मेरी सेवा केरे, पन एल्हरेलेइ ओरोई कि अबं होरि लोकां केरि सेवा केरि त कने बडे लोकां केरे लेइ अपनि जान बलिदान केरि, ताके तैन अपने पापां केरे सजाई केरां छुटकारो मैल्लो।” 46 तैल्ला पत्ती, यीशु त तैसेरे चेले यरीहो नगरे मां पुज्जो। बादे मां, जैखन तैना मैनू केरि बडी भीडी सेइं साथी यरीहो नगरी मरा निस्सी राओरे थिये, त तैखन वरतिमाई नंवरो कामो भिखारी सदकेरे दुलेखी बिशतां भीख मेग्गी राओरो थियो। तैसेरे बाजी केरु नंव्व तिमाई थियू। 47 जैखन तैनी शुनू कि नासरत नगरोरो यीशु इलमेइ निस्सी राओरोरो, त तै भिखारी जोरे सेइं जोने लगो, “हे यीशु, दाकद राजेरा मदू! मां पुड दया केर!” 48 त बडे लोकेई तै डांटो कि, “चुप रा!” पन तै पेइले केरां जादे चिन्डां मारने लगो, “हे दाउद राजेरा मदू, मां पुड दया केर!” 49 तैखन यीशुए रुक्तां लोकन सेइं जोवं, “तुस तैस इरान कुजाथ।” लोकेई तै कानो कुजेइतां तैस सेइं जोवं, “हिम्मत रख! उठ! यीशु तीं एप्पु कां कुजाने लगारेइन।” 50 तै अपनि चाद्र शैरतां लूशी उठो, ते यीशु कां अव। 51 तैखन यीशुए तैस पुच्छू, “तीं कुन लोडते कि अबं तेरे लेइ केरि?” काने मैने जुवाब दितो, “हे गुरु, अब लानू चाताई!” 52 तैखन यीशुए तैस सेइं जोवं, “तू गा। तीं मां पुड विश्वास कियू एल्हरेलेइ अबं तीं बज्जाताई।” अकदम तै लाने लगो त कने यीशु पत्ती चलो।

**11** जैखन यीशु तै सेरे चेले यस्तश्लेम नगरेरे नेडे आए, तै यीशुन जैतून नंवरे पहाड़ेरे नेडे, बैतफगो त कने बैतनियाह ड्लोव्वेन कां पुज्जो। तैखन यीशुए अपने चेलन मरा दुइयन सेइं पन ज़ोइता पेइले भेजे कि, “अपने सामनेबाले ड्लोव्वेन मां गाथ। तैडी पुज्जो तुसन अक गैधरो बच्चो बंधोरो मैलेलो, जैस पुड कथी कोई नईं चढोरो। तैस खोलालां इडी मीं कां आनां। 3 अगर तुसन कोई पुच्छू, ‘किजो एन केरने लगारेथ?’ तैस सेइं ज़ोइयथ, ‘प्रभाउ एसेरी जरूरत आए।’ तै अकदम गधेरे बच्चे तुसन सेइं साथी इडी भेजेलो।” 4 तैना दूर्घ चेले तैस ड्लोव्वेने मां जे। तैडी गैधरो बच्चो एक्के घरेरे दारे बेदर बंधोरो लाव, तैना तैस खोलाले लगो। 5 जैना तैडी खडे थिये, तैन मरा किछ मैनेईं तैन पुच्छू, “पन कुन केरने लगारेथ, गधेरे बच्चे किजो खोलाले लगारेथ?” 6 जेन्चरां यीशुए अपने चेलन सेइं ज़ोरु थियू, तेन्चरां तैनेईं तैन मैनेईं चेले तैदूं गाने दितो। 7 यीशुए चेलेई बच्चो यीशु कां एन्तां यीशुए तैस पुड बिशालनेरे लेइ, तैस पुड अपने लिगांडां छ्डो। त यीशु तैस पुड बिश्शो (तैना यस्तश्लेम नगरेरे पासे जो चलने लगो)। 8 तैखन बडे लाकेई (तैसेरी इज्जत केरनेरे लेइ) अपना लिगांडा बत्ती मां बिछां त कने किछ मैनेईं पट्टलनबाली डैलडी एन्तां बत्ती मां बिछेई। 9 जैना यीशुएरे अग्री-अग्री त कने पत्ती-पत्ती चलने लगारे थिये, तैना खुशी सेइं जोने लगो, “होशाना! (परमेश्वरी तारीफ भोए) परमेश्वर तैस बरकत दे, जै एक भ्रु-परमेश्वरे अधिकारे सेइं साथी एज्जी राओरोए!” 10 “परमेश्वर तीं आशिर्वाद दे, जैखन तू दिशे पडदावे दाऊदेरु राजेरु जैरु राज केरे। परमेश्वरी होशाना (तारीफ) भोए, जै उच्चे स्वर्गे मां आए!” 11 तैल्ला पत्ती, तैन लोकन सेइं साथी, यीशु यस्तश्लेम नगरी मां पुज्जों मन्दरे मां जेव। यीशु मन्दरे मां च्वेते पासन तक्कू कि जैन तैडी भोइ राओरु थियू। तै अपने 12 चेलन सेइं साथी नगरे राती बिशनेरे लेइ बैतनियाह ड्लोव्वेने जो वापस चलो जेव, किजोकि ड्लोव्वो भोइ जोरी थी। 12 त एग्री दिहाडी, जैखन यीशु तै सेरे चेले बैतनियाह ड्लोव्वेने निस्तां यस्तश्लेम नगरे जो वापस एज्जी राओरे थिये, तैखन यीशुए द्लुख लगो। 13 तै दूर्घ फेगोरो अक नीलो बुट लेइतां तैसेरे नेडे जेव कि खान जो शायद तैस मां किछ मैल्ले। पन, जैखन तै बुटे कां जेव, तै तैडी पट्टां केरे अलावा तैस किछ न मैल्लू, किजोकि तै फल्लेरो मौसम न थियो। 14 तैखन यीशुए तैस बुटे फिटकार देइतां तैस सेइं जोवं, “हुन्नेरे पत्ती, तीं मां कोई फल कधी न लगालो!” तै तैसेरे चेले एन शुनी राओरे थिये। (aiōn g165) 15 तैल्ला पत्ती, तैना फिरी यस्तश्लेम नगरे मां पुज्जे, तै यीशु मन्दरे अंगने मां जेव। तैडी लोक जानवरां केरु त कने मन्दरे मां चाढ्हनेरे सामान बिन्नेसू त कने बेवनेरो कारोबार केरि राओरे थिये। यीशु तैनन् बेदर कढने लगो, तै तैनी तैडी पेंसे बदलनेबालन केरे मेजन त कने कबूतर बेच्येबालन केरि कुर्सी उलटेई दिती। 16 त मन्दरेरी ठैरी मां केन्ची बेच्यनेरे लेइ कोई चीज़ एन्तां चलने न दितो। 17 तैखन यीशुए तैन लोकन शिक्षा देइतां जोवं, “परमेश्वरी किताबी मां एस मन्दरेरो बारे मां एन लिखोइू कि परमेश्वरे जोवं, मेरु मन्दर सैरी कौमा केरे लोकां केरे लेइ प्राथर्नारु धर भोलू। पन तुस लोकेई इन मन्दर डैकू केरो अड्हो बनोरोए!” 18 एन शुन्तां प्रधान याजक त कने शास्त्री लोक यीशु कलत केरनेरो मौकों को तोने लग। पन तैना यीशु केरां डरते थिये, किजोकि सारे लोक तैसेरी शिक्षाई शुन्तां हैरान भोते थिये। 19 जैखन ड्लोझ भोइ, त यीशु तै सेरे चेले (रात गुजारनेरे लेइ) नगरोरा बेदर चेलि जे। 20 एग्री दिहाडी, झेझाङ्गी यीशु तै सेरे चेले तैदूं यस्तश्लेम नगरे जो चले तै तैनेईं तैनेरो बुट लाव, जैस यीशुए पेइले फिटकार दितोरो थियो। तै बुट जीलन तगर शुक्की जोरो थियो। 21 पतरसे तै गल याद आई कि यीशुए एस बुटे फिटकार दितोरो थियो, तै तैनी यीशु सेइं जोवं, “हे गुरु, तक! ए फ्रेगोरो बुट जैस तीं फिटकार दितोरो थियो, शुक्की जोरोए! (एन केन्चरां भोवं)” 22 यीशुए अपने चेलन जुवाब दितो, “तुस परमेश्वरे पुड विश्वास रख्य। 23 अब तुसन सेइं सच जोताई तैन कोई एस पहाडे सेइं जोवं, “तू उखडतां समुन्द्र मां बिछडी गा,” तैन्चरां जोताई अपने दिले मां शक न केरे, पन विश्वास केरे कि “जैन अबं जोताई तैन भोइ गालू,” तै सेरे लेइ तैने भोलू। 24 एल्हरेलेइ

अब तुसन सेइं ज़ोर्डॉ कि, जैखन तुस प्रार्थना केरतां परमेशरे केरां जैन भी मगले, त विश्वास केरा कि तुसन तैन ज़रूर मैल्ली गालू, तैखन परमेशरे केरां तैन तुसन दितू गालू। 25 ते जैखन कथी तुस खड़े भोइतां परमेशरे का प्रार्थना केरथ, त अगर तुसन केन्वी सेइं गिलो भोए, त पेइले तुस तैस माफ केरा, ताके तुश्शो स्वर्गो बाजी भी तुश्शे पाप माफ केरे। 26 अगर तुस होरि लोकन माफ्न न केरथ, त तुश्शो बाजी परमेशर भी, ज़ै स्वर्ग मां आए, तुश्शे पाप माफ न केरेलो। 27 तैल्ला पत्ती, यीशु त तैसेरे चेले किरी यश्शलेम नगरे मां आए। जैखन यीशु मन्दरेर अंगेरे मांमेइं हंठने लगोरो थियो, त तैखन प्रधान याजक त कने शास्त्री त कने यहूदी लोकां केरे बुजुर्ग तैस कां आए, त तैस सवाल पुछने लगे, 28 “तु एन कम्मां कोस अधिकारे सेइं केरतास, त कने एन कम्मां केरनेरो तीं किनि अधिकार दितोरोए?” 29 पन यीशुए तैन सेइं ज़ोवं, “अब भी तुसन अक सवाल पुछताई। मीं तैसेरो जुवाब देथ, तैखन अब भी तुसन जोलो कि अब एन कम्मां कोस अधिकारे सेइं केरताई। 30 मीं जुवाब देथ। यूहन्ना जै बपतिस्मो देवेलो थियो, तैस बपतिस्मो देवेरो अधिकार कोडुं मैल्लो, परमेशरेर तरफां मैल्लो या मैन्हू केरि तरफां?” 31 तैखन तैन एप्पू मामेइं गलबात केरने लगे कि, “आप अस ज़ोम कि, ‘परमेशरी तरफां मैल्लो,’ त एनी पुछनूए कि, ‘फिरी तुसेइं तैसेरो विश्वास की न कियो?’ 32 पन अस एन भी नई ज़ोई स्कम कि, ‘यूहन्ना अधिकार, मैन्हू केरि तरफां मैल्लो,’ किजोकि असन लोकां केरो डर आए कि तैना असन पुड़ क्रोध केरले, किजोकि सारे लोक समझते थियो कि सच्चे यूहन्ना नबी आए।” 33 एल्हेरेलेइ तैनेइं यीशु एन जुवाब दित्तो कि, “असन नई पतो!” यीशुए तैन सेइं ज़ोवं, “अब भी तुसन सेइं न ज़ोई कि अब एन कम्मां कोस अधिकारे सेइं केरताई।”

## 12 तैल्ला पत्ती, यीशु यहूदी लोकां केरे लीडरन सेइं मिसालन मां गल्लां

केरने लगो, “एकसां, एककी मैने दाढ़री बाग लाई, ते बागारे चेवे पासन बाड़ दित्तो, त दाढ़रारो रस कडनेरे लेड कुण्ड बनाई। तैल्ला पत्ती, ते मैन्हू तैस बागारो रखवाली केरनेरे लेड अक उच्ची कूड़ी बनाई। तैल्ला पत्ती, ते मैन्हू तैस बागारो ठेको किछ ज़मीनदारन देलात होरि मुख्ये जो चलो जेव। 2 जैखन फललेरो मौसम अव, त तैनी ज़मीनदारन कां अक नौकर भेजो कि ज़मीनदारन केरां दाढ़रे बागारे फललां केरो अपने हिस्सो आने। 3 पन जैखन तै नौकर बाजी मां पुज्जो, त तैन किसानैइ तै ट्लेइतां महो त खाली हथेइं वापस भेजो। 4 जैखन बागारे मालिके शुन कि तैनेइ एन कुन कियूं त तैनी होरो अक नौकर फिरी भेजो। पन तैनेइ तैसेरो भी दोग बन्नो ते तैसेरी बेज़ती केरतां भेजो दित्तो। 5 फिरी तैनी मालिके होरो अक नौकर तैन कां भेजो। तैनेइ तै भी मैरी छड्हो। तैखन तैनी होरो जादे नौकर भेजो। तैन मरा तैनेइ किछ महो, ते किछ मारे। 6 तैस मालिके कां अकवे रेवरो थियो, जैन तैसेरू ट्लालू महू थियूं। आखरी मां, तैनी तै भी तैन कां एन सोचतां भेजू कि तैना मेरे मद्दरो इज्जत केरले। 7 पन जैखन मालिकेर महू तैन कां अव, त तैन किसानैइ एप्पू मामेइं ज़ोवं, ‘ए त एस बागारो वारिस आए। एज्जा, अस एस भी मैरी छड्हम, तैखन एसेरी जेइदात इश्शी भोनी।’ 8 एल्हेरेलेइ, तैनेइ तै ट्लेइतां मैरी छड्हो, ते बागारे बेइर शेरी छड्हो।” 9 तैखन यीशुए तैन मैन्न एप्पू, “हुनी बागारो मालिक तैन ज़मीनदारन सेइं कुन केरेलो? अब ज़ोर्डॉ कि तैनी कुन केरनू, ते एडतां तैन किसानां केरो नाश केरेलो, ते बागारो ठेको होरि केन्वी ज़मीनदारन देलो!” 10 “कुन तुसेइं पवित्राशस्त्रे मां मसीहेरे बरे मां ई गल नई प्रभुरी? तैस मां लिखाए कि, ‘ज़ै घोड राज़-मिस्त्रोइं निकम्मो ठहरेवरो थियो, ते मकानेरो खास घोड बेनि जेव। 11 एन प्रभु परमेशरी तरफां एन्चरां भोव, ते कने इश्शी नज़री मां ए हैरान भोनेरी गल आए!” 12 जैखन यहूदी लोकां केरे लीडरेइ एन शुनू, त तैनेइ सेमझी छड्ह कि यीशुए ई मिसाल इश्शे खलाफ जोरीए। एल्हेरेलेइ, तैना सेरकोए। त तैनेइ यीशु कैद केरनू चाव। पन तैना लोकन केरां डरे, एल्हेरेलेइ तैस छेडतां चेलि जे। 13 तैल्ला पत्ती, यहूदी लोकां केरे लीडरेइ यीशु कां किछ फरीसी लोक त कने हेरोदेस राजेरे लोक भेजे, ताके तैना यीशुए अपनि गल्लन मां फसान। 14 तैनेइ यीशु कां

एडतां तैस सेइं ज़ोवं, “हे गुरु, अस जानतम कि तू सच्चो आस, त केन्वेरी परवाह न केरस, किजोकि तू सारे मैन्न बराबर समझतस, त तू परमेशरेरी गल्लां लोकन सच्चाई सेइं शुनातस। एल्हेरेलेइ असन ज़ो, कुन रोम-मुल्खेरी महाराजे जो चुंगी देनी जेइज़ आए कि नई? 15 अस देम या न देम?” यीशुए तैन केल पाखंड जेनातै तैन सेइं ज़ोवं, “मीं किजो अज़मातथ? अक सिक्को (दीनार) मीं कां आना कि अब तैस हेरी!” 16 तैनेइ आनो, तैखन यीशुए तैन पुच्छू, “इस सिक्के पुड़ केसेरी शकल त केसेरु नवं आए?” तैनेइ जुवाब दित्तो, “महाराज़ेरु आए!” 17 यीशुए तैन सेइं ज़ोवं, “जैन महाराज़ेरु आए तैन बहु राजे देथ, ते जैन परमेशरेरु आए तैन परमेशरे देथ।” जैखन फरीसी लोकेइ ते कने हेरोदेस राजेरे लोकेइ एन शुनू, त तैखन तैना बहु हेरान भोए। 18 तैल्ला पत्ती, सदूकी लोक यीशु का आए तैना ज़ोतन मुडदे ज़ीते न भोन। त तैनेइ यीशु पुच्छू, 19 “हे गुरु, बड़े पेइले मूसे असन जो कानुने मां लिखोरु थियूं कि अगर कोई मैन्हू बेजौलाद मेरि गाए त तैसेरी कुआन्शे रेड गाए, त तैसेरो ढ्ला तैसेरी लैडी सेइं ड्लान बनाए, त अपने ढ्लालैरे लेड औलाद पैदा केरे, ताके तैसेरी खननदानी राए। 20 सत ढ्ला थिये। पेइलो ढ्ला ढ्ला बनेइतां बेजौलाद मेरि जेव। 21 तैखन दुझोवं ढ्लाए तैस कुआन्शी सेइं ड्ला बनाव। ते भी बेजौलाद मेरि जेव। तैन्चारां ट्लेइयोवं ढ्लाए भी कियूं। 22 त सते ढ्लाएइ तैस कुआन्शी सेइं एककेरे पत्ती एककेरे इलाई ड्ला कियो, पन औलाद न भोइ। सैरैन पत्ती तै कुआन्श भी मेरि जेई। 23 एल्हेरेलेइ, परमेशर लोक मुडदन मरां ज़ीते केरसेरे पत्ती, यानी जैखन लोक ज़ीते भोले, त तैखन तै कुआन्श तैन सत्तन मरां केसेरी लाडी भोली? किजोकि तै इडी थेरती पुड़ सत्तां केरि लाडी भोरी थी।” 24 यीशुए तैन सेइं ज़ोवं, “तुश्शी सोच केत्री गलत आए! कुन तुसन पतो किजो? किजोकि तुस पवित्राशस्त्रे मां लिखोरी गल्लन त कने परमेशरेरी शक्ति न जानथ! 25 तुसेइ ज़ै कहानी ज़ोई, तैस मां तै कुआन्श तैन सत्तन मरां केवेरी लाडी नई भोनी, किजोकि जैखन लोक मुडदन मरां ज़ीते भोले, त तैखन कोई केन्वी सेइं ड्ला न बनालो, पन तैन स्वर्ग मां परमेशरेरे स्वर्गदूतां केरे ज़ेरे भोले, जैना ड्ला न बनाल। 26 मुडदां केरे ज़ीतो भोनेरे बारे मां, कुन तुसेइ मूसेरी किताबी मां एन नई पढ़ोरु जैखन मूसे बलत झूल्लन लाव, तैखन (यानी अब्राहम, इस्साहक त याकूब मरन्नेर बड़े सालना पत्ती) परमेशरे मूसा सेइं ज़ोवं, “अब अब्राहमेरो परमेशर, ते इस्साहकेरो परमेशर, ते याकूबेरो परमेशर आईं?” 27 परमेशर मुडदां केरो परमेशर नई, पन ज़ीतां केरो परमेशर आए, एल्हेरेलेइ तुश्शी सोच बिलकुल गलत आए।” 28 तैखन शास्त्री लोकन मरां एककी मैने एजातां यीशु ते सदूकी लोकां केरि गलबात शुनी। तैस पतो ज़लो कि यीशुए तैन ठीक जुवाब दित्तो, ते तैनी यीशु कां एडतां तैस पुच्छू, “परमेशरेरे सारे हुक्मन मरां बड़ो खास हुक्म को आए?” 29 यीशुए तैस जुवाब दित्तो, “सारे हुक्मन मरां बड़ो खास हुक्म ई आए, जेन्चारां परमेशरेरी किताबी मां लिखोरुए कि, ‘हे इसाएलेरे लोकव शुना, प्रभु इश्शो परमेशर, अवके प्रभु आए, 30 एल्हेरेलेइ प्रभु अपने परमेशरे सेइं तुस अपने सारे दिले सेइं, त अपनि सैरी जानी सेइं, त अपनि सैरी अकली सेइं, त अपनि सैरी ताकती सेइं व्याए केरा।’ ए बड़ी खास हुक्म आए। 31 तैसेरो ज़ेरो दुझोवं बड़ो खास हुक्म ई भी आए कि, ‘तू अपने पेडोसन सेइं अपने बराबर प्यार केरा।’ एन दुर्घ हुक्मन केरां होरो काई भी बड़ो हुक्म नई।” 32 तैखन शास्त्री मैन्हू यीशु सेइं ज़ोवं, “हे गुरु, ती बड़ू ठीक ज़ोव! ती ती सच ज़ोवं कि परमेशर अकके आए, ते तैसेरे अलावा होरो कोई नई। 33 त असेइं परमेशरे सेइं अपने सारे दिले सेइं, ते अपनि सैरी जानी सेइं, ते अपनि सैरी अकली सेइं, त अपनि सैरी ताकती सेइं व्यार कियोरो लोडे। ते कने असेइं अपने पेडोसन सेइं अपने बराबर प्यार कियोरो लोडे। जानवां केरु बलिदान केरनू या होरि चीज़ा केरि ब्रह्मल ग्रादेने करां भी बेधतां, एना दुझे हुक्मन मने परमेशरेरे लेड बड़े खास आन।” 34 जैखन यीशुए होरु कि तैनी अकली सेइं जुवाब दित्तो, तैनी तैस सेइं ज़ोवं, “तू परमेशरेरो राज्जो मां दाखल भोनेरो करां दूर नई।” ते तैल्ला पत्ती, केन्वी यीशु किछ पुछनेरी हिम्मत न भोइ। 35 मन्दरे मां शिक्षा देते बार यीशुए लोकन अक सवाल पुच्छो, “शास्त्री किजो ज़ोतन कि ज़ै मसीह आए, तै दाऊद-

राजेरी औलादी मरां भोलो? 36 बड़े पेड़ले दाऊद राजे एप्पू पवित्र आत्मारे शक्ति सेंड एन्वरां ज़ूरू थियू कि, प्रभु परमेशरे मेरे प्रभु मसीहे सेंड ज़ोवं, 'तू मेरे देइने पासे विश, जांतगर कि अव तेरे दुश्मन बिलकुल न होरेई'। 37 दाऊद राजे त एप्पू मसीहेरे बारे मां एन ज़ोवं कि 'तै मेरो प्रभु आए,' फिरी मसीहे तैसेक मटू केन्वरां भोई सकते?' त मैनु केरि भीड़ यीशुएरी गल्ला खुशी सेंड शुर्ती थी। 38 यीशुए शिक्षा देवे वार लोकन सेंड ज़ोवं, 'शास्त्री लोकन करां खबरदार राथ, जैना लम्मे-लम्मे चोले लेकतां हन्ठू चातन, ताके लोक समझन कि तैना बड़े धर्मी आन, त तैना चातन कि बजारन मां लोक असन बड़ी इज्जती सेंड नमस्कार केरन। 39 त कने प्रार्थना घरन मां बड़े खास मैनू केरे लेइ रख्खोरी कुर्सी पुड़ विशून चातन, त थामन मां भी गेइता बड़े खास मैनू केरे लेइ रख्खोरी कुर्सी पुड़ विशून चातन। 40 तैना विधवां केरे घरन लुटन त कने होरेर मैनू हिरानेरे लेइ लेमी-लेमी प्रार्थना केरतन, ताके लोक समझन कि तैना बड़े धर्मी आन। परमेशर तैनन बड़ी जादे सजा देलो।' 41 लोकन शिक्षा देनेरे पत्ती, यीशु मन्दरेरे दान-पेटू सामने बिश्तां एन तकने लगरोरे थियो कि, लोक दान-पेटू मां केन्वरां पेंसे छङ्गतन। बड़े मैनैर्ड, जैना अमीर थिये, तैड़ी इज्जतां तैस मां बड़े पेंसे छङ्गने लगारे थिये। 42 तैखन अक गरीब विधवां इद्वां दूर्द सिकेक छङ्गे, जैन केरि कीमत बड़ी घट थी। 43 जैखन यीशु तैन हरू, तैनी अपने चेले एप्पू कां कुजेइतां तैन सेंड ज़ोवं, 'अवं तुसन सेंड सज्ज ज़ोतई कि मन्दरेरे दान-पेटू मां पेंसे छङ्गनेबालन मरां, एस गरीब विधवां तैन सारे मैनू करां जादे छङ्गोरेन। 44 किजोकि तैन सैर्ड अपने जादे पेंसेन मरां थोड़े जेरे छङ्गे, पन ए विधवा त बड़ी गरीबी आए, फिरी भी तैसां सब किछ जैन तैस कां थियूं छेड़ी दित्तू, यानी अपनि ज़रूरतरे लेइ रख्खोरे पेंसे भी छेड़ी दित्तै।'

**13** जैखन यीशु त तैसेरे चेले मन्दरे मरां निस्सी राओरे थिये, तैखन तैसेरे चेलन मरां एकके तैस सेंड ज़ोवं, 'हे गुरु, डड़ी होरे! कत्रे बड़े-बड़े घोड़न सेंड बनोरी दिवरां कने केत्रू रोडे भवन आए!' 2 यीशुए तैन सेंड ज़ोवं, 'हुन्ना त तुस एना बड़े-बड़े घोड़न सेंड बनोरे भवन लातथ, पन एककी दिहांड़ इडी घोड़े पुड़ घोड़ी भी न रालो, यानी सब नाश घोड़ि गालू!' 3 तैल्ला पत्ती, यीशु जैतून नंव्वेरे पहेड़ी पुड़ चढ़ता पार मन्दरेरे सामने बिश्तो। तैखन पतरस, याकूब, यूहुन्ना ते अन्द्रियास यीशु कां अलग गेइतां तैस केरां पुछने लगे, 4 'असन ज़ो कि एना गल्लां केइस भोनिन?' तैन दिहांड़ी केरो कुन निशान आए, जैखन एना सब गल्लां पूरी भोनिन?' 5 तैखन यीशु तैन सेंड ज़ोने लगो, 'खबरदार राथ कि कोई तुसन थोखो न दे। 6 किजोकि बड़े मैनू मेरे नव्वे सेंड इज्जतां ज़ोले कि, 'अवं मसीह आई।' ते तैना बड़े मैनू थोखो देलो। 7 जैखन तुस लडाई ते कने लडाइयां केरि अफवाह शुनेले, त तुस घबरेइयथ न, किजोकि लडाइयां केल भोनू ज़रूरी आए, पन एस दुनियारो अन्त अकदम न भोलो। 8 किजोकि एककी ज़ातारे लोक होरि कौमेरे लोकां केरे खलाफ लडाई केरले, त अक मुलख होरि मुल्खेरे खलाफ लडाई केरलो। हर ठैरी भंजल एज्जले, त काल पेलो। एन सब त सिर्फ मुसीबातां केरि शुरुआत आए। 9 'पन तुस अपने बारे मां खबरदार राथ, किजोकि लोक तुसन सभां केरे हवाले केरले, प्रार्थना घरन मां नेइतां महुले, त तुस मेरे वजाई सेंड गवर्नरन ते कने राजन कां खड़े किये गाले, ताके तुस तैन केरे सामने मेरे गवाह थोथ। 10 पन इस सुपोरो अन्त भोनेरे पेड़ले एरु भोनू ज़रूरी आए कि परमेशरे राज्जेरे बारे मां खुशखबरी सैरी कौमा केरे लोकन शुनेई गाए।' 11 जैखन लोक तुसन नेइतां आदालतां केरे हवाले केरले, त पेड़ले फिक्न न केरथ त न सोचथ कि अस कुन ज़ोमेल, पन जैन किछ परमेशर तुसन तैस घड़ी ज़ोनेरे लेइ ज़ोवं गालू, तने ज़ोइयथ। किजोकि ज़ानेबाले तुस नई, पन पवित्र आत्मा तुशे ज़िरिये ज़ोलो। 12 ढला (ज़ी मीं पुड़ विश्वास न केरे, ते) अपने ढलाए मारनेरे लेइ हवाले केरलो। त बाजी भी अपने मटू तेव्वरां हवाले केरलो, ते बच्चे अपने हाज-बच्चेरे खलाफ भोईतां तैनन् मैरी छड़ेलो। 13 मीं पुड़ विश्वास केरनेरे वजाई सेंड सारे लोक तुसन सेंड नफरत केरले, पन ज़ी मरने तगर विश्वासे मां बनोरो रालो, तैस परमेशर मुक्ति देलो। 14 तैल्ला

पत्ती, यीशुए तैन सेंड ज़ोवं, 'बड़ी बुरी गंदी जीज, जै नाश केरचे, एजनेबाली आए। तै भिट्टी चीज तैस जगाई पुड़ खड़ी भोली, ज़ेडी तैसाल खड़ु भोनू जेइज नई। बड़े पेड़ले दानियेले नेवे तैस चीजेरे बारे मां ज़ोरु थियूं (ज़ी कोई एन पढे, तै ए गल समझो।) ज़ैखन तुस तै चीजी तैड़ी खड़ी लाएले, त तैखन जैना लोक यटूदिया इलाके मां रातन, तैना बन्नेरे लेइ पहाड़न पुड़ नेश्शी गान। 15 तै अगर कोई मैनू अपने घरेरे छते पुड़ भोलो, तै तै अकदम तैद्वां नेश्शी गाए, तै अपने घरेरां किछ नेने अन्तर न गाए (ताके वक्त बरबाद न भोए।) 16 तै अगर कोई मैनू ऊँडरे मां कम केरि राओरो भोलो, तै तै भी अकदम तैद्वां नेश्शी गाए। तै अपना लिङ्गां भी नेने लेइ पत्रोवं न एज्जे। 17 तैन दिहाड़न मां जैना दोज़ीती तै दुद्ध पियाती कुआँस्थां भोली, तैन केरे लेइ अफसोस। (किजोकि तैन केरे लेइ बड़ी मुश्किल भोली।) 18 तै तुस प्रार्थना केरा कि एन हिंयूंडेरे दिहाड़न मां न भोए। 19 किजोकि तैन दिहाड़न मां लोकन बड़ी मुसीबत भोली, कि दुनियारी शुरुआती केरां देंती जैन परमेशरे बनोरीए, अज तगर एरी मुसीबत नई अरी। ते एरी जेरि मुसीबत फिरी कधी न भोली।' 20 'आर प्रभु परमेशर तैन मुसीबतरे दिहाड़न न घटाए, त कोई मैनू भी न बचलो। पन परमेशर अपने चुनोरे लोकां केरे वजाई सेंड तैन दिहाड़न घटालो। 21 तैस मुसीबतरे दिहाड़न मां, अगर कोई तुसन सेंड ज़ोए कि, 'तवका, मसीह इडी आए!' या 'तवका, उडी आए!' तै विश्वास न केरथ। 22 किजोकि द्वूठे मसीह ते कने द्वूठे नबी एज्जले। तैना लोकन थोखो देनेरे लेइ निशान ते कने चमत्कारेरां कम्मा हिराले, कि अगर भोइ सके, तैना परमेशरे चुनोरे लोकन भी थोखो देले। 23 एल्हेरेलेड, तुस होशियार राथ! हेरा, मां तुसन सैरी गल्लां भोनेरे लोकन भी थोखो देले। 24 तैल्ला पत्ती, यीशुए तैन सेंड ज़ोवं, 'फेरो बुटेर मिसाले केरां अक सबक शिख्खा! जैखन तैसी डैलडी नरम भोइतां, त नव्वां पट्टां निस्से लगतन, ते तुस बुज्जी छङ्गतथ कि गेमेरो मौसम एजनेबालो आए। 25 एसेरो ज़ेरो, जैखन तुस एना गल्लां, जैना मीं ज़ोई, भोते हेरेले, त तुस बुज्जी छङ्गा कि मैनेस मृदू, यानी अवं बड़े नेडे पुज्जोरोई। 30 अवं तुसन सेंड सज्ज ज़ोतई कि ज़ांतगर एना सैरी गल्लां न भोली, तांतगर एना लोक, जैना हुन्ना ज़ीतेन, तैना न मरेल। 31 अम्बर त कने धरती टेली गाली, पन मेरी गल्लां कधी न टेली।' 32 तैल्ला पत्ती, यीशुए तैन सेंड ज़ोवं, 'फेरो बुटेर मिसाले केरां अक सबक शिख्खा! जैखन तैसी डैलडी नरम भोइतां, त नव्वां पट्टां निस्से लगतन, ते तुस बुज्जी छङ्गतथ कि गेमेरो मौसम एजनेबालो आए। 29 एसेरो ज़ेरो, जैखन तुस एना गल्लां, जैना मीं ज़ोई, भोते हेरेले, त तुस बुज्जी छङ्गा कि मैनेस मृदू, यानी अवं बड़े नेडे पुज्जोरोई। 30 अवं तुसन सेंड सज्ज ज़ोतई कि ज़ांतगर एना सैरी गल्लां न भोली, तांतगर एना लोक, जैना हुन्ना ज़ीतेन, तैना न मरेल। 31 अम्बर त कने धरती टेली गाली, पन मेरी गल्लां कधी न टेली।' 32 तैल्ला पत्ती, यीशुए तैन सेंड ज़ोवं, 'मेरे वापस एज्जनेरे दिहाड़े बारे मां, या तैस वक्तेरे बारे मां कोई भी न जाने कि तै कताली भोलो, स्वर्गेर स्वर्गदूते भी न जानन् त परमेशरेरू मृदू यानी अवं भी न ज़ीनी, पन सिर्फ मेरो बाजी परमेशर जानते। 33 एल्हेरेलेड, मेरे वापस एज्जनेरे लेइ हमेशा तियार राथ, ते प्रार्थना केरते राथ, किजोकि तुस न ज़ानथ कि तै वक्त कताली एज्जतो। 34 मैनेरे मटूरू, यानी मेरू वापस एज्नू तैस मैनेरू ज़ेरू आए, ज़ी अपनू घर छेड़तां होरे मुल्खे जो गाते। गाने केरन पेड़ले, तै अपने नौकरन कुजेइतां अपने घेरेरी रखवाली केरनेरो अधिकार देते, ते हर एककी अपनू-अपनू कूम देते, त दारे पुड़ रखवाली केरनेरे लेइ संती बींझो रानेरो हुक्म भी देते, किजोकि तै कधी भी वापस एज्जी सकते।' 35 'एरेरे ज़ेरो, तुस भी हमेशा मेरे वापस एज्नेरे लेइ तियार राथ, किजोकि तुस न ज़ानथ कि घेरेरो मालिक यानी अवं कताली वापस एज्जतो। शायद इलोङ्गी या एधी राती या कुकड़ेरे बांग देनेरे माकै या झेझङ्गां। 36 एल्हेरेलेड तियार राथ! एरु न भोए कि अवं अचानक एइतां लेई कि तुस तियार नई। 37 जैन अवं तुसन सेंड ज़ोतई, तैने सारे मैनू सेंड भी ज़ोतई कि, 'हमेशा तियार राथ!''

**14** फ़सहेरू तिहार त कने अखमीरी रोट्टारू तिहार दूर्द दिहाड़न पत्ती एजनेबालां थियां। प्रधान याजक त कने शास्त्री मौको तोपने लगोरे

थिये कि अस यीशु केन्द्रां चुपचारे टलाम ते तैस मैरी छहुम। 2 पन तैनेईं एप्पू मांमेईं ज्ञोंवं कि, “अस तिहारे दिहाड़न मां यीशुए कैद न केरम, किजोकि तैन दिहाड़न मां बडे लोक चेत्रे पासन भोतन, ते एरु न भोए कि यीशुएरे कैद भोनेरे वजाई सेंदं लोकन मां दंगोफसाद भोइ गाए।” 3 यीशु बैतनिव्याह इलोंचे मां शमोन नंवेरे मैनेरे घेरे मां थियो, जैस पेहले कोद्देरो रोग थियो। जैखन यीशु तैडी रोटी खेड राओरो थियो, त तैखन अक कुआन्श संगमरमे सेंदं बनोरे भांडे मां इत्र एन्तां यीशु कां आई, जै बडो कीमती थियो त कने जैस जो जटामासी जोतन। तैसां ते इत्र बोतल ट्लोडुतां खोल्ली ते यीशुरी इज्जत केन्नेरे लेड तैसेरे दोग्गे पुढ़ इत्र उलटवा। 4 पन किछ मैन्हू, जैना तैडी खडे थिये, तैस कुआन्शी हेरता अपने दिले मां सेरकोइतां एप्पू मांमेईं ज्ञोने लगो, “ए कुआन्श किजो एस बडी कीमतारो इत्र ज्याया केरचे? 5 ए इत्र त एक्की सालेरी मज़दूरारो वैंडसन केरां भी जादे भाए मां बेचतां, ते तैना पेहसे गरीब मैन्हू देक्कती थी!” ते तैना सेरकोइतां तैस सेंदं डांटने लगो। 6 पन यीशुए तैन सेंदं ज्ञोंवं, “एस छेड़ी देश! एस किजो तंग केरतथ? एसां त मीं सेंदं भलाई कियोरीए। 7 गरीब मैन्हू त हमेशा तुसन सेंदं साथी रातन। जैखन भी तुस चाथ, तैखन तैन सेंदं भलाई केरि सकतथ, पन अंवं तुसन सेंदं साथी हमेशा न रालो। 8 जैन किछ ए कुआन्श केरि सकती थी, तैन एसां कियूं। एसां मेरी जानी पुढ़ खुशबूदार तेल लेडितां मेरे मरनेरो पेड़ली मेरी जान दबनेरे लेई तियार कियोरीए। 9 अंवं तुसन सेंदं सज्ज ज्ञोतई कि सैरी दुनियाई मां ज़ेडी कोन्वी मेरे बारे मां खुशखबरी लोकन शुनाई गाली, तैडी जैन कम एसां मीं सेंदं कियोरूह तैन भी एसेरी यादी मां ज्ञोंवं गालू।” 10 तैल्ला पत्ती, यहूदा इक्करियोती, जै 12 चेलन मरां अक थियो, प्रधान याजकन कां जेव कि तै यीशु द्लुवारेने लेड तैन केरि महत केरे। 11 एन शुनां तैना बडे खुश भोए, ते तैसेरे मदतरे लेड तैनेईं चैदेरे सुपेइये देनेरो वादो कियो। एल्लेरेलेड, तै तीक मोके बलगाने लगो कि यीशु केन्चरां सेंदं दलुवाए। 12 अखमीरी रोटुरे तिहारेरी पेड़ली दिहाड़ी, जैखन लोक फसरेरे तिहारे गबडे बलिदान केरते थिये, तैखन यीशुएरे चेत्रेईं तैस पुच्छू, “तू कोडि चातस कि अस गेडां रेव लेड फ़सह तिहारेरी रोटी तियार केस?” 13 तैखन यीशुए अपने दूर्द चेले एन ज़ोडांता भेजो, “यूरशलेम नगरे मां गाथ, ते अक मैन्हू तुसन पैनेरो घड़ी छुवारो मैलेलो, तैस पत्ती-पत्ती गेइयथ। 14 ते तै जैस घरे मां गालो, तैस घरेरे मालिके सेंदं तुस एन जोइयथ कि, इश्शे गुरे जोवस्ले कि, ‘मेरे लेड तियार कियोरो मेहमान कमरो कोडि आए, ज़ेडी अंवं अपने चेलन सेंदं साथी फ़सह तिहारेरी रोटी खेड़ी?’ 15 तैखन घरेरो मालिक तुसन दुखियां छती पुढ़, तियार कियोरो, अक बहु कमरो हिरालो। तैडी इश्शे लेड रोटी तियार केरथा।” 16 ते चेले तैदुन्हां निस्तां नगरे मां आए, त जेन्चरां यीशुए तैन सेंदं ज़ो थियूं, तेन्चरां नैनेईं लावं। ते तैनेईं फ़सह तिहारेरी रोटी तियार की। 17 जैखन ड्लोझ भोइ, त यीशु अपने 12 चेलन सेंदं साथी मेहमान कमरे मां अव। 18 जैखन तैना विशांत रोटी खेड राओरे थिये, त यीशुए तैन सेंदं ज्ञोंवं, “अंवं तुसन सेंदं सज्ज ज्ञोतई कि तुसन मरां अक, जै मीं सेंदं साथी रोटी खेड राओरोए, मीं थोड़े सेंदं दलुवालो।” 19 एन शुनां तैना सारे वेले उदास भोए, ते तैना अक-अक केरतां यीशु सेंदं पुछो लगो, “कुन अंव आई? कुन अंव आई?” 20 यीशुए तैन सेंदं ज्ञोंवं, “तै तुसन बारहन मरां अक आए, जै मीं सेंदं साथी विशांत इश्शी एक्की थैली मां रोटी खेड राओरोए। 21 जेन्चरां मैनेरु मटू यानी मेरे बारे मां परमेश्वरी किताबी मां लिखोरूह, तेन्चरां अंव मारो गानोई। अफ़सोस! (किजोकि तैस मैन्हू बडी सज्जा मैल्लीनी एजने बालीए) जैसेरे वजाई सेंदं मैनेरु मटू यानी अंव दलुवाव गानोई। अगर तै मैन्हू ज़रमोरो न भोथो, त तैसेरे लेड तैन भैलू थियूं।” 22 जैखन यीशु त तैसेरे वेले फ़सहरी रोटी खेड राओरे थिये, यीशुए अक रोटी ट्लेइतां परमेश्वरे शुक्र केरतां ट्लेडी। तैल्ला पत्ती, तैनी तै अपने चेलन दिती, ते तैन सेंदं ज्ञोंवं, “ट्लाथ ते खाथ। ई मेरो जिसम आए।” 23 फिरी यीशुए दाढ़ेरे रस्सेरो कटोरे ट्लेइतां परमेश्वरे शुक्र कियूं। तैल्ला पत्ती, तैनी तै अपने चेलन दितो, ते तैनेईं सैरेईं पियो। 24 तैखन तैनी तैन सेंदं ज्ञोंवं, “ए दाढ़ेरे रस मेरो खून आए, जै परमेश्वर त कने लोकां केरे मझाटे नव्वों कराव बनाते, जै

बडे लोकां केरे मैफारे लेड बगाव गालो। 25 अंव तुसन सेंदं सच्च ज्ञोतई कि अंव दाढ़ेरो रस तैस दिहाड़ी तगर फिरी कधी न पीलो, जांतगर परमेश्वरेरे राज्जेरो मां अव नंव्वो दाढ़ेरे रस पीं। 26 तैल्ला पत्ती, यीशु त कने तैसेरे चेले परमेश्वरेरे भजन ज्ञोतां, यस्शलेम नगरेरे बेझर जैतून नंव्वेरे पहेड़ी पुढ़ चले जे।” 27 तैखन यीशुए अपने चेलन सेंदं ज्ञोंवं, “तुस सारे मीं छेडतां नशेले, किजोकि परमेश्वरीरी किताबी मां लिखोरू कि, ‘अंव पुहाले मैरैतो ते तैसेरी भैडुं द्वारा उंने नेशी गाली।’” 28 पन अंव मेरांत मुद्दन मरा फिरी जींतो भोनोई। तैल्ला पत्ती, अंव तुसन केरां पेड़ले गलील इलाके जो गालो ते तैडी तुस मीं लाएले।” 29 तैखन पतरसे यीशु सेंदं ज्ञोंवं, “अगर सारे तीं छेडतां नशेले त नशेल, पन अंव कधी न नेशोतो।” 30 यीशुए पतरसे सेंदं ज्ञोंवं, “अंव तीं सेंदं सज्ज ज्ञोतई कि अज़ज़ेरी राती कुकडेरे दूर्द बार बांग देने केरां पेड़ले, तू ट्लाई बार मेरो इकार केरेलो कि तू मीं न जानसा।” 31 पन पतरसे मना ज्ञोंवं सेंदं यीशु सेंदं ज्ञोने लगो, “अगर मीं तीं सेंदं साथी मरू भी पे, त फिरी भी अंव तेरो इकार कधी न केरेलो।” एज्जारो होरि चेलेर्ई भी ज्ञोंवं। 32 तैल्ला पत्ती, यीशु ते तैसेरे चेले गतसमानी नंव्वेरे एक्की बागी मां जे, ते तैडी यीशुए अपने किल चेलन सेंदं ज्ञोंवं, “इडी बिश्वशेरो राथ, जां तगर अव प्रार्थना न केरि।” 33 फिरी यीशुए पतरसे ते याकूब ते यूहन्ना एप्पू सेंदं साथी बागी मां अगर निये, ते तैडी ते बडे परेशान भोने ते कने घबराने लगो। 34 ते तैखन यीशुए तैन सेंदं ज्ञोंवं, “मेरो दिल बडो उदास आए, इडी तगर कि अंव मन्सेबालोई। तुस इडी बलगा, ते बींझो राथ।” 35 फिरी तै बागी मां थोड़ो जेर अगर गेडांत, तल्ले मां जैन्म्यु केरे भारे विशांत प्रार्थना केरने लगो कि अगर भोइ सके त ए दुख्खेरी घड़ी मीं पुड़ेरां टेली गाए। 36 ते तैनी प्रार्थनाई मां एन ज्ञोंवं, “बैपू! हे मेरो बाजी, तुसन केरां सब किछ भोइ सकते। एस दुख्खेरी कटोरो मीं केरां दूर केरा। फिरी भी जैन अंव चाताई तैन नई, पन जैन तुस चातथ तैनें भोए।” 37 फिरी तै अपने ट्लाई चेलन कां वापस अव, त तैना द्युल्लोरे मैल्ले, ते तैनी तैना बींझाए, त तैनी शमोन-पतरसे सेंदं ज्ञोंवं, “हे शमोन, कुन तू द्युल्लोरोस? कुन तू अक घडी भी बींझो न रेड सकस?” 38 तैखन यीशुए तैन सैरेन सेंदं ज्ञोंवं, “बींझो ते प्रार्थना केरते राथ ताके तुस अज़मैइशी मां न पेथ। तुस त अज़मैइश रोकनी चातथ, पन तुसन कां रोकनेरी ताकत नई।” 39 ते यीशु फिरी अपने चेलन केरां थोड़े दूर चलो जेव, त जैना गल्लां तैनी पेड़ले ज्ञोतां प्रार्थना की ते वापस एडांता फिरी तैन सेंदं ज्ञोंवं, “कुन तुस हेजू द्युल्लोरेश! बड़ु आए! हुनी घडी एज्जी जोरी! हेरा, मैनेरु मटू (यानी अव) पापी मैन्हू केरे हथन मां ट्लुवेड्योव गानोई। 42 उठा, चलाम। हेरा! मीं ट्लुवानेबालो नेडे पुज़ी जोरो!” 43 यीशु एने ज्ञोई राओरो थियो कि अकदम यहूदा जै 12 चेलन मरां अक थियो, एप्पू सेंदं साथी मैन्हू केरि अक बहु भीड़ एन्तां तैडी पुज़ी जेव, जैन कां तलवारां ते डंडे थिये। तैना प्रधान याजक ते शास्त्री लोक ते कने यहूदी लोकां केरे बुजुर्गा केरि तरफां यीशु कैद केरेरे लेड भेजोरे थिये। 44 यीशुएरो द्युल्लोनेबालो यहूदा तैडी पुज़ी जेव, तैन मैनून् जो निशान दित्तोरो थियो कि जैस अंव फुम्फड़ी देलो तै एयीशु आए, तैस ट्लेइतां ध्याने सेंदं नेड्यथ। 45 जैखन यहूदा ते मैन्हू केरि भीड़ बागी मां आई, त तैनी अकदम यीशु सेंदं ज्ञोंवं, “हे रब्बी (पुरु)!” ते तैस फुम्फड़ी दित्ती। 46 तैखन तैनेईं यीशु ट्लेइतां कैद केरियो। 47 यीशुएरे चेलन मरां, जैना तैसेरे नेडे खडे थिये, एक्के अपनि तलवारे सेंदं महायाजकेरे एक्की नौकरे पुढ़ चलाई तैसेरो अक कन केटी छहु। 48 यीशुए तैन मैनून् सेंदं ज्ञोंवं, “कुन तुस मीं डैकू समझतां ट्लानेरे लेड तलवारां ते डंडे यिन्हां ओरेथ? 49 अंव त हर दिहाड़ी मन्दरे मां तुसन सेंदं साथी रेहतां परमेश्वरे बारे मां लोकन शिक्षा देतो थियो, पन तैखन तुसेईं अंव न दलाव। पन एन एल्लेरेलेड भोने लगोरू कि पवित्रशास्त्रे मां मेरे बारे मां जैना गल्लां लिखोरीन तैना पूरी भोन।” 50 तैखन यीशुएरे सारे वेले

तैस छेड़तां नेशी जो । 51 ते अक जवान जैनी अपनि नगी जानी पुढ़ अक लिग्ड पलेट्रू थियूं, यीशु पत्ती चलो । ते भीड़ी मरां किछ मैनेई तै ट्लाव । 52 पन तै तैन करेह हथथन मां अपनू लिग्ड छेड़तां नगो नेशी जेव । 53 तैल्ला पत्ता, मैन्हु केरि भीड़ीं यीशु महायाजकेरे घेरे मां नीयो । ते सारे प्रधान याजक ते कने बुरुर्ज त कने शास्त्री यीशुएरु इमतिहान नेनेरे लेड महायाजके सेइं साथी तैडी अकोडू भोए । 54 यीशु त कने मैन्हु केरि भीड़ी केरा दूर-दूर रेडिं पतरस तैन पत्ती-पत्ती महायाजकेरे महलेरे अंगने तगर पुज्जी जेव । ते तैडी तै महायाजकेरे पैरदरे सेइं साथी बिश्तां अग तपने लगो । 55 महलेरे अन्तर, प्रधान याजक त कने सारी महासभा यीशुएरे खलाफ गवाही तोपनेरी कोशिश केरि राओरे थिये, ताके तैना तैस मैरी सकन, पन तैनन किछ न मैल्लू । 56 किजोकि बडे मैन्हु यीशु पुड़ झूटी गवाही देने लगारे थियो, पन तैन केरि गवाही अककां ज़ेरि न थी । 57 आखरी मां किछ मैनेई उठतां तैसेरे खलाफ ई झूटी गवाही दित्ती कि, 58 “असेई एस केरां एन जोते शुनेरु कि, ‘अवं मैन्हु कुरु बनोरु एस मन्द्रे बिछोड़तां ट्लेइ दिहाड़न मां होरु मन्द्र बनालो, जैन मैन्हु करु बनोरु न भोलू।’” 59 पन एन जोड़तां भी तैन केरि गवाही अककां ज़ेरि न निस्सी । 60 तैखन महायाजके आदालतेरे मङ्गाटे खडे भोड़तां यीशु पुच्छू, “एना लोक तेरे खलाफ गवाही देन, कुन तू कोई जुवाब नई देस?” 61 पन यीशु चुप राव, ते किछ जुवाब न दितो । तैखन महायाजके तैस फिरी पुच्छू, “कुन तू परमेश्वरेमु मटु मसीह आस?” 62 यीशुए ज़ोव, “हाँ, अवं तै आई ते ज़ेन्व्हारा परमेश्वरीरा किताबी मां लिखारो कि ‘तुस सारे लोक, मैनेरु मटु (यानी मीं) सर्वशक्तिमान परमेश्वरी देने पासे विश्वरो त अब्बरे मरां बिंदलारे सेइं साथी धेरती पुढ़ एजते हेले।’” 63 तैखन महायाजके सरकोइतां, अपना चोगे छिन्दतां आदालतेरे मैनून सेइं ज़ोव, “हुनी असन होरि केन्वरी गवाहीरी ज़रुरत नई ।” 64 तुसेई एप्पू परमेश्वरी तुहीन शुनी । ते तुस एसेरो कुन फेस्तो केरतथ?” तैखन तैनेई सारे मैन्हु ज़ोव कि, “ए मैन्हु दोषी आए किजोकि एनी परमेश्वरी तुहीन कि, एलहेलेइ, एस मौतरी सज्जा दा” 65 तैखन तैन मरां किछ मैन्हु, तैसेरी बेज़ती केरनेरे लेइ, तैस पुड़ थुकने लगो । ते किछ मैन्हु तैसेरी एछारी लिगडे सेइं ढेकतां तैस मुक्केडी बान लगो ते तैस सेइं ज़ोने लगो, “भाविष्यवाणी केरि कि केनि तीं बाईं” । ते नौकोरेई भी तैस ट्लेइतां थप्पड़ बाए । 66 जैखन पतरस, महायाजकेरे महलेरे अंगने मां थियो, त महायाजकेरे नौकरेन मरां अक कुआन्श तैडी आई । 67 तैसां पतरस अग तपतो लाव । ते तै कुआन्श पतरस तेकतां तैस सेइं ज़ोने लगो, “तू भी एस नासरत नगरेरो यीशु सेइं साथी थियो।” 68 पन पतरसे यीशुएरो इन्कार कियो ते ज़ोव, “अवं न जैनी ते न सेमझी कि तु कुन लगोरिस ज़ोने।” फिरी ते तैटूं बेडर डेवडी मां जेव । तैखन कुकडे बांग दित्ती । 69 जैखन तैसां नौकरेन फिरी पतरस लव, त तै तैन सेइं ज़ोना नेडे खडे थिये, ज़ोने लगो, “ए मैन्हु तैसेरी चेलन मरां अक आए।” 70 पन पतरसे फिरी यीशुएरो इन्कार कियो । थोड़े चिरे बाद, ज़ैना पतरसेरे नेडे खडे थिये, तैनेई तैस सेइं ज़ोव, “पक्को तू भी तैसेरे चेलन मरां अक आस, किजोकि तू गील इलाकेरो मैन्हु भी आस” । 71 तैखन पतरस कसम केरतां ज़ोने लगो, “भी फिटकार लगो, अगर अवं झूठ ज़ोई कि अवं एस मैन्हु ज़ानतो भोई, ज़ेसेरो बारे मां तुस गल्लां केने लगारेथा!” 72 तैखन अकदम दुख्योवं बार कुकडे बांग दित्ती । जै गल यीशुए पतरसे सेइं पेइली ज़ोरी थी, तै गल तैस याद आई कि, “कुकडेरे दूर्ब बार बांग देने केरा पेइले तू ट्लाई बार मेरो इन्कार केरेलो कि तू मीं न ज़ानस।” तैखन तैनी बड़ी लेन दित्ती, किजोकि तैनी यीशुएरो इन्कार केरनेरे वजाई सेइं बडो दुखी भोइ । 4

**15** झेज्ज़ भोते, अकदम प्रधान याजकेरी, ते यहूदी लोकां केरे बुजुर्गई, ते कने शास्त्री लोकैरी ते कने सारे महासभार मैनेई यीशुएरे खलाफ सलाह केरतां ते बन्धव ते तैटूं नेइतां रोमी गवर्नर पिलातुसेरे हवाले कियो। 2 पिलातुसे यीशु पुच्छू, “कुन तू यहूदी लोकां केरो राजो आस?” यीशुए तैस जुवाब दितो, “तू एप्पू ज़ोई राजोरोस।” 3 तैखन प्रधान याजक तैस पुड़ बेडि गल्लां केरो झूठो इलज़ाम लेइ राओरे थिये । पन यीशुए किछ न ज़ोव ।

पिलातुसे तैस फिरी पुच्छू, “तू किछ भी जुवाब की न देस? हेर, एना लोक तीं पुड़ केरी गल्लां केरो इलज़ाम लेइ राजोरिन!” 5 हांलाकि यीशुएरी किछ भी गलती न थी, तैनी किछ जुवाब न दित्तो, इडी तगर कि पिलातुस बडो हेरान भोव । 6 हर साल फ़स्त हितारेरे वर्के पुड़ यहूदी लोकां केरे लेइ केन्व्ही एककी कैरी, जैस तैना लोक चाते थिये तैस पिलातुस छेही देतो थियो । 7 तैन दिहाड़न बरअब्बा नंवरो अक मैन्हु किछ दंगेफसाद केसेबालन सेइं साथी कैदखाने मां थियो, जैनेई दंगेफसादे मां कत्ल कियोरो थियो । 8 तैखन मैन्हु केरि भीड़ पिलातुसे कां गेइतां मिन्त केरने लगी कि, “जैन तू इश्शे लेइ हर साल केरतो आरोस तैने केर!” 9 पन पिलातुसे तैनन पुच्छू, “तुस कुन चातथ कि अवं तुशेस लेइ यहूदी केरो राजो यानी तुशेस राजो छेही देई?” 10 पिलातुसे लोकन एन्चरां पुच्छू, किजोकि तै जानतो थियो कि प्रधान याजक यीशु पुड़ ज़लतन तांए तैनेई तै ट्लुवोरोए । 11 पन प्रधान याजकेरी लोक बमकाए, ताके पिलातुस तैन केरे लेइ यीशुएरे बदले बरअब्बा छेही दे । 12 एन शुन्नां पिलातुसे लोकन फिरी पुच्छू, “आगर अवं बरबे छेही देई, त जैस तुस यहूदी लोकां केरो राजो जातथ, तैसेरु अवं कुन केरिर?” 13 तैना पिलातुसे सेइं फिरी शोर केरतां ज़ोने लगे कि, “एस कूसे पुड़ ज़ाढ़ा!” 14 पिलातुसे तैनन पुच्छू, “किजो ए कूसे पुड़ ज़ाढ़ानो, एपी कुन बुराई कियोरीए?” पन तैना लोक पेइले केरां जादे शोर केरने लगे कि, “एस कूसे पुड़ ज़ाढ़ा!” 15 तैखन पिलातुसे लोक खुश केरनेरे दिरावे सेइं, बरअब्बा तैन केरे लेइ छही दितो, ते यीशु कोडे लुवेइतां सिपेही केरे हवाले कियो कि तैना यीशु कूसे पुड़ ज़ाढ़ान । 16 तैखन सिपाही यीशुए पिलातुसेरे महलेरे अंगने मां नेइ जे, जैस जो प्रीटोरियम ज़ोतन । ते तैनेई सारी रोमी पलटन कुजेइतां आनी । 17 तैखन तैनेई यीशुएरो मङ्गाक बनानेरे लेइ तैसेरां लिगडां खोल्लां, ते तैस लाल रंगेरो चोलो लुवाव ते कने केटां केल ताज बनेइतां तैसेरे दोग्गे पुड़ रख्खु । 18 ते एन ज़ोने लगे कि, “हे यहूदी केरा राजा, नमस्कार!” 19 तैना यीशुएरो दोग्गे पुड़ अककेरे पत्ती अक केरतां सोटी सेइं बाने लगे, ते तैसेरी बेज़ती केरनेरे लेइ तैस पुड़ थकने लगे, ते मङ्गाक बनानेरे लेइ तैसेरे अग्गर जैन्हु केरे भाव बिश्तां तैस नमस्कार केरते राए । 20 तैसेरो मङ्गाक बनानेरे पत्ती, तैनेई तैस पुड़रां लाल रंगेरो चोलो खोल्लां तैसेरां लिगडां लुवा । तैखन तैना यीशु कूसे पुड़ ज़ाढ़ारे लेइ यस्तलोमेरे नारे केरा बेइ नीयो । 21 ज़ताली तैना तैटूं चेलि राजोरे थिये, त तैखन शमैन नंव्हेरो मैन्हु इलोंव्हेरां तैलमेइ एज्जी राओरो थियो । तै मैन्हु कुरेनी नंव्हेरो नारेरो ओरो थियो ते तै सिकन्दर ते कने रफुसेरो बाजी थियो । तैखन सिपाहेई शमैन मजबूर कियो कि तै यीशुएरो लेइ तैसेरी कूसे छुटां चले । 22 ते तैनेई यीशु गुलमुता नंव्हेरी ठैरी पुड़ आनो, ज़ेसेरो मतलब “खोपाडारी ठार” आए । 23 फिरी किछ लोकैरी मुर्द नंव्हेरी दवाई, दाछ्वेरे रस्से मां मिलेइतां यीशु पीने जो दिती, पन तैनी तैसेरो इन्कार केरतां न पी । 24 तैखन तैनेई यीशु कूसे पुड़ ज़ाढ़ा ते तैसेरो लिगडां केरे लेइ पेरची छेही कि तैसेरां लिगडां केस मैलतन । तैल्ला पत्ती, तैनेई तैसेरां लिगडां बेटी छेही । 25 जैखन तैनेई तै कूसे पुड़ ज़ाढ़ा, तैखन झेज्जोरी नौ बज्जोरे थियो । 26 ते एककी फेट्टी पुड़ तैसेरी सजारी वजा लिखतां तैसेरो क्रोडी केरां बां लेइ छेही । तैस मां लिखोरु थियूं कि, “ए यहूदी लोकां केरो राजो आए।” 27 सिपाहेई यीशु सेइं साथी होरे दूर्द डैक भी, अक तैसेरे देने पासे ते अक तैसेरो बाएं पासे अलग-अलग क्रूसन पुड़ ज़ाढ़ा । 28 तैखन परमेश्वरी किताबी मां लिखोरी गल पूरी भोइ । तैस मां मसीहोरे बारे मां एरु लिखोरु थियूं कि, “ते पापी मैन्हु केरे साथी गनो गालो।” 29 तैखन बत्तां चलनेबालन मरां किछ मैन्हु अपनि क्रोडी हिलेइ-हिलेइतां ते केने एन ज़ोइतां तैसेरी तुहीन केरते थिये कि, “वाह! वाह! मन्दर बिछोडेनेबालो, त कने ट्लेइ दिहाड़न मां बनानेबालो! 30 अगर तू शक्तिशाली आस त कूसे पुड़ेरां ओस्तां अपन आपे बचाए!” 31 एन्चरां प्रधान याजक भी शास्त्री लोकन सेइं साथी तैसेरो मङ्गाक बनेइ राजोरे थिये, त तैना एप्पू मांमेइ ज़ोते थिये कि, “एनी होरे मैन्हु त बचाए, पन अपने आपे बचेइ न सको। 32 ए ज़ोरो थियो कि ‘अवं इसाएल लोकां केरो राजो आई, यानी मसीह आई,’ अगर ए गल सज्ज आए त हुना कूसे पुड़ेरां ओस्से, ताके अस हेरतां विश्वास केरम कि ए इश्शो

राजो आए।” त दूड़ डैकू, जैना तैस सेइं साथी कूसे पुड़ चाढ़ेरे थिये, तैनेई भी तैसेरी बेज़ती की। 33 दीसारे बारे बजैई सारे मुल्हे मां आंधू भोव, ते टलैइ बजन तगर राव। 34 टलैइ बजैई यीशुगु बड़ी जारे सेइं अपनि बोली मां ज़ोव कि, “इलैई, इलैई, लमा शबक्तनी!” जैसेसु मतलब, “हे मेरे परमेशर, हे मेरे परमेशर, तीं किजो अव छेह्ती दितो!” 35 तैखन जैना तैड़ी खड़े थिये, तैन मारा किल मैनेई एन शुन्तां गलत सेमझतां एप्पु मांमें ज़ोव, “हेरा, ए मैन्हु एलियाहे जो महत केसरे लेइ कुजेई राओरोए।” 36 तैखन तैन मारा एक्की मैने दौड़तां स्पजे (जै पेनेरी जरि चीज़ चूसी सकचे) खट्टे दाढ़ेरे रस्से मां डुबेइतां डांगी पुड़ रेखतां यीशु जो चुसावं त ज़ोव, “बलगा, हेरम, एलियाह एस कूसे पुडेगा उसालने एजते कि नई।” 37 तैखन यीशुगु बड़े ज़ोरे सेइं आवाज़ देइतां प्राण दिते। 38 ते तैखन मोटी पर्दो, ज़ै मन्दरे मां लोरे थियो, वां देता बुन तगर फेटता दूँह टुक्के भोड़ जे। 39 जैखन फौजी-अफसर, ज़ै यीशुएरे सामने खड़ो थियो, यीशु एन्वरां ज़ोरे सेइं आवाज़ देइतां प्राण देतो लाव, तैखन तैनी ज़ोव, “सच्चे, ए मैन्हु परमेशरे रु मट्ट थियूं।” 40 किछु कुआन्शां भी दूरें एन हेरी राओरी थी। तैन मां मगदलीन नगररी मरियम, निकड़ो याकूब ते योसेसेरी अम्मा मरियम, त कने सलोमी भी थी। 41 जैखन यीशु गलील इलाके मां थियो, त तैखन एना कुआन्शां तैस पत्ती-पत्ती चेलती थी त तैसेरी सेवा केरती थी। त तैड़ी होरि भी बड़ी कुआन्शां थी, जैना तैस सेइं साथी गलील इलाके मरां यरुशलेम नगरे मां ओरी थी। 42 जैखन डुलोझी भोइ, ते एल्हेलेइ कि तै तिहारेरी दिहाड़ी थी, यानी आरामेरे दिहाड़ेरे पेइली दिहाड़ी जैखन लोक आरामेरी दिहाड़ेरे लेइ तियार भोते थिये, त तैखन 43 अरिमतियाह नगरेरो रानेबालो यूसुफ नंव्येरो मैन्हु तैड़ी अव, ज़ै यहदी लोकां केरे बड़ु आदालतेरे खास मैनू मरां अक थियो। तै एप्पु भी परमेशरेरे राज्जे बलगने लोरो थियो। तै मैन्हु हिम्मत केरतां गवर्नर पिलातुस कां जेव ते यीशुएरी लाश मणी, ताके तै तैस दबरे लेइ ने। 44 तैखन पिलातुस हेरान भोव कि केन्वरां तै एत्री लूशी मेरि जेव। त तैनी फौजी-अफसर कुजेइतां पुच्छू, “कुन तै मेरि जोरोए?” 45 जैखन तैनी फौजी-अफसरे केरां हाल ज़ाना कि यीशु सञ्चे मेरि जेव, त तैनी यूसुफे लाश नेनेरी अज़ाजत दिती।

46 तैखन यूसुफे अक कीमती लिगड़ धिन्नू ते यीशुएरी लाश कूसे पुड़ेरा ओसेलतां यहूदी लोकां केरि रसमेरे मुताबिक तैस लिगड़ मां पलेटां एक्की कब्री मां छड़ी, ज़ै पहेड़ी पुड़ एक्की घोड़े मां घड़ीरी थी। तैस कब्रेरे बेडर दारे पुड़ अक बड़ी घोड़ धिसेइतां छड़ी। 47 मगदलीन इलव्वीरी मरियम, ते योसेसेरी अम्मा मरियम, एना दुड़ये हेरी राओरी थी कि यीशुएरी लाश कोड़ि रखतन।

**16** होरसां डुलोझी, जैखन आरामेरी दिहाड़ी खतम भोरी थी, त तैखन मगदलीन इलव्वीरी मरियम, त कने याकूबेरी अम्मा मरियम, त कने सलोमी, एन सेब्बेई रोडी मुशकी बालो तेल आनो, ताके यहूदी लोकां केरि रसमेरे मुताबिक यीशुएरी लाशी पुड़ तेल लान। 2 हफ्तेरे पेइले दिहाड़े ड्झेझ़ा-झेझ़ां, जैखन मसां दिहाड़ो निस्सी राओरो थियो, त तैना कब्री कां जेई जैस मां यीशुएरी लाश रखवेरी थी। 3 तैखन तैना एप्पु मांमें ज़ोती थी, “दशे लेइ कब्रेरे दारे पुड़ेरां घोड़ कौन गिसालो?” 4 किजोकि तै घोड़ बड़ो बड़ो थियो। पन तैड़ी पुज़नेरे बाद, तैनेई कब्रेरे पासे उब्री तक्कू त हेरु कि घोड़ पेहलो कब्रेरे दारे पुड़ेरां गिस्सोरो थियो। 5 तैनेई कब्रेरे अन्तर गेहुतां अक जवान लाव ते तैना बेइ हेरान भोइ जेई। तैस छितां लिगड़ लेग्गोरां थियां, ते तैड़ी तैन केरे सिध्धे पासे बिश्शोरो थियो। 6 तैनी जवाने तैन सेइं ज़ोव, “दरा न, अवं ज़ानताई कि तुस नासरत नगरेरे यीशु तोप्पी राओरिथ, ज़ै कूसे पुड़ चालो थियो। तै मुड़दन मरां ज़ींते भोरोए। तै इडी नई। हेरा, ई तै ठार आए, ज़ोड़ी तैसेरी लाश रखवेरी थी। 7 पन तुस गेहुतां तैसेरे चेलन सेइं त कने पतरसे सेइं भी जोइयथ कि यीशु तुसन करां पेइलो गलील इलाके जो गलो। ज़ोन्वरां तैनी पेइलू तुसन सेइं ज़ोर थियूं, तेन्वरां तुस तैस तैड़ी लाले।” 8 तैना कुआन्शां कब्री मरां बेडर निस्तां तैटु नेश्शी जई, किजोकि तैनन् थक्क लग्गोरी त घेबरोरी थी। बत्तां तैनेई केन्वी सेइं किछु न ज़ोव, किजोकि तैना

देरी थी। 9 (note: The most reliable and earliest manuscripts do not include Mark 16:9-20.) हफ्तेरे पेइले दिहाड़े ड्झेझ़ा भोते, यीशु मुद्दन मरां ज़ींतो भोइता पेइले मगदलीन नगररी मरियमी लेइहोव, जैस मरां तैनी पेइला सत भूतां केरो सायो कहूरोरो थियो। 10 मरियमा यीशु लानेरे पत्ती, गेइतां तैसेरे चेलन खबर दिती, जैना यीशुरो लेइ शोग केरने लग्गोरे ते कने लेरां देने लग्गोरे थियो। 11 पन जैखन तैनेई तैसारी गल शुनी वियीशु फिरी ज़ींतो भोरोए ते तैसां लेवरोए, त तैनेई तैसारी गलली पुड़ याकीन न कियूं। 12 तैल्ला पत्ती, यीशु अपने चेलन मरां दूँह चेलन होरि रुपे मां लेइहोव, जैखन तैना (योरुशलेम) नगररां अपने ड्लोक्वे जो ज्वलेरे थियो। 13 तैखन तैनेई भी नगरे वापस एजतां यीशुएरो होरे चेलन खबर दिती, पन तैनेई तैन केरि गललारो भी विश्वास न कियो। 14 तैल्ला पत्ती, यीशु अपने 11 चेलन भी लेइहोव, जैखन तैना रोट्री खेइ राजोरे थियो। त तैन केरे अविश्वास त कने सखत दिलेरे वजाई सेइं यीशुएरो तैना डाटे, किजोकि तैनेई तैन केरो विश्वास न कियो, जैनेई यीशु ज़ींतो भोनेरे पत्ती तै लेवरो थियो। 15 यीशुए अपने चेलन ज़ोव, “तुस सैरी दुनियाई मां गेहुतां सरे लोकन मेरे बारे मां खुशखबरी शुनाथ। 16 ज़ै कोई मीं पुड़ विश्वास केरे ते बपतिस्मो ने, तैस पापां केरि सजाई करां मुक्ति मैलेली। पन ज़ै कोई विश्वास न केरे, तैस अपने पापां केरि सज्जा मैलेली। 17 जैना मां पुड़ विश्वास केरतन, तैना एरां चमत्कारें कम्मां (निशाना) केरले कि तैना मेरे नंवे सेइं लोकन मरां भूता केरो सायो कहेले, ते नंवी-नंवी बोली केरले। 18 ते अगर तैना ज़ेहरीले सप्पन ट्लाले त कने ज़ेहरीली चीज़ भी पीले, तांभी तैनन किछु नुकसान न भोलो। ते जैखन तैना बिमारन पुड़ हथ रख्खेले, ते तैना बेझ़ोइ गाले।” 19 यीशु अपने चेलन सेइं गल्लां केरनेरां पत्ती, परमेशरे तै स्वर्गे जो नीयो। ते यीशु परमेशरेरे देइने पासे राजगेही पुड़ विश्शी जेव। 20 ते यीशुएरे चेलैई बेडर हर जगाई गेइतां लोकन खुशखबरी शुनाने लग्गो। ते प्रभु तैन सेइं साथी कम केरतो राव। तैना चमत्कारें कम्मां (निशानन) केरे ज़िरिये, जैना साथी-साथी भोतां थियां, प्रभु साबत केरतो राव कि तैन केरि गल्लां सञ्च आन। आमीन।

# लूका

1 जनाब थियुफिलुस, बड़े लोकेई तैना गल्लां हेरी जैना प्रभु-योशु एकियोरी थी, ज़ैखन तै असन सेइं साथी थियो, ज़ेइसेरी तैनी अपनू सेवारू कम शुरू कियोरु थियू। तैन मैनेई होरि मैनून् योशुएरे बारे मां शिक्षा देइता परमेश्वरी सेवा की। बड़े मैनेई तैन केरि गल्लां शुरू वीशुएरे बारे मां इश्वरे लेइ इतिहासेरी किताब लिखी। 3 मां एप्पू तैन सैरी गल्लां केरि बड़े रोड़ेरे छानबीनी की। एल्हेलेइ, मां एन रोड़ू लग्गू, कि अंवं भी तुश्रे लेइ तैन गल्लां केरे बारे मां ठीक डंगे सेइं इतिहासेरी किताब लिखी। 4 अंवं चाराई कि ती पतो लगे कि वीशुएरे बारे मां तैन गल्लां स़ज़्वी आन, जैन केरे बारे मां तुसन शिक्षा मैल्लीरी थी। 5 यूदिया इलाके मां, ज़ैखन हेरोदेस राज़ो राज़ केरतो थियो, तै तैखन जकर्याह नंवेरो अक यहूदी याजक थियो। तै मैनू याजकां केरे टोली मां अबिय्याह नंवेरो टोली मारा थियो। तैसेरी कुआन्शारू नंव एलीशिवा थियू। एलीशिवा हारूनेरे खानदेनी मारा थी, (हारून इसाएल लोकां केरो पेड़लो याजक थियो)। 6 तैन दुड़े प्रभु-परमेश्वरी नज़री मां धर्मी थियां तै कने परमेश्वरे सारे कानून तै सारे हुक्मन पुड़ बेलजाम च्छलेबालां थियां। 7 पन तैन केरि कोई औलाद न थी, किजोकि एलीशिवा बँझी थी, तै तैन दुड़े बुढ़ा थियां। 8 एकी फेरे, जकयहीरी टोली यस्थलेम नगरेरो मन्दरे मां सेवारू कम केरि राओरे थी, तैखन तै प्रभु परमेश्वरी हज़ूरी मां अपनू याजकेरु कम लोगोरो थियो केसे। 9 याजकां केरे रीरेर मुताबिक तैनेई परची छेड़ता जकर्याह चुनो कि तै प्रभु-परमेश्वरे मन्दरे मां गेइता युग्मल बालो। 10 ज़ैखन तै युग्मल बालने लोरो थियो, तै तैखन मैनू केरि सारा भीड़ मन्दरे बेड़र प्रार्थना केरि राओरी थी। 11 तैखन अचानक प्रभु-परमेश्वरो अक स्वर्गदूत युग्मल बालनेरी ठारारे देइने पासे खड़े भोइतां जकर्याह लेइहोव। 12 ज़ैखन जकर्याह स्वर्गदूत लाव, तै तै धेमरोव ते बड़ो डेरी जव। 13 पन स्वर्गदूते तैसे देइं ज़ोव, “हे जकर्याह, न डर। ज़ैखन तीं प्रार्थना की, तै परमेश्वरे तेरी प्रार्थना शुभी। एल्हेलेइ, तेरी कुआन्श एलीशिवाई मृदू भोनूए, ते तू तैसेरु नंव यूहन्ना रेख्खां। 14 तैसेरे ज़र्म भोने सेइं तू बड़ो ख्खु भोली। त बड़े लोक भी खुश भोलो। 15 तै प्रभु-परमेश्वरी नज़री मां महान भोलो, तै तैनी कोन्वी भी किसमेरी नशे बाले चोङ तै कने शराब कथे न लोडे पियोरी, तै तै अपनि अस्मारे पेटे मां भोते वक्तेरां परमेश्वरी पवित्र आत्मारी शक्ति सेइं भरपूर भोलो। 16 तै इसाएली लोकन मरा बड़े लोक परमेश्वरे पासे ज़ै तैन केरो प्रभु परमेश्वरे वापस तैस कां आनेलो, जैना अपने पापां केरि वजाई सेइं परमेश्वरे करां दूर भोरे थिये। 17 तै तै एरो मैनू भोलो जैस पुड़ एलियाहारी आत्मा तै कने शक्ति भोली। तै परमेश्वरी बत तियाह केरेलो, तैस अग्री-अग्री च्छलेतो ताके हाज बव्वां केरो दिल औलादेरे पासे तै परमेश्वर न मन्नेबाले लोकन धेर्मी लोकां केरे बत्तां केरे पासे बदलेलो, ताके ज़ैखन प्रभु एज्जे त लोक तियाह भोन।” 18 जकर्याहि स्वर्गदूते पुच्छू, “अंव केन्नरे मेन्नी एन असन सेइं भोनूए, अंव त बुड़ोइ तै मेरी कुआन्श भी बुढ़ी भोरीए।” 19 स्वर्गदूत जुवाब दित्तो, “अंव जिब्राइल आई अंव परमेश्वरे कां खड़ो भोताई, अंव एल्हेलेइ भेजोरोइ, कि अंव तीं सेइं गल केरि तै तीं ए खुशखबरी शुनेई। 20 तै हेर जां तगर एना गल्लां पूरी न भोन तेरी ज़बान बंद भोली, ते तू गल न केरि सकेलो किजोकि तीं मेरी गल्लां केरु याकीन नई कियेरु जैना अपने वक्ते पुड़ पूरी भोनिन।” 21 तै ज़ैखन जकर्याह ते स्वर्गदूत मन्दरे मां गल्लां लोरे थिये केरने त लोक मन्दरे बेड़र अंगेमां जकर्याहि बलगने लोरे थिये, तैना बड़े हेरान भोइजेइ कि जकर्याहि मन्दरे मां एत्रु विर किजो लाव। 22 ज़ैखन तै बेड़र निस्तो, तै कुजी न बटो ते तैन लोकेई बुझी छूट, कि एपी मन्दरे मां किछ दर्शन लाहेइ किजोकि तै इशारो केरतो थियो, पन कुजी न थियो बटो। 23 ज़ेइस यस्थलेम नगरेरो मन्दरे मां जकर्याहि एकी हफरोरे याजकेरी सेवारू कम पूरू भोवं, तै अपने घोरे जो च्छो जेव। 24 किछ वक्तेरां बाद तैसेरी कुआन्श एलीशिवा दोज़ींतीए भोइ, तै तै पंच महीन तगर बेड़र लोकन मां न जई। तैसां ज़ोव, 25 “प्रभुए मां पुड़ दया केरतां केत्रु महान

कम कियूं, ते अंव दोज़ींती भोइ, ते जैस गल्लरे वाजाई सेइं लोक मां घटिया समझाते थिये, तै गल दूर की।” 26 एलीशिवारे दोज़ींती भोनेरे शेइयोवं महीने जिब्राइल स्वर्गदूत परमेश्वरी तरफा गलील इलाकेरे नासरत नगरे मां, 27 एककी अडुलेई कुइये कां भेजो। तैसारी कुड़माइ दाऊदेरे खानदाने मरां एककी मट्टदे सेइं भोरी थी ज़ेसेरु नवं यूसुफ थियूं ते तैस कुइयरु नवं मरियम थियूं। 28 स्वर्गदूते तैस कां एइतां ज़ोव, “आनन्द तै ज़ीत तेरी भोए, तीं पुड़ परमेश्वरी बड़ी दया भोरीए, प्रभु तीं सेइं साथियो।” 29 मरियम स्वर्गदूतेरी गल शुन्हां परेशान भोइतां सोचने लगी एन केरहु नमस्कारे? 30 स्वर्गदूते तैस सेइं ज़ोव “हे मरियम, डर न, किजोकि परमेश्वरो तीं पुड़ बड़ो अनुग्रह भोरीए। 31 तू दोज़ींती भोली तीं अक मटू भोलू, ते तू तैसेरु नवं यीशु रेखों। 32 तैन महान भोलू ते तैस जो परमप्रधान परमेश्वरु मटू ज़ोलो, ते परमेश्वर तैस तैसेरे पूर्वज दाऊद राजेकु ज़ेरो राज़ो बनालो। 33 तै तै याकुवेरे खानदाने पुड़ हमेशा राज़ केरेलो, ते तैसेरु राज़ कथे खतम न भोलू।” (aiōn g165) 34 मरियमा स्वर्गदूते पुच्छू, “एन केन्वरे भोइ सकते? अंव त अडलाई आई।” 35 स्वर्गदूते जुवाब दित्तो, “पवित्र आत्मा तीं पुड़ उत्तेरो, ते परमप्रधान परमेश्वरी शक्ति तीं पुड़ सैयो केरेली एल्हेरेलेइ तै बच्चो ज़े ज़म्मेलो तै पवित्र भोलो तैस जो परमेश्वरु मटू ज़ोलो। 36 ते हेर तेरी रिशेदार एलीशिवाई भी बुढ़े बारे मटू भोने बालूए तैस जो लोक बांझ ज़ोते थिये, तैस दोज़ींती शा महीने भोरेन। 37 किजोकि परमेश्वरे लेइ किछ भी नमुकिन नई।” 38 मरियमा स्वर्गदूते जुवाब दित्तो, “अंव परमेश्वरी सेवा केरती जैन तीं ज़ोरूए तैन भोए।” तैखन स्वर्गदूत तैस करां च्छो जेव। 39 किछ दिहाइन पत्ती मरियम तियार भोइतां यहूदियोरे इलाकेरे एककी पहाड़ी नगरे मां जई। 40 ते जकर्याहि भोरे मां गेइता एलीशिवा जो नमस्कार कियू। 41 ज़ैखन एलीशिवा मरियमारु नमस्कार शुनू त बच्चो तैसेरे पेटे मां उछलने लगो ते एलीशिवा पवित्र आत्माई सेइं भेरीइ जैई। 42 ते बड़े ज़ोरे सेइं ज़ोने लगी, “तू कुआन्शन मां धन आस ते ज़ै बच्चो तीं ज़ांनोए ते भी धने। 43 ते मेरे लेइ बड़ी इज़जतरी गल आए कि, मेरे प्रभुएरी अम्मा मां कां आई! 44 किजोकि हेर ज़ेरि तेरे नमस्कारेरी आवाज मां शुनी त बच्चो खुशी सेइं मेरे पेटे मां छालां लगो मारने। 45 तू धन आस तीं तैन गल्लन पुड़ विश्वास कियो जैना प्रभुए तीं सेइं ज़ोई कि, तैना पूरी भोली।” 46 ते मरियमा ज़ोव, “अंव प्रभुएरी तारीफ़ केरती। 47 ते मेरी आत्मा मेरे मुक्ति देनेबाले परमेश्वरे सेइं खुशी भोइ। 48 किजोकि तैनी अपनि सेवा केरने बैलरी गिरोरी हालती पुड़ नजर की, अज़ेरां देइतां हर ज़मानेरो लोक मांजो धन ज़ोले। 49 किजोकि परमेश्वरे मेरे लेइ बड़ा-बड़ां कमां कियोरन ते तैसेरु नवं पवित्र भोए। 50 तैसेरी दया तैस करां डरेन बालन पुड़ पीड़ी-पीड़ी तगर राचे। 51 तैनी अपने शक्ति सेइं बड़ा-बड़ां कमां कियोरन तैनी घमण्डी तितर-वितर किये। 52 तैनी राजो राज ज़ेरो केरने करां रोके, ते तैनी नग्र लोकन आदर दित्तो। 53 तैनी नियने रोडी-रोडी चीजेइ सेइं रज़ाने ते धन दौलती बाले खाली हयेइ भेजो। 54 तैनी अपने वादे जैना तैनी इश्वरी दादन-पड़दादन सेइं कियोरे थिये याद किये, तैनी अपनि सेवा केरनेबाले इसाएली लोकां केरने मद्दत की, 55 तैनी हमेशारे लेइ अब्राहमे पुड़ ते तैसेरी औलादी पुड़ दया केरनि याद रख्खो।” (aiōn g165) 56 मरियम कोई ट्लाई महीन्यन तगर एलीशिवा सेइं साथी राई ते फिरी अपने वधोरो आई। 57 एलीशिवारो गल्ले बिश्नेरो वक्त एज्जी अंव ते तैस मटू भोलू। 58 तैसेरे आसेपासेरे रिश्तेदारेइ एन शुनू कि परमेश्वरे तैस पुड़ बड़ी दया कियोरिये ते तैस सेइं साथी खुशी मनाई। 59 अठोवं दिहाइ तैना मट्टोरो खतोनी केरने आए, ते तैना तैसेरु नवं तैसेरे बाजी केरे नव्वें पुड़ जकर्याह रखनू चाते थिये। 60 पन तैसेरी अम्मा ज़ोने लगी, “नई एसेरु नवं यूहन्ना भोलू।” 61 किछ तैस जो ज़ोने लगे, “तूशी खानदेनी मां कोई भी एस नव्वेरो नई।” 62 तैखन तैन लोकेई जकर्याहे पासे इशारे सेइं पुच्छू कि तू मट्टु नवं कुन रखनू चातास? 63 ते तैनी पटारी मगी ते तैस पुड़ लिखू, “एसेरु नवं यूहन्ना आए,” ते सब लोक हेरान रेझो। 64 तैखने तैसेरी ज़िभ खुल्ली ते जकर्याह गल्लां लगो केरने ते परमेश्वरी तारीफ़ केरने लगो। 65 ते आसे-पासेरे लोक एस तमाशे हेरतां हेरान रेझो, ते यहूदियोरे इलाकेरे

एककी पहाड़ी नगर मां एस गल्लरी चरचा भोने लगी। 66 ते शुन्ने बाले अपने-अपने मन्न मां सोचते थिये, “एन मटू बडू भोइतां केरहु भोनूए?” किजोकि परमेश्वरी शक्ति अज्ञानी देंतां एस सेइ साथीए? 67 तैखन तैसरो बाजी जकर्यह पवित्र आत्माई सेइ भेरोव ते भविष्यावाणी केरने लगो। 68 “प्रभु इसाएलेरो परमेश्वर थन भैए, किजोकि तैनी इडतां अपने लोकन मुक्ति दितोरिए। 69 ते तैसेरे दास दाऊदेरे घराने मरां इशो लेड अक मुक्ति देनेबालो भेजोरो। 70 (बडे पेइले जेन्नरे पवित्र नेबी केरे जिरिये ज्ञान शुरु करां देंते ओरुए।) (aion g165) 71 असां अपने दुश्मन करां ते बैर रखने बालन करां मुक्ति हासिल केराम। 72 ते तै इशो दादे पडादान पुड दया केरे ते अपनो पवित्र कराय याद केर। 73 तै करार जै तीं इशो पूर्वज अब्राहमे सेइ कियोरो थियो। 74 कि तै असन हिम्मत देलो, कि असां अपने दुश्मन करां बगैर केन्वी भी डो सेइ बेंवी सखम। 75 ते अपनि ज़िन्दगी तैस सोंफम ते सारी ज़िन्दगी पवित्रेह ते धार्मिकता ज़ीम। 76 ते हे बच्चां तु नबी भोलो किजोकि तू परमेश्वरे अग्नी-अग्नी चेलां लोकन तियाकेरेतो कि परमेश्वर एजनोए। 77 तै अपने लोकन तैन केरे पाप माफ केरेरे जिरिये मुक्तरे बारे मां ज्ञान देलो। 78 ते इशो परमेश्वरी दया एरी भोलो जेन्नरे दिहाडो लौ देते तैन्नरे मसीह खर्गोरां एज्जलो। 79 ताके तैन केरे लेड ज़ैना पापे मां ज़ीतन ते हमेशारे मसीतरे खतरे मां रातन लौ दे, ते तै असन बत हिराए ताके अस सुखे सेइ ज़िन्दगी ज़ीम।” 80 तैन मटू यानी यूहन्ना बेडोतो जेव ते आत्माई मां बद्धुतो जेव ते इसाएलेरो लोकन प्रचार केरने तगर सुनसान ठैरन मां राव।

**2** तैन दिहैडन मां रोम मुलखेरे महाराजे औगुस्तुसे एलान कियू कि, दुनियारे सारे मैनू केरि गिनती की गाए। 2 ए पेइली मैनू केरि गिनती थी, जै सीरिया इलाकेरे गवर्नर विकरिनियुसेरे वर्के मां भोइ। 3 ते सारे लोक, मैनू केरि गिनतरे लेड नवं लिखाने अपने-अपने पूर्वजां केरे नगर जो चले जे। 4 यूसुफ भी गलील इलाकेरे नगर नासरते मरां यहूदिया इलाके मां दाऊदेरे नगर बैतलहम मांजो चलो, किजोकि तै दाऊद राजेरे खानदाने मरां थियो। 5 ताके तैडी मरियामी सेइ साथी जैस सेइ तैसेरी कुडामाइ भोरी थी ते तै दोजीर्ती थी नवं लिखाए। 6 तैन केरे तैडी रेण्टां तैसेरो गल्हे विश्वनेरो वक्त अव। 7 ते तैस पेइलु मटू भोवं ते तैसां तैन फैल्हडी मां पलेटां खुरली मां रख्खू किजोकि तैन धर्मशाली मां कोन्व ठार न थी मैल्लोरी। 8 किछ पुहाल राती एककी इलबडे मांग बांवां केरो पैरहो केरेते थिये। 9 ते परमेश्वरी स्वर्गदूत तैन का बांदो भोव ते परमेश्वरी महिमारी लौ तैन केरे ब्रेवे पासन बलने लगी ते तैना बडे डेरि जे। 10 तैखन स्वर्गदूते तैन जो ज़ोवं, “डरा नन्ना, किजोकि अब तुसन अक बडी खुशखबरी शुनाने ओरोए, जै खुशी सैरी लोकां केरे लेड भोली। 11 अज बैतलहमे मां जैन दाऊद राजेरु नगर थियूं, तुशो लेड अक मुक्ति देनेबालो ज़रमोरोए यानी यीश मसीह प्रभु। 12 तैसरो तुशो लेड ए निशान भोलो कि तुसन अक मटू फैल्हडी मां पलेटूरु गलहरे बेइरु खुरली मां मैल्लू।” 13 ते अकदम तैस स्वर्गदूते सेइ होरे भी स्वर्गदूत बांदे भोए ते तैना परमेश्वरी तारीफ केरने लगे ते एन ज़ोने लगे, 14 “स्वर्ग मां परमेश्वरी महिमा भोए, ते ज़मीनी पुडू तैन मैनन शानित मैल्ले, जैन पुडू परमेश्वर खुरो।” 15 जैखन स्वर्गदूत पुहालां केरो सामने वापस स्वर्ग मांजो चले जे। पुहाल एप्प मांमें ज़ोने लगा, “एज्जा अस बैतलहम नगरे मां गाम जै बिस्तार प्रभुए असन दितोरोए तैस हेरम।” 16 एल्लेरेले दैत्या लूसी तैडूं चले जे ते तैडी पुजो ते सच्चे तैडी मरियम, यूसुफ ते निकडो बच्चो फैल्हडी मां पलेट्रोरो गोरू केरि गलहरे बेइरु खुरली मां मैल्लो। 17 ते पुहाल एन होरातो जै गल तैन एस बच्चेरे बारे मां ज़ोरी थी सेब्बन सेइ ज़ोने लगे। 18 पुहालां केरि गल्ला शुन्ता सारे लोक हैरान रेझे। 19 पन मरियम सैरी गल्लां अपने दिले मां रेखता सोचने लगी। 20 ते पुहालन जेन्नरे तैनी स्वर्गदूते ज्ञान थियूं तैनेह अपनि एछ्छेह तैन सब किछ लेडां परमेश्वरी तारीफ केरेते वापस घरजो चले जे। 21 अठोवं दिहाडे ज़ेइस तैसेरो खतनो केरसेरो वक्त अव तैसेरु नवं यीश रख्खू। एन तैन नवं आए, जैन स्वर्गदूत मरियमारे दोजीतीए भोने करा पेइले रख्खेह थियू। 22 जैखन मूसेरे कानूनेरे मुताबिक तैसेरे शुच्चे भोनेरे

दिहाडे पूरे भोए, त यूसुफे ते मरियमा यीश यूरुशलेम नगरे मांजो नीयो ताके तैस प्रभुए कां अर्पण केरन। 23 जेन्नरे प्रभुएरे कानूने मां लिखोरुए, “सारा पेइला मटूं परमेश्वरे लेड पवित्र भोलां।” 24 जेन्नरे प्रभुएरे कानूने मां लिखोरुए कि, “अक जोड़ी गयू केरि या कूबूरेरे दूर्व बच्चे बलिदानेरे लेड आन।” 25 तैस वक्ते यूरुशलेम नगरे मां अक मैनू थियो, तैसेरु नवं शमैन थियूं तै बडो धर्मी ते भक्त मैनू थियो, तै मसीह बलगने लोरो थियो, कि तै एज्जलो ते इसाएली लोकन शान्ति देलो, ते तैस पुड़ पवित्र आत्मा थियो। 26 पवित्र आत्मा तैस पुड़ बांदू कियू, कि जां तगर तू प्रभुएरे मसीह न लाएलो तांतगर न मरेलो। 27 तैस दिहाडे शमैन पवित्र आत्मा चलाव, तै आत्मिक शेक्कि सेइ मन्नरे मां अब तैखन यीश भी तैसेरो अम्मा बाजेह अन्तर आनोरो थियो, कि तैसेरोले इमूसेरे कानूनेरे मुताबिक कमाम। 28 त शमैने बच्चो कुम्मे मां दलतो ते परमेश्वरी तारीफ केरने लगो। 29 “हे प्रभु तीं जै अपनो वादो कियोरो अपने दासे आनन्दे सेइ मरने दे। 30 किजोकि मीं अपने एछ्छेह सेइ मुक्ति देनेबालो लाव, जै तीं सैरी लोकां केरे लेड भोजोरो। 31 जै तीं सैरी कौमां केरे सामने तियार कियोरो। 32 तै, परमेश्वर गैर कौमन पुड़ बांदो केरनरे लेड लौ आए, ते इसाएली लोकां केरे लेड अक बडी महिमा भोए।” 33 यीशुएरे अम्मा बाजी शमैनेरी एना गल्लां शुन्तां हक्के-बक्के भोए। 34 तैखन शमैने तैन बरकत दित्ती, ते तैसेरी अम्मा मरियम सेइ ज़ोवं, “हेरा, इन मटू एल्लेरेले ठहरावरो, कि इसाएले मां बडे लोकां केरे लेड नाश भोनेरी तै मुक्ति मैलनेरी बजा भोए, तै परमेश्वरी तरफां अक निशान आए पन बडे लोक तैसेरे खलाफ भोते। 35 ताके बडे दिला केरे खियाल खुल्ली गान ते तीं बडो दुख भोनोए जेन्नरे तलवार कटतीए।” 36 तैडी अक कुआन्श थी जै नबिन थी, तैसारु नवं हन्नाह थियूं अशेरे खानदाने मरां अक मैनू जेसेरु नवं फून्याल थियूं हन्नाह तैसेरी कुई थी तै बडी बुडी थी तै अपने इलाहेरो बाद सत साल अपने मुशी सेइ साथी रहोरी थी। 37 तै विधवा थी तैसारी उमर चूरासी साल थी तै मन्नरे मरां न थी गाती ते रात दिहैडी प्रार्थना ते कने बरतां रखती ते परमेश्वरी आराधना केरती रहती थी। 38 तैखन तै भी तैडी इडतां परमेश्वरे शुक्र केरने लगी ते बच्चेरे बारे मां तैन सेब्बन सेइ गल्लां लाई केरने, जैन बलगने लोरो थिये कि परमेश्वरे यूरुशलेम नगरेरे लोकन छुटानेरे लेड मसीह भेजनोए। 39 जैखन मरियम ते यूसुफे मूसेरे कानूनेरे मुताबिक यीशुएरो खतनो कियो, तैना गलील इलाके मरां अपने नगर नासरते माजो जे। 40 तैन मटू बडोतू जेव ते अकलमन्द भोतू जेव किजोकि परमेश्वरो तैस पुड़ बडो अनुग्रह थियो। 41 यीशुएरे अम्मा बाजी हर साल फ़सह तिहारेरी दिहाडी बनाने यूरुशलेम नगरे मां गाते थिये। 42 जैखन यीशु 12 सालां केरो भोव त तैना रीतरे मुताबिक यूरुशलेम नगरे मां जे। 43 जैखन तिहार बीतू त यीशुएरे अम्मा बाजी वापस घरजो आए त यीश यूरुशलेम नगरे मां रेझ जेव ते तैसेरो अम्मा बाजी कोई पतो न थियो। 44 तैनेह बुझू कि यीशु होरि मैनू सेइ साथी अग्रोव जोरोए, तैना अपने रिशेदासन ते जान पिशानी बालन मां तोपने लगे। 45 जैखन तैन यीशु न मैल्लो त तैना वापस तोपते-तोपते यूरुशलेम नगरे मां पुजे। 46 दलेड्योवं जेहाडे तैन यीशु मन्दरेरे अंगने मां बुजुर्ग लोकन सेइ गलबात केरतो ते तैन सेइ सवाल जुवाब केरतो मैल्लो। 47 जैना लोक तैसेरी गल्ला शुन्ते लोरे थिये तैना यीशुएरी गल्ला शुन्तां हैरान रेझे। 48 जैखन तैसेरे हाज बच्चेर्ह यीशु लाव त तैना हैरान रेझे ते जैने लगे, “मटूं तीं असन सेइ एन कुन कमाल? तेरे हाज बव तीं तोपते-तोपते परेशान भोइ जे।” 49 यीशु तैन सेइ ज़ोवं तुम्ह मीं किजो तोपने लग्गोरि थिये? “तुसन पतो नई कि मीं अपने बाजेरे घरे मां रानू ज़रूरी थियूं?” 50 पन तैन तैना गल्लां केरिसमझ न आई कि, एन केरो कुन मतलब आए। 51 तैखन तैन नवं आए अम्मा बाजी सेइ साथी नासरत नगरे मां अब ते अपने अम्मा बाजी कां राव ते मरियमा एना सैरी गल्लां अपने दिले मां रेख्यावी। 52 यीशु अकली मां भी ते कदे मां भी बेडोतो जेव ते परमेश्वरी ते इन्सनेरी कृपाई मां बद्धुतो जेव।

यहूदिया इलाकेरो गवर्नर थियो, ते गलीलेरे इलाके मां हरोदेस गवर्नर थियो, तैसेरो ढला फिलिप्पस इत्तरैया ते त्रिखोर्नीतिस इलाकां कैरो गवर्नर थियो, लिसानियास, अबिलेन इलाकेरो गवर्नर थियो। 2 तैस वक्ते हन्ना ते कैफा महायाजक थियो, तेद्दस परमेशरे जकर्याहरे मधु यूहन्ना सेंद गल्लां की। जैन सुनसान ठैरी मां रातू थियूं। 3 ते यूहन्ना यरदन दरियारे आसेपासेरे इलाकन मां गेंटां ई प्रचार करने लगो, कि अपने पापन करां मनकरिथ, ते बपतिस्मो नेथ ताके परमेशर तुशें पाप माफ करे। 4 जेन्वेरे यशायाह नेबेरी किताबी मां लिखोरुए, “सुनसान ठैरी मां फुकारने बालेरी आवाज एड्चे कि, ‘प्रभुएरी बत बनाथ ते तैसेरी बत्ता पैठी केरा।’” 5 दुग्धी ठांग सैंरी भेरोई गैनिन, हर अक पहाड ते चौडु बड़ोगोए ते जैना ट्लेढी बत्तन तैना सिधी केरनिन जैना उन्ही उवरिन तैना पैठी केरनिन। 6 ते सब लोक तैस हैले, जैन परमेशरे तैन मुक्ति देने भेजोरोए।” 7 ते यूहन्ना तैन लोकन सेंद ज़ोव, जैना जथन मां तैस करां बपतिस्मो नेने ओंवे थिये, “तुस जेरीले सपरे जेरे बुरे आथ! तुसन केनि ज़ोवं कि, एजनेबाले परमेशरे कोपे करां नशा? 8 बस्सा, सज़ाई करां बज्जरेरे लेड तैना कम्मां केरा, जैन सेंद पांते लगे तुसेई सज़्ज़ पापन करां मन फिरावरोए। ते अपने-अपने मने मां एन ज़ोथ कि, अब्राहम ज़ेन्वरे इश्शो बाजीए, किजोकि अवं तुसन सेंद जोताई कि परमेशर इन धोडन मरां अब्राहमेरे लेड औलाद पैदा केरि सकते। 9 ते हन्ना त बुट्टो केरे ज़ीलन पुडु परमेशरो मैक्कु रख्खोरोए, एलहेलेड ज़ी कोई तैस बुट्टो जेरो भोते, जै रोडो फल न दे, ते कैटनोए ते अगी मां छुनोणोए।” 10 लोकेई तैस पुच्छू, “फिरी असां परमेशरो सज़ाई करां केन्वरे बदम?” 11 यूहन्ना तैन सेंद ज़ोवं, “जैस कां दूध कुरतेन त अक कुरतो तैस देथ जैस कां अक भी नई ते जैस कां रोटी आए त ते भी रोटी बढे जैन का नई।” 12 ते धडत नेनेबाले भी बपतिस्मो नेने ओंवे थिये तैनेई तैस पुच्छू, “हे गुरु जी असां कुन केरम?” 13 तैनी तैन सेंद ज़ोवं, “जैन तुशी लेड सरकारी कानुनेरे हिसाबे सेंद रख्खोरुए तैस करां जादे धडत न नेइयथ।” 14 ते तैखन होरि सिपाहीए भी तैस पुच्छू, “असां कुन केरम?” यूहन्ना तैन सेंद ज़ोवं, “केन्ची पुडु जुलम केरतां बेहक न नेयथ, ते न केन्ची पुडु झांठो दोष लेइयथ, पन अपानि तनखुवाही पुडु गुजारो केरथ।” 15 तैखन लोक इंतजारे मां थिये कि, मसीह जल्दी एजनोए, ते सब लोक अपने दिले मां यूहन्नारे बारे मां सोचते थिये कि जै ओरोए ते मसीह आए या नई? 16 ते यूहन्ना तैन जुवाबे मां तैन सेंद ज़ोवं, “अवं त तुसन पैनी सेंद बपतिस्मो देताई पान ज़ी मीं करां महाने तै एजनेबालो आए। अवं तैसेरो गुलाम बेनतां तैसेरी जुडी केरे तसेमे भी खोलनेरे काबल नई। ते तुसन पवित्र आत्माई ते अगी सेंद बपतिस्मो देलो।” 17 तैसेरू छज्ज तैसेरो हथये मां आए ते तै खलाड़ रोडेचरे साफ केरेलो, ते गेहुं अपने कोठारे मां रखेलो पन झाड़ी तैस अगी मां फुकेलो जै कधी हिशनेरो न भोली।” 18 बस्सा तै बडे रोडेचरे लोकन समझौद्दितां परमेशरो खुशखबरी शुनातो राव। 19 हेरोदेस त्रेवरोंवे मुलखे पुडु राज केरतो थियो। यूहन्ना तै झिड़िकावरो थियो, कि हेरोदेस अपने ढला फिलिप्पुसेरी कुआत्स्थ हेरोदियास जै थी तैस सेंद इला कियोरो थियो, ते होरां भी बडां बुरां कम्मां कियोरां थियां। 20 हेरोदेस एन सेव्बन करां जादे बुरु कम कियु कि यूहन्ना कैद केरता छहु। 21 जैखन सब लोक बपतिस्मो नेने लोरे थिये त यीशुए भी बपतिस्मो नीयो, ते जैखन तै प्रार्थना लोरो थियो केरने, त ए भोव कि स्वर्ग खुल्ली जेव। 22 ते पवित्र आत्मा कवूतरेरी शकली मां यीशु पुडु उत्रो ते अभ्वरे मरां ई आवाज़ अई, “तु मेसू दलान मधु आस, अवं ती पुडु बड़ी खुश आई।” 23 जैखन यीशुए अपने सेवारु कम शैरु कियु त तैसेरी उमर 30 साल थी (ज़ेन्वरे समझौ गातू थियूं) एन यूसुफेलु मधू, ते तैन एलेलु 24 एली मत्तातेरु ते तैन लेवेरु ते तैन मलकेरो ते तैन यन्हेएरो ते तैन यूसुफेलु मधु थियूं, 25 ते तैन मत्तियाहोरु ते तैन आमोसेरो ते तैन नहूमेरु ते तैन असल्याहोरु ते तैन नगर्गईरु मधु थियूं, 26 ते तैन मत्तातेरो ते तै मत्तियाहोरु ते तैन शिमीएरु ते तैन योसेखेरु ते तैन योदाहोरु मधु थियूं। 27 ते तैन यूहन्नारु ते तैन रेसारु ते तै जरुब्बाविलेलु ते तैन शालांतयेलेलु ते तैन नेरेलु मधु थियूं। 28 ते तैन मलकीएरु ते तैन

अद्दीयेरु ते तैन कोसामेरु ते तैन एलमदामेरु ते तैन एरेलु मधु थियूं। 29 ते तैन येशूएरु ते तैन एलीएजेरो ते तैन योरीमेरु ते तैन मत्तातेरु ते तैन लेवेरु मधु थियूं। 30 ते तैन शमोनेरु ते तैन यहूदेरु ते तैन यूसुफेरो ते तैन योनरेलु ते तैन एलयाकीमेरु मधु थियूं। 31 ते तैन मलेआहेरो ते तैन मत्ततेरो ते तैन नातानेरो ते तैन दाळदेलु मधु थियूं। 32 ते तैन यिशेएरो ते तैन ओबेदो ते तैन बोआजेरो ते तैन सलमोनेरो ते तैन नहशेनेरु मधु थियूं। 33 ते तैन अम्मीनादाबेरु ते तैन अरनेरु ते तै हेसोनेने ते तैन पेरेसेरु ते तैन यहूदेरु मधु थियूं। 34 ते तैन याकूबेरु ते तैन इस्हाकेरो ते तैन अब्राहमेरु ते तैन तैरहोरो ते तैन नाहोरेलु मधु थियूं। 35 ते तैन सलुगेरो ते तैन रजाएरो ते तैन पेलेगेरो ते तैन एवेरेलु ते तैन शिलहेरु मधु थियूं। 36 ते तैन केनानेरु ते तैन अरफक्षेदो ते तैन शेमेरो ते तैन नहोरो ते तैन लेमेकेरु मधु थियूं। 37 ते तैन मथूरिलहेलै ते तैन हनोकेरो ते तैन यिरिदेरु ते तैन महललेलै ते तैन केनानेरु मधु थियूं। 38 ते तैन एनेशोरु ते तैन शेतेरु ते तैन आदमेरो ते तैन परमेशरेरु मधु थियूं।

#### 4

फिरी यीशु पवित्र आत्मा सेंद भरपूर भोइतां यरदन दरियाए मरां वापस अव त 40 दिहाडे पवित्र आत्मारे च्लाने सेंद सुनसान ठैरी जो च्लो जेव। 2 तैन 40 दिहाइन मां शैतान तैस अजामातो राव, तैन दिहैडन मां तैनी किछ न खाव पीवं ते जैखन तैन दिहाडे पूरे भोए त तैस ढ्लुख लग्गी। 3 शैताने तैस जो ज़ोवं, “अगर तु परमेशरेरु मधु आस त इन धांडन जो ज़ो कि एना रोटी बन।” 4 यीशु तैस जुवाब दित्तो, “पवित्रशास्त्रे मां लिखोरुए, ‘मैनु सिफ़र रोटेहुं सेंद ज़ीतो न राए।’” 5 फिरी शैताने यीशु एककी उच्चे पहाड़ पुडु धिन्ता जेव ते तैटुं एककी पले मां तैस तैटी दुनियारां सारा राज्ञां हिरां। 6 ते तैनी यीशु सेंद ज़ोवं, “एन सब किछ मेरे अथिकारे मां आए, ते एसेरी सारी धन दौलत अवं तीं देलो एन मेरे स्पुर्दे। अवं जैस चाताई तैस देड सकताई।” 7 बस अगर तु मीं कां मध्यो टेकस त एन सब किछ तेरु भोलू।” 8 यीशुए तैस जुवाब दित्तो, “पवित्रशास्त्र मां लिखोरुए, ‘तु सिफ़ अपने प्रभु परमेशरे कां मध्यो टेकतां ते सिफ़ तैसेरी भक्ति केरां।’” 9 ते तैनी यीशु यूरुलेलम नगरेरे मदरेरी उच्ची छम्पी पुडु नेद्दां खड़ो कियो ते तैस सेंद ज़ोवं, “आर तु परमेशरेरु मधु आस त अपनो आप इटुं उन्हो बछोड़।” 10 किजोकि पवित्रशास्त्रे मां लिखोरुए, “ते तेरे लेइ अपने स्वर्गतून ज़ोलो ते तैनी तेरी हफाज़त केरेलो।” 11 ते ‘तैन तीं अपने हथ्थन पुडु छुने ताके एरु न भोए कि तेरे पावन धोडन सेंद ठोकर लग्गे।” 12 यीशु तैस जुवाब दित्तो, “पवित्रशास्त्रे मां इन भी लिखोरुए तु अपने प्रभु परमेशरेरी अज़मैइश न केरां।” 13 जैखन शैताने तैसेरी बडे तरीकेरु अज़मैइश की, त किछ चिरेंरां बाद तैस करां च्लो जेव। 14 फिरी यीशु पवित्र आत्मारी शैक्षि सेंद भरपूर भोइतां गलील इलाके मां वापस अव, ते सारे इलाके मां तैसेरी मशुरी भोइज़ै। 15 यीशु तैन करे प्रार्थना धरन मां शिक्षा देतो राव, ते सब लोक तैसेरी तारीफ़ केरते थिये। 16 फिरी तै नासरत नगर मां वापस अव ज़ीडी तै पलोरो थियो। अपने रिरेत मुताबिक आरामेरे दिहाडे तै प्रार्थना धरे मां जेव ते वचन पढ्हेरे लेड खड़ो भोव। 17 ते तैस यथायाह नेबेरी किताब दित्ती ते तैनी खोलातां तैन वचन कूड़ ज़ीडी लिखेरु थियूं, कि, 18 “प्रभुएरी आत्मा मीं पुड़े, एल्लेलेड कि तैनी गरीबन खुशखबरी शुनातेरे लेड मेरु अभिषेक कियोरुए, तैनी अवं भेजोरी ईरु कि कैदन हथरां छेहु (जैना शैतानेरो कब्जे मां आन) ते कांवा केरि एल्लेल ठीक भोनी खबर शुरुई, ते जैन पुडु जुलम भोते तैन लोकन आजाद केरि�।” 19 ते तैस वक्तेरु एलान केरि ज़ेन्स परमेशर लोकन पुडु दया केरेलो।” 20 फिरी तैनी तै किताब बंद केरतां सेवके कां वापस देइतां बिश्वी जेव। जेवे प्रार्थना धरे मां थिये सब तैसेरां तकते थिये। 21 ते तैन सेंद जोने लग, “अज़ पवित्रशास्त्रेरु तैन वचन तुशें पूरू भोव।” 22 ते सब तैसेरी तारीफ़ केरने लगे, ते तैसेरी गल्लन पुडु बड़ो अनुग्रह थियो, जैना गल्ला तैसेरो ऐसोरा निसाती थी, ते लोक हैरान भोइतां जोने लग, “कुन एन यूसुफेरु मधु नहै?” 23 यीशु तैन सेंद जोने लगो, “ए कहावत तुस मीं पुडु जुलर ज़ोले, ऐकि है बेईद जी अपनो आप त ठीक केर, जैन किछ असेई कफरनहूम नगर मां केरतू शुनेरुए, तैन इडी अपने नगरे मां

भी केर।” 24 ते तैनी इन भी ज़ोवं, “अबं तुसन सें सच जोताईं, कि कोई नवी अपने मुलखे मां कबूल न कियो गए। 25 अबं तुसन सें सच जोताईं कि एलियाह नेबेरे वके मां ज़ैखन साडे ट्लाई साल अम्बर बंद भोवं (यानी झ़ड़ी न भोइ) ते इडी तगर कि सैरी मुलखे मां बड़ी काल पैरे जेव ते तैस वके बेडि विधाका कुआस्तां इसाएले मुलखे मां थी। 26 पन एलियाह नवी, तैन मरां केन्ची कां नई पन सैदा नगरे नेडे सारफत नगर मां एकी विधाका कां भेजो, जै यहूदी न थी। 27 ते एलीशा नेबेरे जमाने मां इसाएले मुलखे मां बडे कोडी थिये पन तैन मरां कोई भी कोडे करां साफ न थियो भोरा, पन सिर्फ अक सीरियारो रानेबालो नामान कोडे करां साफ भोरो थियो, जै गैर कौमी मरां थियो।” 28 ज़ेत्रे लोक प्रार्थना घरे मां थिये एना गलालं शुन्तां सारकी सें लाल-लाल भोइ जे। 29 ते खडे उट्टां तैस नगर करां बेदर निस्से ते तै तैस पहाड़ेरी ज्वौटी पुड़ थिन्तां जे ज़ैस पुड़ तैन केरु नगर आबाद थियूं ताके तैस तैटुं उन्डे बछोड़तां मारन। 30 पन यीशु तैन मरां निस्तां च्लो जेव। 31 फिरी तै गलील इलाकेरे कफन्हूम नारे मांजो जेव। ते आरामें दिहाडे तैन शिक्षा देने लग्गोरो थियो। 32 ते लोक तैसेरी शिक्षा शुन्तां हैरन रहते थिये किजोकि तैसेरी शिक्षा बडे अधिकरे सें थी। 33 प्रार्थना घरे मां अक मैन्हू थियो, ज़ैस पुड़ भूतेरो सायो थियो। तै बडे ज़ेत्रे सें चिन्डां मारने लगो। 34 “हे नासरत नगरे यीशु। असन तीं सें कुन कम? कुन तू असन नाश केरनेरे लेइ ओरोस? अबं ज़ानताई कि तू कौन आस, तू परमेशरेव पवित्र मटु आस!” 35 यीशुए तैस झिङ्क देहतां ज़ोवं, “चुप रा, एस मैन्हू मरां निस्सी गाव!” तैखन भूते तै मैन्हू ज़मीनी पुडु शैरी दित्तो, ते तैस मरां निस्सी जेव। 36 एन हेरतां सारे लोक बडे हैरन भोए ते एप्पु मांदें ज़ोने लगो, “ए कुन गल आए। तै अधिकरे ते शेक्कि सें भूतन हुक्म दैते ते तैना तैस मरां निस्सी गातन।” 37 ते सारे मुलखेरो मां चेवे पासन तैसेरी खबर फैली जेर्दि। 38 फिरी तै प्रार्थना घरे मरां उट्टां शमोनेरे घरे जेव ते शमोनेरी शिखी बडी भुखार थियो, ते लोकेई तैसारे बारे मां यीशु सें ज़ोवं। 39 तै खडी भोइतां तैसारे पासे फिरो ते बिमारी झिङ्की, ते तैसारो सारो भुखार उत्तरी जेव ते तै खडी भोइ, ते तैन केरि सेवा केरने लगी। 40 ज़ैखन दिहाडी लाई डुबने ते लोकेई तैन सब लोक ज़ैन मां किसमां-किसमां केरि बिमैरी थी तैस कां आने, ते यीशुए तैन पुड़ हथ रेखतां तैन सब बज़़ागाए। 41 भूतां भी चिन्डां मारतां थियां, ते ज़ोतां थियां, “तू परमेशरेव मटुस!” ते बडे लोकन मरां भूतां केरे सैयो निस्सी जेव, ते तै तैन झिङ्कतो थियो, ते तैन गल भी न थियो देतो केरने, किजोकि तैन भूता ज़ानतां थियो कि ए मसीह आए। 42 ज़ैखन झेझ्डा भोइ तै यीशु उट्टां बेदर एकी सुनसान ठैरी मां जेव, ते पतोरां सारे लोक तैस तोपते-तोपते तैस कां पुजे ते रोकने लगे कि तू असन करां न गा। 43 पन यीशुए तैन सें ज़ोवं, “मीं होरि नगरन मां भी परमेशरेरो राजजेरी खुशखबरी शुनानी ज़रूरी किजोकि अबं एलहेरेलेइ भेजोरोई।” 44 ते तै यहूदिया इलाकेरे प्रार्थना घरन मां प्रचार केरतो राव।

**5** एकी दिहाडे यीशु गन्नेसरतेरे समुन्दे बन्ने पुड़ खेड़ोरो थियो, ते बडे लोक तैस कां करां परमेशरेव वचन शुनेरे लेइ ते उडे विछुली गाते थिये। 2 तैनी दूड़ किश्ती बने लेगोरी लेइ, ते मेछली ट्लानेबाले किश्ती ड्लेखी छेडतां अपना जालां धोने लग्गोरो थिये। 3 यीशु एकी किश्ती मां च्हाडे ते किश्तरे मालिके शमोने सें ज़ोने लगो, तुस किश्ती इटुं बने पुडेरां नेइता थोड़ी दूर लाथ। फिरी यीशु किश्ती मां विश्तां तैन लोकन उपदेश देने लगो। 4 ज़ैखन तैनी लोकन शिक्षा दित्ती तै शमोने सें ज़ोने लगो, “तुस किश्ती दुर्घाई ठैरी च्लाथ ते मेछली ट्लानेरे लेड जाल छडा।” 5 शमोने जुवाब दिदो, “हे गुरु, असेई सैरी राती तरले कियोरन ते अक मछली भी नई ट्लेड्योरी, पन असां तेरे ज़ोने सें हाल छुडतम।” 6 आखर्कार पतरस ते तैसेरे सैथेईं ज़ालां छैडी दित्ता ते एत्री मेछली लेगि, कि ज़ालां छिन्नोइत्ता मेछली बेरेवं निस्सने लेगि। 7 तैखन तैनेरी अपने सैथन जो ज़ैना होरि किश्ती पुड़ थिए, इशारो कियो कि एज्जा इश्शी मद्दत केरा, ते तैना भी आए ते किश्ती मेछली बैद्ध किश्ती डुबने लगी। 8 शमोन पतरस एन हेरतां

यीशुएरे पावन पुड़ पेहुतां ज़ोने लगे, “हे प्रभु, अबं पापी मैन्हू आईं तू मीं करां दूर भो!” 9 गल ए थी कि तै तैसेरे साथी एत्री मेछली लेइतां हैरान भोइ ज़ोरे थिये। 10 तेरहो हाल जेव्वेरे मट्टा केरो याकूब त कने यूहन्नारो भी थियो, ज़ैना शमोने सें साथी थिये, यीशुए शमोने सें ज़ीवं, “डर नन्ना अज़ज़ेरे बाद त मेछली ट्लाने बालो नई, बल्के मैनन अकोडे केरतां मेरे चेले बनानेबालो भोलो।” 11 तैनेरी किश्ती ड्लेखी एन्तां लेई, ते अपनु सब किछ छेडतां यीशु पती चले जे। 12 ज़ैखन यीशु एकी नगर मां थियो, ते एरु भोवं कि तैडी अक मैन्हू थियो, ज़ेसेरे सैरी जानी कोढ थियूं तैनी यीशु लाव, ते तै ज़न्धु केरे भोर बिश्तां तैस कां मिन्नत केरतां ज़ोने लगो, “हे प्रभु तू चास त मेरु कोढ बड़ेइ सकतस।” 13 यीशुए अपनो हथ तैस पुड रख्खो ते ज़ोवं, “अबं चाताईं, तू बज़़ोसो।” ते तैखने तैसेरो कोढ साफ भोइ जेव। 14 तैखन यीशुए तैस मैन्हू हुक्म दित्तो, “हेर, एसेरे बारे मां केन्वी सें इ किछ न ज़ोइयां। बल्के अपनो आपे याजके हिरा। तैला पती, तू अने बेज़ोरो वर्जाई सें चढ़तल चाढ, ज़ेसेरे बारे मां मूसा नेवे कानूने मां हुक्म दितोरो। ताके लोकन पतो चले कि तू बेज़ोरोसो।” 15 पन यीशुएरे बारे मां सेव्बन पतो लगो ते लोक दूररे देंते एज्जने लगे ताके यीशुएरी गल्ला शुन कने अपनि बिमैरन करां बेज़ोन। 16 पन यीशु जादे केरतां सुनसान ठैरी च्लो गातो थियो, ते प्रार्थना केरतो रातो थियो। 17 एकी दिहाडी एरु भोवं कि यीशु शिक्षा देने लग्गोरो थियो, ते तैखन किछ फरीसी ते शास्त्री लोक ज़ोते थिये, तैना गलील इलाके ते यहूदियारे सैरी इलाकन मरां यश्शलेम नगरे मां आरे थिये; ते परमेशरेरी शक्ति यीशु सें साथी थी, ते बिमार बेज़ोइतां गाते थियो। 18 किछ मैन्हू अक अधर्गी मैन्हू खट्टी पुड़ छुइतां आनोरोए थियो, ते तैना कोशिश लगे केरने कि एस अन्तर नेइता यीशु कां पुजाम। 19 पन अन्तर एरी तैंगी थी कि तैना अन्तर न गेइ सके फिरी तैनेरी तैस घरेरी छत पुट्टी ज़ैस घरे मां यीशु थियो, ते खट्टां सने ते अर्धर्गी मैन्हू अन्तर यीशुएरे तुरते अगर ओसालो। 20 यीशु तैन केरो विश्वास हेरतां ज़ोवं, “हे दोस्त तेरे पाप माफ भोए।” 21 शास्त्री ते फरीसी लोक सोचने लगे, “ए कौन मैन्हू आए, जै परमेशरेरी तुहीन केरते, परमेशरेरो अलावा कौन पाप माफ केरि सकते?” 22 यीशुए तैन केरि गल्ला बुझी ते तैन जुवाब दित्तो, “तुस अपने-अपने मने मां एन्चरा किजो सोचने लग्गोरेथ? 23 कुन ज़ोनू सुख्तुपु, “तेरे पाप माफ भोए,” या एन ज़ोनू ‘उठ, ते च्ल फिर?’ 24 पन तुसन पतो लगे, मैनेरे मट्टे ज़मीनी पुड़ पाप माफ केरनेरो अधिकरे,” फिरी यीशुए तैस बिमारे जो ज़ोवं, “अपनि खट सल्ल ते घरजो च्लो गा।” 25 तै अधर्गी बिमार मैन्हू सेल्ही केरे सामने ते खेडे उठो ते ज़ैस खट्टी पुड़ तै झुलोतो थियो, अपने दोगे पुड़ छुइतां परमेशरेरी बड़याई केरतो-केरतो घरजो च्लो जेव। 26 तैना सारे लोक हैरान राए ते परमेशरेरी तारीफ केरने लगे ते कने ज़ोने लगे, “ए त असेई अज़ नव्वी गल लाई।” 27 एना गलालं बीतनेरां बाद यीशु तैटुं निस्सो, ते एकी चुंगी चिन्हे बाले कां च्ले जेव, तैसेरु नवं लेवी थियूं ते तै चुंगी नेनेबाले दफतरे मां विश्वरो लाव, ते यीशुए तैस जो ज़ोवं, “तू मीं पती चल ते मेरो चेलो बन।” 28 तै तैखने यीशु पती चले जेव। 29 ते फिरी लेवी यीशुएरे लेड अपने घेर अक बडी धाम दित्ती। ते तैडी चुंगी नेनेबाले ते होरे भी बडे लोक थिये जैना तैस सें साथी रोट्टी खाने बिश्वरी। 30 फरीसी लोक ते शास्त्री यीशुएरे चेलन सें ज़ोने लगे, “तुस चुंगी नेनेबालन ते पापी लोकन सें साथी किजो खातथ पीतथ?” 31 यीशुए तैन सें ज़ोवं, “बिमार डाक्टररी ज़रूरत भोचे, न कि सङ्गर लोकन। 32 अबं धर्मी लोकन नई, पन पापी लोकन कुजाने ओरोई किं, तैना अपने पापन करां मन फिरान।” 33 तैना लोक यीशु सें ज़ोने लगे, “पूहन्नारे चेले त बरत रखतन ते प्रार्थना भी केरतन ते एन्नरे फरीसी लोक भी केरतन, पन तेरे चेले त खातन पीतन?” 34 यीशुए तैननु जुवाब दित्तो, “द्लाएरे दिहाडे, कुन लाडो ज़ैखन लाडो तैन केरां अलग कियो गालो (यानी मारो गालो)। तैन दिहाडे मां तैना (अपने दुख्खेरे वर्जाई सें) बरत रखवेले।” 35 पन तैना दिहाडे एकी यीशु तैलोई तैस मरां होरु भी छिंदेली, ते कने पुराने सें तै मिले भी

नन्ना। 37 नंवो दाढ़ारो रस पुरैनी मसकी मां कोई न छँडे, नन्ना त नंवे दाढ़ारो रस सेइं मसक भी फैट्टी गाचे, ते दाढ़ारो रस भी डुल्ली गाते, ते तै मसक भी बरबाद भोचे। 38 किजोकि नंवो दाढ़ारो रस नव्वी मसकन मा भरोरो लोडेते। 39 कोई मैन्हु पुरानो दाढ़ारो रस पीतां नव्वों न पीनो चाए, किजोकि तै ज्ञोते कि पुरानो दाढ़ारो रस जादे रोडेण।”

**6** एककी फेरे यीशु त तैसेरे चेले आरामेरे दिहाडे ऊडारन मांसेइं एककी बत्ता च्चालोरे थिये, ते तैसेरे चेले शिल्लता हथेइ सेइं प्रोडांत खाने लग्गे। 2 एन लेइतां किछ फरीसी लोकैइ तैन क्षेत्र सेइं ज्ञोवं, “तुस एन कम किजो लोरेथ केरने, जैन आरामेरे दिहाडे केसू जेइज नई?” 3 यीशुए तैन जुवाब दित्तो, “कुन तुसेइं पवित्रशास्त्रे मां कधे नई पढ्हेऱ कि जेइस इश्शो पूर्वज दाऊद राजो त तैसेरो साथी ढुल्खोरे थिये त तैनेइ कुन कियेऱ थियुं? 4 तैनेइ केन्वरे परमेश्वरे घेरे मां गेइतां चैदोरी रोटी खोरी थी, ते अपने सैथन भी दितोरी थी। तैना रोटी खैनी सिफ याजकां केरे लेइ जेइज थी।” 5 फिरी तैने तैन सेइं ज्ञोवं, “मैनेरु मटू यानी अवं आरामेरे दिहाडेरो भी प्रभु आई।” 6 एककी बार यीशु प्रार्थना घेरे मां गेइतां उपदेश शुनेइ राहाहो थियो, ते तैस भी आरामेरे दिहाडी थी तैडी अक मैन्हु थियो, जैसेरो देइनो हथ शुक्कोरो थियो। 7 शास्त्री त फरीसी लोक यीशुरी ताके मां थिये कि आगर यीशु आरामेरे दिहाडे केन्वी बङ्गालो त असन इलजाम लानेरो मौको मैलनोए। 8 पन यीशु तैन केरे बारे मां सेमझी जेव, यीशुए तैस शुक्कोरे हथथेवाले मैन्हु सेइं ज्ञोवं, “मङ्गाटे खडे भो।” तै खडो भोव। 9 तैखन यीशु तैन सेइं ज्ञोवं, “अवं तुसन पुछ्हतां कि आरामेरे दिहाडे भलाई केरनि रोडाए या बुराई केरनि रोडाए, मैनरी जान बङ्गानी या मारनी?” 10 ते तैनी चेवे पासाना तैन केरा तक्कू ते तैस मैन्हु जो ज्ञोवं, “अपनो हथ हिरा।” तैनी मैने अपनो हथ अग्रोतं कियो। त अकदम तैसेरो हथ बेज्जोव। 11 पन याजकन त फरीसन बडी सरक अई तैना एप्पू मांसेइं बेस केरने लगे, कि असां यीशुए सेइं कुन केरम? 12 तेइस एरु भोव कि यीशु प्रार्थना केरनेरे लेइ एककी पहाडे पुड़ चडो, ते सैरी राती परमेश्वरे कां प्रार्थना केरतो राव। 13 जैखन ट्लेकडाने लगू त तैनी अनेने चेले एप्पू कां कुजाए ते तैन मरा 12 प्रेरित चुने। 14 अक शमैनैं जैस जो पतरस भी ज्ञोते थिये तैसेरो ढला अनियास, याकूब, यूहना, फिलिप्पुस, बरतुल्मै, 15 मत्ती, थोमा, हलफर्इल मटू याकूब, ते शमैनैं जैस जो जेलोतेस ज्ञोतन। 16 ते याकूबेल मटू यहूदा ते यहूदा इस्करियोती ज्ञी तैसेरो टलुवाने बालो बनो। 17 तैखन यीशु तैन सेइं साथी चौरस टैरी मां खडो भोव, ते तैसेरे चेले भी तैडी अकोडे भोए ते सारे यहूदिया ते यस्शलेम नगरन त कने सूर ते सैदारे आसेपासेरे लोक समुन्नरे बन्नेरे बडे लोक जैना तैडी थिये। 18 एन लोक यीशु करा जान शुन्ने ते अपनि-अपनि विमेरी तैस कां बङ्गाने औरे थिये, ते जैन लोकन पुड़ भूतां केरे सैये सेइं दुखे मां थिये तैना भी बेज्जोइ जे। 19 सब लोक तैस सेइं हथ लानेरी कोशिश केरते थिये किजोकि तैस मां शक्ति थी जैस सेइं तैना बेज्जोते थिये। 20 तैखन यीशु अपने चेतां केरे तकने लगो ते जैने लगो, “परमेश्वर तुसन बरकत देलो जैना धुलुखोरे, किजोकि तुस रज्जनेथ, परमेश्वर तुसन बरकत देलो जैना अज्ञ लेरा देतथ, किजोकि तुसेइं हसनुए।” 22 “परमेश्वर तुसन बरकत देलो, जैखन मैनेरे मटू, यानी मेरे चेलो भोरे वाजाई सेइं लोक तुशी तुहान केरन, ते तुसन भाईज्ञारे करा कनारे छुडेले, ते तुसन बेइज्ञत केरेले, ते तुशु नवं केट्टी छुडेले।” 23 “तैस दिहाडे खुशी भोइतां उछडथ, किजोकि हेरा तुशी लेइ स्वर्ण मां बडु इनामे। तैन केरे दादे-पड़दादे नेबन सेइं भी एरो ज्ञोरो बताव केरते थिये।” 24 “पन अफसोस! तुसन पुड़ जैना दौलतमन्थ, किजोकि तुसन सब किछ मैलेरु।” 25 अफसोस! तुसन पुड़, जैन तुस चाते थिये, तुसन तैन मैल्लू, किजोकि तुस नियने भोले, अफसोस! तुसन पुड़ जैना अज्ञ हसतथ किजोकि तुस शोग केरेले ते लेरां देले। 26 पन अफसोस! तुसन पुड़ जैखन लोक तुसन जो भलू ज्ञान, किजोकि तुशी दादे-पड़दादेरी भी झाँठे नेबन सेइं एरो बताव कियोरो थियो।” 27 “अवं तुसन शुन्नेबालन सेइं ज्ञोताई कि अपने दुश्मन

सेइं प्यार केरा। जैना तुसन सेइं बैर रखतन तैन केरु भलू केरा। 28 जैना तुसन जो बुरु जोतन तुस तैन केरे लेइ बरकत मग्गा, जैन तुसन बेइज्ञत केरन तुस तैन केरे लेइ प्रार्थना केरा। 29 अगर कोई तुशी एककी खेखोडी पुड़ थप्पड बाहे त होरो पासो भी तैसेरे पासे रखा, ते अगर कोई तुशु कूट नेते त कमीज भी तैस देथ। 30 ज्ञै कोई तीं करा किछ मग्गे त तैस देथ अगर कोई तेरो सबाब नेते ते तैस करा वापस न मग्गा। 31 ते जेन्वेरु तुस चातथ कि लोक तुसन सेइं केरन तेन्वेरु तुस भी तैन सेइं तेरह केरा। 32 अगर तुस तैने सेइं प्यार केरथ जैना तुसन सेइं प्यार केरतन त तुशु कूट एवसाने? किजोकि पापी लोक भी अपने प्यार केरनेबालन सेइं प्यार केरतन। 33 अगर तुस तैन केरु भलू केरथत जैना तुशु भलू केरतन त तुशु कूट एवसाने? किजोकि पापी लोक भी अपने प्यार केरनेबालन सेइं प्यार केरतन। 34 अगर तुस तैने ओधार देतथ जैन करां तुसन वापस भी मैलनेरी उमीदे, त परमेश्वर तुशी बडाई किजो केरे? किजोकि बुरे लोक भी अपने प्यार केरनेबालन पेंसे देवन ताके तैन करां वापस मैलन। 35 पन तुस अपने दुश्मन सेइं प्यार केरा ते तैन केरु भलू केरा, ओधार देइयथ पन तैन करां वापस मैलनेरी उमीद न रेखथ, एल्लेरो स्वर्ण मां तुशी लेइ अक बडो फले, किजोकि तुस परमप्रधान परमेश्वरे बच्चे भोले, किजोकि ते परमेश्वर न मने बालन पुड ते जालमन पुड भी दया केरते। 36 जेरो दया दिल तुशी बाजी तेरहे दया दिल तुस भी थोंथा।” 37 “दोष न लाथ, तुसन पुड भी दोष न लग वालो, निन्दा न केरा, तुशी भी निन्दा न की गाली, तुस होरन माफ़ केरेले त तुसन भी माफ़ कियू गालू।” 38 तुस होरि किछ देले त तुसन भी किछ दित्तु गालू तुशु बरकतरु भांड जेन्वरे अनेरी हाटी हिलेइतां देतां तैन भी तेन्वेरु जैस हैटी सेइं तुस होरि केरे लेइ मिनतथ तैसेरे सेइं तुशी लेइ भी मिनेले।” 39 यीशुए तैन अक मिसाल शुनाई, “कुन कानो होरि काने बत हेईर्है सकतो? तैना त दुझे गढे मां विछुलेले? 40 चेलो अपने गुरु करा बडु न भोए पन हर एककी गल्ली मां जैखन सब शिखेलो त अपने गुरुरो जेरो भोलो। 41 तू अपने ढलाएरी एछुली मां कूडो किजो तकतस, पन तेरी एछुली मां त नग आए, ते तैसेरो तू खियाल भी न केरस? 42 तू अपने ढलाए केन्वरे जोई सकतस कि, “तेरी एछुली मरा कंडो केटी?” हे पाखंडी पेइले अपनि एछुली मरा नगा कढ फिरी अपने ढलाएरी एछुली मरा कूडो केटी सकतस।” 43 “किजोकि केन्वी भी रोडे बुटे बुरो फल न लगो ते न केन्वी बुरे बुटे रोडो फल लगो।” 44 हर बुट अपने फले सेइं पिशीनोते। किजोकि न झळन सेइं फैगु लगन ते न झळलन सेइं दाढ़ लगो। 45 रोडो मैन्हु अपने दिलेरे रोडे खजाने मरां बुरी चीजां कढते किजोकि जैन दिले मां भेरू भोले तैने जबानी पुड इतो।” 46 “जैखन तुस मेरे जोने पुड अमल न केरथ त मींजो, हे प्रभु, हे प्रभु!” किजो जोतथ? 47 ज्ञै मीं कां एडो ते मेरी गल्लां शुनां तैन पुड अमल केरते त अवं तुसन सेइं ज्ञोताई कि तै केरसेरो जेरो भोलो? 48 ते तैस मैनेरो जेरोए ज्ञैनी अपनू घर दुर्घी खाइ केढतां पेककी टैरी घर बनाव जैखन हडाई आई त तैस घर घेरे किछ न भोवं, किजोकि तैसेरी मुनीयाद पेककी टैरी थी। 49 पन ज्ञै मेरी गल्लां शुनां तैन पुड अमल न केरे त तै तैस मैनेरो जेरोए, ज्ञैनी अपनू घर रेती पुड बनाव ते जैखन हडाई अई त तैन घर डुल्ली जेवं ते तेबा भोडे जेवं।”

**7** जैखन तैनी लोकन एप्पी सब गल्लां शुनेइ छुडी, त तै कफरस्नहूम नगर मां अव। 2 तैडी केन्वी सूबेदारो अक ट्लारो सेवक बिमार थियो ते मरने बालो थियो। 3 तैनी यीशुरी मुशूरी शुनां यहूदी केरे किछ तुम्हारा तैस कां मिनत केरनेरे लेइ भेजे, कि तै एइतां मेरो सेवक बज्जाए। 4 तैना यीशु कां आए ते तैस कां मिनत केरने लगे, “तै इस काबले, कि तू तैसेरेले इन केरस। 5 किजोकि ते इश्शी कौमी सेइं बडी हमदरदी रखते, ते इश्श प्रार्थना घर तैनी बनेवराए।” 6 यीशु तैन सेइं साथी-साथी ज्ञानो जेव, पन जैखन तैस घरे नेडे उपजो त सूबेदारे होरि दोस्तन सेइं समाद भेजो कि, “प्रभु तकलीफ न केर, किजोकि अवं एस काबल नई कि तू मेरे घरे मां एज्जी सखत।” 7 एस्से वर्जाई सेइं अवं भी अपनो आप तीं कां एजनेरो काबल न सेमझी बल्के अपनि

जबानी सेइं जोस त मेरो नौकर बेज़ोड़ सकतो। 8 तै मैनूँ जोने लगो कि अवं भी केन्वरे अधिकारे मां काम केराई, ते सिपाही मेरे अधीन आन, ते जैखन एककी जो जोतां कि ‘गा,’ त तै गाते, ते होरि जो जोतां एई, त तै ‘एइते,’ ते अपने सेवके जो जोताई, ‘इन कम केर,’ त तै ‘केरते।’ 9 यीशु एन शुन्ता हैरान रेइ जेव, ते पत्रोवं लोकां केरे पासे लगो तकने जैना तैस पत्यती ओरे थिये तैन जो जोने लगो, ‘कि अवं तुसन सेइं सज्ज जोताई कि मीं इसाएल मुलखे मां इस गैर यहूदी मैनोरे जेरो मैनूँ नई लोवोरो जै मीं पुड़ एतो विश्वास केरो।’ 10 ते जैना लोक यीशु कां भेजोर थिये वापस जैखन घरे आए त तै सेवक बेज़ोरो लव। 11 थोड़े विरेरां पत्ती एह भोवं कि यीशु नाईन नव्वरे नगर मां चलो जेव, ते तैसेरे चेले ते होरे भी बड़े लोक तैन सेइं साथी थिये। 12 जैखन तैना नगरेरे फाटक पुड़ नेड़े पुजो, त हेरतन, कि अक मुद्दो बेइर जो चलेवरोए, ते तैन अपनि अम्माक अकके मटू थियु, ते नारेरे बड़े लोक तैस विधाव कुआन्शी सेइं साथी थिये। 13 एन लेइतां प्रभुए बडो तरस अव, ते तैस जो जोवं, ‘लेरा न दे।’ 14 फिरी यीशु नेड़े इतां शिडी सेइं हथ लाव, ते छुनेबाले रुके, ते यीशुए जोवं, ‘ए जवान, अवं तीं सेइं जोतां, खडो उठ।’ 15 तैखन मुद्दो उठो, ते गल्लां लगो केरने, ते यीशुए ते तैसेरी अम्मा सोफतां छड़ो। 16 इन हेरतां सब लोक डेरो जे, ते परमेश्वरी तारीफ केरने लगो, ‘अक महान नबी असन मां ओरोए, ते परमेश्वरे अपने लोकन पुड़ अपनि सिधी नजर रखोरीए। 17 एस्से गल्लरी वर्जाई सेइं ए खबर यहूदियरे ते आसेपासेरे सेब्बी मुलखन मां फैली जेई।’ 18 ते यूहना तैसेरे चेलैइ एन सैरी गल्लां केरि खबर दिती। 19 तैखन यूहना एन शुन्तां दुर्घ चेल कुजेइतां यीशु कां पुच्छने भेजो कि, ‘एजनेबालो तू आस, या असां होरि बलगम?’ 20 तैनेइ यीशु कां इतां पुच्छ, ‘असां यूहना बपतिस्मो देनेबाले तीं कां पुच्छने भेजोरेस, कि एजनेबालो तू आस, या असां होरि बलगम?’ 21 तैखन यीशुए बड़े लोक विमैरन ते तकलीफ, ते भूतन करा छुटाए, ते बडे काने लोकन एछलन लौ दिती। 22 यीशु तैन जोवं, ‘जैन किछ तुसेई लाहेरुए ते शुनेरुए गेइतां यूहना सेइं ज़ोथ, कि काने लातन, ते टोटे चलतन, ते कोहीं केरु कोहीं साफ भोते, ते टोंजुने शुन्तन, ते मुड़दे जीति भोतन, ते गरीबन खुशबबरी शुनाई गचो। 23 परमेश्वर तैस बरकत देते, जै मीं पुड़ शक न करे।’ 24 जैखन यूहनारे विस्तार देनेबाले लोक वापस चले जे, त यीशु यूहनारे बारे मां गवाही देने लगो, ‘तुस जंगले मां कुन हेरने जोरे थिये? कुन हवाई सेइं हिलत निरारे डाल? 25 त फिरी तुस होरु कुन हेरने जोरे थिये? कुन रोड़ा लगोरां लिगाइ बालो मैनु? हेरा, जैना मागा लिगाइ लाने बाले मैनु ते जैना एश केरनेबाले लोक भोतन। तैना राज महलन मां रातन, 26 त फिरी तुस होरु कुन हेरने जोरे थिये? कुन कोई नबी? हाँ, अवं तुसन सेइं जोताई, नबी करां बड़ो। 27 ए तै, जेसेर बारे मां लिखोराए, ‘हेर, अवं अपनो विस्तार देनेबालो तीं असी-अग्री भेजताई, जै तेरी बत अग्रोव तियार केरेलो।’ 28 यीशुए जोवं, ‘अवं तुसन सेइं सज्ज जोताई, कि जै कुआन्शन कारं जरमोरोए, तैन मां यूहना बपतिस्मो देनेबाले करां बड़ो कोई नहीं। पन जै परमेश्वरेरा राज़जे मां निकोडो, तै यूहना करां बड़ोए।’ 29 जैखन तैन लोकेई एन गल्ला शुनी त धडत नेनेबाले भी यूहना बपतिस्मो देनेबाले करां बपतिस्मो नेइतां परमेश्वर धर्मी मन्नो। 30 पन फरीसी लोकेई ते शास्त्री लोकेई तैस करां बपतिस्मो न नेइतां परमेश्वरी मर्जी अपने बारे मां टाली। 31 ‘बस्सा, अवं इस जमानेरे लोकां केरि मिसाल केस सेइं देई, तैना केसेरे ज्ञेन? 32 तैना तैन मट्टो केरे ज्ञेन जैना बाजारे मां विशोरां एककी होरि जो हक देइतां जोतन, ‘असेई तुशी लेइ वेश्वेई बजाइ, ते तुस न नच्चे, असेई शौग मनाव, पन तुसेई लेरां न दिती।’ 33 किजोकि यूहना बपतिस्मो देनेबालो न रोटी खांतो अव, न शराब पीतो अव, ते तुस जोतथ, कि एस पुड़ भूतेरो सैयो आए। 34 मैनेरु मटू खातू पीतू अव, ते तुस जोतथ, हेरा, ते पेटू ते शराबी मैनु, कोने धडत नेनेबाले ते पापी लोकां केरो दोस्त।’ 35 पन अकल अपने सेब्बी मट्टुन करां जादे सज्जी साबत भोइ।’ 36 फिरी केन्वे फरीसे यीशु कां मिनत की, कि मीं सेइं साथी रोटी खा, बस्सा, तै तैस सेइं साथी तैसेरे घरे जेव, ते तैस सेइं साथी रोटी खाने लगो। 37 त हेरा, अक बदचलन कुआन्श जै तैस नगरेरी थी

एन बुझतां कि यीशु फरीसेरे घरे रोटी खाने बिश्वोरोए, संगमरमरेरे एककी भाडे मां इत्र आनो। 38 ते यीशुएरे पावन कां नेडे लेरा देंती खडी भोइ, ते तैसेरे पाव एंखेई सेइं सेले ते अपने दोगोरे बालैई सेइं पोंछने लगी ते तैसेरे पावन फुम्मडी देने लगी कने पावन पुड़ इत्र लाव। 39 जैनी फरीसे यीशु कुजोरो थियो, तैनी एन लाव, त जोने लगो, ‘अगर ए मैनू नवी भोथो त बुझोथो कि जै कुआन्श तैस कां तै कैने ते ए केरि कुआन्शो? किजोकि ए बदचलने।’ 40 यीशु तैसेरे इन खियाल जैनतां तैस सेइं जोवं, ‘हे शमैन, मीं तीं सेइं किछ जोनूए।’ फरीसे जोवं, ‘हे गुरु जो।’ 41 यीशुए तैस सेइं मिसाल देइतां जोवं विद्वा कुआन्शी सेइं साथी थियो, एककी कां 500 दीनार, ते होरि का 50 दीनार थिये। 42 जैखन तैन कां देने जो किछ न राऊ, त तैनी शोहुकरे दुझने कर्ज़ो माफ़ कमाव। बस्सा, कौन तैन मरां जादे शोहुकरे सेइं प्यार केरेतो?’ 43 शवानै जुवाब दितो, ‘मेरे समझी सेइं त जैसेरो जादे कर्ज़ो माफ़ कियो।’ 44 यीशु तैस कुआन्शो पासे तेकातं शमैने जोवं, ‘कुन तू इस कुआन्शरां तकतस? अवं तेरे घरे अव, तीं मीं (रीतरे मुताबिक) पव धोने जो पानी न दिच्छु, पन इसां मेरे पाव एंखेई सेइं पव धोने दोगोरे बालैई सेइं पोंछो।’ 45 तीं मीं (रीतरे मुताबिक) फुम्मडी न दित्ती, पन एसां जैखनेरो अवं इडी ओरोई मेरे पवन फुम्मडी देनी न उडैई। 46 तीं मेरे दोगो पुड़ तेल न मल्लो, पन एसां मेरे पावन पुड़ इत्र मल्लो। 47 ‘एलहेरेलैइ अवं तीं सेइं जोताई कि, एसरो जादे पाप जैना एसां कियोरे थियो, माफ़ भोए, किजोकि एसां जादे प्यार कियो, पन जैसेरे थोड़े पाप माफ़ भोतन तै थोड़ो प्यार केरते।’ 48 यीशुए तैस कुआन्शी जो जोवं, ‘गा तेरे पाप माफ़ भोए।’ 49 एस गल्ली पुड़ जैना तैस सेइं साथी रोटी खाने बिश्वोरो थियो, अपने-अपने मरे मां सोचने लगे, ‘ए कैने जै पाप भी माफ़ केरतो, पाप त सिर्फ़ परमेश्वर माफ़ केरते?’ 50 पन यीशुए तैस कुआन्शी सेइं जोवं, ‘परमेश्वरे तू एलहेरेलैइ बचाई कि तीं मीं पुड़ विश्वास कियो, हुनी तू खुशी सेइं गा।’

**8 थोड़े विरेरां बाद एह भोवं यीशु अपने तैन 12 चेलेन सेइं साथी नगर-नगर ते डल्कें-डल्कें हंठतो ते प्रचार केरतो राव, ते परमेश्वरेरो राज्जेरी खुशबबरी शुनातो राव। 2 किछ कुआन्शां भी तैन सेइं साथी थी, जैन मरां भूता केरो संयो कठोरो थियो। ते जैन केरि विमैरी दूर भोरी थी, तैन केरां नंवां इना आन, मरियम जै मगदलीन डल्केंरी राने बाली थी, जैस पुडां सत भूता केरो संयो कठोरो थियो, 3 हेरोदेस रातोरे भण्डारी खोजेरी कुआन्श योअन्ना ते सूसन्नाता ते होरि भी काई कुआन्शां थी जैना अपनि जेइदात देइतां यीशु ते तैसेरे चेलां केरि सेवा केरती थी। 4 फिरी जैखन बडे लोक तैस कां अकोई भोए, जैस मां नगरां-नगरां केरे लोक तैस कां एइते थिये। यीशुए तैन मिसाल देइतां जोवं। 5 ‘एक्सां अक बीज़ बेनेबालो बीज़ बेने जो जेव। बीज़ बेते बार किछ बीज़ बत्तेरे इलेखी बिछुड़ ते अभरेरे चुड़ोलैई एइतां तैन बीज़ चुनू। 6 ते किछ बीज़ धोड़नबाली ज़मीनी पुड़ बिछुड़, ते लग्गु पन जल्दी शुक्की जेव, एलहेरेलैइ कि तैस पानी न मैलू। 7 किछ बीज़ कंटो केरे झौल्लन मां बिछुड़। जैखन तैडी बूटो लगो, त कंटो केरे झौल्लेई भी बेड़ोइतां तै बूटो दबे छुड़ो। 8 ते किछ बीज़ रोटी ज़मीनी मां बिछुड़, ते लग्गु ते शौव गुणा फल लगो,’ एन शुनेइतां तैनी तैन सेइं उच्ची आवाजी मां जोवं, ‘जै कोई समझान चातो, तै ध्याने सेइं शुने ते समझो।’ 9 तैसेरे चेलेन तैस पुड़, ‘एस मिसालरो कुन मतलवे?’ 10 यीशुए तैन जोवं, ‘तुसन परमेश्वरेरो राज्जेरे भेदां केरि समझा दितोरीए, पन अवं होरि लोकन मिसाल देइतां जोताई, ‘तैन तैन बार-बार शुनेले, पन मेरी गल न समझोले।’ 11 ‘एस मिसालरो ई मतलबे, कि बीज़ परमेश्वर वचने। 12 जैन मैनू परमेश्वरेरी गल्लां शुन्तन, तैन शैतान अकदम एइतां तैन मैनू केरे दिले मरां तैन वचन धिनी गाते, कि एक न भोए कि तैना विश्वास केरन तै तैन मुक्ति मैल्लो। 13 ते धोड़नबाले ज़मीनी मां बैवरू बीज़ तैने, जैना वचन शुनां खुशी सेइं मन्तन पन जील न छड़ने सेइं तैना थोड़े ज़िरे तैगर विश्वास रखन ते अज्ञमैइशरे मौके**

मुँड़ी गातन। 14 ते जैन झल्लन मां बीज़ झाड़ू तैना इना आन, जैना वचन शुन्तन, पन अग्रोवं च्लेलां किंक्र ते दैलत ते जिन्दगरो एशो-अशरती मां फैसी गातन ते तैन केरो फल न पवके। 15 पन रोड़ी ज़मीनी पुढ़ेरु बीज़ तैन, जैना वचन शुन्तन ते अमल भी केरतन, ते रोड़ेच्चारे दिले मां बसातन ते सबरी सेई फल भी लगते। 16 “कोई दीपो बैलांत केन्ची भांडे हैं ओडकांता न रखे, ते न खट्टी हैं रखे बल्के उच्ची ठैरी खतन ताके दीयो अन्तर एजने बालन लौ दे। 17 किंजोकि कोई एरी बीज़ छपोरी नई, ज़ी बांदी नई भोनी, ते कोई भेद छपोतो न रालो, पन सारो भेद बांदो भोलो। 18 बस्सा हुशार राथ, कि तुस केन्द्रे शुन्तन? जैस कां परमेशरेरी मर्जी समझनेरी इच्छा आए, तैस परमेशर जादे समझ देलो। पन जैस कां परमेशरेरी मर्जी समझनेरी इच्छा नई, तैस केरां थोड़ी जेरि समझ, ज़ै तैस कां आए, ते भी नी गाली।” 19 फिरी तैसेरी अम्मा ते तैसेरे ढला तैस कां आए, पन हच्छे मैनू केरि वजाई सेई तैस कां न पुजी सके। 20 ते यीशुए पतो दित्तो, “तेरी अम्मा ते तेरे ढला बेदर खडे आन ते तैना तीं सेई गल केरिन चातन।” 21 यीशुए तैन जुवाब दित्तो, “मेरी अम्मा ते मेरे ढला इना आन जैना परमेशरेरु वचन शुन्तन ते तैस पुड़ अमल भी केरतन।” 22 फिरी एककी दिहाडे एरु भोवं, कि यीशुए अपने चेलन सेई ज़ोवं, “एज्जा, समुन्द्रे पार गाम ते तैना किश्ती मां चेडांत समुन्द्रे पार चले जो।” 23 पन ज़ैखन किश्ती चलारी थी, ते यीशुए इल्ली जेव ते समुन्द्रे पुड़ बड़ो तूफान अव, ते किश्ती पैनी सेई भेरोने लगगे, ते तैन खतरो भोइ जेव। 24 चेलई ते बैंझेइतां तैस सेई ज़ोवं, “हे गुरु, असां मेरि गातम यीशु खडे उठो ते हवाई जो ते पैनी जो ज़ोवं, रुकी गाथ ते तूफान रुकी जेव।” 25 यीशुए अपने चेलन सेई ज़ोवं, “तुश्शो विश्वास कोरां जेव?” तैना डेरि जे ते हैरान भोइतां एप्पू मांगें ज़ोने लगे, “ए कौनै! ए हवाई त पैनी भी हुक्म देते ते तैना एसेरो हुक्म मन्तन।” 26 फिरी तैना गिरासेनी इलाके मां पुज़े, ज़ी गलील समुन्द्रे समाने पारे। 27 ज़ैखन तै बने पुड़ ओस्सो, त तैस नगरेरो अक मैनू मैल्लो जैस पुड़ भूतां केरो सायो थियो, ते तै बडे दिहाडे केरो देतो न लिगां लातो ते न घरे रातो थियो, बल्के कब्रन मां रातो थियो। 28 तैनी मैने यीशु लाव ते चिन्डां लांगो माने, ते तैसेरे सामने झुकांत ज़ोरे सेई ज़ोने लगो, “हे यीशु परमधान परमेशरो मट्टा! तीं मीं सेई कुन कमें? अवं तीं कां मिनत केरताई मीं दुख न दे।” 29 किंजोकि यीशु तैस भूते तैस मैनू मरां निसनेरो हुक्म देने लोरो थियो, एल्हेरेलै ते बडे बुरे तरीके सेई ढलेइता रख्खोरो थियो, ते लोक तैस कैबू केरेरे लेइ अग्री भी रसन ते शगलन सेई बैंधतां रखते थियो, ते तै तैन भी ढलोइतो थियो, ते भूत तैस मैनू ज़ंगले मां नेतू धियूं। 30 यीशुए तैस पुच्छू, “तेरु कुन नंव आए?” तैनी ज़ोवं “मेरु नंव फौज आए,” किंजोकि तैस मां बडां भूतां थियां। 31 ते तैनैही तैस कां मिनत की, “असन अथाह कुड़े मां गानेरो हुक्म न दे।” (Abyssos g12) 32 तैड़ी पहड़ी पुड़ अक सूरा केरो बड़ो धान थियो, ते तैनैही तैस का मिनत की, “असन एन मां गाने दे ते यीशुए गाने दितां।” 33 ते तैना भूतां तैस मैनू मरा निस्तां तैन सूरन मां चेलि जेरों, ते सूरां केरो सारो धान उत्त्रेही उन्हे छाला मैरता समुन्द्रे मां डुबतां मेरि जेव। 34 सूरां केरो चारनेवाले एन हेरता नेशी जे, ते नगर मां ते इलोवान मां एस गल्लरी खबर शुनाई। 35 लोक तै तमाशो हेरने आए, ते यीशु कां जैस मैनू मरां भूतां केरि फौजरो सैयो निसोरो थियो, तैनी लिगां लां ते होशी मां एहतां यीशु कां बिश्शोरो लाव ते डेरि जे। 36 ज़ैनैही तैना गल्ला पैदले लेवरी थी, तैनैही ज़ोवं, इस मैनू पुड़ भूतां केरो सैयो थियो ते ए कैन्चरे बेज्जोवो। 37 ते गिरासेनीयो इलाके मां चेव्रे पासां केरो लोक यीशु कां मिनत केरने लगगे, कि इट्टां चलो गा, किंजोकि तैना बडे डरे थियो, ते यीशु किश्ती मां बिश्तां वापस चलो जेव। 38 पन जैस मैनू मरां भूतां निस्सोरां थियां तै यीशु कां मिनत केरतां ज़ोने लगो, मीं एप्पू सेई साथी रख पन यीशुए तै भेजो ते ज़ोवं। 39 “अपने घरे चलो गा ते लोकन सेई ज़ो, कि प्रभु परमशरे तीं पुड़ दवा केरतां तेरे लेइ केबू बहु कम कियोरु। तैखन तै चलो जेव ते सारे नगर मां एस गल्लरो प्रचार केरनै लगो, कि यीशुए मेरे लेइ केबू बहु कम कियोरु।” 40 ज़ैखन यीशु वापस एज्जी राहोरो थियो, ते लोक बडे खुशी सेई तैस सेई मिले, किंजोकि तैना सब तैस बलगते थियो।

41 ते हेरा याईर नव्वेरो अक मैनू जै प्रार्थना घेरो अक प्रधान थियो, यीशु कां अव ते तैसेरे पावन पुड़ पेइता मिनत केरने लगो, “तू मेरे घेरे चल।” 42 किंजोकि तैसेरी अककुं कुई जै 12 सालां केरि थी, ते मरनेवाली थी। ते ज़ैखन यीशु चलोरो थियो, ते लोक तैस उन्हे बिछुड़ते थियो। 43 ते अक कुआन्श भी थी, जैस 12 सालां केरि खुन चलनेरी बिमारी थी। ते तैसां अपनो सारो जिन्दगरो पेंसोरो हकीमन कां अल्लाज़ेरो लेइ खर्च कियोरो थियो, ते तै केन्चरे हथथे ठीक न भोड। 44 तै कुआन्श यीशु पतोरां एइतां तैसेरे चोगे सेई हुरी, ते अकदम तैसेरी खुन चलनेरी बिमारी बेज्जोर्हो। 45 यीशुए ज़ोवं, “मेरे लिंगडे सेई केन्चरे हथ लाव?” ज़ैखन सब लोक इक्कार केरने लगे, ते पतरसे ते तैसेरे सैथी ज़ोवं, “ए गुरु, लोक तीं ढलांचने ते तीं उन्हे बिछुड़ने लारेन।” 46 पन यीशु ज़ोवं, “केन्चे मीं सेई हथ लोरोपे किंजोकि मीं पतो लगो कि मीं मरां शक्ति निसोरिए।” 47 तैखन तैस कुआन्शां हेल, कि अवं छेप्पी न बेटि, त तै डरती-डरती सामने अई ते यीशुएरे पावन पुड़ बिछुड़तां सैरी लोकों केरो सामने जोने लगी, मीं तीं सेई हथ लोरोपे, ते जेरो मीं हथ लोरोपे अवं अकदम बेज्जोरी। 48 यीशुए तैस कुआन्शी ज़ोवं, “हे कुईर्ह, तेरे विश्वासे तू बज्जाई ते खुशी सेई चली गा।” 49 यीशु एन हेजू ज़ोंतो थियो, ते प्रार्थना घेरेरे प्रधानरे तैटुं केन्चरे मैने एइतां ज़ोवं, “तेरी कुई भी जेरिए जैवरिए, हुनी गुरु तकलीफ न दे।” 50 पन यीशु एन शुन्तां जुवाब दित्तो, “न डर। सिर्फ मीं पुड़ विश्वास रख कुई बैंची गानीए।” 51 ज़ैखन तै तैस घेरे मां जेर, त तैनी पतरस यूहाना ते याकूब ते कुइयेरे हाज बवरेए अलावा होरो कोई अन्तर एजने न दित्तो। 52 सब लोक तैस कुइयरे लेइ लेरा देंत थिये, पन यीशुए ज़ोवं, “लेरां न देथ, ए कुई मूरोरी नई बल्के झुलोरोपे।” 53 लोक एन शुन्तां हसने लगे, किंजोकि तैना ज़ानते थिये कुई मेरि जेरिए। 54 पन यीशुए तैस कुइयरो हथ टैलाव ते ज़ोवं, “कुइये खडी उठ।” 55 ते तैसारे प्राण वापस एाए ते तै लूशी खडी भोइ, ते यीशुए तैन ज़ोवं, एस कुइये किछ खाने जो देथ। 56 तैस कुइयरे हाज बव हैरान रेइजे, पन तैनी तैन सेई समझेइतां ज़ोवं, जैन किछ इडी भोवं एन केन्ची सेई न ज़ोइयथ।

9 यीशुए अपने 12 चेले एप्पू कां कुजाए ते तैन शक्ति ते अथिकार दित्तो कि सैरी भूतन कठन ते बिमैरी दूर केरन। 2 ते यीशुए तैना परमेशरेरो राज्जेरो प्रचार केरने लेइ ते बिमार बेज्जानेरो लेइ भेजे। 3 तैनी तैन सेई ज़ोवं, “बत्तां जो किछ न नेडयथ, न सोटी न झोलो न रोटी न पेंसोरे ते न दुखोवं लिंगड़ा।” 4 जैस घेरे मां गाथ तै तैनी बिश्शी रेडयथ जां तार तुस तैस नगरे मरां न गाथ। 5 ते जैस नारेरो लोक तुसन कबूल न केरन तै तैस न नगर मरां गाते बार अपने पांवो केरि धूक ठुक्रकथ, ताके तैन पुड़ गवाही भोए।” 6 बस्सा, तैना चले जे, ते इलोवांचे-इलोवांचे गेइता परमेशरेरी खुशखबरी शुनाते, ते लोकन बिमैरन करां बेज्जाते चले जे। 7 मुलखेरो चेवरोवं हिस्से पुड़ हेरोदेस राजा राज केरतो थियो, तै एन सब शुन्तां डेरि जेर। किंजोकि किछ ज़ोते थिये यूहाना मुद्दन मरां ज़ीतो भोरोए। 8 ते किछ ज़ोते थिये एलियाह लेइहोरोए, ते किछ ज़ोते थिये नेबन मरां कोई ज़ीतो भोरोए। 9 पन हेरोदेसे ज़ोवं, “झूहनारी क्रोडी त मीं कट्टेवी थी, पन ए कैन आए, ज़ेरो बारे मां एरी जेरि गल्लां शुने मां एजने लोरिन?” ते हेरोदेस यीशु हेनेरी इच्छा की। 10 फिरी प्रेरितेही वापस एइतां जैन बिक्की ते यीशु शुनावं, यीशु सेई शुनावं, ते यीशु तैन अलग नेइतां बैतलैदा नवरे नगर मां चलो जेव। 11 ते बडे लोक तैस पत्ती चले, ते यीशु बडे खुशी सेई तैन सेई मिलो। ते तैन सेई परमेशरेरो राज्जेरी गल्लां केरने लगो, ते जैन बिमार ठीक भोनू चाते थिये, तैनी तैन बेज्जाए। 12 जैखन दिहाडी डुबने लगी तै तैन 12 चेलई यीशु सेई ज़ोवं, “एन लोकन भेजी छड एना कोस्कोई डैलोवान मां गेइता बिश्शान ते रोट्टारो इंतजाम केरन। किंजोकि असां गैर आबाद ठैरी आमा।” 13 तैनी तैन सेई ज़ोवं, “तुस्से एन किछ खाने जो देथ।” तैनैही ज़ोवं, “असन कां पंच रोटी ते दूर्द मेछलीन करां जादे किछ भी नई, पन असां गेइतां एन जैई रोटी मुल्ले धिनां आनतम, त इन भोइ बटतो।” 14 (किंजोकि तैन सेई ज़ोवं, “एन लोकन 50-50 मैनू केरि हुन्डी मां बिशाला।”)

15 ते चेलेई तैने कियूं ते तैना तेन्वरे विशाले। 16 तैखन तैनी तैना पंच रोट्टी ते दूर्द मेघली नी, ते अम्बरेरा तैकतां शुक्र कियूं, फिरी तैनी तैना रोट्टी द्वालैडी तै चेलन कां दित्ती, कि तैन विशालैरे लोकन खाने जो देन। 17 सारे मैन्हु खेड़तां रेज़ी जे। तैला पत्ती, यीशुएरे चेलेई बड़ोरे टक्कुन सेई 12 टोकरी भेर। 18 एककी बार यीशु अकैल्लो प्रार्थना केसे लोरे थियो, ते चेले भी तैस सेई थियो। यीशुए तैन पुच्छु, “कि लोक माँजो कुन ज्ञातन?” 19 चेलेई जुवाब दित्तो, “किछ ज्ञातन यूहन्ना बपतिस्मो देनेबालो, ते किछ ज्ञातन एलियाह, ते किछ ज्ञातन नेबन मरां कोई अक जींतो भोरोए।” 20 तैखन यीशु चेलन पुच्छु, “पन तुस मेरे बारे मां कुन सोचतथ कि अवं कौन आई?” पतरसे जुवाब दित्तो, “तू परमेशरेरो मसीह आसा।” 21 तैखन तैनी तैन ख्वबरदार केरतां जोवं, “कि ए गल केन्सी सेई न ज़ीयथा।” 22 यीशुए जोवं, “मैनेरे मध्येरे लेइ ज़स्सी आए, कि तै बडो दुःख ख़लैल, यहूदी लोकां केरे बुजुर्गन, प्रधान याजकन, ते शास्त्री तैस घटिया सेमझातां मारेन, ते तै ट्लेइयोव दिहाडे फिरी यीशुए तैन सेब्मन जोवं, “अगर कोई मां पत्ती एजनो चाए, त अपने आपेरो इक्कार केरे, ते रोज अपूर्व कूर्स छ्याए ते मां पत्ती च्याए। 24 किजोकि जै कोई अपनि जान बचानी चाते तै तैस गुवालो, पन जै मेरे लेइ अपनि जान गुवालो त तै तैस बचालो। 25 मैन्हु अगर सारी दुनिया हासिल केरे, ते अपनि जानरो नुकसान केरे, या अपनो आप गुवाए, त तैस कुन फैदो? 26 किजोकि अगर कोई मैन्हु मीं करां त कने मेरी गल्लन करां शरमाते, त मैनेरे मृठ यानी अंवं भी तैस केरां शरमालो। जैहस अंवं अपने बाजी केरि महिमा सेई साथी त कने पवित्र स्वर्गदूतन सेई साथी वापस एज्जलो, त तेइस अंवं तैस केरां भी शरमालो।” 27 “अवं तुसन सेई सच ज़ोर्हां कि जैना इडी खड़े आन, तैन मरां किछ मैन्हु एरे आन कि ज़ातगर तैना परमेशरेरो राज्जेरी शक्ति न हेरेले, तांतरां तैना न मरेलो।” 28 एन गल्ला केरे लगभग अठ दिहाड़ा बाट पतरस, ते यूहन्ना ते याकूब साथी नेहां एककी पहाडे पुड़ प्रार्थना केरने च्याए। 29 ते ज़ीखन यीशु प्रार्थना लोरो थियो केरने, त तैसेरी शकल बेदलोई जेर्ह, ते तैसेरा लिंगडां लोअरां जेरां चमकने लगो। 30 ते हेरा, मूसा, ते एलियाह, इना दूर्व मङ्गद तैस सेई गल्लां केरने लगो। 31 इना महिमा सेई साथी लेहोए, ते तैसेरे मरनेरी गलबात केरने लोरे थिये, जैन किछ यस्शलेम नगरे मां भोनेबालू थियूं। 32 पन पतरस ते तैसेरे साथी केरि एछ़डी निहली सेई गिरकी भोरी थी, ज़ीखन तैना वीडी, त तैनेई तैसेरी महिमा ते तैना दूर्व मङ्गद भी लाए, जैना तैस सेई साथी खड़े थिये। 33 ज़ीखन तैना तैस करां च्याले, त पतरसे यीशु सेई जोवं, “हे गुरु, दशू इडी रानु रोडोए, कि असां द्वालैडी डेरे बनाम, अक तेरे लेइ, ते अक मूसेरे लेइ, ते एलियाहरे लेइ।” तैस पतो न थियो, कि तै कुन लोरोए जैनो। 34 तै इन जोई राओरो थियो, तैन पुड़ बिदलार घिरी जेर्ह, ते ज़ीखन तैन केरे चेव्रे पासन बिदलारी घिरी त तैना डेरि जे। 35 तैखन तैस बिदलारी मरां अक आवाज अई, “एन मेरु द्लालू मृठ आए। ध्याने सेई एसेरी गल शुना!” 36 तै तैस आवाजी सेई साथी तैनेई यीशु अकैल्लो लाव, ते तैना चुप राए ते जैन किछ लाहेसु थियूं तैन केव्वी सेई न जोवं। 37 होरसां एरु भोव कि ज़ीखन तैना पहाडे पुड़ेरा उन्हे अोरे थिये, त बडे मैन्हु केरि भीड़ तैन कां आई। 38 ते हेरा, एककी मैने तैन लोकन मरां बडे जोरे सेई हक देइतां जोवं, “ए गुरु अवं तीं कां जोवले हथ केरतां कि मेरे मध्ये पुड़ दया केर, तैन मेरु अक्के मध्ये।” 39 ते हेर, अक भूत तैस अपने कब्जो मा केरतो, ते तैन अकदम चिन्नां मारते, ते कम्बने लगते, ते तैसेरे ऐशरां शैमफ निसचे, ते भूत तैस बडे बुरे तरीके सेई ज़ख्खी केरतां शारते। 40 ते मी तेरे चेलन का बिनती किपोरी थी, कि तैस कठन, पन तैना न केढी सके।” 41 यीशुए जुवाब दित्तो, “हे विश्वास न केरने बालाव ते ढीठ लोकव, अवं केइस तगर तुसन सेई साथी रेहलो ते तुश्शी झौल्लेलो? अपने मध्ये इडी आन।” 42 तै मसां ओरो थियो, त भूते तैन मध्यु मुरोडां शासु, पन यीशुए भूत झिडकतां कद्दु, ते तैन मध्यु बज़्जेडांता तैसरे बाजरे हवाले कियूं। 43 ते सब लोक परमेशरी बेडि कुदरती हेरतां हैरान रेझे, ते ज़ीखन सब लोक तैन कम्मा जैन यीशु केरतो थियो हैरान रहते थिये। त तैनी अपने चेलन सेई जोवं। 44 “मेरी इन गल्ला रोड़ेरो शुना किजोकि मैनेरु मध्यु

मैन्हु केरे हवाले भोने बालूए।” 45 पन यीशुएरी ए गल चेलां केरि समझी मां न आई, किजोकि तैन करां ए गल छपोरी थी। कि तैन न समझन, ते चेले एस बारे मां यीशु पुच्छने करा डरते भी थिये। 46 फिरी चेलन एपू मासेइ बड़ी बैंस भोइ, कि असन मां बड़ी कौन आए? 47 यीशु तैन केरि दिलेरी गल्ला बुझातां निकडो बच्चो आनो ते तै एपू कां खडु कियूं। 48 ते अपने चेलन सेई जोवं, “जै इस बच्चे मेरे नंवे सेई कबूल केरते, तै मीं कबूल केरते, तै जै मीं कबूल केरते, तै मेरे भेजने बाले कबूल केरते। किजोकि जै तुसन मां निकडे करा निकडोए तै सेब्मन करां बडुओए।” 49 तैखन यूहन्ना यीशु सेई जोवं, “ए गुरु, असई अक मैन्हु तेरे नंवे सेई भूतां केरो सैयो कदोता लाव, ते असई तैस ठाकू किजोकि तै असन सेई साथी मिलतां तीं पत्ती न च्यालो।” 50 पन यीशुए जुवाब दित्तो, “तैस न ठाका, किजोकि जै तुश्शे खलाफ नई तै तुश्शो पासे।” 51 ज़ीखन यीशुए उबरे नेरे दिहाडे पूरे भोने पुड़ थी त तैनी पक्के च्यारे यस्शलेम नगरे पासे गानेरो खियाल कियो। 52 ते एपू करां अग्री-अग्री किछ बिस्तार देनेबाले लोक भेजो। ते लोक सामरी लोकां केरे एककी ड्लोव्हें मां जो ताके यीशुएरे एजनेरी ठार तियारी केरन। 53 पन लोकेर्ह तै एजने न दित्तो, किजोकि तै यस्शलेम नगरे जो ज़लोरो थियो। 54 एन हेरतां तैसेरे चेले याकूब ते यूहन्ना जैने लगो, “हे प्रभु, कुन तू चातस, कि अस दुक्म देम, अम्बरेरां अग बखेनतां एन लोकन भस्म केरे?” 55 पन तैनी बेदलोइतां तत्कू, ते तैना ड्लिङ्के (ते जोवं, “तैस न ज़ानथ कि तै तुस कौस आत्मारे आथ।” 56 किजोकि मैनेरु मृठ लोकां केरे प्राणन नाश केरन लेइ नई बल्के बचाने ओरोए।” तैखन तैना हाँरी ड्लोव्हेरे पासे च्याले जे। 57 ज़ीखन तैना बत्तां च्यालेरे थिये, त केन्चे तैस सेई जोवं, “तू ज़ैडी-ज़ैडी भी गालो, अवं तीं पत्ती च्यालोलो।” 58 यीशुए तैस सेई जोवं, “लौई केरि कूठां ते अप्पेरे चुडोलू केरे आले भोतन, पन मैनेरे मध्ये यानी मीं कोई ठार नई ज़ैडी अवं झूल्ली सेक्वेंस।” 59 फिरी यीशु एककी हाँरि जो जोवं, “मीं पत्ती च्वल,” पन तैनी मैने जोवं, “हे प्रभु मीं घरे गानेरी अज़ाजत दे, मेरे बाजो मस्नेरां बाद अवं तैस देबतां एज्जलो ते फिरी तीं पत्ती च्यालो।” 60 यीशुए तैस जो जोवं, “जैना लोक आत्मिक तरीके सेई मर्हन तैन अपने मैन्हु मर्हन बेलगन दे, पन तू गा ते परमेशरेरो राज्जेरे बारे मां लोकन मां प्रवाचर केरा।” 61 एकके होरे भी जोवं, “ए प्रभु अवं तीं पत्ती च्यालो, पन ऐडेली मीं भेजो कि अवं अपने घेरबालन ज़ोई।” 62 यीशुए तैस सेई जोवं, “जै कोई हल्ली पुड़ हथ रेखतां पत्रोंवं किरतां तकते, तै परमेशरेरो राज्जेरे काबल नई।”

**10** ते इन गल्लां केरे बाद प्रभुए 70 होरे चेले ठहराए, कि तै ज़ैस-जैस नगर ते ठैरी तैनी एपू गानेरे बारे मां सोचोरु थियूं, तैडी दूर्द-दूर्द मैन्हु एपू अग्री भेजो। 2 ते तैनी तैन सेई जोवं, “पकोरी फसलरे जेरे बड़े लोक तियार आन जैना तैन परमेशरेरो राज्जेरे बारे मां जौन। एल्हेरेलैइ तुस फसलरे मालिके कां प्रार्थना केरा कि तै जादे कम केरनेबाले थोडे आन जैना तैन परमेशरेरो राज्जेरे बारे मां जौन।” 3 गाथ, अवं तुसन भैड़ूं केरे ज़ेरे गिदन मा भेजताई। 4 एपू सेई साथी न बेटवे, न झोलो, न बूत नेइथ्य, ते न बत्तां केन्ची जो नमस्कार जोड्यथ। 5 जेसेरे घरे मां गाथ त पैद्ले जोथ कि, “इस घरे मां शान्ति भोए।” 6 अगर तैडी एरे लोक जैना परमेशरेरी शान्ति चातन तैडी रहते भोलो, त तुश्शी शान्ति तैस पुड़ राली, नई तुश्शी शान्ति तुसन पुड़ एज्जली। 7 तैसेरे घरे मां राथ, ते जैन किछ तैन करां मैल्ले, तैने खाथ-पीथ किजोकि मज़दूर अपनि मज़दूरारो हकदार भोते, घरे-घरे न गेड्यथ। 8 ते जैस नगर मां गाथ, ते तैटुरे लोक तैसन अपने घरे मां नेन, त जैन किछ तुश्शी सामने रख्ख गाए तैने खाथ। 9 तैटुरे बिमारन बज़्जाथ, ते तैन सेई जोवं, “परमेशरेरु राज नेडे ओरुए।” 10 पन जैस नगर मां गाथ, ते तैटुरे लोक तैसन कबूल न केरन, त तैटुरे बज़ारन मां गेइतां ज़ोथ। 11 “कि तुश्शे नगरेरी धूड़ भी इश्शे पावन सेई जै लगोरीए अस तुश्शे सामने ठुक्कतम ते फिरो भी बुझा कि परमेशरेरु राज तुश्शे नेडे पुज़रुए।” 12 अवं तुसन सेई सच ज़ोताई, तैस दिहाडे तैस नगरेरी हालत सदोम नगरेरी हालत

झैल्लनेरे काबल भोली। 13 “हे खुराजीन! तीं पुड़ अफसोस! हे बैतसैदा तीं पुड़ अफसोस! कि एना चमत्कार मीं तुसन इड़ी हिराए अगर मीं एना कम्मा सूर ते सैदा मां हरेवरां भोथां, त तैन लोकैइ केइसेरे देते टाट पलेटत ते दोगे पुड़ माज़न छेड़तां पापन करां मनफिरावरो भोथो। 14 पन फिरी भी इन्साफेरे दिहाडे तुश्शो हाल सूर ते सैदारे हाले करां जादे बुरो भोलो।

15 ते हे कफरनहुम नगरेरे लोकव, कुन तुस नोचतथ कि स्वर्ग मां तुश्शी आदर भोनीए। ई तुस त नरके गाले जैडी पैपी लोकन सजा मैलेली! (Hades g986) 16 जै तुश्शी शुन्ते, ते मेरी शुन्ते जै तुसन घटिया समझाते तै मीं घटिया समझाते, ते जै मीं घटिया समझाते ते मेरे भज्जे बाले घटिया समझाते।” 17 तैना सतर चेले खुशी सेइं वापस आए, ते ज्ञोने लगे, “हे प्रभु तेरे नव्वे सेइं भूतां भी इश्शो हुक्म मन्तन।” 18 तैनी तैन सेइं ज़ीवं, “मीं शीतान एन्नरे बिछड़तो लाव जेन्वरे ब्रडक अम्बरेरां पेचे। 19 हेरा, मीं तुसन सप्पन ते बिज्जन डलेंच्चनेरो, ते दुश्मनेरी (शीतानेरी) सैरी शोकि पुड़ अधिकारे दित्तोरोए, ते केन्वी चीज़ी सेइं तुसन नुकसान न भोलो। 20 फिरी भी तुस इस गल्ली सेइं खुशी न भोइयथ कि भूतां तुश्शो हुक्म मेनचन, पन इस गल्ली सेइं खुश भोइयथ कि तुश्शु नव्वे स्वर्ग मां लिखोरुए।” 21 तैखन यीशु पवित्र आत्मा सेइं मधन भोव, ते ज्ञोने लगो, “हे बाजी, स्वर्वरे त धेरते प्रभु, अवं तेरु शुक्र केरताई, कि तीं इना गल्ला, अकलमन्द ते समझादारन करां छापेता रेख्खी, ते बच्चन पुड़ बेंदी की, हाँ, हे बाजी, किजोकि तेरी खुशी एसे मां थी। 22 सैरी चीज़ां में बाजेरी तरफां मेरे सुपुर्द कियोरिन, कोई होरो मठे न जाने, सिर्फ बाजी जानेते; कोई बाजी न जाने सिर्फ मठू जानते, या तै मैनू बाजी जानते जैस पुड़ मठू बांदो केरेचे चाए।” 23 तैखन तैनी अपने चेलां केरे पासे फिरो अकैल्ले मां ज़ीवं, “धन अन तैना एछड़ी जैना एना गल्ला हेरचन जैना गल्ला तुस लातथ, 24 किजोकि अवं तुसन सेइं ज़ोता, कि बडे नेबन ते राजा केरि खुवेइश थी, कि एना गल्ला हेरन, जैना तुसेई लेई, पन न लेई स्के, ते एना गल्ला शुन्त जैना तुस शुन्तथ पन न शुनी बेटि।” 25 एकसां यीशु लोकन शिक्षा देने लोरो थियो, ते हेरा, अक शास्त्री खड़ो भोव, ते इन ज़ोइतां तैस अज्ञाने लगो, “ए गुरु, हेमशारी जिन्दगी हासिल केरेने लेइ अवं कुन केरि?” (aiōnios g166) 26 तैनी तैस जुवाब दित्तो, “मूर्सेरे कानूने मां कुन लिखोरुए? तू केन्वरे समझतस?” 27 तैनी जुवाब दित्तो, “तू प्रभु अपने परमेश्वरे सेइं अपने सारे दिले, सैरी जानी सेइं, ते अपनि सैरी ताकती सेइं ते अपनि सैरी अकल सेइं प्यार रख, ते अपने पड़ोसी सेइं अपने बाराबर प्यार केर।” 28 तैनी तैस सेइं ज़ोवं, “तीं ठीक जुवाब दित्तो एन्ने केर, फिरी तीं हेमशारी जिन्दगी मैलेली।” 29 पन तैनी अपनो आप धर्म ठहरानें लेइ यीशु पुच्छू, “फिरी मेरो पड़ोसी कौनेते?” 30 यीशुए तैस मिसाल देइतां जुवाब दित्तो, “अक मैनू युरुशलेम नगरेन यीहो नारे जो चलोरो थियो, ते तै डैकेइं तैस पुड़ हमलो कियो, ते जैन किछ तैस कां थियू नेव। ते तैसेरा लिंगड़ा खील्ला, ते मारो कुट्टो ते ज़खी केरतां अधमरो बनेइतां तैडी जेरे छेड़तां चले जे। 31 ते एरु भोव कि, अक याजक तैस बत्तां च्छ्लोरो थियो, तैनी तै लव ते थरकतो तैसेरी महत केरेचे बगैर इलखमेइ निस्सो। 32 एन्वरे अक मन्दरे मां कम केरेबालो लेवी भी निस्सो, ते तैस लेइतां तै भी इलखमेइ निस्सो। 33 फिरी अक सामारी मुसाफर भी तैस बत्तां निस्सो, ते तैस लेइतां तैस बडा तरस अव। 34 ते तै तैस कां जेव, ते तैसेरे ज़खमन तोल मल्लो ते दाढ़ोरो रस लाव, ते तैसेरे ज़खमन पट्टी बंधी ते अपने गधे पुड़ चेढ़तां एककी धर्मशाली मां तैसेरी सेवा की। 35 होरसां तैनी दूर्दी दीनार केड़तां धर्मशालेरे मालिके कां दिले, ते ज़ीवं, “एसेरी हेगेश करां अगर जादे लगेले त अवं वैपसी पुड़ देलो।” 36 तेरे समझी मां एन ट्लेहन मरां कौन तैसेरो पड़ोसीए ज़ै डैकेइं ट्लातोरो थियो?” 37 तैनी जुवाब दित्तो, “जैनी तैस पुड़ दया की।” यीशुए तैस सेइं ज़ोवं, “गा, तू भी एरु केर।” 38 फिरी जैखन यीशु त कने तैसेरे चेले गेड़ रावरे थियो, त तैना एककी डलच्चें मां जे, ते मार्था नव्वेरी एककी कुआन्शां यीशु अपने घेरे नीयो। 39 ते मरियम नव्वेरी तैसेरी अक बेइन थी, ते यीशुएरे पावन कां विश्तां तैसेरी गल्लां शुनती थी। 40 पन मार्था किछ खास चीज बनेइ रावरी थी, ते यीशु कां आइ ते ज्ञोने लगी, “हे

प्रभु तुसन जरां भी खियाल नई कि, मेरी बेड्नां अवं कम केरनेरे लेइ अवं अकैल्ली छड़ोरी? ते एस जोथ, तै मेरी महत केरे।” 41 प्रभुए तैस जुवाब दित्तो, “मार्था, हे मार्था, तू बेंडि गल्ला केरे फिक्र केरित्स, 42 पन अक गल ज़र्लीए, मरियमा तै रोटो हिस्सी चुनोरोए, जै तैस करां कोई न नेइ सके।”

11 फिरी यीशु एककी ठैरी प्रार्थना लोरे थियो केरने। ते जैखन तैनी प्रार्थना की, त तैसेरे चेलन मारं एकके ज़ोवं, “हे प्रभु, जेन्वरे सूहना अपने चेलन प्रार्थना केरन शिखालोरिये तेन्वरे तू भी असन शिखाल।” 2 यीशुए तैन सेइं जोवं, “जैखन तुस प्रार्थना केरथ, त एन जोड्यथ, हे बाजी, लोक तेरी आदर केरन किजोकि तू पवित्र परमेश्वर आस। ते तेरु राज एज्जे।” 3 इश्शी रोज़ेरी रोटी असन दै। 4 इश्शो पाप माफ़ केर, किजोकि अस भी जैना इश्शो खलाफ बुराई केरतन, तैन माफ़ केरतम। अज़मैदीशीरे ज़िरिये असन पाप केरने न दे।” 5 फिरी यीशुए तैन सेइं ज़ीवं, “फर्ज़ केरा तुसन मरां केन्वरो अक दोस्त एथ्थी राती अपने दोस्ते ज़ोए, “तू मीं ट्लाई रोटी दै।” 6 किजोकि मेरो अक दोस्त बडे दोरें हंठतो मेरे कां ओरोए, ते मेरे कां रोटी नई, कि अवं तैस रोटी देइ सेखी।” 7 ते तै तैसेरो दोस्त अत्रां जुवाब दै, मीं दुख ने दे, हुनी त दार बंदे, मीं कां मेरे बच्चे झुलोरेन, ते अवं तीं रोटी न देइ सेखी। 8 अवं तुसन सेइं ज़ोताई कि, अगर तै तैसेरो दोस्ते तै तैस रोटी न दै, त तैसेरो दोस्तेरे बार-बार मिनत केरने सेइं ज़र्ल तैस रोटी देलो ते तैत्री रोटी केरि तैस ज़र्लत भोली देलो। 9 ते अवं तुसन सेइं ज़ोताई, मग्गा त तुसन दित्तु गालू। ते तोप्पा, त तुसन मैल्ली गालू। ते दार मुड़काथ, त तुश्शी लेइ खोल्लु गालू। 10 तैस मैल्ली गाते, ते जै कोई दार गुडकाते त तैसेरो लेइ खोल्लु गाते। 11 तुसन मरां कौन जेरो बाजी एरो भोए, कि जैखन तैसेरो मूर्द रोटी चीज़ां देसी ज़ानतथ त तुश्शो स्वगरो बाजी तैन, जैना तैस करां मगतन पवित्र आत्मा किना देलो।” 14 फिरी तैनी एककी लटे मरां भूतेरो सैयो कढो, जैखन भूतेरो सैयो निस्सो, त तै लटो गल्ला लगो केरने, ते लोक हैरान रेइजे। 15 पन तैन मरां किछ मैनेहै ज़ोवं, “ए त भूतां केरे गुरु शैतानेरे मद्दी सेइं भूतां कढतो।” 16 ते किछेहै अज़मानेरे लेइ तैस करां कोई अक अम्बरेरो निशान मग्गो। 17 पन यीशुए तैन केरे मन्नां केरे खियाल जैनतां तैन सेइं ज़ोवं, “जैस-जैस राज्जे मां फूट पेचे, तैन राज बनोरु न राए, ते जैस खानदाने मां फूट पेचे, तैत्री भी बनोरु न राए।” 18 अगर शैतान अपनि खलाफत एपू केरे, त फिरी तैसेरो राज केन्वरे रेइ सकते? फिरी तुस केन्वरे ज़ोतथ कि अवं शैतानेरे मद्दी सेइं भूतां कढतो। 19 अगर अवं शैतानेरी मद्दी सेइं भूतां कढतो तै तुश्शी औलाद केरो मद्दी सेइं कढतो? तैना तुश्शो फैसलो केरेबाले हाकिम भोले। 20 पन अगर अवं परमेश्वरे शक्ति सेइं भूतां कढतो तै परमेश्वरे राज तुश्शे नेडे पुजोरुए। 21 जैखन कोई जेरोबाले मैनू अपने घेरो पैरहो केरते, त तैसेरु सब किछ बंचेऱ रहते। 22 पन जैखन तैस करां कोई निगर मैनू तैस पुड़ हमलो केरते त तैस अपने कबड्डो मां केरता तैसेरे सारी जेइदाद लटी गाते। 23 जै मीं सेइं साथी नई तै मेरे मुखालफे, ते जै मीं सेइं साथी अकोदू न केरे ते तै खिलातो। 24 “जैखन केन्वी मैनू मरां भूत निसेते तैन शुक्रकोरो ठैरन मां आराम तोपते ते जैखन तैस तै आराम न मैल्ले तै जैतो कि अवं तैस पैसे घेरे मां गालो जैटुं अवं निसोरेहै। 25 ते तैखन तैन भूत वापस एइतन तैन रास साफ सुरु रोडु लाते। 26 तैखन तै एपू सेइं साथी सत होए भूतां साथी विन्नां तैस मां अन्तर गेड़तां बिश्तान, ते तैस मैनू राहल येड़ते हाले करां जादे बुरो भोते।” 27 जैखन यीशु इना गल्ला जैने लगोरो थियो, त भीड़ी मरां अक कुआन्श जोरे सेइं जैने लगी, “धने तै कुआन्श जैसां तीं जर्म दित्तु ते तु पालो।” 28 पन यीशुए ज़ोवं, “हाँ, पन धन अन तैना लोक जैना परमेश्वर वचन शुन्तन ते तैस पुड़ अमल केरतन।” 29 जैखन हछे लोक भोने लगे त यीशु ज़ोवं, “इस ज़मानेरे लोक बुरेन, तैना निशान तोपतन, पन

योने निशाने अलावा एन होरो कोई निशान न दितो गालो। 30 किजोकि ज़ेन्वरे योना नवी नीनवेरे लोकन जो निशान बनो तेन्हरे मैनेरू मटू भी इस ज़मानेरे लोकां केरे लेइ निशान बनेलू। 31 पन दक्षिणीरी रानी आदालतरे दिहाडे इस ज़मानेरे लोकन दोषी बनाली, किजोकि तै बडे दूरें सुलैमानेरे ज्ञानेरे बारे मां शुत्तां ओरी थी। ते इडी हेरा सुलैमानेरे करां भी बड्होए। 32 नीनवेरे लोक आदालतरे दिहाडे इस ज़मानेरे लोकां सेइं साथी खडे भोइतां मुर्जम बनाले। किजोकि तैनेइ योनारे प्राचारे सेइं पापान करां मनफिरावरो थियो, पन इडी हेरा तै आए, जै योना करां भी बड्होए। 33 “कोई मैन्हू दीयो बैलतां भांडे हैं या ओडकतां न छडे, बल्के उच्ची ठैरी रखतन ताके अन्तर एजने बालन लौ भोए। 34 अछ जानेरे लेइ दीयेरी ज़ेरि आए, अगर तेरी अछ रोड़ीए, त तेरी जानी मां भी लौए, ते अगर तेरी अछले बुरीए त तेरी जान भी आंधरीए। 35 एलहेलेइ खबरदाव रेइयां, कोस्कोई एरु न भोए कि जै लौ ती मां आए तै आंधरु न भोए। 36 अगर तेरी जानी मां लौए, त तैसेरो कोई भी हिस्सो आंधरो न भोए, त सब एरु भोलू ज़ैखन दीयो चमकतां लौ देतो।” 37 जैखन तै एना गल्लां ज़ोने लोरो थियो, त कन्वे फरीसे यीशु कां मिनत की, कि मीं सेइं साथी रोटी खा, ते यीशु तैसेरे घेरे जेव ते तैसेरे कां गेइतां रोटी खाने बिश्शो। 38 फरीसी लोक एन हेरतां हैरान भोव, कि ए बगैर हथ-पाव धोने रोटी खाने बिश्शी जेव। 39 पन प्रभुए फरीसी सेइं ज़ोव, “हे फरीसाव तुसन कटोरो, ते थाली बेडरमेइ त बडी साफ केरतथ, पन तुशी अन्तर जुलाम ते लालङ्ग भेरतांए। 40 हे बेअक्लाव, ज़ैनी बेरीयोवं हिस्सो बनावरोए, तैनी आंटलेयों हिस्सो नई बनेरो? 41 बस्सा एन्नी चीज़ दान केरा, त हेरा, सब किछ तुशें लेइ साफ भोइ गालू। 42 पन हे फरीसाव, तुसन पुड़ अफ़सोस! तुस पुनेनोरो ते ज़ेरिरो ते कन्वे सेब्बारो दशोवं हिस्सो देतथ, पन तुस इन्साफ केरने करां त परमेश्वरेरे प्यारे करां दूर रातथ, लोइतू थियू कि दशोवं हेसे सेइं साथी इन भी केरेथ। 43 हे फरीसाव, तुसन पुड़ अफ़सोस! तुस लोक चातथ कि प्रार्थना घरन मां तुसन एप्री कुर्सन पुड़ बिशालन ते बजारन मां लोक तुसन कां झुकतां नमस्कार केरन। 44 पन हे फरीसाव तुसन पुड़ अफ़सोस! तुस तैन छेपोरी कक्कां केरे जेरथ, जैन पुड़ लोक चलतन, पन तैन पतो न भोए।” 45 तैखन शास्त्री मरा एकके तैस जुवाब दितो, “हे गुरु एना गल्लां ज़ोइतां तू इश्शी तुहीन लोरोस केरन।” 46 यीशुए ज़ोव, “हे शास्त्री लोकव, तुसन पुड़ अफ़सोस! तुस मैनन् पुड़ त एप्रो भारो लदतथ जै छ्नो असुखतो भोते ते पन एप्पु अपने कानूने मन्नेरी कोशिश भी न केरन। 47 तुसन पुड़ अफ़सोस! तुस नेबी केरि कक्कां बनतथ ते तुशें दादे-पड़दादेइ तैना मारोरे थियो। 48 बस्सा, तुस शहातथ कि तुस अपने दादे-पड़दादां केरे कम्मां केरि पूरी तैडू केरतथ, किजोकि तैनेइ त नवी कल्ल कमाए ते तुस तैन नेबी केरि कक्कां बनातथ। 49 एल्हेलेइ प्रभु परमेश्वरी अक्लां ज़ोव, नवी त प्रेरित तैन कां भेजनेन तैना तैन मरा किछ कल्ल केरेले ते किछन सतालो। 50 बस्सा ई कौम सारे नेबी केरे खुनेरे जै दुनियारे शुरु करा देंतो बगेवरोए ज़िमेवार भोली। 51 हाविलेरे खुने करा देंतो ते जक्याहिरे कल्ले तगर जै तुसेइ मन्दरेरे ते बलिदान केरनेरे ठारेर मङ्गाटे मन्दरेरे आगो मां कल्ल कियोरो थियो। अंव ज़ोताई कि ए कौम तैन केरे खुनेरी ज़िमेवार भोली। 52 पन हे फरीसाव तुसन पुड़ अफ़सोस! तुसेइ शास्त्री लोकेइ चाबी त अपने कब्जे मां रख्खी, पन तुस एप्पु भी दाखल न भोए ते जैना दाखल भोनू चाते थिये तैना भी रोके।” 53 ज़ैखन यीशु तेटूं निस्सी जेव त शास्त्री ते फरीसी लोकेइ चाबी ते घेरो ते सरकरे मारे ज़ेप्रे पासना बडे असुखते सवाल पुछ्ने लगो। 54 ताके यीशुए ज़बा एरी गल निस्से ज़ैस सेइं लोक तैस पुड़ गलती लान।

## 12 एत्रे मां हजारेइ मैन्हू अकोटु भोटे जे, ते एककी होती उन्हे खिरकते

थिये त यीशुए सेभ्यन करां पेइले अपने चेलन खडे भोइतां ज़ोव, “फरीसी लोकां केरे पाख्डेरे खमरी रानी तैन केरे रीति रूवाजन करां हुशार रेइयथ। 2 कोई चीज़ ओडकोरी नई जै बादी न भोए, ते न कोई चीज़ छेपोरी जै जानी न गाए। 3 एल्हेलेइ जैना गल्लां तुसेइ आंधरे मां ज़ोरिन तैन गल्ला लोइ मां शुनोनिन, ते जैना गल्लां तुसेइ अन्तर ज़ोरिन तैन केरु एलान लाए

पुड़ भोनूए। 4 “दोस्तव अंव तुसन सेइं सच्च ज़ोताई कि तैन करां न डेरथ जैना जानी नुकसान पुजातन तैसेरे बाद तैना किछ न केरि बटन। 5 पन अंव तुसन सेइं सच्च ज़ोताई कि केस करां डर्ल लौडते, जैस जानी मारनेरे बाद तैसेरी आत्माई नरके मां छडनेरो अधिकारे, हाँ अंव तुसन सेइं सच्च ज़ोताई कि तैसेरे बाद तैना जानी नुकसान डरा नन्हा तुस त काई चुड़ोलन करां भी जादे कीमती आथ। 8 “अंव तुसन ज़ोताई कि जै कोई मैन्हू केरे सामने मेरो इकरार केरेलो, त अंव मैनेरू मटू भी परमेश्वरेरे स्वर्वार्दूतां केरे सामने इकरार केरेलो 9 पन जै मैन्हू केरे सामने मेरो इकरार परमेश्वरेरे स्वर्वार्दूतां केरे सामने कियो गालो। 10 “जैना लोक मैनेरे मुट्ठे खलाफ किछ ज़ोले तै तैस माफ केरेलो पन जै पवित्र आत्मारी तुहीन केरेलो तैस माफ न केरेलो। 11 “जैखन तैना तुसन प्रार्थना घरन मां ते बडे-बडे ते अधिकैरन कां नेले तै फिक्र न केरथ कि अस कुन जोम ते केन्वरे जुवाब देम। 12 किजोकि पवित्र आत्मा तुसन तैस वक्ते ज़ोलो कि तुसेइ कुन जोनूए।” 13 फिरी भीड़ी मरां केन्वे एकके यीशु सेइं ज़ोव, “हे गुरु जी मेरे ढलाए जो ज़ो, कि इश्शे बाजी केरि जेइदाती मरां मेरो हिस्सो मेरे हवाले केरे।” 14 यीशुए तैस जुवाब दितो, “अंव केनि तुशों हाकिम या बंटने बालो बनेवरोइ?” 15 ते यीशुए तैन सेइं ज़ोव, “हर किसमेरे लालङ्ग करां दूर भोइयथ ते न केन्वेरी जेइदाद केन्वेरी जानी करां जादे भोए।” 16 तैखन यीशुए तैन अक मिसाल शुनाई, “केन्वी अमीरेरे ज़मीनी मां बडी फसल बनी। 17 ते अपने दिले मां सोचतां ज़ोने लगो, कि अवं कुन केरि, मी कां ठारे नई कि जैडी अंव रेख्खी सेखी? 18 तैखन तैनी ज़ोव कि, “अंव अंक कम केरताई, अपने पुराने कोठार पुटतां होरे बडे कोठार बनेइ ते अपन सारू अन्न करां रखेलो। 19 फिरी मीं अपने आपे सेइं ज़ोनूए कि, मी कां त बडे सालन तार अन्न ज़म्हा भोरूए, मेरी जान आरामे सेइं खा ते एश केर।” 20 पन परमेश्वरे तैस मैन्हू जौ ज़ोव, “हे बेवकूफ अज़ो राती तू मरेलो, ते जैन किल ठीं अपने लेइ ज़म्हां केरतां रखेरु तैन केरो भोलू?” 21 एल्हेलेइ जै अपने लेइ दौलत ज़म्हां केरते, पन परमेश्वरेरी नज़री मां तै अमीर न भोए एसरो भी एरो हाल भोनोए।” 22 तैखन यीशुए अपने चेलन सेइं ज़ोव, एल्हेलेइ तुसन अपने पुन्नदारी ज़रूरते लेइ फिक्र केरा, कि तुस कुन खाले, ते न अपने जानारी कि कुन लामेलो। 23 किजोकि प्राण रोटी करा ते जान लिगड़े करां बेधतां भोते। 24 कांवां केरां तक्का, तैना न बेन ते न कटन ते न तैन कां गुदाम या कोठार भोन, तांभी परमेश्वर तैन खाने जे देते ते तुस त चुड़ोलन करां भी जादे कीमती आथ। 25 तुसन मां एरो कौन आए, जै फिक्र केरतां अपनि उमर अक घटी भी बधैरै सकते? 26 बस्सा, जैखन तुस ए अक निकड़ी ज़ेरि गल भी न केरि बथथ, त बाकी बेड़ी चीज़ां केरि फिक्र किजो केरतथ? 27 सोसनेरे फूडू केरे तक्का कि तैना केन्वरे बेडीतन? तैना न मेहनत केरन ते न कटन, फिरी भी अंव तुसन सेइं ज़ोताई कि राज़ों सुलैमाने भी अपने सारे धन दौलतरे बावजूद भी तैन केरां ज़ेरो लिगड़ा न लां। 28 बस्सा जैखन परमेश्वरे मैइदानेरो धास, जै अज़ा आए ते कालां लौने मां फुकनोए, एरी खूबसूरती देते, त हे घट विश्वसे बाले लोकव, कुन तै तुसन लिगड़ न देलो? 29 ते एस फिक्रे मां न रेइयथ, कुन खामेले, या कुन पीमेले, या कुन लामेले, ते न शक केरथ। 30 किजोकि दुनियारी सेरी कौमां एस्से फिक्रे मां लौगोरी रेइचन, पन तुशें बाजी जानते, कि तुसन कीनां-कोनां चीज़ां केरि ज़रूरत आए। 31 फेइने परमेश्वरे राज़ज़ेरे तलाश केरा, फिरी तुसन एना सेरी चीज़ां मैल्ली गैली। 32 “तुस भैड़ा केरे निकड़े केन्वरे ज़ेरेथ, तुस कोन्वी गल्लरे लेइ न डरा, किजोकि तुशें बाजेरी खुरी एस्से मां आए, कि तै तुसन राज़ दे।” 33 अपन घर बराबर बेचतां धर्मथ देथ, ते एप्पू जो अक बेटुवो बनाथ, जै पुरानो न भोए, स्वर्गे मां दौलत ज़म्हां केरा जै कथेन न मुक्के, जैडी न चोर पुज़े ते न कीड़ो खाए। 34 किजोकि जैडी तेरी दौलत भोली, तैडी तेरो दिल भी लग्गेलो। 35 “सेवा केरनेरे लेइ रोडेङ्गरे कमर बैंद्रतां तियार भोथ, ते तुशें दीये सेरी राती बलते रान। 36 तुस मेरे एजनेरे लेइ एन्वरे तियार राथ, ज़ेन्वरे

मैन्हु केरे अपने मालिके, जै ड्लाएरे धामी मरां वापस एजने बलगतन, कि ज़ैखन तै एज्जे ते दार गुडकान त अस दार खोल्लम। 37 तैना नौकर धन आन ज़ैना अपने मालिकेरे वापस एजने पुड बींझे मैलतन, अवं तुसन सेंड सज्ज ज़ोताई, कि एप्पू तैन रोड़ेरे नौकरन लिगड़ा लेइतां तियार लाएलो, ते मालिक तैन सेंड खुश भोइतां एप्पू सेंड साथी रोटी खाने विशालेलो ते तैन केरि सेवा केरेलो। 38 अगर मालिक एधी राती या झोड़ेरेपार इडतां अपने नौकरन बींझे लाए त तैन नौकरां केरे लेड केत्री रोटी गल्ले। 39 पन याद रखा, अगर घेरे मालिके, चौर एजेरो पतो भोए त तै बींझे राथो ते अपने घेरे ज़ोरी न देथो भोने। 40 बस्सा, तुस भी मेरे वापस एजनेरे लेइ तियार राथ, मैनेरू मटू यानी अवं तैस वर्के एज्जेतो ज़ेइस तुसन छियाल भी न भोलो।” 41 पतरसे पुच्छ, “हे प्रभु जै मिसाल ती शुनाई ते सिफ्क इशे लेड या सेब्बी केरे लेडए?” 42 प्रभुए ज़ोर, “कौनै ईमानदार अकलमन्द नौकर ज़ेसेरो मालिक तैस अपने नौकरन पुड मुशी रखे ताके तैन केरि खुराक ठीक मौके पुड रोड़ेरे बंटो राए? 43 तै नौकर धने कि ज़ेसेरो मालिक एज्जे ते मालिक तैस रोड़ेरे कम केरुत लाए। 44 अवं तुसन सेंड सज्ज ज़ोताई कि तै अपने सारे घरबाटेरी हेर्गैशरो अधिकार तैसेरे सुपुट केरेलो। 45 पन अगर तै नौकर अपने दिले मां ज़ोए कि मेरे मालिके एजने हेजू बडू चिरे ते होरि नौकरन ते नौकरेनन मार थाड केरनि शुरु केरे ते खेड़ी पीतां नशे मां मसत भोइ गाए। 46 ते तैस नौकरेरो मालिक केन्वी एरे दिहाडे एज्जे ज़ेइस तैस नौकरे एजनेरो पतो न भोए ते तै मालिक एज्जी गाए त तैस नौकरेरो टुकडे-टुकडे केरातां ते तैसेरी हालात बेइमाना केरि जेरि भोली। 47 हर तै नौकर जै ज़ानते कि तैसेरे मालिकेरी कुन मर्जी आए, कि तै कुन केरे, मगर तै अपने आपे कम केरनेरे लेड तियार न केरे ते अपने मालिकेरी मर्जी पूरी न केरे तैस पक्की मार बज्जनी। 48 पन अगर कोई नौकर जैस नई पतो कि मेरे मालिकेरी कुन मर्जी, कि अवं कुन केरि, ते तैन केरे ज़ीस सेंड तैस सज्जा मैल्ले, त तैस घट सज्जा मैलेली।” 49 यीशुए ज़ोर, “अवं थेरती पुड अग लाने ओरोई ते अगर अग लग्गोरी भोथी त रोटू यिथू। 50 पन मीं बडे जल्ली दुख झैल्लनोए, ते अवं बडो परेशानई जां तंगर दुख न झेल्ली। 51 कुन तुस एन सोचतथ कि अवं थेरती पुड मेल करान लेड ओरोई? नई! अवं तुसन सेंड ज़ोताई, कि अलग केरने ओरोई। 52 अज़जेरे बाद अगर एककी घरे मां पंच मैन्हु भोले त तैना एप्पू मांमेइ बेंटोले, ट्लाई जैना मीं पुड विश्वास न केरन तैना दुड्यां केरे खलाफ भोले, ते द्वई, ट्लेड्यां केरे खलाफ भोले। 53 बाजी मधुरे खलाफ भोले ते मधु बाजेरे खलाफ भोलू हैई कुइयेरे खलाफ ते कुई हैईयेरे खलाफ ते शिख नुशोरे ते नुश शिखारे खलाफ भोनीए।” 54 फिरी यीशुए बडे मैनन मां ज़ोर, “कै ज़ैखन तुस बिदलार दुबते पासेरां चलती लातथ त तुस ज़ोतथ कि झाड़ी एजने बालीए ते तैने भोते। 55 ते दक्षिणेरे पासेरां हवा ज़ली त तुस ज़ोतथ गर्मी भोरीए ते तैने भोते। 56 हे पाखंडी लोकव, तुस धरती ते अम्बररो हाल हेरतां मौसमेरो अंदाजो केरनो ज़ानतथ, पन इन न ज़ैनी बटथ कि, परमेशर कुन चातो? 57 “तुस एप्पू फैसलो केरा कि, तुशे लेइ कुन रोड्या।” 58 ज़ैखन तु लीडे सेंड साथी हाकिमे कां गाथ त बत्ते मां तैस सेंड फैसलो की न केरस, एफ न भोए तै तीं हाकिमे कां ने ते हाकिम सिपाहीएरे हवाले केरे, ते तू कैद भोड़े गास। 59 अवं तुसन सेंड ज़ोताई कि जां तंगर तू पाई-पाई न देले त तांगर तैटूं छुटी न सकेलो।”

## 13 तैस मौके किछ लोक तैडी आए, तैना यीशु सेंड तैन गलील इलाके

लोकां केरे बारे मां ज़ोने लगे, जैन केरो खून, रोमेर गवर्नर पिलातुसे मन्दरे मां जानवरां केरे बलिदाने सेंड साथी मलवरो थियो। 2 यीशुए तैन जुवाब दितो, “कुन तुस एन समझातथ कि तैन गलीलेरे लोकां केरो एतो बुरी हाल एल्लेरेलेड थोर, कि तैना बाकी गलीलेरे लोकन करां जादे पापी थिये? 3 अवं तुसन सेंड ज़ोताई कि, अगर तुस भी पापन करां मन न फिराले त सब एन्वरे नश भोनेथ। 4 या कुन तैना अठारे ज़न्हे जैन उन्हो शीलोहेरो गुम्मट बिछुड़ेरो थियो, ते तैना सब तैस हैंड मेरि जे, ते तैना यरुशलेम नगरेरे होरि लोकन करां पापी थिये? 5 अवं तुसन सेंड सज्ज ज़ोताई, कि नई बल्के अगर

तुस भी पापन करां मन न फिराले त तुस सब एन्वरे नाश भोइ गानेथा।” 6 तैसरां बाद यीशुए तैन अक मिसाल देइतां ज़ोर, “केन्वे मैने अपनि बागी मां अक फ्रेगोरो बुट लोरो थियो, ते तैस बुटे पुड हर साल फल तोपने अव पन तैस फल न मैल्लो। 7 तैखन तैनी बागबने सेंड ज़ोर, हेर अवं ट्लाई सालां केरो देंतो इस फ्रेगोरो बुटे पुड फल लोरोई तोनाने, पन अज्ज तंगर एस पुड फल न मैल्लो एस केटी छड एनी किजो रोटी ठार ग्रिकतां रखोरिए।” 8 पन तैनी तैस जुवाब देइतां ज़ोर, मीं निदात एसेरे च्वे पासन खाद छानियो। 9 अगर फिरी भी फल न लगो त फिरी केटी देनोए।” 10 एककी आरामेरे दिहाडे यीशु प्रार्थना घेरे मां शिक्षा देने लोरो थियो। 11 हेरा, तैडी अक कुआशा थी जैस अठारे सालां केरि देंती भूतेरे सैदैग्येरे वजाई सेंड कुबडी भोरी थी। ते सिधी न थी भोइ बटती। 12 यीशुए तै कुबडी कुआशा लाई त एप्पू कां कुजाई ते ज़ोर, “हे कुआशा, तू अपनि तकलीफी करां छुटी जैडी।” 13 ते यीशुए तैस कुआश्नी पुड हथ रखे ते तै लूशी बेज्ञोइ ते परमेशरेरी तरीफ केरने लगी। 14 पन प्रार्थना घेरो प्रथान यीशु पुड नराज भोव कि, एणी ए कुआशा, आरामेरे दिहाडे किजो बज्जाई ते ज़ोने लगो, “हफते मां शा दिहाडे कम काज केरनेरे लेइ आन, ते तैने मां कोई बज्जावरो भी लोड्हे, ते आरामेरे दिहाडे एन।” 15 प्रभु यीशुए तैस जुवाब दितो, “ए पाखंडी लोकव कुन तुस आरामेरी दिहाडी अपने दांत या गथे खोलतां तैन पानी पियाने न नेथ? 16 ते कुन एन रोडू न भोव कि जै कुआशा बेज्ञोइ तै अब्राहमेरे खानदाने मरां ए, जै अठारे सालां केरि देंती शैताने गुलैमी मां रखोरी थी त आरामेरे दिहाडे ए कुआशा छुटानी न थी?” 17 ज़ैखन यीशुए एना गल्लां झोई त तैसेरे खलाफ ज़ोने बाल सेब्बी केरि बेइज्ती भोइ, ते सारे लोक यीशुए जैना महिमारां कमां अपने हथेइं कियोरा शियां खुशी मनाने लगो। 18 तैखन यीशु तैन सेंड ज़ोने लगो, “परमेशरेरो राज कौस चीज़री ज़ेरुए अव केस सेंड झोई? 19 तन शेरीएरे बीजें रुज़ू आए, जैन एककी मैने एन्ता अपनि बागी मां बेव, पन ज़ैखन तैन बीज बेव गाते, तै उगतां सारे निकके-निकके बुट्न केरां बहू भोते। ते अम्बररो चुडोल्लू भी तैस पुड बिशने लगां।” 20 यीशुए फिरी ज़ोर, “अवं परमेशरेरो राजजेरी मसाल केस सेंड देई? 21 तैन खमीरू ज़ेरुए, जैन केन्वी कुआश्ना आनू, ते हछे अट्टे मां मलाव ते सारु अट्टू खमीर बेन ज़ोर।” 22 यीशु अपने चैलन सेंड साथी यरुशलेम नारेरो मांमेह गांते बार नगरन मां ते ड्लॉव्वन मां शिक्षा देतो च्वालोरो थियो। 23 केन्वे यीशु पुच्छ, “हे प्रभु कुन थोडे ज़ेरे लोक हमेशारी सज्जाई करां बवेले?” यीशु तैन सेंड ज़ोर। 24 “परमेशरेरो राजजे मां सुन्कडे दारिं बतां गानेरी कोशिश केरा, किजोकि अवं तुसन सेंड ज़ोताई कि बडे लोक अन्तर गानेरी कोशिश केरेले पन न गेइ सकेले। 25 ज़ैखन घेरोरे मालिक एककी बार दार बंद केरि छडोते, त तुस बेइर खड़ खेडे दार गुडकाते, ते बिनती केरते राथ कि, “हे प्रभु इशे लेड दार खोल्ल,” ते तै तुसन जुवाब देते कि अवं तुसन न जैनी तुस कौन आथ ते कोट्टुं अरोरेथ? 26 तैखन तुस ज़ोले कि, ‘असेई तीं सेंड साथी खोरी पियोरी नई, ते तीं इशी अंगने मां असन शिक्षा नई दितोरी।’ 27 पन तै तुसन सेंड ज़ोलो, “अवं तुसन न जैनी तुस कौन आथ, ते कोट्टुं अरोरेथ?” 28 ज़ैखन तुस अब्राहम, इसहाक ते याकूब ते सब नेबन परमेशरेरो राजजे मां सामने लाएले ते अपनो आप बेइरोवं कदले लाएले, त लेरां देते ते दंत चापते राले। 29 लोक पूर्वें ते पछमेरां ते उत्तर ते दक्षिणेरे देते यानी दुनियारे सारे लोकन मरा लोक परमेशरेरो राजजेरी धामी मां इडते लाएले। 30 ते हेरा किछ एरेन कि जैना पेइले आन, तैना पत्रोव भोनेन ते जैना पत्रोव आन, तैना पेइले भोनेन।” 31 तैखने किछ फरीसी लोक यीशु कां आए ते ज़ोने लगे, “इट्टां निस ते च्वालो गा, किजोकि हेरोदेस तीं मारने चातो।” 32 पन यीशुए जैन ज़ोर, तैस भैनू सेंड जै लाई अरो ज़ेरो आए, गेडतां तैस सेंड ज़ोर कि, “अवं अज्ज ते कालां भूतां केरो सैयो कढने ते बिमारन बज्जानेने कम केने लोरोई ते एन कम ट्लेइ दिहाइन मां मीं पूरू केरनूए।” 33 बस्सा मां अज्ज ते कालां ते ट्लेइदी मीं सफर केरनूए, किजोकि नवी सिर्फ यरुशलेम नारेरो मां मारे गालो। 34 “हे यरुशलेमे नगरेरो लोकव, हे यरुशलेमे नगरेरो लोकव, तुसेई केत्रे नवी कल्त किये, जैना बडे पेइले तुसन कां आए, ते

जैना तुसन कां भेजे तैन घोड़ेई बेई, मीं केही फेरेई सोचू कि तेरे बच्चन अकोई केरि जेन्नरे कुकड़ी अपने बच्चन अपने फंगन हैं रखचे, पन तुस राज़ी न भोए। 35 हेरा तुशू घर तुशें लेइ छुड़ा गाते, ते अवं तुसन सेइ ज़ोताई कि तुस मीं केन्ची तरीके भी न लेई सकेले, ज़ांतगर तुसन एन ज़ोनेरो माको न एज्जोले, थने तै ज़ै प्रभुरेने नंचे सेइ इतेए।”

**14** यीशु फिरी आरामें दिहाड़े एककी फरीसें घर रोटी खाने जेव त बड़े फरीसी लोक ध्याने सेइ लोरे थिये तकने, ताके तैसेरी कोई गलती द्वलान। 2 तैड़ी अक बिमार मैन्हु थियो ज़ेसेरी ज़ंखा पैखुली शोजती थी ते पस-पाक चलती थी, तै तैड़ी विश्वरो थियो। 3 यीशुए शास्त्री ते फरीसी लोकन पुछ्यू, “कि आरामें दिहाड़े कानूनेरे मुताबिक कोई बज़ानों जेइज़े की नई?” 4 तैना चुप राण, तैखन यीशुए तैस बिमारे पुड़ अपनो हथ रख्यो ते तै बज़ावाक, ते घरजो भेजो। 5 ते फरीसन सेइ जोवं, “तुसन मरां एरो कैने, ज़ेसेरु मट्ट या दांत खड़ु मां खिरके ते आरामेरी दिहाड़ी भोए, ते तैस तैटूं बेझर न कढ़ै?” 6 ते तैन लोकेई यीशुएरी गलतां केरो जुवाब न देइ बटो। 7 ज़ैखन यीशुए हेरु कि, जैना लोक धाम ज़ोइतां रोटी खाने कुजोरेन केन्नरे खास लोकों केरि ठार चुनतन, तैनी तैन अक मिसाल दित्ती। 8 “ज़ैखन तुसन कोई इलाएरी धामी मां कुजाए। जै तैनेई खास मैन्हु केरे लेइ ठार रख्योरी भोए, तुस तैड़ी न विश्वश, भोइ सकते कि होरो कोई तुसन करां जादे खास मैन्हु कुजेवरो भोए। 9 ते तुसन दुझे जैन कुजाने बालो तुसन कां इद्वां ज़ोए, ए ठार हेरि केरे लेइ ते तुसन शरमेइत खड़े उठन पै, ते सेब्भन करां पत्र विश्वन पै। 10 ज़ैखन भी कोई तुसन धाम ज़ोइतां कुजाए त सेब्भन करा पत्र विश्वशा, ताके ज़ैखन तेरो कुजाने बालो एज्जों ते ज़ोए, ‘दोस्त, अगर इद्वां खास ठैरी विश,’ तैन लोकां केरे सामने तेरी केत्री बड़याई भोनीए। 11 किजोकि ज़ै कोई अपनो आप बड़ु बनालो तै बड़ु बनाव गालो तै ज़ै कोई अपनो आप निकडो बनालो तै बड़ु बनाव गालो।” 12 फिरी यीशुए, तैस फरीसी मैन्हु सेइ जैनी तै कुजोरो थियो जोवं, “ज़ैखन तुस दिसेरी या रातरी धामी मां मैनेन कुजाथ, त अपने दोस्तन या द्वलान रिश्तेदारन या अपने अमीर पडोसन न कुजेइयथ। किजोकि तैना भी तीं कुजेइतां तेरु एवसान मुकेइ छडेले। 13 बलके ज़ैखन तुस धाम देथ त टोटे, कानो, गरीब गुरवे, परदेशी कुजेइयथ। 14 ते परमेशर तुसन बरकत देलो, किजोकि तैन कां किछ भी नई जैस सेइ तैना तुशू एवसान मुकेइ बटन, ते तेरे एस एवसानेरो फल थेर्मी लोकन ज़ोंते भोने सेइ सारी फैसलेरी दिहाड़ी मैलेलो।” 15 द्वलाहन् मरां एकके एन गलतां शुन्तां यीशु सेइ जोवं, “परमेशरे राजजेरी धामी मां खाने बालो धन भोलो।” 16 यीशुए तैस जुवाब दित्तो, “केन्चे मैने अक बड़ी धाम दित्ती ते बड़े लोक कुजाए। 17 ज़ैखन रोटी खानेरो वक्त अव त तैनी अपनो नौकर भेजो कि तैन लोकन जैन जो द्वलाएरी धाम बनोरी थी, ‘एज्जा, रोटी बनोरोए।’ 18 पन धामी बालैरी सेब्भै मिलतां एतराज कियो ते पेइले मैने जोवं, ‘मीं ऊड़ार घिन्नेर आए, मीं तैस हेरेने गानूप ते अवं तीं कां मिनत करतां कि मीं राने दे।’ 19 त हेरो जैने लगो, ‘मीं पंच हल्लां दांत घिन्नोरेन ते अवं तैन लाने परखने चलोरेई। अवं तीं कां मिनत करतां कि मीं राने दे।’ 20 अक हेरो मैन्हु लगो जौने, ‘मीं द्वला बनावरोए, एल्लेरेले अवं न एज्जी बेटि।’ 21 तैखन नौकरे वापस एइतां एन सैरी गलतां अपने मालिके शुनेई, त मालिके बड़ी सरक अई, तैनी अपने नौकरे जो जोवं, ‘इस नगर मां गा ते लेंगे लुथे, गरीब गुरवे नगे, नियन्ते भोने, टोटे, कानो इरां कुजा।’ 22 नौकरे जोवं, ‘हे मालिक जैन तीं जोवं, मीं तैनेरो कमाव, पन फिरी भी ठार खाली आए।’ 23 मालिके नौकरे सेइ जोवं, ‘बतार आसे पासे ऊड़ारन मामेइं गा ते लोक मजबूर केरतां अन, ताके मेरु धर भेरतां भोए। 24 किजोकि अवं तीं सेइ ज़ोताई कि जैन लोक पेइले कुजेवरे थिये, यानी खास ठैरारे लेइ कुजेवरे थिये, तैन मरां कोई भी मेरी धामी मां रोटी न खेइ सकेलो।” 25 बड़े लोक यीशु पर्नी ज़लोरे थिये, यीशुए पत्रोंवं तककू ते जोवं। 26 “अगर कोई मीं कां एज्जो, ते अपने अम्मा बाजी, कुआन्श, बच्चन, द्वलान ते बेइन्तन ते अपने जानी करां जादे प्यार मीं सेइ न केरे तै मेरो चेलो न भोइ सके। 27

ते जै कोई मेरो चेलो भोनेरी वजाई सेइ दुःख झौल्लनेरे लेइ त कने मरनेरे लेइ तियार नई, तै मेरो चेलो न भोइसखे। 28 तुसन मरां एरो कोई भोए, जै गुम्त बनानू चाए, ते पेइले विश्वास हिसाब न केरे, कि पूरो केरनेरे लेइ मीं का खर्चा आए कि नई। 29 कथे एरु न भोए कि खाड़ कटनेरे बाद तैस बनेइ न सके ते तकने बाले हसते रान। 30 ते ज़ोन एनी मैने बनानू त शुक कियूं पन बनेइ न बटो।” 31 या फर्जु केरा कि कोई राज़ो होरि राजे सेइ लडाई केरनेरे लेइ सोची राहोरो भोए त कुन पेइले एन सोचे कि 10000 फौजी जवानन् सेइ अवं 20000 फौजी जवावन सेइ तैसेरो मुकाबलों केरि सकतां कि नई? 32 अगर तै मुकाबलों न केरि सखे तैस फौजी सेइ जै दूरे, मैन्हु भेजतां तैस सेइ सलालारी मिनत केरलो। 33 एन्नरे अगर जै कोई तुसन मरां अपनू सब किछ न छड़े ते मेरो चेलो न भोइसखे। 34 “लून रोटी चीज़े, पन अगर लूनेरो लूनार मुकी गाए त तैन कोस सेइ लूने बनाव गालू? 35 लोक तैस बेइरों शेरी देले, जै कोई समझनू चाते, तै ध्याने सेइ शुने ते समझो।”

**15** बड़े लोक धड़त धिन्ने बाले ते पापी लोक यीशु कां इद्वां तैसेरी गलतां शुने लाए थिये। 2 फरीसी ते शास्त्री लोक शिक्यत केरतां जैने लगे, “कि ए मैन्हु पापी लोकन सेइ तालमेल रखते, ते तैन सेइ साथी खाते पीते।” 3 यीशुए तैन अक मिसाल देइतां जोवं। 4 “तुसन मां एरो कोई आए जैस कां 100 भैड़ुं भोन ते तैन मरां अक हेरोए ते 99 भैड़ुं तैड़ी जेर जंगले मां छेडतां तोपने न गाए, जां तगर तैस मैल्लोरी नई? 5 ते जैखन ते तैस मैल्ले त खुशी सेइ कथे पुड़ छुट्टां आने। 6 ते अपने घेरे एइतां अपने दोस्तन ते भियालन कुजेइतां जोवं कि, ‘अज्ञ मीं सेइ साथी खुशी मनाथ, किजोकि अज्ञ मेरी हेरोएरि भेड़ मैलोरीए।’ 7 अवं तुसन सेइ ज़ोताई कि, एन्नरे 99 धर्म जैनेई पेइले अपने पापन करां मनफिरावरो तैन करां जाए जैखन अक पापी, पापन करां मन फिराते स्वर्ग मां बड़ी खुशी बनाई गाचे। 8 “कून एरी भी कोई कुआन्श भोली जैस कां चैंद्रे दश सिके भोन ते अक हेरोए ते तै दीयो बैलातं घेरे अन्तर धूनी न दे, ते जां तगर मैल्ले न तांतगर तोप्ती न राए? 9 ते तोपनेरे बाद अपने पडोसन ते अपनि सहेलन कुजेइतां एन न ज़ोए कि, ‘एज्जा मीं सेइ साथी खुशी मनाथ किजोकि अज्ञ मेरो हेरोरो सिको मैलोरीए।’ 10 बस्सा, अवं तुसन सेइ ज़ोताई कि एककी पैरेरे, पापन करां मन फिराने सेइ परमेशरे स्वर्गदूतां केरे सामने बड़ी खुशी मनाई गाचे।” 11 यीशु फिरी होि मिसाल दित्ती, “केन्ची मैनेरां दूर्ध मट्टुं थियां। 12 तैन मरां निकेइ मट्टु अपने बब्ले सेइ जोवं, ‘हे बाजी जेडाटी मां जै मेरो हिस्सो बनते तै मीं दे।’ तैनी दुझे हिस्सो बेंटां दित्तो। 13 थोड़े दिहैड़ना पत्ती निकेइ मट्टु अपनू सब किछ जेडाटां होरि मुलखे जो नी, ते बुरे कम्मन मां लुटाई। 14 जैखन तैनी सब किछ मुकेइ छुड़ तै तैस मुलखे मां बड़ो काल पेव, ते तैस कां खाने जो किछ न राऊ। 15 तैखन तै तैस मुलखे एककी रानेबाले कां कम तोपने पुज़ो। तैनी तै अपने ऊड़ारन मां सूर चारनेरे कम्मे लाव। 16 तैड़ी तै बड़ो द्वलुखोरो थियो, तै तैन खाने मां राजी थियो जैन सूर खाते थिये, किजोकि तैस केन्चे किछ खाने जो न दित्तु। 17 तैखन तैस समझ आई ते जैने लगो, ‘मेरे बाजी केरे मज्दूर रेखतां रोटी खातन, पन अवं इड़ी फाके लोरोई मरने।’ 18 मीं खड़े उठातो अपने बाजी कां गानूप ते तैस सेइ ज़ोनूप हे बाजी अवं परमेशरेरी नज़री मां ते तुशीनी नज़री मां पापी आई। 19 हुनी अवं एस काबल त नई, कि तुशू मट्टु भोए, पन मीं भी अपने मज्जूर मां रखा।” 20 “बस्सा, तैनी तै मुलख शारी ते वापस अपने बाजी कां चलो, ते हेजू तै बड़े दूरे थियो, ते तैसेरे बाजे तै लाव ते तैसेरे बाजी तैस पुड़ बड़ो तरस अव, ते तै दौवडतो अपने मट्टु कां जेव, ते तैन गले लाव ते बड़ो खुशी भोव। 21 मट्टु अपने बाजी सेइ जोवं, ‘ए बाजी अवं परमेशरेरी नज़री मां ते तुशीनी नज़री मां पापी आई।’ हुनी अवं एस काबल त नई कि, अपने आपे जो तुशू मट्टु ज़ोई।” 22 पन बाजे अपने नौकरन सेइ जोवं, ‘लूश केरा ते सेब्भन करां पेइले रोड़ां लिगड़ां एस मट्टु लुवाथ, ते एसेरे हथ्ये आवठी ते पावन बूट लुवाथ। 23 ते अक जानवर मारो ते बड़ी धाम बनेइतां बड़ी खुशी मनाई। 24 किजोकि मेरु मट्टु जैन जेन्नरे मेरि जोरु थियू, अज्ज ज़ींत भोरुए, हेरोरु थियो, ते मैलोरुए।’

बस्सा तैना खुशी मनाने लगे।” 25 “तेहस बड़ू मट्ठू जैन ऊडरे मां कम केरतां घरजो आँख थियूं जैखन तै घरे नेडे पुजो त तैनी गीतां केरि त नवनेरी शैर शुनी।” 26 तैनी अक नौकर कुजाव तै तैस पुच्छूं “ए शैर कीजई लारी भोने?” 27 नौकरे तैस सेइं जोवं, “तेरो निकडो ढला वापस घरे ओरोए ते तेरे बाजे अक जानवर मैरतां थाम बनोरोए, किजोकि तै ठीक ठाक घरे पुजोरोए।” 28 पन तैस मैनैरू बदू मट्ठू नाराज़ भोवं ते अन्तर घरे मां भी न लगो एजने, पन तैसेरो बाजी बेदूर अव, ते तैस मिठानेरी कोशिश की, कि घरे अन्तर एज्जो। 29 बडे मट्ठे अपने बाजी सेइं जोवं, हेरा अवं केत्रे सालां केरि देंती तुश्शी सेवा केरने लोरोई, ते कधे तुश्शी हुक्म नईं मोदोरो ते तुसेइं कधे कोई छेडू नईं दितोरोए कि अवं भी अपने दोस्तान सेइं खुशी मोदेइं। 30 पन जैखन तुश्शु निकडू मट्ठू अपनू सब किल लुटेतां वापस अव, त तैसेरेलइ जानवर मारो ते अक बड़ी धाम बनाई।” 31 तैसेरो बाजी जौने लगो, “मेरा मट्ठां तूत मीं कां आस ते जैन किल मीं कांए तैन सब तेस्सए।” 32 पन असेइं खुशी मनानी ज़रूरी थी किजोकि तेरो ए निकडो ढला जै जे-चरे मेरि जोरो थियो, अज़ ज़ीतो भोरोए, हेरोरो थियो ते अज़ मैलोरोए।”

## 16

फिरी यीशुए अपने चेलन अक होरि मिसाल दिती कि, “केन्वी अमीरो अक मुशी थियो, लोकई तैसेरी शकैइत तैसेरे मालिके सेइं लाई कि, ए तेरो माल बरबाद केरने लोरोए।” 2 मालिके तै कुजाव ते जोवं, “एन कुने जैन अवं तेरे बारे मां शुन्ने लोरोई? सारो हिसाब-किताबे मां अज़ेरां बाद तु मेरो मुन्ही नईं रालो।” 3 मुन्हो अपने दिले मां सोचू मेरो मालिक मेरे कम्मे करानी मां कढने लोरोए, मां मुजट्री भी न करोए ते शमरिमारे भीख भी न मैगोए। 4 “अवं ज़ानाताई कि, मीं कुन केरनूप इट्टुं कढनेरे बाद मीं लोक खुशी सेइं अपने घरे मां कबूल केरतन।” 5 बस्सा तैनी अपने मालिकेरो अक कर्जदार तोपाते, पैइले एककी पुच्छूं तीं कां मेरे मालिकेरो केत्रे रुपेइयेन? 6 तैनी जुवाब दित्तो, जैनुरो तेलेरे 100 पींचां केरि कीमते, तैनी जोवं इनां तेरां काकलां, ते विश्तां 50 पींचे बना। 7 किरी तैनी मुन्हो होरि सेइं जोवं, “तीं कां केत्रो कर्जाए?” तैनी जोवं, “गैंहूं केरि 100 बोरो।” तैनी जोवं, “यां काकलां ते विश्तां 80 लिंची।” 8 मालिके तैस वेईमान मुशरीत तारीफ की, एल्हेरेलै कि तैनी वेडि चलैकी सेइं कम कियेव थियूं। किजोकि इस दुनियारे लोक अपने लोकन सेइं सौदो केरनो परमेश्वरे लोकन करां बडे हुशारी सेइं केरतन। (aiōn g165) 9 अवं तुसन सेइं जोताई कि दौलत खर्च केरतां इस दुनियारे लोकन दोस्त बनाथ, तुसन मरनेरां बाद हमेशारू घर मैलन्हु। (aiōnios g166) 10 जै थोडे जेरे मां इमानदेरी सेइं रहते ते हछे मां भी ईमानदार रहते। जै थोडे करां थोडे मां भी बेइमाने तै हछछे मां भी बेइमाने। 11 बस्सा अगर तुस बेइमानेरे धन दौलती मां ईमानदार न भोए, त अपनि सङ्गी दौलत जै स्वर्गे मां आए, कौन तुश्शे हवाले केरलो? 12 अगर तुमेइं होरि केरे माले मां ईमानदार न भोए, त जै तुश्शी अपनो माले कौन तुसन दलो? 13 कोई नौकर दूर्द मालिकां केरि सेवा एककी वके मां न केरि सके। न त एककी सेइं दुश्मनी केरेलो ते होरि सेइं प्यार केरेलो, या एकको बेनां रालो त होरि न सुखालो। तुस परमेश्वरी ते दौलतरी, दुश्यां केरि सेवा न केरि सकतथ।” 14 तैखन फरीसी लोक जैना दौलतरे लालती थिये, एन गल्लां शुन्नां यीशुएरी हासी बनाने लगो। 15 यीशु तैन जौ जोवं, “तुस तैन आथ जैना लोकन मां अपनो आप बड़ो धर्म द्विरातन। पन परमेश्वर तुश्शे दिलीरी हालत जैनाते किजोकि जै चीज लोकां केरे लेइ बड़ी बड़ीए ते तै परमेश्वरी नजरी मा भिट्ठी आए।” 16 “मूसेरे कानून ते नेवी केरि गल्लां यूहन्ना बपतिस्मो देवबाले तेर रेड, ते फिरी परमेश्वरे राजजेरी खुशखबरी शुनाने लगे ते हर कोई तैस मां दाखल भोनेरी बड़ी कोशिश केरने लगरेन। 17 पन धरती अब्बर टेली गालू पन परमेश्वरे कानूने मरां अक बिदी भी न मिटेली। 18 जै कोई अपनि कुआन्श शैरता होरि सेइं ढला बनाते तै तैस सेइं बदमाशी केरते ते जै शेरोरी कुआन्शी सेइं ढला बनाते तै भी बदमाशी केरते।” 19 “अक मैनू बडो अमीर थियो, ते तै बैंगनी लिगड़ां लातो थियो, ते बडां मायो लिगड़ां लातो थियो। ते रोज़ एश अशरती मां मसत रातो थियो। 20 अक बडो गरीब मैनू जेरेसू नवं लाज़र

थियूं, तैसेरे दारे कां एन्तां रखोरो थियो, तैसेरी सारी जान खेराडें सेइं भेरतां थी। 21 तै चातो थियो, कि अमीर मैनेरे टुकेइं सेइं अपनू पैट भेरि, पन तैड़ी कुतरा एइतां थियां ते तैना तैसरां खेरडा भी चटता थियो। 22 फिरो एहु भोव कि जै गरीब लाज़र मेरि जेव रस्वांदितैरे तै छुइतां अब्राहमे कां पुज़व, ते अमीर मैनू भी मेरि जेव ते तै दैब्बी छुहो। 23 जैखन तैनी पातालेरे दुखे मां अपनि एछाँ धैड़ी? त दूरों तैनी अब्राहम हते तैस कां नेडे लाज़र लाव। (Hadēs g86) 24 तै चिंडा मैरतां जौने लगो, “ए बाजी अब्राहम मीं पुड़ दया केर, एस लाज़रे भेज ते ए अपनि अंगलोई पैनी सेइं सेलतां मेरे जिभी पुड़ लाए, किजोकि अवं अग्गी मां तड़फने लोरोई।” 25 पन अब्राहमे जोवं, “मट्ठा याद केर तीं त अपनि जवेनी मां सब रोडी चीजां मैल्ली ते इस लाज़रे सिर्फ बुरी चीजां मैल्ली, पन ए हुन्ना इड़ी आरामे मांए ते तू तकलीफी मां आस।” 26 ते एन गल्लां केरे अलावा इस्खे ते तुश्शो मझाटे अक बड़ी खाईए, ताके जै कोई पार गानू चाए न गेह सखे ते जै वार एजनू चाए न एज्जी सखे।” 27 तैनी मैने जोवं, ए बाजी अब्राहम, अवं जोवले हथ केरतां जोताई कि, तू लाज़रे दुनियाई मां मेरे बाजी केरे घरे भेज। 28 तैड़ी मेरे पंच ढला आन ते तै तैन हदायत दे कि, एहु न भोए ते तैना भी इस अग्गी मां एजन। 29 पन अब्राहमे तैस जोवं, “तैन केरि हदायतरे लेइ तैन कां मूसेरो कानूने ते नेवी केरि किताबां त आन तैना तैन शुनन् ते मनन्।” 30 तैनी मैने जोवं, “नईं ए बाजी अब्राहम अगर कोई मुद्दन मरां ज़ीतो भोइतां गाए त तैना ज़रूर पापन करां मन फिराले।” 31 पन अब्राहम तैस सेइं जोवं, “अगर तैना मूसेरी ते नेवी केरि न शुनी ते अगर कोई मुद्दन मरां ज़ीतो भोइतां गाए त तैना तैसेरु भी याकीन न केरेले।”

## 17

फिरी तैनी अपने चेलन सेइं जोवं, “एन न भोइसखे कि लोकन ठोकर न लगे, पन अफ्कासोस तैस मैनू पुड़ जै होरि केरे लेइ ठोकर बनते।” 2 तैसेरेलै त एन्ने रोडु थियूं कि ढलाटेरो ढलेइटोल तैसेरे गल्ले उन्डो छेडतां ते समुन्द्रे मां शैरतां छुहो गथो, ताके तै होरि जो जैना विश्वासे मां कमजोरन ठोकर न बने। 3 बस्सा हुशार राथ तुस कुन केरतथ, अगर तुश्शो विश्वासी ढला पाप केरतरे त तैस समरायथ ते अगर तै पापन करां मन फिराए त तैस माफ़ केरा। 4 अगर तै एककी दिल्ली मां तेरो सत्ते बार तेरो पाप केरे त अगर तै सत्ते फेरेइ तीं कां इटां माफ़ि मग्गे त तू सत्ते फेरेइ तैस माफ़ केरां।” 5 प्रेरिटैं प्रभु सेइं जोवं, “हे प्रभु, इश्शी मदत केरि कि अस होरे भी मज़बूती सेइं विश्वास केरम।” 6 प्रभु यीशुए जोवं, “अगर तुश्शो विश्वास सिवतारे गलेरे बराबर भी भोलो त तुस तूतरे बुदे जो जोई सकतथ इट्टुं उखड ते समुन्द्रे मां लग त तू तुश्शो हुक्म मनेलो।” 7 “तुसन मां एरो कौन आए, जैसेरो नौकर ऊडारां बेंतो भोए या गोरु ज्वारतो भोए ते जैखन तै ऊडारे मरां घरे एज्जे त तैसेरो मालिक तैस जोए कि, “लूशी विश्व ते रोटी खा।” 8 या एन न जोए कि मेरी रोटी तियार केरथ ते ज़ां तगर अवं रेज्जी नन्हा तू मेरी सेवा केरतो राए, तैल्ला पत्ती तू भी खा? 9 कुन तै एल्लेरेलै नौकरेरु अहसान केरेलो कि, तीं तैन कियूं जैन तीं केरनेरे लेइ जोवर थियूं? 10 एन्नेरे जैखन तुस एन सब केरेलो जैस केरनेरो तुसन हुक्म दित्तोरो थियो, त जोथ कि, “असां निकम्मे नौकर आम? असेइं तैनै कियूं जैन केरनू पैट ते ज़ान आथ जै चीज लोकां केरे लेइ बड़ी बड़ीए ते तै परमेश्वरी नजरी मा भिट्ठी आए।” 11 एककी फेरे यीशु तुश्शे दिलीरी हालत जैनाते किजोकि जै चीज लोकां केरे लेइ बड़ी बड़ीए ते तै परमेश्वरी नजरी मा भिट्ठी आए। 12 जैखन तैनी एककी इलाज्जे मां पुजुने बाले थिये ते तैड़ी दश कोडी मैल्ले जैना दूर खेड़ोरे थिये। 13 तैनेइं बडे ज़ोरे सेइं जोवं, “हे यीशु, हे प्रभु, असन पुड़ दया केर।” 14 यीशुए तैन लेइतां जोवं, “यद्यश्लेम नगरेरे मन्दरे मां गाथ ते अपनो आप याजकन हिराथ, ते सङ्गे एहु भोवं कि गाते बार बतां तैन केरू कोड़े साफ़ भोइ जेव।” 15 पन तैन मरां अक कोडी अपनू कोड़े हेरतां कि, तैसेरो कोड़े साफ़ भोरोए खुशी भोइतां बडे ज़ोरे सेइं प्रभुरेरे राजजेरी खुशखबरी शुनाने लगे ते हर कोई तैस मां दाखल भोनेरी बड़ी कोशिश केरने लगरेन। 16 पन धरती अब्बर टेली गालू पन परमेश्वरे कानूने मरां अक बिदी भी न मिटेली। 18 जै कोई अपनि कुआन्श शैरता होरि सेइं ढला बनाते तै तैस सेइं बदमाशी केरते ते जै शेरोरी कुआन्शी सेइं ढला बनाते तै भी बदमाशी केरते।” 19 “अक मैनू बडो अमीर थियो, ते तै बैंगनी लिगड़ां लातो थियो, ते बडां मायो लिगड़ां लातो थियो। ते रोज़ एश अशरती मां मसत रातो थियो। 20 अक बडो गरीब मैनू जेरेसू नवं लाज़र

तैखन यीशुए तैस ज़ोवं, “खड़ो उठ ते च्लो गा तीं मां पुड़ विश्वास कियो तांए तू बैज्ञोरीसा!” 20 फरीसी लोक यीशु पुच्छने लगे, “कि परमेश्वरेरु राज कैइस एजनूए? यीशुए तैन जुवाब दित्तो कि परमेश्वरेरु राज एरु नई कि कोई तैस लई बटे। 21 ते ज़ीन कि हेरा इड़ी या उड़ीए एन्जरे नई बल्के परमेश्वरेरु राज तुशो मझाटे!” 22 यीशुए अपने चेलन सेइं ज़ोवं, “ते दिहाड़ी भी एजनाए कि, ज़ेइस तुस परमेश्वरी दिहैन मरां अक दिहाड़ी हेनरी इच्छा रखेले, ज़ेइस मैनेर मधु यानी अवं वापस एजनोई, पन तुस न लई बटेले। 23 लोक तुसन सेइं ज़ोले कि, ‘हेरा, मसीह इड़ीए़’ या ‘उड़ीए या हेरा तै इड़ीए़!’ पन तुस तेरां न गेइथ ते न तैन पत्ती न चैलथ। 24 किजोकि ज़ेन्दरे बिजली अब्वरे मरां चेमकतां एककी पासेरो होरि पासे च्लाली गाचे, तेन्नरे मैनेर मधु यानी अवं तैस दिहाड़ी बांदो भोलो। 25 पन ज़स्सीए कि तै पेइले दुःख झील्लै ते इस ज़मानेरे लोक तैस घटिया समझान। 26 ते ज़ेरु इश्वर पूर्वज नहुरे ज़माने मां भोरु थियू, तेरहु मैनेरे मधुरे ज़माने मां भोतू। 27 ते इस भी लोक खाते पीते थिये ते डुला भोते रहते थियो। ते ज़ां तगर नूह किश्ती मां न थियो जोरा तांतगर सब किछ भोतू राव। ते फिरी तूफान अवं ते सब किछ खतम भोड़ जेव। 28 ते ज़ेरु इश्वर पूर्वज लूतेरे ज़माने मां भोरु थियू, कि लोक खाते पीते थिये बुपार केरते, बागां लाते ते घरां बानाने मां मधन थिये। 29 पन ज़ैस दिहाड़ी लूत सदोम नगरे मरां बेइर मैन्सो त पत्रोवं अब्वरेरा गंधकेरी अग बैखतां सब किछ खतम केरि छ्डू। 30 ते मैनेरे मधु यानी मेरु वापस एजनू भी अचानक भोतू। 31 “तैस दिहाड़ी ज़ी लाए पुड़ भोलो त तैसेरो माल सबाब अगर घरे मां भोलो त तैस नेने तै अन्तर न एज्जे, ते ज़ी ऊड़रे मां भोलो तै भी वापस न गाए। 32 लूलेरो कुआन्शी सेइं कुन भोवं याद रख्खा। 33 ज़ी अपनि जान बचानेरी कोशिश केरेलो तै तैस गुवालो, ते ज़ी तैस गुवालो तै तैस बज्जालो। 34 अवं तुसन सेइं ज़ोताई कि तैस राती दूर्दू मैन्नु एककी खट्टी पुड़ झालेरो भोले, ते अक नींगी गालो, ते दुयोंपर तैड़ी रालो। 35 दूर्दू कुआन्शा हिटलाट पड़ी भोली त अक नेनीए ते अक तैड़ी छडिनियें। 36 दूर्दू मैन्हु ऊड़रे मां भोले त अक नेनोए ते अक तैड़ी छडिनोए।” 37 एन शुन्ता तैनैई यीशुए पुच्छू, “हेर प्रभु असन सेइं ज़ो, एन कोडि भोलू?” यीशुए तैन ज़ोवं, “ज़ैड़ी ज़िग्ग भोते तैड़ी इल्लां जामां भोइचन”

**18** यीशु अपने चेलन अक मिसाल देइतां ज़ोवं, कि हिम्मत हारनेरे बौरे प्रार्थना केरती रावरी लोडे। 2 “एककी नगर मां अक हाकिम रातो थियो। तै न परमेश्वरे करां डरो थियो, ते न को-ची मैनेरी परवाह केरेतो थियो। 3 तैस नगर मां अक विधावा कुआन्श रहती थी ज़ै तैस हाकिमे कां एइती रहती थी, ते तैस का मिनत केरती रहती थी कि, मेरो इन्साफ केरतां मीं मेरे दुश्मने करां छुटा। 4 पेइले त तैनी एतो खियाल न कियो पन ज़ैखन ए हिसाब ज़लतो राव, त तैनी अपने मने मां ज़ोवं, “अवं न परमेश्वरे करां डेरि ते न मैनेरी परवाह केरि। 5 पन ए विधावा कुआन्श मीं परेशान केरती राचे, एल्होलेइ अवं एसारो इन्साफ केरेलो, नई त एसां अवं बड़ो ज़लील केरनोई।” 6 तैखन प्रभु यीशुए ज़ोवं, “शुना ए बेर्क्मान हाकिम कुन लोरोए ज़ोने। 7 बस कुन परमेश्वर अपने चुनोरे लोकां केरो फैसलो केरने मां चिर लालो, ज़ैना रात दिहाड़ी फरयाद केरते रातन? 8 अवं ज़ोताई, कि तै तैन केरो फैसलो केरेलो ते लूली केरेलो। पन फिरी भी ज़ेइस मैनेर मधु यानी अवं एज्जेलो त कुन लोक मीं पुड़ हेजू तार विश्वास केरते भोलो?” 9 यीशुए किछ एरे लोकन अक मिसाल दित्ती कि, ज़ैन अपनो आपे बड़ो धर्मी समझाते थिये ते होरन किछ न थिये बुझते। 10 “दूर्दू मैन्हु प्रार्थना केरने मन्दरे मां जे अक फरीसी मैन्हु थियो, ते होरो धडत (टेक्स) चिने बालो थियो। 11 फरीसी मैन्हु खड़ो भोइतां प्रार्थना केरने ते अपने बारे मां सोचने लगो, कि हे परमेश्वर अवं तेस शुक केरताई, अवं होरि मैन्हु केरो ज़ेरो नई ज़ैना टैकू, अधर्मी, बदमाशी केरनेबालो, ते इस धडत नेने बालेरो ज़ेरोई नई, 12 अवं हफते मां दूर्दू बार बरत खताई, ते अपनि कमईयरो दशोव हिस्सो तींजो देताई। 13 “पन तै धडत नेनेबालो ज़ै दूर खड़खडो थियो, जैनी एत्रू भी न केरि बटु, कि अब्वरेरे पासे तकके बल्के छाती पिढुतां ज़ोने लगो, ‘हेर परमेश्वर

मीं पैपी पुड़ दया केरतां माफ केरि!’ 14 अवं तुसन सेइं सज़ ज़ोताई, ए धडन नेनेबाले मैन्हु तैस फरीसी मैन्हु करा धर्मी निस्ता अपने घरजो जेव। किजोकि ज़ै कोई अपनो आप बड़ो बनालो तै निकड़ो बनाव गालो ते ज़ी अपनो आप निकड़ो बनालो तै बड़ो बनाव गालो।” 15 फिरी किछ लोक निकके बच्चन यीशु कां आने लगे ताके यीशु तैन पुड़ हथ रेखतां बरकत दे। चेलैई तैन लाव तैन थमकाए ते ठाकू। 16 पन यीशुए बच्चे एप्पू कां कुजाए ते चेलन सेइं ज़ोवं, “बच्चन मीं कां एजने देथ एन न ठाका, किजोकि परमेश्वरेरु राज एरां जेरां केस्से। 17 अवं तुसन सेइं सज़ ज़ोताई, ज़ै कोई परमेश्वरेरु राज मां गानेरे लेहु अपनो आप निकके बच्चन बराबर न बनाए, तांतगर परमेश्वरेरु राज्जे मां दाखल न भोइसख्ये।” 18 केन्वी यहूदी मैने यीशुए पुच्छू, “हे रोडे गुरु हमेशारी ज़िन्दगी हासिल केरनेरे लेहु अवं कुन केरि?” (aiōnios g166) 19 यीशु जुवाब दित्तो, “तू मींजो रोडू किजो ज़ोतास? परमेश्वरे अलावा होरो कोई भी रोडो नई। 20 तु तैरमेश्वरेरु हुक्मन ज़ानतस, यानी ‘खून न केरा, बदमाशी न केरा, चोरी न केरा, झाठी गवाही न देथ, धोखो न देथ, अपने हाज-बक्कां केरि इज्जत केरा।” 21 तैनी मैने ज़ोवं, “एना सब हुक्म अवं बचपनेरो मन्तो ओरोई।” 22 ज़ैखन यीशुए एन शुन्तां ज़ोवं, “तीं मां एककी गल्लारी कमी आए, तू ज़ैन किछ तीं कां आए, तैन बेच्चातां गरीब मैनन् दे, तैखन तीं स्वर्ग मां खजानो मैलेलो। ते एइतां मीं पत्ती त्रल।” 23 ए गल शुन्तां तै बड़ो उदास भोड़ जेव किजोकि तै बड़ो अमीर थियो। 24 यीशुए तैस हरतां ज़ोवं, “अमीरां केलु परमेश्वरेरु राज्जे मां दाखल भोनु केन्वु आसुखतुए। 25 परमेश्वरेरु राज्जे मां अमीर मैनेरु दाखल भोने केरा ऊंटेस सांधनेरे पाए मरां निस्नु सुख्तु आए!” 26 ज़ैनैई ए गल शुनी तै तैना पुच्छने लगे, “फिरी कसेरी मुक्ति भाइ सख्त्ये।” 27 यीशुए जुवाब दित्तो, “मैन्नकं करां त एन न भोड़ सके पन परमेश्वरे करां सब किछ भोड़ बटो।” 28 पतरसे यीशु सेइं ज़ोवं, “हेर असां त सब किल छेडतां तीं पत्ती चलारेम।” 29 यीशु तैन सेइं ज़ोवं, “अवं तुसन सब ज़ोताई, कि एरो कोई नई ज़ैनी परमेश्वरेरु राज्जेरे लेहु अपनू घर या कुआन्श ते हाज या बव, ढला या बच्चे शारोरे भोन। 30 तैस इस दुनियाई मां बडु जादे, ते एजने बैली दुनियाई मां हमेशारी ज़िन्दगी मैलनीए।” (aiōn g165, aiōnios g166) 31 यीशुए अपने 12 चेले एप्पू सेइं साथी निये ते तैन ज़ोने लगो, हेरा, “अस यस्शलेम मनरे जो ज़लोरेम ते नेवई ज़ैन किछ मैनेर मधुरे बारे मां लिखोरुए तैन पूरु भोलू। 32 तै गैर कोमां केरे हथ्ये दोगो, ते तैना तैसेरो मज़कां बनाले ते तैस भोलू केरेले ते तैसेरो तुरेरे पुड़ थुक्कनूए। 33 तैस कोडे मारोले ते तैस मैरी छडेले पन तै त्लेड्योवं दिहाडे फिरी ज़ींती भोलो।” 34 तैनैई ए गल न सेमझी बटी ते यीशुएरी एस गल्लरो मतलब तैन करां छप्पोरो राव। 35 ते एरु भाव कि जैखन तैना यरीहो नगरेरे नेहु पुज्जे त अक कानो मैन्हु बतारे इलेक्ट्रो बिशोरो भीख मगतो थियो। 36 जैखन तैनी हछे मैन्हु केरि छेड़ शुनी तै पुच्छने लगो, “ए कोलाहेरी शौर लोरी भोने?” 37 लोकैई तैस ज़ोवं, “यीशु नासरी कोस्कोई चलारोए।” 38 तै चिन्डां मैरतां ज़ोने लगो, “हे यीशु नासरी दाऊदेरा मठुं मीं पुड़ दया केरा।” 39 यीशुए सेइं साथी त्रलने बाले लोक तैस काने मैन्हु छिडकने ते ज़ोने लगे, चुप रा, पन तै मना जादे ज़ोर-ज़ोरे चिन्डां मैरतां ज़ोने लगो, “हे यीशु नासरी दाऊदेरे मठुं मीं पुड़ दया केरा।” 40 यीशु खेडोव ते हुक्म दित्तो, एस मीं कां आनां जैखन तै तैस कां अवं त यीशुए तैस पुच्छू। 41 ज़ो, “अवं ते लेहु कुन केरि?” तैनी काने मैने ज़ोवं, “हेर प्रभु अवं चाराताई कि अपनि एछलेइ सेइं लेहु बेटी।” 42 यीशुए तैस सेइं ज़ोवं, “बेज्जोरी एग ते विश्वासे तू बृज्जावरिस।” 43 तै तैखने बेज्जोर ते लहने लगो ते परमेश्वरेरी तारीफ केरते यीशु पत्ती त्रलो जेव। एन हेरतां सब लोक परमेश्वरी तारीफ केरने लगो।

**19** यीशु यरीहो नगरे मांसेइं निस्ता चलोरे थियो। 2 तैड़ी अक मैन्हु थियो, ज़ेसेस नवं ज़क्कर्क थियूं तै धडत घिन्ने बालां केरो अफसर थियो, तै बड़ो अमीर थियो। 3 तैस यीशु हेनरो चाऊ थियो, पन तैसेरु कद छोट थियूं ताएं तै हछे मैनन् मरां लेहु न थियो बटतो। 4 एल्होलेइ तै देवलां अगर जेव ते फेरगे बुटे उबरो गुस्सो किजोकि जैखन यीशु एज्जे तै तैस रोडेचारे लेहु

सके। 5 जैखन यीशु तैस ठैरी पुजो त तैनी उबरू तेकतां जोवं, “जककई लूशी उन्ढो ओस, किजोकि अज़ मीं तेरे घरे ट्लाहन ज्ञारेई एज्नूए।” 6 जककई तैखेने उन्ढो औस्सो ते यीशु बैड़ि खुशी सेइं अपने घरे नीयो। 7 एन हेरतां सब लोक शकैइत केरतां जैने लाए, “कि यीशु त एककी पैपी मैनेरो मेहमान बनोरोए।” 8 जककई रोटी खांते बारे खड़ो भीड़तां प्रभु सेइं जैने लगो, “हे प्रभु यीशु तक अवं अपनि अध्यि जेइदात कंगालां देताईं, अगर केन्चरू किल खोरू भोलू त तैस चेवे हिस्से वापस देइलो।” 9 तैखन यीशुए तैस सेइं जोवं, “अज इस घरे मां मुक्ति ओरिए, एलहेरेले इन भी पूर्वज अद्वाहमेरू अक मट्टए।” 10 किजोकि मैनेरू मट्ट यानी अवं होरी लोकन हमेशारी सज्जाई करंग मुक्ति देने एवरोई।” 11 जैखन लोक यीशुएरी गल्ला शुने लगोरो थिये त तैनी तैन अक मिसाल देइतां जोवं, किजोकि तैना यरूशलेम नगरे नेइं पुजोरो थिये ते लोकां केरो खियाल थियो परमेशरेव राज़ लूशी एज्नू आए। 12 तैनी तैन जोवं, “अक बड़ो अमीर मैन्हु होरि मुलखे मां चलो, ताक तैस मुलखेरो मेंत्रो ओदो थिन्तां वापस एज्जो।” 13 तैनी अपने सेवादारन मरां दश जाह्ने कुजाए, ते तैन दश मोहरां देइतां जोवं, “मेरे वापस एज्जो तगर इस पेंइसे सेइं कारोबार केरथ।” 14 पन तैस ठैरी लोक तैस सेइं नफरत केरते थिये, तैनेई किल लोक भेजतां तैस जो विस्तार भेजो, कि अस न चाम ए मैन्हु असन पुड़ राज़ केरे।” 15 “जैखन तै हुक्मतरो ओदो हासिल केरतां वापस अव त तैनी अपने सेवादारे जो समाद भेजो। जैन तैनी कारोबारे लेइ पेंडे दित्तोरे थिये ताके सेभी केरो पतो केरे कि केनि केन्त्रु कियेह आए।” 16 पेइले मैने इडतां जोवं, “हे मालिक मीं तेरी दश अश्रेफेइं सेइं दश होरि कमई।” 17 तैनी तैस सेइं जोवं, “तीं दश अश्रेफेइं सेइं इमानदारी सेइं कम कियूं गा तीं दश नगरन पुड़ अधिकार दित्तो गाते।” 18 दुखोवं मैने इडतां जोवं, “हे मालिक मीं तेरी पंच अश्रेफेइं सेइं पंच होरि कमई।” 19 तैनी तैस सेइं भी जोवं, “तीं भी पंच नगरन पुड़ अधिकार दित्तो गाते।” 20 तैखन एककी मैने इडतां जोवं, “हे मालिक इना रेइ तेरी अश्रेफी मीं एन रूमाले मां बेंधतां रखोरि थी।” 21 किजोकि तू सखत मैनूस ते अवं तीं करां डरतो थियो। किजोकि तू तै चीज़ जै तीं न भोए रखोरि तू तैस भी नेतस ते जैन न भोए बेवरू तू तैन भी लुनतस। 22 तैनी तैस सेइं जोवं, “हे दुष्ट नौकरा अवं तेरी गल्लेहे सेइं तींए मुर्जम बनताइं। ज़द तीं पतो थियो, कि अवं बड़ो सखत मैन्हु आईं, ते जै चीज़ मीं नईं रखोरि अवं तैस भी सलहतां ते जैन नईं बेवरू अव तैन भी लुनतां।” 23 फिरी तीं मेरे रूपैइये केन्त्री कां किजो नईं रखोरे ताके अवं वापस एइतां तैस करां सुते समेत उसुल केरेथो?” 24 तैखन तैनी तैन सेइं जोवं, “जैन तैडी खुड़खुडे थिये एस करां एन अश्रेफी एन्तां उस देथ जैस कां दश अश्रेफीन।” 25 तैना जैने लगे हो मालिक एस कां पेइती दश अश्रेफीन। 26 तैनी तैन जुवाब दित्तो, अवं तुसन सेइं जोताई कि, “जैस कां परमेशरेरी मर्जी समझनेरी खुवाइश आए, तैस परमेशर जादे समझा देलो।” पन जैस कां परमेशरेरी मर्जी समझनेरी खुवाइश नईं, तैस केरां, थोड़ी जेरि समझ जै तैस कां आए, तै भी नी गाली।” 27 पन मेरे इन दुश्मन जैन मीं न थिये सुखते कि, ए असन पुड़ राज़ केरे एन इंतां आमां ते मेरे सामने एन मैरी छड़ा।” 28 एन गल्ला इडतां यीशु अपने चेलन सेइं साथी अग्रोवं जेव कि यरूशलेम नगरे मां गाए। 29 जैखन तैना जैतूनेरे पहाड़े बैतफोरो ते बैतनियाह मां पुजो त यीशुए दूर्द चेले एन जोइतां अग्रोवं भेजो। 30 “तुस सामने उस डलब्बे मां गाथ ते तैडी तुसन अक गधेरो बच्चो बधेरो मैलनोए। जैस पुड़ अज तगर कोई नईं चढ़ोरो तैस खोलतां इडी मीं कां आनां।” 31 ते अगर तुसन कोई पुच्छे, कि तुस एस किजो लोरेथ खोलने ते तुस ज्ञोइयथ, कि प्रभुए एसेरी ज़रूरत आए।” 32 अग्रोवं गेनबाते चेलेई तैने कियूं जैन यीशुए ज्ञोस थियूं। 33 जैखन तैना गेवेरो बच्चे खोलने लगोरो थिये त तैसेरो मालिक तैन पुच्छे लगो, “तुस एस बच्चे किजो लोरेथ खोलने?” 34 तैनेई जुवाब दित्तो, “प्रभुए एसेरी ज़रूरतो।” 35 तैनेई तै बच्चो खोलतां यीशु कां आनो, ते यीशुए तैस पुड़ अपना लिगडा छेडतां तैस पुड़ चेडतां चलो जेव। 36 जैखन तैना चलोरे थिये त लोकई अपना लिगडा बक्ती मां बिछां। 37 जैखन तैना यरूशलेम नगरे नेइं पुजो त जैटून पहाड़े पुड़ेरो उन्ढी गातीए तैडी

सारे चेलेई एना चमत्कार हेरतां ते खुशी भोइतां परमेशरेरी तारीफ केरने लगो कि, 38 “धने तै राजो जै परमेशरे नव्वे सेइं इडते। ते स्वर्गे मां महिमा ते अम्बरे मां शान्ति भोए।” 39 तैन मैनून मां किल फरीसी लोक भी थिये। तैना यीशु सेइं जैने लगे, “हे गुरु अपने वेलन जो कि चुपे केरन।” 40 यीशुए तैन जुवाब दित्तो, “अवं तुसन ज़ोताई, अगर एना लोक तुपे केरन त इना घोड़ जैरे सेइं परमेशरेरी तारीफ केरेलो।” 41 यरूशलेम नगरे मां पुजतां यीशु यरूशलेम नगरो हाल हेरतां तैस लेरां छुटी। 42 ते जैने लगो, “अगर तुस सिर्फ इस दिव्हैरे बारे मां जानते भोथे, जै तुसन शैन्नरे पासे नेती। पन ई गल हुना तुश्शे छुल्छन करां छ्योरोए।” 43 तीं तैना दिव्हैरे हेरते पेनेन जेइस तेरे दुश्मन तेरे चेवे पासन मोरचो बेंधतां ते तीं घेरो देले, ते हर पासेरां तीं पुड़ हमलो केरेलो। 44 तुश्शे दुश्मन तुसन नाश केरेलो, ते सैरी लोकन मारेलो, ते तीं पुड़ घोड़े पुड़ घोड़ बाकी न रालो। किजोकि ज़ेइस परमेशर तुसन बचानेरे लेइ ओरो थियो तुसेई न पिशानो।” 45 तैखन तै मन्दरे मां जेव ते तैडी तैने बुपारी ते गाक बेडोरं कढने शुरू कियो। 46 तैनी तैन सेइं जोवं, “पवित्रशास्त्रे मां लिखोरू भेसू मन्दर प्राथनारू घर भोलू,” पन तुसेई त डैकू केरो अडु बनेइतां रख्खोरोए।” 47 ते तै तैस पवित्र दहड़ी मन्दरे मां शिक्षा देतो थियो, पन प्रधान याजक ते शास्त्री लोकई यीशु मारनेरी कोशिश मां लगोरो थियो। 48 पन तैन एन करनेरो मौको न थियो मैलतो, किजोकि सारे लोक यीशुएरी गल्ला शुन्नेरे लेइ चेवे पासन विश्वरो रहते थिये।

**20** एककी दिव्हैरे जैखन यीशु मन्दरे मां शिक्षा लोरो थियो देने, ते तैन खुशखबरी लोरो थियो शुनाने त प्रधान याजक ते शास्त्री ते यहूदी बुजुर्ग यीशु कां पुजो। 2 ते तैना जैने लगे, “तू एन सैरी गल्लां कसेरे अधिकारे सेइं केरतस या तीं ए अधिकारे केि दित्तोरोए?” 3 यीशु तैन जुवाब दित्तो, “अवं भी तुसन अक गल पुछतहव, मीं जोथ।” 4 यहून्नारो बपतिस्मो स्वर्गे तरफां थियो या मैनूहू केरे तरफां थियो?” 5 तैना एपू मोमेइं बेंस केने लगे, “कि अगर अस जोम, ‘स्वर्गेर तरफां थियो,’ त तै पुछेलो कि, ‘फिरी तुसेई याकीन की नई कियरू?’ 6 पन अगर अस जोम कि, ‘मैनूहू केरे तरफां थियो,’ त लोकई असन घोड़ैरेइ देनिन, किजोकि तैना यहून्ना नवी मन्ते थियो।” 7 एल्हेरेले तैनेई जुवाब दित्तो, “कि अस न जानम कि केसेरी तरफां थियो।” 8 यीशु तैन सेइं जोवं, “त अवं भी तुसन सेइं न ज़ोई कि एना कम्मां कसेरे अधिकारे सेइं केरताई।” 9 फिरी यीशु तैन लोकन अक मिसाल देइतां जैने लगो, “एककी मैने दाल्ही बाग लाई ते तै ठेकेदारन ठेके पुड़ देइतां एपू खरे चिरे कोस्कोड दूर मुलखे चलो जेव।” 10 जेइस दाल्ह पकनेरो मौसम अव त तैनी अपनो हिस्सो नेनेरो लेइ अक नौकर बागी मां भेजो। पन तैनेई तैसेरी भी बेइज्ञती की, ते तै भी झुस कुट केरतां खाली वापस भेजो। 11 ते फिरी तैनी अक होरो नौकर भेजो, पन तैनेई तैसेरी भी बेइज्ञती की, ते तै भी झुस कुट केरतां खाली वापस भेजो। 12 फिरी तैनी अक ट्लेइयोवं होरो नौकर बागी, पन तैनेई तैसेरी भी बेइज्ञती की ते ज़खी केरतां कहो। 13 तैखन बागारे मालिके जोवं, “अवं अपनू ट्लारू मद्द भेजताई शैदू तैन तैसेरो लिहाज केरेलो।” 14 पन जैखन ठेकेदारेइ तै लाव त एपू मांसेइं मुशोरो केरने लगे, ए मालिके, एज्जा एससे मारम ताके जेइदात इश्वो भोइ गाए। 15 तैनेई तैन मद्द बागी मरां बेइरे शेरी छुट्ट, ते मारू तुस सोचा कि फिरी बागारे मालिके तैन सेइं कुन केरेलो। 16 तीं मालिक एड्हा तैन मैरी छुट्टोलो ते बाग होरि केरे हवाले केरेलो।” 17 तैनी तैन केि पासे तेकतां जोवं, “फिरी इन कुने जैन पवित्रशास्त्रे मां लिखोरू कि, ‘जै घोड़ भिन्नेई र्धी कियो, तैए घोड़ कूनेरो घोड़ भोलो।’” 18 जै मैनूहू इस घोड़े पुड़ बिछुडेलो त तैसेरो टुकड़े-टुकड़े भोइ गाले, ते जैस उन्ढो ए घोड़ बिछुडेलो तैसेरो ए पितां छुट्टोलो।” 19 शास्त्री लोकई ते प्रधान याजकई यीशु ट्लानेरो कोशिश की। किजोकि तैना बुझी जोरे थिये, कि तैनी ए मिसाल एन केरे बारे मां शुनेवरी थी, पन तैना लोकन करां डरते थिये। 20 तैना लोक यीशुए ट्लानेरो मौको तोपने लोरे थिये, तैनेई विश्वरैसी केरे रूपे मां जासूस भेजो ताके तैसेरी कोई गल ट्लेइ सखन ते फिरी राजेर अधिकारे मां देइ देन। 21 तैनेई यीशु पुच्छ, “हे गुरु

अस ज्ञानतम कि तू सच्चे आस ते सच्चेरी शिक्षा देतस, ते केन्चरी तरफदारी न केरस बल्के सच्चे सेइं परमेशरेरी बत्तरी शिक्षा देतस। 22 कुन असन महाराजे जो धडत देनी जड़जे कि नेइ? 23 यीशु तैन केरे चलाकी बुझाता तैन जो ज़ोवं। 24 “मी अक दीनार हिराथ ते एस पुड केसेरी शकल ते केसेरु नन्क्वे?” तैनेइ ज़ोवं, “महाराजेरी।” 25 यीशु तैन सेइं ज़ोवं, “ज़ैन महाराजेरू तैन महाराजे जो देथ, ते ज़ैन परमेशरेल ए, तैन परमेशे जो देथ।” 26 ते तैना लोका केरे सामने तैसेरी कोई गल न टलेइ सच्चे बल्के तैसेरे जुवाबे सेइं तैना हैरान भोडता चुप रेहजे। 27 फिरी सादूकी जैन जोते थिये कि मुवोरे ज़ींते न भोन ते फिरी किछ यीशु कां एइतां पुच्छने लगे। 28 “हे गुरु असन जो मूसोरे हुक्मे कि अगर केन्चरी ढला अपनि कुआन्शारे भोते सते ओईटल मेरि गाए त तैसेरो ढला तैस कुआन्शी सेइं डला बनाए, ताके तै अपने ढलाएरे लेइ औलाद पैदा केरे। 29 सत ढला थिये पेइले डला बनाव ते ओईटले मेरि जेव। 30 फिरी होंते तैस सेइं डला बनाव। 31 फिरी तैल्ला पर्ती टलेइयोवं तै कुआन्श रस्त्वी फिरी एन्नरे सेइं सत्तेइं ज़ुन्हेइ डला बनाव, पन सब बैओलाद मेरि जे। 32 ते आख्करि तै कुआन्श भी मेरि ज़ई। 33 ते ज़ींते भोने पुड तै केसेरी कुआन्श भोली? किजोकि तै सत्ते ढलां केरि कुआन्श बनोरी थी।” 34 यीशु तैन सेइं ज़ोवं, “इस दुनियारे लोकन मां त डला बनानेरो दस्तूरे। (aiōn g165) 35 पन ज़ैना लोक एजने बैली दुनियारे काबल भोले, ते ज़ैना मुङ्डन मरां ज़ींते भोले तैना डला न बनालो। (aiōn g165) 36 तैना मैले भी नन्ना एहलेइ की तैना स्वर्गदूतां केरे ज़ेरे भोले ते तैन जो ज़ींते भोनेरां ते परमेशरों मटुं जोले। 37 ते ज़ैडी तगर मुडांदा केरो ज़ींते भोनेरी गल्ले, ज़ेन्नरे मूसा नेरेव ज़लते डैल्लोवेर बारे मां, तेन्नरे इशारो परमेशर ते याकूबेरो परमेशर ज़ोडितां फुकारातो थियो। 38 पन परमेशर मुडांदा केरो नई बल्के ज़ींतां केरो परमेशर। किजोकि तैसेरे नेडे सब ज़ींतां।” 39 शास्त्री लोकन मरा किल्हेइ जुवाब दिलो, “हे गुरु तीं त बडू रोडू ज़ोवं।” 40 फिरी तैन मरां केन्वी हिम्मत न अई, कि एस होरु किछ पुछ्न। 41 फिरी यीशु तैन सेइं ज़ोवं, “फिरी मसीह जो दाऊदेरु मटु केन्चरे सेइं ज़ोतन? 42 किजोकि दाऊद त एप्पू भजना केरे किताबी मां ज़ोते, परमेशर मेरे प्रभु सेइं ज़ोवं, मेरे देहने पासे बिश। 43 कि ज़ां तगर अवं तेरे दुश्मन तेरे पावन हैन न बिशेली। 44 दाऊद त तैस जो प्रभु ज़ोते, फिरी तैन तैसेइ मटु केन्चरे भोवं?” 45 ज़ैखन सब लोक शुनी राहोरे थिये त यीशु अपने चेलने सेइं ज़ोवं। 46 “शास्त्री लोकन करां हुशार रेइयथ तैना लम्मेलम्मे कुरते लाने पसंद केरतन, ते होरु एन चातन कि लोक बजारन मां तैन जो नमस्कार ज़ोन, ते तैना प्रार्थना घेरे मां उच्ची कुर्सी तोपतन ते धामन मां बडे खास बन्नू चातन। 47 तैना विधावां कुआन्शां केरां धरां नुटन ते लोकन दिनानेरे लेइ बडी लम्पी प्रार्थना केरतन। तैन हछ्छी सजा मैलीनी।”

**21** यीशु अमीर लोकां केरे पासे तकने लगो, ज़ैना-ज़ैना दान-पेटी मां दान लोरे थिये छडने। 2 तैनी अक बडी गरीब विधावा कुआन्श लाई जैसां दूँह पेइसे यानी अक थेलो चाढो। 3 तैखन यीशु ज़ोवं, “अवं तुसन सेइं सत्र ज़ोताईं कि दान-पेटी मां दान देने बालन मरां सेब्बन करां जादे इस विधावा कुआन्शां दान दितू। 4 किजोकि तैनेइ त अपनि दौलती मरां सिर्फ धामरेरे पेइसे परमेशरे घेरे मां दितोरेन पन इस कुआन्शां अपनि गरीब हालती सेइं ज़ैन किछ एसारे पल्ले थियू सब किछ टेइ छुड़ा।” 5 किछ लोक मन्दरे बारे मां ज़ोने लारे थिये, कि बडे माथे घोड़ैइ सेइं ते दान कियोरी चीजन सेइं बनोरुए, त यीशु ज़ोवं। 6 “तैना दिहाडे एजने बालेन कि इन वीजां ज़ैना तुस इडी लहने लोरेथ इडी घोडे पुड घोड़ा नई रानो ज़ै बछोडो न गालो।” 7 तैनेइ यीशु पुच्छू, “हे गुरु जी एन गल्लां केइस भोनिन? ते तैन केरो दुनियाई मां एजनेरो कुन निशान भोनोए।” 8 यीशु तैन ज़ोवं, “खबरदार टेपलोइयथ नन्ना, किजोकि काई लोक मेरे नंवे सेइं एजनेन ते तैनेइ ज़ोन्हू कि अवं मसीह आई, ते मौको भी नेडे पुजोरोए तुस तैन पत्ती न गेइयथ। 9 ते ज़ैखन तुस लड़ेइयरी त उलझानरी अफुवां शुनेले त डेरथ नन्ना, किजोकि एन गल्लां केरू पेइले भोनू ज़स्तीए, पन तेइसे खातमों नई भोनो।” 10 तैखन

यीशुए ज़ोवं, “किजोकि कौमी पुड कौम, ते राज्जे पुड राज चढ़हाई केरेलू। 11 ठारी-ठारी बडे-बडे भुंजल एजनेन ते काल पैनोए ते बिमारी फैलनिए ते बुरी-बुरी गल्ला भोनिन ते अम्बरे मां आजीब निशान लेइहोनेन। 12 एन सब गल्ला भोने करां पेइले तुशें दुश्मन तुसन सिर्फ मेरे नव्वरे वजाई सेइं डहपेले ते तुसन सताले ते प्रार्थना धेररी आदालती मां हाज़र केरेले ते कैद केरेले ते गवर्नर ते कने राज्जन कां पैश केरेले। 13 तैखन तुसन मेरी गवाही देनेरो रोडो मौको मैलेलो। 14 पन तुसन कोई ज़रूरत नई, कि पेइले फिक्र केरने लगाथ कि अस कन ज़ोमेलो। 15 किजोकि अवं तुसन एरी जबान ते अकल देइलो, कि कोई भी मुखालफ तुशें सामने खड़ो न भोइ सकेलो ते न लोक तुशें खलाफ किछ ज़ोई डकेलो। 16 ते तुशें हाज़ बव ते डला ते रिश्तेदार ते दोस्त तुसन सेइं बैर केरेले ते तुसन मरां किछन मारेले भी। 17 ते मेरे नव्वरे वजाई सेइं सारे लोक तुसन सेइं नफरत केरेले। 18 पन तुशें दोग्गेरो कोई बाल बांको न भोलो। 19 सब किछ झोलेलां तुस अपनि जैन बचेइ साखेतो।” 20 “ज़ैदिस तुस यस्त्वलेम नगर चेवे पासन फौवजेइ सेइं धेरेल लाले, त बुझाथ कि एस नाश भोनेरे दिहाडे नेडे ओरेन। 21 तैस मैके जैन यहूदिया मां भोले तैना पहाडे पुड जो नेश्वी गान ते ज़ैना यस्त्वलेम नगरे मां भोले तैन बेइरोवं निसन ते ज़ैना डलोंवन मां भोले तैना नगर मांजो न गान। 22 किजोकि एना बदलेरे दिहाडे भोले, एन मां तैन सब किछ ज़ैन पेइलू पवित्रशास्त्रे मां लिखोरुए तैन पूरु भोनूए। 23 तैन दिहाडन मां ज़ैना दोज़ीती त दुदू पियाती कुआन्श भोली, तैन केरे लेइ अफ्रसोस। किजोकि धेरती पुड बडी मुसीबत एजनीए ते एस कौमी पुड बडी आफत एजनीए। 24 तैना सब तलवारी सेइं मारे गाले ते गुलाम बेन्तां सेल्ही कौमन मां पुज़ेले ते गैर कौमां केरो मौको पूरो भोने तापार यस्त्वलेम नगर गैर कौमई सेइं पस्त भोंतो रालू। 25 “दिहाडे चेंदनरी ते तास्न मां निशान बादे भोनेन ते धेरती पुड कौमन बडी तकलीफ पुजुनियं, किजोकि समुद्री लैहोरे केरि शेरी सेइं तैना डेरि गानेन। 26 दर्ये मारे एजने बैली मुसीबतरे इंतज़ार केरते-केरते तैन केरे होश उडी गानेन, किजोकि अम्बरेरी सैरी शेकि हिल्लोली। 27 तैखन लोक मैरेल मूरु बैदे शेकि ते महिमा सेइं बिदलारी मां इंतू लाले। 28 ज़ैखन एन गल्ला भौनी शुरु भोली त सिथे खडे भोइता उबरू तैकथ, किजोकि तुशें छुटकारो भोने बालोए।” 29 फिरी यीशुए तैन अक मिसाल देइतां ज़ोवं, “तुस फेगेरे बुट ते होरि बुदन भी हेरतथ। 30 ज़ेरि तैस गुडी लेग्नी शुरु भोइचन? तुस हेरतां बुझातथ कि नेला ओरोए। 31 एसेरो ज़ेरो, ज़ैखन तुस एन गल्ला ज़ैना मर्सी ज़ोई, भोते हेरेले, त तुस बुजु़नी छुड़ा कि परमेशरेरु राज नेडे ओरोए। 32 अवं तुसन सेइं सच्च जोताई, कि ज़ां तगर एन गल्लां पूरी न भोन, एस कौमारो खातमों न भोलो। 33 धरती अम्बर टेली गालू पून मेरी गल्लां कथे न टेलेली। 34 “बस्सा खबरदार भोथ कोस्कोई एन न भोए कि तुशें दिल नशे मां मसत भोइता इस ज़िन्दगरे फिक्र सेइं कमज़ोर भोए, ते तैस दिहाडे तुशें लेइ अक मुसीबत बने। 35 किजोकि तै इस सेरी धेरती पुड ज़ेरी लोकन तैन सेब्बन पुड एच्वरे एजनीए। 36 बस्सा, हर वक्त तियार राथ ते प्रार्थना केरते राथ, ताके तुस एन गल्लन करां जैना भोने बैलिन बैव्रतां राथ, ते मैरेने मूरे कां खडे भोनेरे काबल भोथ।” 37 यीशु रोज़ मन्दरे मां शिक्षा देतो थियो, ते राती जैतून पहाडे पुड रातो थियो। 38 झोड़ां सारे लोक यीशुएरी गल्लां शुन्नेरे लेइ मन्दरे मां तैस कां इटेने थियो।

**22** अख्मीरी तिहारेरी दिहाडी जैन जो फसह जोतान नेडे ओरी थी। 2 प्रधान याजक ते शास्त्री मौको तोपने लारे थिये कि यीशु केन्चरे मारा। किजोकि तैना लोकन करां डरते थिये। 3 ते शैतान यहूदा मां बेस्सी जेव तैस जो इस्करियोटी भी ज़ोते थिये, ते तै यीशुरे 12 चैलन मां गनो गातो थियो। 4 दे तै प्रधान याजकन ते प्रार्थना घेरेरे किछ खास पुच्छे गन्ने लोकन कां जेव ते तैन सेइं मुश्शोरो केरने लगो कि केन्चरे सेइं यीशु तैन केरे हवाले केरी बटते। 5 तैना बडे ख्याली भोए ते तैस पेइसे देनेरो वारो कियो। 6 तैनी तैन केरि गल मन्नी ते मौको तोपने लगो, कि यीशु केन्चरे सेइं तैन केरे हावाल केरे ते केन्चरी पतो न लगो। 7 अख्मीरी रोटू तिहार नेडे ओरु थियू,

जैसे फसह तिहारे मां गबड़े बलिदान देनूं ज़रूरी थियूं। 8 यीशुए पतरस ते यूहन्ना एन ज़ोइतां भेजे, “कि गाथ ते इश्शे लेइ फ़सह तिहारेरी रोट्टी तियार केरा।” 9 चैलैंडू पुच्छू, “कि तू कोड़ि चातस कि अस तीजों फ़सह तिहारेरी रोट्टी तियार केरम?” 10 यीशुए तैन जुवाब दिजे, “नगर मां गाते तुसन अक मैन्हु मैलनोए ज़ै पैनेरो घधो घिन्नां च्लोरो भोनोए, तैस पत्ती गेड्यथ ते ज़ैस घरे मां तै गालो तुस भी गेड्यथ। 11 तैसेरो मालिके सेइं ज़ोड्यथ कि गुरे ज़ोरूए कि टलाहान केरि ठार कोड़ि आए, ज़ैडी अवं अपने चेलन सेइं साथी फ़सह तिहारेरी रोट्टी खेड़ि सेखी? 12 तै तुसन दोपेरे नेइतां अक बहुड़े कमरो द्विरालो ज़ै ख्वब रोड़वारे स़ज़ैवरो भोनोए तैड़ी इश्शे लेइ तियारी केरथ।” 13 तैनेई तैड़ी गेड्यां सब किछ तेरहु लाव ज़ेरू तैनी ज़ोरू थियूं ते तैती फ़सह तिहारेरी रोट्टी तियार की। 14 ज़ैखन रोट्टी खानेरो मोकी अव त यीशु अपने प्रेरितन सेइं साथी बिश्तोरे थिये। 15 तै यीशुए तैन सेइं ज़ोवं, “मेरी ए बड़ी इच्छा थी, कि अपनो दुःख झाल्लने (मरने) करां पेहले एककी बार फ़सह तिहारेरी रोट्टी तुसन सेइं साथी खेड़ि। 16 किजोकि अवं तुसन सेइं ज़ोताईं, कि अज़ेरां पत्ती तांतगर न किछ खेड़ि सेखी, ज़ान तगर परमेश्वरे राज़ज़ेरू कम पूरू न भोए।” 17 फिरी यीशुए दाल्हे रसेरो कटोरो टलातो ते परमेश्वरू शुक्र केरतां चेलन दित्तो ते ज़ोवं, “यांथ ते एप्पु मांमेइं बंटा। 18 किजोकि अव तुसन सेइं ज़ोताईं कि अज़ेरां पत्ती दाल्हारो ए रस फिरी तांतगर न पीलो ज़ान तगर परमेश्वरू राज़ न एज्जो।” 19 फिरी यीशुए रोट्टी टलाती ते परमेश्वरू शुक्र केरतां टलोड़ी ते तैसेरो टुकड़े बनेइतां अपने चेलन एन ज़ोइतां दित्ती, “कि ई मेरी जाने जै तुशो लेइ अवं देताईं ते तुस भी मेरी यादगैरी मां एने केरते रेड्यथ।” 20 एन्चरे रोट्टी खानेरो बाद तैनी कटोरो टलातो ते चेलन कां दित्तो ते ज़ोवं, “कि ई कटोरो मेरो तैस ख्वनेरो नंबो करारे जै तुशे लेइ दित्तोरोए। 21 पन हेरा मां टलुवाने बालो मां सेइं साथी खाने लोरोए। 22 किजोकि मैरे मठु त हुनी च्लोरोस ज़ेन्नरे कि तैसेरेलै पेहले एन पक्कू भोरूए पन तैस मैन्हु पुड़ अफ़सोस ज़ेसेरो हवेइ तै गिरफ्तार भोए।” 23 एन शुतां तैना एप्पु मांमेइं पुच्छने लगे, “असन मां एरो ज़ेरो कौने ज़ै एन कम केरेलो?” 24 तैन एस गल्ली पुड़ एप्पु मांमेइं बेंस भोड़ कि असन मां बहुड़े कौने? 25 यीशु तैन सेइं ज़ोवं, “गैर कैमन पुड़ तैन केरे राजे राज़ केरतन, ते ज़ैन केरो तैन पुड़ अधिकारे भोते तैन जो भलाई केरनेबाले ज़ोतन। 26 पन तुसन मां एरु लोड़े भोवरू, तुसन मां जै बहुड़े तै निकड़ेरे बराबर बने ते जै खास आए तै सेवकेरे बराबर बने। 27 किजोकि बहुड़े कौने? जै तैस का साथी बिश्तोरोए या तै ज़ै तैसेरो चेलोए? कुन तै तैस कां नई बिश्तोरो? पन अवं त तुसन मां अक सेवकेरे बराबर आई। 28 पन तुस तैना आथ ज़ैना मेरी अज़मैइरूए माके बराबर मां सेइं साथी रातथ। 29 ज़ैन्चेरे बाजी मां अक राज़ दित्तोरूए अवं भी तुसन अक राज़ देताई। 30 ताके तुस मेरे राज़जे मां मां सेइं साथी बिश्तां खाथ पीथ, बल्के बड़े-बड़े शाही तखतन पुड़ बिश्तां इसाएलें 12 गोत्रों केरो इन्साफ केरेलो।” 31 “शमाइन, शमाइन, खबरदार रा, शैताने परमेश्वर करां अज़ाज़त मग्गोरीए कि तुसन सेब्बन परखे, कि रोड़े बुरे करां अलग केरो ज़ेन्नरे ज़मीनदार गेहुन करां झाङ्ग अलग केरेतो। 32 पन मां तेरे लेइ प्रार्थना की, कि तू मां पुड़ विश्वास केरेनो न शारस, ज़ैखन तू मन किरास त अपने विश्वासी ढ्लान मज़बूत केरां।” 33 पतरसे यीशु सेइं ज़ोवं, “हे परमेश्वर तीं सेइं अवं कैद भोने बल्के मरनेरे लेइ भी तियार आई।” 34 पन यीशुए ज़ोवं, “हे पतरस अवं तीं सेइं ज़ोताईं कि अज़ कुकड़े बाग देने करां पेइले तू मेरो टलाई बार इन्कार केरेलो।” 35 यीशुए तैन सेइं ज़ोवं, “कि ज़ैइस मां तुस खुशखबरी शुनाने, बगैर बेट्वे, बूटां ते झोलेरे बगैर भेज़ोरे थिये तै तुस केन्वी चीज़ोरे घटी भोइ?” तैनेई ज़ोवं, “केन्वी चीज़री नई।” 36 यीशु तैन सेइं ज़ोवं, “पन हुनी ज़ैस का बेट्वो भोए तै साथी रखे ते एन्चरे झोलो भी तै जैस कां तलवार न भोए तै अपनू कोट बेचां भी तलवार घिन्ने। 37 अवं तुसन सेइं ज़ोताईं कि ई गल्ले जै पवित्रस्त्रे मां लिखोरीए, कि तै पूरी भोए। तै बुरे लोकन सेइं साथी गनो जेरो! एल्टरेलैद मेरे बारे मां लिखोरी गल्लां पूरी भोने लोरिन।” 38 तैनेई ज़ोवं, “हे प्रभु हेर इड़ी दूई तलवारन।” तैनी तैन सेइं ज़ोवं “बेड़ि आन।” 39 फिरी तै बेइर निस्सो ते

ज़ेन्चरे तैसेरो दस्तूर थियो, तै जैतून पहाड़े पुड़ जो च्लो जेर ते तैसेरे चेले भी तैस सेइं साथी च्ले जे। 40 तैस ठैरी पुजतां तैनी तैन सेइं ज़ोवं, “प्रार्थना केरा ताके तुस अज़मैइशी मां न पेथ।” 41 यीशुए तैन करां थोड़े ज़ेर अगर गेइतां ज़ैधू केरे भारे बिश्तां प्रार्थना केरने लगो। 42 “हे बाजी अगर तेरी मज़र्झी भोए त ई दुखेरो कटोरो मां करां दूँ केर, पन फिरी भी मेरी मज़र्झी पूरी न भोए बल्के तेरी मज़र्झी पूरी भोए।” 43 तैखन तैनी अम्बरेरां अक स्वर्गदूत लाव जै तैस शक्ति देतो थियो। 44 ते तै परेशान भोइतां हावरि जादे दिले सेइं प्रार्थना केरने लगो ते तैसेरो पिसीनो बुझा कि ख्नूरे बड़े-बड़े तेप्पु तल्ले झाइटे थियो। 45 प्रार्थना केरनेरे बाद यीशु अपने चेलन कां वापस अव ते तैना गम्मेरे मारे झुल्लोरे मैल्ले। 46 यीशुए तैन सेइं ज़ोवं, “तुस किजो झुल्लोरे थ उठा ते प्रार्थना केरा ताके अज़मैइशी मां न राथ।” 47 हेजू यीशुए गल ज़ोने लोरो थियो, त मैन्हु केरो अक जथो तैड़ी पुजो ते बाहरन मरां अक ज़ेसेरु नवं यहूदा थियूं, तैन सेइं अग्री-अग्री थियो, ते तै यीशु फुम्मड़ी देने अगर अव। 48 पन यीशुए तैस सेइं ज़ोवं, “यहूदा कुन तू एककी फुम्मड़ी सेइं मां मैनेरे मट्टे दलुवातस?” 49 ज़ैखन यीशुएरे सैर्थैइ एन सब हेरू त तैनेई ज़ोवं, “हे प्रभु कुन अस तलवार च्लाम?” 50 ते तैन मरां एकके महायाजकेरे नौकरे पुड़ तलवारां च्लाई ते तैसेरो तैनी कन्न उड़ाव। 51 पन यीशुए जुवाब दित्तो, “बस्सा बडु भोइ जेर।” ते यीशुए तैसेरो कन्न तैखने हथ लेइतां ब़दाव। 52 तैखन यीशुए प्रथान याजकन ते मन्दरेरे सिपाही ते बुरुंग जैन तैस गिरफ्तार केरने ओरे थिये तैन जो ज़ोवं, “तुस कुन तलवारां ते डेंडे खिन्नां मां डैकू बुझातां टलाने ओरेथ? 53 ज़ैइस अवं तुसन सेइं साथी मन्दरे मां भोतो थियो, त तुसई मां सेइं हथ न लाव, पन ई त तुशे अंधेरे माकैरो अधिकारे।” 54 ज़ैखन तैनेई यीशु टलातो तैस तैटू नेइतां महायाजकेरे घेरे नीयो, पतरस भी पत्तपति बल्हे-बल्हे तैरां जेरा। 55 तैनेई अंगने मां अग बालोरी थी ते सब बिश्तां अग तापे लोरो थिये ते पतरस भी तैन मां थियो। 56 ते अक कुआन्श अग्नी कां बिश्तोरी तकने लोरी थी ते पतरसेरां तेकतां ज़ोने लगी, “कि ई मैन्हु भी तैस सेइं साथी थियो।” 57 पन पतरसे इन्कार केरतां ज़ोवं, “हे कुआन्श अवं एस न ज़ैनी ए कौनी।” 58 थोड़ी सैइत्रां पत्ती होरे एक्के पतरसेरां तेकतां ज़ोवं, “तू भी तैना केरा साधिस।” पन पतरसे ज़ोवं, “नई अवं नई।” 59 कोई एककी धेटेरे बाद केचे होरे बड़े याकीने सेइं ज़ोवं, “ई मैन्हु पुक्को तैस सेइं साथी थियो, किजोकि ए भी गलीली आए।” 60 पन पतरसे इन्कार केरतां ज़ोवं, “अवं एस न ज़ैनी ए कौनी।” 61 ते प्रभुए फिरतां पतरसेरे पासे तककू ते पतरसेरे परमेश्वरी तै गल याद आई, जै तैनी पतरसेरे सेइं ज़ोरी थी, “कि अज़ कुकड़े बांग देने करां पेइले तू मेरो टलाई बार इन्कार केरेलो।” 62 ते पतरस बेइर गेइतां ज़ेरो-ज़ेरो लेरा देने लगो। 63 जैने मैनेई यीशु अपने कब्जे मां कियोरो थियो, तैना तैसेरी हासी बनाते थिये ते कने तैस बाते थिये। 64 तैना यीशुएरी एछलन पुड़ पट्टी बेन्थां बाते थिये ते पुछते थिये, “भविष्यिवाणी केर ते ज़ो केरनि बाहोरिए?” 65 ते तैनेई एन्चरे होरि भी बेड़ि गल्लां ज़ोई ते तैसेरी तुहीन की। 66 झोड़ां बुरुंग लोक ते प्रथान याजक ते शास्त्री लोकई यीशु अपने महासभाई मां आनो, 67 ते ज़ोने लगे, “अगर तू मसीह आस त जो!” यीशुए तैन सेइं ज़ोवं, “अगर अवं तुसन पुछी त तुस जुवाब न देलो।” 68 ते अगर अवं तुसन पुछी ते तुस जुवाब न देलो। 69 पन अज़ेरां बाद मैनेरे मठू परमेश्वरे देइने पासे बिश्वास लाएल।” 70 एस गल्ली पुड़ तैना सब ज़ोने लगो, “तू परमेश्वरू मठू आस?” यीशुए जुवाब दित्तो, “तुस एप्पु मींजो ज़ोतथ कि तू आस?” 71 तैनेई ज़ोवं, “हुनी असन होरि शाहादतां केरि कुन ज़रूरीए? किजोकि असेइ एसेरी ज़बान शुनेस्सए।”

**23** तैखन तैना सब तैटू उठे ते यीशुए पिलातुसे कां खिन्नां जे। 2 ते तैस जोइतां ए इलाजाम लाने लगे, “कि ए इश्शे लोकन भड़काते ते महाराजे जो धड़त देरे लेइ ठाकते, ते अपने आपे जो मसीह राजो ज़ोते।” 3 तैखन पिलातुसे यीशुए पुच्छू, “तू यहूदी केरो राजोस?” यीशु तैस जुवाब दित्तो, “तू एप्पु ज़ोतस!” 4 पिलातुसे प्रधान याजकन ते लोकन सेइं ज़ोवं,

“कि अवं एस मैन्हु मां कोई कसूर न लई।” 5 पन तैना बडे घमण्डे सेंइ ज़ोने लगे, “ए यहूदियारे इलाके करां गलील इलाके तगर बल्के इडी तगर लोकन अपनि शिक्षाई सेंइ भड़कातो।” 6 ज़ैखन पिलातुसे एन शुनू त तैनी पुच्छू, “कुन ए मैन्हु भी गलील इलाकेरो आए।” 7 ते ज़ेरो तैस पपते लगो, कि ए हेरोदेसे इलाकेरो रानेबालोए, त पिलातुसे ते हेरोदेस कांजो भेज़ो। किजोकि तैस वक्ते मां ते एप्पू भी यस्खलेम नगरे मां थियो। 8 ज़ैखन हेरोदेस यीशु लाव त बडो खुशी भोव। किजोकि तैस च्वरोकी देंती यीशु हेनेरी इच्छा थी। तैनी तैसेरे बारे मां बेडि गल्लां शुनोरी थी, ते तैस बडी उमीद थी, कि यीशुएरो कोई चमत्कार हेरे। 9 तैनी यीशुए बडु किछ पुच्छू, पन यीशुए तैस कोई जुवाब न दित्तो। 10 पन याजक ते प्रधान याजक ते कने शास्त्री लोक बडे ज़ोरे शोरे सेंइ यीशु पुड इलजाम लाने लगे। 11 तैखन हेरोदेस भी अपने सैथन सेंइ मिलतां यीशुएरी तुहीन की, ते तैसेरी हासी बनाई फिरी तैस अक चमकतो कुरतो लुवेडां पिलातुसे कां वापस भेज़ो। 12 पेइले पिलातुस त हेरोदेस दुश्मन थिये, तैस दिहाडे तैना दोस्त बेनि जो 13 तैखन पिलातुसे प्रधान याजक ते सरदर ते हेरे लोक अकोडे किये। 14 “ते पिलातुसे तैन सेंइ ज़ोवं तुसेहै ए मैन्हु मीं कां एन ज़ोंतो आनेरोए कि, ए लोकन भड़काते ते मिमी एसेरी पुछ गन की, पन ज़ैस जुमेरो दोष तुस एस पुड लातथ, अवं एल्होरो एसमां कांकी कसूर न लई।” 15 ते न हेरोदेस ज़ैनी ए असन कां भेज़ोरोए तैस भी कोई दोष न मैल्लो, ते असन कां एरु कोई सबूत बर्मांद न भोव, ज़ैस सेंइ ए कलत कियो गाए। 16 तैल्लेरेले अवं एस कोड़ें बाएतां छैडी देताई।” 17 पिलातुस यहूदी केरे फस्मह तिहारे मौके पुड अक कैदी हथरां छडतो थियो। 18 तैना सारे लोक चिन्डां लगे मारने, “कि एस मैन्हु सजा देथे ते बरअब्बा इशो लेड हथरां छड्हा।” 19 बरअब्बा नगर मां गड़बडी केरनेरे ते कतलेरे बारे मां पाबद भोरो थियो। 20 पिलातुसे यीशु हथरां छडनेरे इराटे सेंइ लोकन दुबारु पुच्छू। 21 पन तैना लोक मना चिन्डां लगे मारने, “कि तू एस क्रूसे पुड बाढ एस क्रूस पुड बाढ़ा।” 22 तैखन पिलातुसे तैन टलेइयोवं फेरे फिरी ज़ोव, “किजो आखर एनी कुन जुर्म कियोरोए? हेरा एसमां एक कोई सबूत बर्मांद न भोव, कि ए मौतरे सजारो हक्कदार भोए, तैल्लेरेले अवं एस कुट्टदां छैडी देताई।” 23 पन तैना चिन्डां मैरी-मैरी ज़ोने लगे, ए क्रूसे पुड चाढोरो लोडते, ते तैन केरि चिन्डां मारेरी उमीद पूरी भोइ। 24 बस्सा, पिलातुसे ज़ोव कि तैन केरे मेरज़रे मुताबिक वियू गाए। 25 ते ज़ै मैन्हु हुक्कमते खलाफ ते खूनेरे जुर्म मां कैद थियो, ते ज़ैस हथरां छडनेरे लेइ तैनई दरख्वास कियोरी थी, तै हथरां छड्हो पन यीशु तैन केरि मेस्ज़ी सेंइ सिपाही केरे हवालो कियो। 26 ज़ैखन तैना यीशु नेइतां चलोरे थियो, तै तैनई शमान कुरेनी ज़ै एककी ड्लोवोरां ओरो थियो, द्लातो ते क्रूस तैस कां छने जो दित्तू, कि तू ई क्रूसे छुडानों यीशु पत्ती चला। 27 ते बडे लोक तैस पर्हौं चलोरे थिये ते किछ कुआन्शां भी थी ज़ैना यीशुएरे लेड शौग बनैती थी। 28 यीशुए तैन केरे पासे सुडतां ज़ोव, “हे यस्खलेम नारेरी कुड्हायाव मेरे लेइ लेरां न देथ, बल्के अपने बच्चावं केरे लेइ लेरां देथ।” 29 किजोकि तैना मुश्किल दिहाडे एजने बालेन ज़ैखन लोक एन ज़ोले कि, “धन आन तैना कुआन्शां ज़ैना बेऔलादन ते बच्चे न पाले।” 30 “तैस वक्ते लोक पहाड़न सेंइ ज़ोले, ‘असन उन्डे बिछडा ते उच्ची ठारन जो ज़ोले, कि असन छ़पाथ।’” 31 किजोकि ज़ैखन तैनई सेंइ दूर्घ होरे मुज़म भी यीशु सेंइ साथी चलवरे थिये ताके तैन भी मारन। 33 ज़ैखन तैना तैस टैरी पुजे ज़ैस जो “खोपड़ी” ज़ोतन त तैडी यीशु क्रूसे पुड चाढो, ते तैना दूर्घ मुज़मन भी एककी यीशुएरे देइने पासे ते होरे बाएं पासे क्रूसे पुड चाढ़े। 34 यीशु ज़ोव, “हे बाजी एन माफ़ करां एन न जानन कि एना कुन लोरेम करेन।” ते तैनई तैसेरे लिगडां केरे लेइ पेरवी छेडतां शर्त रख्खु ते एप्पू मांमें बंटां। 35 लोक खड़खडे एन सब किछ हेरने लोरे थिये ते सरदार जोर-जोर सेंइ ज़ोते थिये, “एनी होरे त बचाए ते अगर ए मसीहे ते परमेशररो चुनोरे त अपने आपे किजो न बचाए।” 36 सिपाही भी तैस कां एइतां तैसेरी हासी बनाने लगे (किजोकि तै अपनो आप राजो बनातो थियो), ते घटया दाढ़ारो रस पीनेरे

लेइ तैस देने लगे। 37 “ते ज़ोते थिये तू अगर यहूदी केरो राज़ोस त अपनो आप बच्चा!” 38 ते तैस कूसे पुड यानी यीशुएरे दागे करां बहा अक पखड़ी लिखता लेवरी थी, ते तैस पुड एन लिखें थियूं “ए यहूदी केरो राज आए।” 39 तैन दूर्घ डैकू ज़ैना मारे जे तैन मरां एकके यीशु जो तुहीन केरतां ज़ोव, “अगर तू मसीह आस त एप्पू भी बंच ते असन भी बच्चा!” 40 पन होरे दुद्योवं डैकै तैस जो छिडकतां ज़ोव, “तर्म परमेशररो भी डर नई? ज़ै सज्जा तैस मैलने लाकी तीं भी त तैपै सजा मैलने लोरी पन एनी त कोई गलत कम नई कियेणा!” 42 तैखन तैनी ज़ोव, “हे यीशु ज़ैखन तू अपने राज़जे मां एज्जेलो त मीं भी याद केंदां।” 43 यीशुए तैस जो ज़ोव, “अवं तीं सेंइ सद्य ज़ोताई कि तू अजे मीं सेंइ साथी स्वर्गे मां भोलो।” 44 दीसरे 12 बजेई सारे मुलखे मां आंध्र भोवं, त टलेड बज़न तगर रावं। 45 दिहाड़ी भी कालो भोव ते मन्दरेरो पङ्डो बां देंता बुन तगर फेटां दूर्घ टुकडे भोइ जे। 46 यीशुए बडे ज़ोरे सेंइ ज़ोव, “हे बाजी अवं अपनि आत्मा तेरे हथ्ये मां सोफताई,” ते एन ज़ोडातां यीशुए प्राण दित्ते। 47 ज़ैखन रोमी सूबेदारे एन सब हेरु त परमेशररो तारिफ केरते ज़ोव, “ए मैन्हु सज्जे धर्मी थियो।” 48 ते सारे लोक ज़ैना तैडी थिये ए अनर्थ हरतां छाती पिट्टूते चले जे। 49 पन यीशुए सारे दोस्त ते तैना कुआन्शा ज़ैना गलील इलाके मरां यीशुए पत्पती आरी थी दूर ज़ेरे खेडोडां, जैन किछ भोइ रावक थियूं सब किछ हेरी रेवरी थी। 50 अक मैन्हु थियो, ज़ेसरु नवं युसफ थियूं तै यहूदी केरि आदालतो अक मुलाजम भी थियो, ते अक बडो नैक ते धर्मी मैन्हु थियो। 51 तै बेडी आदालत अफसरां केरे फैसलेरे हके मां न थियो। तै यहूदी केरे नगर अरिमतियाह रानेबालो थियो, ते परमेशररो राज़ज़ेरे तलाशी मां थियो। 52 तैनी पिलातुसे कां गेइतां यीशुएरी लाश मारी। 53 ते लाश क्रूसे पुडेरां ओसेलतां मलमलेरे कपड़े मां पल्लेटां ते एककी कक्की मां रखडी, ज़ै एककी शफ़डी मां बनेवरी थी, तैस कक्की मां पेइले कोई लाश न थी रखोरि। 54 तै तियेरारी दिहाड़ी ज़ी ज़ै आरामेरी दिहाड़ी शुरु भोने बाली थी। 55 ते तैना दूर्घ कुआन्शा ज़ैना गलील इलाके मरा यीशुए पत्पती ओरी थी, यूसूक पत्पती ज़ेई तै नैर्नई तै कब्रेरी, कि यीशुएरी लाश एसमां केवरे सेंइ रखोरीए। 56 तैखन तैना अपने घेरे वापस आए, ते खुशबूदार चीजां ते इत्र तियार कियो ते आरामेरी दिहाड़े मूरेरे कानूनेरे मुताबिक आराम कियो।

## 24 हफतेरी पेइले दिहाड़ी द्वेषां किछ कुआन्शा खुशबूदार चीजां नेइतां ज़ेई

ज़ेई, ज़ैना तैनई तियार कियोरी थी ते एन्तां कक्की कां पुज़ी। 2 पन तैनई तै घोड़ कक्की करां बिछड़ीरो लाव। 3 ज़ैखन तैना अन्तर ज़ेई तै तैन यीशुएरी लाश न मैल्ली। 4 तैखन तैना एन हेरतां परेशन भोइ त दूर्घ मैन्हु जैन छिणा लिगडां लेग्गोरां थियां, तैन कुआन्शन कां एइतां खेडोए। 5 तैना कुआन्शा डेरी ज़ेई तै तैना ज़मीनरे पासे तकने लगाई। तैन मैन्हु तैन जो ज़ोव, “तुस ज़ीते, मुड़दन मां किजो लोरित तोपने। 6 तै इडी नई बल्के ज़ीतो भोरोए तुसन याद नई कि ज़ेदस तै गलीले मां थियो, तै तैनी तुसन ज़ोर थियूं कि, 7 मैनेरु मटू यानी अवं पापी लोकां केरे हथ्ये दोनोए ते क्रूसे पुड चाढ़ोनैई ते फिरी टलेड दिहाड़ां बाद फिरी ज़ीतो भोनोई।” 8 तैखन तैना यीशुएरी गल्लां याद एई। 9 तैखन तैना कक्की करां चेली ज़ेई, तै तैनई यीशुएरी 11 चेलन ते बाकी होरि चेलन भी एस गल्लरो पतो दित्तो। 10 ज़ैनई प्रेरित सेंइ गल्लां की, मरियम मगदतीनी योअन्ना ते याकूबेरी अम्मा मरियम ते तैस सेंइ साथी होरि भी काई कुआन्शां थी। 11 पन तैन, तैन केरि गल्लां कहानी लगाई, ते तैनई तैन केरु याकिन न कियूं। 12 पन पतरस उठो ते तै कब्रेरे पासे दौबड़ो तैस ठैरी का जेव, ते तैडी तैनी लिकतां अन्तर तककू ते सिंक कफन तैडी लाव, ते एस गल्लरो पुड़ हैरान भोइतां तैटूं चलो जेव। 13 फिरी एक भोव कि तैन मरा दूर्घ चेले तैस दिहाड़ी एककी ड्लोव्वेरो पासे चलोरे थिये, तैस इलोव्वेरु नवं इम्माऊस थियूं। तैन यस्खलेम नारेरोए 11 किलोमीटर दूर थियूं। 14 तैना एप्पू मांमें एस्से बारे मां गल्लां केरि चलोरे थिये ज़ै बितना बीतोरी थी। 15 ज़ैखन तैना गल्लन मां मसत थिये, ते एप्पू मांमें

गलबात लोरे थिये करने त यीशु एप्पू तैन कां नेडे इतां तैन सेइं साथी-साथी चळने लगो। 16 पन तैनई यीशु न पिशानो किजोकि परमेशरे तैना पिशान्ने करां रोकोरे थिये। 17 यीशुए तैन जो ज़ोवे, “तुम लोक एप्पू मामेइ कुन गल्ला केरने लोरिथ?” तैना रुकी जे, ते तैन केरु तुतर उदास लेइहोने लग्या। 18 तैखन तै ज़ोसेरु नवं किल्युपास थियूं तैस सेइं ज़ोने लगो, “योश्ललेम नगरे मां सिर्फ तु अक मैन्हु आस जैस पतो नई कि, आखरी दिहाडन मां कुन-कुन भोने लोरुए।” 19 यीशुए ज़ोवं, “कुन लोरुए भोने?” तैनई तैस सेइं ज़ोवं, “नासरत नगरेरो यीशु, जै नवी थियो, ते परमेशरे ते मैन्हु केरे सामने कम्मन मां ते शिक्षा देने मां बेड़ि शक्ति बालो थियो। 20 ते प्रधान याजकेर्दे ते हाकिमेई केक्केरे सेइं रोमी गवर्नर हवाले कियो ते तैस जो कततेरे हुक्म देइतां तै कूस पुड़ ज़ादो। 21 पन असन त उमीद थी कि ए मैनून, जै इसाएली लोकन रोमेरे राज़े करां आजाद केरेलो, एन गल्लन अज़ टलेइयोवं दिहाडीए। 22 हुन्ना असन मरां किछ कुआन्सा अज़ झेझां कब्री कां जेरी थी, तैन केरे ज़ोने सेइं असां हैरान भोए। 23 जैखन तैन लाश न मैल्ली त तैना एन ज़ोंती ईर्द, असेई स्वर्गदूत लाए ते तैनई ज़ोवं, कि यीशु ज़ींतो भोरोए। 24 तैखन किछ इशो साथी भी कब्री कां जे, ते जेन्चरे कुआन्सोई ज़ोरु थियूं तेरहु लाव पन यीशु न लाव।” 25 यीशु तैन द्वूर्ध चेलन सेइं ज़ोवं, “हे बेअक्ल लोकव! तुशो लेड पवित्रशास्त्र मां नेवी केरि ज़ोरी गल्लन उड़ भी विश्वास केरनो केत्रो मुशकले। 26 कुन मसीरे लेइ जरूरी न थियूं कि दुःख झ़ल्ले ते फिरी अपनि महिमा मां दाखल भोए?” 27 यीशु अपने बारे मां तैना सैरी गल्लां समझेइ, जैना पवित्रशास्त्रे मां मूसा करा देंते सारे नेबई ज़ोरिन। 28 एत्रे मां तैना तैस इलव्वें नेडे पुजे ज़ैडी तैनई गानू थियूं, तैनई बुझू कि यीशु अग्रोंवं गानूए। 29 पन तैनई एन ज़ोइतां मजबूर कियो, “कि असन कां बिश किजोकि दिहाडी डुबोरीए आंधूरु भोने बालूए।” बस्सा ते बिशनेरे लेइ तैन सेइं साथी अन्तर चलो जेव। 30 जैखन तै तैन सेइं साथी रोट्टी खाने बिशो त तैनी रोट्टी द्लाती ते बरकत देइतां टलोडी ते तैन देने लगो। 31 तैखन तैन केरि एछ़छी खुल्ली ते तैनई ते पिशानो, पन तै तैन करां आलोप भोइ जेव। 32 तैना एप्पू मामेहु ज़ोने लगे, “जैखन तै बत्ता असन सेइं साथी गल्लां लोरो थियो केने, ते असन पवित्रशास्त्रेरो मतलब मसमझातो थियो, त असन केरी उमीद भोरी थी।” 33 तैना तैखने तैट्टुं उठे ते योश्ललेम नगरे मां आए ज़ैडी तैना यारहे चेले ते होरे तैन केरे साथी एककी डैरी मैल्ले। 34 तैना ज़ोने लोरे थिये, “कि प्रभु स़ज्जे ज़ींतो भोरोए ते शमीन पतरसे लाहोरोए।” 35 तैनई बत्तरी सैरी गल्लां शुनई ते किरी केन्चरे असेई यीशु रोट्टी टलोडते बार पिशानो। 36 तैना गल्लां केरने लोरे थिये त यीशु तैन केरे मझाटे खड़ो भोइतां ज़ोने लगो, “तुसन शान्ति मैल्लो।” 37 पन तैना एत्रे डेरि जे, कि तैना समझने लगे कि असां आत्मा लहने लोरेम। 38 यीशुए तैन सेइं ज़ोवं, “तुस किजो डरेथ ते तुशो मने मां शक किजो भोतोए। 39 मेरे हथ पाव हेरा अव तैए आई, मीं हथ लेइतां हेरा, किजोकि आत्माई हही त कने मास न भोए ज़ेरु तुस मीं मां लातथ।” 40 एन ज़ोनेरे पत्ती तैनी अपने हथ पाव हिराए। 41 पन खुशी सेइं ज़ोवं, “तुसन कां खाने जो किछ आए?” 42 तैनई तैस टलाडोरी मेछलरो अक टुकडो दित्तो। 43 तैनी ट्लाती ते तैन केरे सामने खाइ। 44 तैनी तैन सेइं ज़ोवं, “जैखन अवं तुसन सेइं साथी थियो, त मीं तुसन एना गल्ला ज़ोरी थी, कि मूसेरे कानूने मां ते नेवी केरि किताबन मां ते भजना केरि किताबी मां मेरे बारे मां ज़ैन किछ लिखोस्ल तैन पूरु भोनू ज़स्सीए।” 45 तैखन तैनी तैन केरि मद्दत की, ताके पवित्रशास्त्रे सेमझी सखन। 46 ते तैन सेइं ज़ोवं, “एन पवित्रशास्त्र मां लिखोरुए कि मसीह दुःख झ़ल्लोलो ते ट्लेइयोवं दिहाडे मुडदन मरां ज़ींतो भोलो। 47 ते तैसे नंचे सेइं योश्ललेम नगरेरां शुरु केरतां सैरी कौमन मां पापन करां मनफिरानेरे मैफारो प्राचार कियो गलो। 48 किजोकि तुस एना सैरी गल्लां केरे गवाहथ। 49 हेरा, अवं एप्पू तुसन पवित्र आत्मा देहलो, ज़ोसेरो वादो बाजी परमेशरे कियोरोए। पन ज़ां तगर स्वर्गेंर शक्ति न मैल्ले तांतगर इस नगर मां राथ।” 50 फिरी यीशुए तैना नगरेरे बेइर बैतनियाह इलोव्वेरे नेडे ने। ते अपनो हथ

खड़ो केरतां तैन बरकत दित्ती। 51 जैखन तै तैन बरकत देने लोरो थियो, त तैन करां अलग भोइ जेव ते परमेशरे ते स्वर्गे जो नीयो। 52 चेलेई तैसेरी आराधना की ते फिरी खुशी सेइं योश्ललेम नगरे जो वापस चले जे। 53 ते तैना हर वक्त मन्दरे मां इतां परमेशरी तारीफ केरते थिये।

# यूहन्ना

1 (दुनियारे रस्नरे पेइलो) शुरुआती मां वचन थियूं। तैन वचन परमेश्वरे सेंड साथी थियूं तैन वचन परमेश्वर थियूं। 2 शुरुआती मां परमेश्वरे सेंड साथी तैन वचने थियूं। 3 सब किछ वचनेरे जिरिये बनाव जेव। तैन किछ बनाव जोवं, तैस मरं कोई भी वीज़ तैसेरे बगैर न बनाई जेई। 4 तैस (वचने) मां जिन्दगी थी; तै तै जिन्दगी सारे मैनन लौ देवे। 5 तै लौ आवे मां (हमेशा) चमकचे, त आंधर लोई कथी कैबू न केरि सके। 6 परमेश्वरी तरफां अक मैन्हु भेजो जेव, ज़ेसेरु नंव यूहन्ना थियूं। 7 तै तैस लौअरे बारे मां ज़ोने ओरो थियो, ताकि सब लोक तैसेरे जिरिये सेंड (तैस लोई पुड़) विश्वास केरन। 8 तै एप्पू लौ न थियो, पन लौअरे बारे मां लोकन गवाही देने ओरो थियो। 9 सङ्घी लौ ज़ै हर एकी मैन्हु (परमेश्वरे बारे मां ज़ाननेरी) लौ देवे, तै दुनियाई मां एजनेबाली थी। 10 तैन वचन दुनियाई मां (जोरु) थियूं, तै दुनिया तैसेरे जिरिये बनाई जेई, पन दुनियारे लोकेई तैन न पिशानू (कि तै कौन आए)। 11 तै अपने लोकन कां अव, पन तैसेरे अपने लोकेई तै कूबूल न कियो। 12 पन ज़ेत्रे लोकेई तै कूबूल कियो, तैनी तैनून् परमेश्वरे बच्चे भोनेहु हक दिनः यानी सारे लोकन ज़ैना तैसेरे नंवे पुडु विश्वास केरन। 13 तैना न हाज़-बच्चे सेंड, न मैन्हु केरे मेझी सेंड, न तैस मैनेरे मेझी सेंड ज़ै बच्चे पैदा करनेरी इच्छा रखते, बल्के परमेश्वरे मेझी सेंड पैदा भोनेहु। 14 तैन वचन मैन्हु बेनतां किछ वक्त असन सेंड साथी रावं, ते (इस दुनियाई मां) डेरो कियो। तैनी असन पुडु बड़ो अनुग्रह कियो ते परमेश्वरे बारे मां सारी सङ्घाई हिराई। (ज़ताली तै इड़ी थियो, तैखन) असेई तैसेरी महिमा लाई। (ज़न्चरां की) तै अपने बानी परमेश्वरे करां अव, तै तैसीरी ज़ेरि महिमा कोन्ची मां नई थी। 15 यूहन्ने तैसेरे बारे मां गवाही दित्ती, ते ज़ोरे सेंड लोकन सेंड ज़ोवं, “ई तै आए, ज़ेसेरे बारे मां ज़ोरु थियूं कि ज़े मेरे बाद एज्जी राओरोए, ते मैं करा बड़ो महान आए, किजोकि तै मैं करा पेइलो थियो। 16 तैसेरी भरपूरी सेंड (यानी, तैसेरे सारे अनुग्रह ते सङ्घाई सेंड) असन सेभन आशिर्वाद पत्ती आशिर्वाद मैल्लू। 17 मूसा नेवेरे जिरिये असन कानून मैल्लो, पन यीशु मसीहेरे जिरिये असन कां (परमेश्वरे करां) अनुग्रह ते सङ्घाई पुज़ज्जी। 18 परमेश्वर केन्चे कथी भी नई लावो, पन तैसेरु अकके मृदु (यीशु) ज़ैन बाजी परमेश्वरे कुम्हे मां आए, तैन्ने असन परमेश्वर हिराव।” 19 यूहन्ने यीशु मसीहेरे बारे मां ई गवाही दिती, (एकसा) ज़ैखन यूहूटी लोका केरे लीडेरे यश्शलेम नगरारे यूहन्ना का किछ याजक त लेवी भेजो, तै तैनैई तैस पुच्छू, “तू कौन आस?” 20 यूहन्ने तैन सेंड सङ्घ ज़ोवं ते किछ भी छपानेरी कोशिश न की, तै तैनी तैन सेंड ज़ोवं, “अवं मसीह नई।” 21 तैखन तैनैई तैस पुच्छू, “फिरी तू कौन आस? कुन तु एलियाह नवी आस?” यूहन्ने तैनून् जुवाब दितो, “अवं तै नई।” तैनैई फिरी पुच्छू, “कुन तू कोई नवी आस?” तैनी जुवाब दितो, “नई।” 22 तैखन तैनैई तैस पुच्छू, “फिरी तू कौन आस? (असन ज़ो) ताके अस तैनून् जुवाब देम ज़ेनैई अस भेजोरे। तू अपने बारे मां कुन ज़ोतस?” 23 तैनी जुवाब दितो, “ज़ेन्चरे यशायाह नेवे (मेरे बारे मां) ज़ोहए, तेन्चरे अवं सुनसान ठैरी मां लोकन हक देइतां ज़ोताई कि, “तुसन कां प्रभु एजनेबालो आए, तैसेरेलै बत तियाह केरा।” (यानी, प्रभुएरे लेड तुस अपने दिल साफ केरा।) 24 फरीसी लोकां केरे तरफां किछ मैन्हु यूहन्ना कां भेजोरे थियो। 25 तैनैई यूहन्ना पुच्छू, “अगर तू न मसीह आस, न एलियाह, त न नवी, त फिरी (तीं कुन अधिकार आए) लोकन बपतिस्मो किजो देतस?” 26 यूहन्ने जुवाब दितो, “अवं त (लोकन) पैनी सेंड बपतिस्मो देताई, पन तुसन सेंड साथी रानेबालो अक एरो आए, ज़ैस तुस हकीकि मां न पिशानथ। 27 ई तै आए, जै मेरे बाद एजनेबालो आए, तै मैं करां महान आए। अवं तैसेरो गुलाम भोनेरो काबल भी नई कि तैसेरे बूटेरे तसमे खोल्ली।” 28 एना गल्लां, यरदन दरियारे पार बैतिनियाह नगरे मां भोड़, ज़ैदी यूहन्ना लोकन बपतिस्मो देतो थियो। 29 एपी दिहाडे यूहन्ने यीशु अपने पास एइतो लाव, तै तैनी यीशुएरे बारे मां लोकन सेंड ज़ोवं, “तक्का, परमेश्वरे तरफां भेजोरु (बलिदानेस) गबड़ू,

जैन सैरी दुनियारे लोकां केरे पाप नेते! 30 ई तै आए, ज़ेसेरे बारे मां मैं ज़ोरु थियूं कि, ‘अक मैन्हु मेरे बाद एजनेबालो आए, जै मैं करां बड़ो महान आए, किजोकि तै मैं करा पेइलो थियो।’ 31 हुन्ना तगर अवं त एप्पू भी तैस पिशानतो न थियो। पन एल्लरेलै अवं (इड़ी) एजतां लोकन पैनी सेंड बपतिस्मो देताई, ताके तै मैन्हु इसाएले लोकन मां बांदो भोए।” 32 तैखन यूहन्ने लोकां केरे सामने गवाही दित्ती, “मैं पवित्र आत्मा कबूतरेरे शकती मां अम्बरेरां एइतो लाव, तै तै तैस पुडु बिश्शो। 33 अवं त एप्पू पिशानतो न थियो कि यीशु हकीकि मां कौन थियो, पन परमेश्वरे जैनी अवं लोकन पैनी सेंड बपतिस्मो देने भेजो, तैनी मैं सेंड ज़ोवं, ‘जैस पुडु तू पवित्र आत्मा एइतो त विश्तो लाएलो, तै लोकन पवित्र आत्मा सेंड बपतिस्मो देनेबालो आए।’ 34 तै मैं लाव, त अवं तुसन गवाही देताई, कि ए मैन्हु परमेश्वरु मृदु आए!” 35 दुखोवं दिहाडे, फिरी यूहन्ना तैसेरे चेलन मरां दूर्ह तैड़ी खड़ी भोरे थिये, 36 त यीशु तैलमें चलोरो थियो। ज़ैखन यूहन्ने यीशु लाव, तै तैनी यीशुएरे बारे मां अपने चेलन सेंड ज़ोवं, “तक्का, इन परमेश्वरे तरफां भेजोरु (बलिदानेस) गबड़ू आए!” 37 ज़ैखन यूहन्नारे दुख्ये चेलैई एन शुनू, तै तैना यीशु पत्ती चलो। 38 यीशुएरु बेलोइतां तैना एइते लाए तै तैन पुच्छू, “तुस केस लगोरेथ तोपने?” तैनैई ज़ोवं, “हे गुरु, तू कोडिं रातस?” 39 तैनी तैन ज़ोवं, “ब्लातुसु एप्पू हेरेले।” तैखन तैनैई गेइतां तैसेरे रानेरी ठार हेरी, तै तैस दिहाडे तैना तैस साथी राए। कै कोई इलोरी चेले बज़ां केरो मौको थियो। 40 तैन दूर्ह चेलन मरां, ज़ैना यूहन्नेरी गल्लां शुन्नां यीशु पत्ती चलोरो थिये, अक अन्द्रियास थियो, जै शमैन-पतरसेरो ढला थियो। 41 तैनी पेड़तु एन कम कियूं कि अपने ढला शमैन-पतरस तोपां तैस सेंड ज़ोवं, “असन मसीह मैलोरोए।” 42 तैखन अन्द्रियासे यीशु कां शमैन आनो। यीशुएर तैसेरे पासे तक्कू ते ज़ोवं, “तू यूहन्नेरु मृदु शमैन आस। पन अज़ज़ेरे बाद तेऱु नवं कैफा भोलू।” यूहन्नी भाषाइ मां कैफारो मतलब “पतरस” आए। (एसेरो मतलब घोड़।) 43 होरसां दुख्योवं दिहाडे यीशुएर गलील इलाके मां गानू चाव। तैनी फिलिप्पुस लेइतां तैस सेंड ज़ोवं, “मैं सेंड साथी चल (ते मेरो चेलो बन)।” (फिलिप्पुस यीशु सेंड साथी चलो।) 44 फिलिप्पुस बैतसैदा नरो मां रातो थियो, ज़ैडी अन्द्रियास त पतरस भी राते थियो। 45 तैल्ला पत्ती फिलिप्पुस गेइतां नतनएले सेंड मिलो त ज़ोने लगो, “असन मसीह मैलोरोए, ज़ेसेरे बारे मां (बड़े पेइले) मूरेरे कानूने मां लिखोरोए त कने नेवैई भी अपनि किताबी मां लिखोरोए। तै यूसुफेरु मृदु नासरत नगरे बालो यीशु आए, जै नासरत नगरोरो आए!” 46 नतनएले तैस सेंड ज़ोवं, “कुन नासरते मरां कोई रोडी चीज़ निस्सी सकतीए?” फिलिप्पुसे सेंड साथी चलो।) 47 यीशुएर नतनएल अपने पासे एइतो लाव ते तैनी तैसेरे बारे मां एन ज़ोवं, “ई असली इसाएली मैन्हु आए, एसमा कोई पाखंड नई।” 48 नतनएले यीशु पुच्छू, “तू मी केवरर जानतस?” यीशुएर तैस जुवाब दितो, “फिलिप्पुस तीं कुजाने करां पेड़ले ज़ैखन तू फेरें बुटे हैं थियो, मैं तू तैड़ी लावरो थियो।” 49 तैखन नतनएले ज़ोवं, “हे गुरु, (हुन्ना अवं ज़ानतां कि) तू परमेश्वरु मृदु आस। तू इसाएल लोकां केरो राजो आस!” 50 यीशुएर तैस जुवाब दिती, “कुन तू मैं पुड़ एल्लरेलै विश्वास केरतस कि मैं तीं तै सेंड एन ज़ोवं, कि मैं तू फेरें बुटे हैं लावरो थियो? तू इस करां भी बेहु-बेहु गल्लां लाएलो!” 51 फिरी तैल्ला पत्ती यीशुएर ज़ोवं, “अवं तुसन सेंड सङ्घ-सङ्घ ज़ोताई कि, तुस स्वर्ग खुल्लू त कने परमेश्वरे स्वर्वर्गदून उबरे गाते त मैनेरे मृदु पुड़, यानी मैं पुड़ उतरते लाएले।”

2 तैल्ला पत्ती, ट्लेइयोवं दिहाडे गलील इलाके काना नगरे मां केन्वरो इला थियो। यीशुएरी अम्मा भी तैड़ी थी। 2 यीशु ते तैसेरे चेलन भी धाम कियोरी थी। 3 ज़ैखन दाढ़ेरो रस मुक्को, त यीशुएरी अम्मा तैस सेंड लगी ज़ोने, “एन कां दाढ़ेरो रस मुक्कोरोए।” 4 यीशु लगो ज़ोने, “अम्मा, मैं तीं सेंड कुन कम? हेजू मेरो वक्त नई ओरो।” 5 तैसेरे अम्मा नौकरन सेंड ज़ोवं, “जैन किछ यीशु तुसन सेंड ज़ोवं, तैन्ने नेड़े घोड़ केरे शा

(बड़े) घड़े रखवेरे थिये, जैन मां दूर्दूर्दूर ट्लाई-ट्लाई मन (पानी) लगतू थियूं यहूदी लोक अपने रुवाझेरे मुताबिक (अपने आपे त करे चीजन) धोनेरे लेइ एन घड़े (मां पानी भेरता) इस्तमाल करते थिये। 7 यीशुए नौकरन सेइ ज़ोव, “धड़न मां पानी भरा।” तैनई पूरे घड़े भेरे। 8 तैखन यीशुए तैन सेइ ज़ोव, “हुन्ना, घड़े मरां किछ पानी केढतां थामारे प्रधाने कां (च्याखनेरे लेइ) देथा। तैनई तैस कां नेव। 9 ज़ैखन धामारे प्रधाने तैन पानी च्याख्यू, जैन दाढ़ेरो रस बनोरु थियूं तै न थियो जानतो कि एन कोट्हां औरु, पन नौकर जानते थिये, जैनई तैन केढतां अनेरु थियूं। एल्हेरेलेइ थामारे प्रधाने लाडो कुजाव, ते तैस सेइ ज़ोव, 10 “हर कोई मैन्हू (आम तौरे, थामी मा) पेड़लो रोडो दाढ़ारो रस देते, त ज़ैखन लोक पीतां रङ्गतन, त बाद मां घट रोडो जेरो दाढ़ारो रस देते, पन तीं रोडो हेजू पजोवं रख्योरो थियो!” 11 गलील इलाकेरे काना नगरे मां यीशुए पेइलो चमत्कार कियो। एन केरतां तैनी अपनि महिमा बांदी की, त तैसेरे चेलई तैस पुड़ (होरो भी जादे) विश्वास कियो कि तै मसीह आए। 12 तैला पाटी यीशु तै तैरी आमा ते तैसेरे ढला ते कने तैसेरे चेले कफरनहूम नगरे मां जे, ते किछ दिहाड़े तैड़ी राए। 13 जेइस यहूदी लोकां केरे फ़सह तिहार नेडे अव, त यीशु यशश्वलेम नगरे जो ज़लो जेव। 14 त तैड़ी मन्दरेरे अंगने मां तैनी (बलिदानेरे लेइ) दांत, भैंडां त कबूतर बेचने बाले लाए त कने पेइसे बदलनेबाले भी अपने मेज़न पुड़ विश्वारे लाए। 15 तैखन तैनी रेस्सरो अक कोडो बनेडां, तैनून सेब्हन त भैंडां त दांत मन्दरे मरां बेडर कठे, त बुपारी केरे पेइसे (दिरां उरा) शारे, त तैन केरे मेज़ उलटाए। 16 त कबूतर बेचनेबाला सेइ ज़ोव, “इना इडुं नेड गाथ! मेरे बाजी केरे मन्दरे बुपारी लोकां केरु घर न बनाथा!” 17 ज़ैखन तैसेरे चेलई एन शून, त तैनन याद अव कि (परमेश्वरी किताबी मा) लिखोरुए कि (मसीही परमेश्वरे सेइ ज़ोव) “तेरे घेरे लेइ मेरी भक्ति, (हे परमेश्वर) मेरे अन्तर आगारा जेरि ज़लताए!” 18 तैखन यहूदी लोकां केरे किछ लीडरेइ तैस सेइ ज़ोव लगे, “तू असन कोई निशन (चमत्कार) हिरा कि मन्दरेरे अंगने मरां लोकन कढ़नेरे लेइ तीं कां परमेश्वरे तरफां अधिकार आए?” 19 यीशुए तैन जुवाब दितो, “एस मन्दरे डोला, ते अव ट्लेइ दिहैड़न मां एस (दुबारा) बनेइलो।” 20 यहूदी लोकेरु यीशु जुवाब दितो, “कुन इस मन्दरे बने मां 46 साल लगोरेन, कुन तू एम ट्लेइ दिहैड़न मां (दुबारा) बनेह सकतस?” 21 तैनई गलत समझू यीशुए ज़ैस मन्दरेरी गल कियोरी थी, ते तैसेरी अपनि जान थी। 22 एल्हेरेलेइ (बादे मा) ज़ैखन यीशु (कूसे पुड़ मरो त) मुड़दन मरां ज़ीती भोव, त तैखन तैसेरे चेलन याद अव कि यीशुए (अपने मौत त कने ज़ीतो भोवेरे बारे मा) असन ई गल ज़ीती थी। त (एसेरे जाईड़ी सेइ) तैनई पवित्रशास्त्रे मां लिखोरी गल्लन पुड़ त कने यीशु मसीहीरी ज़ोरी गल्लन पुड़ होरो भी जादे विश्वास कियो। 23 जाताली यीशु फ़सह तिहारेरे मौके यशश्वलेम नगरे मां थियो, त बड़े लोकेरु तैसेरे चमत्कार, ज़ैना तैनी किये, लेइतां तैस पुड़ विश्वास कियो। 24 पन फिरी भी यीशुए तैन पुड़ अतवार न कियो, किजोकि ते सेभी केरो इन्सानी सोच जानतो थियो। 25 तैस ए ज़रूत न थी कि कोई मैन्हू तैस केन्ची होरी मेरो बारे मां ज़ोए, किजोकि तै (पेइलो) मैन्हू केरि सोच जानतो थियो।

**3** फरीसी लोकन मां अक मैन्हू थियो जेरेसु नवं नीकुदेमुस थियूं। तै यहूदी लोकां केरो अक लीडर थियो। 2 एककी राती तै यीशु कां इदां जाने लगो, “हे गुरु, अस जानतम कि तू परमेश्वरी तरफां गुरु भोडां औरोर; किजोकि जैना चमत्कार तू देरातस, होरो कोई न हेइ एसके, ज़ातागर परमेश्वर तैस सेइ साथी न भोए।” 3 यीशुए जुवाब दितो, “अव तुसन सेइ सच-सच्च ज़ोतां कि ज़ातागर कोई मैन्हू दुबारो ज़र्म न घिन्ने, त तै परमेश्वरेरु राज न लेइ सके।” 4 नीकुदेमुस पुछ्यने लगो, “ज़ैखन मैन्हू बुढो भोते, त तै केन्चरे सेइ दुबारो पैदा भोइ सकते? कुन तै अम्मारे पेटे मां गेडां दुबारो जेरमी सकते?” 5 यीशुए जुवाब दितो, “अव तुसन सेइ सच-सच्च ज़ोताई कि ज़ातागर कोई मैन्हू पैदी सेइ तै आत्माई सेइ पैदा न भोए, तै परमेश्वरेरो राजज़े मां दाखल न भोइ सकते। 6 किजोकि हाज-बव अपने बच्चन सिर्फ एस जानेरी ज़िन्दगी देइ सकते। 7

हैरान न भो कि मीं तीं सेइ कुन जोव कि, ‘तीं दुबारो ज़र्म धिन्नू ज़र्सीए।’ 8 हवा ज़ेरां च्ललनू चातीए तैरां च्ललचे, त तू तैसीरी आवाज त शुनतस, पन एन न जानस कि तै कोट्हां एइचे त कोरां गाचे। तैन्चरे कोई भी न होरी सके त न समझी सके कि केन्चरां पवित्र आत्मा लोकन (नव्वी) ज़िन्दगी देते।” 9 तैखन नीकुदेमुसे पुछ्य, “एना गल्लां केन्चरे सेइ भोइ सेकतिन पवित्र आत्मा केन्चरां लोकन नव्वी आत्मिक ज़िन्दगी देते?” 10 यीशुए तैस सेइ ज़ोव, “तू इसाएली लोकां केरो (अक खास) गुरु भोइतां भी कुन इना गल्लां न समझास? 11 अव तीं सेइ सच-सच्च ज़ोताई, जैन अस जानतम तैन्ने (लोकन) ज़ोतम, त जैन असेई लावरूए तैसेरे बारे मां (लोकन) गवाही देतम, पन फिर भी तुस लोक इश्वी गवाही न मन्धा। 12 मीं तैसुन सेइ घेरारी गल्लां केरे बारे मां गल की, त तुसई (मीं पुड़) विश्वास न कियूं, त अगर अव स्वर्गरी गल्लां ज़ोई तैसुन केन्चरे विश्वास केरेले? 13 (स्वर्गरी गल्लां जान्नेरे लेइ कधी) कोई मैन्हू स्वर्गे मां नई जोरो, सिर्फ तैए ज़ै स्वर्वोरां ओरो, यानी अव मैनेरु मट्ठू जैन स्वर्गे मां आईं। 14 जेन्चरे मूसा सुनसाने मां (परमेश्वरेरो लोकन बजान्नेरे लेइ पितल सेइ बनोरो) सप (खेबे पुड़) उच्चे पुड़ चाढ़ाव, तेच्चरे एन ज़स्ती आए कि (अव) मैनेरु मट्ठू भी उच्चे पुड़ चाढ़ाव गाए। 15 ताके ज़ै कोई तैसु पुड़ विश्वास केरे, तैस हमेशारी ज़िन्दगी मैल्ले।” (aiōnios g166) 16 “किजोकि परमेश्वरे दुनियारे लोकन सेइ एत्रो व्याप कियो कि तैनी अपनू अवके मट्ठू दितू ताके ज़ै कोई तैसु पुड़ विश्वास केरे, तै नाश न भोए, बल्के हमेशारी ज़िन्दगी हासिल केरो।” (aiōnios g166) 17 किजोकि परमेश्वरे अपनू मट्ठू दुनियाई मां एल्हेरेलेइ नई भेजोरु कि तै दुनियारे लोकन (तैन केरे पापा केरै) सज्जा दे, बल्के एल्हेरेलेइ कि दुनियारे लोक तैसेरे ज़िरिये सेइ (पापा केरि सज्जाई करा) मुक्ति हासिल केरन। 18 जै तैस पुड़ विश्वास केरते, तैस सज्जा न मैल्लो। पन जै मट्ठू पुड़ विश्वास न केरे, तै पेइलोए दोषी भोइ ज़ोरोए, किजोकि तैनी परमेश्वरेरो अकेल्ले मट्ठू नव्वे पुड़ विश्वास नई कियोरो। 19 परमेश्वर लोकन सज्जा देनेरी वजा ई आए कि जैस जो लौ ज़ीतन तै दुनियाई मां आरिए, परमेश्वरे अपनि लौ दुनियाई मां भेजी, पन लोक ते कने तैन केरां कम्मां बुरां थियां, एल्हेरेलेइ तैनई तैस लोई करां जादे पापेरु आंधू पसंद कियूं। 20 जै कोई बुरु कम केरते, तै लोई सेइ नफरत केरते त लोअरे नेडे न एज्जे, एरु न भोए कि तैसेरे कम्मान पुड़ दोष लाव गाए। 21 पन हर कोई जै परमेश्वरेरी सज्जाई पुड़ च्ललो, तै लोई कां इद्दो, ताके लोई सेइ बांदो भोए कि तैसेरे सब कम्मां परमेश्वरी शक्ति सेइ साथी किये गातन।” 22 एना गल्लां केरे बाद यीशु तैसेरे चेले यहूदिया इलाके मां आए, तै तैड़ी रेडां लोकन बपतिस्मो देने लगे। 23 यूहन्ना भी शालेम नगरेरे नेडे ऐनोन नंक्वरे ठैरी लोकन बपतिस्मो देतो थियो। किजोकि तैड़ी हच्छु पानी थियूं त लोक बपतिस्मो नेनेरे लेइ तैस कां इद्दो राते थियो। 24 किजोकि यूहन्ना हेजू कैदखाने मां न थियो छुड़ोरो। 25 एकसां यूहन्नारे चेलां केरि केन्ची यहूदी मैन्हू सेइ (रुवाझेरे मुताबिक) शुद्ध भोनेरे बारे मां बेंस भोइ। 26 एल्हेरेलेइ यूहन्नारे चेले तैस कां इद्दों जैने लगे, “हे गुरु, (तीं पतो आए) तै मैन्हू जै यरदम दरियारे पार तीं सेइ साथी थियो त कने तीं तैसेरे बारे मां गवाही दित्तोरी थी, हेर, तै भी लोकन बपतिस्मो देते त सब लोक तैस कां गातन!” 27 यूहन्ना जुवाब दितो, “(तै रोडो गल आए, किजोकि) मैन्हू किछ न हासिल केरि सके, ज़ातागर तैस स्वर्गों (यानी परमेश्वरेरो करा) न मैल्लो।” 28 तुस एप्पू मेरे गवाही आध, कि मीं तुसन सेइ ज़ोरु थियूं कि अव मसीही नई, पन अव तैस करां पेइले (परमेश्वरीं तरफां) भेजोरो। 29 जेसेरी महर्सीए तै महरावे, पन महरावेरो दोस्त जै खड़ोए महरावेरी हर गल खुशी सेइ शुनतो रहते; हुई मेरी ई खुशी पूरी भोइ। (कि सब लोक तैस कां गातन)। 30 एन ज़रूरीए कि तै बधै ते अव घैटी।” 31 “(मसीही) जै स्वर्वोरां एइते तै होरि सेब्हन करां महान भोते। त जै मैन्हू धेरती पुड़ेरो भोते, तै धेरारीए त धेरारी गल्लां केरते। जै स्वर्वोरां एइते तै सेब्हना उच्चो महान भोते। 32 तैनी (परमेश्वरेरो तरफां) जैन किछ लाव ते शुनेऱ, तैसेरे बारे मां लोकन शुनतो, पन तैसेरी गवाही कोई न शुने। 33 जै कोई तैसेरी गवाही पुड़ विश्वास केरते, तै तैसेरी तसदीक केरते कि परमेश्वर सच्चो आए। 34 किजोकि (मसीही) जै

परमेश्वरे भेजोरोए, तै परमेश्वरी गल्लां जोते, किजोकि परमेश्वर तैस पवित्र आत्मा नैपतां न दे। 35 (परमेश्वर) बाजी मढै सेइं प्यार रखते, तै तैनी सब किछ तैसेरे हावाले कियोरुए। 36 जै (परमेश्वरे) मढै पुड़ विश्वास केरते तैस हमेशारी ज़िन्दगी मैलचे, पन जै मढै पुड़ विश्वास न केरते तै ज़िन्दगी करां दूर रालो, ते तैस पुड़ परमेश्वरो क्रोध (हुन्ना करां लेइतां हमेशा) राते।” (aiōnios g166)

**4** फिरी जैखन प्रभु पतो लागो कि फरीसी लोकैई शुनोरुए, यीशु, यूहन्ना करां जादे चेले बानाते ते बपतिस्मो देतो। 2 (हालांकी सचै एन थियू यीशु एप्पू नई बल्के तैसेरे चेले बपतिस्मो देते थिये), 3 तैखन तैना यहूदिया इलाके शेरतां गलील इलाके जै ज्ञाते जे। 4 ते तैसेरु सामरिया इलाके मासेहं भोइता गानू ज़रूरी थियू। 5 एलहेरेलेइ तै सामरिया इलाकेरे सुखार नगर मां अव, तै ठार तैस ज़मीने नेडे थी जै याकूबे अपने मढै यूसुफे दितोरी थी। 6 याकूबे जैन खुह बनोरु थियू तै तैड़ी थियू ते यीशु सफर केरतां थकोरो थियो, ते तैस खुहे पुड़ विश्वशो। तैखन दुपाहारं केरो मौको थियो। 7 एत्रे मां अक सामरी कुआन्श कैडी पानी भरने आई। यीशुए तैस जो जोवं, “मां पानी पीयाने लेइ किजो ज़ोतास?” किजोकि यहूदी सैमरन सेइं मिलनू जुलनु न थिये सुखाते। 10 यीशुए तैस जुवाब दितो, “अगर तू ज़ानेथी कि परमेश्वर ती कुन देनु चाते, तै एन भी ज़ानेथी कि, तीं करां कौन पानी मगने लोरोए, त तू तैस करां मोरी, ते तै तीं ज़िन्दगां पानी देथो।” 11 तैस कुआन्श जोवं, “हे प्रभु, तीं कां पानी भरनेरे लेइ कोई भांड नई, ते खुह बडु धुखू आए, ते ती ज़िन्दगां पानी कोडुं मैलू? 12 कुन तू इश्शे पूर्वज याकूब करां भी बडुखोस, जैनी एन खुह असन दितोरुए, ते तैनी एप्पू भी ते तैसेरो औलादां ते तैसेरे गोरु गब्बेइ भी एस्से मरां पिव?” 13 यीशुए तैस जुवाब दितो, “जै कोई एस खुहे मरां पियेलो तैस फिर भी टलिश रामाए। 14 पन जै कोई तैन पानी पीते जैन अवं देताई तै हमेशारे लेइ टलिशोरो न रालो, बल्के जैन पानी अवं तैस देलो तैन तैस मां अक नाग बनेतो जै पानी देलो रालो, जैस सेइं तैस हमेशारी ज़िन्दगी मैलेली।” (aiōn g165, aiōnios g166) 15 तैस कुआन्श्या यीशु जो जोवं, “हे प्रभु, मीं भी तैन पानी दे ताके मीं टलिश न लगे ते मीं बार-बार पानी भरने इस खुहे पुड़ न एजुन पै।” 16 यीशुए तैस जो जोवं, “गा, अपोरो मुन्श कुजा।” 17 तैसां कुआन्शं जुवाब दितो, “मेरो कोई मुश्श नई।” यीशुए तैस जो जोवं, “तीं सच जोवं, ‘कि मेरो कोई मुश्श नई।’” 18 किजोकि तीं पंच मुश्श बनोरेन ते जैस सेइं साथी तू हुन्ना आस, तै तेरो मुन्श नई, तीं जैन किछ जौवं तैन सच्चे ज़ोरुए।” 19 तैस कुआन्श जोवं, “हे प्रभु, मीं लगाते तू कोई नवी आस। 20 इश्शे दादे-पड़दादेइ इस पहाड़े पुड़ आराधना की, पन तुस यहूदी लोक जौतथ कि जैडी आराधना कियोरो लोडेचे, तै ठार सिफ यरुशलेम आए।” 21 यीशुए तैस कुआन्श जो जोवं, “हे कुआन्श, मेरी गल्लरो विश्वास केर, कि तै मौको भी एज्जी राहोरोए, कि तुस लोक बाजी केरि आराधना न त इस पहाड़े पुड़ केरेले ते न यरुशलेमे मां केरेले। 22 तैस सामरी लोक जैसेरो आराधना केरतथ तैस ज़ाननथ, पन अस यहूदी लोक जैसेरो आराधना केरतम तैस ज़ानतम, किजोकि मुक्ति यहूदन मरां आए। 23 पन तै मौको एज्जी राहोरोए बल्के ओरोए, जैखन सच्चे भक्त बाजेरी आराधना आत्मा ते सच्चैइ सेइं केरेले, किजोकि बाजी एरे जेरे सच्चे भक्त तोपते। 24 परमेश्वर आत्मा आए, एलहेरेलेइ तैसेरे भक्त तैसेरी आराधना आत्मा ते सच्चैइ सेइं केरन।” 25 कुआन्शां तैस सेइं जोवं, “अवं ज़ानती कि मसीह, जैस जो खिस्त ज़ोतन एजनेबालोए, जैखन तै एजनेलो तै सब किछ समझालो।” 26 तैखन यीशुए जोवं, “अवं जै तीं सेइं गल्लां लगोरोइ केरेन तैए मसीह आई।” 27 एत्रे मां तैसेरे चेले आए ते तैनेइ तै एककी कुआन्श सेइं गल्लां केरतो लेइतां हैरान राए, पन केन्वे तैस एन न पुँछू, “तु कुन चातस?” या “एस कुआन्श सेइं किजो गल्लां लगोरोस केरन?” 28 तै कुआन्श पैनेरो घडो तैड़ी छेडतां वापस नगर मां जई ते मैनू

सेइं जोने लगी। 29 “एज्जा, एककी मैन्हु सेइं मिला तैनी मीं सेइं सब किछ जौवं जैन मीं अज़ तगर कियेह थियू, कुन ए तै मसीह त नई?” 30 तैना मैन्हु नगर मरा निस्तां यीशु हेरेने लेइ तैसेरे पासे चलने लगे। 31 यीशुए चेले तैस कां मिनत केरने लगे, “हे गुरु, रोटी खाए।” 32 पन यीशुए तैन सेइं जौवं, “मीं कां खानेरे लेइ अक एरी रोटी आए, पन तुसन तैसेरे बारे मां कोई पतो नई।” 33 तैखन चेले एप्पू मासेहं जौने लगे, “कुन केन्वे पेड़लू एसेरे लेइ किछ खने जो आनोरुए?” 34 यीशुए तैन सेइं जौवं, “मेरी रोटी ईके कि, परमेश्वरी मर्जी पूरी केरि जैनी अवं भजोरोइ ते तैन कम पूरू केरि जैन तैनी दितोरुए। 35 कुन तुस न ज़ोथ कि, फसल पकने हेजू चेवे महीन बाकिन? अवं तुसन जो जैताई इकि, अपनि एछली घाडा। ते एजनेबाले मैनू हेरा, जैना पक्कारे उडारा केरि फसलारे ज़ेरे आन। 36 फसल कटने बालन कम केरतां मज़दूरी मैल्ली राओरोए, यानी तैना लोकन अकाटे केरि राओरेन जैना लोकन हमेशारी ज़िन्दगी हासिल केरेले, ताके जै बेते ते कटते साथी खुशी मनान। (aiōnios g166) 37 एलहेरेलेइ अक कहावते कि बेनेबालो कोई इके कटने बालो होरो कोई, तैन सच्चे। 38 मीं तुस भेजे कि गाथ तैस फसली कट्टा जै तुसेहं नई बेवरी, हेरेइ मेहनती सेइं कम कियू ते तुसन तैन केरि मेहनतरो फल मैल्लो।” 39 नगरेरे बडे लोकैई तैस सेमरी कुआन्शरी गल शुन्तां यीशु पुड़ विश्वास कियो, किजोकि तैसा तैन लोकन सेइं जौवं कि तैनी मीं सेइं सब किछ जौवं, जैन मीं कियेह थियू। 40 जैस नगरेरे सामरी लोक यीशु कां ओरे थिये, मिनत केरतां जैने लगे, असन कां बिश फिरी तै दूर्द दिहाडे तैड़ी राव। 41 होरे भी बडे लोक थिये जैनेहै तैसेरी गल्लां शुन्तां तैस पुड़ विश्वास कियो। 42 तैनेइ तैस कुआन्शी जो जोवं, “असेहं तेरी गल्लां शुन्तां विश्वास नई कियोरो, बल्के असेहं अपने कन्हेह शुनेरुए ते असेहं एन हुनी बुझू कि ए मैन्हु सच्चे दुनियाई मुक्ति देनेबालोए।” 43 दूर्द दिहाडा बाद यीशु फिरी गलीलेरो पासे ब्रातो जेव। 44 ते यीशुए एप्पू जौरू थियू, कि काई नवी अपने मुलखे मां इज्जतरे काबल न समझो गाए। 45 जैखन तै गलीले मां अव त गलीली लोक तैस सेइं खुशी सेइं मिले, एलहेरेलेइ कि तैनेइ तैन सब किछ जैन तैनी फ्रसहे मौक यरुशलेम नगरे मां कियेह थियू, तैनेइ अपनि एछलेहं सेइं लावरु थियू तैखन तैन एप्पू भी तैड़ी थियो। 46 दुड़योवं बार जैखन तै गलील इलाकेरे काना इलवंच मां ओरो थियो जैडी तैनी पानी दाढ़ारो रस बनोरी थियू। तैड़ी अक बडो बडो राजेरो अफरन थियो तैसेरू मटू कफरनहम नगर मां बिमार भोरू थियू। 47 जैखन तैनी अफसरे शुन कि यीशु यहूदिया इलाकेरां गलील इलाके मां ओरोए तै यीशु कां पुजो ते मिनत केरतां जैने लगो मेरू मटू मन्ने बालूए तु चल ते तैस बज्जा, किजोकि तैन मन्ने बालू थियू। 48 यीशुए तैस सेइं जोवं, “जांतगर तुस लोक निशान ते चमत्कार न लाएले कथे विश्वास न केरेले कि, अवं मसीह आई।” 49 तैनी बडु अफसरे जोवं, “प्रभु लूश केर एरु न भोए कि मेरू मटू मेरि गाए।” 50 यीशुए जुवाब दितो, “चल तेरु मटू ज़ीतू भोनौए।” तैनी तैसेरी गल्लरो विश्वास कियो ते तैड़ी ब्रातो जेव। 51 तै हेजू बतां थियो तैसेरे नीकर तैस मैलौ ते जैने लगे, “तेरु मटू ज़ीतौए।” 52 तैखन तै पुछ्यने लगो, “मेरू मटू कैखन जेरे वेज्जोने लगोरु थियू?” ते तैनेइ जौवं “तैसेरो भुखार हीज दीसां एककी बजे उतरी जोरो थियो।” 53 तैखन तैसेरो बाजी याद अवं कि, तैए मौको थियो, जैखन यीशुए जौरू थियू, “गा तेरु मटू ज़ीतौए” तैखन तैनी भी तै तैसेरे पूरे टबरे यीशु पुड़ विश्वास कियो। 54 दुइयोवं चमत्कारेरो निशान थियो जै यीशुए यहूदिया इलाकेरां वापस एजनेरो बाद गलील इलाके मां कियोरो थियो।

**5** एन गल्लन पत्ती यहूदी केरु अक तिहार भोवं, ते यीशु यरुशलेम नगरे जो जेव। 2 यरुशलेम नगरे मां भेडु केरे दारे कां अक हावदे, जैस जो इब्रानी भाषाइ मां बैतहसदा ज़ोतन, तैसेरां पंच अंगना थियां। 3 एन मां बडे बिमार, काने, टोटे, नीपाते (पानी हीलनेरे इंतजारे मां) भोते थिये। 4 (किजोकि वक्ते पुड़ परमेश्वरो स्वर्गदूत हावदे पुड़ एडतां पानी हिलातो थियो, ते पानी हिलानेरा पत्ती जै काई पैदलो हवदे मां गातो थियो तै ठीक भोतो थियो, चाए तैसेरो कोई भी बिमारी किना भोए।) 5 तैड़ी अक मैन्हु थू जै

38 सालां केरो बिमार थू। 6 यीशुए तै तैड़ी बिशोरो लाव ते एन ज़नां कि ए बड़ो चरोकनो इस हालती माए, ते तैस पुच्छू, “कुन तू ठीक भोनू चातस?” 7 तैने बिमारे जुवाब दित्तो, “हे प्रभु, मां कां काई मैन्हू नई, कि ज़ताली पानी हिलावं गए त मीं कोई हावदे मां गाने लेइ मेरी मदह केरे, मेरे पुजाते-पुजाते तांगर होरो कोई गाते।” 8 यीशुए तैस सेइं ज़ोवं, “उठ अपनि खट सल्ल ते चल फिर।” 9 तै मैन्हू तैखेने ठीक भोव, ते अपनि खट छुइता चलने फिरने लगो। 10 तै आरामेरो दिहाड़ी थी एल्हेरेलेइ यहूदी लीडर तैस सेइं ज़े ठीक भोरो थियो, ज़ोने लगो, “अज़ त आरामेरो दिहाड़ी आए, ती खट छ्हानी जेहज़ नई।” 11 तैने तैन जुवाब दित्तो, “ज़ैने अव ठीक कियो, तैने मीं सेइं ज़ोवं, ‘अपनि खट छू ते चल फिर।’” 12 तैन्है तैस पुच्छू, “तै कौन मैन्हू ज़ैने तीं सेइं ज़ोवं, ‘खट छुइतां चल फिर?’” 13 तीं ठीक भोरो थियो तै न थियो ज़नां कि तै कौन आए, किजोकि तैस ठैरी भीड़ भोनेरे वजाई सेइं यीशु तैस ठैरां होरि पासे चुपचारे चलो जोरो थियो। 14 एन गल्लन पत्ती यीशु तै मन्दरेरे अंगने मां मल्लौ, यीशुए तैस सेइं ज़ोवं, “तक, तू ठीक भोरेस, फिरी पाप न करां, एरु न भोए कि, एस करां बहु आफत एज्जे।” 15 तैने मैने यहूदी लीडरन सेइं ज़ोवं, कि ज़ैने अव ठीक कियोरोई तै यीशुए। 16 एल्हेरेलेइ यहूदी लीडर यीशु सताने लाए, किजोकि तै एंग ज़ेरा कम्मां आरामेरो दिहाड़े केरतो थियो। 17 एस पुड़ यीशुए तैन सेइं ज़ोवं, “मेरो बाजी यानी परमेश्वर हमेशा कम केरते, मीं भी कम कियोरो लोड़े।” 18 एस वजाई सेइं यहूदी लीडर मनां जादे तैस मारनेरी कोशिश केरने लाए, किजोकि तै न सिफ आरामेरो दिहाड़ेरो हुक्म न थियो टलोतो बल्के परमेश्वरे अपनो बाजी ज़ोतो थियो ते अपनो आप परमेश्वरे बराबर बनातो थियो। 19 यीशुए तैन सेइं ज़ोवं, “अव तुसन सेइं सच्च-सच्च ज़ोताईं, मटू यानी अव एप्पू किछ न केरि बेटि, सिर्फ तैन बाजी परमेश्वरे करां केरू लाताईं, किजोकि ज़ैना-ज़ैना कम्मां बाजी करां केरतो लाते तैन मटू भी तैस्से तरीके सेइं केरते। 20 किजोकि बाजी, मटू सेइं प्यार केरते, ते तैना एस करां भी बहुं कम्मां हिरालू, ताके तुस हैरान भोथ। 21 किजोकि ज़ैन्चेरी बाजी मुद्दन ज़ींतो केरते, तेन्चेरे मटू भी ज़ैस चाते तैस ज़ींतो केरते। 22 बाजी केरेचरी इन्साप न केरे, पन तैने इन्साप केरनेह सारू कम मटू दितेरू। 23 कि सब लोक ज़ैन्चेरे बाजी आदर केरतन तेन्चेरे मटूरी भी आदर केरन, ज़ै मटूरी आदर न केरे, तै बाजी केरि ज़ैने तैन भेज़ोरो तैसेरी आदर न केरे। 24 अव तुसन सेइं सच्च-सच्च ज़ोताईं, कि तै वक्त एजेनेबालो, बल्के हुन्नाए जैस मां मुद्दे परमेश्वरे मटूरी यानी मेरी आवाज़ शुनेले, ते ज़ैना शुनेले तैना हमेशा ज़ींतेल। 26 किजोकि ज़ैन्चेरे बाजी अपने आपे मां ज़िन्दगी रखते तेन्चेरे तैने मटू भी ए अधिकार दितोरोए, कि अपने आपे मां ज़िन्दगी रखे एल्हेरेलेइ तैन मैनेरे मटूए। 27 बल्के बाजी परमेश्वरे तैस सैरी लोकां केरि आदालत केरनेरे भी अधिकार दितोरोए, एल्हेरेलेइ कि तैन यानी अव मैनेरु मटू आई। 28 एसमां हैरान न भोथ, किजोकि तै वक्त इटे कि जेत्रे कब्रन मां आन तैसेरी आवाज़ शुन्तां ज़ींते भोनेन। 29 ज़ैन्है भलाई कियोरीए हमेशारे ज़िन्दगरी लेइ ज़ींते भोनेन ज़ैन्है बुरी ज़िन्दगी ज़ींयोरीए तैना सज़ारी लेइ ज़ींते भोनेन।” 30 “अव अपने आपे सेइं किछ न केरि बेटि, ज़ैन्चेरे मेरो बाजी मीं ज़ोते तेन्चेरे अव लोकां केरि आदालत केरताईं, ते मेरी आदालत सच्चीए, किजोकि अव अपने मेर्ज़ा सेइं नई पन अपने भेज़ोने बालेरी मर्ज़ा सेइं चाताईं। 31 अगर अव अपनि गवाही एप्पू देई, त मेरी गवाही चलोरी थी नई। 32 अक होरो आए, यानी मेरो बाजी जै मेरी गवाही देते, ते अव ज़नाताई जै गवाही तै मेरे बारो मां देते तै सच्चीए। 33 तुसेइं मैन्हू यूहन्ना कं मेरे बारे मां पुच्छने भेजे, ते तैनी सच्चेरी गवाही दित्ती तैसेरे बारे मां मीं एल्हेरेलेइ ज़ोवं ताके तुसन मुक्ति मल्लो। 35 तै त बलतो ते चमकतो दीयेरो ज़ेरो थियो, पन तुसन थाड़े चिरेरे

लेइ तैसेरी लोई मां खुश भोनू रोड़ लग्ग। 36 पन मीं कं जै गवाहीए तै यूहन्नारी गवाही करा भी बुड़ीए। किजोकि ज़ैन कम बाजे मीं केरनेरे लेइ दितोरु मतलब इने कम्मा ज़ैना अव केरताईं, तैना मेरी गवाही देतन कि बाजे अव भेज़ोरोई। 37 तै बाजी ज़ैने अव भेज़ोरोई तैने मेरी गवाही दितोरीए, तुसेइं क कथी तैसेरी आवाज़ शुनोरी, ते न तै आमने सामने लोरोए। 38 तुसेइं तैसेरी शिक्षा अपने मने मां नई रख्खोरी, किजोकि तुसेइं मीं पुड़ विश्वास न कियो, कि अव परमेश्वरे भेज़ोरोई। 39 तुस पवित्रशास्त्रे मां एन पढ़तथ, किजोकि तुस सोचतथ कि हमेशारी ज़िन्दगी तैस मां मैलतीए, ते ईर, जै मेरे बारे मां गवाही देते। (aiōnios g166) 40 फिरी भी तुस हमेशारे ज़िन्दगी हासिल केरनेरे लेइ मीं कं न एजुन चाथ। 41 अव मैन्हू करा तारीफ न चैई। 42 पन अव तुसन ज़नाताई तुशे दिले मां परमेश्वरे लेइ प्यार नई। 43 अव अपने बाजेरे अधिकारे सेइं आरोई, ते तुस मेरी गल न मन्नथ। अगर होरो कोई अपने अधिकारे सेइं एज्जे, त तैसेरी गल मन्नेले। 44 तुस मीं पुड़ विश्वास न केरि बथ, किजोकि तुस एककी होरि करां तारीफ चातथ, ते तुस तै तारीफ न चाथ जै सिफ परमेश्वरे तरकांए। 45 इन न समझा कि अव बाजेरे सामने तुसन पुड़ दोष लेइएलो, तुसन पुड़ दोष लानेबालोए त मूसोए, जैस पुड़ तुसेइं भरोसे रख्खोरोए। 46 किजोकि अगर तुसेइं मूसोरो विश्वास कियोरो भोथो, त मेरो भी विश्वास केरेथे, किजोकि तैने मेरे बारे मां लिखोरुए। 47 तुस तै तैसेरे कान्मेरे गल्लन पुड़ विश्वास न केरथ, ते फिरी तुस कियो मेरी गल्लन पुड़ विश्वास केरेले?”

**6** एन गल्लन पत्ती यीशु गलीलेरे समुन्दरेरे मतलब तिबिरियुसेरे समुन्दरेरे पार जेव। 2 ते अक बड़ी भीड़ तैस पत्ती चली, किजोकि ज़ैना चमत्कार तै बिमारन पुड़ हीरतो थियो, ते तैना ठीक भोते थिए ते लोक एन हेरते थिए। 3 तैखना यीशु पहाड़े पुड़ चेढ़तां अपने चेलन साथी तैड़ी बिश्शो। 4 ते यहूदी केरे फस्सहेल तिहार नेहू थियू। 5 ज़ैखन यीशुए अक बड़ी भीड़ अपने पासे एंडी लाई, त तैने फिलिप्पुसे सेइं ज़ोवं, “आसां एना केरे लेइ रोट्टी कोट्टां धिन्म?” 6 पन तैनी तै गल तैस अज़मानेरे लेइ ज़ोई, किजोकि तै एप्पू ज़नां थियो कि तै कुन केरेलो। 7 फिलिप्पुसे तैस जुवाब दित्तो, “एन केरे लेइ 200 दीनारां केरि रोट्टी भी पूरी न भोली कि तैन थोड़ी-थोड़ी मैली गैली।” 8 तैसेरे चेलन मरां शमौन पतरसेरे ढलाए अन्दियासे तैस सेइं ज़ोवं। 9 “इडी अक मटूए जैस कां जोआं केरि पंच रोट्टीन, तै टूटी मेछुलीन, पन एत्रे लोकन जौ कुन तैना पूरी भोनिन?” 10 यीशुए ज़ोवं, “लोकन बिशाला।” तैड़ी बड़ो धास थियो। तैखन लोक ज़ैना लगभग 5000 मट्ट बिश्शोरे थिये। 11 तैखन यीशुए रोट्टी टलेइ ते शुक्र केरतां बिशने बलना दित्ती, ते तेन्चेरे मेछुलीन मरां भी ज़ेत्री तैना चातो थियो बेटी। 12 ज़ैखन तैना खेड़तां रुज्जे तैनी अपने चेलन सेइं ज़ोवं, “बोरो टुकड़े अकोड़े केरा, ताके किल शास्त न गाए।” 13 ते तैन्है अकोड़े केरे, ते जोआं केरे पंच रोट्टी केरे टुकड़न मरां ज़ैना खाने बालन करां बंचोरे थिए 12 टोकेरे थिए। 14 तैखन तै चमत्कार जै तैनी कियोरो थियो लोक हेरतां ज़ोने लाए, “तै नवी जै दुनियाई मां एजेनेबालो थियो सच्चे ईरा!” 15 यीशुए एना ज़नां कि एन मीं राजो बनानेरे लेइ द्लानो चातन, फिरी तै अकैल्लो पहाड़े पुड़ जेव। 16 ज़ैखन ड्लोझ भोइ, त तैसेरे चेले समुन्दरेरे बने जे। 17 ते किश्ती मां चेढ़तां समुन्दरेरे पार कफरनहूम नगर जो चले, तैस वके आंध्रू भोरु थियू, ते यीशु हेजू तगर तैन कां न थियू ओरो। 18 ते बड़ी तेज़ हवा चलोरी थी ते समुन्दरे मां छेल्ली उठने लेइ। 19 ज़ैखन तै लगभग टलाई चेत्रे मील नेड़े अव, त तैन्है यीशु समुन्दरे पुड़ चलतो लाव ते किश्तरे नेड़े इक्की लाव ते डेर। 20 पन यीशुए तैन सेइं ज़ोवं, “अव आई डरा न।” 21 ते तै तैस किश्ती मां चंडोरे लेइ तियां भोव, ते तैखने किश्ती तैस ठैरी पुड़ पुजी जैड़ी तैना चलतो थिये। 22 दुखोवं दिहाड़े तैस मैन्हू केरि भीड़ों जौ समुन्दरेरे पार खड़ी थी, इन हेरतां कि एककी किश्तरे अलावा होरि कोई न थी, यीशु अपने चेलन साथी तैस किश्ती पुड़ न चंडोरो थियो, पन सिर्फ तैसेरे चेले थिये। 23 (तैखन होरि किश्ती तिबिरियुस नगरेरां तैस ठैरी ईर्ड, जैड़ी तैन्है अकैल्लो प्रभुए शुक्र केरतां रोट्टी खोरी थी) 24 एल्हेरेलेइ

जैखन लोकेई हेरु कि इडी न यीशु ते न तैसेरे चेले, ते तैना फिरी तैना निकीकै निकीकै किशतन पुड़ चेड़तां यीशु तोपते कफरनहूम नगर ए पुजे। 25 समुन्दरे पार जैखन तैना तैस मैल्ले ते तैने ज़ोवं, “हे गुरु, तू इडी कताली अव?” 26 यीशुए तैन जुवाब दितो, “अवं तुसन सेइं सन्न-सन्न ज़ोताई, तुस मीं एल्लेरेले न तोपथ कि तुसेई चमत्कार लाव, बर्के एल्लेरेले कि रोटी खेड़तां रङ्जे। 27 नाश भोनेबेली रोटेरे लेड मेहनत न केरा। पन तैस रोटेरे लेड मेहनत केरा जै हमेशारी ज़िन्दी देतीए, जै मैनेरु मटु यानी अवं तुसन देलो, किजोकि बाजी परमेशरे मीं एन्चरां केरनेरो अधिकार दितोरोए।” (aiōnios g166) 28 तैनेई तैसे सेइं ज़ोवं, “परमेशरे कम केरनेरे लेड अस कुन केरम?” 29 यीशुए तैन जुवाब दितो, “परमेशर तुसन करं एन कम चाटे कि तुस तैस पुड़ यानी मीं पुड़ विश्वास केरा ज़ीनी अवं भेजोरोई।” 30 तैखन तैनेई तैस सेइं ज़ोवं, “फिरी तू कुन निशान हीरातस कि अस तैस हेरात तेरो विश्वास केरम? तू कोन ज़ेरु कम दाई-पडवारेई जंगले मां स्वर्गेरी रोटी खेड, जैस जो मनो जोतन। जैन्वरे पवित्रशास्त्रे मां लिखोरुए, तैनी तैन खानेरे लेड स्वर्गेरां रोटी दित्ती।” 32 यीशुए तैन सेइं ज़ोवं, “अवं तुसन सेइं सन्न-सन्न ज़ोताई कि मूसा तुसन तै रोटी स्वर्गेरां न दिती, पन मेरो बाजी तुसन सङ्गी रोटी स्वर्गेरां देते। 33 किजोकि जै रोटी परमेशर देते, ते तै ईं जै स्वर्गेरां इतां दुनियारे लोकन ज़िन्दी देतीए।” 34 तैखन तैनी तैसे सेइं ज़ोवं, “हे प्रभु, ए रोटी असन स्वर्गेरां देतो रा।” 35 यीशुए तैन सेइं ज़ोवं, “ज़िन्दगरी रोटी (जै ज़िन्दी देनेबाली रोटी) अच्वे आई, जै मीं कां एजते तै कथी निअन्नो न भोलो, ते जै मीं पुड़ विश्वास केरेलो तै कथी दुलिशोरो न भोलो। 36 पन मीं तुसन सेइं पेलू ज़ोरुए, कि तुसेई अवं लोरोई किरी भी मीं पुड़ विश्वास न केरथ। 37 जैन किछु किंवदन्ती मीं देते तैन सब किछु मीं कां एजनूए, ते जै कोई मीं कां एजजेलो अवं तैस ज़स्तर कबूल केरेलो। 38 किजोकि अवं अपनि मर्जी नई, बर्के परमेशरेरी मर्जी पूरी केरनेरे लेड स्वर्गेरां ओरोई ज़ीनी अवं भेजोरोई। 39 ईं मेरो बाजेरी मर्जी आए जैनी अवं भेजोरोई कि जैन किछु तैनी मीं दितोरोए तैस मरां अवं किछु न दिरेई, पन आखरी दिहडी फिरी तैस ज़ीतो केरेलो। 40 किजोकि मेरो बाजेरी मर्जी ईं कि जै कोई मटु हेरे ते तैस पुड़ विश्वास केरे, तैस हमेशारी ज़िन्दी मैल्ले, ते अवं तैस आखरी दिहडी फिरी ज़ीतो केरेलो।” (aiōnios g166) 41 एल्हेरेले यहूदी लोक तैस पुड़ कुड़कुड़ाने लगे, किजोकि तैनी ज़ोरु थियूं “जै रोटी स्वर्गेरां ओरोई तै अवं आई।” 42 ते तैनेई ज़ोवं, “कुन एन यूसुफेस मटू यीशु नई, ज़ेसेरे अम्मा बाजी अस ज़ानतम? त तै केन्वरे ज़ोते कि अवं स्वर्गेरां ओरोई?” 43 यीशुए तैन जुवाब दितो, “एप्पू मामेंद न कुड़कुड़ाथ। 44 कोई मीं कां न एज्जी बटे जांतगर बाजी, जैनी अवं भेजोरोई, तैस मीं कां न आने, ते अवं तैस आखरी दिहडी फिरी ज़ीतो केरेलो। 45 नेवी केरे पवित्रशास्त्रे मां एन लिखोरुए, “तैना सब परमेशरेरे तरफां शिख्वोरे भोनेन।” जैनी बाजी करां शुनोरए ते शिख्वोरोए तै मीं कां इतां। 46 एसेरो मतलब ई नई कि केन्वरे बाजी लोरोए, पन जै परमेशरेरे तरफां यानी मीं बाजी लोरोए। 47 अवं तुसन सेइं सन्न-सन्न ज़ोताई जै कोई विश्वास केरते हमेशारी ज़िन्दी तैसेरोए। (aiōnios g166) 48 ज़िन्दगरी रोटी (ज़िन्दगी देनेबाली रोटी) अच्वे आई। 49 तुशें दादे-पडवारेई ज़ंगले मां मनो खाक ते मरे। 50 ईं तै स्वर्गेरी रोटीए कि मैनु खान ते न मरन। 51 ज़िन्दगरी रोटी जै स्वर्गेरां ओरोए अच्वे आई अगर कोई इस रोटी मरां खाए, त हमेशा ज़ीतो रालो, ते जैस रोटी सेइं दुनियारे लोकन हमेशारी ज़िन्दी मैलचे, तैन मेरु मास।” (aiōnios g165) 52 एस पुड़ यहूदी लोक एप्पू मामेंद बैंस केरने लाए, “ई मैनु असन अपनू मास केन्वरे खाने जो देड बटते?” 53 यीशुए तैन सेइं ज़ोवं, “अवं तुसन सेइं सन्न-सन्न ज़ोताई, कि जांतगर तुसन मैनेरे मटु यानी मेरु मास न खाले, ते मेरो खून पीते हमेशारी ज़िन्दी तैसेरोए ते आखरी दिहडी अवं फिरी तैस ज़ीतो केरेलो। (aiōnios g166) 55 किजोकि हकीकिं मां मेरु मास खानेरी चीजे ते मेरो खून पीते हमेशारी ज़िन्दी तैसेरोए ते आखरी दिहडी अवं फिरी तैस ज़ीतो केरेलो। (aiōnios g166) 57 किजोकि हकीकिं मां मेरु मास खाते ते खून पीते तै मीं मां बानोरो राते, ते अवं तैस मां। 57 जेन्वरे ज़ीतो बाजी अवं भेजोरोई, ते अवं बाजी केरे

कारन जोताई, तेन्वरे तै भी जै मीं खालो मेरे कारन ज़ीतो रालो। 58 जै रोटी स्वर्गेरां ओरिरे, तैस रोटी जेरि नई जै तुशे दादे-पडवारेई खाइ ते बादे मां मरे, पन जै कोई इ रोटी खालो तै हमेशा ज़ीतो रालो।” (aiōn g165) 59 इना गल्लां तैनी कफरनहूम नगरेरे एक्की प्रार्थना घरे मां ज़ोई। 60 एल्हेरेले इ तैसेरे चेलन मरां बड़ेई एन शुन्ता ज़ोवं, “ए शिक्षा सकते, एस कौन मेन्नी बदते?” 61 यीशु अपने मने मां एना बुझतां कि मेरे चेले एस गल्ली पुड़ एप्पू मांमेंद कुड़कुड़ाने लोरेन, तैन पुच्छ, “कुन इना गल्लां तुसन मीं पुड़ विश्वास केरे करा रोकतिन?” 62 अगर तुस मैनेरु मटु यानी अवं ज़ैडी पैदलो थियो उबरे (स्वर्गे) गातो लालाए, त कुन भोलू? 63 पैरमेशरेरो आत्मा त ज़िन्दगी देने बालीए, मैनेरु केरि ताकती सेइं किछु न केरोए, जैना गल्लां मीं तुसन सेइं ज़ोई तैना परमेशरीरी आत्मारे तरफां आन ते तैना ज़िन्दगी भी आन। 64 पन तुसन मां किछु एरे आन जैना विश्वास न केरन। किजोकि यीशु पैदलो ज़ानतो थियो कि जैना विश्वास न थी केरते तैना कौन टूलवालो। 65 ते तैनी ज़ोवं, “एल्हेरेले इ मीं तुसन सेइं ज़ोरु थियूं जांतगर बाजी केरे तरफां एन वरदान न मैल्ले तांतगर कोई मीं कां न एज्जो बटे।” 66 एस पुड़ तैसेरे चेलन मरां बड़े उल्ले फिरे, ते तैल्ला पत्ती तैस साथी न चले। 67 तैखन यीशुए 12 चेलन सेइं ज़ोवं, “कुन तुस भी चलू गानू चातथ?” 68 शमीन पतरस तैस जुबाब दितो, “हे प्रभु अस केस कां गाम? हमेशारी ज़िन्दगरी देने बैली गल्लां त तींग कां आन।” (aiōnios g166) 69 ते असेई तींग पुड़ विश्वास कियो ते ज़ानू कि तू परमेशरेरो पवित्र मैनु आस।” 70 यीशुए तैन जुवाब दितो, “कुन मीं तुस 12 न चुने। फिर भी तुसन मरां अक मैनु शैतानो।” 71 तैने इन तैस शमीन इस्करियोतेरे मटु यहूदा इस्करियोतेरे बारे मां ज़ोवं। हांलाकि तै तैन 12 चेलन मरां अक थियो, जै यीशु टूलवाने बालो थियो।

7 एना गल्लन पत्ती यीशु गलील इलाके मां फिरतो राव, किजोकि यहूदी लीडर तैस मारमेरी कोशिश केरि राओरे थिये, एल्हेरेले इ तै यहूदिया इलाके मां फिरु न चातो थियो। 2 यहूदी केरु झोफड़ी केरु तिहार (तेम्बु) नेडू थियूं। 3 एल्हेरेले इ तैसेरे ढालाई एप्पू तैस ज़ोवं, “इडी न रा। यहूदिया इलाके मां गा ज़ैडी तिहार मनाने लोरेन, कि जैना चमत्कार तू केरतस तैना तेरे तैना चेले भी हेन, जैना यहूदिया इलाके मां रातन। 4 किजोकि एरो कोई न भोलो कि जै मशूर भोनू चाए, ते छेपतां कम केरे। अगर तु कम केरतस, त अपनो आप हिरा!” 5 किजोकि तैसेरे ढाला भी तैसेरो विश्वास न थी केरते। 6 तैखन यीशुए तैन सेइं ज़ोवं, “मेरो लेड ठीक वक्त हेजु नई औरो, पन तुस केन्वरी वक्त मां भी गेड सकतथ। 7 इस दुनियारे लोक तुसन सेइं बैर न केरि सकन, पन मीं सेइं बैर रखतन किजोकि अवं तैन केरे खलाफ इन ज़ोताई कि तैना बुरां कम्मां केरतन। 8 तुस तिहारे मां गाथ, मीं हुना एस तिहारे मां नई एज्जनू किजोकि मेरो हेजु ठीक वक्त नई ओरो।” 9 ते तै तैन सेइं एना गल्लां केरतां गलीले मां राव। 10 पन जैखन तैसेरे ढाला तिहारे मां चल्ले जे त तै बांदो न पन छेपतां जेव। 11 यहूदी लीडर तिहारे मां यीशु तोपने लाए। तैना लोकन पुछ्छी राओरे थिये, “ते मैनु कोडि आए?” 12 ते लोकन मां तैसेरे बारे मां बल्ले-बल्ले बड़ि गल्लां भोइ, किछु ज़ोते थी, “ते रोडे मैनूए।” ते किछु ज़ोते थी, “नई ते मैनून गुमरा केरतो।” 13 फिरी भी यहूदी लोकां केरे प्रधाना केरे डरे सेइं केन्वरी भी मैनु तैसेरे बारे मां खुलतां तैसेरे बारे मां गल केरनेरी हिम्मत न भोइ। 14 जैखन तिहारे अथ्य दिहाड़े बीते, त यीशु मन्दरेरे अंगेरे मां गेडतां शिक्षा देने लगो। 15 तैखन यहूदी लीडरे इ हैरान भोइतां ज़ोवं, “एनी त पवित्रशास्त्रेरी शिक्षा केन्वरी करां नई पढ़ोरीए, फिरी एस केन्वरे एना गल्लां एई?” 16 यीशुए तैन जुवाब दितो, “मेरी शिक्षा मेरी अपनि नई, बल्के परमेशरेरे तरफां आए, जैने अवं भेजोरोई। 17 अगर कोई तैसेरी मर्जी पुड़ चलू चाए, त तै इस शिक्षारे बारे मां ज़ानेलो कि ए परमेशरेरे तरफां एया अवं अपने तरफां ज़ोताई। 18 जै अपने तरफां किछु ज़ोते तै अपनि बड़याई चाते, पन जै अपने भेजने बालेरी बड़याई चाते तै ईमानदार आए, ते तैस मां कोई बेडमानी नई। 19 तुसन मूसे कानून दितो, पन तुसन मरां कोई भी तैस पुड़ न चले। पन तुस लोक मीं मारमेरी कोशिश

केरतथा।” 20 लोकेई जुवाब दितो, “तीं पुड़ भूतेरा सैयोए! कौन तीं मारनेरी कोशिश केरते?” 21 यीशुए जुवाब दितो, “मीं अक चमत्कार कियो, ते तुस हैरान भोए। 22 एल्हेरेलैड मूसा तुसन खतनेरो हुक्म दितो (एना नई कि मूसेरे तरफां बल्के बाप दादो कर्ण चलतो ओरोए) ते तुस आरामेरे दिहाड़े मैनेरो खतनो केरतथ। 23 एल्हेरेलैड आरामेरे दिहाड़े मैनेरो खतनो कियो गाते ताके मूसेरे कानूनेरो हुक्म न टले, ते तुस मीं पुड़ कियो क्रोध केरतथ, कि मीं आरामेरे दिहाड़े अक मैन्हु रोड़ेचारे ठीक केरो। 24 तुरह हेरतां इन्साफ न केरा बल्के ठीक-ठीक आदालत केरो।” 25 तैखन किछ युश्लेम नगारेरो रानेबाले एप्पू मांमेइं एक्की होरि पुच्छने लगे, “कुन ए तै नई, जैस मारनेरी कोशिश चलोरिए? 26 पन तक्का, तै त खुले आम गल्ला केरते, ते कोई एस किछ न जोए। कुन लीडरई सच्चे, सच्च जानू कि ए मसीहे? 27 पन ए मैन्हु मसीह केन्वरे भोइ सकते? एस त अस जानतम कि ए कोट्ठु ओरोए, पन ज़ेइस मसीह एज्जेलो त कोई न जानेलो कि तै कोट्ठु एज्जेलो।” 28 तैखन यीशुए मन्दरे अंगने मां शिक्षा देते बारे ज़ेरे सेइं ज़ोवं, “तुस मीं जानतथ ते इन भी कि अवं कोट्ठु ओरोई। अवं एप्पू नई ओरो, पन मेरो भेजने बालो सच्च्योए, तैस तुस न जानाथ। 29 पन अवं तैस जानताई, किजोकि अवं तैसेरे तरफां ओरोई, ते तैनी अवं भेजोरोई।” 30 एस पुड़ लीडरई तै टलानो चाव, फिरी भी भीड़ी मरां बड़े लोकेई तैस पुड़ विश्वास कियो, ते ज़ोने लाए, “मसीह ज़ैखन एज्जेलो ते एडुं जाओ चमत्कार दिरालो जैना एने हीराहे?” 32 फरीसी लोकेई, लोक तैरें बारे मां बल्हे-बह्ले एना गल्लां केरते शुने, ते प्रधान याजकेई ते फरीसी लोकेई तैस ट्लानेरे लेइ मन्दरेरे पहरदार भेजो। 33 एस पुड़ यीशुए ज़ोवं, “अवं थोड़े चिरे तार हेजू तुसन साथी आईं, फिरी अवं अपने भेजने बाले कां वापस गानोई। 34 तुस मीं तोप्पेले, पन अवं नई मैलगो, ते ज़ैडी अवं आई, ते ज़ैडी तुस न एज्जी बटथ।” 35 एस पुड़ यहूदी लीडर एप्पू मांमेइं ज़ोने लगे, “ए कोरा चलोरे, ज़ेरां अस न गेइ बटम? कुन ए तैन कां गालो जैना यूनान नगरे मां तितर-बितर भोइतां रानन, ते यूनानेरो लोकन भी शिक्षा देलो?” 36 एस गल्लरो कुन मतलबे जै पीरी जाई, कि तुस मीं तोप्पेले, पन अवं तुसन न मैलेलो, ते ज़ैडी अवं आई ते ज़ैडी तुस न एज्जी बटथ? 37 तिहारेरो आखरी दिहाड़े, जै खास दिहाड़ी भोतीए, तेइस यीशु खड़ो भोइतां ज़ोने लगो, “अगर कोई टलिश्शोरो भोए त मीं कां एज्जे ते पीये। 38 जै मीं पुड़ विश्वास केरे, ज़ेन्वरे पवित्रशास्त्रे मां लिखेलोए, तैसेरे दिले मरां तै पैरेरे दरिया निस्सेरो जैना जिन्दगी देतन।” 39 यीशुए एना गल्लां पवित्र आत्मारे बारे मां ज़ोई, जै विश्वास केरेने बालन पुड़ एज्जेनेबाली थी, किजोकि पवित्र आत्मा हेजू तगर न थी दितोरी, किजोकि यीशु हेजू तगर अपनि महिमा मां वापस न थियो जोरोए। 40 तैखन भीड़ी मरा किल्हई एना गल्लां शुन्तां ज़ोवं, “सच्चे इ तै नबी आए, ज़ेसेरे एजनेरी अस उमीदी मां आमा!” 41 किछ लोकेई ज़ोवं, “इ मसीहे,” पन किछेई ज़ोवं, “कुन मसीह गलील इलाकेरां एजनोए? 42 पवित्रशास्त्र मां लिखोए कि मसीह दाऊरे खानदाने ते बैतलहम इलावे मरां एज्जेलो, ज़ैडी दाऊद राजो रातो थियो।” 43 यीशुएरो बारे मां लोकां केरो अलग-अलग खियाल थियो, एल्हेरेलैड तैन एप्पू मांमेइं अनबन भोइ। 44 किछ तैन मरां तैस ट्लाने चाते थिये, पन केन्चे तैस सेइं हथ न लव। 45 तैखन मन्दरेरे पहरदार, प्रधान याजकन ते फरीसन कां इडाता तैन सेइं ज़ोवं, “तुसेई तै किजो न आनो?” 46 पहरदारेई जुवाब दितो, “केन्चे मैने कधी एत्री रोड़ो गल्लां न कियोरी, ज़ेरि गल्लां ए मैन्हु केरतो।” 47 फरीसेई तैन जुवाब दितो, “कुन तुस भी टेपलोरेथ? 48 कुन रसदारन ते फरीसन मरां केन्चे तैस पुड़ विश्वास कियोरोए? 49 पन एन लोक जैना मूसेरे कानूने न जानन तैन पुड़ परमेश्वरो फिटकार भोतो।” 50 नीकुदेमुसे जै पंडेलो तैस कां राती ओरो थियो, ते तैन मरां अक थियो, तैनी ज़ोवं, 51 “कुन इश्शे कानून केन्ची मैन्हु सज्जा देरो आजाज़त देते, जांतग तैसेरी गल शुन्तां इन न जानम कि तै कुन केरतो?” 52 तैनेई तैस जुवाब दितो, “कुन तू भी गलील इलाकेरो

आस! पवित्रशास्त्रे मां तोप ते जान, कि गलीलेरां कोई नबी त नई निसने बालो!” 53 (तैखन सब अपने घरे चले जे)।

8 पन यीशु अपने चेलन सेइं साथी जैतून पहाड़े पुड़ जेव। 2 होरसां तै झोड़ा-झोड़ा मन्दरेरे अंगने मां जेव, बड़े लोक तैस कां आए ते तै विश्तां तैन शिक्षा देने लगो। 3 तैखन शास्त्री ते फरीसी लोक एक्की कुआन्धी जै बदैशी मां दलैइयोरी थी, ते मझाटे खड़ी केरतां यीशु सेइं ज़ोवं, 4 “हे गुरु, इ कुआन्धा बदमाशी केरते वत्त ट्लारोए। 5 मूसेरे कानूने मां मूसा असन हुक्म दितोरोए कि एरी जेरि कुआन्धी थोड़ई बैद्तां मारा, ते तू एस कुआन्धरे बारे मां कुन ज़ोतस, कि अस एस कुन केरम?” 6 तैनेई यीशु परखनेरे लेइ ए गल ज़ोवं, ताके तैस पुड़ दोष लान जो गल मैलै. पन यीशु उन्हे लिकता एगालोई सेइं ज़मीनी पुड़ लिखने लव। 7 जैखन तैन तैस पुछते राए, त तैनी उबरे तैकतां तैन सेइं ज़ोवं, “तुसन मरां ज़ैनी पाप न थोए कियोरोए, तैए पेइलो थोड़े बाए।” 8 ते फिरी उन्हे लिकतां एगालोई सेइं ज़मीनी पुड़ लिखने लव। 9 पन तैन एना शुन्तां बहुन करां निकड़न तग सारे एक्की पती अक तैद्वां चले जे, ते यीशु अकैल्लो राव, ते तै कुआन्धा मझाटे खड़ी राई। 10 यीशुए उबरे तैकतां तैस पुच्छ, “हे कुआन्ध, तैना कोरां जे? कुन केन्चे तीं पुड़ सज्जारो हुक्म न दितो?” 11 तैसां ज़ोवं, “हे प्रभु केन्चे नई!” यीशुए ज़ोवं, “अवं भी तीं सज्जारो हुक्म न देई। अपने घरे जो गा ते फिरी पत्ती आपेरी न ज़िन्दगी ज़ीयां।” 12 यीशुए फिरी लोकन सेइं ज़ोवं, “दुनियारी लौ अच्वे आईं, जै मीं पती एज्जेलो तै आंधरे मां न चलेलो, पन तै लौ हासिल केरेलो जै जिन्दगारी देचे।” 13 फरीसी लोकेई तैस सेइं ज़ोवं, “तू अपनि गवाही एप्पू देतस, तेरी गवाही सच्ची नई!” 14 यीशुए तैन जुवाब दितो, “भला अवं अपनि गवाही एप्पू देताई फिरी भी मेरी गवाही सच्चीए, किजोकि अवं जानताई कि अवं कोट्ठु ओरोई ते कोरां गाताई? पन तुस न जानाथ कि अवं कोट्ठु ओरोई तै कोरां गाताई। 15 तुस इन्सानेरी सोचरे मुताबिक इन्साफ केरतथ, अवं केन्चरी इन्साफ न केरि। 16 ते अगर अवं इन्साफ केरि भी त मेरो इन्साफ सच्च्योए, किजोकि अवं अकैल्लो नई, पन अवं ते मेरो बाजीए, जैनी अवं भेजोरोई। 17 मूसेरे कानूने मां भी लिखोरोए कि दूझ जानां केरि गवाही मिलातां सच्ची भोतीए। 18 अक त अवं अपनि गवाही देताई, ते दुखोयें गवाही मेरो बाजी देते जैनी अवं भेजोरोई।” 19 तैनेई तैस पुच्छ, “तरो बाजी कोड़ि आए?” यीशुए जुवाब दितो, “न तुस मीं जानतथ न मेरो बाजी, अगर मीं जानते त मेरो बाजी भी जानते।” 20 एना गल्लां तैनी मन्दरेरे अंगने मां शिक्षा देते भण्डार घरे मां ज़ोई, ते केन्चे तै न ट्लाव, किजोकि तैसेरो वक्त हेजू न थियो ओरो। 21 यीशुए फिरी तैन सेइं ज़ोवं, “अवं जानताई कि तुस मीं तोप्पेले ते पाप केरते-केरते मेरेले, ज़ैडी अवं गाताई तैद्वी तुस न एज्जी बटथ।” 22 एस पुड़ यहूदी लीडरई ज़ोवं, “कुन एने अपनो आप मासनोए, जैन जोते कि ज़ैडी अवं गाताई तैद्वी तुस न एज्जी बटथ?” 23 यीशुए तैन सेइं ज़ोवं, “तुस इस दुनियाई मां ज़मीरिथ, अवं स्वर्गोंरां ओरोई। तुस दुनियारेथ, अवं दुनियारो नई।” 24 एल्हेरेलैड मीं तुसन सेइं ज़ोक थियू, कि तुस अपने पापन मां मरेले, किजोकि अगर तुस विश्वास न केरेले कि अवं तैए आईं त अपने पापन मां मरेले।” 25 यहूदी लीडरई तैस सेइं ज़ोवं, “तू कौन आस?” यीशुए तैन सेइं ज़ोवं, “जैन शुरु करां ज़ोतो ओरोई, अवं तैए आईं। 26 तुश्शे बारे मां बड़े किछ ज़ोनूए ते फैसलो केरोए, पन मेरो भेजने बालो सच्च्योए, ते जैन मीं तैस करां शुनूरै तैन दुनियारे लोकन सेइं ज़ोताई।” 27 तैनेई एन न समझू कि असन सेइं बाजी केरे बारे मां कुन ज़ोने लोरोए। 28 तैखन यीशुए ज़ोवं, “जैखन तुस मैरे मटू याती मीं उच्चे पुढ़ चाढ़ेले, त ज़ानेले कि अवं तैए आईं, अवं अपने आपे सेइं किछ न केरि, ज़ेन्वरे मेरो बाजी मीं शिखालते तेन्वरे तैन गल्लां केरताई। 29 मेरो भेजने बालो मीं साथीए, तैनी अवं अकैल्लो नई शारोरो किजोकि अवं हमेशा तैन कम केरताई जैस सेइं तै खुश भोतो।” 30 बड़े लोकेई यीशुएरी तैन गल्लां शुन्ते वक्त जैना तै ज़ोई राओरो थियो तैस पुड़ विश्वास कियो। 31 तैखन यीशुए तैन यहूदन सेइं जैनेई तैस पुड़ विश्वास

कियोरो थियो ज़ोवं, “अगर तुस मेरे वचने मां बनेरे राले, त सच्चे मेरे चेले भोले। 32 तुस सच्च जानेले ते सच्च तुसन आजाद केरेलू।” 33 तैनेई तैस जुवाब दित्तो, “अस त अब्राहमेरे औलादी मरा आम, ते कथी केन्वरे गुलाम नई भोरे, फिरी तू केन्वरे ज़ोतास कि तुस आजाद भोले?” 34 यीशुए तैन जुवाब दित्तो, “अवं तुसन सेइं सच्च-सच्च ज़ोताई कि ज़ै कोई पाप केरेते तै पापेरो गुलामे। 35 गुलाम हमेशा घेरे न रेइ सके, मटू हमेशा रहेत। (aiōn g165) 36 एल्हेरेलै अगर मटू तुसन आजाद केरे त सच्चे तुस आजाद भोले। 37 अवं ज़ानताई कि तुसा अब्राहमेरे औलादी मरां आथ, फिरी भी मेरी शिक्षा तुस मन्थ, एल्हेरेलै तुस मीं मारने चातथ। 38 अवं तैने ज़ोताई ज़ैन मी लव, ज़ैखन अवं अपने बाजी सेइं साथी थियो, ते तुस तैने केरतथ ज़ैन तुसेई अपने बाजी केरां शुनोरूप।” 39 तैनेई तैस जुवाब दित्तो, “इश्शो पूर्वज त अब्राहमेरो!” यीशुए तैन सेइं ज़ोवं, “अगर तुस अब्राहमेरे औलादी मरां भोथे त अब्राहमेरा ज़ेरां कम्मा केरथ। 40 पन हुना तुस मीं मारनो चातथ, किजोकि मीं तुसन तैना सच्ची गल्ला ज़ोई जैन मी परमेशरे करां शुनी, एरु त अब्राहमे न थियू कियोरु। 41 तुस अपने बाजेरां ज़ेरां कम्मा केरथत” तैनेई तैस सेइं ज़ोवं, “अस बदमैशी सेइं नई ज़मेरि, इश्शो अकके बाजीए, ते तै परमेशरो।” 42 यीशुए तैन सेइं ज़ोवं, “अगर परमेशर तुश्शो बाजी भोथो, त तुस मीं सेइं प्यार केरेथ, किजोकि अवं परमेशरेरे करां ओरोई, अवं अपने तरफां नई ओरो, बल्के तैनी भेजोरोई। 43 तुस मेरी गल्लां किजो न समझ्थ? एल्हेरेलै कि तुस मेरी शिक्षा मन्नी न चाथ। 44 तुस अपने बाजी शैतानेरेथ, ते तैसेरी मर्जी पूरी केरिन चातथ। तै त शुरु करां खुनी आए ते सच्चे पुडु बनोरो न राव, किजोकि सच्च तैस मां अथर्वी नई। ज़ैखन तै झूठू ज़ोते त अपने सुभावेरे मुताबिक ज़ोते, किजोकि तै झूठो बल्के झूठोरो बाजीए। 45 पन अवं सच्च ज़ोताई तांए तुस मेरो विश्वास न केरथ। 46 तुसन मां मीं कौन पापेरो दोष लाते? अगर अवं सच्च ज़ोताई त फिरी मेरो विश्वास की न केरथ? 47 ज़ै परमेशरेरे तरफां भोते तै परमेशरेरी गल्लां केरते, ते तुस एल्हेरेलै न शनथ किजोकि तुस परमेशरेरे तरफां नई।” 48 एना शुन्तां यहूदैई तैस सेइं ज़ोवं, “कुन अस ठीक न थिये ज़ोते, कि तू समारी मैन्हु आस, ते ती मां भूतो!” 49 यीशुए जुवाब दित्तो, “मां भूत नई, पन अवं अपने बाजेरी इज़जत केरताई, ते तुस मेरी निरादर केरथत। 50 पन अवं अपनि बड़याई न वैरै, हाँ अक्के ज़े चाते कि लोक मेरी बड़याई केरन, ते तै आदालत केरनेबालो भी आए। 51 अवं तुसन सेइं सच्च-सच्च ज़ोताई कि ज़ै कोई मैन्हु मेरे वचने पुडु चल्ले तै कथे न मरेलो।” (aiōn g165) 52 यहूदैई तैस सेइं ज़ोवं, “हुनी त असेई बुद्धु, कि तीं मां भूते, अब्राहम ते नवी भी मेरे, ते तू ज़ोतास, अगर कोई मेरे वचने पुडु चल्ले त ते कथी न मरेलो। (aiōn g165) 53 इश्शो पूर्वज अब्राहम मरो, कुन तू तैस करां भी बडु आस? ते नवी भी मेरे, तू अपने बारे मां कुन सोचतस कि तू कौन आस?” 54 यीशुए जुवाब दित्तो, “अगर अवं अपनि बड़याई केरि त मेरी बड़याई किछ भी नई। पन मेरी बड़याई केरनेबालो मेरो बाजीए, जैस तुस ज़ोतथ कि तै तुश्शो परमेशर। 55 तुसेई तै तै न ज़ानो, पन अवं तैस ज़ानताई, अगर अवं ज़ोई कि तैस न ज़ीनी, त तुश्शो जेरो झूठो भोव।” 56 तुश्शो पूर्वज अब्राहम मेरी दिवाही हेररेरे उमीदी पुडु बड़ी खुश थियो, ते तैनी हेरी, ते खुश भोव।” 57 यहूदैई तैसेरी सेइं ज़ोवं, “हेजू तू 50 साला केरो भी नई भोरो फिरी भी ती अब्राहम लोरोए?” 58 यीशुए तैन सेइं ज़ोवं, “अवं तुसन सेइं सच्च-सच्च ज़ोताई कि अब्राहम पैदा भेने करा पैदीलो, अवं आई।” 59 तैखन तैनेई तैस मारनेरे लेइ धोड सल्ले, पन यीशु छेपतां मन्दरे मरां निस्सी जैव।

**9** फिरी यीशुए अपने चेलन सेइं साथी चलोरो थियो, ते तैनेई अक-मैन्हु लाव, ज़ै ज़म्मिरो कानो थियो। 2 तैसेरे चेलेई तैस पुच्छु, “हे गुरु, केन पाप कियो कि ए कानो ज़र्मो, एने मैने या एसेरे अम्मा बाजे?” 3 यीशुए जुवाब दित्तो, “न एने पाप कियो, न एसेरे अम्मा-बाजेई, पन तै एल्हेरेलै कानो ज़र्मो ताके परमेशरेरे चमत्कार एसमां लेइहोन। 4 ज़ैने अवं भेजोरोई, असेई तैसेरे कम लूशी केरनू ज़र्मी, जैन कम तैनी असन दित्तोरूप, तै रात

एजने बालीए जैस मां कोई भी कम न केरि सके। 5 ज़ांतगर अवं दुनियाई मां आई, अवं दुनियारी लौ आई।” 6 एन जोडतां तैनी ज़मीनी पुडु थकू, ते तैस थुके सेइं मित्ती सन्नी, ते तै मित्ती कानेरे एछळन पुडु लाइ। 7 ते तैस सेइं ज़ोवं, “गा शीलोह नंवरे हावदे मां अपनू तुतर थो” (शीलोहरे मतलब भेजोरो) तैनी गेडां थोव, ते लांतो वापस अव। 8 तैखन तैस मैनेरे पडोसीई त ज़ैनेई तै भीख मगतो लावरो थियो, एककी होरी सेइं ज़ोने लगे, “कुन ई तैए मैन्हु नई जै पेइलो बिश्तां भीख मगतो थियो?” 9 किछ मैन्हु जैने लाए, “ई तैए,” होरेई ज़ोवं, “नई तैसेरो जेरो कोई होरो भोनोए,” तैनी ज़ोवं, “अवं तैए आई।” 10 तैखन तैना तैस पुच्छने लगे, “तेरी एछळन केन्वरां लौ आई?” 11 तैनी जुवाब दित्तो, “यीशु नंवरे एककी मैने मित्ती सन्नी, ते मेरी एछळन पुडु लेइतां मीं सेइं ज़ोवं, गा शीलोह हावदे मां गेडां अपनू तुतर थो, ते अवं जेव ते मीं तुतर थोव, ते लांने लाव।” 12 तैनेई तैस पुच्छु, “तै मैन्हु कोई आए?” तैनी ज़ोवं, “मीं नई पतो।” 13 लोकेई तै जै पेइलो कानो थियो फरीसी लोकन कां नेव। 14 जैस दिहाडे यीशुपु मित्ती सैनतां तैसेरी एछळी लौ दित्तो थी, तै आरामेरी दिहाडी थी। 15 फिरी फरीसी लोकेई भी तैस पुच्छु, “तैसेरो एछळन लौ केन्वरे आई?” तैनी तैन सेइं ज़ोवं, “तैनी मेरी एछळन पुडु मित्ती लाई, फिरी मीं तुतर थोव, ते अवं हुनी लाताई।” 16 एन पुडु किछ फरीसी लोक ज़ोने लगे, “ए मैन्हु परमेशरेरे तरफां नई, किजोकि ए आरामेरी दिहाडी न मनो।” होरेई ज़ोवं, “एरो जेरो पापी मैन्हु एरे चमत्कार केन्वरे हिरेई बटटो?” तै तैन एप्पु मांमेई अनबन भोइ 17 तैनेई काने फिरी पुच्छु, “जैने तेरी एछळी खोलेरेन, तू तैसेरे बारे मां कुन ज़ोतास?” तैनी ज़ोवं, “तै नवी आप।” 18 पन यहूदी लीडरन विश्वास न भोव, कि तै कानो थियो ते हुनी लाते, ज़ातावर तैनेई, तैसेरे अम्मा-बाजी न कुजाए। 19 तैन पुच्छु, कुन एन तुश्शु मूट्टा, “जैस तुस ज़ोतथ कि कानो ज़मोरू थियू? फिरी हुना केन्वरां लाते?” 20 तैसेरे अम्मा बाजीए जुवाब दित्तो, “असां त ज़ानतम कि एन इश्शू मूट्टा, ते कानो ज़मोरू थियू। 21 पन अस इन न ज़ानतम कि अज़ केन्वरे लाते, ते न इन ज़ानतम कि केने एसेरो एछळन लौ दित्ती, एन हुनी बहुए एस पुछा, ए अपने बारे मां एप्पु जोलो।” 22 एना गल्लां तैसेरे अम्मा बाजी एल्हेरेलै ज़ोई तैना यहूदी लीडरन कां डरते थिये, किजोकि यहूदी लीडर सारे अक भोरे थी, कि अगर कोई जोए, कि ए मरीहत तै प्रार्थना घरे मरां कहुए गाए। 23 एल्हेरेलै तैसेरे अम्मा बाजे ज़ोवं, “एन बहुए, एस्से पुछा।” 24 तैखन तैस मैन्हु जै कानो थियो, दुखीयों बार कुजेईतां ज़ोवं, “सच्च ज़ोइतां परमेशरेरी बड़याई केर, अस ज़ानतम तै मैन्हु पापोए।” 25 तैनी जुवाब दित्तो, “अवं न जैनी कि ए पापी कि नई, अवं अक गल ज़ानताई, कि अवं कानो थियो हुनी लाताई।” 26 तैनेई तैस पुच्छु, “तैनी तीं सेइं कुन कियू? तैनी केन्वरे तेरी एछळन लौ दिती?” 27 तैनी तैन सेइं ज़ोवं, “मीं तैसन सेइं ज़ोवरूप, ते तुसेई न शूनू हुनी दुखीयों बार किजो शुनू चातथ? कुन तुस भी तैसेरे चेले बने चातथ?” 28 तैखन तैना तैस बुरू भलू ज़ोने लाए, “तूपा तैसेरो चेलोस, अस त मूसेरे चेलेमा।” 29 अस ज़ानतम परमेशरे मूसा सेइं गल्लां की, पन एस न ज़ानम कि ए कोट्टां ओरोए। 30 तैनी तैन जुवाब दित्तो, “ए त बडी बहु गल्ले कि तुस न ज़ानाथ कि ए कोट्टां ओरोए, फिरी भी तैनी मेरी एछळन लौ दित्ती।” 31 अस ज़ानतम की परमेशर पापी केरि न शुने, पन कोई परमेशरेरो भक्त भोए तैसेरे मेर्जी पुडु चलतो भोए, त परमेशर तै तैसेरी शुनतो। 32 दुनिया रखनेरे वक्ते करा कथे शुने मां नई ओरोए कि केन्वे ज़म्मिरे कानेई एछळन लौ दितीरी, (aiōn g165) 33 अगर ए मैन्हु परमेशरेरे तरफां न भोथो त किछ न केरि सकेथो।” 34 तैनेई तैस ज़ोवं, “तू त बिलकुल पापान मां ज़र्मोरीस, तू असन शिखालतस?” तै तैनेई तै प्रार्थना घरे मरां बेहरोंग कहुए। 35 यीशुए शुनू कि तै बेहरोंग कहुएरोए, तै ज़ैखन तैसेरी तैस सेइं मुलाकात भोड़, तै तैस सेइं ज़ोवं, “कुन तू मैनेरे मटु पुडु विश्वास केरतस?” 36 तैनी तैस जुवाब दित्तो, “हे प्रभु, मीं सेइं जौ कि तै कोने, ताके अवं तैस पुडु विश्वास केरी?” 37 यीशुए तैस सेइं ज़ोवं, “अवं आई, तीं अवं पेइलो लोरोई, जै तीं सेइं गल्लां केरि राओरोए।” 38 तैनी ज़ोवं, “हे प्रभु, अवं तीं सेइं पुडु विश्वास केरताई।” तै तैस कां मथथो टेको। 39

तैखन यीशुए जोवं, “अंवं इस दुनियाई मां ई इन्साफ केरने ओरोई, जैना न लान तैना लान, ते जैना लातन तैना काने भोना।” 40 जैना फरीसी लोक तैस सेइं साथी थिये तैनई जोवं, “कुन तू असन जो भी काने जीतस?” 41 यीशुए तैन सेइं जोवं, “अगर तुस काने भोथे त पापी न भोथे, पन हुरी जीतथ कि अस लातम, एल्हेरेले तुश्शे पाप माफ्र न भोले।”

**10** “अंवं तुसन सेइं सच्च-सच्च जोताई, कि जै कोई दारेर बत्तां बाडे मां न गाए, पन होरि बत्तां गाते, ते ज्ञार ते डैकूए। 2 पन भैड्हां केरो पुहाल दारेर बत्तां गाते। 3 तैसेरेले इ दरबान दार खीलते, ते भैड्हां तैसेरी गल पिशनतिन, ते तै अपनि भैड्हन नव्वे सेइं कुजाते ते बेड्हे नेते। 4 ते जैखन तै अपनि सैरी भैड्हां बेइर कढते, ते तैन केरे अग्री-अग्री च्लते, ते भैड्हां तैस पत्ती-पत्ती गैतिन, किजोकि तैना तैसेरी आवाज पिशनचन। 5 तैना बखले पत्ती न गैली, पन तैस करां नशेली, किजोकि तैना बखलेरी आवाज न पिशानन्।” 6 यीशुए तैन सेइं मिसाल देद्दां जोवं, पन तैनई न समझू कि एसेरी गल्लां केरो कुन मतलबे, जैना तै असन सेइं जोते। 7 तैखन यीशुए तैन सेइं फिरी जोवं, “अंवं तुसन सेइं सच्च-सच्च जोताई, भैड्हां केरु दार अच्वे आई।” 8 जेते मीं करां पेड्हे आए सब ज्ञार ते डैकून, पन मेरी भैड्हे नै तैन केरि न शुनी। 9 दार अंव आई, अगर कोई मेरे जिरिये अन्नर गालो, त परमेश्वर तैस मुक्ति देलो, ते तै अन्तर बेइर एइतो गालो ते ख्वारक गालो। 10 ज्ञार होरि को-न्वी कम्मेरे लेह न एजो, बल्के ज्ञारी केरने ते मानने ते नाश केरने एइते, अंव एल्हेरेले इ ओरोई कि तैन भरपूर जिन्दगी जीन। 11 रोडो पुहाल अच्वे आई, रोडो पुहाल भैड्हां केरे लेह अपनि जान देतो। 12 जैखन नौकर गिद एंड्तु लाते ते तै भैड्हां शेरतां नेशी गालो। किजोकि तै तैन केरो न पुहाले न मालिके, ते गिद तैन पुठ हमलो केरता तितर-बितर केरते। 13 तै एल्हेरेले इ नशते कि तै नौकर आए, ते तैस भैड्हां केरि फिक्र नई। 14 रोडो पुहाल अंव आई, अंव अपनि भैड्हां पिशानताई, ते मेरी भैड्हां मीं पिशनचन। 15 जेन्नरे बाजी मीं ज्ञानाते, तेन्नरे अंव भी तैस जानताई, ते अंव भैड्हां केरे लेह अपनि जान देताई। 16 ते मेरी होरि भी भैड्हन, जैना इस बाडे मां नई, मीं तैना भी ऐनिन ज़रूरिन, तैना मेरी आवाज पिश्नैली, फिरी अक्के डेरो ते अक्के पुहाल भोनोए। 17 अंव अपनि जान देताई, एल्हेरेले इ बाजी मीं सेइं प्यार केरते, कि अंव फिरी जीतो भोई। 18 कोई मेरी जिन्दगी मीं करां न थसोडे, बल्के अंव एपु देताई, मीं तैस देनेह भी अधिकारे ते नेनेरो भी अधिकारे, ई हुक्म मीं मेरे बाजी करां मैलोरोए।” 19 एल्लां पती, यहूदन मां फिरी अबनन भोइ। 20 तैन मरां बडे जोने लाए, “तैस मां भूते, ते तै पागले, तैसेरी किजो शुनातथ?” 21 होरे लोक्के इ जोवं, “एना गल्लां एरे मैनेरी नई जैस मां भूत भोए, कुन भूत काना केरि एछड़ी ख्वल्ली बटते?” 22 यस्त्वलेम नगरे मा तिहार भोव, ते हीवतडेरो योसम थियो। 23 यीशु सुलैमानरे मन्दररे अगाने मा हंठने फिरने लगोरो थियो। 24 तैखन यहूदैर्है ते धेरो ते पुछ्हु, “तू कैइस तगर इश्शे दिले डामाडोल केरतस? असन सेइं साफ-साफ ज्ञो। कुन तू मसीह आस?” 25 यीशुए तैन जुवाब दितो, “मीं तुसन सेइं जोवं पन तुस विश्वास न केरथ। जैना कम्मां अंव अपने बाजी केरे अधिकारे सेइं केरताई तैना मेरे गवाह आन। 26 पन तुस एल्हेरेले इ विश्वास न केरथ कि मेरी भैड्हन मरां नई। 27 मेरी भैड्हां मेरी आवाज पिशनचन, अंव तैन जानताई, ते तैना मीं पत्ती-पत्ती च्लेचन। 28 ते अंव तैन हमेशरी जिन्दगी देताई, तैना कम्मी नाश न भोले, ते कोई तैन मेरे हथ्ये मरां न थसोडी सके। (aiōn g165, aiōnios g166) 29 मेरो बाजी, जैनी तैना मीं दिटोरिन, सेब्बन करां महान आए, ते कोई तैन बाजी केरे हथ्ये मरां न नेह बटे। 30 अंव त बाजी अक्के आम।” 31 दुबारां फिरी, यहूदैर्है तैस घोड़ेव देनेरे लेह फिरी घोड़े सल्लो। 32 एस पुठ यीशुए तैन सेइं जोवं, “मीं अपने बाजी केरे तरफां बडां रोडां कम्मां हिरा, तैन मरां कोस कम्मेरे लेह घोड़ेव देतथ?” 33 यहूदैर्है तैस जुवाब दितो, “रोडां कम्मां केरे लेह अस तीं पुठ घोड़ेव नई केरने लेवरे, पन परमेश्वरी तुहीन केरनेरे लेह, एल्हेरेले इ कि मैन्हु भोइतां अपनो आप परमेश्वर बनातस।” 34 यीशुए तैन जुवाब दितो, “मूसेरे कानूने मां एन लिखोरु कि परमेश्वरे अपने लोकां केरे

लीडरन सेइं जोवं कि तैना ईश्वरन। 35 (तुसन पत्तोए पवित्रशास्त्रेरी गल कोई भी बेदली न बटे) अगर परमेश्वरे तैन लोकन जो ईश्वर जोवं जैन कां परमेश्वरे वचन पुज्ज्ञ, 36 फिरी तुस किजो जीतथ कि तू तुहीन केरतस, जैखन अंव जीताई कि अंव परमेश्वरे मटु आई? बाजी परमेश्वरे अंवं पवित्र ठहरेइतां दुनियाई मां भेजो। 37 अगर अंवं अपने बाजेरु कम न केरि, त मेरो विश्वास न केरा। 38 पन अगर अंवं अपने बाजेरु कम केरताई, त चाए तुस मेरो विश्वास न भी केरा, पन तैन कम्मन पुड़ विश्वास केरा। तैखन तुस बुज्जोले ते समझूले कि बाजी मीं मां आए, ते अंव बाजी मां आई। 39 तैनई फिरी तैस ट्लानेरी कोशीश की, पन तै तैन करां च्लालो जेव।” 40 फिरी यीशु यरदन दरियारे पार तैस ठैरी जेव, जैडी यूहना पेहले बपतिस्मी देतो थियो, ते तैडी राव। 41 बडे लोक तैस कां इडतां जोते थिये, “यूहना त कोई चमत्कारी निशान न हिराव, पन जैन किछ यूहना एसेरे बारे मां जोवं, तैन सब सच्च थियूं।” 42 ते तैडी बडेई यीशु पुड़ विश्वास कियो।

**11** मरियम ते तैसेरी बेइन माथरि इलव्वे वैतनिय्याह मां लाजर नव्वेरे अक मैन्हु थियो। 2 ई तैए मरियम थी जैसां बादे मां प्रभु पुठ इत्रे छेतां अपने बालन सेइं तैसेरे पाव पूँजीरे थी, एसेरो ढुला लाजर बिमार थियो। 3 तैखन तैसेरी बेइने यीशु कां अक बिस्तार भेजो, “हे प्रभु, जैस सेइं तू प्यार केरतस तै बिमारे!” 4 जैखन यीशुए एन शून त जोवं, “ए बिमारी मरनेरे लेह नई बल्के परमेश्वरी महिमारे लेह आए, ताक तैसेरे जिरिये परमेश्वरे मटुरी महिमा भोए।” 5 यीशु मार्था ते तैसेरी बेइन मरियम ते लाजरे सेइं प्यार केरतो थियू। 6 जैखन यीशुए शून कि, लाजर बिमार, पन फिर भी दूर्द दिहाडे तैडी बिश्शो जैडी तै थियो। 7 दूर्द दिहेड़ना बाद यीशुए अपने चेलन सेइं जोवं, “एज्जा, अस फिरी यहूदिया इलाके मां गाम।” 8 चेले जोने लगो, “हे गुरु, थोडे जिर पेड्हे यहूदी लीडर तीं योडेई बाते थिये, ते तू फिरी तैडी गानू चातस?” 9 यीशुए जुवाब दितो, “कुन दिहेड़ी मां 12 घंटे न भोन? जै दीसा च्लते तैस ठोकर न लगो, एल्हेरेले इ कि तै दुनियारी लोई मां च्लेस कस्तो। 10 पन अगर तै राती च्लते त आधरे मां तैस ठोकर लगचे, किजोकि तैस कां लौ नई।” 11 तैनी एना गल्लां जोड़ि, ते अपने चेलन सेइं जोने लगो, “दिश्शो दोस्त लाजर द्वूलोरोए पन अंव तैस बीझाने च्लोरोई।” 12 तैसेरे चेले जोने लगो, “हे प्रभु अगर तै द्वूलोरोए त तै बीझीतो।” 13 यीशुए लाज्जरेरे बारे मां जोरु थियू, पन तैसेरे चेलेर्ह बुज्जु कि तैसेरो मतलब निडुलारे बारे मां द्वूलोरोए, पन अंव तैस बीझाने च्लोरोई। 14 तैखन यीशुए रोडेरो जोवं, “लाजर मेरि जेवरोए। 15 अंव चुखा आई कि तुशे लेह फैडोरोए, कि अंव तैडी न थियो जैस सेइं विश्वास केरथ। हुनी एज्जा अस तैडी गाम।” 16 तैखन थोमा जैस जो दिदुमुस जोतन, होरि चेलन सेइं जोने लगो, “एज्जा, अस भी तैस सेइं साथी मरनेरे लेह गाम।” 17 जैखन यीशुए वैतनिय्याह इलव्वे मां पुज्जो तैस पतो लगो, कि लाजर दब्बोरे ज्वेरे दिहाडे भोरेन 18 वैतनिय्याह यस्त्वलेम नगरेरां कोई ट्लाई किलोमीटर दूर थियू। 19 बडे यहूदी लोक मार्था ते मरियमी कां तैन केरे द्ला लाजरेरे मस्तेरां पत्ती तैना तसल्ली देन ओरे थिये। 20 जैखन मार्था शून कि यीशु ओरोए तै तैस सेइं मिलनेरे लेह बेइर निस्सी, पन मरियम बेइर न निस्सी। 21 मार्था यीशुए सेइं जोने लगी, “हे प्रभु, अगर तू इडी भोथो त मेरो ढुला न थियो मरनो।” 22 पन अंव जानती, हुनी जैन किछ तू परमेश्वरे करां मगेलो, ते परमेश्वर तीं देलो।” 23 यीशुए तैस जोवं, “तेरो ढुला जीतो भोइ गानोए।” 24 मार्था तैस सेइं जोवं, “अंव जानती तै आदालतरे दिहाडे जैइस सारे लोक जीतो भोनेन, तैइस तै भी जीतो भोइ गानोए।” 25 यीशुए तैस जोवं, “मैनन मुड्दन मरा जीतो केरनबालो अच्वे आई। जै मीं पुड़ विश्वास केरते तै मरनेरो बाद भी जीतो रालो।” 26 ते जै कोई जीतोए, ते मीं पुड़ विश्वास केरते, तै कथे न मरेलो, कुन तू इस पुड़ विश्वास केरचस?” (aiōn g165) 27 मार्था जुवाब दितो, “हाँ प्रभु, मेरो विश्वास तीं पुड़े, कि तू परमेश्वरे मटु मसीह जैन दुनियाई मां एजनेबालू थियू।” 28 जैखन तैसां ए गल जोई तै वापस च्लाली जैदी, ते अपनि बेइन मरियम कनारे कुजेइतां जोने लगी, “गुरु जी ओरेन ते तीं कुजाने लगोरेन।”

29 तै एन शुन्तां लूशी उड्हतां यीशु सेंड मिलने चली आई। 30 यीशु हेजू ड्लक्वें मां न थियो पुज़ोरो, पन तै तैड़ी थियो जैड़ी मार्था तैस सेंड मिलारी थी। 31 तैखन तैना यहूदी लोक जैना मरियमी तस्सली देने औरे थिये मरियम लूशी खड़ी उड्हतां बेइर जैई, तै तैना भी तैस पत्ती बेइर जे, कि भोइ सकते ए लेरा देने कब्री पुड़ चलारेइ। 32 जैखन मरियम तैस ठारी पुजी जैड़ी यीशु थियो तै तैस लेडतां तै तैसे पवन पुड़ बिछड़ी जैई तै जौने लगी, “हे प्रभु अगर तू इड़ी भोथो तै मेरो ढ्लाना न थियो मरनो।” 33 जैखन यीशुए तै तै तैस सेंड साथी एजनेबाले यहूदी लोक लेरां देते लाए, तै आत्माई मां उदास भोडतां बड़ो दुखी भोव। 34 ते पुच्छु, “तुम्हेई लाजर कोड़ि रख्खोरोए?” तैना जौने लगे, “हे प्रभु, असन सेंड साथी एडते एप्पु हेव।” 35 यीशु लेरां देने लगो। 36 तैखन यहूदी लोक जौने लगे, “हेरा, ए लाजरे सेंड केंतो प्यार केरतो थियो।” 37 पन तैन मरां किछु जौने लगे, “कुन जैनी कानेरी एछलन लौ दिती, इन भी न केरि बटू, कि ए मैन्ह न मरेथो?” 38 यीशु दुखी दिले सेंड कब्री कां अव, तै अक कुढ़ थी, जैस पुड़ अक घोड़ छडोरो थियो। 39 यीशु जौने लगो, “घोड़ खड़ो केरा।” मार्था जै लाजरी बेइन थी तै जौने लगी, “हे प्रभु एस मरां त मुशक लोरोए एजने, किजोकि एस चेवे दिहाड़े मर्ए भोरेन।” 40 यीशुए तैस सेंड ज़ोव, किजोकि, “मीं तुसन न थियू ज़ोरु कि अगर तेरो विश्वास भोलो, तू परमेश्वरी महिमा हेरेती।” 41 तैखन तैनेई तै घोड़ विश्वास, ते यीशुए उबर तेकतां जौने लगो, “हे बाजी, अवं तेव शुक्र केरतां कि तीं मेरी शुनी।” 42 अवं ज़ानतो थियो, कि तू मेरी प्रार्थना शुन्तास पन अवं एन लोकां केरे लेड जैना चेवे पासन खेड़ेरोन एन ज़ोरु थियू कि एना भी विश्वास केरन, कि तीं अवं भेज्होरोई।” 43 एन ज़ोनेरां पत्ती यीशुए ज़ोरे सेंड ज़ोव, “लाजर बेइर निस।” 44 तै तै मुओरो लाजर बेइर निस्सो ज़सरेह हथ पाव कफने सेंड बंधोरो थिये ते दोगे अक कपड़ा बंधोरो थियो। यीशुए तैन सेंड ज़ोव, “एस खोल्ला ते एस गाने देव।” 45 बड़े यहूदी लोक जैना मरियम सेंड मिलने ओरे थियो। ते तैसरा इन्ना कम्मा हेरतां तैस पुड़ विश्वास कियो। 46 पन तैन मरां किछेई फरीसन कां गेइतां सब शुनावं जैना यीशुए कियेरु थियू। 47 एस पुड़ प्रधान याजकन ते फरीसी लोक महासभारे लोक अकोटु किये ते जैने लगे, “अस कुन केरम? ए मैन्ह त इड़ी बड़े चमत्कार लोराए केरो।” 48 अगर अस एस हुन्ना न रोकमेले त सारे लोक तैस पुड़ विश्वास केरेले, कि ए मसीह आए, ते फिरी रोमेंड इड़ी इडतां इश्शे मन्दरे ते इश्शी कौमी दुड़ने नाश केरेल।” 49 तैखन तैन केरे रोली मरां अक ज़ेसेरु नवं कैफा थियू, जै तैस साल मन्दरोरे महायाजक थियो जौने लगो, “तुस लोक किछ न ज़ानाथ, 50 तुसन इन न समझाथ कि, तुश्शे लेइ रोड़ाप, इश्शे लोकां केरे लेड अक मैन्ह मरे, न कि इश्शे सारे लोक।” 51 ए गल तैनी अपने आपे सेंड न थी ज़ोरी, पन तैस साल महायाजक भोइतां भवियद्वाणी, कि यीशु इसाएलेरे सारे लोकां केरे लेड अपनी जान देलो। 52 तै सिर्फ इसाएलेरे बच्चे तितर-वितर भोरेन तैन अकोटु केरतां अक बनाई। 53 बस्सा, यहूदी लीडरेई तैस दिहाड़े बाद यीशु मारिरो इरादो कियो। 54 एलहेलेइ यीशुए तैस वर्ते करां यहूदन मां बादे मां न फिरो, पन ज़ंगलेरे नेडे एप्रैम नगरे मां ज़ोव, ते अपने चेलन सेंड साथी तैड़ी राने लगो। 55 तैइस यहूदी केरे रुक्सह तिहारे नेडे अव, ते बड़े लोक आसेपासेरे इलाकन मरां यस्शलेम नगरे मांजो चले जे, ताके अपनो आप शुद्ध केरन। 56 तैना यीशु तोपते थिये तेइस तैना मन्दरे मां अकोटु भोए, ते एककी होरी सेंड जौने लगे, “तुस कुन समझतथ? कोई पत्तोए कुन तै इड़ी फसह तिहारे मां एज्जेलो कि नई?” 57 ते प्रधान याजकेई ते फरीसी लोकेई हुक्म दितोरो थियो कि अगर केन्ची पतो लगे कि यीशु कोड़ि आए त ज़ोथ दे ताके असां तैस गिरफतार केरम।

**12** फसह तिहारे करां शा दिहाड़े पेड़ले यीशु बैतनिय्याह ड्लक्वें मांजो चलो अव, जैड़ी लाजर रातो थियो, जै यीशुए मुड़दन मरां ज़ीतो कियोरो थियो। 2 तैड़ी तैनेई यीशुएरी खातरदारी केरनेरे लेइ धाम बनाई। ते मार्था सेवा लोरी थी केरने, लाजर भी तैन मरां अक थियो जैना यीशु सेंड

साथी रोट्टी खाने विश्वोरे थिये। 3 तैखन मरियमा जटामासी सेंड बनोरी अधो लीटर खुशबूदार इत्र जै बड़ो कीमती थियो, यीशुएरे पावन मल्लो, ते अपने दोगरे बालन सेंड पौंछने लगी, ते सारु घर रोड़ा मुसाकी सेंड भेरोई जेव। 4 पन तैसेरे चेलन मरां अक यहूदा इस्करियोती नव्वोरो अक चेलो, जैनी यीशु दलुवेरो थियो जौने लगो, 5 “ई इत्र 300 दीनारन मां बेवतां गरीबन किजो न दितो?” 6 तैनी एना गल्लां एलहेलेइ न थी ज़ोरी, कि तैस गरीबां केरो खियाल थियो, पन एलहेलेइ ज़ोव कि तै चोर थियो, तैस कां पेइसां केरि झोली भोती थी, ते जैन किछु तैस मां रखते थी तै कढतो थियो। 7 यीशु ज़ोव, “एस तंग न केरा, एस वर्तेरे पेइले मेरी जान दब्बनेरी तियारी कियोरी।” 8 किजोकि गरीब लोक त तुसन सेंड साथी सदा रातन, पन अवं तुसन सेंड साथी सदा नईं रानो।” 9 मैन्ह केरि बड़ी भीड़ी तैड़ी आई जैखन तैनेई शुनू कि यीशु तैड़ी अव। तैना सिर्फ यीशु नई बल्के लाजर भी हेरने ओरे थियो, जै तैनी मुडदन मरां ज़ीतो कियोरो थियो। 10 तैखन प्रधान याजेके लाजर भी मारेरी सलाह की। 11 किजोकि बड़े लोक यहूदी लीडरन करां चले जे, ते तैनेई यीशु पुड़ विश्वास कियो। 12 होरसां मैन्ह केरि बड़ी भीड़ तिहारे मां आई। जैखन तैनेई शुनू कि यीशु भी यस्शलेम नगरे मां एजनेबालोए, 13 ते तैनेई ख्यालूं केरि डेलड़ी हथ्यन मां रेखतां नहरे देते तैस सेंड मिलनेरे लेइ निस्से ते जौने लगे, “होशाना (तारीफ) धने इसाएलेरो राजो, जै प्रभुएरे नंचे सेंड एडते।” 14 जैखन यीशु अक गथरो बच्चो मैल्लो, ते तै तै तैस पुड़ बिश्तां यस्शलेम नगरे मांजो अव, ज़ेन्नरे पवित्रशास्त्रे मां लिखोरुए तेन्वरे एन भोवं, 15 “हे सिय्योनेरी कुर्ई (यस्शलेमेरे लोक), तू न डर, हेर, तेरो राजो एज्जी राओरोए, ते तै गथरे बच्चे पुड़ चेलतां एज्जी राओरोए।” 16 पैदलू त यीशुएरे चेलेइ किछु न समझू, पन जैखन यीशुएरी महिमा बांदी भोइ, तैनेई तैना सैरी गल्लां याद की, एन सब गल्लां तैसरे बरे मां लिखोरी थी, ते लाकेई एरो ज़ेरो सलुखू कियोरो थियो। 17 तैखन भीड़े लोकेई जैना तैस सेंड थी, ई गवाही दिती, कि तैनी लाजर कब्री मरां कुजाव, ते मुडन मरां ज़ीतो कियो। 18 एलहेरेलेइ लोक तैस सेंड मिलनेरे लेइ आए, किजोकि तैनेई शुनोरु थियू, तैनी ई चमत्कार कियोरो। 19 फरीसी लोक एन हेरतां एककी होरि सेंड जौने लगे, “सोचा, तुस लोक किछ नई केरि लोकेई बच्चे तिहारे बच्चे पुड़ चेलतां एज्जी राओरोए।” 20 जैना लोक फसह तिहारे मां यस्शलेम नगरे मां आराधना केरने ओरे थिये, तैन मां किछ यूनानी थिये। 21 तैना फिलिप्पुसे कां जे जै गलीलेरे नगर बैतसैदा मां रातो थियो, ते ज़ोवले हथ केरतां जौने लगे, “जनाव अस यीशु सेंड मिलनू चातम।” 22 फिलिप्पुसे अन्द्रियासे सेंड ज़ोव, ते अन्द्रियास किलिप्पुसे सेंड साथी जेर ते यीशु सेंड ज़ोव। 23 यीशुए तैन जुवाब दितो, “कि मैरो मटुरी यानी मेरी महिमा बांदी भोरोरो वक ओरोए।” 24 अवं तुसन सेंड सच-सच ज़ोताई, कि जातगर गेहुं केरो ग्लेव मित्ती मां न मरे, तै अकके रहते, पन जैखन मरते त बड़ो फल आनते, (तेन्वरे मीं सेंड साथी भोनूए।) 25 जै अपनि जान द्लारी रखते ते अपनि जान गुवाते, पन जै अपनि जानी सेंड बैर रखते ते अक हमेशारी जिन्दी बचालो। (αιονίος g166) 26 जै कोई मेरी सेवा केरनि चाते तैसेरेलेइ ज़रूरीए तै मेरो चेलो बने, ताके जैड़ी अव आई तैड़ी मेरो सेवक भी भोए, जै मेरी सेवा केरते मेरो पम्सेशर तैस इज्जत देलो।” 27 “हुना मेरो दिल बड़ो उदास भोरोए। एलहेलेइ अवं कुन ज़ोई? हे बाजी इस दुख्खेरी घेड़ी करां मीं बच्चा,” पन अवं इस दुनियाई मां एलहेलेइ ओरोई कि दुख्ख झेल्ली। 28 हे बाजी तू केत्रो महिमा बालोस इन बाबू केर।” तैखन स्वर्गरां अक आवाज अई, “मीं तेरी केत्री महिमा बांदी कियोरीए ते फिरी भी केरेलो।” 29 तैखन तैड़ी जैना मैन्हू खड़े भोइतां शुनी रावरे थिये, तैनेई ज़ोव, गुडने लारूए, “ते होइं ज़ोव, “केन्वे स्वर्गदूते तैस सेंड गल की।” 30 यीशुए ज़ोव, “ई आवाज मेरे फेद्दोरे लेइ नई बल्के तुश्शे लेइ आए।” 31 इस वक्त परमेश्वर दुनियारे लोकां केरो इन्साफ केरेलो, ते अवं इस शैतानी शक्ति नाश केरेलो जै इस दुनियाई पुड़ राजो केरते। 32 ते जैखन अवं ज़मीनी पुड़ां उच्चे चाढ़ो गालो, तैखन अवं सैरी लोकन एप्पु कांजो आनेलो।” 33 एन ज़ोइतां तैनी साफ चारे बांदू कियू, ते तै केन्वरां मरने बालो। 34 एस पुड़ लोकेई ज़ोव,

“असेईं मूसेरे कानूने मां ई गल शुनोरीए, कि मसीह हमेशा रानोए, फिरी तू केन्वरे जातस कि मैनेरू मठू उच्चे पुड़ चाढ़नू ज़रूरीए? एन मैनेरे मठू कौनें?” (aiōn g165) 35 यीशुए तैन सेइं ज़ोव, “लौं तुसन कां थोड़े विरे तगरे आए, ज़ां तगर लौं तुसन साथीए, तांगर चलते राथ, एन न भोए अंधुर तुसन घेरे, ज़ै अंधेरे मां चलते तै न ज़ाने तै कोरां चलरोए। 36 ज़ांगतगर लौं तुसन सेइं साथीए, त लोई पुड़ विश्वास केरा ताके तुस लोओ बच्चे बनथ।” इना गल्लां ज़ोइतां यीशु छेप्पी जेव 37 तैनी तैन केरे सामने बड़े चमत्कार हिराए, फिरी भी तैनेई विश्वास न कियो। 38 ताके यशायाह नेवेस जोरू वचन पूरू भोए, “हे प्रभु, केन्वे इश्वे खुश्खेबरी पुड़ विश्वास न कियो, ते बड़े लोकईं परमेश्वरी शक्ति हेरतां भी कबूल न की।” 39 एल्हेरेलै तैना विश्वास न केरि सके यशायाह एककी होरि ठैरी ज़ोते: 40 “तैनी तैन केरि एछुकी केनि की, ते मन सखत कियोरोए, एन न भोए कि तैना एछुछन सेइं लान ते मने सेइं बुझन, ते माफ़ी मगन ते अंव तैन बज़्जोई।” 41 यशायाह नबी एल्हेरेलै ज़ोतो थियो, कि तैनी यीशुएरी एजनेबाली महिमा लवरी थी, ते तैसेरे बारे मां गल भी की। 42 फिरी भी लीडरन मरां बड़ेई यीशु पुड़ विश्वास कियो, पन फरीसी लोकां केरे वजाई सेइं बांदे मां न थिये मन्ते, एन न भोए कि असन प्रार्थना घेरे मरां कठन। 43 किजोकि मैन्तू केरि बड़गाई तैन परमेश्वरी बड़गाई करा जादे रोड़ी लगती थी। 44 तैखन यीशुए ज़ारे सेइं ज़ोव, “ज़ै कोई मीं पुड़ विश्वास केरते तै मीं पुड़ नई पन मेरे भेजने बाले परमेश्वरे पुड़ विश्वास केरते। 45 ते ज़ै मीं हेरते तै मेरे भेजने बाले हेरते। 46 अंव दुनियाई मां अक लौ बेनतां ओरोई, ताके ज़ै मीं पुड़ विश्वास केरे तै आंधेरे मां न रालो। 47 अगर कोई मेरी गल्लां शुन्तां तैन पुड़ अमल केरे, त अंव तैस दोष न लेइलो, अंव दुनियारे लोकन पुड़ दोष लाने नई पन मुक्ति देने ओरोई। 48 ज़ै मेरो इकार केरते ते मेरी गल्लां कबूल न केरे, तैस पुड़ दोष लानेबालो अकके, मतलब ज़ैन वचन मीं ज़ोरू, तैन आखरी दिहाड़े तैस दोषी ठैरालू। 49 किजोकि मीं अपने अधिकारे सेइं किछ नई ज़ार, पन बाजी ज़ैने अंव भेजोरोई तैनी मीं हुक्म दितोरोए, कि कुन-कुन ज़ोई ते कुन-कुन शुनेई? 50 ते अंव ज़ानताई कि तैसेरो हुक्म मन्ने सेइं हमेशारी ज़िन्दगीए मैलतीए, एल्हेरेलै अंव तुसन सेइं तैने ज़ोताई जैन ज़ानेरो हुक्म मेरे बाजे मीं दितोरोए।” (aiōnios g166)

**13** फसह तिहारेरे पेइले दिहाड़े यीशुए ज़ैनीं छहू, कि मेरो दुनियाई मरां बाजी कां वापस गानेरो वक्त ओरोए। तै अंपेने लोकन सेइं जैना दुनियाई मां थिये ज़ेरो प्यार केरतो थियो, तेराहो प्यार आखरी तगर केरतो राव। 2 शैताने शमीनेरे मठू यहूदा इस्करियोतेरे दिले मा पेइले यीशु दलुवानेरो खियाल छड़ोरे थियो। यीशु त कने तैसेरे चेले इलाई खानेरो लोरे थिये। 3 यीशु पतो थियो कि बाजे सैरी चीजां तैसेरे हथ्ये मां दित्तोरिन, ते कने तै परमेश्वरी तरफां ओरोए ते परमेश्वरे कांजों वापस चलरोए। 4 एल्हेरेलै तै रोट्टी छेड़तां खड़ो उठो ते अपनू कोट खोल्लू, ते अक तोलियो अपने लखे सेइं पलटो। 5 तैखन तैनी अक भांड टलावं ते तैस मां पानी छाडु ते अपने चेलां केरे पाव धोइतां लखे बन्धेरे तोलिये सेइं पोछे। 6 जैखन तै शमीन पतरस कां अंव त पतरसे ज़ोव, “हे प्रभु, कुन तू मेरे पाव धोने लोरस?” 7 यीशुए जुवाब दितो, “जैन अंव केरने लोरोई तू हुना न बुझास, पन पती तू बुझेलो।” 8 पतरसे तैस सेइं ज़ोव, “तू मेरे पाव कथे न थोई सकसा!” यीशुए तैस सेइं ज़ोव, “अगर अंव तेरो पव न थोई, तू मेरो वेलो नई।” (aiōn g165) 9 शमीन पतरस यीशु सेइं ज़ोने लगो, “हे प्रभु, तू मेरे पाव नई बल्के हथ ते दोग भी थो!” 10 यीशुए तैस सेइं ज़ोव, “ज़ैनी निहावरूए, तैस पावां केरे अलावा होरू धोरेसु किछ ज़रूर नई। तै बिलकुल शुद्धे, ते तैस शुद्धु, पन सारे नई।” 11 तै त टलुवाने बाले ज़ानतो थियो एल्हेरेलै तैनी ज़ोव, “तुस सब शुद्ध नई।” 12 जैखन यीशुए सेड्भी केरे पाव धोए त अपनू कोट लेइतां अपनि ठैरी विश्वो तैखन तैनी तैन पुच्छ, “कुन तुस समझातथ कि मीं तुसन सेइं कुन कियू? 13 तुस मींजो गुरू, ते प्रभु ज़ोतथ, तुशू ज़ोनू ठीके, किजोकि अंव आई। 14 अगर मीं तुशूशो गुरू त कने प्रभु भोइतां तुशू पाव धोए, त तुशूशो भी फर्जे कि एककी होरेरे पाव धोथ। 15 किजोकि मीं तुसन अक नमूनो

हिराव, कि जेन्वरे मीं पाव धोए तुस भी एरु केरथ। 16 अंव तुसन सेइं सच-सच ज़ोताई, कि नौकर अपने मालिके करां बड़ो न भोए, ते न भेजोरो भेजने बाले करां। 17 तुस त एना गल्ला ज़ानतथ, ते अगर तैन पुड़ अमल केरतथ त तुस धन आथ। 18 अंव तुसन सेड्भी केरे बारे मां न ज़ोई, ज़ैनी मीं चुनोरेन अंव तैन ज़ानताई, पन इन एल्हेरेलै आए, कि पवित्राशास्त्रेन एन वचन पूरू भोए, जैने मेरो रोट्टी खाए, तैए मेरे खलाफ भोव। 19 अंव तैन भोने करां पेइले तुसन ज़ोताई कि जैखन भोए त विश्वास केरथ कि अंव तैए आई। 20 अंव तुसन सेइं सच-सच ज़ोताई कि, जै मेरे भेजोरे कबूल केरते तै मीं कबूल केरते, ते ज़ै मीं कबूल केरते तै मेरे भेजनेवाले बाले कबूल केरते।” 21 एना गल्ला ज़ोइतां यीशु आमाई मां उदास भोइतां बड़ो दुःखी भोव, ते अपने चेलन सेइं ज़ोने लगो, “अंव तुसन सेइं सच-सच ज़ोताई, कि तुसन मरां एकके अंव टलुवानोई!” 22 चेले एककी होरेरे पासे तकने लगो, किजोकि तैन पतो न थियो कि ए कसेरे बारे मां ज़ोने लोरोए। 23 तैसेरे चेलन मरां अक चेलो ज़ैस सेइं यीशु प्यार केरतो थियो, यीशुएरो नेडे बिशरो थियो। 24 तैखन शमौन पतरसे तैसेरे पासे इशरो सेइं पुच्छ, “ज़ो कसेरे बारे मां ज़ोने लोरोए?” 25 तैखन तेन्वरे यीशुएरे छैतरे पासे लिकतां पुच्छ, “हे प्रभु, तै कौनेई?” 26 यीशुए जुवाब दितो, “ज़ैस अंव ई रोट्टो टुकड़ा डोबतां देल्लो तैए।” ते यीशुए टुकड़ा डोबतां शमीनेरे मठू यहूदा इस्करियोती दितो। 27 ते टुकड़ा नेनेरे पती तै शैतनेरे बस्से मां भोइ जेव, तैखन यीशुए तैस ज़ोव, “तीं जैन किछ केरनूप, लुशी केरा!” 28 पन होरि केन्वी ए पतो न लगो कि ए गल यीशुए केरसेरे बारे मां की 29 यहूदा कां पेंसां केरी थेलडी भोती थी, ते किछई समझू, कि यीशु तैस सेइं ज़ोते, कि जैन किछ असन तिहारेरे लेइ लोइते तैन इन्वन्ने, या गरीबन किछ दे। 30 तैखन यहूदा टुकड़ो खेइतां बेदर चल्लो जेव, तै रातरो वक्त थियो। 31 जैखन तै बेदर जेव त यीशु ज़ोने लगो, “हुनी मैनेरे मठू यानी मेरी महिमा भोइ, ते मेरे जिरिये परमेश्वरी महिमा भोइ, 32 ते परमेश्वर भी मीं एप्पु महिमा बालो केरेलो, बल्के जल्दी केरेलो। 33 हे मेरे दोस्तव, अंव किछ जिरिये लेइ हेजू तुसन सेइं साथी आई, फिरी तुस मीं तोप्पेले, ते जेन्वरे मीं यहूदन भी ज़ोव, ज़ैडी अंव गाताई तैड़ी तुस न एज्जी बटथ, तेन्वरे अंव तुसन सेइं भी ज़ोताई। 34 अंव तुसन अक नंबंतो हुक्म देताई कि, एककी होरि सेइं प्यार केरा, जेन्वरे मीं तुसन सेइं प्यार कियो तुस भी एकके होरि सेइं प्यार केरा। 35 अगर तुस एकके होरि सेइं प्यार केरेले तै सेड्भी लोकन पतो लगेलो, कि तुस मेरे चेलिथा।” 36 शमीन पतरसे तैस पुच्छ, “हे प्रभु तू कोरां चलारोसन?” यीशुए जुवाब दितो, “ज़ैरो अंव चलारोई तू हुना मीं सेइं साथी न एज्जी सकस, पन बादे मां एज्जी सकतसा!” 37 पतरसे ज़ोव, “हे प्रभु अंव हुना तीं सेइं साथी किना एज्जी सेखी? अंव त तेरे लेइ अपनि जान भी देनेरे लेइ तियार आई!” 38 यीशुए जुवाब दितो, “कुन तू मेरे लेइ अपनि जान देलो, अंव तीं सेइं सच-सच ज़ोताई कि कुकड़ बांग देने करां पेइले तू मेरो टलेइ बार इन्कार केरेलो।”

**14** “तुश्शो दिल उदास न भोए, तुस परमेश्वरे पुड़ विश्वास केरतथ, मीं पुड़ भी विश्वास केरा। 2 मेरे बाजेरे घेरे मां बड़े कमरेन, अगर न भोती त अंव तुसन सेइं जोशो, किजोकि अंव तुश्शे लेइ ठार तियार केरेले चलारोई। 3 अगर गेइतां तुश्शे लेइ ठार तियार केरि त वापस इदातां तुसन एप्पु सेइं साथी नेलो, ताके ज़ेडी अंव भोलो तुस भी तैड़ी भोथ। 4 ते ज़ेरो अंव चलारोई तुस तैठेरी बत ज़ानतथ।” 5 थोमा तैस ज़ोव, “हे प्रभु, असन नई पतो तू कोरां चलारोस, ते फिरी बत केन्वरे ज़ानम?” 6 यीशुए तैस सेइं ज़ोव, “बत, सच्छी ते हमेशारी ज़िन्दगी अव्वें आई, कोई मेरे जिरिये बौर बाजी कां न एज्जी सके। 7 अगर तुसेई अंव पिशानेरो भोती त मेरे बाजी भी पिशानये, पन हुनी तैस ज़ानतथ ते कने लाव भी।” 8 फिलिप्पुसे तैस सेइं ज़ोव, “हे प्रभु असन बाजी हिरा, तैने इश्वे लेइ बड़ो आए।” 9 यीशुए तैस सेइं ज़ोव, “फिलिप्पुस, एत्रे जिरे अंव तुसन सेइं साथी राव कुन तू मीं न ज़ानस ज़ैनी अंव लाव तैनी बाजी भी लाव तू किजो ज़ोताई असन बाजी हिरा? 10 कुन तू विश्वास न केरस, कि अंव बाजी मां आई ते बाजी मीं मां आए? अंव

जैना गल्लां तुसन सेइं ज़ोताई तैना गल्लां अवं अधिकारे सेइं न ज़ोई, बल्के बाजी मीं मां रेइतां अपन कम केरते। 11 मेरो विश्वास केरा, कि अवं बाजी मां आई ते बाजी मीं मां आए, नई त जैना कम्मा केरताई तैन हेरता मीं पुड़ विश्वास केरा।” 12 अवं तुसन सेइं सत्र-सत्र ज़ोताई, “कि ज़ी मीं पुड़ विश्वास केरते, एना कम्मा जैना अवं केरताई तै भी केरेलो, बल्के मीं करां भी बडा कम्मा केरेलो, किजोकि अवं बाजी कां च्लोरोइ। 13 जैन किछ तुस मेरे नंवे सेइं मग्गे अवं तुसन देलो कि बाजी केरि महिमा मध्देरे वजाई सेइं बांदी भोए। 14 अगर तुस मेरे नंवे सेइं किछ भी मग्गे ले त अवं तैन केरेलो।” 15 “अगर तुस मीं सेइं प्यार केरतथ त मेरे हुक्मन मन्नेले।” 16 ते अवं बाजी कां प्रार्थना केरेलो ते तै तुसन अक मद्हतगार देलो कि हमेशा तुसन सेइं साथी रालो। (aiōn g165) 17 मतलब तै आत्मा ज़ी परमेश्वरे बारे मां सत्र बांदू केरेली, ज़ी दुनिया कबूल न केरि सके, किजोकि न तैस लेइहोए न जाने, तुस तैस ज्ञातथ किजोकि तै तुसन साथी रहती, ते तै तुसन मां भोली। 18 अवं तुसन अकैल्लो न शेरेलो बरके अवं तुसन कां एज्जेलो। 19 ई दुनिया किछ चिरेरा बाद मीं न लाएली, पन तुस मीं लांते राले, किजोकि अवं ज़ीतोई ते तुस भी ज़ीते राले। 20 ज़ैखन अवं ज़ीतो भोलो तेइस तुसन पतो लगेलो, कि अवं अपने बाजी मां आई ते तुस मीं मां अथ ते अवं तुसन मां आई। 21 जैस का मेरे हुक्म अन ते तैन मन्ने, त तै एर्मी सेइं प्यार केरते ते मेरो बाजी तैस सेइं प्यार केरेलो, ते अवं तैस सेइं प्यार केरेलो, ते अपनो आप तैस पुड़ बांदो केरेलो।” 22 तैखन यहूदा (तै यहूदा इस्करियोती न थियो बल्के होरो चेलो थियो) तैस सेइं ज़ोव, “हे प्रभु कुन भोव कि तू अपनो आप असन पुड़ बांदो केरनो चातस ते दुनियारे लोकन पुड़ नई।” 23 यीशुए जुवाब दित्तो, अगर कोई मीं सेइं प्यार केरते त तै मेरी शिक्षाई मन्ने, ते मेरो बाजी भी तैस सेइं प्यार केरेलो, ते अस तैस कां एज्जेले ते तैस सेइं साथी रामेले। 24 ज़ी मीं सेइं प्यार न केरे, तै मेरे शिक्षाई न मन्ने, ज़ी शिक्षा तुस शुनें लारेथ, मेरी नई पन मेरे बाजी केरि जैने अवं भेज़ोरोई। 25 “एना सैरी गल्लां मीं तुसन साथी रेइतां ज़ोई। 26 पन तै मद्हतगार यानी पवित्र आत्मा जैस बाजी मेरे ठैरी भेजेलो, तुसन सैरी गल्लां शिखालेलो, ते हर गल ज़ी मीं तुसन सेइं ज़ोरी याद करालो।” 27 अवं तुसन शान्ति रेइतां जै मीं कां आए, ज़ेन्वरे दुनियारे देचे तैन्वरे नई, तुशो दिल उदास न भोए ते न डेरथ। 28 तुर्से शुनू मीं तुसन सेइं ज़ोव, अवं गाताई तुसन कां फिरी एज्जेलो अगर तुस मीं सेइं प्यार केरते भोते त खुरी भोने थिये, कि अवं बाजी कां च्लोरोई किजोकि बाजी मीं करा बहुए। 29 मीं सैरी गल्लां पैइले तुसन ज़ोरिन कि ज़ैखन तैन पूरी भोन त तुस विश्वास केरेलो। 30 हुनी अवं तुसन सेइं जादे गल्लां न केरेलो, किजोकि शैतान एइते, ज़ी इस दुनियाई पुड़ राज केरनेबालोए। मीं पुड़ तैसेरो किछ अधिकार नई। 31 ज़ेन्वरे बाजीए मीं हुक्म दित्तो, अवं तैन्वरे केरताई। पन एन एल्हेरेलेइ भोते कि दुनिया ज़ाने, कि अवं बाजी सेइं प्यार केरताई। ते उठा इडुं च्ललम।

**15** यीशुए ज़ोव “अवं दाल्लां सच्चू बडह अव्वे आई, ते मेरो बाजी बागाबाने।” 2 जै डालडी मीं मां आए, ते तैस फल न लगे, तै कट्टी गानीए, ते जैस फल लगते तैस छांतो कि जादे फल लगो। 3 तुस तैस शिक्षाई सेइं जै मीं तुसन दित्तोरीए शुद्ध आथ। 4 तुस मीं मां बनोरे राथ, ते अवं तुसन मां, ज़ेन्वरे डालडी अगर बडहे सेइं बनोरी न राले, त अपने आप सेइं तैस फल न लगो। तैन्वरे तुसन भी अगर मीं मां बनोरे न राले त तुस फलदार न भोइ सकेलो। 5 अवं दाल्लां बडह आई, तुस डेलडी आथ, ज़ी मीं मां बनोरे रहते तैस खूब फल लगते, किजोकि मीं करां अलग भोइतां तुस किछ न केरि सखत। 6 अगर कोई मीं मां बनोरो न राए, त तैस डेलडारो जेरोए जैस केटां शारतन, ते शुक्की गाचे, ते लोक धेरतां अगी मां फुकी छङ्गतन। 7 अगर तुस मीं मां बनोरे राथत ते मेरी गल्लां तुसन मां बनोरी रैतिन त जैन चाहेले ते मग्गे ले तुसन दित्तू गालू। 8 मेरो बाजेरी महिमा एसमां आए कि तुस हछो फल आनां, फिरी तुस मेरे चेले भोले। 9 ज़ेन्वरे बाजे मीं सेइं प्यार कियो, मेरे प्यारे मां बनोरे राथ।

10 अगर तुस मेरे हुक्मन मन्नेले, त मेरे प्यारे मां बनोरे राले, ज़ेन्वरे मीं अपने बाजेरे हुक्म मने, ते तैसेरे प्यारे मां बनोरो राव। 11 मीं एना गल्लां एल्हेरेलेइ तुसन ज़ारिस, कि मेरी खुशी तुसन मां बनोरी राए।” 12 “मेरो हुक्म ई आए ज़ेन्वरे मीं तुसन सेइं प्यार कियो, तुस भी एक्की होरि सेइं प्यार केरा 13 एस करां जादे प्यार केरन्ने नई कियोरो, कि कोई अपने दोस्तां केरे लेइ अपनि जान दे।” 14 ज़ी हुक्म अवं देटाई, अगर तुस तैस मन्नथ, त मेरे दोस्त आथ। 15 अज़जेरे बाद अवं तुसन जो नौकर न जाने कि तैसेरो मालिक कुन केरते। मीं तुसन जो दोस्त ज़ोरू, किजोकि जैन किछ मीं बाजी करां शुनोरूए तुसन भी शुनावरू आए। 16 तुर्से ई अवं नई चुनोरो पन मीं तुस चुनोरेथ ते ठहरावे भी आथ, ताकि तुस गेहां फल आनथ, ते तुशी फल बनोरो राए, कि तुस मेरे नंवे सेइं बाजी करां जैन किछ मग्गथ, ते तुसन देलो किजो तुस मेरे चेलेथ। 17 अवं इन गल्लां केरो हुक्म एल्हेरेलेइ देटाई, कि तुस एक्की होरि सेइं प्यार केरा।” 18 “अगर दुनियारे लोक तुसन सेइं दुशमी रखतन, त याद रखा कि तैनई डेले मीं सेइं दुशमी रख्योरी। 19 अगर तुस दुनियारे भोथे, त दुनिया अपने लोकन सेइं प्यार केरती, पन हुनी तुस दुनियारे लोक नई किजोकि मीं तुस दुनियाई मरा चुनोरेथ ताए दुनियारे लोक तुसन सेइं दुशमी रखतन। 20 तै गल ज़ी मीं तुसन सेइं ज़ोरी थी याद रख्बा, नौकर अपने मालिके करां बहु न भोए, अगर दुनियां अवं सतेरोइ त तैना तुसन भी सताले, अगर तैनई मेरी गल्ली पुड़ अमल कियूं त तुशी गल्ली पुड़ भी अमल केरेले। 21 पन तैना लोक तुसन सेइं एरो ज़ेरो बर्ताव केरेले, किजोकि तुस मेरे चेलेथ। तैना मेरे भेजेने बाले परमेश्वरे न जानन। 22 अगर मीं एइतां तैन सेइं गल्लां न भोथी कियोरी त तैना पापी न थिये भोने, पन हुनी तैन केरे पापेरो तैन कां कोई बहानो नई। 23 ज़ी मीं सेइं दुशमी रखते, ते तै मेरे बाजी सेइं भी दुशमी रखते। 24 अगर मीं तैन केरे सामने तैना चमत्कार न भोथे कियोरे, जैना कांधी होरे कैन्चे नई कियोरे त तैना पापी न थिये भोने, पन हुनी तैनई सब किछ लाव, ते मीं भी ते बाजी सेइं दुशमी रख्खी। 25 पन एन एल्हेरेलेइ भोव कि तैन केरे कानूने मां लिखोरी ते गल पूरी भोए, तैनई मीं सेइं खामखा दुशमी रख्खी। 26 पन ज़ैखन तै मद्हतगार एज्जेलो जैस अवं अपने बाजेरे तरफां भेजेलो, मतलब सच्चेरी आत्मा, ज़ी बाजी केरि तरफां एइतीए, ते मेरी गवाही देली। 27 ते तुस भी गवाह आथ किजोकि तुस भी शुक करां मीं सेइं साथी थिये।”

**16** “मीं तुसन एना सैरी गल्लां एल्हेरेलेइ ज़ोई कि तुशो विश्वास न टैलुटे।” 2 तैनई तुस प्रार्थना घरन मरा कढेनेथ, खास केरतां एरो जेरो वर्क एज्जी राहोरोए, ज़ी तुसन मारेलो तै इन समझेलो कि ते परमेश्वरी सेवा केरने लोरोए। 3 तैन एन सब एल्हेरेलेइ केरेले कि न तैनई कांधी मेरो बाजी जानो ते न कधी अवं। 4 पन मीं एना सैरी गल्लां एल्हेरेलेइ तुसन सेइं ज़ोई, कि जैखन तैना पूरी भोनेरो वर्क एज्जेलो, त तुसन याद एज्जो, कि मीं तुसन एन पेइलू जौरु थियूं, जैसस तुस मेरे चेले बनोरे थिये। मीं एना गल्लां केरे बारे मां पेइलू एल्हेरेलेइ न जोव, कि अवं एप्पु तुसन सेइं साथी थियो।” 5 “पन हुना अवं अपने भेजेने बाले कां च्लोरोई, पन तुर्से ई केन्वे भी न पुच्छ कि तू कोइं चलोरोइस? 6 पन मीं तुसन सेइं ज़ोई छ्डेरूए एल्हेरेलेइ तुशी तुसन उदास आए। 7 फिरी भी अवं तुसन सेइं सत्र ज़ोताई कि मेरे इडुं गानू तुशी लेइ फैइदोए, अगर अवं न गेइलो तै तै मद्हतगार तुसन कां नई एजोने, पन अवं च्लो जेरो तै तै सब अवं तुसन कां भेजी देलो। 8 ते ज़ैखन तै एज्जेलो त दुनियाई पाप ते धार्मिकता ते इन्साफे बारे मां सब किछ बांदू केरेलो। 9 पापेरे बारे मां एल्हेरेलेइ कि दुनियां मीं पुड़ विश्वास न कियो, 10 धार्मिकतारे बारे मां एल्हेरेलेइ कि अवं वापस बाजी कां च्लोरोई ते तुर्से ई अवं फिरी नई लहनो, 11 इन्साफे बारे मां एल्हेरेलेइ कि, शैतान ज़ी दुनियाई पुड़ राज केरनेबालो मुर्मुज बनोरोए।” 12 “अवं तुसन सेइं होरू भी बडू किछ ज़ोनू चाताई, पन हुना तुर्से ई तै तै सच्चेरी बत हिराली, किजोकि तै अपने तरफां न ज़ोली, पन ज़ैखन किछ परमेश्वरे करां शुनेली तैन ज़ोली, ते एजोने बैली गल्लां

जोली। 14 ते मेरी महिमा केरेली किजोकि तै मेरी गल्लां ज़ोली, किजोकि तै मेरी गल्लां मरां तुसन सेंड ज़ोली। 15 जैन किछ बाजी केरूए, तैन सब मैस्पू, एल्हेरेलै मीं ज़ोवं, कि तै मेरी गल्लां मरा शुनालो।” 16 “थोड़े चिरेरा पत्ती तुसेई अंवं फिरी नई लहरों, ते तैसेरे थोड़े चिरेरां पत्ती तुसेई अंवं फिरी लानोई।” 17 तैखन तैसेरे किछ चेलैई एप्पू मांझें ज़ोवं, दुन कुने, “ए कुन ज़ोते, थोड़े चिरेरां पत्ती तुस मीं न लाएले, ते फिरी थोड़े चिरेरां पत्ती तुस मीं न लाएले? कि अंवं बाजी कां गाताई?” 18 तैखन तैनैई ज़ोवं, “थोड़े ज़ेरे चिरेरां बाद, एन जै ए जोते, कुन आए? अस न जानम कि कुन?” 19 यीशुए एन जैनतां, कि एना मीं पुछ्नू चातन, “कुन तुस मेरी इस गल्लरे बारे मां एप्पू मांझें गलबात केरसे लारेथ, कि एस गल्लरो कुन मतलबे, थोड़े चिरेरां पत्ती मीं न लाएले, ते फिरी थोड़े चिरेरां पत्ती लाएले? 20 अंवं तुसन सेंड सब-सत्र ज़ोताई, कि तुस लेरां देले ते शोग बनाले, पन दुनियारे लोक खुशी भोले, पन जैखन तुस मीं दुबारा लाएले ते तुश्शो दुःख, खुशी मां बेदलैई गानोए। 21 जैखन कुआन्ना जातीए त तैस बडी तकलीफ भातीए, किजोकि तैसेरे दुखेरी घड़ी नेड़ पुज़ोरीए, पन जैखन बच्चो ज़मर्ति त एस खुशी मां कि दुनियाई मां अंवं मैनू पैदा भोरोए अपनि तकलीफ बिसर्सी गच्चे। 22 ते तुसन भी हुन्ना तेरही तकलीफे, पन अंवं तुसन सेंड फिरी मिलेलो, ते फिरी तुशे मने मां खुशी भोली, ते तुशी तुसन करा कोई न नेही सकलो। 23 तैस वके तुस मीं कोई किछ न पुछेलो, अंवं तुसन सेंड सत्र-सत्र ज़ोताई, तुस मेरे नंवे सेंड बाजी करां जैन किछ मगथ, ते तुसन देलो किजो तुस मेरे चेलथ। 24 तुसेई मेरु नवं विन्तां हुना तग बाजी करां किछ नई मग्रेह, मग्लो ते तुसन मैल्ली गालू, ते तुशी खुशी पूरी भोली।” 25 “अंवं तुसन एना गल्लां मिसाल देइतां ज़ोताई, पन तै वक्त ओरोए कि अंवं कहैन मां फिरी न ज़ोलो, पन रोडे चारे बाजेरे बारे मां तुसन सेंड गल्लां केरेलो। 26 तैस वके तुस मेरु नवं विन्तां प्रार्थना केरेले, अंवं इन न ज़ोई, कि तुशे लेड बाजी सेंड बिनती केरि। 27 किजोकि बाजी परमेश्वर तुसन सेंड एप्पू प्यार केरते, एल्हेरेलै कि तुसेई मीं सेंड प्यार कियो, ते तुसेई विश्वास कियोरोए कि अंवं परमेश्वरी तरकां ओरोई। 28 अंवं बाजी करां दुनियाई मां ओरोई, हुनी दुनियाई मरां भोलीं तापस बाजी कां चलोरोई।” 29 तैसेरे चेलैई ज़ोवं, “हुन्ना तू साफ-साफ गल लोसर केरने, ते कोई मिसाल देइतां न ज़ोस। 30 हुन्ना असेई बुद्धू कि तीं सब किछ पत्तोए, ते ज़रूरत नई कि कोई तीं पुछें, असां विश्वास केरतम कि तू परमेश्वरे करां ओरोस।” 31 यीशुए तैन सेंड ज़ोवं, “हुनी तुस विश्वास केरतथ! 32 हेरा, तै वक्त एज्जी राओरोए बल्के पुज़ोरीए, कि तुस सब नेशतां अपने-अपने बत्तां गानेथ, ते अंवं अकैलो शास्नोई पन फिरी भी अंवं अकैलो नई, किजोकि मेरो बाजी मीं सेंड साथीए। 33 मीं तुसन एना गल्लां एल्हेरेलै ज़ोई, ताके तुसन शान्ति मैल्ले, किजो तुस मेरे चेलेथ, तुस दुनियाई मां मुसीबत त उठाताथ, पन हिम्मत रखा, मीं शैताने पुड़ ज़ीत हासिल कियोरीए, ज़ै इस दुनियाई पुड़ राज केरत।”

**17** जैखन यीशुए अपने चेलन सेंड एना सब गल्लां ज़ोई, त तैनी उबरू स्वर्वां तेकतां ज़ोवं, “हे बाजी हुन्ना तै वक्त ओरोए कि तू अंवने मट्टोरी महिमा केर, कि मट्टू भी तेरी महिमा केरे। 2 किजोकि तीं तैस सेल्ली मैनू पुड़ अधिकार दित्तोरीए, जैना तीं तैस दित्तोरेन हमेशाशारी जिन्दगी दे। (alionios g166) 3 ते हमेशाशारी ज़िन्दगी तै आए, कि तैना सिफ्तीं एककी सज्जे परमेश्वरे ज़ानन् ते यीशु मसीहे भी ज़ानन् ज़ी तीं भेज़ोरोए। (alionios g166) 4 मीं तैन कम जैन तीं मीं दित्तेरु थियू मुकेइता थेरतली पुड़ तेरी महिमा की। 5 ते हुनी हे बाजी मीं एप्पू सेंड साथी मेरी तै महिमा केर ज़ै दुनियारे वेली मेरी तीं साथी थी।” 6 “मीं तेरु नवं तैन कां बांदू कियूं, जैना तीं दुनियाई मरां चुनतां मीं दित्तोरेन तैना तेरे थिये, पन तीं मींजो दित्तोरेन ते तैनैई तेरे बचेने पुड़ अमल भी कियोरुए। 7 हुनी तैना ज़ानतन, कि जैन किछ तीं मीं दित्तेरु तैन सब तेरी तरफाएं। 8 एल्हेरेलै मीं तैना गल्लां जैन तीं मीं दित्तोरी थी, मीं तैन पुज़ोई ते तैनैई तैन पुड़ विश्वास कियो, ते सत्र पिशानू कि अंवं तेरी तरफां ओरोई, ते ई भी विश्वास कियो कि तीं अंवं भेज़ोरोई। 9 अंवं

तैन केरे लेड प्रार्थना केरताई, दुनियारे लोकां केरे लेड न केर, पन तैन केरे लेड जैना तीं मीं दित्तोरेन, किजोकि तैना सब तेरे आन। 10 ते जैन किछ मेरु आए, तैन सब किछ तैसेरुए, ते जैन तेरु तैन मेरुए, ते इन सेंड मेरी महिमा बांदी भोई। 11 मीं हुनी इस दुनियाई मां नई रानू, पन तैना हेजू इस दुनियाई मां आन, ते अंवं तीं कां एजताई हे पवित्र बाजी, अपने तैस नंवे सेंड जैन तीं मीं दित्तोरुए, तैन केरि हफाज़त केर, कि तैना असन बराबर भोन। 12 जैखन अंवं तैन सेंड साथी थियो, मीं तेरे तैस नंवे सेंड, जैन तीं मीं दित्तोरुए, तैन केरि हफाज़त की, मीं तैन केरि देख भाल की, नाश भोनेवाले मैनेरे अलावा कोई नाश न भोव, एल्हेरेलै पवित्रशास्त्री गल पूरी भोड। 13 पन हुन्ना अंवं तीं कां एजताई, ते इना गल्लां अंवं दुनियाई मां ज़ोताई, कि तैना मेरी खुशी एप्पू मां पूरी केरन। 14 मीं तैन तेरु वचन तैन कां पुज़ेवरुए, ते दुनियारे लोकेई तैन सेंड दुभमनी रख्खी, किजोकि ज़ेन्नरे अंवं दुनियारो नई, तैना भी नई। 15 मेरी प्रार्थना ई नई कि तू तैन दुनियाई मरां ने, पन तू तैन शैताने करां बचेदां रख। 16 जैन्नरे अंवं दुनियारो नई तैन भी इस दुनियारे नई। 17 तेरु वचन सच्चे। सच्चेरे ज़िरिये सेंड तैन पवित्र केर। 18 जैन्नरे तीं अंवं दुनियाई मां भेज़ोरीई तेन्नरे मीं भी तैना दुनियाई मां भेज़ोरेन। 19 अंवं अपनो आप तैन केरे लेड पवित्र केरताई, ताके तैना भी सज्जेरे ज़िरिये सेंड पवित्र भोन।” 20 “मेरी प्रार्थना सिफ्क चेले केरे लेड नई, पन तैन केरे लेड भी ज़ैना तैन वचने ज़िरिये मीं पुड़ विश्वास केरेले। 21 कि तैना सब अक भोन, जैन्नरे तू बाजी मीं मां आस, ते अंवं तीं मां आई तेन्नरे तैना असन मां भोन, एल्हेरेलै दुनियारे लोक विश्वास केरन, कि तीं अंवं भेज़ोरोई। 22 ते तै महिमा ज़ै तीं मीं दित्तोरीए, कि जैन्नरे अस अक आम तैन भी अक भोन। 23 अंवं तैन मां भोइलो, ते तू मीं मां भोलो, ताके तैन पूरे अकैजो भोए, ते दुनिया ज़ाने कि तीं अंवं भेज़ोरोई। जैन्नरे तीं मीं सेंड प्यार कियो, तेन्नरे तीं तैन सेंड भी प्यार कियो। 24 हे बाजी अंवं चाताई कि जैना तीं मीं दित्तोरेन, ज़ैडी अंवं आई तैडी तैना भी मीं सेंड साथी भोन, कि तैना भी मेरी महिमा हेरन, ज़ै तीं मीं दित्तोरीए। दुनियारे रखने करां भी पेइले तीं, मीं सेंड प्यार कियोरोए। 25 हे धर्मी बाजी, दुनियां तू न पिशानो, पन मीं तू पिशानो, ते तैन चेलैई भी अंवं पिशानो कि तीं अंवं भेज़ोरोई। 26 मीं तैन पुड़ बांदू कियूं, कि तू कौन आस, ते बांदू केरतो रालो, ज़ैस प्यारे सेंड तीं मीं प्यार कियो, तै तैन मां भोए, ते अंवं तैन मां भनोरो रेई।”

**18** यीशुए ए प्रार्थना केरतां झाड़ी, त अपने चेलन सेंड साथी किदोन वैदरे पार जेव। तैडी अक बाग थी तै तेरसे चेले तैडी जे। 2 तैस दलुवाने बालो यहूदा तैस ठारारो बाकम थियो, किजोकि यीशु अपने चेलन सेंड साथी तैडी केही फेरई ज़ोरे थियो। 3 तैखन यहूदे, रोमी सिपाही ते किछ प्रधान याजक ते फरीसी केरे तरफां भेज़ोरे लोकन सेंड साथी एन्तां दीये ते मिसालां ते हथियार यन्तां तैडी। 4 तैखन यीशु सब गल्लां जैन तैस सेंड भोनेबली थी, बुद्धांतां तैन सेंड जैने लगो, “तुस केस लोरेथ तोपेन?” 5 तैनैई तैस जुवाब दितो, “यीशु नासरी!” यीशुए तैन सेंड ज़ोवं, “अंवं तैए आई!” तैस दलुवाने बालो यहूदा भी तैन सेंड साथी खड़खडो थियो। 6 जैखन यीशुए ज़ोवं, “अंवं तैए आई,” तैना पत्रोवं ज़मीनी पुड़ डाइ। 7 एल्हेरेलै तैनी फिरी पुछ्नू, “तुस केस लोरेथ तोपेन?” तैनैई जुवाब दितो, “यीशु नासरी!” 8 यीशुए जुवाब दितो, “मीं त ज़ोवं कि अंवं तैए आई, अगर तुस मीं तोप्पथ, त एन लोकन गाने देथ।” 9 एन एल्हेरेलै भोवं, कि तैन वचन पूर भोए, “जैना तीं मीं दित्ते, तैन मरां मीं अक भी न हिरव।” 10 शमान पतरसे कां अक तलवार थी, तैनी तलवार केढतां महायाजकरे नौकरे बाई ते तैसेरो देझने कन्ह केटव। तैस नौकरे नवं मलखुस थियू। 11 तैखन यीशुए पतरसे ज़ोवं, “अपनि तलवार मियाने मां रख, कुन अंवं तै दुखेरो कटोरो न पी ज़ै मेरे बाजे मीं पीनेरे लेड दितोए?” 12 तैखन रोमी कौवजी ते तैन केरे सूबेदार ते यहूदी केरे लीडरेई यीशु दलाव तै बंधे। 13 ते पेइलो हुन्ना कां नीयो किजोकि तै कैफारो शेरहो थियो ज़ै तैस सलारो महायाजक थियो। 14 ई तैए कैफाए जैनी यहूदन सलाह दित्तोरी थी, कि इश्शे लोकां केरे लेड

एककी मैनेन मरनू रोड़ आए। 15 शमैन पतरस ते अक होरो चेलो यीशु पत्ती जे। तै चेलो महायाजकेरो बाकम थियो, तै यीशु सेइं साथी महायाजकेरे अंगेमां जेव। 16 पन पतरस बेइर दारे पुड़ खड़ो थियो, तै होरो चेलो जे महायाजकेरो बाकम थियो वापस अव, ते तैस नौकरेनी सेइं जै दारे पुड़ थी गल केरतां पतरस अन्तर नीयो। 17 तैस नौकरेनी जै दारे पुड़ थी पतरसे पुच्छ, “कुन तू भी तैसेरे चेलन मरां आस?” पतरस ज़ोव, “नई अव नई”। 18 ठंडारे बजाई सेइं नौकरेई ते मन्दरेरे पहरदरोई अग बालोरी थी, ते पतरस भी तैन सेइं साथी अग लोरो थियो तपने। 19 तैखन महायाजक यीशुरेचेलां त कने तैसेरी शिक्षारे बरे मां पुच्छने लगो। 20 यीशुए जुवाब दित्तो, “मीं त सेब्बी केरे सामने सैरी गलां कियोरिन, मीं त रोज़ तूशे प्रार्थना घसर ते मन्दरे मां, ते जैडी यहूदी अकाहु भोतन तैडी शिक्षा दित्ती, ते छेपता किछ भी न ज़ोव। 21 तू मीं ए सवाल किजो पुछतस? शुन्नेबालन पुच्छ, कि मीं तैन सेइं कुन ज़ोवरुए? हेर तैन पतोए, कि मीं कुन ज़ोवरुए।” 22 ज़ैखन तैनी ज़ोव, त मन्दरेरे पहरदरान मरां अक जै तैडी खड़ो थियो, तैनी यीशुए थप्पड़ बैतां ज़ोव, “कुन तू महायाजक एन्नरे जुवाब देतस?” 23 यीशुए तैस जुवाब दित्तो, “अगर मीं किछ बुरु ज़ोरुए त साबत केर, पन आर रोड़ जास्सए त थथप्पड़ किजो बातस?” 24 तैसेरां बाद हन्ना यीशुएरे हेजू बन्धोरो थियो तेन्नरे महायाजक कैफा कां भेजो। 25 शमैन पतरस खड़खड़ो अग लोरो थियो तपने। तैखन केन्वे तैस पुच्छ, “कुन तू भी तैसेरे चेलन मरां आस?” पतरस इन्कार केरतां ज़ोव, “नई अव नई”। 26 महायाजकेरे नौकरन मरां अक जै तैसेरो रिश्तेदार थियो, जेसेरो कन्ह पतरसे तलवारी सेइं कटोरो थियो, जोने लगो, “कुन मीं तू बागी मां यीशु साथी नई लाहोरो?” 27 पतरसे फिरी इन्कार कियो, ते तैखन कुकड़े भी बांग दित्ती। 28 तैनेई यीशु ड्लेझां कैफा करां रोमी गवर्नर पिलातुसेरे महले मां नीयो, पन तैन एप्पू अन्तर न जे, ताक भिट्टे न भोन, ते फ़सह तिहारेरी रोटी खेड़ बटन। 29 तैखन पिलातुस तैन कां बेइर अव ते जोने लगो, “तुस इस मैन्हु पुड़ कुन इलजाम लातथ?” 30 तैनेई तैस जुवाब दित्तो, “ए मैन्हु मुर्जम न भोथे त असेई ए ती कां न थियो आन्नो।” 31 पिलातुसे तैन सेइं जोने लगो, “तुस एस नेथ ते अपने कान्हनेरे हिसाबे सेइं फैसला केरा।” यहूदी लीडर जैने लगो, “असन त केन्वी भी मार्सेरी अजाज़त नई।” 32 एन एल्हेरेलेइ भोव कि जैन गलां यीशुए ज़ोरी थी, कि ते केरही मौतां मरेलो पूरी भोन। 33 तैखन पिलातुसे फिरी महले मां जेव ते तैनी यीशु कुजेइतां तैस पुच्छ, “कुन तू यहूदी केरो राजोस?” 34 यीशुए जुवाब दित्तो, “तू ए गल अपनि भोती ज़ोने लोरोस कि होरेई मेरे बारे मां तीं सेइं ज़ेवरीए?” 35 पिलातुसे जुवाब दित्तो, “कुन अव यहूदी आई? तेरी कौमेरे ते प्रधान याजकेई तू मेरे हवाले कियोरोस, तू जौ ती कुन कियोरुए?” 36 यीशुए जुवाब दित्तो, “पूरु राज इस दुनियारू नई, अगर दुनियारू भौथू त मेरे चेले जग केरेथ, ते मीं यहूदी लोकां केरे प्रधानां केरे हथ्ये ट्लेयोने न देथे, पन हन्ना मेरु राज इट्टरु नई।” 37 पिलातुसे ज़ोव, “त कुन तू राजोस?” यीशुए जुवाब दित्तो, “तू जौतस कि, अव राजोई, अव एल्हेरेलेइ ज़रमारोई, ते एल्हेरेलेइ दुनियाई मां ओरोई कि सख्वेरे बारे मां शिक्षा देई। जैना सङ्घे मन्तन तैना मेरी गल शुन्नन।” 38 पिलातुसे पुच्छ, “सच कुने?” एन ज़ोडातां तै यहूदी लीडरन कां जेव ते जोने लगो, “अव त एस मैन्हु मुर्जम न सेमझी।” 39 पन तुशे रीतेरे मुताबिक अव फ़सह तिहारेरे मौके पुड़ अक कैदी हथरां छड़ताई। कुन तुस चातथ कि अव तुशे लेइ यहूदी केरो राजे हथरां छेड़ी? 40 तैना फिरी ज़ोरे-ज़ोरे सेइं जोने लगो, ए नन्हा इश्शे लेइ बरअब्बा हथरां छड़। बरअब्बा अक डैकू थियो।

**19** पिलातुसे सिपोहिन हुक्म दित्तो, कि यीशु नेइतां कोड़े बान। 2 ते सिपाहीयेइ कंटां केरु ताज बनेइतां यीशुए दोगे पुड़ रख्खू, ते तैस बैंजनी रोरो लिंगां लुवां। 3 ते तैन केरे सामने तैन कां इडतां ज़ोने लगो, “हे यहूदी केरो राजा, नमस्कार!” ते तैस थप्पड़ बाहे। 4 तैखन पिलातुसे फिरी बेइर गेडां लोकन सेइं ज़ोव, हेरा, “अव तैस तुसन कां फिरी बेइर अनातई, तुसन पतो लगे कि मीं एसमां कोई जुरम न लेइहोव।” 5 ज़ैखन यीशु कंटां

केरु ताज दोगे पुड़ रेखतां ते बैंजनी लिंगां लेइतां बेइर आनो त पिलातुसे तैन सेइं ज़ोव, “हेरा ई मैन्हु।” 6 ज़ैखन प्रधान याजक ते मन्दरेरे पहरदारेई यीशु लाव त ज़ोरे-ज़ोरे चिन्दां मेरतां ज़ोने लगे, “एस क्रूसे पुड़ चाढ़ा, एस क्रूसे पुड़ चाढ़ा!” पिलातुसे तैन सेइं ज़ोव, “तुसे एस नेथ ते क्रूसे पुड़ चाढ़ा, किजोकि अव एसमां कोई दोष न लेहीं।” 7 यहूदी लीडर ज़ोने लगे, “इश्शो भी कानुने, ते तैसेरो कानुनेरे मुताबिक ए मौतैरे सज़रो काबले। किजोकि ए अपने आपे जो परमेश्वर मट्ट ज़ोवे।” 8 ज़ैखन पिलातुसे एन शून तै मन्ना डरो। 9 ते फिरी अपने महले मां जेव ते यीशु सेइं फिरी ज़ोव, “तू कोड़ां ओरोस?” पन यीशुए तैस किछ जुवाब न दित्तो। 10 पिलातुसे तैस सेइं ज़ोव, “तू मीं सेइं गल कि न केरस? कुन तीं पतो नई कि मीं अधिकार कि अव तीं हथरां छैडी या क्रूसे पुड़ वैड़ी।” 11 यीशुए जुवाब दित्तो, “अगर ए अधिकार तीं परमेश्वर करां न भोथी मैलोरो त तेरो कोई अधिकार मीं पुड़ न थियो भोने, पन जैनी अव ते हवाले कियोरोई ते हछे पापेरो हकदार भोरोए।” 12 तैसेरां बाद पिलातुसे यीशु हथरां छूटो चाव, पन यहूदी लोक चिन्दां मेरतां ज़ोने लगे, “अगर तू एस मैन्हु हथरां छूटेलो त तू महाराज़ेरे पासे नई, जै कोई अपनो आप राजो बनाते तै महाराज़ेरे खलाफ भोते।” 13 ज़ैखन पिलातुसे एन शून तै तैनी यीशु बेइर कुजेइतां अपने आदालतरे तखते पुड़ बिश्शो जैस जो इडानी भाषाई मां, गब्बता, ज़ोतन। 14 तै फ़सह तिहारेरी तियेरारी दिहाड़ी थी ते दुगाहारं केरे करीब थियो, तैखन पिलातुसे यहूदी लोकन जो ज़ोव, “हेरा, ई तुश्शो राजो।” 15 पन तैना ज़ोरे-ज़ोरे सेइं ज़ोने लगे, “एस इड्डुं दूर ने! इड्डुं दूर ने! ते एस क्रूसे पुड़ चाढ़ा!” पिलातुसे ज़ोव, “कुन अव तैस जै तुश्शो राजो क्रूसे पुड़ चैडी?” प्रधान याजकेई ज़ोव, “महाराज़ेरे अलावा इश्शों कोई राजो नई।” 16 एसेरां बाद पिलातुसे यीशु तैन केरे हवाले कियो, ताके तैना तैस क्रूसे पुड़ चाढ़ान। 17 यीशु अपनु क्रूस छुटां खोपड़ी जौ चलो जैस जो इडानी मां गुलमुता ज़ोतन। 18 तैडी तैनेई यीशु ते तैस सेइं साथी दूर्दै क्रूसे पुड़ चाढ़ो, अक तैसेरे देइने पासे होरो बांग पासे ते यीशु मझानो। 19 पिलातुसे एककी पेखड़ी पुड़ तैसेरो दोष लिखतां क्रूसे पुड़ लाई तैस पुड़ लिखोरु थियूं, “यीशु नासरो यहूदी केरो राजो।” 20 काई यहूदई तैन पंहू, किजोकि जैस जगाई यीशु क्रूसे पुड़ छड़ेरो थियो ते जगा यरुशलाम नगरेरे नेड़ थी, ते पेखड़ी पुड़ इडानी, लातीनी ते यूनानी भाषाई मां लिखोरु थियूं। 21 यहूदी केरे प्रधान याजकेई पिलातुसे कां रख्खुवास की, “यहूदी केरो राजो न लिखा पन एन लिखा कि ए ज़ोते, ‘अव यहूदी केरो राजो।’” 22 पिलातुसे जुवाब दित्तो, “मीं जैन लिखी छाड़ा, तैन लिखू।” 23 ज़ैखन स्पेयिरेई यीशु क्रूसे पुड़ चाढ़ो तै तैनेई यीशुएरे लिंगां बांटा तै तैन केरे चेवे हिस्से किये, ताके सेब्मन अक-अक हिस्सा मैल्ले सिर्फ तैसेरु कोट बाकी राऊं, जैन बा ते बुना तगर अकके थियूं। 24 तैना एप्पू मांमेड़ जोने लगो, “एसेरो टोटे केरनेरे बजाए शर्त रखम ज़ेसेरे नव्वे पुड़ परची निसेली लिंगां तैस भोलां।” एन एल्हेरेलेइ भोव कि जैन पवित्रशास्त्रे मां लिखोरु थियूं तैन पूरु भोव कि, “तैनेई मेरां लिंगां बांटा ते मेरे कोटेरे लेइ शर्त रख्खू ते सिपैयेइ एन किंपू।” 25 यीशुएरे क्रूसे कां तैसेरी अम्मा ते तैसेरी अम्मारी बेइन मरियम जै क्लोपासेरी कुआन्सी थी, मरियम मगदलीनी खड़खड़ी थी। 26 यीशुए अपनी अम्मा ते अक अपनो चेलो जैस सेइं तै प्यार केरतो थियो, तैस कां नेड़े खड़खड़ो लाव तै तैनी अपने अम्मा सेइं ज़ोव, “हे कुआन्स, हेर, तेरु मध्यां।” 27 ते चेले जौ ज़ोव, “अज़रों बाद, ई तेरी अम्मा आए, तैनी चेले तैखने तै अपने घेरे नेड़ा।” 28 ज़ैखन यीशुएरे ज़ानुकि हुनी सैरी गलां पूरी भोइज़ेइ, एल्हेरेलेइ ज़ेन्हन्वेरे पवित्रशास्त्रे मां लिखोरु थियूं तैन पूरु भोवं तै तैनी ज़ोव, “मीं दृतिश लागोरीए।” 29 तैडी अक भांड सिरके सेइं भेरतां रख्खू थियूं केन्वे जूफेरी डालडी तैस मां डोबतां यीशुएरे ऐसी सेइं हुराई। 30 ज़ैखन यीशुए चख्खू तै तैनी ज़ोव, “पूरु भोवं” ते क्रोडी ट्लोडातां अपने प्राण दित्तो। 31 ते एल्हेरेलेइ कि तै तैयेरारी दिहाड़ी थी, होरसां आरामेरी दिहाड़ी ते कने फ़सह तिहार थियूं। ई यहूदी केरे लेइ खास दिहाड़ी थी, यहूदी न थिये चाते कि आरामेरे दिहाड़े लाशों क्रूसन पुड़ टंगोरी रान, एल्हेरेलेइ तैनेई पिलातुसे कां गेडां ज़ोव, कि मुज़म्मा केरि ज़न्यां

द्लोड्टां तैन केरि लाशां उन्ढी उसालम। 32 सिपाही आए तैनेई पेडले मैनेरी ज़न्यां द्लोडी, फिरी होरेरी भी, जैना यीशु सेइं साथी कूसे पुड़ चाढ़ेरे थिये। 33 पन ज़ैखन यीशुएरी बाजी अई त तैनेई हेर किते पेडले मेरि जवरोए, ते तैनेई तैसेरी ज़न्यां न द्लोडी। 34 पन सिपेहिन मरां एकके अपनि बलम एन्ता यीशुएरे देलोडी मां बाई ते तैखने खून त पानी बगने लगू। 35 जैनी मैने एन हेरू, तैनी गवाही दित्ती, ते तैसेरी गवाही स़स्तीए, ते तै जानते, कि सच जोते कि तुस भी विश्वास केरा। 36 एना सैरी गल्लां एहरेरेले भोड़ कि पवित्रशास्त्रे एककी होरि वचने मां लिखोरू पूरू भोए, “तैसेरी कोई हडी न द्लोडी गाए।” 37 पवित्रशास्त्रे एककी होरि वचने मां लिखोरूए, “तैस जैनेई बलमी सेइं बाई तैना तैस हेरेले।” 38 एना गल्लां केरे पत्ती अक मैन्ह यूसुफ नंक्वेरी जै अरिमतियाह इलोव्वेरो रानेबालो थियो, पिलातुसे कां बिनिती केरने लगो, कि यीशुएरी लाश दे, ए मैन्ह यहूदी लोकां केरे प्रथानां केरे डेरे सेइं छेपता यीशुएरो चेलो थियूं तै पिलातुसे तैस अजाज़त दिती, ते तैनी यीशुएरी लाश नेही। 39 नीकुदेमुस भी अव, जैनी एककी बार राती यीशु सेइं मुलाकात कियोरी थी, तैनी गन्धरस ते एलवा अनारे थिये, एन तेती किल्लो थियूं। 40 तैखन तैनेई यीशुएरी लाश नेहांत यहूदी केरे दबनेरे रसमेरे मुताबिक तैस खुशबूदार चीजां लेहतां कफने मां पलेटां रख्खी। 41 जैनी यीशु कूसे पुड़ चाढ़ेरो थियो तैड़ी बाजी मां अक नंक्वी कब्र थी, जैन सा पेइली कोई लाश न थी। 42 ते ए यहूदी केरि आरामेरी तियेरारी दिहाड़ी थी ते कब्र भी नेड़ थी तैनेई यीशुएरी लाश तैड़ी रख्खी।

**20** हफतेरी पेइली दिहाड़ी झेज़ां हेजू आंधरु थियूं मगदलीन डलंवेरी मरियम कब्री पुड़ आई, तैसां हेर किकि कब्री करां घोड़ भी खड़ो कियोरोए। 2 ते दौवडती शमाँन पतरस ते होरि चेलो कां पुज़ी जै यीशु सेइं प्यार केरतो थियो, जैने लगी, “तैनेई प्रभुरुरी लाश कब्री मरां केढतां नीयोरो, ते असन नई पतो तै कोड़ि रख्खोरोए।” 3 एना शुन्तां पतरस त अक होरो चेलो कब्रारे पासे च्चले। 4 ते दुड़ेये साथी-साथी दौवडतां च्चलेरे थिये, पन तै होरो दुड़योवं चेलो पतरस करां अग्रोवं निस्सी जेव, ते तैस करां पेइलो कब्री पुड़ पुज़ो। 5 तैनी लिकतां तक्कु ते कफन लाव ते अन्तर न जेव। 6 तैखन शमाँन पतरस भी पत्ती-पत्ती तैड़ी पुज़ो ते सिधो कब्री मां जेव तैनी हेर कितैड़ी लिगड़ां थियां। 7 ते कफनेरो ते रुसाल भी जै यीशुएरो दोगे सेइं पलेटोरो थियो, लिङगान मां नईं पन अलग ठैरी थियो। 8 तैखन तै होरो चेलो भी जै कब्री पुड़ पेइली पुज़ोरो थियूं अन्तर जेव तैस भी लेहतां याकीन भोवे। 9 किजोकि तैनेई पवित्रशास्त्रेरी ए गल न थी समझोरी जैसेरे बारे मां यीशुएरु मुद्दन मरां जींतू भोनू ज़रुरी थियूं। 10 तैखन एना चेलो वापस घरजो च्चले जे। 11 पन मरियम कब्री करां बँडर लेरां देंती थी। लेरां देंती-देंती तैसां लिकतां कब्री मांजो तक्कु। 12 त तैड़ी तैसां दूर्द स्वर्गदूत लाए जैन छिन्तां लिङगां लागोरा थिया, जैड़ी यीशुएरी लाश रख्खोरि थी तैड़ी अक शेरेइते ते होरो पेरेइते बिश्शोरे लाए। 13 तैनेई तैस पुच्छ, “हे कुआन्से तू किजो लोरिस लेरां देने?” मरियम ज़ोवं, “तैनेई मेरे प्रभुरुरी लाश नेवरीए ते पतो नई कोड़ि रख्खोरोए।” 14 एना ज़ोते तै पत्रोवं बेदलोड़ि त तैड़ी यीशु खड़खडो लाव, पन तैस पिशान न आई कि ए यीशुए। 15 यीशुए ज़ोवं, “हे कुआन्से तू किजो लेरां देने लोरिस? तू केस तोपने लोरिस?” तैसां सम्झू किकि कोई बागवाने, तैसां ज़ोवं, “हे जनाब अगर तीं तै नीयोरोए त जो कि तीं कोड़ि रख्खोरोए ते अव तैस नेइ।” 16 यीशुए तैस सेइं ज़ोवं, “मरियम!” तैसां तैसेरो पासे फिरतां इड़ानी मां ज़ोवं, “रब्बूनी!” जैसेरो मतलबे है गुरु। 17 यीशुए ज़ोवं, “मीं सेइं न हुरा किजोकि अव बाजी कां बाह हेजू नई जोरु, पन मेरे द्लालन गेइतां जो कि अवं अपने बाजी ते तुशी बाजी ते अपने परमेशर ते तुशी परमेशरे कां बचलोरोई।” 18 मरियम मगदलीनी तैदूं च्चली जेई ते चेलन कां गेइतां तैन पतो दित्तो, “मीं प्रभु लाहोरोए ते तैनी मीं सेइं एना गल्लां की।” 19 तैसेरी दिहाड़ी जै हफतेरी पेइली दिहाड़ी थी ड्लोड़ेरे मोके सारे चेले एककी ठैरी थिये, तै यहूदी लोकां केरे प्रथानां केरे डेरे सेइं दार बन्द केरता बिश्शोरे थिये, तैखन यीशु अव ते मझाटे खड़ो भोइतां जैने लगो, “तुसन शान्ति

मैलती राए।” 20 एन जोड़तां तैनी अपने हथ ते अपनि देल्लोडी तैन हिराई, चेले तैस हेरतां खुशी भोए। 21 यीशुए फिरी ज़ोवं, “तुसन शान्ति मैलती राए, ज़ेन्वरे बाजी अव भेज़ोरैई, तेन्वरे अव भी तुसन भी इस दुनियाई मां भेज़ताई।” 22 एन जोड़तां तैनी तैन जो फुक दित्ती ते ज़ोवं, “पवित्र आत्मा नेथ। 23 जैन केरे पाप तुस माफ़ केरेले त तैन केरे पाप माफ़ भोले, जैन केरे तुस रखेले तैना राले।” 24 पन बादे मां 12 चेलन मरां अक मैन्ह मतलब थोमा जैस दिदुमुस जोतन, जैखन यीशु अव त तै तैन साथी न थियो। 25 ज़ैखन होरि चेले तैस सेइं ज़ोवं, “कि असेई प्रभु लाव,” तैखन तैनेई ज़ोवं, “जैं तगर अवं तैसेरे हथ्थन मां कीलां करां गत्तन मां एंगलोई न छेड़ी, तांतगर विश्वास न केरि।” 26 अठ दिहाड़ा बाद यीशुए चेले एककी बार फिरी तैसेरे डैरी बिश्शोरे थिये, ते थोमा भी तैड़ी थियो ते दार भी बंद थियूं ते यीशु एहतां तैन मझाटे खड़ो भोव, ते तैन जो ज़ोने लगो, “तुसन शान्ति मैलले।” 27 फिरी तैनी थोमा जो ज़ोवं, “अपनि अंगलोई आन ते मेरो हथ हेर ते अपने हथ्थे सेइं मेरी दल्लोडी हेर, शक न केर बल्के मीं पुड़ विश्वास केर।” 28 थोमा तैस जो ज़ोवं, “हे मेरे प्रभु हेरे परमेशर!” 29 यीशुए तैस जो ज़ोवं, “तीं लेहतां तीं मीं पुड़ विश्वास कियो, धन तैना जैना बैरै ताहने मीं पुड़ विश्वास केरन।” 30 यीशुए अपने चेलां केरे सामने होरे भी बड़े चमत्कार कियोरे थिये, जैना इस किताबी मां नई लिखोरेन। 31 पन जैना लिखोरेन, एहरेरेले लिखोरेन, कि यीशु परमेशरेरु मटु, मसीहे आए, ते विश्वास केरतां तैसेरे नंवे सेइं हमेशारी ज़िन्दगी हासिल केरथ।

**21** बादे मां यीशुए एप्पू एककी फेरे फिरी अपने चेलन पुड़ तिविरियुस समुन्द्रो बन्न एहरे बांदो भोव। 2 शमाँन पतरस, थोमा जैस जो दिदुमुस जोतन, नतनएल जै गलीलेरे काना नगर मां रातो थियूं ते जेब्द्रे मटू ते होरे चेले भी तैड़ी थिये। 3 शमाँन पतरसे तैन सेइं ज़ोवं, “अवं मेछली डलाने गाताई।” तैनेई ज़ोवं, “अस भी तीं साथी च्लतम।” तैना तैदूं निस्से ते किश्ती मां च्लेतां जे, पन तैस राती तैन किछ न मैल्लू। 4 झेज़ां सुबेलो यीशु बन्ने पुड़ एहतां खड़ो भोव, पन चेलेई न पिशानो कि ए यीशुए। 5 तैखन यीशुए तैन ज़ोवं, “हे बच्चव, कुन तुसन कां किल खाने जो आए?” तैनेई जुवाब दित्तो, “नई।” 6 यीशुए ज़ोवं, “ज़ाल किश्तेरे देहने पासे छ़द्धथ त तुसन किछ मेछली मैलनिन।” तैनेई ज़ाल छाड़ु ते मेछली एत्री ज़ाले मां लेगि कि ज़ाल खिचोने न लगू। 7 तैखन यीशु जैस चेले सेइं प्यार केरतो थियो तैनी पतरस सेइं ज़ोवं, “ए त प्रभुए।” ज़ेरू शमाँन पतरसे शुन्न कि प्रभुए, तैनी अपनो चोगो, जै कम केरनेरे लेइ खोल्लोरो थिये लाव ते पैनी मांजो छाल मारी। 8 होरे चेले जैना किश्ती मां थिये ज़ाल जैना मेछलेई भोड़ी भेरतां थियूं तैनेई खिचतां आनू, किजोकि तैना 100 मीटर दूर थिये। 9 जैखन तैना बन्न पुड़ ओस्से, त तैनेई मूरन पुड़ मेछली रेखोरिन त ड्लेखी रेही भी लेर्दै। 10 यीशुए तैन सेइं ज़ोवं, “जैना मेछली तुसेई डलोतरिन तैन मरां लेइ इं आनां।” 11 शमाँन पतरस किश्ती मां च्चढ़ो ते ज़ाल ड्लेखी पुड़ खिचतां आनू जैस मां 153 मेछली लेगोरी थी, ते फिरी भी ज़ाल नई छींदोरू। 12 यीशुए तैन सेइं ज़ोवं, “एज्जा केलोव खाथ।” पन चेलन मरां केन्वी हिम्मत न अई कि पुछन, “कि तू कौन आस?” तैना जानते थिये कि ए प्रभुए। 13 यीशुए रोट्टी ट्लाती ते तैना भी दित्ती ते मेछली भी दित्ती। 14 यीशु मुद्दन मरां जींतो भोनेरो पत्ती ट्लेड्योवं फेरे अपने चेलन पुड़ बंदो भोड़े जेव। 15 जैखन तैनेई केलोव खाव, त यीशुए शमाँन पतरसे सेइं ज़ोवं, “शमाँन,” यूहन्नेरे मटु, कुन तू मीं सेइं प्यार केरताई।” 16 यीशुए फिरी तैन सेइं ज़ोवं, “शमाँन, यूहन्नेरे मटु, कुन तू मीं सेइं प्यार केरतास?” तैनी ज़ोवं, “हाँ प्रभु, अवं तीं सेइं प्यार केरताई।” 17 तैनी ट्लेड्योवं फेरे फिरी पुच्छ, “शमाँन यूहन्नेरे मटु, कुन तू मीं सेइं प्यार केरतास?” पतरस दुखी भोइतां ज़ोवं, “प्रभु तू एप्पू सेरी गल्ला जानतस, तू जानतस, कि अवं तीं सेइं प्यार केरताई,” यीशुए, ज़ोवं, “मेरी भैड़ुना चार।” 18 अवं तीं सेइं सन्न ज़ोताई,

जैखन तू नौजवान थियो त अपनू मज़ एप्पू बंधतो थियो, ते जैड़ी चातो थियो, एप्पू गातो थियो, पन जैखन तू बुढो भोलो, त अपने हथ अग्रोंवं केरलो, ते हारो तेरू मज़ बंधेलो जैड़ी तू न चालो तैड़ी तीं नेले। 19 यीशुए ए गल ज़ोइतां इशारो कियो कि पतरस कोस मौतां मेरतां परमेश्वरी महिमा बांदी केरेलो। तैखन यीशुए ज़ोवं, “मीं पत्ती चल!” 20 पतरसे फिरतां तक्कू, कि यीशु सेइं प्यार केरनेबालो चेलो तैस पत्ती चलोरोए थियो, ए तै चेलो थियो जैनी रोट्टी खाते यीशुएरे पासे लिकतां पुछेस थियूं, “हे प्रभु तै कौने, जै तीं टलुवालो?” 21 पतरसे तैसेरे पासे तेकतां यीशुए पुछूँ, “हे प्रभु एस चेले सेइं कुन भोलू!” 22 यीशुए जुवाब दित्तो, अगर अवं चैई कि, “अगर मेरे वापस एजने तगर ज़ीतो राव त एसमां तीं कुन? तू मीं पत्ती चला!” 23 एन्जरे ढुलान मां ए गल सेभीए फैली जैई, कि ए चेलो न मरेलो, पन यीशुए एन न थियूं ज़ोरु, कि तै न मरेलो अगर अवं चैई कि, “अगर मेरे वापस एजने तगर ज़ीतो राव, त एसमां तीं कुन?” 24 ई तै चेलोए, जै इना गल्लां केरि गवाही देते, ते जैनी एना गल्लां लिखोरिन, असां ज्ञानतम कि तैसेरी गवाही सच्चीए। 25 यीशुए होरां भी बड़ा कम्मां कियोरां थियां, अगर सेब्बी केरे बारे मां लिखनू भोए त अवं समझताईं, कि तैना किताबां अज़ भोथी त तैन केरे लैइ इस दुनियाई मां ठार न थी भोनी।

# प्रेरितों के काम

1 जनाब थियुफिलुस, मीं अपनि पेड़ली किताब मां तैना सैरी गल्ला तगर ज़ेइस तै स्वर्ग मांजो नीयो जेव। तैस करां पेड़ले तैनी अपने चुनारे प्रेरितन पवित्र आत्मारे शेरक जियिए सेइं किछु हुक्म भी दित्तरे थी। 3 यीशुए दुख जैलनेरां ते मौतेरे बाद तैनी अपने ज़ीते भोनेरां काई पक्कां सबूतां तैन हिरां, ते 40 दिहाड़न तगर तैन लेइहोते राव, ते परमेशरेरे राज्ज़ेरे गल्ला शुनातो राव। 4 एक्की फेरे ज़ैखन यीशुए अपने चेलन सेइं साथी थियो तैनी तैन ठाकू, “किं तुस यस्थलेम नगरे माना बेइर न गेइयथ ते मेरे बाजी परमेशरेरे वै वादो पूरो भोनेरो इंतजार केरथ, ज़ेसेरे बारे मां तुसेइं मीं करां शुनोरु भी आए। 5 किजोकि यूहन्ना त लोकन पैनी सेइं वपतिस्मो दितो गालो (यानी परमेशर पवित्र आत्मा भेजेलो ज़ै तुसन सेइं साथी रालो)।” 6 जाताली प्रेरित दुबारा यीशु सेइं मिले, त तैनेईं तैस पुच्छू, “हे प्रभु, कुन तू इस वक्ते फिरी इसाएले तैसेरु राज देने बालोस?” 7 तैनी तैन सेइं ज़ीवं, “तैस वक्तेरो या ज़ेइस तैना गल्ला भोली, तैन केरे बारे मां तुसन ज़ानेरी कोई ज़रूरत नई, ज़ैना बाजी परमेशर अपने अधिकार मां रेखीरिन। 8 पन पवित्र आत्मा ज़ैखन तुसन पुड़ उतरेली त तुसन शक्ति मैलेली, ते तुस यस्थलेम नगर ते सारे यहूदिया ते सामरिया इलाकन मां बल्के थेरतारे हर पासे मेरे गवाह भोले।” 9 एना गल्ला ज़ोनेरां पती यीशु तैन केरे सामने हेरते-हेरते परमेशरे तै स्वर्गे जो नीयो, ते बिदलारां तै तैन केरे एछ़छन करां छुपाव। 10 ज़ैखन तैना यीशुए अम्बरे मांजो गांतो तकने लोरे थियो, त अचानक, दूर्घ मङ्गद जैन छिंतां लिग़ड़ां लग्गोरा थियां तैन कां एइतां खेड़ भोए। 11 ते ज़ोने लगे, “हे गलीली मङ्गदाव तुस ख़ुड़ख़ुद अम्बरेरे पासे कुन तकने लोरिथ? एहे यीशु ज़ेन्नरे तुश्शी सामने परमेशरे, स्वर्ग मांजो नीयो, ज़ेन्नरे तुसेइं स्वर्ग मांजो गांतो लाहोरोए तेन्नरे फिरी एइतो लाएलो।” 12 ज़ैखन चेले ज़ैतून पठाहड़े पुड़ेरां ज़ैन यस्थलेम नगरेरे नेडे एक्की किलोमीटर दूर, यस्थलेम नगरे मांजो वापस आए। 13 नारे मां एइतां तैना तैस कमरे मां ज़ै ज़ैडी तैना रहते थिये, तै कमरो दुखोयां छते थियो। तैना प्रेरित इना थिये, पतरस, यूहन्ना, याकूब, अन्द्रियास, फिलिप्पुस थोमा, बरतुल्लै, मत्ती ते हलफर्ई रु मटू याकूब ते शमान जेलतेस ते याकूबरु मटू यहूदा रहते थिये। 14 एना सब मङ्गद ते किछु हीरि कुआन्सा ज़ोनेई यीशुएरी मदत कियोरी थी, ते यीशुएरी अम्मा मरियम ते यीशुएरे द्वालान सेइं साथी अक मन भोइतां लगातार प्रार्थनाई मां लगोरे थिये। 15 ते तैनें दिहाड़न मां पतरस तैन द्वालां केरि टोली मां जैन केरि तैथात कोई 120 थिये, पतरस खड़ो भोइतां ज़ोने लगो। 16 “हे मेरे द्वालाव, पवित्रशाश्वतेरी तै गल जै पवित्र आत्मा दाऊद राजेरी जियिए पेड़ले ज़ोरी थी, पूरी भोनी ज़रूरी थी, ते गल यहूदारे बारे मां जोरी थी, ज़ैनी यीशुएरे द्लुवाने बालां केरि मदत कियोरी थी। 17 तै असन सेइं साथी सेवा करेनेबाला थियो, ते असन साथी तै गनो गातो थियो। 18 तैनी नीन्ह कमैयेरे लेइ यीशु द्लुवाव, ते फिरी तैनी तैना पेइंसे यहूदी लीडरन वापस दिरो, ते तैनेईं तैन पेइंसां केरू अक ऊडार बिन्नू, ज़ैडी तै दोगमेरे भारे खिरकोरो थियो, ते तैसेरु पेटे फेटांतै तैसेरी एंटलोडी बेइर निस्सी।” 19 यस्थलेम नगरेरे सारे लोकन ए पतो लगोरो थियो, तैनेईं अपने भाषाई मां तैस उडारेन नवं हकलदमा रख्खू, ज़ैसेरो मतलबे, “खुनूर ऊडार।” 20 किजोकि दाऊदे भजना केरि किताबी मां लिखिए एकि, “तैसेरु घर उज़दे, ते तैस मां कोई बसने बालो न भोए, ते इन भी लिखीरुए, तैसेरी पदवी कोई होरो मे।” 21 एलहेरेले एन ज़रूरीए कि अक एरो मैन्हु चुनो गाए, जै प्रभु यीशुएरे सारे कम्मां केरे गवाह भोए, यानी यीशुएरो यूहन्ना करां वपतिस्मो नेने करां लेइतां असन करां यीशुएरे स्वर्गे गने तगर 22 तैन मरां अक मैन्हु चुनो गाए, जै असन सेइं साथी यीशुएरे ज़ीते भोनेरो गवाह भोए। 23 तैखन तैनेईं दुइये ज़ैन नामज़द किये, अक यूसुफ ज़ैस जो बरसब्बास ज़ोते थिये, ज़ैसेरो खताब यूस्तुस

थियो, ते दुइयों मतियाह थियो। 24 ते एन जोइतां प्रार्थना की, “हे प्रभु, तू सेब्बी केरे दिले ज़ानतस ते असन पुड़ बांदू केर, कि इन दुईन मां तीं कैन ज़ेरो चुनोरोए। 25 कि ते इस सेवाकाई ते प्रेरिताइयोरो पद ने, जै यहूदा शेरतां अपने तैरी जेवरोए।” 26 तैनेईं तैसेरे बारे मां शर्त रखेन्ह थियूं, ज़ैन मतियाह नंके पुड़ निस्सु, एल्हेरेले तै 12 प्रेरितन सेइं साथी गनो जेव।

2 ज़ेइस यहूदी केरे पितेकुस्त तिहारोरी दिहाड़ी अई, त तैना सब एक्की ठेरी अकोटु थियो। 2 अचानक अम्बररां आवाज़ आई, ज़ेन्नरे बड़ो बात चलने लोगोरो थियो, ते तैस सेइं सारु घर घुमने लगू ज़ैडी तैना विश्वोरे थियो। 3 ते तैनेईं अगारी लपरी जेरि ज़िभां लेइ, ज़ैना अलग-अलग भोइतां तैन सेब्बन पुड़ एइतां टिकी। 4 ते तैना सब पवित्र आत्माई सेइं रहपूर भोए, ते आत्मारे वरदाने सेइं तैना अलग-अलग भाषा केरने लगो 5 तैस वक्ते मां, बड़े यहूदी भक्त जैना तिहारे मां दुनियारी सैरी मूलखन मरां ओरे थियो, तैना यहूलाम नगरे मां राने लोरे थियो। 6 ज़ैखन तैनेईं ए बातेरी जेरि आवाज़ शुनी त बड़े लोक ज़म्हां भोए, ते सब लोक बड़े हैरान रेहजे, किजोकि हर कोई चेलन अपने-अपने भाषाई मां गल्ला केरते शुने लोरे थियो। 7 ते सब बड़े हैरान भोइतां ज़ोने लगे, हेरा, “कुन एना ज़ोनेबाले सारे गतील इलाकेरे रानेबाले नई? 8 फिरी एन कुन भोई रावरूए कि, असन मरां होइ अपनि-अपनि भाषा शुने लोरोए। 9 असन मरां किछु इन इलाकन मरां आन, पारथी, मेदी, एलामी ते मेसोपोटामिया, यहूदिया, कप्पद्मकीया, पुन्तुस ते आसिया, 10 फूरिया, पंफूलिया, मिस मुलख्य, ते लीबिया मुलख्ये जै कुरेन नगरोंने नेडे, इन सब मुलख्या केरे रानेबाले ते रोमी मुसाफर, 11 कुन यहूदी, ते कुन यहूदी पंथ धारण केरनेबाले, क्रेती ते अबर मुलख्ये लोक भी आन, पन अस अपनि-अपनि भाषाई मां तैन करां परमेशरियां बहु-बहु-कम्मां केरि चर्चा शुन्ने लोरेम।” 12 तैना सब बड़े हैरान भोई जेरि ते घबरेइतां एक्की होरि पुच्छने लगे, “कि एन कुन भोई रावरूए?” 13 पन किछु तैन केरि हासी बनेडतां ज़ोने लगे, “कि एनेईं सज़री शराप पियोरीए।” 14 तैखन पतरस 11 प्रेरितन सेइं साथी खड़ो भोव, ते बड़े ज़ोरे सेइं ज़ोने लगो, “हे लोकव हे यहूदियारे रानेबालव ते हे यस्थलेम नगरेरे राने बालाव, मेरी गल ध्याने सेइं शुना, अब तुसन ज़ोताई इड्डी एन कुन भोने लोरूए। 15 ज़ैन तुस बुझाने लोरिथ तैन नई, एना मैन्हु नशी मां नई, किजोकि हुन्ना त झोङ्गोरे नौ बज़ोरेन, 16 बल्के ए तै गल्ले, जै परमेशरे योएल नेवेरे जियिए ज़ोरी थी, 17 परमेशर ज़ोते कि, आखरी दिहेन मां एस भोलू, अब अपनि आत्मा सेब्बी लोकन देहो, ते तुश्शां मट्टु कुइयां भविष्यिवाणी केरेलां, ते तुश्शे नौजवान दर्शन हेले, ते बुड़े सुपना हेले। 18 बल्के अब अवैन तैन दिहेन मां अपने सेवादार मङ्गदन ते सेवादार कुआन्शन पुड़ अपनि आत्मा उतरेलो, ते तैना भविष्यिवाणी केरेलो। 19 अब अम्बरे मां आजीबी-आजीब कम्मां ते ज़ोरीनी पुरु निशान, यानी अग, खून ते कालो तूपीरी बिदलार हिरेयोलो। 20 प्रभुएरी दिहाड़ी एजने करां पेड़ले, दिहाड़ी आंधरो भोइ गानोए, ते चाँदीनी खुनूरी जेरि भोनीए, तै अक महान ते खास दिहाड़ी भोनीए। 21 ते जै कोई परमेशरेन नवं घिनेलो तैस मुक्ति मैलेली।” 22 “हे इसाएलेरे लोकव, इना गल्लां शुना, यीशु नासरत नगरोरे अक मैन्हु थियो, जै परमेशर तुश्शे लेइ भजोरो थियो, ते एस गल्लारी तस्दीक तैसेरे खास चमक्कारां केरे सबूतेई सेइं ज़ोने भोव, ज़ैना परमेशरे तैसेरे जियिए सेइं इश्शी सामने हिरां, ज़ेन्नरे कि तुस एप्प भी ज़ानतथ। 23 ज़ैखन तै परमेशरेरे इंतजामेरे पूरे मौके पुड़ ज़ानेरे हिसावे सेइं द्लुवाव, ते तुसेईं ई अधर्मी लोकां केरे हह्ये कुसे पुड़ टंगेइतां माराव। 24 पन परमेशरे तै मौतरे सकेजे मरां छुटेइतां ज़ीतो कियो, किजोकि एन भोइ न थियूं सकतु, कि तै मौतरे कब्जे मां राए। 25 किजोकि दाऊद मसीहेरे बारे मां एन जोते, हेरा, प्रभु हर वक्त मेरे सामने, अब तैन लोकन करां न डेरेलो जैना मेरो नुकसान चातन। 26 तांए मेरो दिल बड़ो खुश भोव, ते अब खुशी सेइं ज़ोइलो, बल्के मेरी जैन उमीदी सेइं ज़ीली। 27 किजोकि तै मेरे प्राणन पाताले मां राने न देलो, ते न अपने पवित्र मैन्हु शड़ने देलो! (Hades g86) 28 तीं मीं ज़िन्दगारी बत हेरेवरिए, तू अपने हज़ूरी सेइं मीं भरपूर केरेलो।” 29 “हे मेरे द्लुवाव, अब कौमारे बुजुर्ग

दाऊदेरे बारे मां तुसन सेइं साफ-साफ जोई सकताई, कि ते मेरि भी जेव, ते दब्बो भी ते तैसेरी कब्र अज तगर इश्शे सामने मौजूद। 30 तै नबी थियो, ते तै जानतो थियो, कि परमेश्वरे तैस सेइं वादो कियोरो थियो, ‘अवं तेरी खानदेनी मरां अक मैनू तैसेरे तखते पुडु बिशिलो।’ 31 तैनी पेइले भोवेली गल्लां ते मसीहेरे मुङ्डन मरां ज़ीते भोवेरे बारे मां बियांन कियेरु थियु, कि न तै पाताले मां राने देलो, ते न अपने पवित्र मैनू शडने देलो! (Hades g86) 32 “एहे यीशु परमेश्वरे ज़ीतो कियो ज़ेसेरे अस सब गवाह आम। 33 ते हुना तै स्वर्यो मां खास ठैरी यानी परमेश्वरे देहने पासे आए। ते तैने बाजी परमेश्वरे करां पवित्र आत्मा हासिल की, ज़ेसेरो तैने वादो कियोरो थियो, यीशुए असन पवित्र आत्मा भरायी सेइं दितोरीए, जैन तुस लातथ ते शुतृथ। 34 किजोकि दाऊद त एप्पु स्वर्यो मां नई जोरो, पन फिर भी तै एप्पु जोते, प्रभु परमेश्वरे मेरे प्रभु सेइं जोवं, मीं सेइं साथी राज केर। 35 ज़ातगर अवं तेरे दुश्मन तेरे अधीन न केरि। 36 एल्हेरलेइ, इसाएलेरे सारे लोकन पतो लगो, कि परमेश्वरे, यीशु जै तुसेई कूर्से पुडु चाढो ते प्रभु भी कियो ते मसीह भी कियो।” 37 एना गल्लां शुन्तां तैन बडो एसास भोव कि तैना पापिन, तैखन वैनैड़ पतरसे ते होरि प्रेरितन सेइं ज़ोवं, “हे ढालाव अस कुन करेम” 38 पतरसे तैन सेइं ज़ोवं, “पापन करां मनफिराथ ते तुसन मरां सारे यीशु मसीहेरे नव्वे सेइं बपतिस्मो थिन्ना, त परमेश्वर तुसन माफ़ केरेलो ते पवित्र आत्मा तुसन इनामे मां मैलेली। 39 एल्हेरलेइ कि ए वादो तुसन त तुशी औलादी सेइं आए ते तैन सेब्मन सेइं ज़ैना दूर-दूर रातन, ते जैन इश्शो प्रभु परमेश्वरे एप्पु कां कुजातो।” 40 पतरसे होरि भी बेडि गल्लां केरि गवाही दिती, ते तैन बार-बार ज़ोवं, कि अपनो आप एस टैरी कौमी करां बचाथ। 41 ते तैनैड़ तैसेरी गल्लां कबूल की, तैनी तैन बपतिस्मो दितो, तैस दिवैड़ी लगभग कोई 3000 मैनू तैन मां शामिल भोए। 42 एना लोक प्रेरितन करां शिक्षा हासिल केरते थिये, ते संगती रखते थिये, ते साथी रोट्टी खाते थिये, ते प्रभु भोज मनाते थिये ते प्रार्थना केरने मां मधन रहते थिये। 43 प्रेरिता केरि ज़िरिये सेइं बडे चमत्कार ते निशन भोते थिये, ते यस्तलेमेरे सारे लोक डेरि जो। 44 यीशु मसीह पुडु विश्वास केरेनेबाले सारे अकोटे रहते थिये, ते सैरी चीजन मां एककी होरि बराबर हस्तेदर रखते थिये। 45 ते तैना अपनि जेइदात ते माल सबाव बेचतां एककी होरीरी जुरुतरे मुताबिक रकम बेंटां सेब्मी केरि ज़रूरत पूरी केरते थिये। 46 तैना रोज़ अक मन भोइतां मन्दरे मां अकोटे भोते थिये, ते घरन मां साथी रोट्टी खाते थिये ते प्रभु भोज मनाते थिये, ते अकोटे भोइतां खुर्ही सेइं खाते थिये। 47 तैना परमेश्वरी तारीफ केरते थिये, तैना सैरी केरि नज़री मां रोडे थिये। जैन पापन करां मुक्ति मैलती थी, परमेश्वर तैन लोकन तैन केरि टोली मां शामिल केरतो थियो।

**3** एककी दिहाडे पतरस ते यूहन्ना प्रार्थना केरने दीसेरे ट्लेइ बज़ेइ मन्दरे मांजो च्लारे थिये 2 ते मैनैड़ अक ज़ामिनो टोटो छुइतां आनोरोए थियो, ते तैस मन्दरेरे दारे पुडु छडोते थिये, जैस दारेरु नवं “रोट्टु” थियुं ताके अन्नर गाने बालन करां भीख मगो। 3 ज़ैखन तैनी पतरस ते यूहन्ना मन्दरे मांजो गांते लाए त तैन करां भीख मगने लगो। 4 पतरस ते यूहन्ना तैसेरो पासे खेडोइतां ज़ोने लगे, “इश्शे पासे तका।” 5 ते तैस उमीद भोइज़ेइ कि एन करां किछ मैलेतू, ते तैन केरे पासे तकने लगो। 6 पतरसे ज़ोवं, “सोनू चाँदी त असन कां अथीन नई, पन जैन मीं कां आए तैन अवं तीं देताई, तु यीशु मसीह नैसरेरे नव्वे सेइं खडो उठ ते चल फिर।” 7 पतरसे जेरो तैसेरो द्वानो हथ ट्लेइतां खडो कियो, ते च्लाने पावन मां ते गुडन मां ताकत आई। 8 ते तै तैखने खडो भोव, ते च्लाने फिरने लगो, ते फिरी छालां मारतो ते परमेश्वरी तारीफ केरतो तैन सेइं साथी मन्दरेरे अगने मां च्लाने जेव। 9 ते सेब्मी लोकेइ तै च्लालो फिरतो ते परमेश्वरी तारीफ केरतो लाव। 10 ते पिशानो ई त तै, जै मन्दरेरे रोडे दारे पुडु बिशतां भीख मगतो थियो, ते जै चमत्कार एन लोकां केरे सामने भोव, त तैना लोक बडे हैरान राए। 11 जैखन ते मैनू पतरस ते यूहन्ना ट्लेइतां खड़खडो थियो, त सब लोक जैना तैड़ी खड़खडे थिये, बडे हैरान भोइतां सुलैमानी अंगने मां देवडतां तैन कां आए। 12 पतरसे एन हेरु

तै तै लोकन कां एन्चरे खडो भोव, ते जोने लगो, “हे इसाएली लोकव तुस एस गल्ली पुड किजो हैरान भोरेथ, ते असन एन्चरे किजो तकने लोरेथ, असेई अपने शक्ति या भक्ति सेइं ए टोंटो मैनू च्लालो फिरनेरे काबल नई बनेरोए। 13 अब्राहम ते इसहाक ते याकूबेरे परमेश्वरे ते इश्शे पूर्वजां केरे परमेश्वर अपने दासे यीशु महिमा दिती, पन तुसेई तै यहदी लीडरन कां दितो कि तैना तैस मारन। पिलातुसे तै हथरां छडनेरो इरादो कियो, पन तुसेई यीशुएरो इन्कार कियो। 14 तुसेई यीशु अक एरो पवित्र ते धर्मी मैनू रद कियो, ते पिलातुसे कां दरखुवास की, कि तै तुशी लेइ अक कातली हथरां छडे। 15 तुसेई त ज़िन्दगी देवबालो मारो, पन अस गवाह आम, कि परमेश्वरे ते मुङ्डन मरां ज़ीतो कियो। 16 तैसेरे नव्वेरी शक्ति एस टोंटो, जै तुशी सामने ते जैस तुस जानतथ शिफा दितोरीये ते ए मैनू यीशुएरो नंबे सेइं ते यीशु पुड विश्वास केरने सेइं बिलकुल ठीक भोव, ते ए एप्पु तुशी सामने। 17 “हे मेरे ढालाव अवं जानताई कि जैन किछ तुसेई ते तुशी लीडरई यीशु सेइं कियूं तैन तुसेई अनज़ान भोइतां कियूं। किजोकि तुसन न थियो पतो कि तै मसीह आए। 18 पन परमेश्वरे एना सेरी गल्लां जैन तैनी अपने नेबी केरे ज़िरिये ज़ोरी थी, कि मसीह दुख ऊठालो ते मरेलो ते तैनी तैना एन्वरे पूरी की। 19 बस्सा पापन करां मनफिराथ ते परमेश्वरे पासे फिरा ते तै तुशी पाप माफ़ केरेलो, ते परमेश्वरीरी तरफां तुशी लेइ परमेश्वरे तरफां रोडे दिहाडे एज्जोले। 20 ते तै मसीह यानी यीशु ज़ू तैनी ठहरावरो आए, तुशी लेइ भेज़ो। 21 पन ज़ातगर तैन सैरी चीज़ां बहाल न केरे, जैन केरे बारे मां परमेश्वरे बडे पेड़ले अपने पवित्र नेबी केरि ज़बानी ज़ोरु, तांतगर यीशुएरु स्वर्गे मां रानू ज़रूरीए। (aiōn g165) 22 ज़ेन्नरे मूसा एस बारे मां ज़ोरु थियुं, प्रभु परमेश्वर तुशी ढालाव मरां तुशी लेइ मेरो ज़ोरो अक नवी भेज़ोला, जैन किछ तै तुसन सेइं ज़ोए, तुस तैसेरी गल शुनथ। 23 पन जै तैस नेबीरो गल न शुनेलो, तै लोकन मरां नाश कियो गालो। 24 ते शम्पाल परमेश्वरीरी गल्लां ज़ेनेवाले करां देइतां पेइले तमाम नेबैई इन दिहाडां केरे बारे मां शुनावरु। 25 तुस नेबी केरि खानदेनी ते जै करार परमेश्वरे इश्शे पूर्वजन सेइं कियोरो थियो, तैस मां तुस सब शमलथ, परमेश्वरे अब्राहमे सेइं ज़ोरु थियुं, कि तेरे मूर्दे ज़िरिये सेइं दुनियारी तमाम कैमन बरकत मैलेली। 26 परमेश्वरे अपनो सेवक मुङ्डन मरां ज़ीतो कियो ते पेड़ले तुसन कां भेजो, ताके तुसन तै बरकत दे, कि तुसन मरां हर कोई पापेरी ज़िन्दगी शैरतां परमेश्वरे पासे फिरो।”

**4** हेजू पतरस ते यूहन्ना लोकन सेइं गल्लां केरते थिये, त किछ याजक ते मन्दरेरे पेरहेदार ते दिहाडो लोक तैड़ी पुजो। 2 तैना बडे सेरकोए, कि पतरस ते यूहन्ना लोकन एरी शिक्षा देते कि परमेश्वरे मरे लोकन ज़ीतो केरेलो, ज़ेन्नरे तैनी यीशु मुङ्डन मरां ज़ीतो कियोरोए। 3 तैनैई तैना दुझोरे दिहाडी तग गिरफतार रख्खे, किजोकि तै इलोज़ारो मौको कियो। 4 पन केही लोकेइ वचन शुन्तां यीशु पुड विश्वास कियो, ते तैन केति तैधात 5000 मङ्ड भोइ। 5 होरसां एरु भोव कि तैन केरे लीडर ते बुजुर्ग ते शास्त्री यस्तशलेम नारे मां ज़म्हां भोए। 6 हन्ना महायाजक तैड़ी थियो, ते कैफा ते यूहन्ना महायाजक ते सिकन्दर ते खानदेनेरे होरे लोक भी तैड़ी थिये। 7 तैनैई पतरस ते यूहन्ना मङ्गाटे खडे किये ते तैन पुच्छ, “तुसेई केरेसे शक्ति या केरेसे अधिकारे सेइं एन कम कियोरुए?” 8 तैखन पतरस पवित्र आत्माई सेइं भरपूर भोइतां तैन एन्नरे सेइं ज़ोने लगो, “हे कौमेरे लीडरव ते बुजुर्गव।” 9 अगर अज़ असन एल्हेरलेइ पूछ ताछ की गातीए, कि असां एककी रोडे कम्मेरो जुवाब देम, जैन असेई एककी टोटे मैनेरे लेइ कमाव ते तैस शिफा दिती। 10 ते तुसन ते सारे इसाएलिन ए पतो लगो, कि ए मैनू यीशु मसीह नैसरेरे नव्वेरी शक्ति सेइं बेज़ज़ोइतां तुशी सामने खडोए, जै यीशु तुसेई कूर्से पुड चाढोरो थियो, पन परमेश्वरे ते मुङ्डन मरां ज़ीतो कियोरोए। 11 ए तैए घोडे, जै तुसेई मित्रेई रक्षी कियोरो थियो, पन तैए घोड़ कूनेरो खास घोड़ भोइ जेव। 12 ते पापां केरि माफ़ी केन्वी होरेरी ज़िरिये सेइं नई, किजोकि अम्बरेरां बुन मैनन मां कोई होहु दुधयोव नवं नई दितोरु, ज़ेसेरे ज़िरिये सेइं मुक्ति मैल्ले, सिफ़ यीशुएरे नव्वे सेइं मुक्ति आए।” 13 जैखन तैनैई पतरस ते

यूहन्नारी दिलेरी हेरी, त तैखन तैन पतो लगो, कि एना त अनपड़ ते मामुली मैन्हु आन ते तैना बड़े हैरान भोए, तैखन तैनेई बुझू कि एना लोक यीशु सेइ साथी राहोरेन। 14 तैनेई पतरस ते यूहन्नारे खलाफ किछ न ज़ोई बटु, एलहोलेइ कि ज़ै मैन्हु बेज़ोरो थियो, तै मैन्हु तैन सेइ साथी खुड़खुड़ी थियो। 15 तैखन तैनेई पतरस ते यूहन्ना महासभा करा बेइ नेनेर लेद ज़ोवं, ते एप्पू मांमेइ मुश्होरो केरने लगे। 16 “असाए एन लोकन सेइ कुन केरम? यस्शलेम नगरेर सब लोक जानतन कि एन लोकेई अक बड़ा चमत्कार कियोरोए, ज़ेसेरो अस इन्कार न केरि बटम। 17 पन एलहोलेइ अस एन न चाम कि ए गल लोकन मां जादे मुश्र न भोए, रोडू त एने कि अस एन धमकेइतां जोम कि अज़ेर बाद एन नव चिन्ता केन्वी सेइ गल न केरन।” 18 तैखन तैनेई पतरस ते यूहन्ना अन्तर कुजेइतां हदेयत दितो, “यीशुएक नवं चिन्तां केन्वी सेइ गल न केरथ, ते न शिक्षा देदयथ।” 19 पन पतरस ते यूहन्ना तैन जुवाब दितो, “तुस एप्पू ए फैसलो केरा, कि कुन ए गल परमेश्वरीन नज़री मां ठीक, फिरी अस तुश्शी गल मन्नम कि परमेश्वरी? 20 किजोकि एन नई कि जैन किछ असेई शूनू ते लाहू, ते तैसेरे बारे मां जोतम।” 21 तैखन तैनेई पतरस ते यूहन्ना धमकेइतां हथरां छडे, द्वासले मां तैना फैसलो न केरि सके, कि एन सज्जा त देम पन केन्वरे देम, किजोकि तमाम लोक ए चमत्कार हेरतां परमेश्वरी महिमा केरते थियो। 22 किजोकि ज़ैस मैन्हु पुढ़ शिफ़ा देनेरो चमत्कार हिरावरो थियो, तै 40 सालन करां जादे उमारारो थियो। 23 पतरस ते यूहन्ना तैटूं छुट्नेरां बाद अपने लोकन कां च्ले जे, ते जैन किछ प्रधान याजक ते बुजुर्गै तैन जोस थियू, तैन सेइ शुनाव। 24 ज़ैखन तैनेई एना गल्लां शुनी त अक भोइतां बडे ज़ोरे सेइ परमेश्वर कां प्रार्थना केरने लगे, ती धरती त कने अब्बर ते सुमन्द्रे ते जैन किछ एसमां आए बनोरुए। 25 ती पवित्र आत्मार ज़िरिये सेइ अपने सेवक इश्शे पूर्वज दाऊदेरी ज़िरिये ज़ोस थियू, “कि कौमई किजो हैल्लो मशवात? ते मुलवां-मुलवां केरे लोक किजो बैफैइदे खियाल केरतन? 26 ज़मीनरे राजे, प्रभु ते तैसेरे मसीहोरे खलाफ खड़े भोए ते हाकिम साथी खड़े भोए।” 27 “एन सज्जे कि हेरोदेस पुनित्युस ते पिलातुस भी गैर यहूदी ते सब इसाएली लोकन सेइ साथी तेरे पवित्र सेवक यीशुएरे खलाफ नगर-नगरे मां खडे भोए, ज़ै ती मसीह ठहरावरो थियो। 28 तैना एलहोलेइ अकोटु भोरे थिये कि जैन किछ तू अपनि कुदरतारो इरादेरे मुताबिक पेइले तैनी ठहरावरु थियूं, तैस पुड़ अमल केरम। 29 हुनी हे प्रभु, तैन केरि धेमकी शुन, ते अपने दासन इन वरदान दे, कि तेरु बच्चन बेड़ि दिलेरी सेइ लोकन शुनेई बटम। 30 अपनो हथ अग्रोवं रख, ते अपने पवित्र सेवक यीशुएरे नवं सेइ शिफ़ा दे, ते चमत्कार ते निशान हिरा।” 31 ते ज़ैखन तैनेई प्रार्थना की, त ज़ैस ठैरी तैना अकोटु जम्हां थिये, त तै ठार हिल्ली, ते तैना सब पवित्र आत्माई सेइ भेरो, ते परमेश्वर बच्चन बेड़ि दिलेरी सेइ शुनावे लगे। 32 विशास केरनेबालां कां केरि मण्डली अक मन ते अक जान थी, कोई भी एरो न थियो ज़ै अपनो माल अपने समझातो भोए, बल्के होसन भी सेरी वीज़न मां शामल रखते थियो। 33 ते प्रेरित बेड़ि शक्ति सेइ प्रभु यीशुएरे मुड़दन मरां ज़ीती भोरेगी गवाही देते थिये, ते तैन पुड़ परमेश्वरो बड़ो अनुप्रह थियो। 34 तैन मरां कोई भी गरिब न थियो, किजोकि ज़मीना केरे त धरां केरे मालिक तैन बेचतां तैन केरि किमत प्रेरितन कां आनते थिये। 35 ते तैना तै रकम प्रेरितन देते थिये, ते हर केन्वी तैसेरी जुरुतारे मुताबिक बेंटां देते थियो। 36 यूसुक नव्वेरो अक लेवी थियो, ज़ै साइप्रसेरो रानेबालो थियो, ते प्रेरितेई तैसेरु नवं बरनवास रखेह थियूं (ज़ेसेरो मतलबे शीनतर मटू)। 37 तैनी अपनू ऊडार बेचू, ते कीमत एन्ता प्रेरितन दितो।

**5** हन्नाह नव्वेरो अक मैन्हु थियो, ते तैसेरी कुआन्शह नवं सफिरा थियूं ते तैनेई अपनि जेर्ददातारो किछ हिस्सो बेची छह्हो। 2 ते किमती मरां किछ पेइसे एप्पू कां रखे, ज़ेसेरो तैसेरी कुआन्शी भी पतो थियो, ते बाकी होरे पेइसे एन्ता प्रेरितन दितो। 3 पन पतरसे तैस सेइ ज़ोवं, “हे हन्नाह! शैताने तेरे मने मां ए गल केन्वरे छडी, कि तू पवित्र आत्माई सेइ शून जोस, ते ज़मीनरे पेइसन मरां किछ रेख्खी छडस? 4 कुन बेच्चने करां पेइले ज़मीन

तेरी न थी, पन बेच्चनेरां बाद कुन पेइसो तेरो न भोव? ती अपने मने मां किजो सोचू? ती मैन्हु सेइ नई बल्के परमेश्वरे सेइ छूठ जोरुए।” 5 हन्नाह एन शुनत खिरकी जैव, ते तैसेरे प्राण निस्से, ते जैन लोकेई एन शुनू त तैना बडे डेरि जो। 6 तैखन किछ नौजवान आए ते तैनेई तैसेरी लाश कफने मां पलटतां ते बेड्रोवं नेइतां देबतां छडी। 7 टलेइ धैन्टना पत्ती तैसेरी कुआन्श आई, ते तैस एस बारे मां कोई पतो न थियो। 8 पतरसे तैस पुछ्ह, “मीं ज़ो, कुन तुसेई दुर्योई ज़मीन एत्रे मां बेचोरी थी?” तैसां ज़ोवं, “हाँ कुल कीमत एत्री मैल्लोरी थी।” 9 पतरसे तैस सेइ ज़ोवं, “प्रभुएरी आत्मा अजमानेर लेडु तुस केन्वरे सेइ राजी भोए, ते जैन लोकेई तेरो मुश्श दबोरोए, तैन केरे पाव हेर दारे पुड़ आन, ते तैना तीं भी बेद्रोव धिनी गालो।” 10 ते कुआन्श तैखने तल्ले बिछूडी, ते तैसारे भी प्राण निस्से, ते जैखन नौजवान अन्तर आए त तै कुआन्श मर्सी लेइतां तै भी छुटां तैसारे मुश्श इलाखोरां देबतां छडी। 11 सैरी यस्शलेमी कलीसिया ते एन गल्लां केरे शुन्ने बाले बडे डेरि जो। 12 प्रेरितां केरे ज़िरिये बडे चमत्कार ते निशान बादे भोए, ते सारे विश्वासी अक भोइतां सुलैमानी अंगने मां जम्हां भोते थिये। 13 हालांकी होरे लोक तैन केरि बड़ी इज़ज़त केरते थिये, पन केन्वी हिम्मत न आई कि तैन मां शमिल भोए। 14 बडे मझेइ ते कुआन्शेई विश्वास कियो ते तैन लोकां केरि मेनडली मां शमिल भोए, ते परमेश्वर मन्ने बालां केरि तैथात बद्धत बद्धत चली। 15 जैन प्रेरितेई कियू तैसेरो नितीजो ई भोव, कि लोक बिमारन खट्टन पुड़ ते पिट्टी पुड़ छुटां सडकी मां रखते थिये, कि पतरस ज़ैखन तैस बतां एजे त तैसेरी छाव त तैन पुड़ पे। 16 यस्शलेम नगरेर च्वे पासना ड्लोवां केरे बडे लोक बिमारन ते जैन पुड़ भूतां केरो सैयो, एप्पू सेइ साथी आनते थिये, ते तैना सब बेज़ोते थिये। 17 तैखन महायाजक ते तैसेरे साथी जैना सदूकी केरे फिरक मरां थिये, तैन बडी जलन भोने लगी ते तैना प्रेरितां केरे खलाफ खडे भोए। 18 ते तैनेई प्रेरित टलुवेडां कैद मां क्लेह्ही दितो। 19 पन प्रभुएरी राती स्वर्गदूत कैदखाने मां दार खोलतां प्रेरितन कां जेव, ते तैना बेइर केंद्रां तैन सेइ ज़ोने लगो। 20 “गाथ ते मन्दरेरे अंगने मां खडे भोइतां हमेशारे ज़िन्दगर बारे मां लोकन बिस्तार देय।” 21 तैना एन शुन्नां झोझां मन्दरेरे अंगने मां पुज़े ते जेन्वरे तैन स्वर्गदूत हुक्म दितोरो थियो, तेन्वरे लोकन शक्षा देने लगे, ते जैखन इसाएली महायाजक ते तैसेरे साथी तैडी आए, ते तैनेई महासभा ते सब यहूदी केरे सारे बुजुर्गु कुजाए, ते तैनेई यीशुएरे प्रेरित कैदखाने मरां कुजाए। 22 ज़ैखन मन्दरेरे पेरहेदार कैदखाने मां पुज़े ते तैन प्रेरित तैन स्वर्गदूत हुक्म दितोरो थियो, तेन्वरे लोकन शक्षा देने लगे, ते जैखन इसाएली महायाजक ते तैसेरे साथी तैडी आए, ते तैनेई महासभा ते सब यहूदी केरे सारे बुजुर्गु कुजाए, ते तैनेई यीशुएरे प्रेरित कैदखाने मरां कुजाए। 23 ज़ैखन मन्दरेरे रोडे चैरेवरे बंद कियोरी थियो, ते पेरहेदार भी असन दारे मां खड़खड़े मैल्लै, पन ज़ैखन असेई कैदखानो खोल्लो त अन्तर कोई न मैल्लो।” 24 एना गल्लां शुन्नां मन्दरेरे पहरेदारां केरो प्रधान, प्रधान याजक ते सारे लोक हैरान रेड्जे, ते तैन केरि फिक्री मां पे कि हुनी कुन भोनूए! 25 तैखन केन्वे एडां ज़ोवं, “तैना मैन्हु जैना तुसेई कैदे मां छडारे थिये, तैना मन्दरेरे मां खडे भोइतां शक्षा देने लगोरेन।” 26 तैखन मन्दरेरे पहरेदारां केरे प्रधान अपने सिपाही साथी चिन्तां जे, ते प्रेरित कुजेइतां अने पन ज़ुबरदस्ती नई, किजोकि तैना लोकन कां डरते थिये, कि एरु न भोए एना असन घोड़ेई बान। 27 तैनेई प्रेरित एन्तां महासभा ते सब यहूदी केरे सारे खुनेरो दाष असन पुच्छू। 28 “असेई तुसन ठाकेरु थियूं, कि यीशुएरु नवं चिन्तां शक्षा न देयथ? किरी भी हेरा, तुसेई सारे यस्शलेम नगरे मां अपनि शक्षा फैलाई, ते तैस मैनेरो खुनेरो दाष असन पुड़ लानो चातथ।” 29 पतरसे ते होरि प्रेरितेई जुवाब दितो, “असन मैन्हु केरो हुक्म मन्नेरे बजाहे परमेश्वरो हुक्म मन्नो जादे ज़स्सरीए।” 30 इशी दादे-पड़दादां केरे परमेश्वरे ए यीशु मुड़दन मरां ज़ीतो कियो, ज़ै तुसेई कूर्से पुड़ च्वेह्हां मारो। 31 तैपेर परमेश्वरे, प्रभु ते मुक्ति देनेवालो बनेइतां अपने देहने पासे बिशालो, ताके तै इसाएलिन मन फिराने ते पापां केरि मैफारो मौको दे। 32 असां एन गल्लां केरे गवाह आम, ते पवित्र आत्मा भी, ज़ै परमेश्वर तैनी अपनो हुक्म मन्ने बालन दितोरीए।” 33 ज़ैखन तैनेई एन शुनू तू कुकोई जे, ते तैन केरि मर्ज़ी लगी ज़ोने कि एन मैनी छडम। 34 पन अपनू ऊडार बेचू, ते कीमत एन्ता प्रेरितन दितो।

इज्जतदार थियो, तैनी महासभा मां खड़े भोइतां हुक्म दित्तो कि एना मैन्हू थोड़े चिरे बेडर भेजा। 35 तै एन जोने लगो, “हे इसाएली लोकव तुस जैन किछ एन मैनन् सेंइ केरनू चातथ तैन रोडेवारे सोचा। 36 किजोकि थोड़े चिरे पेड़ले थियूदास इन ज़ोइतां खड़ो भोरो थियो, तै ज़ोतो थियो, अंवं भी किछ आई, ते लगभग 400 मैन्हू तैस सेंइ मिलो, पन तै मारो जेव, ते तैसेरे मन्नेबाले सारे तितर-बितर भोइ जे, ते तैन केरो नामो निशान मिटी जेव। 37 तैसेरां पत्ती मैन्हू केरे गिनते वरे केरे गलील इलाकेरो यहूदा निसोरो थियो, ते तैनी काई लोक अपने पासे खिचोरे थिये, तै थी मारो जेव, ते तैसेरे ज़ेत्रे साथी थिये, सब तितर-बितर भोइ जे। 38 हुनी अंवं तुसन एन्ने ज़ोताई कि एन मैनन् करा करा दूर भोथ, ते एन गाने देथ, किजोकि अगर एना चमत्कार, मैनू केरि तरफां भोले त एप्पू खतम भोड़ गानेन। 39 पन अगर एना कम्पां परमशरेरी तरफां भोलां, त तुस एन मैन्हू केरे किछ न बिगड़ी सकत, ते तुस परमशरेरी खलाफ लङ्डनबाले भोलो, तैनैइ तैसेरी सल्लाह मनी।” 40 ते प्रेरित अन्तर कुजेइतां तैन डंडेइ बावैहीतां तैन ज़ोव, कि अज़ेरां बाद यीशुएरे नव्वे सेंइ कोई गल न केरथ, ते तैना हथरां छडे। 41 प्रेरित महासभा मरां चले जे, तैना एन गल्ली पुढ़ खुशी थिये, कि असां यीशुएरे नव्वे सेंइ बैज़त भोनेरे काबल त थोए। 42 तैनैइ शिक्षा देनी बंद न की, बल्के रोज़ मन्दरे मां गेइतां ते घर-घर गेइतां लगातार खुशखबरी शुनाते राए कि यीशु ही मसीह आए।

6 ई गल तेइसेरी ए जेहस चेले केरि गिनती बढने लगोरी थी, यूनानी भाषा जोनेबालो यहूदी चेलई इङ्गरानी भाषा जोनेबाले यहूदी चेलां केरि शकैइत केरने लगे, कि हर दिहैडरे सेवाई मां विश्वासां केरि खबर न की गाए। 2 एन शुत्ता 12 पेरिएई सारे यस्शलेमेरे सारे विश्वासी लोक (चेले) अकोडु किये, ते जोंवे, “इश्शे लेइ एन मुनासब नई कि अस परमेश्वरी वचनेस प्रचार केरनो छेडतां खाने पीनेरी सेवाई मां लगाम 3 एलहेलेइ हे मेरे ढालाव, अपने लोकन मरां सत भलमानास मैनू चुना, जैना पवित्र आत्माई सेइ भरपूर ते अकलमन्द भोन, ताके आस तैन एस कमरी जिमेरी सेंफमा” 4 एन अस त प्रार्थना केरने ते बच्चन शुनानेरी ते शिक्षा देनेरी सेवाई मां लगगोरो रानेम। 5 ए गल सारे लोकन पसद आई, ते तैनई अक स्टिफनुस जै विश्वास ते पवित्र आत्माई सेइ भरपूर थियो चुनो, ते होरे जैना चुने तैन केरां नव्वां इन आन, फिलिप्पुस प्रुखुस, नीकानोर, तीमोन, परमिनास ते नीकुलातुस जै अन्ताकिया नगरेरी रानेबालो थियो, ते यहूदी फिरके मां ओरो थियो। 6 ते तैना प्रेरितन कां हाज़र किये, ते तैन केरे लेइ तैनई प्रार्थना की, ते तैन पुड हथ रख्यो। 7 एन्नरे सेइ परमेश्वरे बच्चन फैलतु जेव, ते यस्शलेम नगर मां चेलां केरि गिनती बदूती जेर्दि, ते याजकां केरि अक टोली विश्वासे मां आई ते मसीही भोइजेड। 8 स्टिफनुस अनुग्रह ते शक्ति सेइ भरपूर भोइतां लोकन चमत्कार ते निशान हिरातो थियो। 9 आजाद भोरे यहूदी लोकां केरु अक प्रार्थना घर थियूं, कुरेसी ते सिक्कदरिया ते किलिकियारे ते आसियारे किछ लोकन मरा किछ स्टिफनुसे सेइ बेस केरने लगे। 10 तैना तैन गल्लां केरो जुवाब न देइ बटे, जैना पवित्र आत्मा तैस जोनेरी समझ दित्ती। 11 तैखन तैनई किछ लोक शिखाले, कि तुस झाँ झाँ इयथ कि, “असेही स्टिफनुस मूसेरे त कने परमेश्वरे खलाफ तुहीन केरते शुनोरोए” 12 तैखन तैनई किछ लोक, बुर्जु ते शास्त्री स्टिफनुसेरां खलाफ बमकाए ते तै टलेइतां महासभा मां पैश कियो। 13 तैनई बडे झूठे गवाह पैश किये, “ते तैनई गवाही दित्ती कि ए मैनू पवित्र ठारारे ते मूसेरे कानूनेरे खलाफ तुहीन केरने करां बाज़ न एज्जे। 14 ते असेही एस मैनू करां एस भी जूतू शूनु, कि यीश नासरी इस मन्दरे डोलालो, ते तैना रसमां जैना मूसा नेवे दित्तिरिन बदलेलो।” 15 तैखन लोक जैना महासभा मां बिश्वशोर थी, तैसेरे पासे तक्क कि तैसैरु ततू तर स्वर्गदत्ते जेझ लेहोत थियूं।

**7** तैखन महायाजके स्तिफनुसे सवाल पुछो, “कुन एना इलजाम सध्ये आन?” 2 तैनी जोवं, “हे छलाव ते मेरे बुजुर्गान, मेरी गल शुना, इश्शो पूर्वज अन्नाहमे हारान नगरे मां बसने करां पेइला मेरोपोटामिया इलाके मां थियो, ते महिमा बाले परमशेरो तैस दर्शन दित्त 3 ते परमशेरो तैस सेंड ऊंजोंवं.

अपने देश त अपने रिश्तेदारन शैरातां तैस मुलखे मां गा, जै अंवं तीं हेरडलो। 4 तां तैं तै कसिदी केरे मुलखे शैरातां हाराने मां बसोरो थियो, तैसेरे बाजेरे मरनेरां पत्ती परमेशरे तै तैस मुलखे मां आनो जैस मां अज़ तुस बसोरेथ। 5 पन परमेशरे तैस इडी किछ भी जैदात न दित्ती, बल्के पाप रखने जो भी ज़मीन न दित्ती, पन वादो ज़स्त कियो कि इं ज़मीन अंवं तीं तै तेरी औलादी कब्जे मां देलो हालांकी तेइस अब्राहमे कोई औलाद न थी। 6 परमेशरे इन भी ज़ोवं, तेरी औलाद एककी बखले देशे मां परदेशी भोली, तैना तैन गुलाम बनाले, ते 400 सालन तगर तैन दुख देले। 7 किरी परमेशरे जोवं, जै कौमै तैन गुलाम बनाली तैन अंवं सज्जा डॅलो, ते तैसां बाद तैना तैस मुलखे मरा निस्सतां इडी एज्जोले ते मेरी आराधना केरेले। 8 ते परमेशरे अब्राहमे सेइं करार कियो तै तैस सेइं ज़ोवं, कि निशानेरे रुपे मां सेड्भी धरानेरे नर मैन्हूं केरो खतनो केर। ज़ैखन इसहाक ज़रमी ते अठे दिहेकी केरो भोव, त अब्राहमे तैसेरो खतनो कियो, ते एन्हरे इसहाके अपने मूडे याकूबेरो खतनो कियो, ते याकूबेरे अपने 12 मट्टों केरो खतनो कियो। 9 याकूबेर मट्टैं जलनी सेइं अपनो ढाला यूसुफ मिस मुलखे जो गाने बालन जो बेचो, ते तैनई यूसुफ मिसे मां नेइतां गुलाम बनाव? पन परमेशर यूसुफे सेइं साथी थियो। 10 परमेशरे तै सैरी मुसीबतन करां छुटेडांत, ते तैस बडी अकल दिती, ते मिसेरे फ़िरीन राजेरे सामने बडी काबलीत दिती, ते फ़िरीन राजे, यूसुफ मिस मुलखेरो ते अपने महलेरो गवर्नर बनाव। 11 ज़ैस वक्ते यूसुफ थियो त मिस मुलख ते कनामरे सारे मुलखे मां काल पेव, ते बडी मुसीबत आई, ते इश्शे दादे-पड़दादन खाने जो अन न मैल्लू। 12 ज़ैखन याकूबे शुनू कि मिसे मां अन्न आए, त तैनी इश्शे पूर्वज मिस मुलखे मां पैदेली बार भेजो, तैना यूसुफ सेइं मिले ते अन आनू पन तैनई तै तै पिशानो। 13 ज़ैखन तैना दुर्योग फेरे मिस मुलखे मां अन्न आन्ने जे, त यूसुफे अपने आप तैन पिशानाव, ते फ़िरीने भी यूसुफेरी कौमरो पतो लगो कि ए इब्रानी आए। 14 तैसेरो बाद याद यूसुफे अपनो बाजी याकूब ते तैसेरे 75 मैन्हूं केरु टब्बर मिस मुलखां मांजो एजनेरो बिस्तार भेजो। 15 किछ वक्तेरां बाद याकूब मिस मुलखे मां जेव, ते तै तै इश्शे दादे-पड़दादे तैडी मेरि जे। 16 तैन केरि लाशां तैवुं इश्शे मुलख कनाने मां वापस एन्ही, ते तैनई याकूब, तैस ठैरी दफन कियो, जै ठार अब्राहमे चाँदी देडां धिनोरी थी, ते याकूबेरां मृदुं शेकेम नगरेरे तैस ठैरी दफन कियां, जै याकूबे हामोरी औलादी करा धिनोरी थी।” 17 “परमेशरे अब्राहमे सेइं अक वादो कियोरो थियो, तैस वादेरो पूरो भोनेरो मीको अव त मिसे मां इश्शे लोकां केरि गिनती भी बडी बेद्दी जेई। 18 तैस मोके अक होरो राजो मिस देशे मां राज केरे लगो, जै यूसुफे न थियो जानतो। 19 तैनी इश्शी कौमी सेइं एरी चालाकी कि ते इश्शे दादन-पड़दादन सेइं एरी बदसलूकी की, तैना एत्रे मजबूर किये कि तैना अपने ज़मीने बच्चे बेदरोव शारन ताके तैना मेरि गान। 20 तैने दिहेड़न मां मूसा पैदा भोव, तै परमेशरेरी नज़री मां बडो रोडो थियो, ते तै ढालाई महीन्त तगर अपने बाजेरे धेरे मां छेपतां पलतो राव। 21 पन ज़ैखन जाए चिरे तगर चुप्पेई न बटे, तै दरियाए मां शारो त फ़िरीनेरो कुइयां तै तै अपने मट्टोरो ज़ेरो पालो। 22 मूसा नबी मिसी केरि सैरी शिक्षारो तै तैन केरि सैरी गलालां केरि वाकफित भोइजेउ, ते गलबाती तै कम्मे मां मजबूत थियो।” 23 “ज़ैखन मूसा नबी 40 सालां केरो भोव, तै तैसेरे मने मां ए गल आई, कि अंवं अपने इसाएली ढालां केरो हाल पतो केरि। 24 मूसा एककी इसाएली मैनूं पुड़ जुलम भोंतो लाहू तै तैनी तै बाताव, ते तै ज़ालम मिसी मैरतां ज़ैस पुड़ जुलम भोरो थियो बदलो धिनो। 25 तैनी सोचु कि तैसेरे ढाला समझौले, कि परमेशरे तैसेरे चिरिये सेइं तैन मिसी केरि गुलैमी करां तैन मुस्ति देलो, पन तैनई न समझू। 26 मूसा होरसां दूर्ह इसाएली एपू मांमेंड लडते लाए, ते तैन समझानेरी कोशिश की, ते मूसा तैन ज़ोवं, हे जवाबन तुस त एपू मांमेंड ढाला भोतथ, ते तुस किजो एककी होरि पुड़ जुलम केरतथ? 27 पन जै मैन्हूं अपने पड़ोसी पुड़ जुलम केरने लोरो थियो, तै तैनी मैने मूसा जो धमकेदां ज़ोवं, तै केनि असन पुड़ हुक्मत केरनेबालो या हाकिम बनेवरोस? 28 ज़ेन्हरे तीं तै मिसेरो रानेबालो हीज मारोरो थियो, तेन्हरे तै अज़ मी मारने चातस? 29 ए गल शुनते मूसा तैद्वां नशो, ते मिद्यान मुलखे मां परदेशी भोइतां राने

लगो, ते तैड़ी तैसेरां दूर्घ मधुं पैदा भुआं। 30 40 साल मियान मुलखे मां रानेरे बाद तैस सीनै पहाड़ेरे सुनसान ठारी मां एककी झाल्लेरी अग्गी स्वर्गदूत लाव, ते परमेशरे स्वर्गदूतेरे जिरिये तैस सेंड गल की। 31 मूसा झाल्लेरी अग्गी लेझांता कि झाल फुकोने नई लौस त तै हैरान रेड जेव, ते ज़ैखन तै तै हैरनेरे लेझ नेडे जेव त तैनी प्रभुएरी आवाज शुनी। 32 ‘अवं तेरे दावे-पडदादां केरो यानी अब्राहम, इसाहाक ते याकूबेरो परमेशर आई,’ तैखन मूसा डेरतां कम्बने लगो, इन तगर कि तैस हैरनेरी हिम्मत न भोइ। 33 तैखन प्रभुए तैस जो ज़ोवं, अपने पांवं केरी जुही खोल्ल, किजोकि जैस ठैरी तू खडोस तै पवित्र ठारे। 34 मीं मिस मुलखे मां अपने लोकां केरी बुरी हालत हेरी, मीं तैन केस कर लानू ते लेरा शुनोरिन, एल्हेरेलेड अवं तैन छुटानेरे लेझ उन्डो ओरोई, हुनी एई अवं तीं किरी वापस मिस मुलखे जो भेजताई। 35 ‘एहे तै मूसो आए ज़ेसेरो इसाएली लोकेई पेड़लो इन्कार कियोरो थियो, कि तू केनि असन पुड़ हुक्मत केनेवालो या हाकिम बनेवरोस, ते एहे तै मूसा परमेशरे अपने स्वर्गदूतेरे जिरिये सेंड जै तैनी बलते झैल्लोए मां लाहोरो थियो, ते छुटानेवालो बनेझांत भेजो। 36 एनी मैने मिस मुलखे ते लाल समुद्रे मां 40 सालन तगर सुनसान ठैरी मां चमत्कार ते निशान हिराए। 37 एनी मूसा इसाएली लोकन सेंड ज़ूरी थियू, परमेशर तुशेश ढालान मरा तुशेश लेझ अक मेरो ज़ेरो नवी खडो केरेलो। 38 एहे मूसा, इश्शी दादा पडदादां केरो नवी राव ज़ैखन तैन सुनसान ठारी मां अकोडे भोरोए, परमेशरे एककी स्वर्गदूत सीनै पहाड़े पुढ़ मूसे कानून दितो ते तैनी इश्शी दादे पडदादान तैन कानून दितो, मूसे ज़िन्दाई देनेवाले वचन मैलै, तैनी तैना असन तगर पुजाए। 39 पन इश्शे दावे-पडदादेई तैसेरो हुक्म न मन्नो चाव, बल्के इकरार कियो, ते तैना मिस मुलखेरे जो वापस गानू चाते थियो। 40 तैनेई मूसोरे ढालाए हास्से सेंड ज़ोवं, तू इश्शे लेझ अक देवता बना, जै असन अग्गी-अग्गी मिस मुलखे जो घ्ले, किजोकि अस न जानाम कि मूसा ज़ीनी असां मिस मुलखे मां केढता आनोरिम, तैस कुन भोवे? 41 तैस वक्ते तैनेई बछुडेरी अक मूरत बनाई, ते तैस कां बलिदान ब्राह्म, ते अपने हथ्यां केरे बनेवरी मूरती कां बड़ी खुशी मनाने लाए। 42 एल्हेरेलेड परमेशरे तैन करां अपनू तुतर फिराव, ते तैना दिवाडेरी ते चैदनेरे ते अम्बरेरे तारां केरि इश्शरे रुपे मां तैन केरि आराधना केरनेरे लेझ शार, ज़ेन्द्रेरे नेबी केरि किताबी मां लिखोरुए, हे इसाएली लोकव, कुन तुस 40 सालन तगर सुनसान ठैरी मां जानवरां करू बलिदान ते हास्स बलिदान मेरे लेझ केरते राए? 43 बल्के तुसेई एप्पू सेंड साथी मोलेक देवतेरी मूरती ते रिफान देवतेरे तारे छुझांत घ्लते थियो, एना तैना मूरतिन ज़ैन कां तुस मथ्यो टेकते थियो, एल्हेरेलेड अवं तुसन बाबेले करां भी दूर बसेलो।’’ 44 ‘‘सुनसान ठारी मां इश्शे दादान पडदादान कां गवाहोरो तेन्व थियो, परमेशरे ते ठहराव ते तैनी मूसा सेंड ज़ोवं, ज़ेन्वरे तीं लोरुए तैसेरे मुताबिक बना। 45 बड़े सालाना बाद तोए तेम्हु इश्शे दावे-पडदादेई यहोशु सेंड साथी इडी आनो, ज़ैस वक्ते तैनेई गैर कौमान पुड़ अधिकार हासिल कियो, ज़ैना परमेशरे इश्शे दावे-पडदादां केरे सामने कढे, ते तै तेम्हु दाऊद राज्ञेरे वक्ते तगर राव। 46 दाऊदे पुढ़ परमेशरे अनुग्रह कियो, ते तैनी मिनान की, कि अवं याकूबेरो परमेशरेरे लेझ अक घर बनाई। 47 पन तैसेरो मट्टु सुलैमाने तैसेरेलेड मन्दर बनाव। 48 पन परमप्रधान परमेशर हथ्यां केरे बनेवरे मन्दरन मां न राए, ज़ेन्वरे यशायाह नेवेरे किताबी मां लिखोरुए, 49 प्रभु ज़ोते, स्वर्ग मेरो तख्ते, ते ज़मीन मेरे पांवां केरि चौकाए, तुस फिरी मेरे लेझ केरु ज़ेरु मन्दर बनाले? ते मेरे आराम केरनेरी ठार केरही ज़ेरी भोली? 50 कुन मीं एप्पू सैरी चीज़ीं नई बनेवी? 51 ‘‘हे ढीठ लोकव, तुस तैसेरी शुनीं ते मनीं न चाथ, तुस पवित्र आत्मारी हमेशा खलाफत केरतथ। ज़ेन्वरे तुशेश दावे-पडदादे केरते थियो, तुस भी तेन्वरे केरतथ। 52 नेबन मरां को तुशेश दावे-पडदादेई नई स्तेवरो? ज़ैनेई तैस एजेनेवाले मसीहेरे बारे मां ज़ोवं जै धर्मी आए, ते ज़ैखन मसीह अव ते तुसेई थोखे सेंड ते टूलुवेझांता मारो। 53 तुसन स्वर्गदूतन करां मूसोरे कानून त मैलै, पन तैस पुढ़ अमल न कियूं।’’ 54 ज़ैखन तैनेई एना गल्लां शुनी त यहूदी लीडर फुकोई जे, ते स्तिफनुसे जो दंत लगे चापने। 55 पन तैनी पवित्र आत्माई सेंड भोईतां अम्बरेरे पासे तक्क, ते तैनी परमेशरी महिमा ते यीशु परमेशरेरे देझने पासे खड़खडो लाव।

56 तैनी ज़ोवं, ‘‘हेरा, अवं स्वर्ग खुल्लू लाताई, ते मैनेरे मट्टे परमेशरेरे देझने पासे खड़खडो लाताई।’’ 57 एन शुन्ता तैना ज़ोरे सेंड चिन्डा मारने लगे, ते अक भोईतां सेंधेई तैस पुढ़ हमलो कियो। 58 ते तै दीलतां यश्शलेम नगर करां बेझर नीयो ते तैस जो घोड़ेई बाने लगे ते तै मारो, तैखन तैस पुढ़ दोष लाने बालैई अपने वोगे खोलतां शाऊल नवर्वे एककी मैन्हु कां रेखतां छ्हु। 59 ते ज़ैखन तैना स्तिफनुसे जो घोड़ेई बाने लगागोरो थियो, ते तै स्तिफनुसे इन ज़ोझांतां प्रार्थना केरने लगो, ‘‘हे प्रभु यीशु, मेरी आत्मा कबूल केर। 60 फिरी तैनी ज़ैंधु केरे भरे बिश्तां ज़ोरे सेंड ज़ोवं, ‘‘हे प्रभु एन इस पापेरो दोषी न बनेझांय।’’ एन ज़ोनेरा पत्ती तैनी प्राण दित्त।

**8 शाऊल तैसेरी मौती सेंड राजी थियो।** तैसेरे दिहाडे यश्शलेम नगरेरे

कलीसियाई पुड़ जुलम भोने लाव ते प्रेरितां केरे अलावा सारे लोक यहूदिया ते सामारियरे इलाकन मांजो तितर-बितर भोए। 2 किछ परमेशरेरे भक्त मैनेई स्तिफनुसे नेडांत देवतां छ्हु, ते तैसेरे मरने पुढ़ बड़ो शोग कियो। 3 पन शाऊल कलीसियाई सताने लारो थियो, ते तै घर-घर गातो थियो, ते विश्वासी मङ्दान ते कुआन्शन बेझरोवं धसीटतो थियो, ते कैद केरतां छुटतो थियो। 4 पन ज़ैना विश्वासी तितर-बितर भोते थिये तैना खुशखबरी शुनाते चले। 5 ते फिलिप्पुस सामरियाई एककी नगर मां गेझांत मसीहोरो प्रचार केरने लगो। 6 ज़ैना गल्लां तैन लोकेई फिलिप्पुसेरी करां शुनी, ते ज़ैना निशान तै हिरातो थियो, तैन हेरी-हेरी, तैनेई अक भोईतां मन लाव। 7 ज़ैखन फिलिप्पुसे हुक्म दितो, त बडे लोकन मरा भूतां चिन्डा मैरतां निस्सी जेआं, ते बडे लोक अधरंगी ते टौटी बेझ्झोइ जे। 8 ते तैन केरे वजाई सेंड नगरेरे बडे लोक खुश भोइजेइ। 9 शमोन नवर्वे एककी मैने सामरियाई नगर मां सारे लोक अपने जैदेवी सेंड हैरान कियोरे थियो, ते अपने आपे बहु खास मैन्हु बनातो थियो। 10 निक्के बडे सब तैसेरो पासे भोईतां ज़ोने लगो, ‘‘ए मैनू परमेशरेरी तै शक्ति जैस जो महान ज़ोतान।’’ 11 तैनी अपने जैदू सेंड बडे चिरेस देंते सब हैरान कियोरे थियो, एल्हेरेलेड तैना लोक तैसेरी बडी इज्जत केरते थियो। 12 पन ज़ैखन फिलिप्पुसे परमेशरेरे राज्ञेरे ते यीशु मसीहोरी खुशखबरी प्रचार की त लोकेई विश्वास कियो, ते मङ्दादे कुआनीरी बपतिस्मो नेवा। 13 तैखन शमोने भी फिलिप्पुसेरो प्रचारेरे पुढ़ विश्वास कियो, ते बपतिस्मो नेडांत फिलिप्पुसे सेंड साथी राने लगो ते तै बडे चमत्कार ते निशान हेरतां हैरान रेड जेव। 14 ज़ैखन यश्शलेम नगरे मां प्रेरितेई शुनू कि सामरियायो लोकेई परमेशरेरे बच्चन कबूल कियोरुए ते तैनेई परतस त यूहन्ना तैन कां भेजो। 15 ज़ैखन तैनी पुजे तै तैनेई तैन लोकां केरे लेझ इप्राथना की, कि एन पुढ़ पवित्र आत्मा उतरे। 16 एल्हेरेलेड कि तैन पुढ़ पवित्र आत्मा हैजू न थी उत्तरोरी, तैनेई सिफ्र प्रभु यीशु मसीहोरे नव्वे सेंड बपतिस्मो निहीयोरो थियो। 17 तैखन यूहन्ना ते पतरसे तैन पुढ़ हथ रेखतां प्रार्थना की, ते तैन भी पवित्र आत्मा उतरी। 18 ज़ैखन शमोने हेरु कि प्रेरितां केरे हथ रखने सेंड पवित्र आत्मा उतरते, त शमोने पेंडेसे एन्तां प्रेरितन कां पैश कियो। 19 ते शमोन ज़ोने लगो, ‘‘मीं भी शक्ति देख, कि अवं भी ज़ैस पुढ़ हथ रेख्यी तै तैस पुढ़ पवित्र आत्मा उतरे।’’ 20 पतरसे तैस सेंड ज़ोवं, ‘‘तेरे पेंडेसी तीं सेंड साथी गर्क भोन, किजोकि तू पेंडेसन सेंड परमेशरेरे दान धिनू चातस।’’ 21 एस सेवाई मां तेरो कोई भी हिस्सो नई किजोकि तेरो मन परमेशरे कां साफ नई। 22 तू अपनि इस बुरैई करां मनफिरा, ते प्रभु कां प्रार्थना केर, शैद्ध प्रभु तेरी इस बुरे खियाले माफ केरे। 23 मनफिरा अवं हेरताई कि तू बडे जलनी ते पापेरी गुतीयी मां आस।’’ 24 तैखन शमोने जुवाब दितो, ‘‘मेरे लेझ प्रभु कां प्रार्थना केरा, कि जैन किछ तुसेई जोरुए, तैन मीं पुड़ न एज्जे।’’ 25 ते पतरसे ते यूहन्ना गवाही देझांतो ते प्रभु यीशुए वरन शुनेझांतां यश्शलेम नगरे मां वापस आए, ते एड्डे बारे सामरी लोकां केरे बडे ड्लोव्वन मां खुशखबरी शुनाई। 26 फिरी एस भोवं कि परमेशरे एककी स्वर्गदूतेरे फिलिप्पुसे सेंड ज़ोवं, ‘‘उठ ते दक्षिणेरे बत्तां गां, ज़ै यश्शलेम नगरेंगां गां नारे जो गातीए। इरेगिस्तानी बत आए।’’ 27 तै उठो ते चलो जेव, ते बत्ती मां तैस अक कूश मुलखेरो खोजो मैल्लो, ज़ै कूशी केरि रानी कन्दाकारो खज़ानी थियो, तै आराधना केरने यश्शलेम नगरे मां ओरो

थियो। 28 तै अपने रथे पुड़ चेद्रतां अपने मुलखे जो वापस ओरो थियो, ते यशायाह नेबेरी किताब जारि-जोरे सेइं पढ़ने लगोरो थियो। 29 पवित्र आत्मा फिलिप्पुसे सेइं ज़ोर, “नेडे गेहतां रथ सेइं साथी चला।” 30 फिलिप्पुस देवड़तां रथे कां नेडे पुजो, त तैस करां यशायाह नेबेरी किताब पढ़ती शुनी, ते तैस पुच्छ, “तू जैन पढ़ने लारोस कुन तैन समझतस?” 31 तैनी ज़ोर, “जां तगर कोई मीं न समझाए त अवं केन्वरे सेमझी?” ते तैनी फिलिप्पुसे कां मिनत की, कि एई रथे पुड़ बिश। 32 पवित्रशास्त्रे मरा जैन तै पढ़ने लगोरो थियो, त तैन इन थियूं, “तैनेडे तै भैद्रारो जेरो मारने जो नीयो, जेन्वरे गबड़ अपनी उन्ना बरथाने बालां केरे सामने चुप राते, तेन्वरे तैनी भी अपनू आरी न खोल्लू।” 33 तै घटया समझूजे जैव ते तैस कोई इन्साफ न मैल्लो, ते कोई भी तैसेरे वंशरे बारे मां न ज़ोई सके, किजोकि धेरती पुड़ तैसेरे वंश भोने करां तैस मारतन। 34 खोजे फिलिप्पुसे पुच्छ, “अवं तीं कां मिनत केरतां, मीं सेइं ज़ो कि ए नबी कसेरे बारे मां ज़ोते, अपने या होरि केन्वरे बारे मां ज़ोते?” 35 तैखन फिलिप्पुसे जौनू शुरु कियूं, तैनी पवित्रशास्त्रे करां शुरु करतां यीशुरो खुशखबरी शुनाई। खोजे तैना गल्लां शुनी ते विश्वास कियो। 36 बत्ता चलते-चलते तैना एक्का तालाबे कां पुजो, तैखन खोजे ज़ोर, “इडी तालाब आए, हुनी मीं बपतिस्मो नेने करां कौन रोकी सकते?” 37 फिलिप्पुसे ज़ोर, “अगर तू पूरे दिले सेइं विश्वास केरतास त बपतिस्मो नेही सकतस,” तैनी जुवाब दित्तो, “अवं विश्वास केरताई कि यीशु ही परमेश्वरू मढ़ाए।” 38 फिरी तैनी रथ रोकनेरे लेड हुक्म दित्तो, ते खोजे ते फिलिप्पुस दुख्ये तालाबे मां ज़, ते फिलिप्पुसे तैस बपतिस्मो दित्तो 39 जैखन तैना पैनी मरां बेदर निस्से त प्रभुभेरी पवित्र आत्मा फिलिप्पुस तैदून नेव, ते खोजे ते फिरी न लाव, परमेश्वरे ते बद्धाव ते तै बड़ी खुशी सेइं वापस अपने मुलखे जो जेव। 40 ते फिलिप्पुस अश्वेद यामेइ निसतो चलतो सारे इलाव्वन मां खुशखबरी शुनातो कैसरिया मां पुजो।

**9** शाऊल प्रभुभेरे चेलन धमकने ते मारने मां मधन थियो, ते तै महायाजके कां जेव। 2 ते तैस करां दमिश्क नगरेरे प्रार्थना घरां केरे लेइ चिट्ठी मेंगी, कि चाए कोई मङ्गद भोए या कुआन्श जै यीशु पत्ती चलने बालो भोए, तैस ट्लेइतां यस्शलेम नगरे मां आने। 3 जैखन तै चलते-चलतो दमिश्क नगरेरे नेडे पुजो, त अचानक अम्बवेरां लौ आई ते तैसेरे चेवे पासन चमकने लगी। 4 ते शाऊल जमीनी पुड़ खिरको, ते तैस प्रभुभेरी आवाज आई, “हे शाऊल, हे शाऊल तू मीं किजो स्तातास?” 5 शाऊले एन पुच्छ, “हे प्रभु, तू कौन आस?” तैनी ज़ोर, “अवं यीशु आई, जैस तू स्तातास।” 6 हुनी उठ ते नगरे मां गा, तैडी तीं सेइं ज़ोर गालू, कि तीं कुन केरनाए। 7 जैना लोक तैस सेइं साथी थिये, तैना चुपचारे रेइजे, तैन आवाज त शुनोती थी, पन लेइहोतू किछ भी न थियू। 8 तैखन शाऊल जमीनी पुड़ खड़े उठो, त तैनी अपनि एछछी घैडी तै तैस किछ भी न लगू लेइहोने, ते तै तैसेरे सेथेई हथेरों ट्लेइतां दमिश्क नगरे मां पुजोव। 9 ते तैनी ट्लाई दिहाड़न तगर न लेई बटु, ते न तैनी किछ खाव ते पिव। 10 दमिश्क नगरे मां यीशुएरो अक चेलो रातो थियो, प्रभु यीशुए तैस दर्शन देइतां ज़ोर, “हे हनन्याह!” तैनी ज़ोर, “हाँ प्रभु ज़ो!” 11 तैखन प्रभुए तैस जो ज़ोर, “उस गेली मां गा जैस जो “सिद्धी” ज़ोतन, ते यूदारे घेरे गा तेडी शाऊल नव्वरो अक मैनूज, जै तरसुस नगरोरे रानेबालोए, तू तैसेरे बारे मां पुछां, किजोकि देगा तै प्रार्थना केरे लोरोए। 12 तैनी हनन्याह नव्वरो अक मैन्हु अन्तर एइतो लाव, ते एप्पु पुड़ हथ रखतो लाहोरोए कि तै अपनि एछछेई सेइं फिरी लाए।” 13 हनन्याह जुवाब दित्तो, “हे प्रभु, मीं एस मैनेरे बारे मां लोकन करां बेड़ि गल्लां केरती शुनोरिन, ते एन भी कि एनी तेरे लोकन सेइं यस्शलेम नगरे मां कुन-कुन बुरु कियोरुए। 14 एस प्रधान याजकन करां अधिकार मैलोरोए, कि इडी भी जैना लोक तीं पुड़ विश्वास केरतन, तैन गिरपत्तार केरतां यस्शलेम नगरे जो नै।” 15 पन प्रभुए तैस सेइं ज़ोर, “तू गा किजोकि मीं तै मैन्हु दुशोरोए, कि तै गैर कीमन, राज्ञन, ते इसाएले लोकन मेरे बारे मां प्रचार केरे, ते तै मीं चुनोरोए कि तै मेरी सेवा केरे। 16 ते अवं तैस ज़ोइलो, लोकन मेरे बारे मां ज़ोनेरे वजाई तैस किट्रे-किट्रे

दुःख झूलनो पेनोए।” 17 तैखन हनन्याह तैस घरे मां जेव, ज़ैडी शाऊल थियो, ते तैस पुड़ हथ रेखतां ज़ोव, “हे द्ला शाऊल, प्रभु, मतलब यीशु, जैस बत्ता तू औरोस ते तीं लेइहोरो थियो, तैनो अवं भेजोरोइ, कि तू फिरी लास ते पवित्र आत्माई सेइं भेरोस।” 18 ते तैखन तैसेरे एछछन मरा जैरां शेकड़ां झाड़ां ते तै लहने लगो, ते खड़े उठतां बपतिस्मो नीयो। 19 ते किछ रोट्टी खेड्रां तैस हिमत आई, ते किछ दिहाड़े तै चेलन सेइं साथी दमिश्क नगरे मां राव। 20 तैसेरां बाद अकदम तै दिमश्क नगरेरे प्रार्थना घरन मां प्रचार केरने लगो, कि यीशु परमेश्वरू मढ़ाए। 21 सब शुने बाले हैरान भोइतां ज़ोने लगो, “कुन ई तैए मैन्हु नर्ह, जै यीशुश्लेम नगरे मां जैना यीशु मसीह पुड़ विश्वास केरते थिये मारनो थियो? ते इडी भी एलरेलेह औरो थियो, कि एन लोकन ट्लेइतां प्रधान याजकां केरे हवाले केरे?” 22 पन एसेरां बाद शाऊल होरी भी शेक्कि सेइं प्रचार केरतो राव, ते एस गल्लरू सबूत देड-देड कि यीशु ही मसीहे, दमिश्क नगरेरे रानेबालां यहूदी केरु आशी बंद केरतो राव। 23 जैखन शाऊले दमिश्के मां बड़ो वक्त बीतो त यहूदई मिलतां तैस मारनेरो मुशोरो कियो। 24 पन शाऊले एस गल्लरो पतो लगो, तैना तैस मारनेरे लेइ रात दिहैडी दासन पुड़ रहते थिये। 25 पन राती तैसेरे चेलई तै टोकरे मां रख्खो, ते नगरेरे दुवारी पुड़ रस्से सेइं टोकरी मां ओसैलतां बुन पुजाव। 26 जैखन शाऊल यरुशलेम नगरे मां पुजो तै तैनी चेलन सेइं मिलनेरो इंतजाम कियो, पन सब तैस करां डरते थी कि तै भी चेलोए। 27 पन बरनावासे शाऊल एप्पु सेइं साथी प्रेरितन कां आनो ते तैन ज़ोर, कि केन्वरे दमिश्क नगरेरे बत्तां चलते-चलते एस गल्लरू यीशु लेइहोरोए, ते प्रभुए एस सेइं गल्लां कियोरेन, ते एनी केत्रे दिलेरी सेइं दमिश्क नगरे मां यीशुएरे नव्वरो प्रचार कियोरोए। 28 प्रेरितई बरनावासेरी गल्लां केरो विश्वास कियो, ते शाऊल तैन सेइं साथी राव, ते यरुशलेम नगरे मां गातो राव। 29 ते यूनानी भाषा केरनेबाले यहूदन सेइं भी गलबात केरतो थियो, दिलेर भोइतां प्रभुयुरो प्रचार केरतो थियो, पन तैना तैस मारनेरी कोशिश मां रहते थी। 30 एलरेलेड विश्वासी द्लाई ई तै कैसरिया नगरे मांजो नीयो, ते तैदून तरसुसे नगरे जो भेजो। 31 त सारे यहूदिया इलाके मां ते गलील इलाके ते सामरिया इलाकेरी कलीसियन मां चैन भोव, ते तरक्की भोती जेई, ते तै प्रभुए डरे मां ते पवित्र आत्मारे शैन्ति मां चलती ते बड़े लोकई यीशु मसीह पुड़ विश्वास कियो। 32 फिरी एह भोव कि पतरस सारे इलाके मां हंठतो फिरो, ते तैन पवित्र लोकन साथी भी पुजो, जैना लुद्दा नगरे मां रहते थियो। 33 त तैस तैडी एनियास नव्वरो अक मैन्हु मैल्लो, तैस अधरंग थियो, ते अठे सालां केरो देंगो खट्टी पुड़ राहोरो थियो। 34 पतरसे तैस जो ज़ोर, “हे एनियास! यीशु मसीह तीं बज्जाते, उठ अपनू बच्छान खडू केर,” तैखने तै बेज़जोइतां खड़ा भोव। 35 तैखन लुद्दा नगरेरे ते शारनेरे राने बालेई एन हेरतां प्रभु यीशु पुड़ विश्वास कियो। 36 याफा नगरे मां अक कुआन्श थी, जैसारू नवं तबीता थियूं (यूनानी भाषाई दैहाड़न सेइरु दोरकास थियूं, जैसेरो मतलब हिस्सी) ते विश्वासी थी, ते रोड़ां-रोड़ां कम्मां केरती ते गरीबों केरि मद्दत केरती थी। 37 तैनी दिहाड़न मां जैसास पतरस लुद्दा मां थियो, तै बिमार भोइतां मेरी जेई, ते तैसारी लाश नेइतां दोपरे कमरे मां रख्खोरी थी। 38 लुद्दा याफारे नेडे थियूं, ते जैखन चेलई शूनू कि पतरस लुद्दा मां आए, त दूर्घ मैन्हु भेजतां मिनत की, “कि असन का एजने मां ठढ न ला।” 39 तैखन पतरस तैन सेइं साथी चलो ज़ोर, ते जैखन तैडी पुजो तै तै बां तैस कमरे मां नीयो, सैरी विधाकी कुआन्शों लेरा देती थी, ते तैस इलखमेइ खेड़ी थी, ते तैना लिंगड़ां जैना दोरकास सियोरां थियां हिराने लेगि। 40 पतरसे तैना सब बेइरेवं कढे, ते एप्पु ज़ैधू केरे भारे प्रार्थना केरने लगो, फिरी तैनी लाशारे पासे तुनर फेरेटां ज़ोर, “हे तबीता, उठ!” तैखन तैसां अपनि एछछी खोल्ली, ते पतरसे तेकतां खड़ी भोइ। 41 पतरसे हथेरों ट्लेइतां खड़ी की, ते विश्वासी ते विधाकी कुआन्शों कुजेइतां ज़ीती ते होशी मां तैन केरे सुपुर्द की। 42 एस गल्लरी खबर सारे याफा नगरे मां फैली जेई, ते बड़े लोकई प्रभु यीशु पुड़ विश्वास कियो। 43 पतरस किछ चिरे तैगर कां राव, जै चमड़ेरु कम केरतो थियो।

कैसरिया नगरे मां अक मैन्हु थियो, तैसेरु नवं कुरनेलियुस थियुं, ते तै परमेश्वरे सारे लोक परमेश्वरे कारं डरने बाले थिये, कुरनेलियुस यहूदी लोकन बडू दान देतो थियो, ते परमेश्वरे कां लगातार प्रार्थना केरतो रातो थियो । 3 एककी दिहाडे कुरनेलियुस दीसां अक रोडे चारे दरशन हेउ, परमेश्वरो अक स्वर्गदूत तैस कां अव, ते जोने लगो, “हे कुरनेलियुस ।” 4 तैनी तै रोडे-चारे लाव ते डेरतां ज्ञावं, “हे मालिक कुने?” तैनी तैस सेंड ज्ञावं, “तेरी प्रार्थना ते तेरु दान यादवेरयर लेडे परमेश्वरे कां पुजेऱु आए । 5 हुनी तू मैन्हु याफा नगरे मां भेजतां तैस मैन्हु ज्ञेसेरु नवं शमैन पतरसे अपने घेरे कुजा । 6 ते शमैनेरे घेरे बिश्वेरो थियो, ज्ञै चमड़े कम केरनेबालो थियो, ज्ञेसेरु घर समुद्रे बने ।” 7 जैखन स्वर्गदूत एना गल्ला केरतां चलो जेव, त कुरनेलियुस अपने दूर्ह सेवकन ते अपने सिधेहिन मरां अक भक्त सिपाही कुजाव । 8 ते तैनी सारो बिस्तार ज्ञोइतां याफा नगरे जो भेजे, कि पतरसे कुजान । 9 होरसां जैखन तैना भेजोरे लोक चलतो-चलते नगर नेडे पुजे । तै दुपारहाने केरो वर्क थियो, तैस वर्क पतरस बा छती पुडु प्रार्थना केरने लावरा थियो । 10 तैस द्लुख लग्गी ते तै किछ खानू चातो थियो, पन जैखन मैन्हु रोटी बनाने लगे ते तैस बेहोशी जेरि भोइजेइ । 11 ते तैनी हेसु कि अम्बर खुल्लाए, ते अक चादर लाई ज्ञै चेवे कूना टेंगोरी अम्बरेरे पासेरा उन्डी ज्मीनेरे पासे ओरी । 12 जैस मां ज्मीनेरे सारे जानवर ते पेटेरे भारे चलने बाले जन्तु ते अम्बरेरां चुडोलू तैस चादरी मां थियां । 13 तैखन अक आवाज आई, “हे पतरस, उठ ते मार ते खा ।” 14 पन पतरसे जुवाब दितो, “नई प्रभु, कथे नई, किजोकि मीं अज तगर कोई अपवित्र ते भिट्टी चीज नई खोरी ।” 15 फिरी दुपायेवं बार तैनी आवाज़ शुनी, “जैन किछ परमेश्वरे शुद्ध कियोरु, तू तैस जो भिटू न जो ।” 16 ट्लैडे बार ए आवाज आई, ते फिरी तै चादर अम्बरेरे पासे चली जेइ । 17 पतरस दिले मां सोचने लग्गोरी थियो, कि एस दृश्येरो कुन मतलब भोड सकते, जैन अज मीं लाव, एत्रे मां कुरनेलियुसेरे भेजोरे मैन्हु शमैनेरे घर तोपते-तोपते दारे मां पुजे । 18 तैनई हक देइतां पुच्छू, “शमैन जैस जो पतरस ज्ञोतन इडी तुशें कां आए?” 19 हेजू परारस दर्शनेरे बारे मां सोचने लागोरो थियो, त पवित्र आत्मा तैस जो ज्ञावं, “शमैन, हेर ट्लैडे मैन्हु तीं पुच्छने लगोरेन । 20 खडो उठ ते बुन गा, तैन सेंड साथी गाने करां न डेरा, किजोकि तैना मीं भेजोरेन ।” 21 पतरस बुन अव, ते तैन मैन्हु सेंड जोने लगो, “जैस मैन्हु तुस तोपने लागोरेथ तै अवं आई, ते तुस किजो ओरेथ?” 22 तैनई जुवाब दितो, “असां कुरनेलियुस सूबेदारे ज्ञै थर्मी ते परमेश्वरे करां डरने बालोए, ते सारे यहूदी तैसेरी तारीफ केरनन, एकके पवित्र स्वर्गदूत तैस जो ज्ञोरु, तू शमैन पतरसे अपने घेरे कुजेइतां तैसेरी गल्लां शुना ।” 23 तैखन पतरसे तैना अन्तर कुजाए, ते तैन केरि खातदारी की । होरसां पतरस तैन सेंड साथी चलो जेव, ते याफा नारेरे काई डलान मरां किछ तैस सेंड साथी चलो जे । 24 एपी दिहाडे तैना कैसरिया नगरे मां पुजे, कुरनेलियुस अपने रिशतेदान ते अपने दोस्तन अकोटे केरतां तैन बलगने लाव । 25 पतरस जैखन कुरनेलियुसेरे घेरे पुजो, त कुरनेलियुसेरे तैसेरी बडी आदर खातारी सेंड इज्जत की, ते क्रोडी पव्वन का रेखतां तैस कां मथो टेको । 26 पन पतरसे तै खडो कियो ते ज्ञावं, “खडो भो किजोकि अवं भी त अक मैन्हु आई ।” 27 फिरी तै कुरनेलियुस सेंड गल्ला केरतो अन्तर जेव, तैडी बडे लाक अकोटे विश्वेरो लेडां, 28 तैस सेंड ज्ञावं, “तुसन पत्तोए इश्शो यहूदी केरे लेइ गेर कोमी सेंड मिल्नु जुलनु कानूनेरे खलाफे, पन परमेश्वरे मीं सेंड ज्ञोरु कि अवं केन्वी मैन्हु जो अपवित्र या भिट्टी ज्ञोई । 29 एल्होरेलेइ तुसेई अवं कुजाव त अवं चुप्पारे चलो अव । हुनी अवं तुसन पुछ्ताई कि तुसेई अवं किजो कुजेवरोई?” 30 कुरनेलियुसेरे ज्ञावं, “अवं ज्ञेवे दिहाडा पेइले अपने घेरे मां इस मौके कोई ट्लैड बजेउ प्रार्थना लोरो थियो केरने, त अचानक अक मैन्हु चमकतां लिगडां लागोरो मेरे तुरेर अगर खडो भोव । 31 ते जोने लगो, हे कुरनेलियुस, तेरी प्रार्थना परमेश्वरे शुनोरीए ते तेरु दान भी कबूल कियोरु । 32 एल्होरेलेइ को-न्वी याफा नगरे मां भेजतां शमैन जैस जो पतरस ज्ञोतन, कुजा । ते शमैनेरे कां ज्ञै चमड़ेरु कम केरनेबालो, ते समुद्रे बने रहते । (जैखन तै एजेलो तै परमेश्वरे बारे

मां ज्ञोलो) 33 तैखन मीं मैन्हु भेजे, ते तीं बडू रोडू कियूं कि तू अव । हुनी अस परमेश्वरे सामनेम, ताके जैन किछ परमेश्वरे ज्ञौरै तैन शुनमा!” 34 तैखन पतरस ज्ञाने लगो, हुनी मीं याकीन भोव, कि परमेश्वर केन्वरो तरफदार नई । 35 बल्के हर कौमी मरां ज्ञै परमेश्वरे करां डरते ते रोडा कम्मा केरते परमेश्वर तैस कबूल केरते । 36 इसाएली लोका केरे लेइ परमेश्वरे भेजोरे सन्देशरे बारे मां तुसन पतो आए । परमेश्वरे यीशु मसीहेरे ज़िरिये सेंड जै सेढ्बी केरो प्रभु शैनतरी खुशबूबरी शुनाई । 37 यूहन्नारे बपतिस्मेरो प्रचार केरने करां लेइतां गलील इलाके करां शुरू भोइता सारे यहूदिया इलाके मां कुन-कुन भोवं, तुस भी ज्ञानतथ । 38 कन्वरे प्रभु यीशु नासरी पवित्र आत्माई सेंड ते शक्ति सेंड अभिषेक कियूं ते तै लोकां केरू भलू केरतो राव, तैनी सब जैना शैतानेरे जाले मां फासोरे थिये, तैना छुटाए, किजोकि परमेश्वर तैस सेंड साथी थियो । 39 तैनी जैन किछ यहूदी केरे मुलखे मां ते यस्तलेम नगरे मां कमाव, असां तैसेरे गवाह आम, ते तै एयहूदी लीडरेर्इ यस्तलेमे मां क्रूसे पुड़ टेंडेइतां माराव । 40 परमेश्वरे तैए ट्लैड्यावं दिहाडे फिरी जींतो केरतां हिराव । 41 तै सैरी लोकेइ नई बल्के गवाहैइ लाव, जैना परमेश्वरे पेइले चुनतां रख्येरे थिये, यानी असां जैनई तैसेरे मुद्ददन मरां जींती भोनेसां बाद तैस सेंड साथी रोटी खोरीए । 42 ते तैनी असन हुक्म दितो कि लोकन मां प्रचार केरम ते गवाही देम, कि इं तै एयहूदे परमेश्वरे जींती ते फटरां केरो हाकिम भोए । 43 सारे नवी तैसेरे बारे मां गवाही देतन, कि जै कोई तैस पुड़ विश्वास केरेतो तैस तैसेरे नंबे सेंड पापां केरि माफ्नी मैले । 44 पतरस हेजू एन ज़ोंतो थियो, त पवित्र आत्मा तैन पुड़ उतरी, जैना बच्चन शुन्ने लगे थिये । 45 ते जैत्रे यहूदी विश्वासी पतरसे सेंड साथी ओरे थी, तैना सब हैरान भोए कि गैर कौमन पुड़ भी पवित्र आत्मा उत्तरोरीए । 46 किजोकि तैनई तैना किसमे-किसमेरी भाषां केरते, ते परमेश्वरी तारीफ केरते शुनोरी थिये, तैखन पतरसे ज्ञावं । 47 “जैन्वरे परमेश्वरे असन पवित्र आत्मा दित्तोरीए तेन्वरे तैन भी दित्तोरीए, कुन कोई एन मैन्हु पैनेरो बपतिस्मो नेने करां रोकी सकते?” 48 एल्होरेलेइ पतरसे हुक्म दितो, कि एन लोकन यीशु मसीहेरे नंबे सेंड बपतिस्मो देथ, तैखन तैनई पतरसे कां मिनत की, कि किछ दिहाडे असन कां हेजू बिश ।

**11** यहूदिया मां रानेबाले प्रेरितेइ ते विश्वासी द्लाईए ए खबर शुनी, कि गैर यहूदैइ भी परमेश्वरे बच्चन कबूल कियूं । 2 ते जैखन पतरस वापस यस्तलेम नगरे मां अव, त यहूदी विश्वासी लोक तैस सेंड बैंस केरने लगे । 3 “तू गैर कौमां केरे घेरे जेव, ते तैन सेंड साथी बिशतां रोटी भी खाइ ।” 4 पतरसे तैन सेंड सारो बिस्तार पत्रां देतो ते आखिरी तगर एन्नरे शुनाव, कि कुरनियुसेरे घेरे कुन भोवं । 5 “अवं याफा नगर मां प्रार्थना केरन मां मधन थियो, त मीं किछ बेहोशी जेरि भोड़ेजेइ, ते मीं अक दर्शन लाव, ते अक चादर जेरि चेवे कूना टेंगोइतां अम्बरेरा पासेरा उन्डी इडां मां तीं तगर पुजी । 6 अव तैस मां तकेने लगो त कुन हेताई कि, तैस मां ज्मीनेरे सारे चेवे ज्ञेइ चलने बाले जानवर ते पेटेरे भारे चलने बाले जीप ते अम्बरे मां उडरने बालों चुड़ीलू थियां । 7 तैखन मींजेइ अक आवाज़ आई, ज्ञै जोने लगी, हैं पतरस खडो उठ ते तैन मार ते खा ।” 8 मीं जुवाब दितो, प्रभु नई, किजोकि मीं अज तगर कोई भी अपवित्र या भिट्टी चीज नई खोरी । 9 एसेरे जुवाब मां अम्बरेरां होरि आवाज़ आई, “जैन किछ परमेश्वरे पवित्र बनेवारी, तू तैस जो भिटू न जो ।” 10 ए आवाज़ ट्लैडे बार आई, ते फिरी तै चादर अम्बरेरा पासे चिंचोइतां चली जेइ । 11 ठीक तैसे मौके ट्लैडे मैन्हु जैना केसरिया नारेरे मारा कुरनेलियुसेरे मीं कां भेजते थिये, तैस घेरे कां सामने खड़े भोए, ज्ञैती अवं थियो । 12 तैखन पवित्र आत्मा मीं सेंड ज्ञीवं, बेधडक चारे एन सेंड साथी गा, एना 6 ढला भी मीं सेंड साथी आए, ते असा तैस मैनेरे घेरे जे । 13 तैनी असन सेंड ज्ञावं, कि केन्वरे सेंड तैनी अक स्वर्गदूत घेरे लाव ते जोने लगो, याफा मां केन्वी मैन्हु भेजतां शमैन जैस जो पतरस ज्ञोतन, तैस अपने घेरे कुजा । 14 तै इडां तीं अक एरो बिस्तार देलो, जैसेरे जोने सेंड तेरी खानदानेरे सारे मैन्हु परमेश्वर मुक्ति देलो । 15 जैखन मीं तैडी गेइतां तैन सेंड गल्ला शुरू की, त पवित्र आत्मा तैन पुड़ उतरी, जैन्वरे पेइले असन पुड़ उत्तरोरी थी । 16

तैखन मां प्रभुपुरुष तैन वचन याद आऊं, जैन तैने जोवरो थियूं कि यूहन्ना त ऐनी सेइं बपतिस्मो दितो, पन तुसन पवित्र आत्माई सेइं बपतिस्मो मैलैलो। 17 बस्सा आगर परमेश्वरे तैन भी तैैं तोफो दितो, जै असन परम्परा यीशु यसीह पुढ विश्वास केसे सेइं मैलौ, त अवं कौन भोताई कि परमेश्वरे रोकी?" 18 जैखन यहूदी विश्वासी लोकेई एन शुन तु चप रेझे, "ते परमेश्वरी तारीफ़ केसे लगे, तां त सज्जे कि परमेश्वरे गैर कौमन भी पापन करां मन फिरेइतां यीशु पुड विश्वास करेतां हमेशारी जिन्दारी हासिल करेनरो तोफो दितोरोए।" 19 त तैना लोक जैना तैस दुखेरे मारे जै स्तिफुन्सेसे मौतरे वर्ते शुरु भोरो थियो, तितर-वितर भोडेझे, ते चलते-चलते फीनीके इलाके ते साइप्रस ते अन्ताकिया नगरे तगर पुज़ो, पन तैना यहूदी केरे अलावा होरन परमेश्वरू वचन न थिये शुनाते। 20 पन तैन मरा किछ साइप्रसेरे रानेबाले ते किछ कुरेनरे रानेबाल थिये, जैना अन्ताकिया नगरे मां एइतां यूनानी लोकन भी प्रभु यीशु मसीहेरी खुशखबरी शुनाने लगे। 21 ते प्रभुएरी शक्ति तैन पुढ थी, ते बडे गैर कौमेरो लोकेई तैन केसे सनदेशे पुड विश्वास कियो, ते प्रभु यीशु पुड भरोसे केरनो शुरु कियो। 22 तैखन तैन केरि खबर यरूशलैम नगरेर कलीसियारे लोकन तगर पुज़ी, ते तैनेहै बरनबास अन्ताकिया नगरे जो भेजो। 23 तै तैडी पुज़तां, ते परमेश्वरो अनुग्रह हेरतां बडो खुशी भोव, ते तैन ए गल जोई कि अपने तने मने सेइं प्रभु सेइं लिपटोरे रान। 24 बरनबास अक रोडी मैन्हू थियो, तै पवित्र आत्माई ते विश्वासे सेइं भरपूर थियो, ते बडे लोक प्रभु मां आए। 25 तैखन बरनबास अन्ताकिया नगर शैरतां शाऊले तोपने तरसुस नगरे जो चलो जेव। 26 तैनी शाऊल तोपां अन्ताकिया नगरे मां आनो, तैडी तैना एक्की साले तगर दुडेये जन्हे कलीसियाई मां लोकन प्रभु यीशुएरी शिक्षा देते राए, ते लोक चैलन जो सेव्भन करां पेले अन्ताकिया नगरे मां मसीही जोने लगे। 27 तैने दिहाड़न मां किछ विश्वासी जैन नबी थिये, यरूशलैम नगरेरां अन्ताकिया नगरे मां आए। 28 तैन मरा अक नबी जेसेरु नवं अगबुस थियू खडे भोइतां ते पवित्र आत्मारे जोने सेइं एन जोने लगो, कि सैरी दुनियाई मां अक बडो काल पेनोए। ए काल क्लैंडियुस हाकिमेरे वर्ते पेव। 29 तैलैहेरेलै चेरेलै फैसलो कियो कि, असन मरा हर कोई अपनि-अपनि हैसयतरे मुताबिक किछ दान देथ, तके यहदिया इलाके मां रानेबाले मसीही ढाला केरि मदह भोइसखे। 30 बस्सा तैनेहै किछ रकम अकोट्टी की ते बरनबास ते शाऊलेरे हथ्ये यरूशलैम नगरेरे बुजुर्गन कांजो भेजी।

**12** तैसे वक्ते मां होरेदेस राजो कलीसियरे किछ मैनून दुःख देने लेइ तैना टलाने शुरू कीए। 2 ते यूहन्ना प्रेरितो ढला याकूब तलवारी सेइं मराव। 3 ज़ैखन तैनी हेले कि यूहन्नन ए गल बड़ी खुशी एई, त तैन दिहाड़न मां पतरस भी टलावा तैना दिहैड़ी अखमीरी रोहरी तिहारेरी थी। 4 ते तैस ट्लानेरां बाद होरेदेस तै कैदखाने मां छह्हो, ते तैसेरी निगरेस्तो लेइ चेवे टोली बाईङ्ग, हर टोली चेव-चेव सिपाही केरि थी, होरेदेसेरो खियाल थियो कि फ़सह तिहारेरो बाद तै कैदे मरां केदतां लोकां केरे सामने वैश केरे। 5 कैदखाने मां पतरस बड़े दिहाड़न तगर पेरेहे मां थियो, पन सारी कलीसिया तैसेरेलेइ परमेशरे कां प्रार्थना केरने लोगोरी थी। 6 देरेदेसे, पतरस लोकां केरे सामने आने करां पेल्ले अक रात ज़ैखन पतरस दूर्घ पहरेदारां केरे मझाटे बंधेरो झुल्लोरो थियो, ते सिपाही कैदखानेरे डेवली पुड़ पैरहो देंते थियो। 7 त अचानक परमेशरो स्वर्गदूत कैदखाने मां अब, ते सारो कैदखाने ट्लकड़ो भोइ जेव, स्वर्गदूते पतरसे खित्ती देतां बीँझाव ते जोवं, “उठ, ते लूश केरा!” ते शंगलां पतरसेरो हथन सैन्हियेंरां खुल्ली जेई। 8 स्वर्गपूते पतरसे सेइं जोवं, “अपनू मज़ु बन्ध ते बूत ला!” पतरसे तैन्ने किर्धु ते फिरी जोवं, “अपनो चोगे ला ते मां पत्पती एई” 9 पतरस स्वर्गदूत पत्पती कैदखाने मरां बेइर अब, पन तैस ए पतो न थियो, कि स्वर्गदूत जैन केरने लगोरोए एन सच्चे या कोई दर्शन हेरने लगोरोइ। 10 तै दुड़ीयोवे पेरेहदारे करां बेइर निस्तां अब, ते लोहेरे फाटके कां पुजां, जे नगरेरे पासे खुलतो थियो, ते फाटक तैन केरे लेइ अपने आप खुल्लो, ते तैना तैन्नु निस्तां दूर पुज़े, स्वर्गदूत पतरसे तैड़ी

पुरुजांत गैड भोड जेव। 11 तैखन पतरस होशी मां अव, ते जोने लगो, “हुनी मीं पूरू याकीन भोंक, कि परमेश्वरे अपनो स्वर्गदूत भेजतां अवं हेरोदेसे हथ्ये मरां छुटाव, ते यहूदी लीडेर्ड जैन सोचेह थियूं, तैन बने न दितू।” 12 जैखन तै तै एस बारे मां सोचने लगोरो थियो, त मरियमेर घेरे पुजो, जै यूनाना जैस जो मरकुस जोते थिये तैसेरी अम्मा थी। तैडी बडे विश्वासी लोक अकोडे भोडतां प्रार्थना करने लगोरो थिये। 13 पतरसे बेइर दार गुडकावं त अक नौकरानी जैसारु नवं रुदे थियूं तै दार खोलने आई। 14 तैसां पतरसेरी गल शुनी ते तैसां गल पिशानी ते बागे दार खोलेरां दौवडी खुशी भोडतां आई, ते जोने लगी, पतरस बेइर दारे मां ओरोए। 15 तैना मैनू जोने लगो, “तू कुन पागल भोरिस।” पन जैखन तैसां रोडेचारे जोंव, कि तै पतरसे, त तैना जोने लगे “पतरस त नईं पन पतरसेरो स्वर्गदूत भोलो।” 16 ते पतरस बेइर दार गुडकातो राव, ते जैखन तैनैई दार खोल्लू त पतरस लेइतां हैरान रेइजे। 17 पतरसे तैन जो हथ्ये सेइ इशारो कियो, कि चुप राथ, ते फिरी अन्तर इदांतां सारो विस्तार शुनाव, कि अवं केन्व्ये परमेश्वरे कैदखाने मरां बेइर कढो, ते फिरी जोंव, “याकूबे त तैसेरे होरि मसीह ढलान भी पतो देइयथ।” ते एप्पु केन्व्यी होरि जगाई जो चलो जेव। 18 जैखन झोड़ा भोड त सिपेहिन एप्पु मोंडें खलबली मेचि जई, कि पतरस कोरां जेव। 19 जैखन हेरोदेसे तैस तोप्पनेरो हुक्म दितो त तैनी सिपेही केरू वियांन चिनेरां पत्ती तैन जो कलालेरो हुक्म दितो, ते पतरस यहूदिया इलाके मरां कैसरिया नगरे जो चलो जेव, ते किछ चिरे तगर तैडी राने लाव। 20 हेरोदेस सूर ते सैदारे नगरेरो लोकन पुड बडो नाराज थियो, तैखन तैना लोक मिलतां तैस कां आए, ते बलास्तुसे जै राजोरो खास मैनू थियो, मनेहतां मेल केन्मो चाव, किजोकि राजो एर मुलखोरा तैन केरे मुलुखो खर्वो मैलतो थियो। 21 तैखन तैनी अक दिहाडी ठुवहल्लू ते हेरोदेस राजो अपना राजेणां लिगडां लेइतां आदालतरे तखते पुड बिश्तां लोकन सेइं जोने लगो। 22 तैनैई जैखन शुनू त जोने लगे, “ए मैनू केरि आवाज़ नईं बल्के परमेश्वरी आवाज़।” 23 किजोकि हेरोदेसे परमेश्वरी तारीफ न की, तैलहेरेलेड तैस परमेश्वरे स्वर्गदूतरी एरी मार पैरै कि तैसेरी सैरी जानी कीडे लगो, ते तै मेति जेव। 24 पन परमेश्वरे बच्चन अग्रोवं बद्धुत जेव, ते विश्वासी लोकां केवि गिनती बद्धुती जई। 25 जैखन बरनबास ते शाऊल अपनि सेवा जै तैन केरे सुप्रद कियोरी थी, तैनैई पूरी की त अन्ताकिया नगरेरां यूस्तलेम नगरे जो वापस आए, ते यूहन्ना जैस जो मरकुस जोते थिये एप्प सेहं साथी आनो।

**13** अन्तिक्रिया नगरेरे कलीसियाई मां काई नबी ते गुरु थिये, मतलब बरनबास, शमौन जैस जो नीगर भी ज्ञातन, लूकीयुस कुरेनी, ते मनाहेम जै मुलखेरे व्हेवरोव हिसे पुड हाकिम थियो जै हेरोइदेसेरो दुद्ध ढला थियो, ते शाऊल थियो। 2 जैखन तैना बरत रेखतां प्रभुएरी आराधना केरने लगगेरो थिये, त पवित्र आत्मा तैन सेइं जोवं, “जैस सेवरे लेड बरनबास ते शाऊल मां कुजोरेन, तैसेरेलेड तैन अलग केरा।” 3 तैखन तैनेई बरत रेखतां प्रार्थना की, ते तैन पुड हथ रेखतां तैना परमेश्वरे कम्मेरे लेड भेजो। 4 शाऊल ते बरनबास पवित्र आत्मारी तरफां भेजोरे सिलूक्रिया नगरे जो जे, ते तैटून तैना जिहाजे पुड व्हेदांतां साइप्रस टैपू जो चले। 5 जैखन तैना सलमीसे मां पुजो, त तैडी तैना यहूदी केरे प्रार्थना घरे मां परमेश्वरू वचन शुनाव, ते यूहन्ना मरकुस भी तैन केरि मद्दत केरनेरे लेड तैडी थियो। 6 जैखन तैनेई सारे जजीरे ते नगरन-नगरन मां हंठु फिरु, त तैना पाफुसे नगरे मां पुजो, त तैन केरि मुलाकात एककी डैइनोडे यहूदी ते झूटे नेवी सेइं भोड, जैसेरु नवं बार-यीशु थियो। 7 तैटैरो हाकिम सिरगियुस, पौलुस सेइं साथी थियो, जै अक अक्लमद मैन्हु थियो, ते तैनी बरनबास ते शाऊल कुजाए ते परमेश्वरू वचन शुन्नू चाऊ। 8 पन एलीमास डैइनोडो (किजोकि तैसेरे नव्वेरो मतलब डैइनोडा ए) तैन केरि खलाफत केरने लगो, तैने हाकिम यीशु पुड विश्वास केरने करां रोकानो चाव। 9 तैखन शाऊल जेसेरु नवं पौलुस भी आए, पवित्र आत्माई सेइं भेरोइतां ध्याने सेइं एलीमास डैइनोडे पास तकने लगो, ते तैसे सेइं जोवं, 10 “हे शैतानेरे कोआ, तू हर किसमेरी पाखंडे सेइं ते च्लैकी

सेइं भरतस, ते नेकारो दुश्मन, कुन तू परमेशरी बत बगाडने करां बाज़ न एजस? 11 हुनी प्रभु तेरे खलाफे, तू कानो भोडगानोस, ते किछ विरे तगर तू दिहाडो न लाएलो।” तैखने तैस अधूर लेइयोने लगू, ते तै इरां-उरां तोपने लगो, ताके कोई तैस हथेरां दलाइतां चलाए। 12 तैखन हाकिमे एन हेरात, ते प्रभुएरी शिक्षा शुन्ता हैरान राव, ते प्रभु यीशु पुड विश्वास कमाव। 13 पौलुस ते तैसेरो साथी पाफुस नगरेरा जिहाजे मां पंकुलिया इलाकेपे पिरगा नगरे मां आए, ते यूहन्ना तैन शैरतां वापस यरुशलेम नगरे जो चलो जेव। 14 ते तैना पिरगा नगरेरा निस्तां पिसिदिया इलाकेरे अन्ताकिया नगरे मां पुजे जै गलतिया इलाके मां आए। ते आरामेरे दिहाडे प्रार्थना घरे मां गेडतां बिश्वी जे। 15 मूसेरो कानून ते नेवी केरि किताबी मां पढनेरे बाद तैटेई प्रार्थना घरे प्रधने तैन जोवं, “अगर मैन्हु केरि भलैइयेरे लेइ तुस भी किछ जीनू चातथ त जोथा!” 16 तैखन पौलुस खडो उठो ते हथ्ये सेइं इशारो केरो कि चुप रान ते ज्ञोने लगो, “हे इसाएली लोकव ते परमेशरो डर मन्नेबाले गैर कौमां केरे लोकव मेरी गल शुना।” 17 इन इसाएली लोकां केरे परमेशरे इशेदो दादे-पडदादे चुने, जैखन तैना मिस मुलखे मां परदेशी भोइतां रहते थिये, तैन परमेशरे तरकीं दिती, ते बडे शेंकि सेइं तैटूं कठो। 18 ते तै सुनसान ठैरी मां लगभग 40 सालान तगर तैन केरि इलालतो राव, तैन बार-बार हुक्म ट्लोइते राए। 19 कनान मुलखे मां परमेशरे सत कौमां नाश केरतां तैन केरि ज़मीन अपने इसाएली लोकन विरासती मां दिती। 20 एना गल्लां पूरी भोने लगभग 450 साल लगे, तैसेरों बाद परमेशरे तैन केरे लेइ शम्पूल नेरेरे वक्ते तगर हाकिम रखे। 21 जैखन हेज शम्पूल तैन केरो हाकिम थियो ते तैन लोकेई राजो बनानेरे लेइ दरखुवास की, ते परमेशरे विन्यामीनेरे गोत्रे मरां कीशें मट्टू शाऊल राजो बनाव ते तैनी 40 साल यरुशलेम नगरे मां राज कियूं। 22 फिरी तैनी शाऊल हटेइतां दाऊद तैसेरी ठैरी तैन केरो राजो बनाव, जैसेरे बारे मां तैनी गवाही दिती, मीं यिशेर मूढ दाऊद मेरे मनेरे मुताबिक मैलेहुर, तैस पुड अवं युश आई, ते तैए मेरी मर्जी पूरी केरेलो। 23 परमेशरे अपने वादेरे मुताबिक तैसेरे वशेरे मरां पापन करां मुक्ति देनेरे लेइ इसाएले कां कीशु मसीह भेजो। 24 जैसेरे एजने करां पेइले यूहन्ना इसाएलेरे सारे लोकन प्रचार कियो, कि पापन करां मनाफिराथ ते बपातस्मो नेथ।” 25 जैखन यूहन्नारू कम पूरु भोनेबाल थियूं ते तैनी जोवं, “तुस मीं कुन समझतथ? ‘अवं मसीह नई!’ बल्के हेरा, ते मेरे बाद एजनेबालोए, किजोकि अवं त एस काबल नई कि तैसेरे बूटा केरे तसमे भी खोल्ली सेख्या।” 26 “हे मेरे द्लाव, तुस जैना अब्राहमेरे औलादारे लोकव, ते परमेशरो डर मन्नेबाले गैर कौमां केरे लोकव, इस मुक्तो बिस्तार तुसन कां भेजेरोए। 27 यस्श्लेम नगरे रानेबाले लोकेई ते तैन केरे प्रधानेई यीशु मसीह न पिशानो, ते न नेवी केरि गल्लां सेमझी, जैना हर आरामेरे दिहाडे पेढान्ह शुनेई गती थी। 28 हालांकी तैन मौतैरा सजारे काबल सबूत न मैलू, पन किरी भी तैनेई पिलातुस गवरर का दरखुवास की, कि ए मारो गाए। 29 ते तैनेई सब किल जैन तैसेरे बारे मां पवित्रशस्त्रे मां लिखोरु थियूं पूरु कियूं, त तै कूसे पुड कील देतां मारो, ते असैलतां एककी कक्ती मां छड्हो। 30 पन परमेशरे तै मुडदन मरां भी ज़ीतो कियो। 31 ते जैना लोक गलील इलाके मरां तैस सेइं साथी यरुशलेम नगरे मां ओरे थिये, तैन चेलन काई दिहाडन तगर यीशु लेइयोतो राव, ते हुनी तैना लोक जैनेई तै लाहोरोए गवाही देतन। 32 असां तुसन युखुखबरी शुनातम, कि जै वादो परमेशरे इशेदो दादे-पडदादन सेइं कियोरो थियो। 33 कि परमेशरे यीशु मसीह मुडदन मरां ज़ीतो केरतां तै वादो पूरु कियो, ते भजना केरि किताबी मां परमेशर मसीहेरे बारे मां ज़ीतो, तू मेल मट्टूस ते अवं तेरो बाजी भोव। 34 एन सच्चे, कि परमेशरे तै मुडदन मरां भी ज़ीतो कियो, ताके तै न शडे, परमेशरे बचने मां एने बियांन कियोरु, कि अवं तीं पवित्र ते सञ्चारी बरकत देलो, जैन केरो वादो परमेशरे दाऊद सेइं कियोरो थियो। 35 ते होरि भजने मां दाऊद जोते, तू अपने पवित्र मैन्हु शडेने न देलो। 36 किजोकि दाऊद त अपने वक्ते मां परमेशरो मर्जी पूरु करनेतां पती मेरि जेव, ते अपने दादन-पडदादन सेइं साथी दफन भोव, ते तैसेरी जान शेडी जई। 37 पन जै (यीशु मसीह) परमेशरे मुडदन मरां ज़ीतो कियो, तै तैसेरे शडेनेरी नोबत न

आई। 38 “एल्हेरेलेइ, हे द्लाव, बुझा कि यीशुएरे जिरिये सेइं तुसन पापां केरि मैफारी खबर शुनाई गाचे।” 39 तुस मूसा नेवेरे कानूने मुताबिक धर्मी न थीं भोने, पन जै कोई यीशु पुड विश्वास केरे ते धर्मी भोए। 40 “एल्हेरेलेइ खबरदार राथ, कोस्कोई एरु न थोए कि नेवी केरि ए गल तुसन पुड सञ्चये बीते, 41 तुस जैना होरि केरि तुहीन केरतथ, हेरा, ते हैरान भोथ, ते बरबाद भोथ, किजोकि अवं तुशो जीते जागोते एरु कम केरनेबालोई, कि आगर कोई तुसन सेइं तैसेरे बारे मां गलबात भी केरे, ते तुस कधे विश्वास न केरेलो।” 42 जैखन पौलुस ते बरनबास प्रार्थना घरे मरां चले, ते लोक तैन कां मिनत केरतां जैने लगे, कि होरि आरामेरी दिहाडी भी एने गल्लां केरे बारे मां जोवं गाए। 43 जैखन लोक आराधनारे बाद वेदर निस्से, त बडे लोक पौलुस ते बरनबास पेत्ती चले, ते तैन मां किछ यहूदी थिये, ते किछ नंचे यहूदी पंथ धारण कियोरे थिये, ते तैनेई तैन सेइं गलबात केरतां तैन समझाव, कि परमेशरे अनुग्रहे मां बनेरे राथ। 44 होरि आरामेरे दिहाडे लगभग सारु नगर परमेशरे वचन शुन्नेरे लेइ अकोटू भोवं। 45 जैखन यहूदी लीडरेई एते हछे लोक लाए त तैन जलन भोव, ते पौलुसेरे खलाफ गल्लां लगावे केरने। 46 तैखन पौलुस ते बरनबास दिलेर भोइतां तैन जोवं, “ज़रुरी एन थियूं, कि असां पेइले तुसन परमेशरेरु बच्वन शुनाम, पन तुस त इन्कार केरने लोरेथ, ते अपनो आप हमेशारी ज़िन्दगेरे काबल न समझथ, त हेरा हुनी असां गैर कौमां केरे पासे गातम।” (aiōnios g166) 47 किजोकि प्रभुए असन ई हुक्म दितोरोए, मीं तु मीं तू गैर कौमां केरे लेइ लै बौनोरस, ताके तुशी ज़िरिये सारे ज़मीनी पुड मुक्ति आनी गाए, ते तू ज़मीनरे हर पासे मुक्तू दार भोस।” 48 इन शुन्नां गैर कौमां केरे लोक बडे खुशी भोए, ते परमेशरी तारीफ केरने लगे, ते जैना परमेशरे हमेशारी ज़िन्दगेरे लेइ ठहरावरे थिये, तैनेई विश्वास कियो। (aiōnios g166) 49 ते प्रभुएरु बच्वन सारे मुलखे मां फेली जेव। 50 पन यहूदी लीडरेई बडे भक्त ते इज़जतदार कुआ-शाना ते नारेरे काई खास मैन्हु भडकाए, तैनेई पौलुस ते बरनबासे सितेइतां तैन केरे गल्लां मरां भी केढी छडे। 51 तैखन पौलुस ते बरनबासे तैन केरे सामने अपने पावां केरि धूड ठुक्रकां तैना इकुनियुम नगरे जो चले जे। 52 ते चेले इकुनियुम नगरे मां खुशी ते पावित्र आत्माई सेइं भरपूर भोते राए।

**14 इकुनियुम नगरे मां पौलुस ते बरनबास दुधये जैने प्रार्थना घरे मां जे, ते एरु भाषण केरने लगे ते बडे यहूदी लोकेई ते यूनानी लोकेई विश्वास कियो। 2 पन विश्वास न केरेवाले यहूदी, गैर यहूदी लोक भडकाए ते तैनेई विश्वासी मैन्हु विश्वासे करां दूर किये, ते तैन केरे खलाफ क्रोध पैदा कियो। 3 ते पौलुस ते बरनबास काई दिहाडे तैडी राए, ते प्रभुएरी भरोसे पुड दिलेरी सेइं गल्लां केरते थिये, ते प्रभु तैन केरे ज़िरिये चमत्कार ते निशान केरेइतां अपने अनुग्रहे वचने सञ्चो साबत केरतो राव। 4 पन नगरेरे लोकन एप्पु मांमेइ पूट भोइजेड, किल लोक यहूदी केरे पासे भोए, ते किछ प्रेरितां केरे पासे भोए। 5 यहूदी ते गैर यहूदी अपने प्रधान सेइं मिलतां तैन बेइज्त केरने ते तै घोडेई बने लगे। 6 त तैन एस गल्लो पातो लगो, तैना तैटूं नेशी जे, ते लुकाऊन्या इलाकेरे नगरन लुस्त्रा ते दिरबे मां ते तैसेरे आसे-पासेरे इलाके मां चले जे। 7 ते तैडी तैना खुशखबरी शुनाने लगे। 8 लुस्त्रा नगरे मां अक मैन्हु विश्वोरो थियो, जै पावां केरो कमज़ोर थियो, तै ज़मीनेरो टोन्तो थियो, ते तै कधी न थियो ब्रोलोरो। 9 ते पौलुसेरी गल्लां ध्याने सेइं शुने लगावे थियो, पौलुसे तैसेरे पासे ध्याने सेइं तक्कू त जानू, कि एसमां एत्रो विश्वासे कि ए बेज़ोइ सकते। 10 ते पौलुसे तैस मैन्हु जोरे जैसं जोवं, “अपने पावन पुड खडो भोव।” ते तै तैखने खडो भोव, ते चलने लगो। 11 जैखन लोकेई पौलुसेरु एन कम हेरु त लुकाऊन्या भाषाई मां ज़ारे सेइं जैने लगे, “कि देवतो असन कां मैनेरो शकली मां ओरोए।” 12 ते तैन लोकेई बरनबासेरु नवं ज्यूस रखखु, (जैन यूनानी देवतेरु नवं थियू), ते पौलुसेरु हिर्मेस नवं रखखु, (जै होरि देवतां केरो बिस्तार देवे बालन मरां प्रधान थियो) किजोकि तै गल्लां केरने मां जादे माहिर थियो। 13 ते ज्यूस देवतेरु मन्दर नगरेरे सामने थियूं, तैसेरो पुजारी दांत ते फूडू केरे हार एन्ता नगरेरे फाटके पुड पुजो,**

किजोकि तैना लोक चाते थिये कि असां प्रेरितां केरे लेड बलिदान केरन। 14 ज़ैखन बरनबास ते पौलुस प्रेरितैँ एन शुनू त तैना दुखी भोए, ते तैनैँइ अपना लिंगड़ा छिन्दां ते मैनन् मां जै ते जैरे-ज़ारे ज़ोने लग। 15 “लोकव तुस एन कुन केरने लगोरेथ? असां भी तुशें जेरे दु-ख सुख झूललाने बाले मैनू आम, ते तुसन खुशखबरी शुनातम, ताके तुस एना फुज़ल चीज़ां शैरतां ज़ीति परमेशरेरे पासे एज्जथ, जैनी धरती त कने अम्बर ते समूद्रे ते जैन किछ भी एसमां आए तैनी बनोरुए। 16 तैनी बीतोरे वके मां सैरी कौमन अपनि-अपनि बतां चलने दितू। 17 फिरी भी तैनी अपनो आप बेगवाह न बनाव, पन अपनि भलाई हेरा-रेरे लेड तैनी अम्बरेरां झ़ड़ी दित्ती, ते फसलां केरे लेड मौसम बनाए, ताके तुसन हुड़ु अन भोए ते तुशें दिल खुशी सेंड भरे।” 18 एना गल्लां झ़ोइतां तैनैँइ लोक बेड़ि मुशकली सेंड रोके, कि एना इश्शे लेड बलिदान न देन। 19 तैखन किछ यहूदी अन्ताकिया नगरे ते इकुनियुम नारे मरां आए, ते तैनैँइ लोक अपने पासे केरतां पौलुसे पुड़ पथराव केरने लगे, ते तै मुओरो बुझातां नार कारं बेदोवं धसीटां नीयो। 20 ज़ैखन चेले तैड़ी पुज़ त तैनैँइ पौलुस घरे मां आनो ते तै खड़ो उठो ते वापस नगर मां अव, ते होरसां बरनबासे सेंड साथी दिर्बे नगरे जो च्लो जेव। 21 पौलुस ते बरनबासे तैस नगर मां खुशखबरी शुनाई ते बड़े चेले बनाए, ते तैसेरां बाद तैना लुस्त्रा ते इकुनियुम नगरे ते अन्ताकिया नगरे मां वापस आए। 22 तैना हार एक्की नगरेरे चेलां केरे मन मज़बूत केरते ते ई शिक्षा देते थिये कि विश्वासे मां बनोरे राथ, ते इन ज़ोते थी, “ते असेई बड़ो दु-ख झूललातां परमेशरेरे राज्जो मां दाखल भोनौए।” 23 ते तैनैँइ हर कलीसियाई मां तैन केरे बुजुर्ग ठहराए, ते बरतां रेखतां प्रार्थना की, ते तैना प्रभाएरे सुपुर्द किये, जैस पुड़ तैनैँइ विश्वास कियोरो थियो। 24 फिरी तैना परिसिद्धिया इलाके मरां निस्तां पंफूलिया इलाके मां पुज़। 25 ते पिराना नगरे मां वचन शुनेइतां त अत्तलिया नगरे मां आए। 26 तैड़ुं ज़िहाज़े मां चलतां वापस अन्ताकिया नगरे मां आए, ते तैड़ी तैनैँइ तैस सेवारे लेड जै तैनैँइ पूरी कियोरी थी, परमेशरेरे अनुग्रहेरे सुपुर्द कियोरी थी। 27 अन्ताकिया नगरे मां पुज़तां तैनैँइ कलीसियारे लोक अकोट्टे किये, कि परमेशरे असन सेंड साथी भोइतां केरहां-केरहां बडां कमां कियां। ते गैर कौमां केरे लेड बाद खोल्ली, कि तैना भी यीशु पुड़ विश्वास केरन। 28 ते तैना चेलन सेंड साथी बड़े दिहाड़न तगर राए।

**15** फिरी किछ लोक यहूदिया इलाके मरां आए, ते विश्वासी द्वालान ए शिक्षा देने लगे, “आगर मूसेरे रसमारे मुताबिक तुशों खतनो नई भोरो त तुसन मुक्ति न मैल्ली बटो!” 2 एस गल्ली पुड़ पौलुस ते बरनबासेरो तैन लोकन सेंड बडो मतभेद ते बड़ी बेंस भोइ, ते कलीसियारे लोकेई पौलुस ते बरनबास ते किछ होरे मैनू चुने कि तैना यरूशलेम नगरे मां गेइतां तैड़ी एस मसले पुड़ प्रेरितन ते बुजुर्गन सेंड गलबात केरतां हाल कठन। 3 तैखन कलीसियारे लोकेई तैना खर्चो देइतां भेजे, ते ज़ैखन तैना फीनीकी ते सामरियारे इलाकन मासेई चलोरे थिये, तैनैँइ ज़ोव, कि केन्वरे गैर कौमां केरे लोक खुशखबरी शुनातां मसीह पुड़ विश्वास कियो, ते कलीसियाई मां शमल भोए, एन शुनां सारे मसीह ढला बड़े खुश कियो। 4 ज़ैखन तैना यरूशलेम नगरे मां पुज़, ते तैठेरी कलीसियारे लोक ते प्रेरित ते बुजुर्ग तैन सेंड बेड़ि खुशी सेंड मिले, ते तैखन पौलुस ते बरनबासे सब किछ विस्तार दित्तो, कि परमेशरे तैन केरे ज़िरिये सेंड केत्रा-केत्रा कमां कियां। 5 पन फरीसी पंधेरे किछ लोकेई ज़ैनैँइ विश्वास कियोरो थियो, तैन मरां किछ ज़ोने लगे, “गैर कौमन मरां विश्वास केरनेबालां केरो खतनो कियोरी लोडे, ते एन मूसा नेवेरे कानूने पुड़ अमल केरनेरो हुक्म दित्तोरो लोडोते।” 6 तैखन प्रेरित ते बुजुर्ग ए गलबात केरनें लेड अकोट्टे भोए। 7 बडी बेंस भोनेरो बाद पररसे तैन खड़े भोइतां ज़ोव, “हे मेरे द्वालाव, तुस जानतथ कि बडे चिरे पेड़ले परमेशरे अव तुसन लोकन मरां चुनो, ताके गैर कौमन मेरे ज़िरिये खुशखबरी शुनाई गाए ते तैना विश्वास केरन। 8 परमेशर जै दिलोरो हाल ज़ानते, तैनी तैन भी इश्शी ज़ोरि पवित्र आत्मा देइतां इन हिराव, कि परमेशरे तैन अपने लोका केरे ज़ोरि कबूल किये। 9 ते विश्वास केरनेरे ज़िरिये सेंड तैन केरे मन पवित्र

केरतां असन मां ते तैन मां कोई फक्क न रख्यो। 10 त हुनी तुस परमेशरेरी अज़मैइश किजो केरतथ? कि गैर कौमन मरां ओरे चेलन (यानी विश्वासी लोकन) पुड़ एत्रो बोझ किजो रखतथ, जै न असेई छुइयोए ते न इश्शो दादे-पड़दादे छुइयोए। 11 एरु केसनू ठीक नई, किजोकि इश्श याकीन त इने कि प्रभु यीश मसीहोंरे अनुग्रह सेंड तैन केरे पापां केरि मुक्ति भोली, तेन्वरे इश्शी मुक्ति भोली, न कि मूरेरे कानूने सेंड।” 12 तैखन सारे लोक त्रुपाप बरनबास ते पौलुसेरी गल्ला शुन्ने लगे, कि परमेशरे केन्वरे गैर कौमन मां तैन केरे ज़िरिये केरहे-केरहे निशान ते चमत्कार किये। 13 ज़ैखन तैना चुप भोए त याकूब ज़ोने लगो, “मेरे द्वालाव मेरी गल शुना।” 14 शर्मापन पररसे रोड़ेरावे ज़ोव, कि परमेशरे पेड़ले केन्वरे गैर कौमन पुड़ सिद्धी नज़र की, ताके तैन मरां मैनू चुनतां अपने लोक बनाए। 15 नेवी केरु बच्चन भी एसेई ज़ेरूए ज़ेन्वरे लिखोए कियो। 16 एसेरां बाद अव फिरी एइतां दाऊदेल राज़ बनेइलो, जैन तैसेरे दुश्मनेई नाश कियोरु थियूं। 17 ताके बाकी सारे लोक ते गैर कौमन समेत जैना मीं कुजोरेन मेरे लोक भोन, ते मीं तोप्पन। 18 ए तैपे प्रभु ज़ोते जै दुनियारे शुरुआती करां इन गल्लां केरि खबर देतो अव। (alön g165) 19 “एलहेरेलेड मेरी खियाल ईए, गैर कौमन मरां जैना लोक परमेशरे कां एइतन, तैन अस यहूदी केरो कानून मन्नेरे लेड मज़बूर न केरम। 20 बल्के तैन चिढ़ी लिखतां एन ज़ोम कि मूरतन कां त्रैड़ेरी चीज़ां करां दूर रान, ते बदमैशी ते गलचैटी देइतां मारोरे जानवरां केल मास न खान ते खून न खान। 21 किजोकि बडे पेड़ले नगर-नगरे मां मूसरेरे कानूनेरो प्रचार केरनेबाले भोते आए, ते तैना हार आरामे दिहाड़े प्रार्थना घरे मां पेढ़ी गाती थी।” 22 तैखन प्रेरित ते बुजुर्ग ते सारी यरूशलेमेरे सारे कलीसियाई मिलतां एन रोड़ समझू, कि असन मरां किछ मैनू चुने गान, मतलब यहूदा, जैस जो बरसब्बास ज़ोतन ते सीलास जैना द्वालान मां खास आन, ते तैन पौलुस ते बरनबासे सेंड साथी अन्ताकिया नगरेरे कलीसियाई मां भेज़म। 23 ते तैनैँइ तैन केरे हथ्थे इन लिखतां भेजू, “अन्ताकिया नगरे ते सीरिया ते किलिकिया इलाकां केरे रानेबाले विश्वासी द्वालान जैना गैर कौमन मरां आन, प्रेरितां ते बुजुर्ग द्वालां केरु नमस्कार।” 24 असेई शुनेणु, कि किछ मैनू बगैर अजाज़तां तुशो इड़ी आए, ते तैनैँइ अपनि गललैड सेंड तुशो दिल परेशान कियो। 25 एलहेरेलेड असेई एन ठीक समझू, कि इट्टुं दूर्द मैनू अपने ट्लारे द्वालाव बरनबास ते पौलुस सेंड साथी तुसन कां भेज़म। 26 एना एरे मैनू आन कि जैन इश्शे प्रभु यीश मसीहोरे लेड अपनि जानरी भी परवाह नई। 27 एलहेरेलेड असेई यहूदा ते सीलास भेज़ोरेन, ते तैना एपू भी एना गल्ला शुनाले। 28 पवित्र आत्मा, ते असेई एन ठीक समझू, कि इना ज़रूरी गल्लां केरे अलावा तुसन पुड़ होरो बोझ न देम। 29 बस्सा तुस मूरतन कां चाहोरे बलिदाने ते खून करां ते गल दुबेइतां मारोरे जानवरे करां ते बदमाशी केरने करां दूर राथ एन तुशो लेड रोड़ भोलू। अग्रोवं जो शुभकामना” 30 बस्सा तैना कानून चालते-चलते अन्ताकिया नगरे मां पुज़, तैड़ी तैनैँइ कलीसियारे लोक अकोट्टे केरतां ए चिढ़ी तैन केरे वाहाले की। 31 तैना चिढ़ी मां लिखोरी गल्ला पेढ़तां बडे खुशी भोए। 32 यहूदा ते सीलास एपू भी नवी थिये, तैनैँइ तैरो विश्वासी द्वालाई आनन्दे सेंड ते प्रार्थना केरतां वापस भेजू, ताके अपने भेज़ोरे बालन कां वापस गान। 34 सीलास अन्ताकिया नगरे मां रानेरो फैसलो कियो ते यहूदा अकैलो वापस यरूशलेमे जो अव। 35 ते पौलुस ते बरनबास अन्ताकिया नगरे मां रुक्की जो, तैड़ी तैना कां हीरि लोकन सेंड मिलतां लोकन प्रभु यीशुरे वचनरी शिक्षा देते राए ते खुशखबरी शुनाते राए। 36 किछ ज़िरिंगां बाद पौलुसे बरनबास सेंड ज़ोव, “ब्ल असां तैन सारे नगरन मां गाम, जैड़ी असेई खुशखबरी शुनावरी थी, ते तैन विश्वासी द्वालान सेंड मुलाकात केरम, ते हेरम कि तैन केरो कुन हाले।” 37 तैखन बरनबासे यूहना जैस जो मरकुस जोतन, साथी नेनो चाव। 38 पन पौलुसे ठीक न समझू, कि यूहना तैन सेंड साथी गाए, किजोकि तै पंफूलिया इलाके मां कम शैरतां अलग भोरो थियो। 39 पौलुस ते बरनबासे एपू मासेई बड़ी अनबन भोइ, ते तैना अलग भोए, बरनबास ते मरकुस ज़िहाज़े मां साइप्रस जो च्लो जे। 40 पन पौलुसे सीलास एपू साथी नीयो,

ते विश्वासी ढलाएँहैं तैन केरे लेइ प्रार्थना की, ते तैना परमेश्वरे अनुग्रहेरे सुपुर्द किये ते तैना तैटूं च्ले जे। 41 पौलुस सीरिया ते किलिकिया इलाकन मामेइ निस्सो च्लतो ते कलीसिया केरे विश्वासी लोकन मज़बूत केरतो जेव।

**16** तैना फिरी दिरवे नगरे ते लुस्त्रा नगरे मां आए, तैटी अक चेलो

तीमुथियुस नव्वेरो रातो थिया, तैसेरो अम्मा यहूदी थी, ते तै मसीह पुड़ विश्वास केरती थी, पन तैसेरो बाजी यूनान मुलखेरो रानेबालो थियो। 2 तीमुथियुस लुस्त्रा नगरे मां ते दिकुनियुम नागरे विश्वासी ढलान मां बड़ो रोडो मैन्हु थियो। 3 पौलुसेरी इच्छा ई थी, कि तै तै साथी ने, तैन यहूदी केरि वजाई जैना तैटी रहते तैसेरो खतनो कियो, किजोकि तैना सब ज्ञाने थी कि तैसेरो बाजी यूनान मुलखेरो रानेबालो थियो। 4 पौलुस ते तैसेरे साथी नगर-नगरे मामेइ च्लतो जे, तैटूं विश्वासी लोकन तैना हुम्मां केरे बारे मां ज्ञाने जे, जैना यस्तशेलम नगरे मां प्रेरितेइ ते बुरुजोई मिलतां ठहरावरे थिये, ताके लोक तैन पुड़ अमल केरन। 5 बरसा कलीसियां विश्वासे मां पेककी भोती जेई, ते तैन केरि कलीसियां केरि तैधात बद्धती जेई। 6 पौलुस ते तैसेरे साथी फूगिया ते गलातिया इलाकन मामेइ निस्ता जे, किजोकि पवित्र आत्मा तैना आसिया इलाके मां बच्चन शुनाने करां रोकोरे थियो। 7 ते तैना मूसिया इलाकेरे नेडे पुजातां, वितूनिया इलाके मां गानू चाते थिये, पन यीशुएरे आत्मा गाने न दिवाँ। 8 एल्हेलेइ तैना मूसिया इलाकेरे नेडेरां त्रोआस नगरे मांजो च्ले जे 9 राती पौलुसे अक मैन्हु दशनि मां लाव, “तै माकिदुनी इलाकेरो थियो, तै खडो भोइतां पौलुसे को मिनत केरने लोरो थियो, कि पार समुदरेरे माकिदुनिया इलाके मां एडत इशी मद्दत केर।” 10 तैसेरे इस दर्शन हेनरेनां पर्ती लूधी अस पार माकिदुनिया इलाके मां गानेरे लेइ तियार भोई जे, किजोकि असेइ बुझू कि परमेश्वरी असां तैटी खुशखबरी शुनानेरे लेइ कुजवरेम। 11 असां त्रोआस नगरेरां जिहाजे मां जे, ते पैनेलू सफर केरतां सुमात्राके टैपू पुड़ आए, ते तैटूं होरसां नियापुलिस नगरे मां आए। 12 तैटूं असां फिलिप्पी नगरे मां पुजे, जैन माकिदुनिया इलाके मां खास नगरे, ते रोमी केरि बेसती मां, ते अस तैस नगरे मां किछ दिहाड़े राए। 13 असारेरे दिहाडे असां नगरेरे फाटके मरां निस्तां दरियाए पुड़ पुजे, किजोकि असन उमीद थी कि तैटी यहूदी केरि प्रार्थना केरनेरी कोई ठार भोनीए, असां तैटी गेइतां विश्वी जे, तैटी किछ कुआन्शां थी, असां तैन सेइ गल्लां केरने लगे। 14 इशी गल्लां शुन्ने बैली कुआन्शन मां अक परमेश्वरी भक्त लुदिया नवरी थी, तै थुआतीरा नगरेरी राने बाली थी, ते बैंगनी लिंगां बेच्ने बाली थी, ते प्रभुए तैसेरो मन खोल्लो, कि तै पौलुसेरे गल्लन पुड़ ध्यान केरे। 15 जैखन तैसां ते तैसेरे पूरे टब्बरे बपतिस्मो नीयो ते तै बिनाती केरतां जोने लगी, “अगर तुस लोक मीं प्रभुपुरी ईमानदार दासी समझातथ, ते मेरे घेरे च्ला ते विश्वी राथ,” ते तैसारा मिनत शुन्तां असां खुशी भोए। 16 एककी फेरे असां प्रार्थना केरनेरी ठारी जो च्लारे थिये त असन अक दासी मैली ज़ी भूतो केरे मदही सेइ एजेनेबाले वत्तेरे बारे मां ज्ञाती थी। ते अपने मालिकां केरे लेइ बड़े पेंद्से कमाती थी। 17 तै पौलुसे पर्ती ते असन पर्ती च्ली ते जोने लगी, “ए मैन्हु प्रमप्रधान परमेश्वरो दासे, ते एना असन पापां केरि मुक्ती बत हिरानन।” 18 तै काई दिहाडे एने केरती राई, पन पौलुसे जिय भाव, ते मुडातां तैस भूते जो जोवं, “अवं तीं यीशु मसीहेरे नव्वे सेहं हुक्म देताई निस्सी गा, ते तै तैखने तैस मरा निस्सी जेई।” 19 जैखन तैसेरे मालिकेइ हेह कि इशी कमैडीरी उमीद ट्लुटी जेई, ते तैनेइ पौलुस ते सीलास ट्लेइतां चौके मां प्रधानां केरे हवाले किये। 20 तैनेइ पौलुस ते सीलास हाकिमन कां पैश किये, ते जोने लगे, “एना यहूदीन ते इशी नगर मां बड़ी खलबली मज्जाने लगोरें। 21 ते एरे रुवाजेरी शिक्षा देतन, जैन केरु केरनू ते मनू असन रोमे मां रानेबालान केरे डशे लेइ बिलकुल भी थी ठीक नई।” 22 एन शुन्तां सारे लोक पौलुस ते सीलासेरे खलाफ अकोट्टे भोए, ते हाकिमेइ तैन केरां लिंगां खोलतां छिन्दा ते सोटेइ बानेरो हुक्म दित्तो। 23 सिपैहीयेइ तैन खूब बेंटे बैठी ते कैदखाने मां छडे, ते कैदखानेरे प्रधाने हुक्म दित्तो, कि रोड़जारे पेरहो दित्तो गाए। 24 तै हुक्म शुन्तां तैना आँधीरी कोठी मां छडे, ते तैन केरे पावन लेकड़ी बेड़ि लेइ। 25 एधी राती पौलुस ते

सीलास प्रार्थना केरने मां मघन थिये, ते परमेश्वरां भजना लोरे थी जोने, ते होरे कैटी भी शुने लोरे थिये। 26 अचानक अक भुंज़ल अव, ते कैदखानेरे बुनीयाद हिल्ली ते सारा दारां खुल्ली जेआं, ते सेरी कैटी केरे बेड़ि भी खुल्ली जेई। 27 कैदखानेरो प्रधान बीझों ते खडो उठो, ते तकने लगो, ते हेरते कि कैदखानेरो दारां खुल्ली जोरेन, ते तैनी समझू कि सारे कैटी नश्शेरेन, ते तैनी अपनि तलवार खिच्ची कि अवं अपनो आप मैरी छेई। 28 पन पौलुसे ज़ोरे सेइ जोवं, “अपनो आप न मार किजोकि असां सब इडी आम।” 29 तैखन तै दीयो बैलतां अन्तर जेव, ते पौलुसे ते सीलासेरे पावन पुड़ पेव, 30 फिरी तैनी तैना बेड़ आने ते जोने लगो, “जनाब अवं कुन केरि, कि मेरी मुक्ति भोए?” 31 तैनेइ जोवं, “प्रभु यीशु मसीहो पुड़ विश्वास केर, त तीं ते तेरे टब्बरे पापन करां मुक्ति मैल्लनीए।” 32 ते तैनेइ तैस त तैसेरे टब्बरे प्रभुएरु वचन शुनाव। 33 तैखने तैने राती पौलुस ते सीलास नेइतां तैन केरे ज़ख्म थोए, ते तैनी तैसेरे सारे टब्बरे बपतिस्मो नीयो। 34 फिरी तैनी तैना अपने घेरे ने, ते तैन खने जो रोटी दिती, ते सारे टब्बरे परमेश्वरे पुड़ विश्वास केरतां बड़े खुश थिये। 35 होरसां झेड़ा हकिमेइ सिपाही भेजतां बिस्तार भेजो, कि तैन मैन्न् हथरां छैडी देख। 36 दरोगा पौलुसे जो जोवं, “हाकिमे हुक्म दित्तोरोए कि पौलुस ते सीलास कैदखाने मरां हथरां छुडा, एल्हेलेइ तुस खुशी सेइ च्ले गाथ।” 37 पन पौलुसे तैन सेइ जोवं, “तैनेइ अस जैना रोम मुलखेरे राने बालेम, बगैर करसू सेभी केरे सामने मारे कुटे ते कैदखाने मां छडे, ते हुनी चूपजारे हथरां छुडने चाते? पन एन न भोड़साये, तै एपू एज्जे ते असन बेड़ कढे!” 38 सिपैहीयेइ गेइतां हाकिमन बिस्तार दितो, कि पौलुस ते सीलास रोम मुलखेरे राने बालेन, ते तैना डेरि जे। 39 तैनेइ तैटी इडातां तैन करां माफ्फी मरगी, ते फिरी तैना कैदखाने मरां बेड़ आने ते मिनत की, कि नगर मरां च्ले गाथ। 40 बरसा पौलुस ते सीलास कैदखाने मरां बेड़ निस्से ते लुदियारे घेरे जे, ते तैटी विश्वासी ढलान सेइ मिले ते तैन शान्ति देइतां च्ले जे।

**17** पौलुस ते सीलास तैसेरां बाद अम्फिपुलिस ते अपुल्लोनिया नगरन

मामेइ गेइतां थिस्सलुकी नगरे मां आए, तैटी यहूदी केरु अक प्रार्थना घर थियुं। 2 पौलुस अपने रीतेरे मुताबिक प्रार्थना घरे मां टालाई आरामेरे दिहाडन तगर पवित्रशास्त्रेरी किताबी मरां तैन सेइ बैंस केरतो राव। 3 पौलुस तैन केरो मतलब खोल्ली-खोल्ली समझातो थियो, “कि यीशु मसीहेरो दुःख झैल्लनो ते मुँदन मरां ज़ीतू भौन ज़स्ती थियुं, कि जैस यीशुएरे बारे मां अवं प्रचार केरताम, तैए मसीह आए।” 4 तैन मरा किछ यहूदी ते गैर कौमां केरे लोक जैनेइ विश्वास कियोरो थियो, ते होरि भी बेड़ि भक्त कुआन्शां जैनेइ विश्वास कियोरो थियो पौलुसे ते सीलासे सेइ मिली जेई। 5 पन यहूदैई जलनी सेइ काई नगरन मां बुरे लोक अकोट्टे केरतां हंगामो केरनो शुरु कियो। तैनेइ यासोने घेरे पुड़ हमलो ते कियो ताके पौलुसे ते सीलासे लोकां केरे सामने आनन। 6 पन जैखन तैना न मैल्ले ते यासोन त काई होरे विश्वासी ढला घसीटान नगरेरे हाकिमन कां आने, ते जोरे-जोरे सेइ जोने लगे, “एन मैनेइ हर ठैरी परेशानी फैलावरी, ते अज इडी भी युजोरेन।” 7 ते एन यासोने अपने घेरे मां खोरेन, ते एना लोक महाराजेरे हुक्मरी खलाफत केरतन, ते जोनन कि राजो त यीशु आए।” 8 ए गल शुन्तां नगरेरे हाकिम ते सारे लोक परेशन भोए। 9 ते तैनेइ यासोन ते बाकी लोक जमानी पुड़ हथरां छडे। 10 डलांगा विश्वासी ढलाएइ पौलुस ते सीलास तैटूं विरिया नगरे जो भेजो, जैखन तैना तैटी पुजे ते तैना यहूदी केरे प्रार्थना घरे मां जे। 11 बिरीया नगरेरे लोक थिस्सलुकी नगरेरे यहूदन करां भले थिये, ताए तैनेइ खुशखबरी बेड़ि खुशी सेइ कबूल की, तैना रोज़ एना गल्लां केरे बारे मां गलवात केरते थिये, कि पौलुसेरी गल्लां सेच्ची आन किन्ही। 12 एल्हेलेइ काई यहूदैई ते काई यहूदैई ते बुरी कियोरो यीशु पुड़ विश्वास कियो। 13 जैखन तैसलुकी नगरेरे एल्हेलेइ भी यीशु पुड़ विश्वास कियो। 14 तैखन विश्वासी ढलाएइ पौलुस समुन्दरे बन्ने भेजो, पन सीलास ते तीमुथियुस तैटी राए। 15 ते पौलुसेरी मद्दत केरनेबाले ते एथेंस नगरे तगर जे, ते सीलास ते

तीमुथियुसेरे लेइ बिस्तार नेहतां चले जे, कि मां कां जलदी एज्जो। 16 ज़ैखन पौलुस एथेंस नगरे मां तैन बलगने लगोरो थियो, त एन तकते कि सारू नगर मूरतो सेइ भेरताए त तैसेरो दिल बड़ो उदास भोव। 17 एलहेरेलेइ ते प्रार्थना घरे मां यहूदन ते तैन सेइ ज़ैना परमेशरेरो डर मन्नेबाले (भक्त) गैर कौमन मरां यहूदन मां और थिये चैके मां गेहतां मिलतो थियो, ते तैन सेइ रेज़ बेंस केरतो थियो। 18 किछ इपिकूरी ते किछ स्टोईकी उस्ताद तैस सेइ बेंस केरे लगे, ते तैन मरां किछ ज़ोने लगे, “बकवादी कुन ज़ोनू चाते?” ते किछ ज़ोने लगे, “ए त होरि देवतां केरो पतो देनेबालो भोड़ सकते, किजोकि पौलुस यीशुरो ते कने ज़ींती भोंरेरी खुशखबरी शुनातो थियो।” 19 तैखन तैनेइ तै एप्पू सेइ साथी अरियुपुसु नव्वरे मन्दरे मां नेव, ते तैस पुछ्छू, “कुन अस ज़ीनी सकतम कि ज़ैन सन्वें पंथेरी तू शिक्षा देतस, तै कुनेत? 20 असां तेरे ऐशेरा बैड़ि आजीब गल्ला शुने लोरेम, ते असां एन ज़ाननू चातम कि एन केरो कुन मतलबे?” 21 (द्रासले मां एथेंसे लोक कुन देशी कुन परदेशी अपनि फुरतरो सारो मौको होरि कमां केरे बजाहे सिर्फ नव्वीन-नव्वीं गल्ला ज़ोने ते शुन्ने मां गुजारते थियो।) 22 तैखन पौलुस अरियुपुसे नव्वरे मन्दरे मझाटे खड़ो भोइतां ज़ोने लगो, “हे एथेंसेरे लोकव, अव हरताई कि तुस हर गल्ली मां देवतन बड़ो उच्चो द्रजो देतथ। 23 ज़ैखन अव तुशें नगर मां हठतो फिरतो थियो, त मेरी नजर तुशें पूजनरी चीज़न पुड़ ते बलिदानेरी तारी पुड़ पैई, जैस पुड़ लिखोख थियू, अनज़ान परमेशरे लेइ, बस्सा तुस जैस ज़ानथ नन्ना ते तैसेरी पूज़ा केरतथ, अव तुसन तैसेरे बारे मां ज़ोताई। 24 ज़ैनी परमेशरे दुनिया ते सैरी चीज़ां बनेवरिन, तै धेरतरो ते अम्बरो मालिके, तै हथां केरे बनेवरे मन्दरन मां न राए। 25 तैस मैनेरे मद्दतरी ज़स्तर नई, किजोकि तै केन्वी चीज़री ज़स्तर नई, तै सैरैन ज़िन्दीते सांस ते सब किछ देतो। 26 तैनी एककी मैनू सेइ हर कौमारे लोक पैदा किये, ताके सरे ज़मीनी पुड़ आबाद भोन, तैनी तैन केरि ज़िन्दगार दिहाड़े बनाए ते रानेरे लेइ ठार बनाई। 27 परमेशरे एन कियू ताके लोक तैस तोप्पन ते शैद तोपते-तोपते तैन मैल्ली गाए, हालांकी तै असन केन्वी कारं दूर नई। 28 किजोकि तै असन सेइ साथी आए ते ज़ींती रातम ते चलतम फिरतम, ज़ेन्वरे कि तुशें लिखेव बालेइ भी ज़ोरेए, ‘‘असां तै सैरे बच्चेमा।’’ 29 ते परमेशरेरे बच्चे भोइतां सोचेव लोड़े, कि इश्वरत्व सोन्ने, चैंदरी, या घोड़ेरी मूरतरीए ते ज़ै केन्वी मैनेरे हाथां केरि कारिमिरीए ते खियाले सेइ आए। 30 एलहेरेलेइ परमेशरे लोकां अज्ञानतरे बक्के पुड़ ध्यान न दित्तू, ते हुनी तै मैनन् सेब्बी ठैरन हुक्म देते कि मन फिरान। 31 किजोकि तैनी अक दिहाड़ी चुवालेवरीए ज़ैखन तै सँझे सेइ दुनियारो इन्साफ एकी एरे मैनेरे ज़िरिये सेइ केरेलो, जै तैनी रख्खोरोए, ते तै तैनी मुडदन मरा ज़ींतो केरतां ए गल सैरी मैनन् साबत कियोरीए।” 32 ज़ैखन तैनेइ मुद्रां एकी आदालतरे बारे मां शुनू तैन मरां किछ एस गल्लरी मजाक बनाने लगे, ते किलेहैं ज़ोव, “अस एस बारे मां फिरी कोस्कोई शुनेलो।” 33 एन हेरतां पौलुस तैटू निस्तां चलो जेव। 34 पन किछ लोक तैस सेइ मिली जे, ते तैनेइ प्रभु पुड़ विश्वास कियो, तैन मरां अक दियुपुसियुस जै अरियुपुसेरो प्रधान थियो, ते अक कुआश थी, तैसार नव दमरिस थियूं, ते तैन केरे अलावा होरे भी बड़े मैनू थिये।

## 18 तैसेरा बाद पौलुस एथेंस नगरे मरां निस्तां कुरिन्थ्युस नगरे मां अव।

2 तैटू तैस अक यहूदी मैल्लो, तैसेरु नव अविवला थियूं, ते तै पुन्तुस इलाकेरो रानेबालो थियो, तै तैसेरी कुआन्शरु नव प्रिस्किल्ला थियूं, ते तै पुन्तुस साथी इतालिया इलाकेरां ओरां थियां, किजोकि क्लैदियुस हाकिमे हुक्म दितोरो थियो, कि सारे यहूदी रोमे मरा चले गान ते पौलुस तैन कां जेव। 3 किजोकि पौलुसेरो ते अविवलारो तेम्बु बनानेरो बुपार थियो, तांग पौलुस तैस सेइ साथी राव, तैन कम केरने लगो। 4 ते पौलुस हर आरामेरो दिहाड़े तैन केरे प्रार्थना घरे मां गातो थियो, ते यहूदी लोकन ते युनानी लोकन समझाने लगो कि, यीशु पुड़ विश्वास केरा। 5 ज़ैखन सीलास ते तीमुथियुस मकिदुनिया इलाके मां आए, त पौलुस वचन शुनाने मां मधन थियो, ते लगातार यहूदन सेइ एन ज़ोतो थियो कि यीशु ही मसीह आए। 6 पन ज़ैखन यहूदी खलाफत

त कने तुहीन केरने लगे, त पौलुसे अपना लिगड़ां ठुड़कां ते ज़ोने लगो, “तुशो खून तुशो दोपगे पुड़ भोए। अव बेइलज़ाम आई, अज़रेरो बाद अव गैर कौमन का गेइलो।” 7 तैखन प्रार्थना घरे मरा निस्तां तीतुस यूसुस नव्वरे एककी परमेशरेरो भक्त मैनेरे घरे जेव, जै गैर कौमी मरा थियो, ज़ेसेरु घर प्रार्थना घरे सेइ साथी थियो। 8 एस प्रार्थना घरेरो प्रधान क्रिस्तुसे ते तैसेरे सारे टब्बे प्रभु पुड़ विश्वास कियो, ते बड़े कुरिन्थ्यसेरो लोकैहैं शुन्तं विश्वास कियो ते बपतिस्मो नीयो। 9 एककी राती प्रभुए पौलुसे सेइ दशने मां गल की, ते ज़ोव, “डर नन्ना ते तू जौ ते चुप न रा, 10 किजोकि अव तीं सेहं साथी आई, ते कोई तीं पुड़ हमलो केरतां नुकसान न पुज़ेर्स नस्केलो, किजोकि इस नगर मां बड़े लोकन ज़ैना मां पुड़ भरोसो रख्छेतो।” 11 पौलुस तैटू डैट साल राव, ते तैन परमेशरेरी खुशखबरी शिखालतो राव। 12 ज़ैखन गल्लियो, अखाया इलाकेरो हाकिम थियो, त यहूदैर्स मिलतां पौलुसे पुड़ हमलो कमाव, ते पौलुस टलेइतां आदालतरे तखते कां नीयो, ते ज़ोने लगो। 13 “एन लोकन समझातो, कि परमेशरेरी आराधना एन्वरे केरा, जै मूर्से कानूनेरे बिलकुल बरखलाफे।” 14 पौलुस ज़ैखन किछ ज़ोने बालो थियो, त गल्लियोए यहूदन सेइ ज़ोव, “हे यहूदी लोकव, अगर केन्वी जुर्मेंरी या कोई बड़ी बुरी गल भथी त अव तुशी शुनथो। 15 पन तुशो इलज़ाम त सिर्फ खाली गल्लां केरो ते नव्वां केरो ते तुशो कानूनेरे बारे मां आए, ते अव न ज़ैनी, किजोकि अव एन गल्लां केरो हाकिम बन्नो न चैई।” 16 ते गल्लियो हुक्म दितो कि एन तखते कारं बेड़ेरोवं कढे। 17 तैखन तैनेइ सेब्बेहैं प्रार्थना घरेरो प्रधान सोस्थिनेस इन्साफेरे तखते सामने कुटो, पन गल्लियोए एन गल्लां केरि किछ भी परवाह न कमाई। 18 पौलुस काई दिहाड़े कुरिन्थ्युस नराए मां राव, ते फिरी तै विश्वासी ड्लान करां चलो जेव ते किंचिया मां अपनि मिनत पूरी केरनेरे लेइ अपने दोगेरी टिंड बनाई। ते बादे मां समुन्दरी ज़िहाज़े मां सीरिया इलाके जो चलो जेव, ते प्रिस्किल्ला ते अविवला भी तैस सेइ साथी थियां। 19 ज़ैखन तैना इफिसुस नगरे मां पुजे ते पौलुसे प्रिस्किल्ला ते अविवला तैटू छड़ां, ते पौलुस एककी प्रार्थना घरे मां जेव ते यहूदन सेइ बेंस केरने लगो। 20 ज़ैखन तैन लोकैहैं तैस कां मिनत की, “कि तू हेजू किछ दिहाड़े असन कां बिश।” 21 तै पौलुसे तैन सेइ मन्नू, 21 पन ज़ैखन पौलुस तैटू चलो तैनी तैन सेइ वादो कियो, “अगर परमेशरेरी मर्जी भोइ त अव फिरी तैसन कां एज्जोलो।” ते फिरी पौलुस ज़िहाज़े मां चेढतां इफिसुसे जो चलो जेव। 22 ते कैसरिया नगरे मां ज़िहाज़े मरा ओस्सो तैनी यस्शलेम नगरे मां गेहतां तैन केरि कलीसियारो लोकन सेइ मिलने जेव, ते फिरी तै अन्ताकिया नगरे मां अव। 23 अन्ताकिया नगरे मां किछ चिर बितनेरो बाद तै तैटू चलो जेव, ते गलातिया ते फ्रूगिया इलाकां केरे सब चेलन मज़बूत केरतो जेव। 24 अपुल्लोस नव्वरे अक यहूदी थियो, तैसेरु रुज्म बच्चे ते अव गोरु थियो, तै बड़े ज़ानी मैनू थियो, ते पवित्रशास्त्रेरो बारे मां बड़ो जानकार थियो, ते इफिसुस मां अव। 25 तैनी प्रभुएरे बत्तरी शिक्षा शिखोरी थी, ते लगातार यीशुएरे बारे मां ठीक-ठीक शुनातो ते शिखालतो थियो, पन तै सिफ यूहन्नारे बपतिस्मे तगर जानतो थियो। 26 तै प्रार्थना घरे मां बेड़क व्रारे ज़ोने लगो, पन प्रिस्किल्ला ते अविवला तैसेरी गल्लां शुन्तां, तैनेइ तै अपने घरे नीयो, ते परमेशरी बत्तरे बारे तैस होरे भी रोडे चारे ज़ोव। 27 ज़ैखन तैनी थापू कि पार एस गल्लरी मजाक बनाने लगे, ते किलेहैं ज़ोव, “अस एस बारे मां भोरु थियो, तै बड़े ज़ानी मैनू थियो, ते पवित्रशास्त्रेरो बारे मां बड़ो जानकार थियो, ते इफिसुस मां अव।

28 किजोकि तै बड़े ज़ोर शोरे सेइ बेंस केरतो खुल्ले आम पवित्रशास्त्रे सेइ साबत केरतो थियो, कि यीशु ही मसीही। 29 तै ज़ैखन पौलुसे जेव, “फिरी तुसेरी कोस किसमेरो

बपतिस्मी नीयो?" तैनेई जुवाब दित्तो, "यूहन्नारो।" 4 पौलुसे जोवं, "यूहन्ना त तैन लोकन बपतिस्मी दित्तो जैनेई पापन करां मनफिराथ, ते यूहन्ना इसाएली लोकन ज्ञोवं, जै मेरे बाद एजनेबालोर, तैस पुड विश्वास केरा, जै मसीह आए।" 5 एन शुन्तां तैनेई प्रभु यीशु मसीहें नंवे सेईं बपतिस्मी नीयो। 6 ते जैखन पौलुसे तैन पुड हथ रखे त पवित्र आत्मा तैन पुड उतरी, त तैन अलग-अलग भाषा केरने लगे, ते भविष्यवाणी केरने लगे। 7 एना सब लगभग 12 मैन्हु थिये। 8 फिरा पौलुसे प्रार्थना घेरे मां गेइतां ट्लेइ महीन्न तगर बड़े निडर भोइतां परमैशरेरे राज्जजेरे बारे मां लोकन सेईं बैंस केरने समझाने लाव। 9 पन तैन मरां किछ सकत दिलेरे भोइ जे, ते तैनेई विश्वास केरने बजाहे बजाहे इन्कार कमाव, ते एस पंथेरे बारे मां बुरु जोने लगे, एल्लेरेलेड पौलुस तैन करां कनारे भोइ जेव, ते चेले भी कनारे किये ते तुर्सुन्सेरे सुकुले मां बेंस केरतो ते तैन शिखालतो राव। 10 दूर्द सालन तगर एस भोतू राव, एडी तगर कि आसिया इलाकेरे रानेबाले कुन यहूदी ते कुन यूनानी सब्बेई प्रभुएरु बच्चन शुनू। 11 ते परमेश्वर पौलुसेरे जिरिये सेईं बडां-बडां कमां ते चमक्कार हिरातो थियो। 12 एडी तगर कि पौलुस जैस स्माले सेईं या फटके सेईं हथ लातो थियो, त तैना बिमारन पुड छडते थिये, त तैना बिमार बेज़ोती थिये, ते अगर तैन पुड भूतां केरो सैयो भोतो थियो, त तैना लोक ठीक भोतो थिये। 13 पन किछ यहूदी मऱद जैना फुक-फक केरते थी, ते एन केरने लगे कि, जैन पुड भूतां केरो सैयो भी भोत तैन पुड यीशुएरे नंवे इन जोइतां फुक फक देने लाए, "जैस यीशुएरो प्रचार पौलुस केरते, अवं तैसेरी कसम देताई।" 14 यहूदी प्रधान याजक ज्ञेसेऱ नवं स्तिक्कवा थियूं ते सरो सत मठां थियां, तैना एन्ने कमां केरता थियां। 15 ते भूते जुवाब दित्तो ते ज्ञोवं, "अवं यीशु मसीह भी जानताई ते पौलुसे भी जानताई, पन तुस कौन आथ?" 16 तैखन ते मैन्हु जैस पुड भूतेरो सैयो थियो, तैन्न यीशुएरे नंवे सेईं फुक-फक देने बालन जो पेव, ते तैना अपने कब्जे मां केरतां एत्रे कुट्टे कि तैन ज़खी भोइतां नांगने तेट्टूं नशें। 17 जैखन इफिसुस नागरेरे रानेबाले यहूदन ते यूनानी लोकन एस गल्लरो पतो लगो, त तैना डेरि जे, ते प्रभु यीशु मसीहेरी बड़याई की। 18 ते जैनेई विश्वास कियोरो थियो, तैनेई एडां अपने-अपने बुरे कमां केरो इक्कार सेईं केरे सामने कियो। 19 ते केही लोकेई जैना जैदू केरते थिये, तैना किताबां सैरेई एन्ना सेईं केरो सामने फुकी, ते जैखन तैन किताबां केरि किमतारो हिसाब लाव त कोई 50000 चैंदरे सिकन करां जादे थी। 20 एन्चेरे प्रभुएरो वच्चन बडे तकडे चारे फैलतो जेव ते भारी राव। 21 एन गल्लां केरे बाद पौलुसे फैसलो कियो, कि अवं मकिदुनिया ते अखाया इलाकां केरे विश्वासी लोकन सेईं मिलां यूरशलेम नागर जो गेइ, ते जै ज्ञोवं, "यस्थलेम नागर मां गेइतां रोम नागर भी मां गानू भी ज़रूरीए।" 22 एल्लेरेलेड अपने सैथन मरां तीमुधियुस ते इरास्तुस दूर्द मैन्हु मकिदुनिया इलाके जो एप्पु करां पेइले भेजे, ते एप्पु भी किछ चिरे आसिया इलाके मां राव। 23 तैस वके तैस पथेरे बारे मां हांगामे भोव। 24 किजोकि अक चैंदरो करीगिर थियो, तैसेऱ नवं दिमेत्रियुस थियूं, ते अरतिमिस देवारे मन्दरेरी मूरती बनेइतां, कारीगिरन बडु कम दुवर थियूं, जैस सेईं तैन केरो बडो बुपार च्छलोरो थियो। 25 तैनी एन कम ज्ञाने बाले सारे कारीगिर अकोट्टे कमाए ते जौने लगो, "हे मेरे ढुलाव असां इन कम केरतां बडे पैझेसे कमातम।" 26 पन तुस हेरतथ ते शुन्तन कि एना दूर्द मैन्हु पौलुसेरे जेरे केन्च्चरे इफिसुस नगरे ते लगभग सारे आसिया इलाकेरे नगरन मां लोकन टपलाने लोरेन ते जोतन कि जै हथ्येरां केरि कारीगिरी, तै ईश्वर नई। 27 डर एस गल्लरो नई, सिफ कि इश्शे पैशेरी बदनामी भोली, बल्के पुरानी देवी अरतिमिस, जै आए तैसारा मन्दर भी घट्या समझू गालू, जैसेरी पूजा सारे आसिया इलाके मां ते सारे दुनियाई मां केरतन, तैसेरी इज़ज़त भी खतम भोड़ागिनिये।" 28 जैखन तैन लोकेई शुनू त तैना सरकी सेईं भेरोई जे, ते ज्ञोर-ज्ञोर नही देने लगे, "इफिसी केरि देवी अरतिमिस, महान आए!" 29 हेरते हेरते सारे नगर मां हलचल मैरि जेई, लोकेई गयुस ते अरिस्तर्वुस, मकिदुनी इलाके जैना पौलुसे सेईं साथी ओरे थिये, तैना ट्लेइतां घर्साटिते तमाशो हेरनेरी ठैरी जो दौवर्देने। 30 पौलुस भी सभाई मां गान चातो थियो पन चेलैडी तै रोको। 31

ते आसिया इलाकेरे हाकिमन मरां भी तैसेरे काई दोस्तैई तैस जो बिस्तार भेजतां ते मिनत करतां जोव, कि तमाशो हेरने न गेइयां किजोकि तैडी बड़ो खतरोए। 32 तैडी पैन्यैती मां खलबली मग्नीरी थी, किजोकि किछ लोक नहरे देते थियो, ते बड़े लोकन पतो न थियो कि तैन तैडी किजो अकोहै भोरेन। 33 तैखन तैनेई सिकन्दर, जै यहूदी लोकेई खड़ो कियोरो थियो, भीडी मरां किछ लोकेई तै अग्रोवं कियो, ते सिकन्दर हथ्ये सेंइं इशारो करतां लोकां केरे सामने जुवाब देनो चातो थियो। 34 पन ज़ेरो लोकन पतो लगो कि ए यहूदी आए, त सब ज़ेरो-ज़ेरो लगभग दूर्घटन तगर चिन्डा मारने लगे, “इफिसुस नगरेरे देवी अरतिमिस, महान आए।” 35 तैखन एककी मंत्री नगरेरे लोकन चुप करेइतां ज़ोने लगो, “कि इफिसुस नगरेरे रानेबालो कौन न ज़ाने कि इफिसुस नगर लोक अरतिमिस देबारू मन्दरे, ते एसेरे मूरतरो बड़ो रखवालेन, जैन अम्बरेरां चिछड़ोरो थी। 36 जैखन एना गल्लां केरे खलाफ केन्चे किछ न ज़ोव त ठीक थियूं कि तुस चुप राथ ते बैगै सोच सेमझातां किछ न करेथ। 37 तुसेई ज़ैना मैन्हु दड़ी आनोरेन तैनेई न मन्दरे लुट्टेए न दशी देबारे खलापक तुरीन कियोरोए। 38 अगर दिमेत्रियुस ते एसेरे कारिगिरन केन्ची पुड़ दाओ केरनोए त आदालत दार खुल्लूए, ते हाकिम भी आन, ज़ैडी तुस एककी होरि पुड़ दाओ केरि सकतथ। 39 पन अगर तुस होरि कोन्ची चीज़े बारे मां पुछनू चातथ त तैसेरो फैसलो भी पचैड़ीती मां कियो गालो।” 40 मीं इस गल्लरो डेर कि अगर हाकिम इस हंगामेरे बारे मां शुनेलो त ज़ोलो कि अस रोमी साराकारारी खलाफब्रजी केनेरी कोशिश करने लोरेम, ते अस एत्रे लोकां केरे अकोहै भोनेरो कुन जुवाब देमेले। 41 एन ज़ोनेरां बाद तैनी पैन्यैत खतम कमाई।

**20** जैखन हंगामो मुक्को त पौलुसे चेले कुजाए ते तैन केरो होसलो बधव,

ते तैन विश्वा ज़ोइतां मकिदुनिया इलाके जो चलो जेव। 2 तैस सारे मुलखे मांमेंड चेलन होसलो देइतां यूनान इलाके मां (जैस जो अखाया इलाको भी जोतन) अव। 3 तैही तै ट्लाई महीने राव, ते जैखन तै समुन्दरी जिहाजे मां सीरिया इलाकेरे पासे गणेबालो थियो, त यहूदी केरे लीडरेई तैस बत्तां मास्नेरी सापिंश बनाई, तैस पतो लगो त एल्हेलेड तैनी एन रोडू समझू कि मकिदुनिया इलाके मांमेंड जो सीरिया इलाके जो गए। 4 बिरीया नगरेरे रानेबाले पुरुसेंख मटु सोपवृस, ते थिस्सतुनीकि मांमेंड अरिस्तर्खर्सू ते सिकुन्दुस ते दिरबे नगरेरी गयुस, ते तीमुथियुस ते असियारो तुखिकुस ते त्रुफिमुस असिया इलाके तगर असन सेंड साथी चले जे (लूका भी तैन सेंड साथी थियो)। 5 पन तैन तान अग्रोवं गेड्तां त्रोआस नगरे मां असन बलगते राए। 6 ते अस अखमीरी रोटी केरे तिहारे बाद फिलिप्पी नगरे मरां सफर केरतां पंच दिहेड़ी मां त्रोआस नगरे मां तैन कां पुजे, ते रात दिहेड़ी तेड़ी राए। 7 हफतेरे पेइले दिहाडे असां प्रभु भोजेरे लेइ अकोट्टे थोए, ते पौलुसे होरसां तेटूं अग्रोवं गानू थियूं त एल्हेलेड तै तैन सेंड गल्लां केरने लाव ते एधी राती तगर तैन शिक्षा देने लाव। 8 दोपरे ज़ैडी असां सब अकोट्टे बिश्शोरी थिये, त तैडी काई दीये बलते थिये। 9 त अक नौजवान दैरी मां बिश्शोरो थियो, ते तैसेसु नवं यूतुखुस थियूं तै पौलुसेरो प्रचार ठड्डी तगर शुनां तैस निडल आई, ते ट्लेइयोवं छतरां उन्ढो खिरको, ते तै मेरि जेव। 10 पौलुसु बुन अव ते तै नौजवान ट्लेइतां तैस सेंड लिपटो ते जोने लगो, “कि डरा नना ए ज़ीरोप।” 11 फिरी तैनेई बा गेइतां सेल्हेई मिलतां रोटी खाइ, ते फिरी ट्लेकडोने तगर बच्चन शुनाने लगो, तैखन तै तैटूं चलो जेव। 12 लोकेई तै नौजवान ज़ींतो घरजो नीयो, ते तैन बड़ी खुशी भोइ। 13 असां अगगर गेड्तां जिहाजे मां सुवर थाई जे, ते अस्सुस नगरे जो चले जे, तके तैही पौलुसे भी जिहाजे मां ज्ञाड़म, किजोकि पौलुसे पेइले पैदल गानेरो बिस्तार कियोरो थियो। 14 जैखन तै असन अस्सुस नगरे मां मैल्लो त तै असेई जिहाजे मां चाढ़ी ते असां मितुलेन नगरे मां आए। 15 तैटूं असां ज़िहाजे मां सुवार थोइ जे ते अस खियुस ज़ज़ीरेरे सामने पुजे, ते अग्री दिहाडे असां सामसुरे मां पुजे, ते होरसां अस मीलेतुस नगरे मां आए। 16 पौलुसे थापेस थियूं कि अवं इफिसुस नगरे मां उतरेलो, किजोकि तै असिया इलाके मां जादे वक्त बीतानो न थियो चातो।

किजोकि तै जल्दी मां थियो, कि अगर भोड़सखे, त तै पिन्नेकुस्त तिहारे दिहाड़े यरुशलेम नगरे मां राए। 17 ज़ैखन अस मीलेतुस नारे मां ओस्से, त पौलुसे इफिसुस नगरे कलीसियारे बुर्जान जौ बिस्तार भेजो कि तैना एज्जन। 18 ज़ैखन तैना तैस कां आए, त तैनी तैन सेंड़ ज़ोब, तुस ज़ानतथ कि पेइले दिहाड़ेरां ज़ैखन अवं आसिया इलाके मां पुजो, अवं तेइसेरो देंते अज्ज तगर हर वक्त तुसन सेंदू साथी केन्द्रां राव। 19 मतलब बड़े नेरमी सेंदू, ते एँखू बड़ोड़ी-बड़ोड़ी, ते तैन अज्जामैश मां जैना यहूदी केरि चलैकै सेंदू मीं पुड़ ईँ, अवं प्रभुएरी सेवा केरतो राव। 20 ते जैना-जैना गल्लां तुशें लेड फैइदरी थी, तैना मां तुसन सेंदू बगैर केव्वेरे डेरे तुसन सेंदू ज़ोई छुड़ी, ते बल्के जैन किछ भी शिखालू दिले सेंदू ते घर-घर गेइतां शिखालू। 21 बल्के अवं यहूदी लोकां ते यूनानी लोकां केरे दुड़ां केरे सामने गवाही देताई कि तैना परमेश्वरे सामने पापान करां मन केरिन, ते इश्शे प्रभु वीशु मसीह पुड़ विश्वास केरन। 22 हेरा हुनी अवं पवित्र आत्मारी गल मेन्तां यरुशलेम नगरे जो गाताई, ते मीं पतो नई कि तैड़ी मीं पुड़ केरि-केरि गुज़रेली। 23 अवं सिर्फ एत्रु जानताई कि पवित्र आत्मा मीं हर नगर मां एन जोती राई, कि बन्धना ते मुसीबत मेरे लेइ तियारन। 24 पर मेरी जान, मेरे लेड कोई कदर कीमत न रख्ये, त बस्सा अवं एन चाताई कि मेरी दीड़ पूरी भोए ते तैस सेवाई पूरी केरि, ज़ी मीं परमेश्वरे अनुग्रहेरे खुशखबरी पुड़ गवाही देनेरे लेइ प्रभु वीशु करां मैल्ली। 25 ते हुनी अवं जानताई कि तुसेंदू अवं जैन मां परमेश्वरेरे अनुग्रहेरी खुशखबरी हर पासे शुनातो राव, त मीं फिरी न लाएले। 26 एल्हेरेलेड अवं तुसन साफ-साफ ज़ोई छडताई, कि जैना लोक वीशु पुड़ विश्वास केरने बगैर मेरले, त अवं तैन केरे ज़िमेवार नई। 27 किजोकि अवं बगैर केन्वी डेरें तुसन शिखालतो राव, कि परमेश्वरी मर्जी तुशें लेड कुनो। 28 बस्सा अपनो ते सारे विश्वासी लोकां केरो खियाल रखा, ज़ेसेरे लेइ तुस पवित्र आत्मारे तफां चुनोरेथ, कि परमेश्वरी कलीसियारी रखवाली केरा, ज़ी लोक तैनी अपने खूने सेंदू विन्नोरेन। 29 अवं जानताई कि मेरे गानें बाद झूठे उस्ताद मारने बालां गिदां केरे ज़ेरे तुसन मां एज्जेलो, ते ज़ेन्वरे तैना भैडुन मारतन तेन्वरे तैना झूठे उस्ताद तुसन नुकसान पुऱ्जाले। 30 बल्के तुसन मां भी एरे लोक खेड़ भोले जैना सब ट्लाइ मरोड़ केरतां छडेले, ताके चेलन अपने पासे केरन। 31 एल्हेरेलेड बड़ीं राश ते याद रखा, कि अवं ट्लाई साल लेरा देंतो रात दिहाड़ी हर एक्की तैन खबरदार केरतो राव। 32 हुनी अवं तुसन परमेश्वरे, ते तैसेरे अनुग्रहेरे वचनेरे सुपुर्ह केरताई, कि ज़ी तुसन विश्वासे मां मज़बूत केरि सकते, ते तुसन तैस जागिरारो हकदार बनेइ सकते, ज़ेसेरो वादो तैनी कियोरोए ज़ीनी तुस पवित्र कियोरेथ। 33 मीं केव्वे सोनों चेंदारू या लिंगां केरु लालच नई कियेझ। 34 तुस एप्पु जानतथ कि मीं अपने हथेइं सेंदू अपने ते अपने सैथी केरि हर अक ज़स्तर पूरी कियोरीए। 35 मीं तुसन सब किछ केरतां हिराव, कि एन्वेरे सेंदू कमज़ोन असैली सकतम, कि प्रभु वीशु मसीहीरी गल्लां याद रख्यम, “कि देनू नेने करां जादे धने।” 36 एन गल्लां केरे बाद पौलुसे ज़ैधु केरे भारे विश्वास तैन सेबन सेंदू साथी प्रार्थना की। 37 तैना सब गले मिलतां लेरा देने लगे, ते पौलुसे कुम्हड़ी देने लगे। 38 खास केरतां तैना इस गल्ली सेंदू दुखी थी, जैना तैनी ज़ोरी थी, कि तुस मीं फिरी कधी न लाएले, ते तैनई तै ज़िहाजे तगर पज्जाव।

**21** ज़ैखन असां तैन करां चले जे त सम्नुदरे सफर शुरू कियूं त सिधे बत्ता कोस ज़रीर मां आए, ते होरसां अस रुदुस मा पुजो, ते फिरी तैटू पतरा ज़रीरे मां चले जे। 2 ते अक ज़िहाज़ फीनीके इलाके जो गांतू मैल्लू त असां तैस पुड़ चेढतां सफर शुरू कियूं। 3 ज़ैखन इश्शी नज़ारा साइप्रस ज़रीरे पुड़ पेई, त अस तैस बांए हथ्ये ओसैलतां सीरिया इलाके जो चले जे, सूर नगरे मां ओस्से, किजोकि इश्शे ज़िहाजे तैड़ी किछ बोझ उसालनो थियो। 4 तैड़ी असन चेले मैल्ले ते तैन कां असां सत दिहाड़े राए। 5 तैनई पवित्र आत्मारे ज़ोने मुताविक पौलुसे यरुशलेम नगरे मां गानेरे लेइ थाको। 5 सत दिहाड़ेरा बाद कुआन्शां मठुन समेत नगरेरे बेइर तगर साथी आए, ते सम्नुदरे बने पुजातां असेई ज़ैधु केरे भारे विश्वास प्रार्थना की। 6 फिरी असां

तैन करां अलग भोए त ज़िहाजे मां चेढतां चले जे, ते तैना भी अपने-अपने घरजो चले जे। 7 ज़ैखन असां सूर नगरे मरां सफर पूरू केरतां पतुलिमयिस मा पुजो, ते विश्वासी ढालन जो नमस्कार केरतां तैन सेंदू साथी अक दिहाड़ी राए। 8 ते होरसां असां तैटू चेलतां कैसरिया नगरे मां आए, ते फिलिप्पुस खुशखबरी प्रवाच केरेनेबालेरे घेरे जे ते तैटू राए, ज़ी सतन मरां अक थियो। 9 तैसेरी चेव्रे कुरैरी कुडियां थी, ते तैना भविष्यवाणी केरती थी। 10 ज़ैखन अस तैटू काई दिहाड़े राए, त तैटू अक नबी थियो, ज़ेसेरु नवं अगबुस थियूं ते यहूदिया इलाकें ओरो थियो। 11 तैनी असन कां एइतां पौलुरेम मज़े सेंदू अपने हथ पाव बंधे ते ज़ोने लगो, “पवित्र आत्मा इन जोतीए कि जैस मैनेर इन मज़ा आए, तैस यरुशलेम नगरेरे यहूदी इसेरे ज़ेरे बधेले, ते गैर कौमां केरे लोकां केरे हवाले केरेले।” 12 ज़ैखन असेई एना गल्लां शुनी, त असेई ते होरि लोकैई पौलुसे कां मिनत की, कि यरुशलेम नगरे मां न गेइयां। 13 पन पौलुसे जुवाब दितो, “तुस एन कुन केरने लोरेथ? तुस किजो लेरां देइ-देइ मेरा दिल ट्लोने लोरेथ? अवं यरुशलेम नगरे मां प्रभु वीशु मसीहे नव्वे सेंदू सिर्फ बेंधेनेरे लेइ नई बल्के मन्नरे लेइ भी तियार आई।” 14 ज़ैखन तैनी न मनू त असां चुप राए, “कि प्रभुएरी मर्जी पूरी भोए।” 15 किछ दिहाड़ना बाद असां सफरेरी तियारी केरने लगो, ते फिरी असां यरुशलेम नगरे जो चले जे। 16 कैसरिया नगरेरे किछ चेले असन सेंदू साथी चले, ते असेई मनासोन नव्वेरो साइप्रसेरो अक पुरानो चेलो साथी आनो कि अस तैसेरे घेरे रहम। 17 ते ज़ैखन असां यरुशलेम नगरे मां पुजो, त इश्शे विश्वासी ढुला बडे खुशी सेंदू असन सेंदू मिलने आए। 18 होरसां असां पौलुसे साथी नेडतां याकूबे सेंदू मिलने जे, तैटू सब बुर्जुअ अकोडे भोरे थियो। 19 तैखन तैनी नमस्कार केरतां, जैना-जैना कम्मा परमेश्वरे तैसीरो सेवारे ज़िरिये सेंदू गैर कौमां मां कियोरां थी, अक-अक केरतां सब ज़ोआं। 20 तैनई इन शुनां परमेश्वरी तरीफ की, ते फिरी पौलुसे सेंदू जैने लगे, “हे ढुला ते जानतास, कि यहूदन मरां हज़ेरैई लोकैई विश्वास कियोरोए, ते तैना सब मूसेरे कानूने पुड़ अमल केरने मां मधनन्। 21 ते तैन तेरे बारे खियालेझ कि तू गैर कौमां मां रानेबाले सारे यहूदन ए शिक्षा देंतो जोरोस, कि मसा नेवेरे कानूनेरे शारो, ते अपने मट्टू केरो खतनो न केरा, ते न यहूदी केरे रीतान पुड़ न चला। 22 ते फिरी कुन कियूं गाए? लोकैई ज़स्त शुनेले कि इडी ओरोस। 23 एल्हेरेलेड जैन अस तीं सेंदू ज़ोतम, तैन केरा। इश्शे इडी चेव्रे मैन्हु आन जैनई मिनत मग्गोरीए। 24 तू तैन एप्पु सेंदू साथी ने ते तैन सेंदू मिलतां अपनो आप शुद्ध केर, ते तैन केरो खर्चो भी दे, ताके तैना अपनो दोगोरी टिंड बनान। तैखन सेब्वन पतो लगनोए कि जैना गल्लां तेरे खलाफ फैलेवरिन, तैन केरि कोई बुनीयाद नई, ते तू एप्पु भी सच्चे दिले सेंदू मूसेरे कानूने पुड़ अमल केरतस। 25 ते ज़ैटू तगर तैन गैर कौमां केरो सवालो, कि जैनई विश्वास कियोरोए, तैन केरे बारे मां असेई पेई फैसलो केरतां लिखतां भेजू, कि तैना मूरतन कां बलिदान कियेरू मास ते खुने करां ते गलवैटी देइतां मारोरे जानवरां केरे मासे करां परहेज़ केरन, ते बदमाशी न केरन। 26 होरसां पौलुसे तैना मैन्हु साथी ने, ते तैन सेंदू साथी अपने आप शुद्ध केरतां मन्नरे मां जेव, ते खबर दिती कि तैन केरे शुद्ध भोनेरे बाद ब्रह्मतल ब्राह्मनेरे दिहाड़े केइस पूरे भोनेन।” 27 ज़ैखन शुद्ध भोनेरे सत दिहाड़े पूरे भोनेबाले थिये, ते आसिया इलाकेरे यहूदेई पौलुस मन्दरे मां लाव त लोक भड़काए, ते तैस ट्लेइतां चिन्दां मारने लगे। 28 “हे इस्साएली लोकव इश्शी मदत केरा, ईं तै मैनू, ज़ी हर टैरी लोकेन इश्शे कानूनेरे खलाफ ते मन्दरेरे खलाफ शिक्षा देतो रहते, ते एनी एसेरो अलावा गैर कौमां केरे लोक इश्शे मन्दरे मां एन्तां तै पवित्र ठार अपवित्र करातो।” 29 तैनई एन एल्हेरेलेड ज़ोब कि तैनेई पौलुसे इफिसुस नगरेरे रानेबाले त्रुकिमुस सेंदू साथी लाहोरी थियो, ते समझते थिये कि पौलुसे तै ज़रूरी मन्दरे मां नीयारो भोनोए। 30 तैखन सरे नगर मां हलचल मेचि जई, ते मैन्हु देवडतां जम्मां भोए, ते पौलुस ट्लेइतां मन्दरे मां खसीतां बेडर आनो, ते लूशी दारा बंद कियां। 31 ज़ैखन तैना तैस मानेरी कोशिश केरने लवरे थिये, ते फौजी टोलरे सरदारे कां खबर पुजी, कि बड़े लोकैई यरुशलेम नगरे मां खलबली मग्गोरीए। 32 तैखन तैना सिपेहिन ते सूबेदारन एन्तां तैन कांजो दौड़ो, ते तैनई फौजी टोलरे सरदारे ते

सिपाही लेइतां पौलुस मारनो कुटनो बंद कियो। 33 फौजी टोलरे सरदारे नेडे गेइतां पौलुस अपने कब्जे मां कियो, ते तैस दूर्घ शांगलें सेइं बंधनेरो हुक्म दितो, ते फिरी तैनी पुच्छू, “ए मैनू कौने ते एनो कुन कियेह आए?” 34 तैस भीड़ी मां किछ लोक चिन्डा मारते थिये, ते एप्री शौर मज्जारी थी, कि तैस पूरो पतो न लगो ते तैनी हुक्म दितो, कि पौलुसे किल्लै मां पुजाथ। 35 ज़ैखन पौलुस सिपाहीयें ऐपेवडन उबरो ज्वलेवरो थियो, त लोकां केरे जवाई सेइं सिपाहीयें पौलुस उबरो छुटां नेव। 36 सारे लोक ज़ैना पौलुसे पती पेवरे थिये, तैना चिन्डा मारते थिये, “एस मारा!” 37 पौलुसे सिपाही किल्लै मां पुजाने बाले थिये, त तैनी फौजी टोलरे सरदारे सेइं ज़ोव, “कुन मीं अज्ञाजते कि अवं तीं सेइं किछ ज़ोई?” ते तैनी पुच्छू, “तू युनानी भाषा ज्ञानतस?” 38 कुन तू तै मिस्र मुलखेरो रानेबालो नई, ज़ैनी किछ चिरे पेइले सरकारारी खलाफत कियोरी थी, ते 4000 मैनू ज़ैन का हथियार थिये तैना जंगले मां नीयोरे थिये? 39 पौलुसे ज़ोव, “अवं त यहूदी आई, ते तरसुस नगरेरो राने बालोई, ज़ैन किलिकिया इलाकेमु शुरू नार, अवं तीं का मिनत केरेताई मीं लोकन सेइं गल केरने दे!” 40 ज़ैखन तैनी अज्ञाजत दिती, त पौलुस पेवडन पुड़ खड़ो भोइतां लोकन जो हथ्ये सेइं इश्वरो कमाव कि चुप रान। ते ज़ैखन तैनी नेईं चुप कमाई त पौलुसे इब्रानी भाषाई मां ज़ोन शुरू कमाव:

**22** “मेरे ढलाव ते बुजुर्गाव, मेरी गल शना, जै अवं अपनि सफैई मां पैश लोरोई केरने” 2 ज़ैखन लोकेई तैस करां इब्रानी भाषा ज़ोती शुनी त तैना चुप रेझे, तैखन पौलुसे ज़ोव: 3 “अवं त यहूदी आई, ते अवं किलिकिया इलाकरे तरसुस नगरे मां ज़रमो, पन इस नगर मां गमलीएल करां शिक्षा हासिल की, ते अपने दादा-पड़दादां केरे कानुने ठीक तरीके सेइं शिखोरीए, ते अवं भी परमेश्वरे लेह एरो मधन थियो, ज़ेरे अज्ञ तुस आथ। 4 मीं मङ्गदन ते कुआन्शन बेंधतां, ते कैद केरतां, ई पंथ इडी तगर सताए, ते तैना मारा भी। 5 एप्पु महायाजक ते सब बुजुर्ग एस गल्लरे गवाह आन, कि मीं दामिशक नगरे मां रानेबाले यहूदी ढलां केरे लेह चिर्दी एन्होरी थी, ते अवं तैड़ी एस नीती सेइं ज़ोरो थियो, ते ज़ैना तैड़ी भान तैन सज्जा देरेवे लेह बेन्धतां यस्शलेम नारे जो नेही।” 6 “अवं ज़ैखन सफर केरते केरते दमिशक नगरे नेडे पुजो, त तै दुपाहरां केरो मोको थियो। ते अम्बरें अक बड़ी लो आई ते मेरे च्वेपे पासन बलने लागी। 7 ते अवं तल्ले बिछुडी ज़ोव, ते मीं अक आवाज़ शुनी, जै मींजो ज़ोने लोरी थी, हे शाऊल, हे शाऊल तु मीं किजो स्तातस? 8 त मीं पुच्छू, हे प्रभु तू कौन आस? त तैनी मींजो जुवाव दितो, अवं यीशु नासरी आई, ज़ैस तू स्तातस। 9 मेरे सैथई लौ त लाई पन तैन कोई गल न समझी, कि तै आवाज़ मीं सेइं कुन लोरीए ज़ोने? 10 त मीं पुच्छू, हे प्रभु अवं कुन कमई, प्रभुए ज़ोव, उठ दमिशक नगरे मां गा तैड़ी ती ज़ैन तेरे केरनेटे लेह रखेरु तैड़ी ती सेइं ज़ोव गालू। 11 मेरे सैथई अवं हथ्येरा ट्लेइतां दमिशक नगर मां पुजाव। किजोकि तैस बडे महिमरे वजाई सेइं मीं किछ न तेड्योव।” 12 “तैड़ी अक मैनू हन्न्याह नव्वोरो कानुनेरो मुताबिक भक्त मैनू अव, ते तैट्वे यहूदन मां बडो इज्जतदार थियो। 13 तै मीं कां खड़ो भोइतां ज़ोने लगो, हे ढला, शाऊल, अपनि एछळी खोल्ल, ते मेरी एछळी तैखने खुल्ली जेर्द, ते अवं तैस लहने लगो। 14 तैखन तैनी ज़ोव, इश्वरो बुजुर्गां केरे परमेश्वरे तू चुनोरोस, ताके तू तैसेरी मज्जी पूरी केरस ते मसीही लास ते तैसेरी गलां शुनस। 15 किजोकि तू सैरी लोकन मां तैसेरो गवाह भोलो, ते तैन ज़ोलो कि तीं कुन लाहेऱु ते कुन शुनेस। 16 हुनी चिर किजो लातस? उठ, ते बपतिस्मो ने ते तेरे पाप माफ़ भोन।” 17 “ते ज़ैखन अवं यस्शलेम नगरे मां वापस अव, ते अवं मन्दरे मां प्रार्थना केरने लोरो थियो, त मीं दर्शन लाव। 18 ते तै लाव ते एन जातू शुन कि लूश केर, ते यस्शलेम नगरे मां लूशी निस, किजोकि एना लोक मेरे बारे मां तेरी गवाही कबूल न केरेलो। 19 मीं ज़ोव, हे प्रभु एना लोक ज्ञानतन कि अवं तगर प्रार्थना घेरे मां गातो थियो, ते केन्वरे अवं तेरे मने बालन कैद केरतो ते कुटो थियो। 20 ते ज़ैखन तेरे गवाह स्तिफनुस मारने लाए थिये, त अवं भी तैड़ी थियो, ते तैसेरो मारने मां खुशी थियो। ते अवं मारने बालां केरां लिगड़ा पहरतो थियो। 21 ते

प्रभुए मीं सेइं ज़ोव, “गा अवं तीं गैर कौमन कां दूर-दूर भेजेलो।” 22 सारे लोक तैसेरी गललां शुने लोरे थिये, पन ज़ैखन तै इडी तगर पुज़ो त सारे लोक ज़ोरो-ज़ोरे चिन्डा मारने लगे, “ए ज़ीतो खखनेरे काबल नड़।” एस मार। 23 ज़ैखन लोकां केरे शौर ते चिन्डा चैलती रेड, त तैना जोगे शेरतां धूड़ आसमाने उडारने लगे। 24 त फौजी पलटनरे सरदारे पौलुस किल्लै मां नेरो हुक्म दितो, “एस कोडें सेइं बाथ ते एसेरु बियांन बिघ्ना ताके पतो लगे, कि लोक किजो चिन्डा मारने लोरो।” 25 जैखन तैना कोडें सेइं बानेरो लेह पौलुस रेसी सेइं बंधो, त तैनी एककी सूबदारे सेइं ज़ोव जै तैड़ी नेडे थियो। “कुन अक रोमी नगरेरे मैनू बगर कसूरे झुसनो जेड्जे?” 26 जैखन तैनी सूबदारे एन शुन तै फौजी पलटनरे सरदारे कां जेव, “तू कुन ज़ोतस? ए त अक रोमी मैनूरा।” 27 फौजी पलटनरे सरदारे पौलुसे कां इडीं पुच्छू, “कुन तू रोमीस?” तैनी ज़ोव, “हाँ।” 28 इन शुन्तां फौजी पलटनरे सरदारे ज़ोव, “कि मीं रोमी भोनेरी पदवी बडे पेंद्से देइतां हासिल कियोरीए।” ते पौलुसे ज़ोव, “पन अवं त ज़मनीरो रोमी।” 29 जैना लोक पौलुसेरु बियांन बिघ्ने बाले थिये, तैना नेशी जे, फौजी पलटनरे भी इन बुझतां कि ई रोमी, ते तैनी तै बंधो, ते डेरी जेव। 30 होरसां तै ठीक-ठीक ज्ञानेरी इच्छा सेइं कि यहूदी तैस पुड़ किजो दोष लातन, एल्लेरेलैड तैनी तै खोल्लो, ते प्रधान याजक ते सारी महासभा अकोट्टी केरनेरो हुक्म दितो, ते पौलुस बुन गेहुतां तैन केरे सामने खड़ो कियो।

**23** पौलुसे महासभारे लोकां केरे पासे रोडेचारे तेकतां ज़ोव, “हे ढलाव अव बेड़े नेक नीती सेइं परमेश्वरे हुक्मां केरे मुताबिक ज़िन्दगी गुजारतो ओरोई।” 2 महायाजक हन्न्याह पौलुसीरी एना गललां शुन्तां पौलुसे कां खड़े भोरे लोकन हुक्म दितो, कि एसेरे तुतरे पुड़ थप्पद बाथ। 3 पौलुसे तैस सेइं ज़ोव, “हे पाखांडी, परमेश्वर तीं बाए। तु इडी बिशोरोस कि मूसेरे कानुनेरे मुताबिक मेरो इन्साफ केरस, ते कुन तू मूसेरे कानुनेरे खलाफ बानेरो हुक्म देतस?” 4 ज़ैना तैड़ी खड़खडे थियो, त तैना जाने लगे, “कुन तू परमेश्वरेरो महायाजकेरी तुहीन केरतस?” 5 पौलुसे तैन सेइं ज़ोव, “ढलाव मीं पतो न थियो, कि ए महायाजक, किजोकि लिखोरू, तू अपने लोकां केरे प्रधाने जो बुक न ज़ो।” 6 पौलुस ज्ञानतो थियो, कि तैन मां किछ सूदूकी भी आन, ते किछ फरीसी लोक भी आन ते तै महासभाई मां ज़ोरे सेइं ज़ोने लगो, “हे ढलाव अवं त फरीसी लोकां केरे खानदेनी मरां आई, ते मीं पुड़ एर्दे पर्हेरेलेड मुकदमो चलेवोरा, कि अवं उमीद रखताई कि मुद्दे फिरी ज़ीतो भोले।” 7 पौलुसेरु एन ज़ोंते फरीसी ते सूदूकी लोकन एप्पु मामेइं लड़ाई शुरू भोइज्जे, ते सेव्हन एप्पु मामेइं खल बनो। 8 किजोकि सूदूकी ज़ोतन कि मुद्दे ज़ीती नई भोने, ते न स्वर्गूतन ते न कोई आत्मा आए, पन फरीसी लोक एन दुड्ये गललन पुड़ विश्वास केरतन। 9 तैखन तैना बेंस केरने लगो, शास्त्री लोकन मरां ज़ैना फरीसी लोकन मां थिये, तैना खड़े भोइतां लड़ाई केराने ज़ोने लगे, “असां इस मैनू हां मां कोई कसूर न लहम, अगर केन्वी आत्मा या स्वर्गूते एस सेइं कोई गल कियोरीए त फिरी कुन भोवं?” 10 गल एत्री बेद्दी जेर्द, कि फौजी पलटनरे सरदारे बुझू, कि एरु न भोए कि पौलुसेरो टोटे-टोटे बनान, त तैनी हुक्म दितो कि बुन गाथ ते पौलुसे जबरदस्ती तैटूं कढा ते किल्लै माजो आना। 11 तैसेरो राती प्रभु यीशुए पौलुसे का इटां ज़ोव, “हे पौलुस यिम्मत रख जेन्वरे तीं यक्षलेम नगरे मां मेरी गवाही दितोरीए, तेन्वरे तीं रोमे मां भी गवाही देनी भोली।” 12 होरसां द्वेषां किछ यहूदी मैनेई मिलतां फैसलो कियो, ते कसम कमाई कि जांतगर असां पौलुसे केत्तल न केरम, तांतगर किछ न खाम ते न पींम। 13 एस साजिशी मां 40 मैनू करां जादे थिये। 14 तैना ग्राधान याजकन ते बुजुर्गन कां जे, ते ज़ोने लगे, “असन पुड़ लानत भोए, अगर असां पौलुसे मारनेरो बगैर किछ खाम या पींम, असैर्वे तै तैस खतम केरनेरी कसम कमेवरीए। 15 एल्लेरेलैड तुस सब महासभा मां मिलतां फौजी पलटनरे सरदारे कां दरखुवास देथ, कि तै पौलुसे लोकां केरे सामने आने, ताके एस मुकदमेरी सारी हकिकत फिरी पतो ज़रे, एस करां घेइले पौलुस इडी पैश कियो

गए, असां तियार आम, कि तैस मारम।” 16 पन जैखन पौलुसेरे बेझनरे मट्टे एस साजशरो पतो लगो, त तैनी किल्लै मां गेझतां पौलुसे पतो दित्तो, कि तैना लोक तैस मारो चातन। 17 तैखन पौलुसे सूबेदारन मरां अकुजाव, ते तैस सेंड़ ज़ोवं, “कि इस जवाने फौजी पलटनरे सरदारे कां नेथ, किजोकि ए किछ ज़ोनेरे लेड ओरोए।” 18 बस्सा, तैनी तै फौजी पलटनरे सरदारे कां साथी नीयो, ते ज़ोने लगो, “अंवं पौलुसे ज़ै कैदी आए, तैनी अंवं कुजाव, ते तैनी मीं कां दरखुवास कियोराए, कि इस जवाने अंवं तीं कां एन्ही, किजोकि ए किछ तीं सेंड़ ज़ोनू चाते।” 19 फौजी पलटनरे सरदारे तैस जवानेरो हथ ट्लेइतां तै कनारे ज़ेरो नीयो ते तैस पुच्छने लगो, “तू मीं सेंड़ कुन ज़ोनू चातस?” 20 तैनी जवाने ज़ोवं, “यहूदी लीडरेई अकोट्टे भोइतां तीं कां दरखुवास देनेरो फैसलो कियोरोए। कि तू पौलुसेरी पुछ गन केरनेरे बहाने तैस महासभा मां आनस। 21 तू तैनै केरि गल न मेन्ना, किजोकि कोई 40 मैनू करां जादे यहूदी तैस पुछ हमलो केरनेरी कोशिशी मां आन, तैनेई कसम कमेरी कि ज़ातिग असां पौलुसे न मारम तांतर असां किछ खाम या पींस, त असन लानत भोए, हुनी तैना तियारन, सिफे तेरे वादोरे इंतज़ारे।” 22 फौजी पलटनरे सरदारे ते जवान वापस भेजो, ते तैस ज़ोवं कि गा, “एना गल्लां केरो ज़ैना तीं मीं सेंड़ ज़ोई, होरि केन्ची पतो न लोडी लगोरो।” 23 तैखन तैनी दूर्घ सूबेदार कुजाए, ते तैन सेंड़ ज़ोवं, “तुस 200 सिपाही ते 70 सुवार ते 200 भाले च्चलनेबाले तियार रख्खा, तैनेई राती 9 बज़ेई कैसरिया नगरे मां गानूप। 24 ते पौलुसेरे लेड घोडे तियार रखा, ताके तै गवर्नर फेलिक्स कां हफाजती सेंड़ पुजाव गाए।” 25 ते फौजेरे प्रधाने अक चिट्ठी एस तरिकेरी लिखी। 26 “श्रीमान फेलिक्स गवर्नर क्लायैदियुस लूसियास जो नमस्कार। 27 ए तै मैनूए, ज़ै यहूदीई ट्लातोरो थियो, ते एस तैना मारेवाले थियो, त अंवं सिपाही नेइतां साथी जेव, ते तै छुटाव, किजोकि मीं पतो थियो, कि तै अक रोमेरो रानेबालोए, त फौजी पलटन नेइतां छुटाव। 28 लिहाजा एन ज़ान्नेरी केरनेरे लेड कि तैना तैस पुछ कुन इलज़ाम लातन, मीं तै तैन केरि माहसभा मां पैश कियो। 29 ते पतो लगो, कि तैन केरो इलज़ाम तैन केरो कानूनेरे मुताबिक एसेरे खलाफ कोई एरो इलज़ाम नई, कि ज़ेसेरे ज़िरिये सेंड़ असां तैस कैद केरम या मौतरी सज़ा डेंड सखम। 30 मीं पतो लगोरोए कि एसेरे खलाफ कोई साजिश भोई राहोरीए, ते मीं ए ज़ल्दी तीं कांजो भेजोरोए, ते मीं तैस पुछ दाओ केरनेबालन भी ज़ोरूए, कि तैना भी तीं कां अपनो मुकदमो पैश केरन।” 31 सिपाही, फौजी पलटनरे सरदारे दुखमेरे मुताबिक पौलुसे एपू सेंड़ साथी नेइतां रातो रात अन्तिपत्रिस नगरे मां पुजाव। 32 होरसां दीसां घोड़ सुवारन तैस सेंड़ साथी अग्री-अग्री गानेरो हुक्म दितो, ते तै एपू किल्लै मांजो वापस च्चलो जेव। 33 जैखन घोड़ सुवार कैसरिया नगरे मां पुजे ते तैनेई गवर्नर कां चिट्ठी देइतां पौलुसे तैस कां पैश कियो। 34 गवर्नर चिट्ठी पेढां पुच्छू, “ए कौस इलाकेरो रानेबालोए?” ज़ैखन तैस पतो लगो कि ए किलिकिया इलाकेरो रानेबालोए। 35 त तैनी ज़ोवं, कि अंवं तेरो मुकदमो तैखन शुनेलो, “ज़ैखन तीं पुछ दोष लाने बाले भी इडी हाज़र भोए।” तैखन तैनी हुक्म दित्तो कि पौलुसे हेरोदेरो पहेरे मां रख्खा।

**24** पंच दिहैड़ना बाद हनन्याह महायाजके किछ बुजुर्ग ते तिरतुल्लुस नंवरो वकील साथी कैसरिया नगरे मां पुजे, ते गवर्नर कां पैश भोइतां पौलुसेरो खलाफ फरयाद कमाई। 2 ज़ैखन पौलुसे पैश कियो ते तिरतुल्लुस इलज़ाम लेइतां ज़ोने लाव, “हे महान फेलिक्स, तेरे वजाई सेंड़ अस बड़े खुरी सेंड़ रातम, ते तेरे ज़िरिये सेंड़ इस कोमरी केत्री बुरैई सुधैरी गैतिन।” 3 एन अस हर ठैरी हर किसमे सेंड़ मन्तम। 4 पन हुनी अंवं तेरो जादे वर्क नेनो न चैई, अंवं तेरी मिनत केरताई कि इश्शी अक दूझ गल शुन। 5 असेई लाहेरू कि ई मैन्हु बडो फसाद केरनेबालोए, ई दुनियारे सारे यहूदन मां फितनाबज़े, ते नासरी कुपंथरो प्रधान आए। 6 एनी त मन्दरे भी अशुद्ध केरनेरी कोशिश की, ते एलहेरेलेड असेई ए ट्लेइतां एस पुछ अस अपने कानूनेरे मुताबिक मुकदमो च्चलानो चाते थिये। 7 पन फौजी पलटनरो सरदार लूसियास असन कां ज़बरदस्ती नेही जेव। 8 ते इस पुछ दोष लाने बाले तीं

कां हाज़र भोनेरो हुक्म दे। इन सेंधी गल्लां केरे बारे मां अस एस पुड़ दोष लातम, तू एपू सज़ जान।” 9 यहूदी लोकेई भी तैस सेंड़ साथी भोइतां ज़ोवं, कि एना गल्ला केन्द्रा भौइ सेकातिन। 10 ज़ैखन गवर्नरे पौलुसे वियान देनेरे लेइ इशारो कियो, त पौलुसे जुवाब दित्तो, “अंवं ज़ानताई कि त केरी सालां केरो देंतो इस कौमरो इन्साफ केरनेबालो आस, एहोरेलेड अंवं अपनि सफाई तीं कां पैश केरताई।” 11 तू एपू पतो केरि सखत्स कि अंवं 12 दिहाडे पेड़ले यस्तातेम नगरेरे मन्दरे मां आराधना केरनेरे लेड जोरो थियो। 12 मेरे मुदेड्येहं अंवं मन्दरे मां केन्द्री सेंड़ भी बेंस केरतो नई लाहोरो, ते प्रार्थना घरे मां ते नगर मां द्वारा उरां लडाई केरतो भी नई लाहोरो। 13 हुनी एना इलज़ाम ज़ैना मीं पुछ लाने लोरेन, ते तेरे सामने साबत न केरि सख्त। 14 हाँ अंवं इकरार ज़रूर केरताई कि ज़ैस पंथे एना कुपंथ ज़ोतन, अंवं तेरेरे मुताबिक अपने दादे-पड़दादां केरे परमेश्वरी आराधना केरताई, ते ज़ैन किछ मूसेरे कानूने ते नेवी केरि किताबी मां लिखोरूए, तैन सेब्भन पुछ मेरो विश्वास आए। 15 अंवं परमेश्वरे पुछ तै एपू भरोसो रखताई, ज़ै तैना रखतन कि धर्मी लोकन ते पापी लोकन परमेश्वर मुड़दन मरां ज़ीतो केरेलो। 16 ते एलहेरेलेड मेरो ज़मीर परमेश्वरे कां भी ते इन्साने कां भी बेडलज़ाम राए। 17 केरी सालां केरे बाद अंवं अपने गरीब लोकन दान पुजाने, ते च्चढतल ज़ादाने ओरो थियो। 18 तैखन एनेई अंवं मन्दरे मां लाव, त अंवं शुद्ध भोनेरी रीत पूरी केरने लोरो लोडतो थियो, बगैर लोक अकोट्टे केरतां ते बगैर कोन्ची हांगामे इन कम केरतो लाव। पन तैना आसिया इलाके किछ यहूदी थी, ते तैन जाईज थियूं। 19 अगर मीं किछ गलत कियोरु भोयू त तैनेई इडी तेरे सामने मीं पुछ दोष लारो लोडतो थियो, किजोकि तैनेई एपू लावरूए कि मीं मन्दरे मां कुन कियूं। 20 इना लोक ज़ैना इडी ओरेन, एना ज़ैन कि ज़ैखन अंवं महासभा मां पैश भोरो थियो, त एनेई मीं कुन कन्सूर लाहोरो थियो? 21 सुवाए इस गल्लरे कि ज़ै मीं बड़े ज़ोरे सेंड़ आवाज देवांजा ज़री थी, कि अंवं ई विश्वास केरताई परमेश्वरे मुदेन ज़ीति केरते, एलहेरेलेड मीं पुछ मुकदमो च्चलाने लोगोरेन। 22 फेलिक्स ज़ै इस पंथे बारे मां ठीक-ठीक ज़ानतो थियो, एन ज़ोइतां मुकदमो बंद कियो, “ज़ैखन फौजी पलटनरो सरदारे लूसियास इडी एजेलो ते अंवं तुश्शे सामने इस मुकदमेरो फैसलो केरेलो।” 23 तैनी सूबेदारे हुक्म दित्तो, कि पौलुसे पेरहे मां रख्खा, ते तैसेरे दोस्तन मरां केन्द्री भी तैसेरी सेवा केरनेरे लेड न रोकथ। 24 केरी दिहैड़ना बाद गवर्नर फेलिक्स अपनि कुआन्श द्वृसिल्ला ज़ै यहूदी थी, तै तैस सेंड़ साथी कैसरिया मां अवं, तैनी पौलुसे जो समाद भेजी ते यीशु मसीह पुछ विश्वास केरनेरे बारे मां गल्लां शुनाए। 25 ज़ैखन पौलुस एन ज़ोवं, कि परमेश्वरी नज़री मां कुन रोड़ए ते अपने इच्छा कैबू केरनेरे बारे मां ते एजनेबाले परमेश्वरे इन्साफे बारे मां भी ज़ोवं, ते फेलिक्स डेरि जेव, ते ज़ोने लगो, “हुनी तू गा, अगर फुर्सत मैलेली त अंवं तीं फिरी तीं कुजेइलो।” 26 तैस पौलुसे करां किछ मैलनेरी उमीद थी, एलहेरेलेड तै तैस बार-बार कुजातो थियो, ते तैस सेंड़ गल्ला केरतो थियो। 27 पूरे दूर्घ सालना बाद पुरकियुस फेस्तुस, फेलिक्सेरे ठैरी गवर्नर बनो, ते फेलिक्स यहूदी खुश केररे लेड पौलुस कैदखाने मां रख्खा।

**25** फेस्तुस तैस इलाके मां पूजात ट्लेड दिहैड़ना बाद कैसरिया नगरेरां नंवरो वकील साथी कैसरिया नगरे मां पुजे, ते गवर्नर कां पैश भोइतां पौलुसेरो खलाफ फरयाद कमाई। 2 ज़ैखन पौलुसे पैश कियो ते तिरतुल्लुस इलज़ाम लेइतां ज़ोने लाव, “हे महान फेलिक्स, तेरे वजाई सेंड़ अस बड़े खुरी सेंड़ रातम, ते तेरे ज़िरिये सेंड़ इस कोमरी केत्री बुरैई सुधैरी गैतिन।” 3 एन अस हर ठैरी हर किसमे सेंड़ मन्तम। 4 पन हुनी अंवं तेरो जादे वर्क नेनो न चैई, अंवं तेरी मिनत केरताई कि इश्शी अक दूझ गल शुन। 5 असेई लाहेरू कि ई मैन्हु बडो फसाद केरनेबालोए, ई दुनियारे सारे यहूदन मां फितनाबज़े, ते नासरी कुपंथरो प्रधान आए। 6 एनी त मन्दरे भी अशुद्ध केरनेरी कोशिश की, ते एलहेरेलेड असेई ए ट्लेइतां एस पुछ अस अपने कानूनेरे मुताबिक मुकदमो च्चलानो चाते थिये। 7 पन फौजी पलटनरो सरदार लूसियास असन कां ज़बरदस्ती नेही जेव। 8 ते इस पुछ दोष लाने बाले तीं

किये। पन कोई पक्कू सबूत न मैल्लू। 8 पौलुसे अपनि सफाई देंते बार यहूदी केरे झूठे इलजामा केरे लेइ इन्कार कियो, ते जोवं, “मीं त यहूदी केरे कानूनेरे खलाफ कोई कसूर नई कियोरो, ते न मन्दरेरे खलाफ ते न महाराजेरे खलाफ कोई कसूर कियोरोए।” 9 पन फेस्तुस एपू यहूदी लीडरन खुश केरनेरे लेइ पौलुसे पुछू, “तीं यस्तलेम नगरे जो गानू मन्जुरे, ताके अंव एस मुकदमेरे फैसले तैडी केरिए?” 10 पौलुसे जोवं, “अंव इडी महाराजेरे इन्साफेरे तखते सामने खडो आई, ते मेरे मुकदमेरो फैसलो द्वासे ठैरी भोरो लोडे, जैडी रोमी मैनेरो इन्साफ भोरो लोडे, तू एपू भी रोडेवारे जानतस कि मीं यहूदी केरो कोई कसूर नई कियोरो। 11 आर अंव कुसुरवार आई त मौतरी सज्जारे काबल आई त मेरो मसनेरो इन्कार नई, पन अगर जैना झूठे इलजाम यहूदी मीं पुड़ लाने लगोरेन ते अगर तैना झूठेन त केन्ची हक नई कि मीं तैन केरे हवाले केरो। ते अंव इडी महाराजे कां बिनती केरताई, कि मेरो इन्साफ इडी कियो गाए।” 12 तैखन फेस्तुस सल्लाकारन करां मुशोरे केरतां जुवाब दितो, “मीं महाराजे कां बिनती कियोरीए त तू महाराजे कां गालो।” 13 किछ दिहैडना बाद अग्रिप्पा राजा ते तैसेरी निकडी वेडन बिरनीके कैसरिया नगरे मां इतां फेस्तुसे सेइं मुलाकात की। 14 तैन केरे बडे दिहैडे तैडी रानेरे बाद फेस्तुसे पौलुसेरे बारे मां राजे जोवं, “अक मैनू आए, जै फेलिक्से कैद कियोरोए। 15 जैखन अंव यस्तलेम नगरे मां थियो, त प्रथान याजक ते यहूदी बुजुर्ग तैस पुड़ दोष लगे लाने, कि एस सज्जा दिती गाए। 16 पन मीं तैन ज्ञोर थियू, कि रोमी केरे दस्तुरेरे मुताबिक कोई मैनू सजा देनेरे लेइ हवाले न कियो गाए, जांतगर तैस अपने मुदेड केरे सामने तैन इलजामा केरे बारे मां अपनि सफाई पैश केरनेरो मौको न दितो गाए। 17 एल्हेरेलेइ जैखन यहूदी लीडर इडी आए, त मीं ठंड न लाई, पन होरसां इन्साफेरे तखते पुड़ विश्वां हुक्म दितो, कि पौलुस आदालती मां आनो गाए। 18 जैखन तैसेरे मुदेड अपनो दाओ पैश केररेरे लेइ खडे भोए त, तैनेरी कोई एरो इलजाम तैस पुड़ न लाव, जैसेरी बारे मां अंव समझातो थियो। 19 पन अपने फिरकेरे बल्के तैन केरि लाडी तैन केरे अपने धर्मेरे केन्ची यीशु नवरेरे मैनेरे बारे मां थी। ते मेरि जेवरोए, पन पौलुस तैस जो जीतो जोते। 20 अंव बेडि उलझनी मां राहोरोइ कि केच्चरे एन गल्लां केरो पतो केरी, एल्हेरेलेइ मीं पौलुसे पुछू, कि तीं यस्तलेम नगरे मां गानू मन्जुरे, ताके एन गल्लां केरो फैसलो तैडी भोए? 21 पन पौलुसे बिनती कमाई कि इस मुकदमेरो फैसलो महाराजे कां लोडते भोरो, एल्हेरेलेइ मीं हुक्म दितो कि तै महाराजे कां गाने तगर इडी पाबंद राए।” 22 अग्रिप्पा राजे फेस्तुसे सेइं जोवं, “अंव भी एस मैनेरी गल्लां शुनीनी चाताई।” तैनी जुवाब दितो, “तू तैसेरी गल्लां कालां शुनी सखत्स।” 23 होरसां अग्रिप्पा राजा ते कने बिरनीके बेडि शांती सेइं आए, ते फौजी पलटनेरे सरदरेहें ते नगरेरे खास लोक सभा मां दाखल भोए, फेस्तुसे हुक्म दितो कि पौलुसे हाजर केरा। 24 फिरी फेस्तुस जोवं, “हे अग्रिप्पा राजा ते बाकी लोकव तुस इस मैनू हेरतथ एसेरे खलाफ सैरी यहूदी कौमां मीं कां यस्तलेम नगरे मां भी ते इडी भी चिन्डां पैरतां दरखवास कियोरी थी, कि ए मैनू जीतो खासो ठीक नई।” 25 पन मीं पतो लगो कि एनी कोई एरु गलत कम नई कियेझ, कि ए कल्ल कियो गाए, एल्हेरेलेइ एनी इडी बिनती कियोरोए, त अंव ठीक समझातां कि एस रोम नगरे मां भेजी। 26 पन मीं तैसेरे बारे मां कोई ठीक गल न मैल्ली, कि महाराजे जो लिखी, एल्हेरेलेइ मीं ते तुशें सामने ते खास केरता अग्रिप्पा राजा, तेरे सामने पैश कियोरोए, ताके पुछ गन केरनेरे बाद अगर कोई खास गल भोए त अंव लिखी। 27 किजोकि केन्ची कैदी भेजते बार तैसेरे इलजाम अगर अंव केन्ची न शुर्ई त मेरी लेइ ठीक नई।”

**26** अग्रिप्पा राजे पौलुसे जो जोवं, “तीं अपने बारे मां ज़ोनेरी अजाज़तो।” तैखन पौलुस अपनो हथ्ये सेइं दशारो केरतां अपनि सफाई एपू पैश केरने लगो। 2 “हे अग्रिप्पा राजा, अंव अपनो आप खुश किस्मत समझाताई, कि तेरे सामने खडो भोइतां यहूदी लोकां केरे प्रथाना केरे इलजामा केरे खलाफ अपनि सफाई पैश केरने लगोरोइ। 3 खास केरतां तू सारे यहूदी केरि रेति

रुवाजेरे बारे मां जानतस, ते एल्हेरेलेइ अंव तीं कां मिनत केरताई, कि तू सबरी सेइं मेरी गल शुन।” 4 यहूदी मीं रोडेवारे जानतन कि पेइले अंव अपने लोकन मां ते यस्तशेलम नगरे मां ते मेरी जैवेनरो चालचलन केरहो थियो। 5 तैना पेइले देंते मीं जानतन ते अगर चान त मेरे हके मां गावही देइ सकतन, कि अंव अपने पथेरे मुताबिक फरीसी भोइतां अपने धर्मेरे सज्जे पथेरे सेइं ज़िन्दीगी गुजरतो ओरोई। 6 परमेशरे इशो दादे-पड़दादान सेइं अक वादो कियोरो थियो, मीं उमीदे कि तै पूरे भोलो, तैस उमीदारी बजाई सेइं मीं पुड़ मुकदमो चलेवोरोए। 7 एस वादेरे पूरे भोनेरी उमीद इशो 12 केरे 12 गोत्रने, एल्हेरेलेइ तैना दिले सेइं रात दिहाडी परमेशरेरी सेवा केरते रातन। हे अग्रिप्पा राजा मेरी इस उमीदारे लेइ यहूदी मीं पुड़ दोष लातन। 8 जां कि परमेशर मुडन फिरी ज़ीते केरते, तुस इस गल्ली पुड़ विश्वास कि न केरथ? 9 “पेइले अंव भी समझातो थियो, कि यीशु नैसरेरे नवर्वी हर तरीके मुखालफत केरनन मेरो फूजो।” 10 एल्हेरेलेइ अंव यस्तलेम नगरे मां एन्ने केरतो राव, मीं प्रथान याजकन करां अजाजत एन्नां बडे परमेशरे सेवक कैद केरतां छडे, ते जैखन तैना मारे गाते थियो, त अंव भी तैडी खलाफत केरतो थियो। 11 अंव प्रार्थना घरन मां गातो थियो, ते तैन केरि तुहीन केरतो थियो। ते लोकन यीशुएरे खलाफ तुहीन केरनेरे लेइ मजबूर केरतो थियो। ते मसीही लोकां केरि मुखालफत केरने सेइं मीं एत्री खुशी भोती थी, कि अंव दूर-दूर नगरन मां गेहांता तैन सातातो थियो।” 12 “एक्की बार प्रथान याजकन करां अधिकार एन्नां एस्से कमर्मे लेइ दमिश्क नगरेरे सफर केरने लगोरो थियो। 13 त हे राजा अंव हेबू बतां थियो, त मीं दुपहारां केरे मौके अम्बरें अक लौ एंडी लाई, जै दिहाडेरी लौई करां भी जादे थी, ते तै इशो चुवे पासन चमकने लगी। 14 असां सब जमीनी पुड़ बिछडी जे, ते मीं अक आवाज शुनी, जै मीं सेइं इब्रानी भाषाई मां एन जौने लगोरी थी। कि हे शाऊल हे शाऊल तू मीं किजो स्तातस? मीं सेइं लडाई केरनि तेरे लेइ बेकारे। 15 “त मीं जुवाब दितो, हे प्रभु तू कौन आस, त प्रभुए मीं जुवाब दितो अंव यीशु आई जैस तू स्तातस? 16 पन उठ ते अपने पवन पुड़ खडो भो, किजोकि मीं तीं एल्हेरेलेइ दर्शन दितोरूए, कि तीं अंव अपनो सेवक बनेइ, ते जैन किछ तीं लाहोरुए तू तैसेरो गवाह बनस। 17 अंव तीं तेरे लोकन करां ते गैर कौमन करां बजातो रेड्लो अंव तैन मां भेजताई। 18 ताके तू तैन केरि एछाडी खोल्लास ते तैन आंधरे मरां लौई मां आनस ते कने शैताने करा छुटेटां परमेशरेरे पासे आनस, ताके तैन मीं पुड़ विश्वास केरन ते परमेशर तैन केरे पाप माफ केरे, ते तैन लोकन मां शामिल भोन जैना पवित्र कियोरेन, तैना विरासत हासिल केरन।” 19 ते एल्हेरेलेइ, “हे अग्रिप्पा राजा मीं एस स्वर्गेरे दर्शनरो इन्कार नई कमवोरो। 20 ते पेइले मीं दमिश्क नगरेरे लोकन मां ते फिरी यस्तलेम नगरेरे ते सारे यहूदिया इलाकेरे रानेबालो ते गैर कौमन भी प्रचार केरतो कियो। कि पापन करां मनफिराथ, ते परमेशरेरे पासे फिरा ते अपने स्वाभे सेइं साबत केरा कि तुसेइं पापन करां मन फिरावोरो। 21 एन्ने गल्लां केरे लेइ यहूदेई अंव मन्दरे मरां टॉलातो ते मारनेरी कोीशन की। 22 “पन अंव परमेशरेरी किपाई सेइं अज़ तार जीतोइ, ते सेल्ही निक्के बडून कां अंव गवाही देताई, कि जैना गल्लां अंव ज़ोताई कि जैना नेवेई ज़ोरी थी, ते मूसा नेवे भी जोरी थी। 23 कि मसीह बडो दुख भोगेलो, ते सेभन करां एड्लो मुडन मरां जीतो भोइतां यहूदी कौमी त गैर कौमां केरे लोकन बवालो जै लौअरो जोरो आए।” 24 जैखन पौलुस एन जैने लगोरो थियो, त फेस्तुस जोरे सेइं जोवं, “तू पापाल भोइ जेव। जादे जैने सेइं तू पापाल भोइजेवोरोस।” 25 पौलुसे जुवाब दितो, “जनाब फेस्तुस साहब अंव पापाल नई भोरो, अंव जैन किछ ज़ोने लगोरोइ तैन सज्जे ते जाने सेइं आए।” 26 राजो भी ज़ोनेरो सामने अंव निडर भोइतां एन गल्लां जानते, ते मीं याकिने कि एन मरां कोई भी गल तैस करां छपोरी नई, किजोकि ए चमत्कार कोई एरो नई भोरो। 27 हे अग्रिप्पा राजा कुन तू नेवी केरो, अंव जानताई कि तू मनतस? 28 अग्रिप्पा राजे पौलुसे सेइं जोवं, “कुन तू थोडी ज़ेरि गल्लोई सेइं मीं तू मसीही बनानो चातास?” 29 पौलुसे जुवाब दितो, “चाए थोडी ज़ेरि या जादे गल्लोई सेइं, “पन अंव त परमेशरे कां प्रार्थना केरताई कि, न सिफ तू बल्के ज़ेत्रे भी

अज मेरी गल्लां शुनी रावरेन सब मेरे जेरे मसीही भोन, पन इन शंगलां केरे बगैर।” 30 तैखन अग्रिप्पा राजो ते गवर्नर ते बिरनीके ते तैस सेइं साथी होरे भी खड़े थोए ते चले जे। 31 तो बेझ निस्ता एककी होरि सेइं जोने लगे, “कि ए मैन्हु कोई एरु कम त नई लोरो केरेने, कि एस मीतरी सज्जा दिरी गाए, या कैदखाने मां रख्यो गाए। 32 अग्रिप्पा राजे फेस्तुस सेइं जोवं, अगर एनी मैने महाराजे कां फरयाद न भोथी कियोरी त ए छुटी सकतो थियो।”

**27** जैखन फिस्तुस हाकिमेरे जिरिये ए विस्तार बनों कि असां लोक जिहाजे मां इतालिया जो गाम, त पौलुस त होरे कैदी युलियुस नंवे औगुस्तुस फौजी पलटनरे सरदारेरे एककी सूबेदारेरे सुरुद्द किये। 2 असां अद्रमुत्तियुम नगरें एककी समुन्दरी जिहाजे मां चेढांता आसिया इलाकेरे नेडेरे ठैरी गानेवाले थिये, त अरिस्तार्खुस नंवे थिस्सलुनीके नगरेरो अक मकिदुनी असन सेइं साथी थियो। 3 होरसां जैखन जिहाज सैदा मां रुकी जेवं, त युलियुसे पौलुसे पुड महरबानी केरतां तैस अपेने दोस्तन सेइं मूलाकात केरनेरी अजाजत दिरी, ताके तैसेरे जिरिये सेइं पतो लगगे 4 तैटुं फिरी असां जिहाजे मां चेढांत चले जे, ते साइप्रसेरे आडी मामेइं निस्से, किजोकि हवा बडी ज़बरदस्त थी। 5 फिरी किलिकिया नगरे ते पंफूलिया नगरेरे नेडेरे समुन्द्री बतां निस्ता अग्रोवं चले जे, त लूसिया इलाकेरे मूरा नगर मां ओस्सो 6 तैटी सूबेदारे सिकन्दरिया नगरेरु अक जिहाज इतालिया इलाके जो चलेसे मैल्लू तैनी असां तैस मां चाढे। 7 असां बड़े दिहाइन तगर बल्हे-बल्हे अग्रोव चलते राए, ते कनिदुस नगरेरे सामने पुजे। पन तेज़ हवा चलने सेइं असन अग्रोवं गानेरी मुशकिल भोइजेइ, ते एल्हेरेलेइ असां सलतोरेरे सामने निस्ता क्रेतरी आडी मां निस्से। 8 ते बेडि मुशकली सेइं समुद्रे बने-बनेरे अग्रोवं चलते शुभलंगरबारी नंवेरी एककी ठैरी पुजे, जैटां लस्या नगर नेडु थियुं। 9 तैटी असन केही दिहाडे बीते, पैनेरे सफरे मां मुशकिल एल्हेरेलेइ भोती थी, कि छुटकारेरी दिहाडी तिहारेरे बरतेरे दिहाडो बीतोरे थी, ते पौलुसे तैन एन ज़ोइतां खबरदारी दिरी, 10 “जनाब मीं एरु लगगते कि इशू सफर बड़ु खतरनाक भोलू, कि न सिफ इशेस माल सवाब ते जिहाजे बल्के इशीरी जानी भी खतरोए।” 11 पन सूबेदारे कपताने ते जिहाजेरो मालिकेरी गल पौलुसेरी गल करा जादे मन्नी। 12 किजोकि तै बंदरगह ठंदारो मासम कटनेरे लेइ रोडी न थी, एल्हेरेलेइ इशोरो फैसलो ए थियो, कि असां केन्वी तरीके अग्रोवं निस्सम ते असन उमीद थी, कि फिनिक्स मां पुजातां हीवतडेरो मासम तैटी गुजरी गामेले। ए क्रेते अक बंदरगह थी, जैसेरों दारा क्षिण-पश्चिम ते उत्तर-पश्चिम पासे खुलता थियो। 13 जैखन दक्षिणी पासेरों हवा चलने लगी, त तैनेइं सोचू कि तैन केरि मर्जी पूरी केरनेरे लेइ रोडो वर्के, ते तैनेइं जिहाजेरु लैंगर तैटां खट्टु कियुं, ते समुन्दरेरे बने अग्रोवं चलते जे। 14 पन लुशी अक बडी तूफानी हवा चली जैस जो धूरकुलान जोतान। 15 जैखन तैने जिहाज अपेने पैलैटे मां कियुं, ते जिहाज ढलैककां खाने लगू, ते असेइं जिहाज हवारे बहावे पुड छुट्टो। 16 तैखन कौदा नंवेरो अक किनडो टैपू अव, त असेइं भी रुड़ते-रुड़ते तै दुंगी जै जिहाजेरो पतोरां बंधोरी थी, त बेडि मुशकली सेइं कैबू मां की। 17 ते जिहाजेरो टोलोरे मैनेइं तै उब्री चेढांत जिहाज टलुन्टे करा बजानेरे लेइ रेस्सेइ सेइं बंधतां छट्टो। किजोकि तैन डर थियो, कि एरु न थोए, कि जिहाज सुरतिसेरे रेती मां दुबी गाए, एल्हेरेलेइ तैनेइं भारी सामान ओसालू ते जिहाजे मां रुड़ते-रुड़ते चले जे। 18 जैखन तूफानी हवाई सेइं जिहाज जादे ढलैककां खाने लगू, त होरसां असेइं जिहाजेरो माल समुन्द्रे मांजो शासने शुरु कियो, 19 टैलेइयोवं दिहाडे तैनेइं जिहाजेरु सामान भी समुन्द्रे मांजो शेरी छट्टो। 20 त काई दिहाडे न असेइं दिहाडो लाव ते न तरो ते तूफान भी मन्ना जादे जार केसे लगोरो थियो, ते असन बच्चेरी हुटी कोई उमीद न राई। 21 रोट्टी खाने काई दिहाडे थोरे थिये, एल्हेरेलेइ पौलुसे तैन मां खडे भोइतां जोवं, “द्लाव अगर तुसेइ मेंरु जौनू मनोरु थोथू, ते क्रेते मरां अग्रोवं न ओरे थोये, त ई नुकसान ते ई तकलीफ किजो भोनी थी? 22 “पन अवं तुसन कां मिनत केरताई कि, हिम्त न हारा तुसन मरा कोई भी न मरेलो, चाए जिहाज दुबी किना गाए। 23 किजोकि जैस परमेशरो अवं आराधना केरताई, तैसेरो

स्वर्गदूत हीज राती मीं कां ओरो थियो। 24 ते तै जोने लगो, हे पौलुस डर नन्ना तू महाराजे कां ज़रूर पैथ भोलो ते परमेशर तेरी वर्जाई सेइं एन सेब्बी केरि जान बचालो, ज़ैना जिहाजे मां तीं सेइं साथी आन। 25 एल्हेरेलेइ हे जनाब तुस हिम्त रखा कि मेरे परमेशरे जैन किछ मीं सेइं ज़ोरुए तैने भोलू। 26 असां ज़रूर केन्वी टेपू पुडु पुजी गामेले।” 27 जैखोवं राती जैखन असां अद्रिया समुन्द्रे मां दिरां उरां फिरते थिये, त जिहाजे बाले मैनेइं अंदाजो लाव कि असां बन्नेरे नेडे पुजी जोरेम। 28 तैनेइं पानी रेसी सेइं नापू त 37 मीटर निस्सू ते थोडे अगर गेडांत नापू त 27 मीटर निस्सू। 29 एस डरे सेइं कि कोस्कोई शफडी सेइं न बज्म, ते तैनेइं जिहाजेरे पैतरीं पासे चेवे लैंग्रां समुन्द्रे मां छडा ते द्वेद्वेरे लौआरे लेइ प्रार्थना केरने लगो। 30 जिहाज चलानेवाले मुझाटेरो बेइरोंवं निसनेरे लेइ ठोगी उन्डी ओसाली। पन तैना जिहाजेरे एग्री पासेरो लैंग्र पैनी मां छडनू चाते थिये। 31 तैखन पौलुसे सूबेदारे ते सिपोहीन सेइं जोवं, “अगर इना लोक जिहाजे मां न भोले त तुशू लोकां केरु बच्चूनू मुश्कलो।” 32 एल्हेरेलेइ सिपोहीइं द्वंगरी रेसी केटां समुन्द्रे मांजो शैरी दित्ती। 33 ज़ोड्डो भोने करां पैइल पौलुसे सेब्बम कां मिनत कमाई, कि तुस किछ रोट्टी खाय। तैनी जोवं, “तुस चेवध दिहैडी केरे देते बंज्नेरे खियाले मा पेवरेथ, ते तुस रोट्टी सेइं हुरोरे भी नई।” 34 अवं तुसन कां मिनत केरताई कि तुस रोट्टी खाथ, किजोकि तुश्शे लेइ रोट्टु एने कि याकीन केरा कि तुश्शे बाल बिंगे न भोलो।” 35 जैखन तैनी एन जोवं, त तैनी रोट्टी द्लाई ते सेब्बी केरे सामने परमेशरेरु शुक्र केरतां टलोडी ते खाने लगो। 36 तैस करां लेइतां होरन भी हिम्त आई, ते तैना भी रोट्टी खाने लगो। 37 असां सब मिलातां कोई 276 मैन्हु थिये, जैना इस जिहाजे मां सुवार थिये। 38 जैखन तैनेइं रेतां रोट्टी खाह त तैनेइं सारे गेहुं समुन्द्रे मांजो शारेने शुरु किये, ताके जिहाज पौल्लु भोए। 39 जैखन दिहाडो निस्सो त तैनेइं ते ठार न पिशानी, पन अक ठार लाई ते तै पासी साफ थियो, तैनेइं विस्तार कमाव कि अगर भोइसेत असां जिहाज एस पुड चाढम। 40 बस्सा लैंगर खोलातां समुन्द्रे मां छेडी दित्तु, ते पत्रवारां केरि रेसी भी ढिल्ली छैदी, एग्रीयों बादबान भी बा चैदी छुट्टो, ते एपू बन्नेरे पासे जो चले। 41 पन जिहाज खुशकी पुड गेडतां रेती पुड टिकी जेवं, ते जिहाजेरो एग्रीयों पासो रेती मां दुबी जेवं त पैत्रीयों पासो छेल्लैट्टी सेइं बज्काने लगो। 42 सिपोही केरि सल्लाह थी कि कैदन मारम ताके तैन मरां कोई तारी देतां नेशी न गान। 43 पन सूबेदारे पौलुसेरी जान बजानेरे लेइ एन न दित्तो केरने, ते हुक्म दित्तो कि जै तारी जानते त तै पैइलो छाल मारे, ते खुशकी पुड जुतां अपनि जान बचाए। 44 ते बाकी होरे लेकड़ेरे तखतन पुड ते जिहाजेरो होरी चीजां केरि मदती सेइं अपनि जान बचाथ, ते बस्सा सब एस तरीके सेइं खुशकी पुड ठीक ठाक पुजी जे।

**28** जैखन असां ठीक लाक बने पुड पुजे, त असन पतो चलो कि इस टैपू जो माल्टा जोतान। 2 तैतुरे राने बालेरे असन सेइं बडा रोडो बर्ताव कियो, झाडी लगोरो थी, ते ठंड भी बडी थी, तैनेइं अग बाली ते इशीरी बडी आदर कमाई। 3 पौलुसे कैबू केरो अक लेगु बनावं, ते जैखन तै तैना कैबू अग्री मां छडने लगो त अगरे सेके सेइं देइतां टलुटो, ते तैस किछ नेस्सो, ते पौलुसेरे हथ्ये सेइं पलेटोव। 4 जैखन तैन लोकेइ सप पौलुसेरे हथ्ये सेइं पलेटोरो लव, त एपू मामेइं ज़ोने लगे, “ए मैन्हु ज़रूर कोई खुनी आए, ए समुन्द्रे मां गंग भोने करां त बच्चोरो, पन इन्साफे ए ज़ीतो न रानै न दित्तो।” 5 पन तैनी तैस सपे अग्री मांजो धिल देइतां टलुटो, ते तैस किछ नुकसान न भोव। 6 तैना लोक बलगने लगोरो थिये, कि एसरी सारी जान एफरी गानीए ते ए मेरि गानोए, ते बडे चिरे तगर बलगनेरे बाद पौलुसेरे किछ न भोवं, त तैना लोक सोचने लगे, “ए ज़रूर कोई देबतोए।” 7 तैस ठैरारे असेय-पासेरे टैपेरी प्रधान पुबलियुसेरी ज़मीन थी, तैनी असां अपने धरे ने ते लाई दिहाडे इशीरी आदर खातर की। 8 पुबलियुसेरे बाजी भुखार ते पैचसी सेइं बडो बिमार भोरो थियो, ते पौलुसे तैस कां गेइतां तैसेरेले द्वारा आसिया केरताई की, ते तैस पुड हथ रेखतां तै बड़ाव। 9 फिरी तैस टैपेरे बाकी बिमार लोक आए ते तैना ठीक भोइ जो। 10 तैन लोकेइ इशीरी बडी इज़जत की, ते असां तैटां अग्रोवं गानेरो

लेइ तियार भोए, त तैनेहै इश्शी जुरुतरी सैरी चीज़ां जिहाज़े मां छैडी दित्ती।

11 इश्शू जिहाज बिगड़नेरे ट्लैइ महिना बाद असां सिकन्दरियारे एककी जिहाजे मां चले जे, जैन ठंड मुकने तगर तैस टैपू मां रुकेरु थियूं तैस मां यूनैनी केरि दूर्ह अकोड्डी देवतेरी मूरतां बनोरी थी। 12 पेइले असां सुरकूसा नगरे मां पुजे, ते ट्लाइ दिहाडे तैड़ी राए। 13 तैटुं असां चलते-चलते रेगियुम नगरे मां पुजे, ते होरसां दक्षिणी हवा चलने लगी ते असां होरसां पुतियुली नगरे मां पुजे। 14 तैड़ी असन किछ ढला भी मैल्ले, तैनेहै असां कुजाए ते असां तैड़ी सत दिहाडे राए, ते तैसेरां बाद असां रोमे मां पुजे। 15 तैटुरे मसीही ढलान पतो लगो, कि असां ओरेम त तैना असन अगराने अपियुसेरे चौके ते ट्लैइ धर्मशालान तगर आए, पौलुसे तैना लेइतां परमेशरेर शुक्र कियूं ते तैस बड़ी हिम्मत भोइ। 16 जैखन अस रोम नागरे मां पुजे ते पौलुसे अज़ाज़त मैल्ली, कि तै एककी पैहेदारी निरेनी मां जैडी चाए गेइ सकते।

17 जैखन ट्लाइ दिहाडे बीते त पौलुसे यहूदी केरे प्रधान कुजाए, ते जैखन तैना अकोडे भोए त पौलुसे तैन सेइं जोवं, “ह्लाव मीं अपनि कौमरे ते अने दादे-पड़दादां केरि रसमरे खलाफ कोई कम नई कियेरु त फिर भी अवं पाबंद केरतां यश्शलेम नारे मां रोमी सरकारारे हवाले कियो। 18 तैनेहै पुछ गन केरनेरे बाद अवं हथरां छडनो थियो। किजोकि मीं कोई एरु कम न थियू कियेरु कि जैस सेइं मीं मोतरी सज्जा देथे। 19 पन जैखन यहूदैर्य मुखालफत की, त मीं महाराजे कां बिनती की। पन एल्हेरलेइ नई कि अवं अपनि कौमी पुड़ कोई इलज़ाम लानो चातो थियो। 20 एल्हेरलेइ मीं एन रोटु समझू कि तुसन सेइ मिलतां गल केरि, अवं इसाएलेरी एककी उमीदी जैं मसीह आए शांगलन सेइं बंधेरोइ।” 21 तैनेहै तैस सेइं जोवं, “असन यहूदन करां न कोई चिट्ठी मैल्ली ते न तैटुं एजनेबाले इश्शे लोकेई तेरे बारे मां कोई खबर दित्ती, ते न तेरे खलाफ किछ जोवं। 22 पन असां तेरे बारे मां जाननू चातम, ए त असन पतोए, कि लोक सेढ़भी ठैरन एस पथेरे खलाफ गल्ला केरतन।” 23 तैखन यहूदी लोकेई पौलुसेरी गल्लां शुनेरे लेइ अक दिहाडी ठुवहलाई, जैखन तै दिहाडी आई, त लोक पेइले लोकन करां भी जादे अकोडे भोए। पौलुसे तैन परमेशरेरे राज़ेरे बारे मां समझाव, ते साथी यीशुएरे बारे मां मूरेरे कानून ते नेबी केरे किताबन मरां तैन रोडेचारे समझौइतां झाँझां करा इलाझी तगर गल्लां शुनातो राव। 24 किछ तैसेरी गल्लां शुन्तां मधन भोइ जे ते मन्नू ते किछेई विश्वास भी कियो। 25 जैखन तैना एप्पू मांमेइं अक न भोए, त पौलुसे तैन गाने करां पेइले अक गल ज़ोई, “पवित्र आत्मारे जिरिये यशायाह नबी तुश्शी दादे-पड़दादां केरे बारे मां ठीके ज़ोरु थियूं।” 26 एन लोकन कां गा, ते एन जो कि, “तुस शुने त राले, पन समझोरे न, ते तकते त राले पन पिशानेले न। 27 किजोकि एन लोकां केरे दिले मोटै भोरेन, ते एना टोन्बे भोरेन, ते एनेहै अपनि एछँडी निकोल कियोरिन। किजोकि एरु न भोए, कि एना लहन ते कन्न सेइ शुन्न ते दिले सेइ समझान, ते एना मेरे पासे फिरन ते अवं एन शिफ़ा देई। 28 “एल्हेरलेइ अवं चाताई कि तुस ज्ञानथ कि परमेशरेरी मुक्ति गैर कौमन कां भी भेज़ोरोए ते तैना तैस शुनेल।” 29 जैखन पौलुसे एन जोवं, त यहूदी एप्पू मांमेइं बैस केरते तैटुं चले जे। 30 पौलुस पूर्व दूर्ह सालन तगर क्रैक्युरे मुकाने मां राव, 31 ते जै भी तैस सेइ मिलने एइतो थियो, पौलुस तैस सेइ मिलतो थियो, ते बेथड़क भोइतां परमेशरेरे राज़ेरी खुशखबरी शुनातो थियो, ते प्रभु यीशु मसीहेरे बारे मां शिक्षा देतो राव।

# रोमियों

1 अब पौलुस यीशु मसीहेरो दास आई, ते प्रेरित भोनेरे लेइ परमेश्वरे चुनोरेई, ते परमेश्वरी खुशखबरी प्रचार केरनेरे लेइ ठहरावरो आई। 2 ज़ेसेरी तैने पेड़ले अपने नेवी केरे ज़िरिये पवित्रशास्त्रे मां, 3 अपने मट्ठे इश्शे प्रभु यीशुपे बारे मां वादो कियोरो थियो, जै जिसमेरो मुताबिक त दाऊदे खानदाने मरां पैदा भोव। 4 ते पवित्र आत्मारे ज़िरिये सेंड मुद्दन मरां ज़ीतो भोनेरे वजाई सेंड ते शैक्कि सेंड परमेश्वर मद्द भोव। 5 जेरो ज़िरिये असन अनुग्रह ते प्रेरिताई मैल्ली; कि तैसेरे नंबे सेंड सब कौमा केरे लोक विश्वास केरतां तैसेरी मन। 6 जैन मरा तुस भी यीशु मसीहेरो भोनेरे लेइ कुज़ोरेथ। 7 अव ई चिट्ठी तुशें सेंधी केरे नंबे लिखताई, जैन तुस रोम नगरे मां रातथ, ते परमेश्वरे टलारिथ, ते पवित्र भोनेरे लेइ चुनोरेथ। इश्शे बाजी परमेश्वर ते प्रभु यीशु मसीहेरो तरफां तुसन शान्ति ते अनुग्रह मैलतो राए। 8 पेड़ले अब तुशें सेंधी केरे लेइ यीशु मसीहेरो ज़िरिये परमेश्वरे शुक्र केरताई, किजोकि तुश्शो विश्वास जै यीशु मसीह पुड आए, तैसेरी चर्चा हर पासे भोने लोरी। 9 परमेश्वर ज़ेसेरी सेवा अब अपने पूरे दिले सेंड तैसेरे मट्ठोरी खुशखबरी प्रचार केरताई, तै मेरो गवाहे; कि अब तुसन कोस तरीके सेंड लगातार प्रार्थनाई मां याद केरताई। 10 ते लगातार अपने प्रार्थनान मां बिनती केरतो राताई, कि केन्वरे हेजू भी तुसन कां एजनेरे लेइ मेरु सफर परमेश्वरे तरफां कामयाब भोए। 11 किजोकि अब तुसन सेंड मिलनेरे लेइ कोशिश केरताई, कि अब तुसन कोई आसिक वरदान देई, जैस सेंड तुस विश्वासे मां मज़बूत भोथ। 12 मतलब इन, कि अब तुसन कां एइतां तुसन सेंड साथी तैस विश्वासेरे ज़िरिये, जै मां मां ते तुसन मां, तैसेरे ज़िरिये अस हिम्मत हासिल केरम। 13 ते ढालव ते बैड़नव, अब चाताई तुस ज्ञानथ, कि मां तुसन कां बार-बार एजनू चाव। ज़ेन्नरे मां गैर कौमारे लोकन विश्वास केरनेरे लेइ बद्धनेरी मद्दत की, तेन्वरे तुश्शी भी मद्दत केरि, पन हुना तगर रुकोरो राव। 14 अब संस्कारी लोकन ते असंस्कारी लोकन, पढ़ोरे लोकन या अनपड लोकन सेब्बन खुशखबरी श्वेतोलो। 15 ते अब तुसन भी जैन रोम नगरे मां रातथ, खुशखबरी शुनानेरे लेइ हर वक्त तियार आई। 16 किजोकि अब यीशु मसीहेरी खुशखबरी प्रचार केरने कां न शरम्ई, एल्हेरेलेइ परमेश्वर अपने शक्ति सेंड तैन लोकन मुक्ति देटे, जैन खुशखबरी पुड विश्वास केरतन, पेड़ले यहूदन फिरी गैर यहूदन। 17 किजोकि खुशखबरारे ज़िरिये परमेश्वर असन अपने नज़री मां धर्मी बनाते, जैन शुरु करां आखरी तगर विश्वासे सेंड भोते। ज़ेन्नरे पवित्रशास्त्रे मां लिखोराए, “जै मैनु पन विश्वासेरे ज़िरिये सेंड परमेश्वरे सामने धर्मी बनाव गाते तैए ज़ीतो रालो।” 18 परमेश्वरो क्रोधाथ तैन लोकन पुड स्वर्गों एइते, जैन बुरां ते दुष्टों कम्मां केरतन, ते जैन सच्चे अधर्मे सेंड देवेंद्रां रखतन। 19 किजोकि परमेश्वरे बारे मां ज्ञान तैन मैनु केरे मन्न मां बांदू, एल्हेरेलेइ कि परमेश्वरे तैन पुड बांदू कियोराए। 20 किजोकि तैसेरे आहेरे गुण, मतलब तैसेरी सदारी शक्ति, ते परमेश्वरो सुभाव दुनियाई बनानेरे वक्ते देंदो तैसेरे कम्मन सेंड हेरने मां एदी, इडी तगर कि तैन लोकन कां कोई बहानो नई। (aidios g126) 21 हांलाकि जैनेई परमेश्वर त पिशानो, पन परमेश्वरी तैस काबल बड्याई न की, ते न शुक्र कियूं, पन बेकार सोचने लाए, इडी तगर कि तैन केरो बेअक्ल मन आंधरो भोव (मतलब तैन गलत सोचन लगे)। 22 तैना अपने आपे अक्लमन्द सेमझतां बेवकूफ बने। 23 ते न मरने बाले परमेश्वरी महिमा मरने बाले मैनु, ते चुदूलू ते जानवरां, ते पेटेरे भारे चलने बाले जीपां केरे मूरतन मां बदलो। 24 एल्हेरेलेइ परमेश्वरे तैना तैन केरे मरने खुवैद्धां केरे मुताबिक अशुद्ध भोनेरे लेइ शारे कि, एप्पु मांमेई अपने जाना केरी अनादर केरन। 25 किजोकि जैनेई परमेश्वरी सच्चाई बेदलतां झाउ बनाई, ते सुषारी पूजा ते आराधना केरि, न कि तैस बनाने बालेरी, जै हर वक्त धन ते रोडोए। आमीन। (aidos g165) 26 एल्हेरेलेइ परमेश्वरे तैना नीच खुवाइशन मां शारे, इडी तगर कि तैन केरि कुआर्सई भी स्भाविक कम्मां बेदलता तैन केरे जैना स्भाविक आन तैन केरे

खलाफ बदला। 27 तेन्वरे तैन केरे मङ्ग भी कुआन्शन सेंड सुभाविक कम्मां शैररां एप्पु मांमेई गंदे कम्मन मां मसत भोए, मतलब कि मङ्गदेहं, मङ्गदन सेंड रिश्तो रेखता प्रभु करां ठीक बदलो नेव। 28 ते तेनेई इन जैज़ज न समझू कि परमेश्वरे कबूल केरन, एल्हेरेलेइ परमेश्वरी भी तैना तैन केरे मनेरे हालती पुड शारे; कि बुरां कम्मां केरन। 29 ते तैना हर किसमेरे अथर्म, दुष्टे, लालने, बैरे सेंड भेरोइ जे; ते कपट, ते खुन केरनो, ते लडाई केरनि, ते धोखो देनो, ते जलनी सेंड भेरोए, ते चोगालखारो, 30 बदनाम केरनेबाले, परमेश्वरे सेंड नफरत केरनेबाले, जैन केरि इज़जत केरी लोडे तैन केरि इज़जत न केरनेबाले, घमण्डी, बड़कां मारनेबाले, बुरी-बुरी गलतां बनाने बाले, अम्मा बैपू केरो हुक्म न मनेबाले। 31 बेवकूफ, धोखो देनेबाले, सच्चे घारे कांग खाती, दया न केरनेबाले भोजेइ। 32 हालांकी तैना परमेश्वरी ई हुक्म ज्ञातन, कि एं ज़ेरां कम्मां केरनेबाले मौतरे सजारे लाइकन, फिरी भी न सिर्फ एप्पु एरां कम्मां केरतन बल्के एरां कम्मां केरनेबालन सेंड भी खुश भोतन।

2 एल्हेरेलेइ हे दोष लाने बाला, तू कोई की न भोस; तीं कां कोई बहानो नई, किजोकि जैस गलतां तू होन पुड दोष लातस, तैसे गलती पुड तू अपनो आप भी दोषी बनातस, एल्हेरेलेइ तू एप्पु भी तैने कम केरतस। 2 ते अस ज्ञानतम कि, जैन एरां कम्मां केरतत परमेश्वर तैन केरो इन्साफे केरतां तैन सज्जा देते। 3 ते हे मैनु, तू जै बुरां-बुरां कम्मां केरनेबालन पुड दोष लातस, ते एप्पु भी तैने कम केरतस; कुन तू समझतास, कि तू परमेश्वरेरे सज्जाई करां बँयेलो? 4 कुन तू परमेश्वरी कृपा, ते बरदाश केरनू ते सबाराल धन घटया समझतास, ते कुन इन न समझस, कि परमेश्वरी कृपा तीं पापन करां मन फिरानो शिखालतीए? 5 पन तू ज़िद्दी आस ते अपने पापन करां मन फिरानो इन्कार केरतस, जैस दिहाडे परमेश्वर अपनो क्रोध हिरालो, तैस मां परमेश्वरो सच्चो इन्साफ बांदो भोतो, त परमेश्वर तेरो रोडेचारे इन्साफ केरेलो। 6 परमेश्वर हर एक्की तैसेरे कम्मां केरे मुताबिक बदलो देलो। 7 जैना लोक रोडां कम्मां केरतां परमेश्वरी तरफां मैलने बैली महिमा, ते आदर, ते कधे न खतम भोने बाली ज़िन्दगे तोपी मां रातन, परमेश्वर तैन हमेशारी ज़िन्दगी देलो। (aidios g166) 8 पन जैना खुदगरज़न, ते सच्चे न मनेबालेन, बल्के बुराई केरनि चातन, तैन पुड परमेश्वरी क्रोध, ते कोप एज्जेलो। 9 ते मूसीबत ते दु-ख हर एक्की मैनु पुड एज्जेलो जै बुराई केरते। परमेश्वर घेडलो यहूदी लोकां केरो इन्साफ केरलो फिरी गैर यहूदी लोकां केरो इन्साफ केरेलो। 10 हर अब मैनु जै रोडां कम्मां केरेते तैस महिमा, आदर, ते शान्ति मैलेली, पन परमेश्वर इना सैरी चीजां पेड़ले यहूदी लोकन देलो फिरी गैर यहूदी लोकन। 11 किजोकि परमेश्वर बैक्चेरी तरफदारी न केरे। 12 एल्हेरेलेइ कि जैन गैर कौमारे लोकेई बैगर मूसेरो कानूने मेलतो पाप कियो, परमेश्वर तैन लोगों मूसेरो कानूने सज्जा देलो, ते जैनेई मूसेरो कानूने मेलतो पाप कियो, परमेश्वर तैन लोगों मूसेरो कानूने भी मूसेरो कानूनेरे मुताबिक देलो। 13 किजोकि परमेश्वरेरे नज़री मां मूसेरो कानून शुनेने बाले धर्मी नई, बल्के मूसेरो कानूने पुड चलने बाले धर्मी ठहराए गानेन। 14 फिरी जैखन होरि कौमां केरे लोक जैन कां मूसेरो कानून नई, सुभावे सेंड किछ मूसेरो कानूनेरे गलतन पुड चलतन, ते मूसेरो कानून तैन का भोनेरे बालजू भी अपने लेइ एप्पु कानून आन। 15 तैना इन हिरातन कि परमेश्वरो कानून तैन केरे दिलन मां लिखोराए, ते तैन केरे ज़ीरा भी इस गलती पुड गवाही देलन, किजोकि तैन केरे अपने खियाल भी तैन पुड दोष लातन या बेइलज़ाम ठहरातन। 16 एरु तेदस भोलू जैइस परमेश्वर जै खुशखबरी मां शुनावरीए तैसेरे मुताबिक यीशु मसीहेरो ज़िरिये मैनु केरि छेपोरी गलतां केरो इन्साफ केरेलो। 17 तू एप्पु जो यहूदी जौतस, ते मूसेरो कानूने पुड तेरो विश्वासे, ते तू अपने आपे पुड घमाडे केरतथ, कि तू परमेश्वरो खास मैनु आस। 18 ते तू परमेश्वरी मर्जी ज्ञानतस, ते तू इन जानतस कि कोनां गलतां रोडी आन, किजोकि तीं इन गलतां कैरु ज्ञानतस, ते तू भरोसो रखतस, कि तू कान्न परमेश्वरी बत हिरानेबालोस, ते जैन आधरे मां आन तैन केरे लेइ लोआरो ज़ेरे आस। 20 ते बेअक्लन शिखालने बालोस, ते बच्चां केरो उस्तादातस, ते तीं पक्को

पतो कि परमेश्वरो कानून तीं पूरू ज्ञान ते सञ्चार्य शिखालते। 21 ते जैन तू होरन शिखालतस, अपने आपे की न शिखालस? तू होरन शिक्षा देतस कि चौरी नई केराने, कुन तू चौरी केतस? 22 तू जै जौतस, “बदमाशी नई केरनि,” कुन तू बदमाशी केरतस? तू जै मूरतन सेंदं नफरत केरतस, कुन तू मन्दरन लुटतस? 23 तू जै धमण्ड केरतस कि तू परमेश्वरो कानूने जानतस, एप्पु किजो कानून न मेन्ता, परमेश्वरो तुहीन केरतस? 24 “किजोकि तुशे यहूदी लोकां केरे वजाई सेंइ गैर कौमन मां परमेश्वरे नंवरी तुहीन भोतीए,” एल्हेरेलेइ पवित्रशास्त्रे मां एप्पु लिखोरुए। 25 अगर तू मूसेरो कानूने पुड़ चलस, त खतनो कराने सेंइ तीं फैद्दो त आए, पन आगर तू मूसेरो कानून न मन्सस त तीं मां ते तैस सां, ज़ेसेरो खतनो नई भोरो कोई फक्के नई। 26 ते अगर कोई मैन्हू मैन्हू ज़ेसेरो खतनो न भोए भोरो, त तै मूसेरो खतनो नई भोरो दुड़ये बराबर आन। 27 ते जैस मैनेरो खतनो नई भोरो, अगर तै मूसेरो कानूने पूरू केरे, त तै तीं दोषी ठहरालो। किजोकि तीं कां मूसेरो कानून ते तेरो खतनो भी भोरोए, पन फिरी भी तू कानूने पुड़ न चलस। 28 किजोकि सञ्चो यहूदी तै नई ज़ेसेरु ज़र्म यहूदन मां भोरु या ज़ेसेरो खतनो भोरोए। 29 बलक सञ्चो यहूदी तैए, ज़ेसेरो मन परमेश्वरे कां सञ्चोए, ते सञ्चो खतनो तैए जै पवित्र आत्मारे कम्मां केरे ज़िरिये दिलरो भोरोए, न की मूसेरो कानून मने सेंइ भोरोए। एरे लोकां केरे बड़याई लोक नई बल्के परमेश्वर एप्पु केरते।

**3** (किछ लोक पुछतन) यहूदी केरि कुन बड़याई, या खतनेरो कुन फैद्दो? 2 हर किसमे सेंइ बडू किछ। पेइलू त इन कि सारू परमेश्वरू वचन तैन सोफू। 3 अगर किछ यहूदी परमेश्वरो कां ईमानदार न निससे त कुन भोव? कुन तैन केरे ईमानदार न राने सेंइ परमेश्वर तैन केरे लेइ अपने वांटे पूरू केने मां झूठो भोव? 4 नई, कथे नई! बल्के परमेश्वर हमेशा सत्र जोते, ते हर अक मैन्हू झूठो भोव, ज़ेन्हरे पवित्रशास्त्रे मां परमेश्वरे बारे मां लिखोरुए, “जैस सेंइ तू एपनी गल्लन मां धर्मी भोस, ते इन्साफेरे वक्ते तीं ज़ीत मैल्लो।” 5 अगर इश्शां बुरां कम्मां परमेश्वरी धार्मिकता ठहराते, त अस कुन ज़ोम? कुन इन कि परमेश्वर क्रोध केरते ते असन सज्जा देतो। [इन अवं इन्सानीरी रिति पुड़ ज़ोताई।] 6 नई, कथे नई! अगर परमेश्वर इश्शो यहूदी केरो इन्साफ रोड़े चारे न केरेलो, त तै किजो दुनियारो इन्साफ केरेलो? 7 किछ ज़ोतन, अगर मेरे झूरोरे वजाई सेंइ परमेश्वरी सञ्चाई बांदी भोतीए ते तैसेरी महिमा भोतीए, त फिरी किजो पैषी केरो जेरो मां पुड़ हुक्म दितो गाते? 8 “एज्जा, अस बुराई केरम, कि इस सेंइ भलाई पैषा भोए?” पन असन पुड़ दोष भी लव गाते, ते केत्रे ज़ोतन, कि एन केरु भी एने ज़ोन आए। पन एरे ज़ेरेन पुड़ दोष लानो ठीक आए। 9 त फिरी अस कुन ज़ोम? कुन अस यहूदी होरन करा रोडेम? नई, कथी नई, किजोकि असेंइ यहूदी लोकन पुड़ तेर यहूदी लोकन पुड़ ई दोष लोरोए, कि तैना सारे पापेरे कब्जे मां आन। 10 ज़ेन्हरे पवित्रशास्त्रे मां लिखोरुए, “कोई परमेश्वरे सामने धर्मी नई, अक भी नई।” 11 कोई सञ्चो समझादार नई, कोई परमेश्वरे तोपने बालो नई। 12 सारे परमेश्वरे करां दूर भोरन, सारे निकम्मे बनोरेन, कोई भलाई केरेबालो नई, अक भी नई। 13 तैन केरु गल खुल्ली कब्रे, तैनेहू अपने ऐरो सेंइ धोखो दितो, तैन केरे ओठन पुड़ साप्पो केरु ज़ेरे। 14 ते तैन केरु भाषण लानती, ते टैलिठे सेंइ भेरताएं। 15 तैन केरे पव खून केरेने लेइ तेज़न। 16 तैना जेरो भी गातन तुबाही ते कतेश तैन पत्ती गाते। 17 तैन न ज़ानन् शैन्ति सेंइ केन्चरां ज़ीतन। 18 तैन मां परमेश्वरो डर बिलकुल भी नई! 19 अस जानतम, कि मूसेरो कानून जैन किछ ज़ोते, तैने सेंइ ज़ोते, जैना तैस मन्तन, एल्हेरेलेइ कि केन्ची का कोई बहानो न भोए, ते सारी दुनिया परमेश्वरे सज्जारे लायिक भोए। 20 किजोकि मूसेरो कानूनेरे मुताबिक कम्मां केने सेंइ कोई मैन्हू परमेश्वरे सामने धर्मी नई भोनो, एल्हेरेलेइ कि मूसेरो कानूने सेंइ पुर्षिण भोतीए कि अस पापी आम। 21 पन हुनी बगैर मूसेरो कानून मने सेंइ तै धार्मिकता बांदी भोरीए जै परमेश्वरे तरफां एइतीए, ज़ेसेरो बारे मां मूसेरो कानूने ते नेबी केरि किबातन मां लिखोरुए। 22 मतलब परमेश्वरे तै धार्मिकता जै यीशु मसीह

पुड विश्वास केरेबालां केरे लेइए; किजोकि तैन मां किछ भेद भाव नई। 23 एल्हेरेलेइ कि सेंभेई पाप कियो, ते तैस महिमा करां दूर आन जै परमेश्वर देतो। 24 पन परमेश्वरे अपने अनुग्रहे सेंइ अस पापो केरि सजाई करा यीशु मसीहेरे ज़िरिये छुटाए ते मुफ्ते मां धर्मी ठहराए। 25 परमेश्वरे मसीहेरे खुबेरे बजाई सेंइ अक एरो छुटकारो ठहराव, जै विश्वास केरेने सेंइ फैदामंद भोते, कि जैना पाप पेइले केरे, ते जैना परमेश्वरे अपने बर्दाशी सेंइ ताले; तैन केरे बारे मां तै अपनी धार्मिकता बांदी भोते। 26 बल्के इससे वक्ते तैसेरी धार्मिकता बांदी भोतो; कि जैस सेंइ तै एप्पु धर्मी ठहरे, ते जै यीशु पुड विश्वास केरे, तैसेरो धर्मी ठहराने बालो भोतो। 27 ते धमण्ड केरनू कोई रव? तैसेरी ठ ठरे नई। कोस कानूनेरे वजाई सेंइ? कुन मूसेरो कानून मने सेंइ? नई, बल्के विश्वासेरे वजाई सेंइ। 28 एल्हेरेलेइ अस जानतम, कि मैन्हू मूसेरो कानूनेरे मुताबिक कम्मां केनेरो बगैर यीशु मसीहु पुड विश्वास केने सेंइ धर्मी भोतो। 29 कुन परमेश्वर सिर्फ यहूदी केरोए? कुन गैर कौमां केरो नई? हाँ गैर कौमां केरो भी आए। 30 किजोकि अक्के परमेश्वरे, जै खतने बालन भी विश्वासे सेंइ, ते जैन केरो खतनो नई भोरो तैन भी विश्वासे सेंइ धर्मी ठहरालो। 31 ते कुन अस विश्वासे सेंइ मूसेरो कानूने रद केरतम? नई, कथे नई, बल्के मूसेरो कानूने बनोरु रखतम।

**4** त अस कुन ज़ोम, कि इश्शे पूर्वज अब्राहमे कुन मैल्लू? 2 किजोकि

अगर अब्राहम रोड़े कम्मन सेंइ धर्मी ठहरावरो भोथो, त तैस धमण्ड केरनेरी ठार भोथी, पन रोड़ां कम्मां केरु धमण्ड परमेश्वरू सामने नई। 3 पवित्रशास्त्र कुन ज़ोते, इन कि “अब्राहमे परमेश्वरे वादन पुड विश्वास कियो, ते तै तैसेरेलेइ धार्मिकता गनो जेव।” 4 कम केरेबालेरी मज़दूरी देनी दान नई, पन हक समझु गाते। 5 पन जै (पुनेरो) कम न केरे बल्के पापी मैन्हू धर्मी ठहराने बाले पुड विश्वास केरते, तैसेरो विश्वास तैसेरेलेइ धार्मिकता गनो गाते। 6 जैस परमेश्वर बगैर (पुनेरो) कम्मां केरे धर्मी ठहराते, तैस दाऊद भी धन जोते। 7 “धने तै जैसेरो अर्थम आपक भोए, ते जैन केरे पाप ढके जे। 8 धने तै मैन्हू जैस परमेश्वर पापी न ठहराए।” 9 ते इन धन ज़ोनू कुन खतने बालां केरे लेइ आए, या जैन केरो खतनो नई भोरो तैन केरे लेइ भी आए? अस पवित्रशास्त्रे मरां ज़ोतम, “अब्राहमे परमेश्वरे वादन पुड विश्वास कियो ते तै तैसेरेलेइ धार्मिकता गनो जेव।” 10 इन तैसेरो खतनो भोने करां पेइलू भोव न कि खतनो भोनेरे बाद। 11 परमेश्वरे तै पेइलो कबूल कियो ते धर्मी ठहराव, जेइस हुजू तैसेरो खतनो न थियो भोरो, ते तैस खतनरो निशान मैलै, कि तैस धार्मिकता पुड़ छाप भोए, किजोकि तै तैन सेंभी केरो (आत्मिक) बाजी ठहरे जैना विश्वास त केरतम नन तैन केरो खतनो नई भोरो। तैना भी तैन केरे विश्वासेरे वजाई सेंइ धर्मी भोन। 12 ते जैन केरो खतनो भोरोए तैन केरो पूर्वज भोए, जैन केरो न सिर्फ खतनो कियोरोए, पन जैन इश्शे पूर्वज अब्राहमेरो जेरो विश्वास आए, जै तैनी बगैर खतनेरी हालती मां कियोरी थियो। 13 परमेश्वर अब्राहमे तै तैसेरे वंश सेंइ वादो कियोरो थियो कि तैना दुनियारो बारस भोले। ई वादे एक्हेरेलेइ नई दितोरो कि अब्राहमे मूसेरो कानून मन्नो, बल्के तैसेरो विश्वास जै परमेश्वरे पुड थियो तैसेरे वजाई सेंइ तै धर्मी ठहराव जेव। 14 जै वादो परमेश्वरे दितोरो थियो कि तैना दुनियारे बारस भोले अगर मूसेरो कानून मने सेंइ आए, त कियो विश्वास बेमतलब, ते वादो बेकार भोव। 15 परमेश्वर तैस पुड़ क्रोध केरते जै कानूने रोड़े चारे न मने, ते जैडी कानून नई, तैडी तैसेरु टलोइन भी नई। 16 एल्हेरेलेइ परमेश्वरे वादे विश्वासेरे ज़िरिये हासिल भोतन, तके तैना वादे अनुग्रहेरे ज़िरिये पक्के भोन, ते सारे वादे अब्राहमेरे वंशेरे लेइ आन, न सिर्फ यहूदी केरे लेइ, जैना मूसेरु कानून मन्तन बल्के तैन सेंभी केरे लेइ भी आन, जैना अब्राहमेरो जेरो विश्वासेरे लिखोरुए, “मी तू बेड़ी कौमां केरो पूर्वज बनेवरोस” परमेश्वरे पुड़ तैने विश्वास कियो, ते जै मुद्दन ज़ीनो केरते ते जैना चीज़ां वाजूद नई, तैन भी हाज़र केरते। 18 परमेश्वरे वंश भोनेरी धार्मिकता कि “तेरु खानदान एरु भोलू” तैना बेड़ि कौमां केरे पूर्वज भोन। तैनी न उमीदी मां उमीदी रेखतां विश्वास

कियो, 19 ते अब्राहम जै लगभग 100 सालेरो थियो, अपने मर्ने जानी, ते सारारे मर्ने पेट्रे हालीती पुढ़ भी विश्वासे मां कमज़ोर न भोव। 20 ते गैर विश्वासी भोइतां परमेश्वरे वादे पुढ़ शक न की, पन विश्वासे मां मज़बूत भोइतां परमेश्वरी बड़याई की। 21 ते तैस पूरे भरोसे भोव, कि जैस गललरो वादे परमेश्वरे कियोरोए, तै तैस पूरे केरनेरो शक्ति भी रखते। 22 अब्राहमेरो विश्वास तैसेरेले धार्मिकता गनो जेव। 23 ते ई वचन, “विश्वास तैसेरेले धार्मिकता गनो जेव,” न सिफ तैसेरेले लिखो जेव। 24 बल्के इश्शे लेड भी जैन केरे लेड विश्वास धार्मिकता गनो जेव, मतलब इश्शे लेड जैना अस परमेश्वरे पुढ़ विश्वास केरतम, जैने इश्शो प्रभु यीशु मसीह मुडदन मरां ज़ीतो कियो। 25 यीशु इश्शे पापां केरे लेड मारनेरो लेड टलुवाव जेव, ते असन धर्मी ठहरानेरो लेड परमेश्वरे ज़ीतो भी कियो।

**5** एल्हेलेड असां विश्वासे सेंड धर्मी भोए, ते जैन किछ इश्शे प्रभु यीशु मसीहे इश्शे लेड कियोरु तैसेरे जिरिये इश्शो मेल मलाप परमेश्वरे सेंड भोरोए। 2 ते इश्शे विश्वासेरे वजाई सेंड मसीहे अस इस अनुग्रहे तगर पुजाए, ज़ेडी अज़ अस खडे भी आम, ते असां पूरे याकीने ते आनन्दे सेंड परमेश्वरी महिमा बांटनेरो लेड उमीदी मां रातम। 3 सिफ एन्ने नई, बल्के मुसीबतन मां भी अस आनन्द केरम, किजोकि अस जानतम कि मुसीबतन सेंड सबर बदूती। 4 परमेश्वर असन रोडे समझते किजोकि केन्वर सबर केरिन असेर्ड शिखोरीए, ते तै असन रोडे समझाते तां असन उमीदे। 5 ई उमीदी असन शरमिन्दा न केर, किजोकि पवित्र आत्मा जै परमेश्वरे असन दित्तोरोए तैसेरे जिरिये सेंड तैसेरो प्याव इश्शे दिलन मां भोरोए। 6 किजोकि जैखन अस अपनो आप बजानेरो लेड कमज़ोर थिये, त मसीह परमेश्वरे ठहरावे वर्के पुढ़ इश्शे पैपी केरे लेड मरो। 7 केन्वी धर्मी मैनेरो लेड भी कोई मरे, इन बड़ु मुश्कले, पन शैद केन्वी धर्मी मैनेरो लेड कोई अपनि जान देनेरो जुराकेरो। 8 पन परमेश्वरे अपनो महान प्याव एन्वरे बांदो कियो, कि जैखन असां पापी थिये तैखून मसीह इश्शे लेड मरो। 9 ते अस तैसेरे खूने सेंड धर्मी ठहरे, त मसीहेरो जिरिये सेंड परमेश्वरेरो हमेश्वरी सजाई करा ज़सर बद्यमेले 10 किजोकि जैखन अस परमेश्वरे दुश्मन थिये त तैसेरे मटुरे मौती सेंड इश्शो मेल तैस सेंड भोव, ते किरी मेल मलाप भोरोए त तैसेरे जिन्दगी सेंड असन पक्की मुक्ति मैलेली। 11 ते सिफ इन्ने नई, पन हुनी प्रभु यीशु मसीहेरो जिरिये सेंड इश्शो मेल परमेश्वरे सेंड भोरोए, एल्हेलेड अस परमेश्वरे मां आनन्द केरतम। 12 एल्हेलेड जैन्वरे एककी मैनेरो जिरिये यानी आदारेरो जिरिये पाप दुनियाई मां अव, ते पापे सेंड मौत आई, ते एन्वरे मौत सेब्बी मैन्न मां फैली। किजोकि सेब्बेई पाप केरो। 13 मूसेरो कानून देने करां पेइले पाप दुनियाई मां त थियो, पन ज़ेडी कानून नई, तैडी पाप गनो न गाए। 14 किरी भी आदमे करां मूसा तगर सेब्बी लोकेई पाप कियो ते सब लोक मरे, ज़ैन लोकेई तैस आदमेरो ज़ेरो पाप न कियो तैना भी मरे, आदम मसीहेरो ज़ेरो थियो, जै मसीह एजेनेबालो थियो। 15 पन परमेश्वरेरु वरदान आदारेरो पापेरु ज़ेरु नई, इन सज्जे कि एककी मैन्ह यानी आदारेरो पापेरु वजाई सेंड बड़े लोक मरे, तैना लोक अनुग्रहेरु ते धार्मिकतारु बड़ु वरदान एककी मैनेरो जिरिये मैलते, तैना लोक जाते राले ते एककी मैन्ह यानी यीशु मसीहेरो अनुग्रहे सेंड एइते। 16 जैन वरदान परमेश्वरे असन दित्तू तैना आदारेरो पापेरु ज़ेरु नई, किजोकि एककी मैनेरो पाप सज्जा घिन्तां अव। पन हालाकी असेर्ड भी बड़े पाप कियोरोसेरी किरी भी परमेश्वरे असन एरु वरदान दित्तोरु जैन असन परमेश्वरी नज़री मां धर्मी ठहराते। 17 किजोकि एककी मैनेरो पापेरु वजाई सेंड सब लोक मरे, त जैन लोकन अनुग्रहेरु ते धार्मिकतारु बड़ु वरदान एककी मैनेरो जिरिये मैलते, तैना लोक जाते राले ते एककी मैन्ह यानी यीशु मसीहेरो जिरिये राज केरेलो। 18 एल्हेलेड जैन्वरे एककी मैनेरो पाप सेब्बी मैनेरो केरे लेड जैसा आनते, तेन्वरे मसीहेरो धार्मिकतारु कम सेब्बी मैनेरो केरे लेड धर्मी ठहराने लेड वजा बनू, जैस सेंड जिन्दगी मैलतीए। 19 किजोकि जैन्वरे एककी मैनेरो हुक्म न मने सेंड बड़े लोक पापी भोए, तेन्वरे एककी मैनेरो हुक्म मने सेंड बड़े लोक धर्मी भोले। 20 मूसेरो कानून एल्हेलेड दित्तोरो थियो कि सारे लोकन

पतो लगे कि तैना केत्रे पापिन। पन ज़ेन्वरे लोकेई जेत्रे जादे पाप किये तेन्वरे परमेश्वरो अनुग्रह तैस करां भी बड़ो जादे भोवं, 21 कि ज़ेन्वरे सेब्बी लोकेई पाप किये ते मरे, तेन्वरे परमेश्वरो अनुग्रह राज केरते ते परमेश्वरे अस इश्शे प्रभु यीशु मसीहेरो वजाई सेंड धर्मी ठहरावेरम। मतलब असन हमेशारी जिन्दगी मैलेली। (aiōnios g166)

**6** त अस कुन जोम? कुन अस पाप केरते रहम, कि परमेश्वरो अनुग्रह बदुतो गाए? 2 नई, कधी नई! अस जैखन पापेरे लेड मरे ते फिरी किजो अग्रोवं जो पापे मां जिन्दगी बीताम? 3 तुस जानतम कि जैखन असेर्ड सेब्बी लोकेई यीशु मसीहे सेंड साथी अक भोनेरे लेड बपतिस्मो नीयोरो थियो, तैखन अस तैस सेंड साथी मरे थिये। 4 जैखन असेर्ड बपतिस्मो नीयोरो थियो तैखन अस मसीह सेंड साथी मरे ते दबे जे, ताके अस भी नव्वी जिन्दगी जींम, जैन्वरे मसीह बाजी परमेश्वरी महिमा सेंड मुडदन मरां ज़ीतो कियो। 5 किजोकि अगर अस बपतिस्मोरो जिरिये मसीहेरी मौती मां शामिल भोरेम, त अस भी पक्के तैसेरे जेरे ज़ीतो भोमेले। 6 अस जानतम कि इश्शी पुरानी इन्सानयत यीशु मसीह सेंड साथी कूसे पुढ़ बाढ़ोरीए, ताके पापेरो जिसम वेफाइदो भोए, ते अस अग्रोवं जो पापेरे गुलैमी मां न रहम। 7 जैखन मैन्ह मरते त तैखून तै पापेरी शक्ति करां आज़ाद भोते। 8 एल्हेलेड अगर अस मसीह सेंड साथी मरे, ते इश्शो विश्वास ईए कि तैस सेंड साथी ज़ीतो भी भोमेले। 9 किजोकि अस एन जानतम कि मसीह मुडदन मरां ज़ीतो भोरोए ते तै फिरी न मरेलो, ते तैस पुढ़ फिरी मौतरु राज नई भोनू। 10 जैखन मसीह मरो त तै एककी बार सेब्बी करे पापेरे लेड मरो; पन हुनी तै ज़ीतोए, ते सिफ परमेश्वरेरो लेड ज़ीतोए। 11 एन्वरे तुस अपने बारे मां भी सोचा कि तुस पापेरे लेड त मरोरेथ, पन यीशु मसीहेरो तुसन जिन्दगी दित्तोरीए ते तुस परमेश्वरेरो लेड ज़ीतो आथ। 12 एल्हेलेड तुस अपने जानी मां पापेरी इच्छान राज केरने न देथ, ते तुस तैन केरे मुताबिक न ज़ला। 13 ते अपने जिसमेरे अंगन बुरे कम्मां केरे लेड जापे न सोफा, पन अपने आपे मुडदन मरां ज़ीतो सेमझातों परमेश्वरे सोफा। ते अपने जिसमेरे अंगन धार्मिकतारे कम्मां केरे लेड इ परमेश्वरे सोफा। 14 ते तुसन पुढ़ पापेरु राज न भोलू, किजोकि तुस मूरेरे कानूनेरे अधीन नई बल्के अनुग्रहेरु अधीन आथ। 15 त कुन भोव कि अस एल्हेलेड पाप केरम, कि असां मूरेरे कानूनेरे अधीन नई बल्के अनुग्रहेरु? नई, कधे नई। 16 तुस जानथ, कि जैखन तुस जैसेरो हुक्म मन्नेरो लेड अपनो आप गुलामां केरे जेरो सोफतथ त तुस तैसेरे गुलाम आथ। चाए पापेरी जैसेरो अन्त मौते, चाए हुक्म मन्नेरो जैसेरो अन्त धार्मिकताए। 17 तुस त पेइले पापेरे गुलाम थिये पन हुनी तुसन जै शिक्षा मैलोरी थी तैस पूरे दिले सेंड मन्नेबाले भोए, एल्हेलेड अवं परमेश्वरेरु शुक्र केरताई। 18 ते हुनी परमेश्वरेरु तुस पापेरी शक्ति करां छुटेतां आज़ाद किये, ते तुस परमेश्वरेरु तुस जैन रोडू तैन केरि बटथ। 19 अवं ई मिसाल एल्हेलेड इस्तेमाल केरने लोरोई, किजोकि तुशो लेड इन समझनू मुश्किले। जैन्वरे तुसेरे पेइले अपनो आप गुलामेरो जेरो बुरां कम्मां केरे लेड अधीन्ते ते बूड़ोरो लेड सोफेरो थियो, तेन्वरे हुनी तुस अपने आपे परमेश्वरी सेवारे लेड सोफा ताके तुस पूरे तरीके सेंड तैसेरे भोथ। 20 जैइस तुस पापेरे गुलाम थिये, त तुसन परमेश्वर खुश केरनेरी कोई ज़रूरत न थी। 21 तुसन पुरीरी जिन्दगी सेंड कुन फैट्डो मैलो? सिफ तुस शरमातथ, किजोकि जैन तुसेरी ईसेंड कुंडोरी ते तुस परमेश्वरेरु दास बनोरेथ। किजोकि इना गल्लां तुसन पवित्र बैतली ते तुसन हमेशारी जिन्दगी मैलेली। (aiōnios g166)

**7** हे दलाव ते बेन्वन, कुन तुस न जानथ अवं मूसेरो कानून जान्ने बालन तेन्वरे धर्मीहेरो धार्मिकतारु कम सेब्बी मैनेरो केरे लेड धर्मी ठहराने लेड वजा बनू, जैस सेंड जिन्दगी मैलतीए। 22 तुसन पुरीरी जिन्दगी सेंड कुन फैट्डो मैलो? सिफ तुस शरमातथ, किजोकि जैन तुसेरी ईसेंड कुंडोरी ते तुस परमेश्वरेरु दास बनोरेथ। किजोकि इना गल्लां तुसन पवित्र बैतली ते तुसन हमेशारी जिन्दगी मैलेली। (aiōnios g166)

त तै मुन्शेरे कानूने करां छुटी जेई। 3 ते अगर मुन्श हेजू जींतो ते होरि मळदेरी भोए त तै बदमाश भोतीए, पन मुन्श मेरि गाए, त तैसेरे कानूने करां छुटी, इडी तगर कि होरि मळदेरी भोए, किंरी भी बदमाश न ठहरेलो। 4 हे ढालाव ते बेइनव, ज़ैखन तुस मसीह सेइं साथी मरे, त तुस कानूने लेइ मरे। हुनी तुस मसीहेरे आथ जै मुडदन मरां जींतो कियोरोए, ताके तुस परमेश्वरे लेइ फलदार ज़िन्दगी ज़ीथ। 5 किजोकि ज़ेडिस अस अपने सुभावेरे मुताबिक चलते थिये, त पापी सुभाव असन मां कम केरतो थियो, ते कानूने तैना पापी इच्छां उकसेहुं, ते जैन किछ असेई कियूं तैसेरो फल मौत थियो। 6 पन ज़ेसेरे बंधने मां अस थिये, तैसेरेले इ मरतां, हुनी कानूने करां एरे छुटोरेम, पन आत्मारे नवं तरीके पुड सेवा केरतम, न कि लफसन सेइं। 7 त अस कुन ज़ोम? कुन मूसेरो कानून पापे? नई, कधी नई! बल्के बगैर मूसेरे कानूने अवं पापे न पिशेनी, अगर मूसेरो कानून न ज़ीथो कि “लालङ्ग न केर” त अवं लालचे न जैनेथो। 8 पन पापे मौको लेइतां हुक्मे सेइं मीं मां हर किसमेरु लालचूं पैदा कियूं, किजोकि बगैर मूसेरे कानूने पाप मर्गे आए। 9 अवं त मूसेरो कानून बगैर पेल्लो जींतो थियो, पन ज़ैखन हुक्म अव, त पाप जींतो भौत ते अवं मरो। 10 ते तैए हुक्म जै ज़िन्दगरे लेइ थियो, मेरे लेइ मौतरी वजा बनो। 11 किजोकि पापे मौको मेलतां हुक्मे सेइं मीं धोखो दित्तो, ते तैस सेइं अवं आत्मिक तोरे पुड मरो। 12 एल्हेरेले इ मूसेरो कानून पवित्र आए, ते हुक्म भी पवित्र, ठीक ते रोडोए। 13 ते कुन जै चीज़ रोडी थी मेरे लेइ मौत बनी? नई, कधे नई! पन पापे तैस रोडी चीज़ी सेइं मेरे लेइ मौत पैदा केरतां अवं मरो, कि तैसेरो पाप भोनो बांदो भोए, ते हुक्मे सेइं पाप बडो जादे बुझोए। 14 किजोकि अस ज़ानतम कि मूसेरो कानून त आत्मिक, पन अवं जिसमानी ते पापेरो गुलाम भोनेरे लेइ विकोरोई। 15 ते जैन अवं केरताई, तैस न जैनो, किजोकि जैन अवं चाताई, तैन केरि, पन ज़ैस सेइं मीं नफरते, तैने केरताई। 16 ते अगर, जैन अवं न चैइ तैने केरताई, त अवं मनताई, कि मूसेरो कानून रोडो आए। 17 ते एस हालती मां बुरी चीज़ा केरनेबालो अवं नई, बल्के पापे, जै मीं माए। 18 किजोकि अवं ज़ानताई, कि मीं मां मतलब मेरे जिसमे मां कोई रोडी चीज़ नई, रोडु केरनेही इच्छा त मीं मां आए, पन मीं करां न केरोए। 19 किजोकि जैस रोडे कम्मेरी इच्छा अवं केरताई, तैन मीं करां न बने, पन ज़ैस बुरैयरी इच्छा भी न केरि तैस केरताई। 20 पन अगर अवं तैने केरताई, ज़ेसेरी इच्छा न केरि, ते तैन केरनेबालो अवं नई, बल्के पापे जै मीं माए। 21 ते मीं ई कानून मैलते, कि ज़ैखन रोडे कम्मेरी इच्छा केरताई, त अवं बुराई केरताई। 22 किजोकि अवं ज़मीरे सेइं त परमेश्वरे कानूने सेइं बडो खुश भोताई। 23 पन मीं अपने जिसमेरे अंगन मां होरि ज़ेरो कानून लेइहोते, जै मेरी अकत्तो कानूने सेइं लडते, ते मीं पापेरे गुलैमेरे कानूने मां छडते जै मेरे जिसमेरे अंगन माए। 24 अवं केरो नुभाध मैनू आई, मीं इस जिसमे करां जै मौतरे पासे नेते कौन छुटालो? 25 अवं परमेश्वरे शुक्र केरताई जैने यीश मसीहेरे जिरिये अवं बज्ञाव, ते अवं अपनि अकत्ती सेइं त परमेश्वरे कानूनेरो इस्तेमाल केरताई, पन अपने जिसमे सेइं पापेरी कानूनेरो इस्तेमाल केरताई।

## 8 एल्हेरेले इ हुनी जैना मसीह यीश मां आन, तैन पुड सजारो हुक्म नई

2 किजोकि पवित्र आत्मा तुसन ज़िन्दगी देलो, जै यीश मसीह करां इटी ते तै तुसन पाप ते मौती करां आजाद केरेलो। 3 किजोकि जैन कम कानूने इश्शो पापी सुभावेरे वजाई सेइं कमज़ोर भोतांन केरि बदु, तैन परमेश्वरे कियूं मतलब अपने मट्टे इश्शो पैपी केरो ज़ेरो भोनेरे लेहु, ते पापेरे बलिदारे लेइ भेजू, परमेश्वरे मसीहेरे जिसमे मां पापेरी सज्जा दित्तो। 4 परमेश्वरे एन एल्हेरेले इ कियूं ताके अस अपने पापी सुभावेरे मुताबिक नई, पन पवित्र आत्मारे मुताबिक चलतां जै हुक्म कानून दते तैस केरि बटम। 5 किजोकि जैना लोक पापी सुभावेरे मुताबिक ज़िन्दगी बीतातन, तैना पापेरे बारे मां सोचतन, पन जैना लोक पवित्र आत्मारे मुताबिक ज़िन्दगी बीतातन, तैना आत्मिक गल्लां केरे बारे मां सोचतन। 6 अगर इश्शो मन इश्शो पापी सुभावेरे मुताबिक चलते त अस मरमेले, पन अगर इश्शो मन आत्मारे मुताबिक चलते

त असन कां जिन्दगी ते शान्ति मैलेली। 7 किजोकि पापी सुभावेरे मुताबिक चल्नू परमेश्वरे सेइं बैर रख्नोए, किजोकि न त पापी सुभाव परमेश्वरे कानूनेरे अधीने, ते ने कानूनेरे मुताबिक चेलि बटो। 8 ते जैना पापी सुभावेरे मुताबिक चलतन तैना परमेश्वरे खुश न केरि बटन। 9 पन ज़ैखन परमेश्वरेरी आत्मा तुसन मां बस्तते, ते तुस पापी सुभावेरे मुताबिक न चलथ बरके पवित्र आत्मरे मुताबिक चलतथ, अगर कोन्ची मां पवित्र आत्मा नई त तै मसीहेरो मैनू नई। 10 ते अगर मसीह तुसन माए, त जिसम पापेरे वजाई सेइं मरलो, पन आत्मा धार्मिकतारे वजाई सेइं जींतीए। 11 ते अगर तैसेरी आत्मा जैने यीश मुडदन मरां जींतो कियो तुसन माए। ते जै मसीह तैने मुडदन मरां जींतो कियो, तैए तुशी भी नाश भोनेबाले जिसमे अपनि आत्मा सेइं जींतो केरेलो, जै तुसन माए। 12 हे ढालाव ते बेइनव, असेई एन्वरे न लोडे जीयो ज़ेन्वरे अस अपने पापी सुभावेरे मुताबिक ज़ीनू चातम, पन असेई एन्वरे जीयोरु लोडे ज़ेन्वरे परमेश्वरो आत्मा चातो। 13 किजोकि अगर तुस अपने पापी सुभावेरे मुताबिक जीले त तुस मरले, पन अगर तुस पवित्र आत्मरे मुताबिक चलले त तुस अपने पापी सुभावेरां कम्मां केरसां बंद केरेले ते फिरी तुस जींतो राले। 14 किजोकि ज़ेत्रे परमेश्वरेरी आत्मारे चलाने सेइं चलतन तैना परमेश्वरेरे बच्चो। 15 किजोकि जै आत्मा तुसन मैलोरोए तुसन फिरी गुलाम बेनतां रानेरे लेइ नई, बल्के तै तुसन परमेश्वरेरे रख्नोरु, तैन भी अस मसीह तुस अपने पापी सुभावेरां बच्चो बनाते। तैसेरी जिरिये अस परमेश्वरे जो हे अब्बा, हे बाजी ज़ीतम। 16 पवित्र आत्मा एप्पु इश्शी आत्मा सेइं मिलतां गवाही देतो, कि अस परमेश्वरेरे बच्चोम। 17 किजोकि अस परमेश्वरेरे बच्चोम ते असां तैना बरकतां हासिल केरमेले जैना परमेश्वर अपने लोकां केरे लेइ रेखोरिन, ते मसीहेरो लेइ भी जैन परमेश्वरे रख्नोरु, तैन भी अस मसीह तुस असां साथी हासिल केरमेले; किजोकि अगर अस मसीहेरो जेरो दुःख झीलमेले त अस भी मसीहे साथी महिमा हासिल केरमेले। 18 मीं पूरु याकीने, कि जैना दुःख अस झीलमेले लारेम, तैस महिमारे सामने, जै परमेश्वर असन देनेबालोए, किछ भी नई। 19 किजोकि सैरी रखनारी चीज़ां बडे बे सबरी सेइं तैस वक्तेरो इंतज़ार केरने लोरिन, कि ज़ेइस परमेश्वरे इन बांदो केरनू तैसेरे सच्चे बच्चे कौन आन। 20 किजोकि जैन किछ परमेश्वरे बनाव, तैन सैरी चीज़ोइं अपनि कीमत गवाइ, एल्हेरेले इ नई कि तैना अपने आप चैती थी, पन परमेश्वरे एन भोने दित्तू। पन फिरी भी उमीदे। 21 कि सृष्टि एप्पु भी खुश आए कि विनाशो करां छुटकारो हासिल केरतां, परमेश्वरेरे बच्चों केरे महिमारी अज़ैदी मां खुशी मनाली। 22 किजोकि अस ज़ानतम कि सारी सृष्टि मिलतां हुना तगर कर लातीए ते तकलीफी मां तडफीए, ज़ेन्वरे दोजींती गले बिशनेरी तकलीफ भोताई। 23 सिर्फ तैना नई पन अस भी जैन एजने बैली महिमारो पेइले फलेरो स्वाद घर्खनेरे लेइ पवित्र आत्मा दित्तो, पन अस हेजू भी परमेश्वरेरे वक्ते बलगने लोरेम ज़ैखन परमेश्वर अपने बच्चे केरे रूपे मां कबूल केरेलो, ते असन जिसमेरे बुरैई करां छुटकारो देलो। 24 हुनी परमेश्वरेरे असन मुक्ति दित्तोरीए, असन ई उमीदे। पन अगर तुस कोन्ची चीज़ी हासिल केरनेरे लेइ उमीद केरथ जै तुसन कां पेइली आए, त फिरी तै उमीद नई। किजोकि जैस चीज़ी कोई देने लोरोए तैसेरी उमीद कुन केरे? 25 पन जैस चीज़ी अस न लहम, अगर तैसेरी उमीद रख्नतम, त सबरी सेइं तैस बलगते भी रातम। 26 एन्वरे परवित्र आत्मा इश्शी मद्दत केरेते ज़ैखन अस परमेश्वरे पुड भरोसो रख्ने मां कमज़ोर भोतम, किजोकि अस न जानम, कि प्राथना केन्वरे केरतन; पन पवित्र आत्मा एप्पु कर लेइतां जै बयानेरे बेइरे, इश्शो लेइ बिनती केरताई। 27 ते परमेश्वर जै मना केरो ज़ान्ने बालोए ज़ानते, कि पवित्र आत्मा कुन लोरो ज़ोने। किजोकि तै पवित्र लोकां केरे लेइ परमेश्वरेरे मेज़ी सेइं बिनती केरते। 28 ते अस ज़ानतम, कि जैना लोक परमेश्वरेरे सेइं प्यार केरतन, परमेश्वर तैन केरे लेइ सब गल्लां केरे ज़िरिये भलाई पैदा केरते; मतलब तैन केरे लेइ जैना तैनी अपने मेरजारे मुताबिक चुनोरेन। 29 किजोकि तैने जैना पेइले चुने, ते पेइले ठहराए भी कि तैसेरे मट्टू रूपे मां भोन, ताके तै बडे ढालान मां ज़ोठो भोए। 30 फिरी जैना तैने पेइले ठहराए, तैना चुने भी, ते जैना चुने, तैना धर्मी भी ठहराए, ते जैना धर्मी ठहराए तैन महिमा भी दित्तोरीए। 31 ते अस एन गल्लां केरे बारे मां कुन

जोम? अगर परमेश्वर इश्शे पासे, ते इश्शो खलाफ कौन भोई बटते? 32 परमेश्वरे अपनू मृदू भी अपने लेइ न रख्खू, बल्के तैन इश्शे सेंधी केरे लेइ तैसेरे दुश्मना केरे हवाले दित्तू, ते तै मसीह सेइं असन तैन सब किछ देला ज़ेसेरो वादी तैने असन सेइं कियोरोए। 33 अस परमेश्वरे चुनोराम, कोई असन पुडू परमेश्वरे सामने दोष न लेई बटे, किजोकि तैए ज़ैने अस धर्मी ठहरावरेम। 34 फिरी कौनै ज़ै सजारो हुक्म देलो? कोई नई, यीशु मसीह तैए ज़ै मरो, बल्के मुद्दन मरां ज़ीतो भोव, ते परमेश्वरे देहने पासे, ते इश्शे लेइ बिनिरी भी केरते। 35 कौन असन मसीहेरे प्यारे करां अलग केरि बटते? मुसीबत या तंगी, या जुलम, या काल, या नगूपन, या खतरो, या तलवर? इन मरां कोई भी चीज़ असन मसीहेरे प्यारे करां अलग न केरि बटे। 36 ज़ेन्वरे पवित्रशास्त्रे मां लिखोरुए, “तेरे लेइ अस हर वर्त मौतेरे खतरे मां रातम; अस मैरोने बैली भैहूं केरे ज़ेरे गने जोरेम।” 37 पन जैने असन सेइं प्यार कियोरोए, तैसेरे जिरिये असन पूरे तरीके सेइं एन सैरी बुरी गल्लां पुडू ज़ीत हासिल आए। 38 किजोकि मीं पूरु याकिने, कि न मौत, न जिन्दगी, न स्वर्गदूत, न हकोमतां, न जै वर्त चलारोए, न एजनेबालो वर्क, न शेर्कि, न उचार, 39 न दुधार ते न कोई हेरि सृष्टि, असन परमेश्वरे प्यारे करां जै इश्शे प्रभु यीशु मसीह मांए अलग केरि सकेली।

**9** अवं मसीह मां सच जोताई, झूठ न जोई, ते मेरो जमीर भी पवित्र आत्माई मां गवाही देते। 2 कि मीं बड़ो दुखे, ते मेरो दिल लगातार मेरे लोकां केरे लेइ उदास भोते। 3 किजोकि मेरे यहूदी ढाला ते बेइनां केरे लेइ, अवं हमेश्वरे लेइ श्रापित भौंधो ते मसीह करां अलग भौंधो अगर तैन इस वजाई सेइं तैन मुक्ति मैलिती। 4 तैना इसाएलिन, ते तैना परमेश्वरे लेपलक बच्चे भोनेरे लेइ चुनोरेन, ते परमेश्वरे अपनि महिमा तैन पुडू बांदी की। ते तैनी तैस सेइं करार कियो, ते तैन मूसेरो कानून दित्तो। ते तैनी तैन अपनि आराधना ते अपने खूबसूत वादे पूरे करसेरे लेइ हासिल केरनेरो मौको दित्तो। 5 अब्राहम, इसहाक ते याकूब तैन केरे दादे पड़दादे थिये, ते मसीह भी जिसमेरे लिहाजे सेइं तैने मरां अव, तै परमेश्वरे ते सेवन करां बाए जै सेवन पुडू राज़ केरो, तैसेरो महिमा होस्ता भोती राए। अमीन। (अबॉ g165) 6 पन इन नई, कि परमेश्वरे वचन टलू कि, सारे जैना इसाएलेरे वंशन, तैन सब सच्चे इसाएली नई। 7 ते न अब्राहमेरे वंश मां ज़र्म भोने सेइं सब परमेश्वरे बच्चे भोन। पन पवित्रशास्त्रे मां परमेश्वर अब्राहमे सेइं जोते, “जैना इसहाके वंश मरां पैदा भोले तैने ते वंश मनू गालू।” 8 मतलब जैना कुदुरती तरीके सेइं जर्म धिन्तन तैना परमेश्वरे बच्चे नई, पन सिर्फ वादें बच्चे अब्राहमे बच्चे गने गान। 9 किजोकि वादें वचन इने, “अवं एग्री साल इस वर्ते फिरी एजेलो, ते सारां अक मटू भोनून।” 10 ते सिर्फ एन नई, पन जैइस रिबका भी एक्की सेइं मतलब इसहाके सेइं दोज़ीती थी ते तैसेरे मेटे मां दूडू बच्चे थिये। 11 ते हेजू तगर तैना बच्चे न थिये ज़मरों, ते न तैनेई रोडू या बुकु कियेऱ थियूं कि परमेश्वर रिबका सेइं जोवं, तेरु बहु मटू निकडेरी सेवा केरेलू। परमेश्वरे एन एल्हेरेलेइ ज़ोवं कि एन हिराए, कि तै अपनि मेर्जी सेइं फैसले केरते ते इन तैन मटूं केरे रोडां या बुरे कम्पां केरे वर्जाई सेइं न थियूं। 13 ज़ेन्वरे पवित्रशास्त्रे मां लिखोरुए, “मीं याकूबे सेइं प्यार कियो, पन एसाविरो इक्कार कियो।” 14 ते अस कुन ज़ोम, कि परमेश्वर बेइन्सापे कि तै जैस चाते चुनोते? नई, कथं नई? 15 किजोकि परमेश्वर मूसे सेइं जोते, “अवं जैस केन्ची पुडू दया केरनि चैई, तैस पुडू दया केरेलो ते जैस पुडू तरस केरनो चैई तैस पुडू तरस केरेलो।” 16 एल्हेरेलेइ परमेश्वर तैस चुनोलो जैस पुडू तै दया हिरानी चाते; तैसेरी इच्छा लोक जैन चातन या केरनेरो कोशिश केरेतन तैस पुडू निर्भर नई। 17 किजोकि पवित्रशास्त्रे मां परमेश्वरे मिसेरे राज़े फिरैन सेइं जोवं, “मीं तू एल्हेरेलेइ राज़ो बनोरोस, कि तीं मां अपनि शक्ति हिर्वै, ते मेरे नव्वेवो प्रचार सेरी ज़मीनी पुडू भोए।” 18 ते जैस पुडू तै चाते, तैस पुडू दया केरते; ते जैस चाते फीठ केरते। 19 ते किछ लोक मीं सेइं ज़ोले, “अगर एन्वरे, ते फिरी परमेश्वर केन्वरे फैसलो केरि बटते कि अस गलत आम? एल्हेरेलेइ कोई भी तैस जैन तै चाते केरने करां न रोकी बटे।”

20 हे मैनू, तू कौन आस, जै तू परमेश्वरे सेइं बेंस केरतस? कुन बानोरी चीज बनाने बाले सेइं जोई बटतीए, “तीं अवं एरि किजो बनाई?” 21 कुन कुम्हरे मित्ती पुडू अधिकार नई, कि एक्की लुनदे मरा, अक भांड आदरारे लेइ बनाए, ते होकू नरादारा लेइ बनाए? 22 (परमेश्वरे अपने बानवारो लोकन सेइं जैन तै चाए तैन केरनेरो अधिकारो) जैना नाश भोनेरे काबल थिये, तैन केरे खलाफ परमेश्वर अपने त्रोहिहरानो ते अपनि सामर्थ बांदी केरनेरी चातो थियो, पन तैसेरे बदल मां तैनी सबर की। 23 (तैनी एन कियूं) किजोकि तै हिरानू चातो थियो (मसीहेरे मौतरे बलिदानेरे जिरिये) तै केत्री महान आए, जैखन तै तैन लोकन पुडू दया केरते जैना तैनी अपनि महिमा मां शामिल भोने लेइ चुनोरेन। 24 मतलब असन पुडू जैना तैने न सिर्फ यहूदन मरां बल्के गैर कौमन मरां भी चुने। 25 ज़ेन्वरे तै होशे नेकेरे किताबी मां जोते, “जैना मेरे लोक न थी, तैन अवं अपने लोक ज़ोलो। ते जैना लोक मेरे द्वलारे न थिये, तैन जो द्वलारे ज़ोलो।” 26 ते तैसेरे ठैरी ज़ीतो परमेश्वर तैन जौलो तुस मेरे बच्चे।” 27 ते यशायाह नवी इसाएली लोकां केरे बरे मां जोते, “चाए इसाएलेरी कुटमेरी गिनती समुद्रेरे किनारे रेतरी ज़ेरि बड़ी जादे भोली फिर भी तैन मरा थोड़े बचेले। 28 किजोकि प्रभु जल्दी दुनियारे सेंधी लोकां केरो सेखती सेइं इन्साफ केरेलो।” 29 ज़ेन्वरे यशायाह नेवे पैदलू भी ज़ोर थियूं, “कि सर्वशक्तिमान परमेश्वरे इश्शे लेइ इश्शु वंश न बावाथो, त अस सदोम ते अमोरा नगार केरे ज़ेरे भोने थिये, जैना परमेश्वरे पूरे तरीके सेइं बरबाद कियां।” 30 ते अस कुन ज़ोम? इन कि जैना गैर कौमां केरे लोक जैना धार्मिकता न थी तोपते, तैनेई धार्मिकता हासिल की, मतलब तै धार्मिकता जै विश्वासे सेइं आए। 31 पन इसाएली लोक मूसेरो कानून मेन्ता परमेश्वरे करां धर्मी जुवानू चाते थिये, पन तैन न भोडू बुट। 32 किजो नई? एल्हेरेलेइ कि तैना विश्वासे सेइं नई, पन मूसेरो कानून मेन्ता धर्मी भोनेरी कोशिश केरते थिये, तैनेई तैस ठोकर खानेबाले थोड़े सेइं ठोकर खाइ। 33 ज़ेन्वरे पवित्रशास्त्रे मां लिखोरुए; “तका अवं सिय्योने मां अक ठेस लानेबालो थोड़, ते ठोकर खाने बाली चट्टान रखताई; ते जै तैस पुडू विश्वास केरेलो, तै शरमिन्दा न भोलो।”

**10** हे ढलाव ते बेइनव मेरे मनेरी इच्छा ते इसाएली लोकां केरे लेइ परमेश्वरे कां मेरी ई प्रार्थनाए, कि तैन मुक्ति मैल्ले। 2 अवं जानताई कि तैना परमेश्वरे लेइ ज़ोंशी मां रहतन, पन सच्चे जैने सेइं नई। 3 किजोकि तैना तैस धार्मिकताई करां अनजान राए जै परमेश्वरे तरफां मैलीए, ते तैनेई अपनि धार्मिकता बनानेरी कोशिश की, एल्हेरेलेइ तैनेई अपनो आप परमेश्वरे धार्मिकताई अधिन न कियो। 4 किजोकि मसीहे तै मकसद पूरो कियोरोए ज़ेसेरे लेइ मूसेरो कानून दित्तोरा थियो, ताके जै कोई मसीह पुडू विश्वास केरे ते परमेश्वरी नज़री मां धर्मी भोए। 5 किजोकि मूसे इन लिखोरुए, “जै मैनू तैस धार्मिकता मुताबिक चलते जै कानूनेरे जिरिये आए, तै तैसेरे जिरिये सेइं ज़ीती रालो।” 6 पन जै धार्मिकता विश्वासे सेइं आए, तैसेरे बारे मां पवित्रशास्त्र इन ज़ोते, “तू अपने मने मां इन न ज़ोइयो कि स्वर्ण पुडू कौन झड़लो?” (मतलब मसीह आने) 7 या इन न ज़ोइयां “पाताले मां कौन गालो?” (मतलब मसीह मुद्दन मरां ज़ीतो केरतां बा आने) (Abyssos g12) 8 पन पवित्रशास्त्र इन ज़ोते “परमेश्वरे वचन तेरे नेडे, ते तेरे ऐशी मां ते मने मां आए,” इन तैन वचन जैन असन परमेश्वरे पुडू विश्वास केरनेरे बारे मां जोते, ज़ेसेरो अस प्रचार केरतम। 9 अगर तू अपने ज़बाना यीशुए, प्रभु जेनतां मन्नस ते अपने दिल सेइं विश्वास केरस, कि परमेश्वरे तै मुड़दन मरां ज़ीतो कियो, ते अपमेश्वर पक्की मुक्ति देलो। 10 किजोकि इश्शे विश्वासेरे जिरिये सेइं अस परमेश्वरी नज़री मां धर्मी भोतम, ते इश्शे इकरार केरनेरे सेइं मुक्ति मैलोरीए। 11 किजोकि पवित्रशास्त्र इन ज़ोते, “जै कोई तैस पुडू विश्वास केरे, तै शरमिन्दो न भोलो।” 12 इन एल्हेरेलेइ आए कि यहूदन ते गैर कौमन मां कोई फर्क नई, किजोकि परमेश्वर सेंधी केरो प्रभुए; ते जैना तैसेरू नवं धिन्तन तै तैन बरकत देतो। 13 ज़ेन्वरे पवित्रशास्त्र ज़ोते, “जै कोई प्रभुएरु नवं धिन्तेलो, तैस मुक्ति मैलेली।” 14 पन प्रभु पुडू लोकैई

विश्वास न कियो त तैना तैसेरू नवं किजो घिन? ते जेरेरे बारे मां तैनेई शुनोरु नई तैस पुड़ केन्जरां विश्वास केरले? ते अगर तैसेरे बारे मां कोई प्रचार न करे त तैना केन्जरा शुनी बटन? 15 ते अगर कोई प्रचार केरनेरे भेजो न गाए त तैना केन्जरे शुनेई बटन? जेन्वरे पवित्रशास्त्र ज़ोते, “तैन केरे पव केत्रे रोडेन, ज़ैना खुशखबरी शुनातान!” 16 पन सेव्हैट ते खुशखबरी कबूल न की। यशायाह नबी ज़ोते, “हे प्रभु कोई दृश्ये सन्देशे पुड़ विश्वास न केरे!” 17 एल्हेरेलेड मसीहेरे बारे मां सन्देश शुन्नेरे बारे कोई भी तैस पुड़ विश्वास न केरि बटे। 18 पन अवं पुछतई, “कुन इसाएली लोकेई न शुनू?” हाँ तैनेई ज़रूर शुनू, पन पवित्रशास्त्रे मां लिखोरुए “तैन केरू वचन सेरी ज़मीनी पुड़, ते तैन केरि गलां दुनियारे हर पासे पुजोरिन!” 19 अवं फिरी पुछतई, कुन इसाएली लोकेई तैन वचन न समझू? पेइलो त प्रभुए मूसेरे ज़िरिये ई जुवाब देते, “अवं तैन केरे ज़िरिये ज़ै कौम नई, इसाएली लोकन जलन करातो, अवं बेवकूफ गैर कौमा केरे लोकां केरे ज़िरिये तुसन सरकातो!” 20 फिरी यशायाह बडे दिलेरी सेइं परमेशरे लेइ ज़ोते, “ज़ैना माँ न थी तोपते, तैन अवं मैलो, ते ज़ैना माँ पुछते भी न थी, तैन पुड़ अवं बांदो भोवा!” 21 पन इसाएलेने बारे मां परमेशर इन ज़ोते, “अवं हुक्म न मन्नेबाले ते बैंस केरनेबाले लोकन सैरी दिहैड़ी कुजातो राव।”

## 11

एल्हेरेलेड अवं पुछतई, कुन परमेशरे अपने लोक शारे? नई, कथे नई! अवं भी त इसाएली आई, अब्राहमेरे खानदाने ते बिन्यामीने गोत्रे मरां आई। 2 परमेशरे अपने तैना लोक न शारेर, ज़ैना तैने पेइले चुने, कुन तुस न ज़ानथ, कि पवित्रशास्त्र एलियाहेरे बारे मां कुन ज़ोते, कि एलियाह नेवे इसाएली लोकां केरे खलाफ परमेशरे कां बिनती केरते? 3 तैने ज़ोव “हे प्रभु, तैनेई तेरे नबी मारे, ते तेरी बलिदान केरनेरी तारां बरबाद की, ते सिर्फ अवं ए एकलो बज़ोरोई ज़ै तीं मने बालोई, हुनी तैना माँ भी मारने चातान!” 4 पन परमेशरे एलियाहे जुवाब दितो, “माँ अपने लेइ 7000 मङ्गड रखोरेन, ज़ैनेई बाल देवतेरे मूरती कां मथ्यो नई टेकोरो!” 5 एन्वरे इस वक्ते भी थोड़ ज़ेरे लोक बज़ोरेन, ज़ैना परमेशरे अपने अनुग्रह वजाई सेइं चुनोरेन। 6 अगर इन परमेशरेरे अनुहो देंडे भोस्ला, ते फिरी मूसेरे कानूनेरे मुताबिक कम्मन केरने सेइं नई, नई त फिरी अनुग्रह, अनुग्रह न राव। 7 ते फिरी निरिजो कुन भोव? कि इसाएली ज़ेसेरी तोपी मां आन, तै तैन न मैलो, पन चुनोरेन मैलो, ते होरे बाकी लोक सखत कियोरेन। 8 जेन्वरे पवित्रशास्त्रे मां लिखोरुए, “परमेशरे अज़ज़ेरे दिहैड़ी तिग तैन केरे मन ते दिल सुस्त कियो, ते एरी एछ़े दिर्सि कि ताके तैना लेइ न बटन, ते एरे कन ताके तैना शुनी न बटन!” 9 ते राजो दाऊद ज़ोते, “अवं परमेशरे कां प्राथना केरताई कि तै तैन केरे तिहारन मां दलेइ बटे ते फसाए, ते परमेशर तैन झुकाए ते तैन सज्जा देइ बटे। 10 ते तैन केरे एछ़नुन पुड़ अंधरू भोए, ताके तैना लेइ न बटन, ते परमेशर तैन, तैन केरे परेशनी केरे वजाई सेइं दुर्वी केरि बटे!” 11 ते अवं पुछतई, कुन यहूदी लोक ठोकर लगनेरे वजाई सेइं हमेशरे लेइ बिछड़े? नई, कथे नई! पन तैन केरे विश्वास न केरनेरे वजाई सेइं गैर कौमन मुक्ति मैल्ली ताके तैन जलन भोए। 12 ते अगर तैन केरे विश्वास न केरनेरे वजाई सेइं गैर कौमरे लोकां केरे भलू भोवं, हकीकिं कां गैर कौमां केरे लेइ बडू रोडू भौलू ज़ैइस यहूदी लोक परमेशरे कां वापस एज्जेले। 13 अवं तुसन गैर कौमरे लोकन सेइं एन ज़ोताई। कि अवं गैर कौमरे लोकां केरे प्रेरित आई, ते अपने सेवारे बारे मां घमण्ड केरि। 14 ताके अवं कौन्ची तरीके सेइं अपने लोकन जलन केरेइतां तैन मरां किछन मुक्ति दूवैई। 15 किजोकि इसाएली लोकां केरू शारू गानू दुनियारे लोकां केरे लेइ मैल मिलापेरी वजा बनी, ते तैन केरू याशु कबूल करनु कि तै मसीह आए, एन एरु भौलू ज़ेन्वरे मुड़देव ज़ीतू भोनू! 16 ते किजोकि पूर्वज अब्राहम ते दादे पड़दादे पवित्र यिथे ते तैन केरि खानदानी भी पवित्र भोली, ज़ैखन चड़तलरो पेइलो पेड़ोलो परमेशरे लेइ चाढ़ानेरे वजाई सेइं पवित्र भोरोए, त पूरु सन्नोरु अटू भी पवित्र भोस्ला, ते ज़ैखन ज़ील पवित्र भोवं, त डाल भी पवित्ररन। 17 इसाएली लोक ज़ैतूरे बुटेरे डैलडी केरे जेरे आन ते इश्शे दादे

पड़दादे अब्राहम, इसहाक ते याकूब एस बुटेरे ज़ीलां केरे जेरे आन, ते अगर किछ डैलडी डैलडी जेर्द, त तुस गैर कौमरे लोक ज़ंगली ज़ैतूरे जेरे आथ, ते तुस तैस असली ज़ैतूने मां कलम कियोरेथ ते ज़ीलां केरे खुराकारे हकदार भोरेथ। 18 त तीं तैन डैलडन पुड़ ज़ैना डैलडी जेर्द ते शेरी जेर्द तैन पुड़ घमण्ड न लोडे कियेह, ते अगर तू घमण्ड केरस त याद रख कि तू ज़ीलन नई, पन ज़ील तीं सुमभालते। 19 फिरी तू ज़ोलो, “डैलडी एल्हेरेलेड डैलडी, कि अवं कलम भोई?” 20 इन सच्चे, तैन त विश्वास न केरनेरे वजाई सेइं डैलडी जेर्द, पन तू विश्वासे सेइं बनोरो रातस, एल्हेरेलेड घमण्ड न केर, पन डर केर। 21 किजोकि परमेशरे असली डैलडन पुड़ दया न की, त तुसन पुड़ भी दया न केरेलो ज़ैना कलम कियोरेथ। 22 एल्हेरेलेड परमेशरेरी दया ते सखती हेरि! ज़ैना पाप केरनेरे वजाई सेइं झाडे तैन पुड़ सखती, पन तेरे लेइ दया, ते तू अपने आपे पुड़ तैसेरी दया बनोरी राने दे, नई त तू भी कटो गालो। 23 ते अगर यहूदी लोक फिरी विश्वास केरन, त कलम केरे गानेन किजोकि परमेशर एन केरनेरे लेइ शेक्ति बालो आए। 24 किजोकि अगर तू तैस ज़ैतून, ज़ै सुभावे सेइं ज़ंगलीए कटो जेर, ते ज़ै असलीए तैसेरे खलाफ रोड़ ज़ैतूने मां लव जेर, ते इना असली डैलडी आन अपने ज़ैतून मां किजो न लेइ गैली। 25 हे ढालव ते बैंनव, अवं न चैर्द कि तुस गैर कौमरे लोक अपने बारे मां घमण्ड केरेथ। इसाएली लोकन सेइं कुन भोव, अवं एस भेदेरे बारे मां तुसन सेइं ज़ोताई, कि ज़ांतगर गैर कौमां केरे बड़े लोक मसीह कां न एजन, तांतगर किछ इसाएली लोकां केरो दिल सखत रालो। 26 ते एन्वरे सैरी इसाएली लोकन मुक्ति मैल्लीए; जेन्वरे पवित्रशास्त्रे मां लिखोरुए, “छुटानेबालो सिय्योरेन (यस्शलेम) एज्जेलो, ते अभक्ति इसाएली लोकन करां दूर केरेलो। 27 ते तैन सेइं मेरो ई करार भोलो, कि अवं तैन केरे पाप माफ केरेलो।” 28 खुश्येखरारे वजाई सेइं ते तैन केरे बुजुगुन दितोरे वचवरे वजाई सेइं परमेशरे चुनेरे वजाई सेइं ते तैन केरे बुजुगुन दितोरे वचवरे वजाई सेइं परमेशर तैन सेइं हेजू भी प्याव केरते। 29 किजोकि परमेशरे अपने वरदान्न करां ते अपने कुजाने करां कथे अपनो मन न बदले। 30 किजोकि ज़ैन्वरे पेइले तुसेर्हे परमेशरेरो हुक्म न थियो मनोरो, पन हुना इसाएली लोकां केरे हुक्मन मन्ने सेइं तुसन पुड़ दया भोइ। 31 तैना हेजू भी हुक्म न मन्नेबालेन कि ज़ै दया तुसन पुड़ भोरीए तैन पुड़ भोली। 32 किजोकि सेव्ही लोकेई हुक्म नई मनोरो एल्हेरेलेड तैना केदी केरे ज़ेरे बनोरेन। पन परमेशरे एन एल्हेरेलेड कियू ताके तैन सेभ्वन पुड़ दया केरि बटे। (eleēest g1653) 33 वाह! परमेशर सेड्भी केरे लेइ भलो आए ते ज़ानी ते अकलमन्दे, कोई भी तैसेरे खियालन बियान न केरि बटे ते कोई तैसेरी बत्तां न सेमझी बटे। 34 जेन्वरे पवित्रशास्त्रे मां लिखोरुए “कोई न जाने प्रभुएरे मन मां कुने या तैस सलाह देनेबालो कौनेन? 35 या केने पेइले तैस किछ दितू ज़ेसेरो बदलो तैस दित्तो गाए?” 36 किजोकि सब किछ परमेशरेरी तरफां आए। तैनी सब किछ बनाव, ते तैसेरे ज़िरिये, ते तैसेरेलेड सब किछें। तैसेरी आदर सदा भोती राए। आमीन। (aiōn g165) 33

12 एल्हेरेलेड हे ढालव ते बैंनव, अवं तुसन का परमेशरेरी दया याद केरताई बिनिजी केरताई, कि अपनि ज़िन्दगी पवित्र, ते ज़ेरु परमेशरे पसंद एइते, बलिदान केरतां चाढ़ा; ईं परमेशरेरी आराधना केरनेरो सही तरीको आए। 2 ते इस दुनियां तरीके पुड़ न चला, पन परमेशर तुश्शी सोच बदलेरे ज़िरिये सेइं तुश्शो चालचलन भी बेदलो, ताके तुस जानथ कि परमेशर तुसन करां कुन चाते, या जै रोडी ते जैन तैस परमेशर एइते, ते सिद्ध आए। (aiōn g165) 3 किजोकि अवं तैस परमेशरेरो अनुग्रहेरे वजाई सेइं ज़ै मैलो, तुसन मरा दूर एककी सेइं ज़ोताई, कि जेन्वरे समझोरु लोडे, तैस करां कोई भी अपनो आप जादे न समझो, यानी कि जेत्रो विश्वास परमेशरे तुसन दित्तोरो तैसेरे मुताबिक अपने आपे समझा। 4 किजोकि जेन्वरे इककी जिसमे मां बडे अंगां, ते सेड्भी अंगां केरू कम नई। 5 तेन्वरे अस ज़ैना मसीह पुड़ विश्वास केरतम, अस भी तैसेरे जिसमेरे जेरे बने, ते अस तैसेरे अंग आम ते अस एककी होरि सेइं ज़ुड़ेरेम। 6 ते

जैखन कि तैस अनुग्रहेरे मुताबिक जै परमेशरे असन दितोरुए, असन अलग-अलग वरदाना मैलारा। ते जैस भविष्यवैनू वरदान मैलौरुए, तै विश्वासेरे मुताबिक भविष्यवाणी केरे। 7 अगर सेवा केरनेव वरदान मैलौरुए, तै होरि केरि सेवाई मां लग्गोरो राए, अगर कोई शिखालने बालो भोए, तै शिखालने मां लग्गोरो राए। 8 अगर तुशु वरदान हिम्मत देने बालू भोए तै तुसेई हिम्मत देती लोडे रावरी, अगर कोन्वी दान देनेव वरदान मैलौरु भोए तैने खुल्ले दिले सेंड सेंड लोडे दितोरु, अगर केन्वी दान देनेव वरदान मैलौरु भोए तै जौरो सेंड अगवाई केरे, ते जै दया केरे तै खुशी सेंड दया केरे। 9 तुशो प्यार सङ्घो भोए; बुरैई सेंड नफरत केरा; भलाई केरने मां लग्गोरो राथ। 10 भाईचारेरे प्यारे सेंड एक्की होरि सेंड प्यार केरा; आदरी सेंड होरन एप्पु करां रोडी समझा। 11 मेहनत केरने मां आलस न केरा; आत्मिक जोशी सेंड भेरोरे राथ; पूरे दिले सेंड प्रभुएरी सेवा केरते राथ। 12 जै उमीद तुसन आए तैस मां मधन राथ; मुसीकी तां मज़बूत राथ; प्रार्थना केरने मां लगातार लग्गोरो राथ। 13 परमेशरेरे लोकन जैन किछ ज़स्ती भोए, तैस मां तैन केरि मद्दत केरा; मेहमानं केरि आदर केरते राथ। 14 अपने सताने बालन वरकत देथ; वरकत देथ फिटकार न देथ। 15 आनन्द केरनेबालन सेंड साथी आनन्द केरा, ते लेरा देने बालन सेंड साथी लेरां देथ। 16 एप्पु मांडे मेल मलाप रखा; घमण्ड न केरा; गरीब लोकन सेंड साथी साथ रखा; इन न समझा कि तुस बडे अकलमन्द आथ। 17 बुरैईये बदले केन्वी सेंड बुरैई न केरा; ध्यान देथ ते तैन्ने केरा जैन गल्लान सेब्मी केरि नज़री मा रोडिन। 18 जेत्रु भोई सकते, सेब्मी मैनन सेंड साथी मेल मलाप रखा। 19 हे टलारव अपने बदलो न नेथ; पन परमेशरे तुशो लेड बदलो नेने देथ, किजोकि पवित्रशास्त्रे मां प्रभु जोते, “बदलो नेनो मेह कम्पे, ते अच्वं बदलो देहो।” 20 पन पवित्रशास्त्र जोते “अगर तेरो दुश्मन ढुखोरो ते तैस रोटी खूबा; अगर दृशियोरो भोए, तै तैस पानी पीया; किजोकि एरु केरने सेंड तू तैस शरमिन्दो केरतस।” 21 बुरैई करां न हारा पन बुरैई भलाई सेंड ज़ीतां।

## 13 हर कोई मैनूह प्रधान अधिकैरी केरे अधीन राए; किजोकि कोई

अधिकार एरो नई, जै परमेशरेरे तरफां न भोए; ते जैना अधिकैरी आन, तैना परमेशरेरे ठहरावेन। 2 एल्हेरेलेड जै कोई अधिकैरी केरि खलाफत केरते, तै परमेशरेरे कानूनेरी खलाफत केरते, ते जैना लोक परमेशरेरे कानूनेरी खलाफत केरतन तैन सज्जा मैल्लनी। 3 किजोकि हेरा हाकिम तैस मैनूह जै भलाई केरते तैस न डराए, पन तैस मैनूह डराते जै बुक कम केरते। अगर तुस हाकिमे करां डरनू न चाथ त भलाई केरते राथ ते तुसन हाकिमे करां शाबाश मैलेली 4 हाकिम परमेशरो सेवके ते तोस भलू केररे लेड आए, पन अगर तु बुरैई केरस, त तू डर, किजोकि तैस कां तलवार बैफेदी नई, ते तै परमेशरो सेवके; जै बुक कम केरनेबाले पुड कोप आनोते। 5 एल्हेरेलेड हाकिमेरे लेड तुशू सम्पर्ण ज़रूरी आए न सिर्फ परमेशरेरे सजारे वजाई सेंड बल्के तुशै अपने ज़मीरे वजाई सेंड। 6 एल्हेरेलेड धडत भी देतथ, किजोकि हकोमत केरनेबाले परमेशरेरे सेवकन, ते सदा एस्से कम्मे मां लग्गोरो रातन। 7 एल्हेरेलेड हर केन्व्ये रुह देथ, जेसेरी धडत बनतीए तैस धडत देथ; जेसेरी चुंगी बनतीए तैस चुंगी देथ; जेसेरी इज्जत ते आदर केरी लोडे तैसेरी इज्जत ते आदर केरा। 8 एप्पु मांडे प्यारेर अलावा ते केन्वी गल्ली मां कोन्वी ज़ीजेरे कर्जदार न राथ; किजोकि जै होरन सेंड प्यार केरते, तैने परमेशरेरे दितोरे कानूनेरु हुक्म पूरे किये। 9 किजोकि मूसेरे कानूनेरा मां बडे हुक्म दितोरन जेन्वरे कि “बदमाशी न केर, कत्ल न केर, चोरी न केरा, लालच न केर,” ते एन केरे अलावा होरो कोई भी हुक्म भोए तै तैन सैरी केरि बुनीयाद इसे गल्ली माए, “अपने पडासी सेंड अपने बराबर प्यार केरे।” 10 प्यार पडासीरी किछ भी बुरैई न केरे, एल्हेरेलेड जै प्यार केरते तै परमेशरेरे दितोरो कानून पूरे केरो। 11 एल्हेरेलेड वक्त पिशनतां इन केरा। तुशै लोडे निडुली मारं बिंझनेरो वक्त ओरोए, किजोकि जैस वक्त असेई विश्वास कियोरो थियो, तैस वक्तरे खियाले सेंड हुनी इश्शी मुक्ति नेडीए। 12 इस बुरे दुनियाई मां रानोरो इश्शो वक्त लगभग खतम भोरोए, जेन्वरे रात टलेकडोने बालीए, ते

लौ भोने बाली आए ते मसीहोरो वापस एजनेरो वक्त नेडे ओरोए, एल्हेरेलेड असां तैना कम्मां शारम जैना लोक आंधेरे मां केरतन ते तैना हथियार बंधम जैना लोई मां इस्तेमाल भोतन। 13 एल्हेरेलेड अस भी तैन लोकां केरो ज़ेरो बताव केरम, जैना लोई मां ज़िन्दगी ज़ीतन न कि आंधेरे मां, न कि नन्हने, नशो केरने, न बदमाशी केरने मां, ते लुघपने, लोई, ते जलनी मां मसत भोम 14 बल्के जैन्वरे प्रभु यीशु मसीहे ज़ीवं तेन्वरे तुस भी जीथ, ते जिसमेरी खुवैदशां पूरी केरनेरी कोशिश न केरा।

## 14 जै विश्वासे मां कमज़ोरे, तैस तुस कबूल केरा, पन तैस कुन कियेरु

लोडे ते कुन न लोई कियेरु तैस पुड बैंस केररे लेइ नई। 2 किजोकि एक्की विश्वासे, कि सब किछ खानू जेइजे, पन जै विश्वासे मां कमज़ोरे, तै सिर्फ शागां खाते। 3 सब किछ खाने बालो तैस पुड दोष न लाए जै सब किछ न खाए, किजोकि परमेशरेरे तैना दुध्ये कबूल कियोरेन। 4 तू कैन आस जै होरेरो नौकरे पुड दोष लातास? तैनी खुरु कियू या बुक इसेरो फैसलो तैसेरो मालिके केरेलो, बल्के ते कामयाब भोलो; किजोकि प्रभु तै इस काबल बनोरोए। 5 एन्वरे किछ लोक एक्की दिहाड़ी होरि करां बेधतां मन्तन, ते किछ सब दिहाड़े बराबर मन्तन, हर केन्वी इन याकीन कियेरु लोडे कि जैन तैना सोचवत तैन ठीके। 6 जै कोन्वी दिहाड़े मन्तन, तै प्रभुए इज्जत देनेरे लेइ मन्तन। जै सब किछ खाते, तै भी प्रभुए इज्जत देनेरे लेइ ज़ीतो, किजोकि तै परमेशरेरु शुकू केरते, ते जै सब किछ न खाए, प्रभुएरे लेइ न खाए ते परमेशरेरु शुकू केरते। 7 किजोकि असन मरां कोई न अपने लेइ ज़ीतो, ते न कोई अपने लेइ मरते। 8 किजोकि अगर अस ज़ीतम त, प्रभुएरे लेइ ज़ीतम; ते अगर अस ज़ीम या मरम, अस प्रभुएरेम। 9 किजोकि मसीह एल्हेरेलेड मरो ते ज़ीतो भी भोव, ताके मररे ते ज़ीतां दुध्यां केरो प्रभु भोए। 10 तू अपने विश्वासी ढुलाए पुड किजो दोष लातस? या तू फिरी किजो अपने विश्वासी ढुलाए घटिया समझतस? अस सब परमेशरेरे आदालतरे तखतेरे सामने खडे भोनेम। 11 जेन्वरे पवित्रशास्त्रे मां लिखोरुए, कि प्रभु जोते, “अवं एप्पु तुसन सेंड वादो केरताई, हर कोई मीं कां जैधू टिकेलो, ते हर अक ज़िध भपरमेशरो इकरार केरेलो।” 12 ते असन मरां हर केन्वी अपने-अपने कम्मां केरो लेखो परमेशरे देलो पेनोए। 13 एल्हेरेलेड अग्रोंज जो अस एक्की होरि पुड दोष न लाम, पन तुस एने थापा, कि कोई भी तुशै वजाई सेंड तुशै विश्वासी ढुला या बेइन पाप न केरे। 14 अवं ज़ानताई, ते प्रभु यीशुएरे तरफां मीं पवकू याकीन भोवं, कि कोई खानेरी चीज अपने आपे सेंड अशुद्द नई, पन जै तैस अशुद्द समझते, तैसेरो अशुद्द आए। 15 अगर तेरो विश्वासी ढुलाए या बेइन तेरो खाने सेंड दुःख पुजे ते तै अग्रोंज जो परमेशरे पुड विश्वास केरनो शारे, त फिरी तू प्यारेरे रीति पुड न चलास, एरी चीज़ां न खा। जेसेरे लेइ मसीह मरो ते तू अपने खाने सेंड तैस नाश न केर। 16 एल्हेरेलेड जैन कम तुशै लेड रोडु आए ते जेइजे, तैसेरे बारे मां होरन तुहीन केरनेरो माको न दे। 17 किजोकि परमेशरेरो राज़ज़े मां खानू पीनू माईने न रख्ये; माईने रखते धार्मिकतारी ज़िन्दगी ज़ीनी ते मेल मलाप, ते आनन्द तै आए जै पवित्र आत्मा देतो। 18 जै कोई इस रीति सेंड मसीहोरी सेवा केरते, तैस सेंड परमेशरेरे खुश भोते, ते मैनूह भी तैसेरे बारे मां रोडु जोतन। 19 एल्हेरेलेड असेई तैना कम्मां कियोरां लोडन जैन सेंड लोक मेल मिलाप सेंड रेड बटन, ते एक्की होरि विश्वासे मां मज़बूत केरम। 20 तुस जेऱु खानू चाथ तैसेरो वजाई सेंड परमेशरेरु कम न बगाडा। सब किछ शुद्ध त आए, पन तुशै खाने सेंड अगर होरो कोई मैनूह परमेशरे पुड विश्वास केरनो शारे तै तैसेरो वजाई सेंड अपरे दोषी न ठहराए। 21 रोडु त इने, कि तू न मास खास, ते न शराब पीस, जेसेरे वजाई सेंड तेरो दिलाने वापर केरो। 22 तेरो इन चीजां केरे बारे मां जै विश्वासे, तै तेरो ते परमेशरेरे दरमियाने मां आए, धने तैए, जै तैस गल्ली मां, जै तै ठीक समझे, अपने आपे दोषी न ठहराए। 23 पन जै शक केरतां खाते, तै सजारे काबल भोइ जेव, किजोकि तै विश्वासे सेंड न खाए, ते जैन किछ केरस ते विश्वास केरस केरस कि एन ठीक नई तू पाप केरतस।

# 15 एन्चरे अस जैना विश्वासे मां मज़बूत आम, असेंदू एन कियोरु लोडे

कि जैना विश्वासे मां कमज़ोर आन तैन केरि मदत केरम; न कि अपना आप खुश केरम। 2 असन मरां हर कोई अपने विश्वासी ढलान ते वेड्न्न खुश केरनेरे लेइ मदत केरे जैस सेइं तैन केरो विश्वास मज़बूत भोए। 3 किजोकि मसीह भी अपनी आप खुश न कियो, पन ज़ेन्नरे पवित्रशास्त्रे मां लिखोरु, “तेरे तुहीन केरनेबालोई मेरी भी तुहीन की।” 4 ज़ेन्नी गल्लां पेड़ली पवित्रशास्त्रे मां लिखोरिन, तैन इश्वे शिक्षारे लेइ लिखोरिन, कि अस सबरी ते पवित्रशास्त्रे करां हिम्मत हासिल केरम ताके असन उमीद भोए (परमेश्वर तैने केरेलो ज़ेसेरे बारे मां तैनी वादो कियोरोए।) 5 अवं प्रार्थना केरताई कि परमेश्वर तुसन सबर ते हिम्मत दे, ताके तुस यीशु मसीह पत्ती चलते-चलते अक भोइतां ज़ीथ। 6 ते तुस सारे अकोटु भोइतां अक भोइतां एककी आवाजी मां परमेश्वर, इश्वे प्रभु यीशु मसीहेरो बाजेरी बड़याई केरा। 7 एलहेरेलेइ, एककी होरि कबूल केरो, ज़ेन्नरे मसीहे तुस कबूल कियोरेथ; एलहेरेलेइ एन केरा ताके लोक परमेश्वरी बड़याई केरन। 8 अवं जोताई, कि जैना वादे दावन पड़दावन दित्तोरे थिये, तैना वादे पूरे केरनेरे लेइ ते इन बांद केरनेरे लेइ कि परमेश्वर सच्चाहो, मसीह खतनो कियोरे लोकां केरो (यानी यहूदी केरो) सेवक बनो। 9 ते गैर कौमां भी परमेश्वरे दयारे वजाई सेइं परमेश्वरी बड़याई केरन, ज़ेन्नरे पवित्रशास्त्रे मां लिखोरु, “गैर कौमन मां अवं तेलु शुक्र केरेलो, ते तेरे नव्वें भजन केरेलो।” 10 फिरी होरि ठैरी लिखोरु, “हे गैर कौमां केरे लोकव, परमेश्वरे लोकन सेइं साथी आनन्द केरा।” 11 ते फिरी पवित्रशास्त्रे जोते, “हे गैर कौमां केरे लोकव, प्रभुएरी बड़याई केरा; ते हे मुलखां-मुलखां केरे सब लोकव; तैसेरी बड़याई केरा।” 12 ते फिरी यशायाह नबी पवित्रशास्त्रे मां लिखोरुए; “यशेहु अक वंश निसेलू ते तै गैर कौमन पुड़ हकीमत केरेलो।” तैस पुड़ गैर कौमां उमीद रेखली।” 13 अवं प्रार्थना केरताई परमेश्वर जै उमीदरो देवेबालोए तुसन तैस पुरु विश्वास केरनेरे वजाई सेइं सब किसमेरे आनन्द ते शैनति सेइं भरे, कि पवित्र आत्मारी शक्ति सेइं तुशीं उमीद बद्धती गाए। 14 हे मेरे ढलाव ते बेङ्नव, अवं एप्पु भी तुशेहु बारे मां जानताई, कि तुस भी भलैरु सेइं भेरतथ, ते तुसेंई कुन कियेरु लोडे तुस रोडे चारे जानतश ते एककी होरि शिखेली बटतथ। 15 फिरी भी मीं ज़ीखन कैखन याद करानेरे लेइ तुसन बडे दिलेरी सेइं लिखू, इन तैस अनुग्रहेरो वजाई सेइं भोवं, जै परमेश्वरे मीं दितोरोए। 16 कि अवं गैर कौमां केरे लेइ यीशु मसीहेरो सेवक भोइतां परमेश्वरे खुशखेबरारी सेवा याजकेरी ज़ेरि केरि; जैस सेइं गैर कौमां केरे लोक परमेश्वरे दारेरे रुपे मां दित्तो गाले, जैस सेइं ते खुश भोलो, जैना पवित्र आत्मा पवित्र बनोरेन। 17 अवं यीशु मसीहेरो वजाई सेइं परमेश्वरी सेवारु पुडु घमण्ड केरि बटताई। 18 किजोकि तैन गल्लां केरे अलावा मीं होरि कोन्नी गल्लां केरे बारे मां ज़ोनेरी दिलेरी नई, जैना मसीहे गैर कौमन केरे लेइ वचन, ते कर्म, 19 ते निशान ते बडे-बडे कम्मा केरे शक्ति सेइं, ते पवित्र आत्मरे शंकरे ज़िरिये कियां, डडी तगर कि मीं यशश्वले नगरे मरां देइतां चेवे पासन इल्लुरिकुम इलाके तगर मसीहेरो खुशखेबरारो पूरो-पूरो प्रवार कियो। 20 पन मेरे मनेरी उमगे, कि ज़ैडी-ज़ैडी यीशु मसीहेरी खुशखेबरी प्रचार नई भोरे, तैडी खुशखेबरी शुरोई; एरु न भोए होरेरे मुनीयादी पुडु घर बनें। 21 पन ज़ेन्नरे पवित्रशास्त्रे मां लिखोरु, तेन्नरे भोए, “जैन तैसेरे बारे मां कथी नई ज़ोरु, तैना लालहे, ते ज़ेन्नै तैसेरे बारे मां नई शुनोरु तैना समझेले।” 22 एलहेरेलेइ अवं तुसन कां एजनेरे लेइ बार-बार रुकोरो राव। 23 पन हुनी मीं इन इलाकन मां तैन लोकन खुशखेबरी शुनेइतां अपनू कम पूरु कियू, ज़ोनेरु मसीहेरो बारे मां न थियू शुनोरु, ते मीं बडे सालां केरे तुसन कां एजनेरी इच्छाए। 24 एलहेरेलेइ ज़ैखन अवं इसपानिया मुलखे मां गेह त तुसन मेइं एइते गेइलो, किजोकि मीं उमीदे, कि तैस सफरू मां तुसन सेइं मिली, ते ज़ैखन तुसन सेइं मिली त अवं खुश भोई, ते अवं चाताई तुस मेरे इसपानिया गानेरे सफरेरे लेइ मेरी मदत केरा। 25 पन हुनी त परमेश्वरे लोकां केरे सेवा केरनेरे लेइ यशश्वले नगरे गाताई। 26 किजोकि मकिदुनिया ते अखाया इलाकेरे केरे विश्वासी लोकन इन रोडु लग्गू, कि यशश्वले नगरेरे परमेश्वरे

लोकां केरे लेइ जैना गरीब आन, किछ छन्दो केरन। 27 तैनेई एन खुशी सेइं कियूं, तैना यशश्वले नगरेरे लोकां केरे कर्जदारन, यहूदी लोकेई गैर कौमरे लोकन परमेश्वरेरे तरफां रोडी-चीजां दित्ती, ते इन रोडी कि गैर कौमां केरे लोक इस दुनियारी रोडी चीजां यद्यूदन देन। 28 अवं पैड़ली यशश्वले नगरे जो ब्रलोरेई ताके जै चन्दो अकोटु कियोरोए तैन देई, तैटुं पत्ती अवं तुसन कां रोम नारे मां इटां इसपानिया मुलखे जो गेइलो। 29 ते अवं ज़ानताई, कि जैखन तुसन कां एजेलो, त मेरे एजनेरे वजाई सेइं मसीह तुसन पूरे तरीके सेइं बकरत देलो। 30 ते हे ढलाव ते बेङ्नव, प्रभु यीशु मसीह पुड़ इश्वे विश्वासेरे वजाई सेइं ते पवित्र आत्मारे दित्तोरे थ्यारेरे वजाई सेइं अवं तुसन कां बिनती केरताई, कि मीं सेइं साथी मेरे लेइ परमेश्वरे का लगातार प्रार्थना केरा। 31 कि अवं यूदिया इलाकेरे गैर विश्वासी लोकन करा बग्गोरी रेई, परमेश्वरेरे तैना लोक जैना यशश्वले नगरे मां आन खुशी सेइं ते मदत कबूल केरन जै अवं तैन कां नेड़लो। 32 ते अवं परमेश्वरी मेर्जी सेइं आनन्दे का एज्जी ते मीं तुसन साथी आराम मैलै। 33 अवं प्रार्थना केरताई, कि शान्ति देनेबालो परमेश्वर तुसन सेभन सेइं साथी भोए। आमीन।

# 16 अवं तुसन सेइं फीवेरे बारे मां, जै इश्वी विश्वासी बेइने ते किंखिया

नगरेरे कलीसियारी सेवकाए, अवं चाताई तुस तैसेरी इज्जत केरा। 2 कि तुस ज़ेन्वेरे पवित्र लोकन सेइं कियेरु लोडे, तैस प्रभु मां कबूल केरा; ते जैस गल्ली मां तैस तुसन करां केन्वेरी मदतरी ज़रूरत भोए, तैसेरी मदत केरा; किजोकि तै भी बड़ा केरि मदत केरनेबाली बल्के मेरी भी मदत केरनेबाली भोरीए। 3 प्रिस्किल्ला ते अविवला जैना प्रभु यीशु मसीह मां मेरे मद्यागारन, नमस्कार। 4 तैनेई मेरे जान बग्गानेरे लेइ अपनि जान खतरे मां रखोरी थी। सिफ अवं ए नई, बल्के गैर कौमां केरि सैरी कलीसियां भी तैन केरु शुक्र केरतिन। 5 ते तैस कलीसियां भी नमस्कार कैना तैन केरे घेरे मां अकोटु भोतीए। मेरे ढलावे इपैनितुसे भी जै आसिया इलाकेरो मसीह पुड़ विश्वास केरेबालो पेइलो विश्वासी ए, नमस्कार। 6 मरियम जैसां तुशेहु लेइ बडी मेहनत केरि, नमस्कार। 7 अन्धुरीकुस ते यूनियासे जै मेरो कुमरोए, ते मीं सेइं साथी केंद भोरो थियो, ते प्रेरितन मां मुश्रु, ते मीं करा पेल्ले मसीह मां थी, नमस्कार। 8 अम्पलियातुसे, जै प्रभु मां मेरो ढलारोए, नमस्कार। 9 उरबानुसे, जै मसीह मां इश्वर मदतगार, ते मेरे ढलारो इस्तख्युसे नमस्कार। 10 अपिल्लेसे जै मसीह मां ईमानदार निस्सो, नमस्कार। अरिस्तुबुलुस ते तैसेरे टबरे जो नमस्कार। 11 मेरे कुटुम्बे देरोदियोने नमस्कार। नराकिस्सुसेरे टबरे जैना लोक प्रभु मां आन, तैन नमस्कार। 12 त्रूफैना ते त्रूफोसा जैन कुआन्शीई प्रभु मां बडी मेहनत की, नमस्कार। ढलारी मसीही बैन पिरसिस जैसां प्रभु मां बडी मेहनत की नमस्कार। 13 रुफुसे जै प्रभु मां चुनोरोए, ते तैसेरी अम्मा जै मेरी अम्मारी ज़ेरि ए, दुड़यन नमस्कार। 14 असुक्रितुस ते फिलगोन ते हिमास ते पत्रुवास ते हमार्स ते तैन केरे सैथी विश्वासी लोकन नमस्कार। 15 फिलुलुगुस ते यूलिया ते नेर्युस ते तैसेरी बैन, ते उलुम्पास ते तैन केरे साथी सब परमेश्वरे लोकन नमस्कार। 16 मसीहेरो थ्यारे सेइं एककी होरि जो नमस्कार केरा। तुसन भी मसीहेरो सैरी कलीसियारे तरफां नमस्कार। 17 हुनी हे ढलाव ते बेङ्नव, अवं तुसन कां बिनती केरताई, कि जैना लोक तैस शिक्षारे खलाफ जै तुसन मां, खलबली बनातन, ते ठोकर खानेरी वजा भोतन, तैन करां खबरदार राथ। ते तैन करां दूर राथ। 18 किजोकि एरे लोक इश्वर प्रभु यीशु मसीहेरी नई, पन अपने फैइरे लेइ सेवा केरतन; ते तैना रोडी-रोडी गल्लां केरतन ते चापलुसी सेइं सिथे सादे लोकन थोखो देतन। 19 तुश्शे हुक्म मन्नरे बारे मां सेड्भी लोकन पतो चलोरोए; एलहेरेलेइ अवं तुश्शे बारे मां अनन्द केरताई, पन अवं इन चाताई, कि तुस भलाई केरनेरे लेइ अकलमद बना, पन बुराई केरनेरे लेइ सादे बना। 20 शान्ति देनेबालो परमेश्वर शैताने जलदी तुश्शे पवन सेइं इलेन्नालो। इश्वर प्रभु यीशु मसीहेरो अनुग्रह तुसन पुड़ भोतो राए। 21 तीमुथियुस जै मीं सेइं साथी कम केरो, ते लूकियुस ते यासोन ते सोसिपत्रुस मेरे कुटुम्बी केरे तरफां तुसन नमस्कार। 22 मेरे चिट्ठी लिखने बाले तिरतियुसेस्त्रे प्रभु मां तुसन

नमस्कार। 23 गयुस भी तुसन नमस्कार जोते ज़ेसेरे घरे मां अवं राताईं, तैड़ी कलीसियारे लोक अकोडे भोतन। इरास्तुस जै नगरेरो भण्डारीए, ते ढला क्वारतुसेरु तुसन नमस्कार। 24 अवं प्राथना केरताईं, इश्वो प्रभु यीशु मसीहेरो अनुग्रह तुसन पुड़ भोते राए। आमीन। 25 हुनी तुसन जै खुशखबरी मीं प्रचार की, मतलब यीशु मसीहेरे प्रचारेरे मुताबिक विश्वासे मां मज़बूत केरि बटो, तैस भेरें प्रकाशेरे मुताबिक जै बडे पेडलो देंतो छप्पोरे राव। (aiōnios g166) 26 पन हुनी बांदो भोइतां सनातन परमेश्वरेरे हुक्मे सेइं नेवी केरे किताबां केरे जिरिये सेष्वी कौमन जोवरोए, कि तैना विश्वासेरे जिरिये सेइं हुक्म मन्नेबाले भोइ गान। (aiōnios g166) 27 तैस्से एक्की बडे अक्लमन्द परमेश्वरेरी यीशु मसीहेरे जिरिये सदा महिमा भोती राए। आमीन। (aiōn g165)

# 1 कुरिन्थियों

1 अब पौलस इं चिर्ति लिखने लोरोई। अब, यीशु मसीहेरो प्रेरित भोवेरे लेड परमेश्वरे मेर्ज़ी सेइ कुजावरोई। मेरो विश्वासी साथी सोस्तिनेस भी मी सेइ साथी आए (जै मेरी मदह केरने लोरोए)। 2 तुस कैना कुरिन्थुस नगरे करीसियो विश्वासी आथ, परमेश्वरे तुस यीशु मसीह मां अपने लोकां केरे रूपे मां अलग कियोरेथ, ते कने पवित्र भोवेरे लेइ कुजारेथ। तैन सेंधी केरां नंवे जैना हार ठैरी इश्शे त कने अपने प्रभु यीशुए नंवे सेइ प्रार्थना केरतन। 3 इश्शे बाजी परमेश्वर, ते प्रभु यीशु मसीहेरे तरफां तुसन अनुग्रह ते शान्ति मैलती राए। 4 अब तुश्शे बारे मां अपने परमेश्वरे शुक्र केरताई, एल्हेरेलेइ कि परमेश्वरो ई अनुग्रह तुसन पुड़ यीशु मसीह मां भोव। 5 किजोकि तुसेई हर लिहाजे सेइ वेडि बरकतां हासिल कियोरिन, किजोकि तुस मसीह सेइ साथी अक आथ। एल्हेरेलेइ तैने तुसन अपनू वचन ज्ञानेरो ते समझनेरी खास काबलीत दित्तोरोए। 6 एन्वरे परमेश्वरे तुश्शे लेइ पक्कू कियू, कि मसीहेरे बारे मां सन्देश सऱ्चे। 7 हुनी तुसन कां सारां आत्मिक वरदानां आन, किजोकि तुस इश्शो प्रभु यीशु मसीह बांदो भोवेरे बड़े इंतजारे मां आथ। 8 परमेश्वर एन्वरे केरेलो, किजोकि जैन किछ तै जौते, तैस केरनेरे मां तै वफादारे। ते तैने तुस अपने मट्टे इश्शे प्रभु यीशु मसीहेरे सांगती मां कुजावरेथ। 10 हे ढलाव ते बेइनव, अब इश्शो प्रभु यीशु मसीहेरे अधिकारे सेइ इन केरनेरो बिनती केरताई, कि सब एक्की हारी सेइ राजामंद भोथ; ते तुसन मां फिक्के न भोन, पन अक मन भोथ, ते अक्के खियाल रख्चा। 11 किजोकि हे मेरे ढलाव ते बेइनव, खलोएरे टब्बरेरे लोकीई मीं तुशु बारे मां ज्ञावरु, कि तुसन मां लाडाई लौरिन भोने। 12 मेरु जौनेरो मतलब ई आए, कि तुसन मरां कोई त अपनो आप, “पौलुसेरो जौते”, कोई “अपुलुसोरो”, कोई “कैफारो”, कोई “मसीहोरो जौते”। 13 जैन तुस केरतथ तैन ठीक नई, कुन मसीह बेनटोव? कुन पौलुस क्रूसे पुड़ बाढो जेव? या तुसन पौलुसेरे नंवे पुड़ बपतिस्मो मैलो? 14 अबं परमेश्वरे शुक्र केरताई, कि क्रिस्पुस ते गयुसेरु अलावा, मीं तुसन मरां केन्ची बपतिस्मो नई दित्तोरो। 15 कि एरु न भोए, कोई ज्ञोए, कि तुसन मेरे चेले बन्नेरे लेइ बपतिस्मो मैलो। 16 हाँ मीं याद आऊ, मीं रिटफनारेरे टब्बरे भी बपतिस्मो दित्तो; एन केरे अलावा, अबं न जैनी कि मीं हारि केन्ची बपतिस्मो दित्तो। 17 किजोकि मसीहे अबं बपतिस्मो देनेरे लेइ नई, बल्के खुशखबरी शुनानेरे लेइ भेज़ोरोई, जैखन अबं लोकन परमेश्वरो सन्देश शुनाताई त अबं मैनू केरे चलाक खियालां केरो इस्तेमाल न केरि, एरु न भोए कि मसीहेरु क्रूस बैफूद्ध भोए। 18 किजोकि क्रूसेरी कथा नाश भोने भालां केरे लेइ बेवकूफाए, पन असन मुक्ति मैलने बालां केरे लेइ परमेश्वरी शक्ति आए। 19 किजोकि पवित्रशास्त्रे मां परमेश्वर जौते, “अब इन हिरेइलो दुनियारे लोकां केरे खियालन कि तैना सोचतन कि तैना ज्ञानी आन, हकीकति मां तैना बेकार खियाल आन। अबं साबत केरेलो कि तैना अकलमन्द नई।” 20 त फिरी, अकलमन्द मैनू केरे बारे मां अस कुन जोम? यहूदी केरे कानूनेरे महिं मैनू केरे बारे मां अस कुन जोम? इस दुनियारो लोकां केरे बारे मां कुन जोम जैना जोने मां चलाकन? परमेश्वरे तैना सारे बेवकूफ बनाए ते तैन केरि अकल बैफैदी बकवास साबत की (aiōn g165) 21 किजोकि जैखन परमेश्वरेरे ज्ञानेरे मुताबिक दुनियां ज्ञान सेइ परमेश्वर न ज्ञानो, त परमेश्वरे इन रोहु लग्नू, इस प्रचारेरे बेवकूफेरे मुताबिक विश्वास केरनेबालन मुक्ति दे। 22 यहूदी त निशान चातन, ते गैर कौमां ज्ञानेरे तोपी मां आन। 23 पन अस त तैस कूसे पुड़ बाढोरे मसीहेरो प्रचार केरतम जै यहूदी केरे लेइ ठोकरारी बजाए, ते गैर कौमां केरे लेइ बेवकूफाए। 24 पन जैना परमेश्वरे (अपने लोक भोवेरे लेइ) कुजोरेन, कुन यहूदी, कुन गैर कौमां, तैन केरे लेइ मसीह परमेश्वरी शक्ति, ते परमेश्वरे ज्ञान। 25 किजोकि परमेश्वरी बेवकूफी मैनू केरे ज्ञाने करां जादे ज्ञान बालीए; ते परमेश्वरी

कमज़ोरी मैनू केरे शक्ति करां जादे ज्ञाने बालीए। 26 हे ढलाव ते बेइनव, इस बारे मां सोचा ज़ेडस परमेश्वरे तुस कुजाए तुस केरे थिये, कि न जिसमेरे मुताबिक बड़े ज्ञानी, ते न बैडि शैक्किलाले, ते न इज्जतदार घरेरे कुजाए। 27 ज्ञाने बालन शरमिन्दा केरनेरे लेइ परमेश्वरे तैना चुने जैना दुनियारे नज़री मां बेवकूफन। ते ताकतबरन शरमिन्दा केरनेरे लेइ परमेश्वरे तैना चुने जैना दुनियारे नज़री मां नीच ते घटिया आन, बल्के जैना अथी भी नई तैना भी चुने, कि तैन जैना आन, बेकार केरन। 29 परमेश्वरे एन केरु ताके कोई प्राणी परमेश्वरे सामने घमण्ड न केरि सके। 30 पन परमेश्वरे तुस यीशु मसीह सेइ अक कियोरेथ, ते मसीहेरे ज़िरिये तैने अपनू ज्ञान दित्तोरुए। परमेश्वर अपने नज़री मां असन धर्मी भी बनाते। मसीहेरे ज़िरिये अस पवित्र किये जे, ते तै असन इश्शे पापन करां आजाद केरते। 31 ताके ज़ेन्वरे पवित्रशास्त्रे मां लिखोरए, तेन्वरे भोए, “कि जै घमण्ड केरे तै तैस पुड़ घमण्ड केरे जैन प्रभुए कियोस्पए।”

2 हे ढलाव ते बेइनव, जैखन मीं तुसन परमेश्वरे बारे मां सन्देश शुनव, त मीं बैडि गल्ला इस्तेमाल न की, कि अबं अपने आपे ज्ञानी हिरेई। 2 किजोकि मीं इन थापेरु थियू, कि तुसन मां यीशु मसीह, बल्के कूसे पुड़ बाढोरे मसीहेरे अलावा होरि कोई गल न केरि। 3 ते कमज़ोरी ते डेरे सेइ तुसन सेइ साथी, ते बडो थरकतो तुसन सेइ साथी राव। 4 ते मेरे शिक्षाई, ते मेरे प्रचारे मां ज्ञानेरी लालचानेरी बैली गललां न थी; पन पवित्र आत्मा शक्ति सेइ इन हिराव कि जै सन्देश मीं शुनव तै सज्ज थियो। 5 एल्हेरेलेइ की तुश्शो विश्वास मैनू केरे ज्ञाने सेइ नई, पन परमेश्वरे शक्ति पुड़ निभर भोए। 6 फिरी भी अबं आत्मिक सिद्ध लोकन ज्ञानेरो सन्देश शुनाताई, पन इस दुनियारे लोकां केरो नई ते इस दुनियारे हाकिमां केरु नई जैना नाश भोनेन। (aiōn g165) 7 पन अस परमेश्वरे लैन छपोर ज्ञान भेरेरे रीति पुड़ जोतम, जैन परमेश्वरे दुनिया बनाने करां पेडलू इश्शे महिमारे लेइ ठारव। (aiōn g165) 8 परमेश्वरो ई मकसद इस दुनियारे हाकिमन मरां केन्वे भी न समझो, किजोकि अगर समझते भोथे, त महिमा बालो प्रभु कूसे पुड़ न चाढोथे। (aiōn g165) 9 पन ज़ेन्वरे पवित्रशास्त्रेरे मां लिखोरुए, “कि जैन एछुल्है लाव, न कन्वै शुनू ते जैना गल्लां मैनू केरे दिले मां न एई, तैना सब परमेश्वरे तैन केरे लेइ तियार की, जैना तैस सेइ व्यार केरतन।” 10 पन परमेश्वरे पवित्र आत्मारे ज़िरिये सेइ असन पुड़ बांदू कियू; किजोकि पवित्र आत्मा सब गल्लां, बल्के परमेश्वरी दुगी गल्ला ज्ञानोते। 11 मैनू मरां कौन केरेसी गल्लां ज्ञानोते, सिर्फ मैनैरी आत्मा जै तैस माणं, तेन्वरे परमेश्वरी गल्लां भी कोई न ज्ञाने, सिर्फ परमेश्वरो आत्मा। 12 पन असन दुनियारी आत्मा नई, पन तै आत्मा मैलोरोए, जै परमेश्वरेरे तरफाए, कि आस तैन गल्लन समझम, जैना परमेश्वरे असन दित्तोरिन। 13 एल्हेरेलेइ अस मैनू केरे ज्ञानेरी शिखैलोरी गल्लन मरां नई, पन पवित्र आत्मारे शिखैलोरी गल्लन मरां आत्मिक गल्लां आत्मिक ज्ञाने सेइ समझातम। 14 पन जिसमानी मैनू परमेश्वरे आत्मारी सञ्चाई कबूल न केरे, किजोकि तैसेरेलेइ तै बेवकूफीए, ते न तै तैन सेमझी सके, किजोकि तैना सिर्फ पवित्र आत्मारे ज़िरिये सेमझी गैतिन। 15 पन जैन लोकन पवित्र आत्मा मैलोरो तैना, तैन सैरी गल्लन परखतन जैना पवित्र आत्मा शिखालोते। पन जैन लोकन पवित्र आत्मा नई मैलोरो तैना, तैन न सेझी बटन जैन पवित्र आत्मा मैलोरो। 16 इन सच्च आए, किजोकि पवित्रशास्त्र जौते, “कोई न ज्ञाने प्रभुए मने मां कुने।” पन पवित्र आत्मा असन विश्वासी लोकन मसीहोरो मने दित्तोरोए।

3 हे ढलाव ते बेइनव, जैखन अबं तुसन कां थियो तुसन सेइ एन्वरे सब गल्लां न केरि बटी, ज़ेन्वरे आत्मिक लोकन सेइ; पन ज़ेन्वरे तैन सेइ जैना मसीह मां बच्चेन। 2 मीं तुसन परमेश्वरे बचने मरां सिर्फ बुनियादी गल्लां केरि शिक्षा दिनी ते दुग्धी सञ्चाई नई। किजोकि तैस वर्के तुस तै शिक्षा हासिल केरनेरे ते समझनेरो काबल न थिये, बल्के हेजू भी हासिल केरनेरे काबल नई। 3 किजोकि हेजू तगर भी गैर विश्वासी केरे ज्ञाने आथ।

एल्हेरेलेइ कि जैखन तुसन मां बैर, ते लडाइयन, त कुन तुस गैर विश्वासी केरे ज़ेरे न भोए? तुस ऐरे लोकां केरि ज़ेरि जिन्दगी ज़ीने लोरेथ, जैन केरो रिश्तो प्रभु सेइ न भोए। 4 एल्हेरेलेइ अक ज़ोते, “अवं पौलुसेरोई,” ते होरो ज़ोते, “अवं अपुल्लोसेरो आई,” त कुन तुस ऐरे लोकां केरि ज़ेरि जिन्दगी ज़ीने बाले न भोए, जैन केरो रिश्तो प्रभु सेइ न भोए! 5 अपुल्लोस कौनेत? ते पौलुस कौनेत? सिर्फ सेवक, जैन केरे ज़िरिये तुसेइ प्रभु पुड विश्वास कियो, असन मरां हर केन्चे कम कियूं ज़ेन्वरे परमेश्वरे केरेरे लेइ दित्तु। 6 अगर अवं तुशी तुलना ऊडारे सेइ केरि त मीं बीज बेवं, अपुल्लोसे सामूं पन परमेश्वरे बदावं। 7 एल्हेरेलेइ न त लानेबालो किछे, ते न सगाने बालो किछे, पन परमेश्वर जै बडाने बालोए। 8 लानेबालो ते सगाने बालो दुझे अक्कन; पन हर मैन्हु अपेन-अपेन मज़दूरो फल मैलोए। 9 किजोकि अस परमेश्वरे सेइ साथी कम केरनेबाले आम, तुस ऐरे ऊडारां केरे ज़ेरे आथ जैन केरो तलक परमेश्वरे सेइ आए, ते इसरे आलाव तुशी तुलना ऐरे घेरे सेइ केरताई जैन परमेश्वरे बनावरुण। 10 परमेश्वरे जैन कम मीं केरनेते लेइ दित्तोस थियूं, मीं तैन अकलमन्दी सेइ कियूं; अवं माहिर मिसेरो जेरो आई, मीं तुशे नगर मां खुशखबरी प्रचार कीं के ते शुरु मां तुसन यीशु पुड विश्वास केरेरे लेइ मदह की, तैटुं बाद जैस कम्मेरी शुरुआत मीं कियोरी थी, होरे मसीही सेवा केरनेबाले तैस बुनियादी पुड लगातार कम केरते राए। पन असन मरां हर एककी कम केरनेबाले ध्याने सेइ सोचूल लोडे, कि असेइ परमेश्वरेक कम केन्वरे लोडे कियोरु। 11 किजोकि यीशु मसीह सच्ची बुनियाद आए, ते होरो कोई होरि बुनियाद न बनेइ सके, तैन इन आए, कोई तुसन मुक्ति हासिल केररेरे लेइ नव्वी शिक्षा न शिखैली बटे, मीं तुसन सेइ पेइलू जोवरु कि परमेश्वर असन यीशु मसीहे जिरिये मुक्ति देते। 12 ते अगर कोई इस मुनीयादी पुड सोनू चाँदी या कीमती घोड़ी या कैडु या घास फूसेरो रहो रखते। 13 जैखन मसीह पिरी वापस एज्जेलो, त अग हर एकवेरे कम्पे परखेली, ते अग हर मैरे कम्मेरी कीमत हिराली। 14 ज़ेसेरु कम तैस अगी सेइ न फुकोलू, तैस मज़दूरी मैलनीए। 15 ते अगर केन्चेरु कम फुकोलू, त तैस नुकसान भोलो; पन तै एप्पु बचनोए पन फुकोते-फुकोते। 16 कुन तुस न जानथ, कि तुस परमेश्वरेक मद्दरथ, ते परमेश्वरो आत्मा तुसन मां रहो? 17 अगर कोई तुसन नुकसान पुजाए, त परमेश्वर तैस नाश केरेलो; किजोकि परमेश्वरेक मन्दर पवित्रे, ते तैन तुस आथ। 18 कोई अपेन आपे धोखो न दे, अगर तुसन मरां कोई इस दुनियारे लोकन मां अपनो आप अकलमन्द समझो, तैस दुनियारी नज़री मां बेकूफ बनोरु लोडे; ताके परमेश्वरे नज़री मां सञ्च्चे ज्ञानी बने। (aiōn g165) 19 किजोकि इस दुनियारी अकल परमेश्वरे कां बेकूफी, ज़ेन्वरे पवित्रशास्त्रे मां लिखोरुए; “परमेश्वर जैन तैन केरे चलैकी मां फसाते।” 20 ते फिरी पवित्रशास्त्र इन भी ज़ोते, “प्रभु जैनी केरे खियालन ज़ानते कि बेफैदेन।” 21 एल्हेरेलेइ कोई मैन्हन पुड घमण्ड न केरे, किजोकि किछ परमेश्वरे तुशु भलेरे लेइ दित्तोरूण। 22 तैन इन आए कुन अवं पौलुस, कुन अपुल्लोस, कुन कैफा, कुन दुनिया, कुन जीनू, कुन मरनू, कुन ई वर्क, कुन एज्नेबालो वर्क, सब किछ तुशुरूण। 23 ते तुस मसीहेरेथ, ते मसीह परमेश्वरोए।

**4** मैन्हु असन मसीहेरे सेवक, ते परमेश्वरे भेदां केरे भण्डारी समझान। 2 ज़ेन्वरे कि जैस मैन्हु तैसेरो मालिके जैन कम दित्तोरे भोए, तैने तैन कम केरने मां वफादार लोडे रावरु, जैसेरो तैस हुक्म दितो जेरोए। 3 पन मेरे खियाले मां ई गल निकडीए, कि तुस या मैन्हन मरां कोई फैसलो केरनेबालो मीं परखे, बल्के अवं अपेन आपे न पेरखी। 4 किजोकि मेरो ज़मीर मीं कोन्ची गल्ली मां दोधी न ठहराए, पन इस सेइ अवं बेइलजाम न ठहरी, किजोकि मेरो परखने बालो प्रभुए। 5 ते जांगर प्रभु वापस न एज्जे, पेइली केरेवे इन्साफ न केरा, तैए लोकां केरे सारे खियाल साफ तरीके ज़ोलो, जैन केरे बारे मां होरो कोई तैन न ज़ाने, ते तैन केरे दिलां केरे इरादे बांदे केरेलो। तैखन परमेश्वरी तरफां हर केन्चेरी तारीफ भोनीए। 6 हे ढलाव ते बेडनव, मीं इन गल्लन मां तुशी लेइ अपनि ते अपुल्लोसेरी बेंस, मिसालारे रीति पुड

कियोरीए, एल्हेरेलेइ कि तुस इश्शो जिरिये सेइ शिखा, कि जैन पवित्रशास्त्रे मां लिखोरे करां अग्रोवं न बधा, ते एककेरे पासे ते होरेरे खलाफ घमण्ड न केरथ। 7 केन्चे तू होरन करा रोडो नई बनेरो। सब किछ तीं परमेश्वरेरे तरफां दितू जोरुए, अगर तीं सब किछ परमेश्वरेरे दितोरु तुसन घमण्ड केरनेरो अधिकार नई। 8 तुस त रङ्गोरेथ; तुस दौलतमन्द भोइजेइ, तुसेइ इश्शो बगैर राजा कियुं; पन रोडु भोथू कि तुस राजा केरथे ते अस भी तुसन सेइ साथी भोथू। 9 मेरी समझी मां परमेश्वरे अस प्रेरित लोक सेभना पत्ती तैन लोकां केरे जेरे ठहरावेम, जैन केरे मौतोरा हुक्म भोइ जेरोए; किजोकि अस दुनियारे ते स्वर्गदूतां, ते मैन्हु केरे लेइ अक तमाशो बनोरम! 10 लोक असन बेकूफ समझातन किजोकि अस मसीहेरे बारे मां प्रचार केरतम, पन तुस गेतली सेइ सौचतथ कि तुस अकलमन्द मसीही आथ! बडे लोक समझातन कि असन कां कोई अधिकार नई। पन तुस घमण्डे सेइ ज़ोतथ कि तुसन कां परमेश्वरेरे तरफां शक्ति आए, तैना इश्शी आदर न केरन पन तुशी आदर केरतन। 11 अस इस वके ताग नियन्ते-टिलिशोर, ते छिनदोरे लिंगडन मां आम, ते धक्के खातम, ते असन कां घर नई; 12 ते अपने हथेइ सेइ कम केरताम मेहनत केरतम। लोक बुकु ज़ोतन, अस तैन बरकत देतम; तैना सतातन, अस झीलतम। 13 तैना बदनाम केरतन, अस नेरमी सेइ गल केरतम, इडी तगर कि, अज्ञ तगर लोक हेजु भी इश्शी इज़जत न केरन, तैना ज़ोतन कि इश्शी कोई कीमत नई। 14 मेरी इना गल्लां लिखनेरो मकसद ई नई कि तुसन छियेइ, पन अवं तुसन सुधारने चाताई, किजोकि तुस मेरे बच्चां केरे जेरे आथ जैन सेइ अवं प्यार केरताई। 15 किजोकि अगर मसीह मां तुशे शिखालेबाले दश हजार भी भोथू, फिरी भी तुशे बडे बाजी नई, एल्हेरेलेइ कि मसीही यीशु मां खुशखबरी सेइ अवं तुशी बाजी केरो जेरो भोव। 16 एल्हेरेलेइ अवं तुसन कां मिनत केरताई, कि मेरी जैरि चाल चला। 17 एल्हेरेलेइ मीं तीमुशियुसे जैन प्रभु मां मेरु दलाकु, ते वफादार मट्टा, तुसन कां भेजोरुए, ते तै तुसन यीशु मसीह मां मेरु चालचलन याद करालौ, जैन्वरे कि अवं हर एककी ठैरी हर कलीसिया मां शिक्षा देताई। 18 तुसन मरां बडे लोक सोचतन कि अवं तुसन कां नई एज्नो, एल्हेरेलेइ तैना घमण्ड केरतन। 19 पन प्रभु चाए त मीं तुसन कां जल्दी एज्नूए, ते न सिर्फ तैन घमण्ड केरनेबालो केरि गल्लां नई, पन तैन केरि शक्ति भी जैनेलो। 20 किजोकि परमेश्वरेक राज गल्ला केरु नई, पन शक्ति मांए। 21 अगर हेजु भी तुसेइ बुरी बत नई शारीरी, अवं तुस सेखती सेइ झिङ्क देलिलो। पन अगर तुसेइ बुरी बत शारी त अवं तुसन सेइ नेरमी त कने प्यारे सेइ बर्ताव केरेलो।

**5** इडी तगर शुन्ने मां ओरुए, कि तुसन मां बदमाशी भोचे, मतलब एरी बदमाशी ज़ेरि गैर विश्वासी लोकन मां भी न भोए, कि अक मैन्हु अपने बेबानी-अम्मा रखते। 2 तुसेइ त दुख कियोरो लोडोतो थियो ते उदास भोरु लोडु थियूं ते ज़ैनी मैने एरु कियूं तै कढोरो लोडोतो थियो, पन इसेरे बदले तुस घमण्ड केरथ। 3 चाए अवं तुस सेइ साथी नई, पन मेरे विचार तुसन सेइ साथी आन, चाए अवं तैडी नई, फिरी भी मने मां इन आए, कि एरु कम केरनेबालो बारे मां फैसलो केरने लोरोई। 4 इन तैन आए जैन केरनेरी ज़सरत आए। हकीकति मां इश्शे प्रभु यीशु मसीहेरो अधिकार तुसन कां आए, इन पिशेतान विश्वासी केरे रूपां अकोडे भोथू। इन एक आए कि अवं भी अपने मने मां तैडी आई। ते फिरी प्रभु यीशु मसीहेरो जिरिये। 5 तैस मैन्हु जैने पापी बर्ताव कियोरो, तैस अपने टोली मारा कढा ते तैस मैन्हु शौतारेरे अधिकारे मां वापस देथ, इस उमीदी सेइ कि तै अपने पापन करां मन फिरालो। किजोकि अगर तै पापन करां मन फिरालो तै तैस प्रभु यीशु मसीहेरो इन्साफेरे दिहाडे मुक्ति मैलेलोी। 6 घमण्ड केरनु बंद केरा, कि तुस न जानथ, कि थोड़ू ज़ेरु खमीर पूरे सन्नोरे अटे खमीर केरते। 7 परानू खमीर केडांता, अपनो आप साफ केरा, कि नव्वु सनोरु अटु बना; ताके तुस अखमीर राथ, किजोकि इश्शो भी फसाह जै मसीही, तै बैलिदान भोरोए। 8 ते एज्जा अस तिहारे मां आनन्द मनाम, न पुराने खमीर सेइ न बुरोई, ते दुष्टे खमीर सेइं, पन सिधीयैई, ते सचैयैरे बगैर खमीरे रोटी सेइ। 9 मीं अपने पेइले चिट्ठी मां

लिखोरुप, कि बदमाशी केरनेबालां केरि संगती न केरथ। 10 इन नई, कि तुस बिल्कुल इस दुनियारे बदमाशी केरनेबाले, या लालच केरनेबाले, या धोखो केरनेबालान, या मूरती पुजने बालां केरि संगती न केरा; किजोकि एन्वरे तुसेई इस दुनियाई मरा निसन पैथु। 11 मेरे ज्ञानू त इन्ने, कि अगर कोई अपने आपे विश्वासी ज्ञोते, ते बदमाशी केरनेबालो, या लालची, या मूरती पुजने बालो, या गैर्ह देनेबालो, या पीने बालो, या धोखो केरनेबालो भोए, त तैस सेंदू साथ न रेखतथ, बल्के एरे मैन्हु सेंदू साथी रोट्टी भी न खेड्यथ। 12 ई मेरी ज़िमेबारी नई, कि ज़ैना लोक विश्वासी नई तैन केरि निन्दा केरि। पन हकीकित मां तुसेई तैन लोकन सज्जा दित्तीरी लोडे ज़ैना तुशे कलीसियरे हिस्तो आन। 13 पन ज़ैना विश्वासी नई तैन केरो इन्साफ परमेश्वर केरते पन पवित्रशास्त्र ज्ञोते, बुरु कम केरनेबाले मैन्हु अपने टोली मां एजने न देथ।

**6** अगर तुसन मरां केन्चरी होरि विश्वासी सेंदू लडाई भोए, त तुसेई फैसलेरे लेड अधर्मी हाकिमन कां न लोडे ज़ोवूस्; तुसेई अपने कलीसियरे विश्वासी लोकन ज़ोवूस् लोडे कि तैना तुशे मुकदमेरा फैसलो केरन कि कौन सही ते कौन गलत। 2 कुन तुस न ज़ानथ, कि परमेश्वरे लोकेई दुनियारे लोकां केरो इन्साफ केरेगो? ते अगर तुसेई दुनियारे लोकां केरो इन्साफ केरनोए, ते कुन तुस निकडे करां निकडे लडैड्यरो फैसलो केरनेरी काबल नई? 3 तुस ज़ानतथ कि एजेनेबाले वके मां असेई तैन स्वर्गदूतां केरो इन्साफ केरनोए ज़ैना स्वर्म मां शारोरे थिये, त पकको तुस रोज़ेरी आम गल्लां केरो फैसलो केरि बटतथ। 4 अगर एरी गल्लां भोन, त तुसेई तैन केरो फैसलो केरनेरे लेड तैन कां न लोडे जेवरी ज़ैन केरि आदर कलीसियरे लोकन मां न की गाए। 5 अवं तुसन छिथानेरे लेड इन ज़ोताई, कि सँच्चे तुसन मां अक भी अकलमन्द न मैल्लो, ज़ै विश्वासी लोकां केरो फैसलो केरे। 6 बल्के विश्वासी लोकन एप्पु मांसेई मुकदमे भोतन, ते तैना भी गैर विश्वासी लोकां केरे सामने। 7 पन सँच्चे तुसन मां बडो दोष त ईं, एप्पु मांसेई मुकदमे केरतथ, बल्के बेइन्साफ केरिन, ते नुकसान पुजातथ, ते तै भी विश्वासी लोकन। 9 कुन तुस न ज़ानथ, कि बेइन्साफ लोक, परमेश्वरे राज्जोरे वारिस नई भोने? धोखो न खाथ, न वेश्यागामी, न मूरती केरि पूजा केरनेबाले, न आयाश, न लुच्चे, न तैना ज़ैना मङ्गद मङ्गदन सेंदू जिसमानी रिश्तो रखतन। 10 न ज़ोर, न लालची, न पीने बाले, न गैर्ह देनेबाले, न अंधेर केरनेबाले परमेश्वरे राज्जोरे बारिस भोनेन। 11 तुसन मरां पैइले किछ एरे थिये, पन प्रभु यीशु मसीहे नंवे ते इश्शे परमेश्वरी आत्माई सेंदू तुशे पाप धोए जे, ते तुस पवित्र भोए ते धर्मी ठहराए। 12 तुसन मरां किछ ज़ोई बटतन, कि सब चीजां मेरे लेड जेइज त आन, पन सब चीजां फैइदीरी नई, सब चीजां मेरे लेड जेइज त आन, पन अवं कोन्वी भी चीज़ोरो गुलाम बेनेलो। 13 तुसन मरां किछ ज़ोई बटतन, खानू पेटेरे लेइए, ते पेट खानेरे लेइ, एन सँच्चे, पन परमेश्वरे रोटी भी ते पेटे भी नाश केरेलो, पन जिसम बदमाशी केरनेरे लेइ नई, बल्के प्रभुरो लेइए; ते प्रभु जिसमेरे लेइए। 14 ते परमेश्वरे, प्रभु यीशु अपने शक्ति सेंदू ज़ीतो केरो, ते तै असन भी ज़ीतो केरेलो। 15 कुन तुस न ज़ानथ, कि तुशीरी जाना मसीहेरे अंगन? ते कुन अवं मसीहेरे अंगन वेश्यारे अंगन सेंदू शामिल केरि? नई, कथी नई। 16 कुन तुस न ज़ानथ, कि जै कोई वेश्याए सेंदू न जेइज रिश्तो रखते, तै तैस सेंदू अक जान भोते? किजोकि पवित्रशास्त्र ज्ञोते, कि तैना दुरुये अक जान भोलां। 17 ते ज़ै प्रभुरी संगती मां रहते, तै तैस सेंदू साथी अक आत्मा भोते। 18 बदमाशी केरने करां दूर राथ, ज़ेत्रे होरे पाप मैन्हु केरते, तैना जानरे बेइस, पन बदमाशी केरनेबालो अपने जानरे खलाफ पाप केरते। 19 कुन तुस न ज़ानथ, कि तुशीरी जान पवित्र आत्मारू मन्दरे; ज़ै तुसन मां आए, ते तुसन परमेश्वरी तरकां मैलोरोए? ते तुस अपने नई पन तुस परमेश्वरे आथ; 20 किजोकि प्रभुरु अपने जानरी कीमत देहतां तुस धिनोरेथ, एल्होरेलेड अपने जानरे ज़िरिय सेंदू परमेश्वरी आदर केरा।

**7** हुनी अवं तुशे तैन सवालां केरो जुवाब देताई, ज़ैना तुसेई अपने चिट्ठी मां पुच्छे, तुसेई पुच्छ, इन रोडु आए कि लोक इला न बनान? 2 हाँ इन ज़ुरी आए कि बदमाशी केरनेरे डरे सेइं हर मङ्गदीरी कुआन्श, ते हर कुआन्शरो मुश भोए। 3 मुन्श अपने कुआन्शरू हक पूरु केरे; ते तेन्वरे कुआन्श भी अपने मुशेरो 4 कुआन्शी अपने जिसमे पुढु अधिकार नई, पन तैसेरे मनशरो अधिकारे; तेन्वरे मुशे भी अपने जिसमे पुढु अधिकार नई, पन कुआन्शी। 5 तुस एककी होरि करां अलग न भोथ; पन सिफ्ट थोडे चिरेरे लेड बिस्तारे सेइं कि प्रार्थनारे लेड फुर्सत मैल्ले, ते फिरी अकोटु भोथ, कि एरु न भोए, शैतान तुसन परखे। 6 पन ज़ैन अवं इन ज़ोने लोरोई ई सुझावे, न कि हुक्म। 7 अवं इन चाताई, कि ज़ेरो अवं अडलाव आई, तेरहे सब मैन्हु भोन; पन परमेश्वरे किछन इला केरन्यू वरदान दितोरु, ते किछन अकेल्लु रानेऱ वरदान दितोरु। 8 मेरी सललाह अडलां ते विधवा केरे ई आए, कि तैना अडलाए रान, ज़ेन्वरे अवं आई। 9 पन अगर तैना अपनो आप कैबू न केरि बट्टन, त इला बनान, किजोकि इला बनानो इच्छान मां मसत राने करां रोडोए। 10 ज़ैन केरो इला भोरोए, तैन केरे लेड अवं नई, बल्के प्रभु हुक्म देते, कि कुआन्श अपने मुशो करां अलग न भोए। 11 (अगर अलग भोइ गाए, त होरो इला न बनाए; या अपने मुशो सेइं फिरी मेल मिलाप केरे) ते मुश अपने कुआन्शी न शारे। 12 होरन सेइं प्रभु नई, पन अवं ज़ोताई, अगर केन्ची विश्वासी द्वालाएरी कुआन्श विश्वासी न भोए, ते तै कुआन्श तैस साथी राने सेइं खुश भोए, त तै तैस न शारे। 13 ते ज़ैस कुआन्शरो मुश विश्वासी न भोए, ते तै मैन्हु तैस साथी राने सेइं खुश भोए; तै मुशो न शारे। 14 किजोकि एरो मुश ज़ै विश्वासी न भोए, परमेश्वर तैस सेंदू एरो बर्ताव केरते ज़ेन्वरे अपने लोकन सेइं, किजोकि तैसेरी कुआन्श मसीही आए, ते एरी कुआन्श ज़ै विश्वासी न भोए, परमेश्वर तैस सेइं एरो बर्ताव केरते ज़ेन्वरे अपने लोकन सेइं, किजोकि तैसेरो मुश मसीही आए। अगर एरु न भोथू कि विश्वास न केरनेबालो मुश या कुआन्श परमेश्वरे लोक न भोथे, तैखन तुशीर बच्चे भी परमेश्वरे न भोथे। पन हुनी तुशे बच्चे भी परमेश्वरे भोइ जे। 15 पन जै मङ्गद ते कुआन्श विश्वासी न भोए, अगर तैना अलग भोन, त अलग भोने देथ, एस हालती मां कार्ड विश्वासी द्वालाए या बेइन बन्धने मां नई। पन परमेश्वरे अस कुजोरेम कि सुखे सेइं ज़ीम। 16 हे कुआन्शव तुस इस गल्ली याद रखा कि तुशे मुश तुशे वजाई सेइं मुक्ति हासिल केरि बटतन, ते हे मुन्शव तुस याद रखा कि तुशे मुश तुशे वजाई सेइं मुक्ति हासिल केरि बटतिन। 17 ज़ैन किछ अवं ज़ोने लोरोई तैसेरो नचोडु ई आए: हर मैन्हु तैस हालती मां रावरो लोडे ज़ै प्रभुरु तैस दितोरीए ज़ेइस तैनी परमेश्वरे कुजानू शून्। अवं इन सेल्ही कलीसियान मां एन्वरे ठहराताई। 18 अगर कोई मैन्हु जै खतनो कियोरे कुजोरो; तै तै प्रभु यीशु पुढु विश्वास केरते, तैस अपनो आप बगैर खतने बालो हिरानरी ज़सरत नई; ते अगर कोई मैन्हु ज़ेसेरो खतनो नई भोए, ते तै प्रभु यीशु पुढु विश्वास केरते, तैस खतनो कराने ज़सरत नई। 19 न खतनो किछ चीज़ो, ते न खतनो न करानो, बल्के परमेश्वरे हुक्म मन्ने बडे ज़ाहरिन। 20 हा अक ज़ैस हालती मां कुजावरोए, तेन्वरे राए। 21 तू गुलाम थियो ज़ेइस परमेश्वरे कुजावरो थियो, फिरी भी परेशान न भोथ; पन अगर तू आजाद भोइ सकतस, त भो। 22 किजोकि ज़ैना गुलामेरे हालती मां कुजोरेन, तैना प्रभु भु मां आजादन, तेन्वरे ज़ैना प्रभु भु मां आजाद कुजोरेन, तैना मसीहेरे गुलामन। 23 परमेश्वरे तुस बडी कीमत देहतां चिन्होरेथ, मैन्हु केरे गुलाम न बना, पन परमेश्वरेरे गुलाम बना। 24 हे द्वालाव ते बेइनव, ज़ै ज़ैस हालती मां परमेश्वरे कुजावरो, तै तैस्से हालती मां परमेश्वरे सेइं साथी राए। 25 कुरैरी केरे लेड मी प्रभुरु करां कोई हुक्म नई मैल्लेरो, पन प्रभुरु दर्याई सेइं मी अकल दितोरीए, ज़ैस पुढु भरोसो कियो गाए, ते अवं ई सलाह देताई। 26 किजोकि इन दिहाइन मां विश्वासी लोकां केरे लेड बुख गल्लां भोने लोरिन, एल्होरेले भी लालों केरो इन तुशे लेड रोडुए, अवं ई सलाह देताई कि ज़ैना ज़ेरो आन तैनरी एन्वरे राए। 27 अगर तेरी कुआन्श, त तू तैस करां अलग भोनेरी कोशिश न करे, ते अगर तेरी कुआन्श नई तू कुआन्शी न तोप। 28 पन अगर तू इला भी केरस, त पाप नई; ते अगर कुवारी इलाई गाए त कोई

पाप नईः पन ऐरे लोकन इस दुनियाई मां बड़ी परेशनी भोली, ते अंव बज्ञाने चाताईः 29 हे ढलाव ते बेनव, अंव इन जौताईः, इश्शो इस दुनियाई मां जादे वक्त नई रावरा, एल्हेरेलै जादे किक्रन केरा कि तुश्शी कुआन्शां आन या नई, पन प्रभुएरी सेवारे बारे मां सोचते राथ । 30 ते तैना ज़ैना लेरां देतन या ज़ैना खुश आन, या ज़ैना अपनि बनानेरे लेइ चीज़न घिन्तन, इन सेव्ही गल्लां केरे बारे मां जादे लोडे सोचोरू (किजोकि इना सब गल्लां प्रभुएरी सेवा केरिन बिसरैली)। 31 तैना ज़ैना दुनियारी चीज़ां इस्तेमाल केरतन, तैरै तैन सेइं लगाव न लोडे रखोरो, किजोकि ज़ेन्नरे अस जानतम ई दुनिया जलदी खतम भोनेबालीए । 32 मेरी इच्छा ई आए कि तुस दुनियारे ज़िन्दगरी खुवाइशन करां आजाद राथ, अलावत मैन्हु प्रभुएरी सेवा केन्वरे केरिन ई फिक्र केरते कि प्रभुए खुश केरे । 33 पन इलावरो मैन्हु दुनियारी गल्ला केरि फिक्री मां रहते, कि केन्वरे अपने कुआन्शी खुश रखे । 34 तैने दूर्द चीज़ां केरे बारे मां सोचोरू लोडे, अपनि कुआन्श खुश केररे बारे मां ते प्रभु खुश केरनेरे बारे मां। डलावरी ते अडलाई मां भी फर्के, अडलाई प्रभुएरी फिक्री मां रहतीए, कि केन्वरे अपनि आत्मा, ते जिसम दुड़े पवित्र रखे, पन डलावरी दुनियारे फिक्री मां रहतीए, कि अपने मुशो खुश रखे । 35 ई गल तुश्शे फैइदेरे लेइ ज़ोताईः, न कि तुसन फसानेरे लेइ, बल्के एल्हेरेलै ज़ेन्नरे लोडे तेन्वरे कियू गए, ताके तुस अक मन भोइतं प्रभुएरी सेवाई मां लांगोरे राथ । 36 ते अगर कोई इन समझो कि, अंव एपनी तैस कुवैरारू हक लोरै न मारने ज़ेसेरी जवानी लोरी ढलने, त ज़ेन्नरे चाए तै केरे, इस मां पाप नई, तै तैसेरो डला भोन दे । 37 पन अगर ज़ैने बाजी अपने मने मां पक्को फैसलो कियोरोए, कोन्ची होरेरे दबावेरे आलावा तै केरो, तै तैस कां तै अधिकारे ज़ैन तै केनू चातो । ते अगर तै फैसलो केरो कि तैसेरी कुई जेरि आए तेरही रखे, तै परमेश्वरी नज़री मां रोडू कम केरेलो । 38 ज़ै अपनि कुवैरारो डला कराते, तै रोडू केरो, ते ज़ै न कराए तै भी रोडू केरते । 39 ज़ातिगर कोन्ची कुआन्शरो मुश्श ज़ीतो रहते, तांतगर तैस सेइं साथी रावरू लोडे, पन ज़ैइस तैसेरो मुश्श मेरि गाए, ज़ैस सेइं चाए डला केरि बटतीए, सिर्फ विश्वासी लोकन मां । 40 पन अगर तै फिरी दुबारा डला न केरे, त मेरे खियाले मां बड़ी धने ते अंव समझाई ई, कि परमेश्वरो आत्मा मीं च्लाने लोरीए ।

**8** तुसेई अपने चिट्ठी मां मूरतन कां चाढोरी चीज़ां केरे बारे मां पुछोरु थियूः  
इस बारे मां अस जानतम, पन ज्ञान असन अपने बारे मां घमण्डी बनात, पन प्यार सेइं होरि केरि तरक्की भोतीए । 2 अगर कोई समझो, कि अंव किछ ज़ानताईः, ते ज़ेरु ज़ानेरु लोडे तेरू हेजू तार न जाने । 3 पन अगर कोई परमेश्वरे सेइं प्यार केरते, ते तैस परमेश्वर पिशानते । 4 एल्हेरेलै अंव खानेरे बारे मां ज़ातव देनो चाताईः, अस मूरती केरे सामने बलिदान कियोरी चीज़ा केरे खानेरे बारे मां जानतम, कि अस जानतम कि मूर्ती सच्चो परमेश्वर नई, सिर्फ एकके सच्चो परमेश्वरे । 5 पन फिरी भी अम्बरे ते धेरतली पुड़ लोक बडे देबते ते प्रभु ज़ोतन, पन इश्शे लेइ अंवके परमेश्वर, तै इश्शो बाजी आए । तैन सैरी चीज़ां बनेइ, अस तैसेरे जिरिये जीते रातम । एन्नरे असन कां अंवके प्रभुए ते तै प्रभु यीशु मसीही । तैसेरे जिरिये सब किछ बनवं जेव, अस तैसेरोलै ज़ीतेम । 7 पन सेव्ही विश्वासी लोकन इसेरू ज्ञान नई, पन किछ लोक हेजू तार मूरतन असली भोनेरी सोचनेरी आदते, एल्हेरेलै ज़ैखन लोक मूरतिन कां चाढतन, तै तैन असली देवतन पूजा केरे रुपे मां सोवतन ते तैन केरो जमीरो भोइतां अशुदू भोइ गाते । 8 पन खानू असन परमेश्वरे कां न पुजाए, अगर अस न खाम, तै असन किछ नुकसान नई, ते अगर खाम त कोई फैइदो भी नई । 9 पन हुशार राथ, एरू न भोए, कि तुश्शी ई आजादी कमज़ोर विश्वासे बाला केरे लेइ पाप केरनेरे लेइ बजा बो । 10 किजोकि अगर तीं ज़ैनी मन्दरे मां मूरतन कां चाढोरु खातो लाए, ते तै विश्वासे मां कमज़ोर मैन्हु भोए, ते कुन तैसेरे ज़मारि मां मूरती केरे सामने चैदोरी चीज़ां केरे खानेरी दिलेरी न भोली । 11 एस रेति सेइं तेरे ज़ानेरे वजाई सेइं तै विश्वासे मां कमज़ोर डला ज़ैसेरे लेइ मसीह मरो तै मसीह पुड़ विश्वास केरनो न शारे । 12 एन्नरे तुस अपने विश्वासी लोकन ठोकर पुज़ेइतां न सिर्फ

तैन केरे पापी भोए, बल्के मसीहेरे भी पापी भोले । 13 इस वजाई सेइं अगर खानू कोन्ची विश्वास केरनेबालेरे लेइ ठोकर भोए, ते अंव कोन्ची तरीके सेइं कधी मास न खेइलो, एरू न भोए कि मेरू खानू कोन्ची विश्वास केरनेबालेरे लेइ ठोकरारी वजा बो । (aloi g165)

**9** अंव ज़ैन केरनू चाताईः तैन केरनेरे लेइ आजाद आईः । अंव अक प्रेरित आई, मीं प्रभु यीशु लावरोए ज़ै इश्शो प्रभाए, ज़ैन कम मम प्रभुएरे लेइ कियू तुस तैसेरो नतीजोथ । 2 अगर होरे लोक इस गल्ली न मनन कि अंव प्रभु यीशुएरो प्रेरित आई, त हलाव तुसेई त लोडे मन्नोरु । किजोकि मीं ए तुसन कां खुशखबरी आनोरी थी । तुश्शो प्रभु विश्वास इस गल्ली साफ केरते कि अंव हकीकति मां तैसेरो प्रेरित आई । 3 ज़ैना लोक मेरे प्रेरित भोनेरे अधिकारे पुढ़ सवाल पुछतन, तैन केरे लेइ मेरो ईंग फैसलो आए । 4 कुन असन खाने पीनेरु हक नईः 5 कुन असन अधिकार नईः, कि कोन्ची मसीही कुआन्शी सेइं डला बानाम, ज़ेन्नरे होरे प्रेरित, ते प्रभुएरे डला ते कैफा (यानी पतरस) केरतन? 6 या सिर्फ मम ते बरनबासे ज़िन्दगी ज़ीनेरे लेइ कम कियोरु लोडे? 7 को ज़ेरो फौजी अपनू खेइतां जंग केरते? या कौन बाग लेइतां तैसेरो फल न खाए? कौन भैंडूं रखतां तैन केरु दुद्द न पीए? 8 अंव इन गल्लां मैन्हु केरि रीति पुढ़ नई लांगो जोने, मूसेरो कानून भी इन्ने ज़ोते । 9 एल्हेरेलै मूसेरो कानून ज़ोते, तैस मां इन लिखोरुए, “तुस खल्ले मां चलते बार दोतेरा अशी न बेंदथा” । कुन परमेश्वर दांतां केरि फिक्र केरते? नईः 10 या खास केरतां इश्शे बारे मां लिखोरु, हाँ इश्शे लेइ लिखोरुए, किजोकि रीते कि जोट्टले बालो उमीदी सेइं जोट्टे, उपाने बालो उमीदी सेइं उपाए । 11 असेई तुसन परमेश्वरो सदनेश शुनोवरोए । ज़ेन्नरे लोक बीज बेतन तेन्वरे असेई तुसन मां परमेश्वरे वचनेरु बीज़ बेव । एल्हेरेलै तुश्शो फरजे कि इश्शे रोज़ेरो खर्ज़ों असन देथ । 12 ज़ान कि तुसेई होरि लोकां केरि मद्दत की, ज़ेन्नरे तुसन प्रचार कियो, त मेरू त कने बरनबासेरु जादे हके । किजोकि अस तुश्शे पैइले प्रेरित आम, फिर भी असेई अपने ज़ारूरते चीज़ां केरे लेइ ज़बरदस्ती न की, तैसेरे बदले अपने मेझी सेइं सब किछ झौलूल कि मसीहेरे खुशखबरी पुढ़ विश्वास केरनेरे लेइ क्लौले लेइ रुकावट बनम । 13 कुन तुस न ज्ञानथ कि ज़ै पवित्र चीज़ां केरि सेवा केरते; तै मन्दरे मरां खाने; तै ज़ै बलिदान केरनेरे ठारारी सेवा केरते; तै बलिदान केरनेरे ठारी सेइं शामिल भोते । 14 एन्नरे प्रभुए ठहराव, कि ज़ैना लोक खुशखबरी शुनन, तैन केरि ज़िन्दगरो गुजारो भी तैन लोकन करां लोडे भोरो ज़ैना लोक खुशखबरी शुनन । 15 पन मीं इन अधिकारन मरां कोई भी इस्तेमाल न कियो । ते मीं एना गल्लां एल्हेरेलै नई लिखोरी, कि मेरे लेइ एरु कियू गाए । बिलकुल नईः किजोकि इस करां त मेरू मरनू रोडूए; कि कोई मेरू घमण्ड बेफैइदू ठहराए । 16 ते अगर अंव खुशखबरी शुनई, त मेरू किछ घमण्ड नई, किजोकि इन त मेरे लेइ ज़रूरीए, ते अगर अंव खुशखबरी न शुनई, त मीं पुड़ अफ्सोस । 17 किजोकि अगर अंव इन कम अपने मेझी सेइं कराताईः, त मीं इनाम मैलेलू । पन अगर इन मेरी मेझी सेइं नई, पन अगर परमेश्वरे ई ज़िमेदारी दितेरीए, त अंव कोन्ची इनामेरी उमीद न रेखीवे बैटि । 18 ते फिरी मेरू कुन इनामे? कि खुशखबरी शुनाने मां मसीहेरी खुशखबरी मुफ्त बैटें; इडी तगर कि ज़ैन खुशखबरी मां मेरू हक्के, तैसेरो पूरो इस्तेमाल केरि । 19 किजोकि सेब्भन करां आजाद भोने पुड़ भी मीं अपनो आप सेब्भी केरो गुलाम बनाव; कि जादे करां जादे लोकन खिचतां ऐरीं । 20 अंव यहूदी केरे लेइ यहूदी बनो ताके यहूदन खिचतां मसीह मां ऐरीं, ज़ैना लोक यहूदी केरो कानूनेरे अधीन तैन केरे लेइ कानूनेरे अधीन तैन खिचतां मसीह मां ऐरीं । 21 ज़ैना कानूनेरे अधीन नई तैन केरे लेइ अंव (पन अंव ज्ञानताई कि अंव परमेश्वरे कानूनेरे करां हीन नई, किजोकि अंव मसीहेरो कानूनेरे अधीन आई) तेरो बनो, कि तैन खिचतां मसीह कां ऐरीं । 22 अंव विश्वासे मां कमज़ोर डला ज़ैसेरे लेइ मसीह पुड़ विश्वास केरनो न शारे । 23 अंव सब किछ

मसीहेरे खुशखेवरारे लेइ केरताई, कि अंवं होरन सेइं साथी तैन बरकतां केरो हिसेदार भोईँ। 24 कुन तुस न ज्ञानथ, कि दौड़ी मां त सब दौड़तन, पन इनाम अक्के नेते, तुस तरहु दौड़ा, कि जीतथ। 25 ते हर अक पलवान हर किसमेरो परेख रखते, तै त अक शुकने बाले ताजेरे लेइ इन सब किछ केरते, पन अस त तैस ताजेरे लेइ केरतम जैन कथी नई शुकनू। 26 एल्हेरेले अंवं एन्ने दौड़ताई, पन बौर मकरादे नई, अंवं भी एन्ने मुकन सेइं लड़ताई, पन तैसेरो जैरो नई जै हवाई मां लड़ते। 27 पन अंवं अप्पे जानारी खूवैदशन मारताई, ते कैबू मां केरताई; एरु न भोए कि होरन प्रचार केरि, ते मीं इनाम न मैलेले।

**10** हे ढलाव ते बेइनव, अंवं तुसन याद करानू चाताई, इशो दादे-पडदादन सेइं बडे पेइले सुनसान ठैरी मां कुन भोवं, परमेशेरो तैन केरो अग्री-अग्री बिदलार भेजतां तैन सेभन बत हिराए, ते तैना सब लाल समुन्दरे पैनी मांमेइ एन्ने पार किये जेन्नरे शुक्कोरी ज्यामीनी मांमेइ। 2 ते तैन सेभेई बिदलारी मां, ते समुन्द्रे मां मूसरो बपतिस्मो नेव। 3 ते तैन सेभेई ते रोटी खाइ, जै परमेशेरो तैन स्वर्गां दिनी। 4 तैन सेभेई अवके पानी पिव जैन परमेशर तैन दितु, किजोकि तैना आत्मिक चटूनी मरां पीते थिये, जै तैन सेइं साथी-साथी चलती थी, ते तै चटून मसीह थियो। 5 पन परमेशर तैन मरां बडन सेइं खुश न भोव, एल्हेरेले तैना रेगिस्ताने मां मेरि जो। 6 इना गल्लां डशे लेइ खबरदारी भोइ, कि जेन्नरे तैन्है लालच कियूं तेन्वरे अस बुरी चीजां करु लालच न केम। 7 ते न मूरती केरि पूजा करेनबाले बनम; जेन्नरे तैना किछ बनेरे थिये, जेन्नरे परिवशास्त्रो मां लिखोए, “लोक तिहारे मां खाने पीने विश्वे, ते फिरी बुक केरनेरे लेइ उठो।” 8 ते न असां बदमाशी केरम; जेन्नरे तैन मरां किछेई की, कि एककी दिहाड़ी मां 23000 मेरे। 9 ते न अस प्रभु पीश मसीह अज्ञामाम; जेन्नरे तैन मरां किछेई अज्ञामाव, ते तैना सपन सेइं मेरि जो। 10 ते न तुस कुडकडथ, जेन्नरे तैन मरां किछेई कुडकडव, ते परमेशरेरे तरफां भेजेरे स्वर्गदूते तैना मारे। 11 पन इना सब गल्लां, जैना तैन पुड बीती, तैना खबरदैरारो जेरि थी, ते तैना इश्शी लेइ हैदैयत भी आन, जैना अस दुनियारे आखरी वर्के मां रातम लिखी जेर्द। (aiōn g165) 12 एल्हेरेले जै विश्वासी समझाते, “कि अंवं विश्वासे मां मजबूताई,” ते खबरदार राए; कि तैस्से पापे मां फिरी न बिछडे। 13 तुसन पुड एरी अज्ञामैशन नई ओरी, जै मैन्हु केरे झल्लनेरे बेरो, परमेशर वाफदारे, तै तुसन शैक्कि करां जादे अज्ञामैशी मां गाने न देलो, बल्के अज्ञामैशी सेइं साथी तैस मरां कहेलो भी; कि तुस झेल्ली भी बटथ। 14 एल्हेरेले, हे मेरे टुलाराव, मूरती पूजने करां बेंवात राथ। 15 अंवं समझदार बुझातां, तुसन सेइं जोताई, जैन अंवं ज्ञोताई, तुस तैसेरे बारे मां सोचा कि सही आए या नई। 16 जैखन अस यीशु मसीहेरे मौती याद केरनेरे लेइ अकोटु भोतम, त अस दाढारो रस कटारे सेइं पीतम, जेसेरे बारे मां असेइ परमेशरेरे शुक्र कियोए, ते अस टलोडोरी रोटी भी खातम, इ तैन बरकतन मां शामिल भोनेरो निशाने, जैना मसीहेरे जानी ते खुने करां इटिन।? 17 एल्हेरेले, कि अकके रोटीए जै मसीह, चाए अस बडेम, अस अक जान भोतम किजोकि अस तैए अकके रोटी खाता। 18 इसाएले लोकां केरे बारे मां सोचा, जैखन सारे लोक परमेशरेरे लेइ चाढ़ीरी रोटी खातन, तैना परमेशरेरे आराधनारे हिस्सेदार भोतन, तेन्वरे जैना लोक मूरतन कां बलिदान कियोरी चीजन खातन तैना मूरती केरि पूजाई मां हिस्सेदार भोतन। 19 फिरी अंवं कुन ज्ञोताई? कि मूरतरी बलिदान किछे, या मूरती किछे? 20 नई, बल्के इन, कि तैना जैन बलिदान केरतन, तैना परमेशरेरे लेइ नई, पन भूतां केरे लेइ केरतन, ते अंवं न चैई कि तुस भूतन सेइं साथी शामिल भोथ 21 तुस प्रभुरे कटोरे, ते भूतां केरे कटोरे दुड्यन मरां न पी बटथ! तुस प्रभुरे मेज़े ते भूतां केरे मेज़े मां शामिल न भोइ बटथ। 22 कुन अस प्रभु सरकातम? कुन अस तैस करां जादे शैक्कि बालेम? 23 तुस ज्ञोतथ, अस किछ भी केरनेरे लेइ आजाद आम, हाँ, पन सब किछ इशें लेइ रोड़ नई। अस किछ भी केरनेरे लेइ आजाद आम, पन सब किछ इशें विश्वास जै परमेशरे पुडे मजबूत न केरे। 24 कोई अप्पे भलेरे बारे मां न सोचे

बल्के होरि केरे भलेरे लेइ सोचे। 25 जैन किछ किसैई केरे दुकान्न पुड बिकते, तैन खाथ, ते इन न पुच्छा कि मास कोट्टा आनोरु ते अप्पो जमीरे शुद्ध रखा। 26 तुस तैन खाथ किजोकि पवित्रशास्त्र जोते, “धर्ती ते सेरी चीजां प्रभुएरी आन।” 27 ते अगर गैर विश्वासी लोकन मरां तुसन कोई थाम जोए, ते तुस गानू चातथ, ते जैन किछ तुशें सामने रख्खु गाए तैन खाथ, ते किछ न पुछा, कि कोट्टा आनोरुए। 28 पन अगर कोई तुसन सेइं जोए, “इना त मूरतन कां बलिदान कियोरू,” ते तुस तैस न खाथ, तुशें जमीरे वर्जाई सेइं नई बल्के जैने तुसन सेइं जोवं तैसेरे जमीरे वर्जाई सेइं। 29 मेरो मतलब, तेरो जमीर नई, बल्के तैस होरेरो। भला, मेरी आजादी होरि मैनेरे जिरिये किजो परस्ती गाए? 30 अगर अंवं शुक्र केरताई, तैसेरे वर्जाई सेइं मेरी बदनामी किजो भोतीए? 31 आखरी मां अंवं इन ज्ञोताई, तुस चाए खाथ, चाए पीथ, या चाए जैन किछ केरा परमेशरेरी महिमारे लेइ केरा। 32 अंवं जैन किछ केरताई, हर केन्वी खुश केरेरोरी कोशिश केरताई, अप्पे भलेरे बारे मां न सोची बल्के होरि केरे भलेरे बारे मां सोचताई, ताके सेब्बन मुक्ति मैल्लो। एन्वरे तुस भी जीथ ताके तुशें वर्जाई सेइं न यहूदन, न गैर यहूदन न परमेशरेरे कलीसियाई पेरेशनी भोए।

**11** जेन्नरे अंवं मसीहेरी जेरि चाल चलताई तुस भी मेरी जैरि चाल चला।

2 हे ढलाव ते बेइनव, अंवं तुशी तारीफ केरताई, किजोकि तुस मीं हर वक्त याद केरते रातथ; ते जै शिक्षां मीं तुसन दिती तैन केरे मुताबिक चलतथ। 3 ते अंवं चाताई, कि तुस इन ज्ञानथ, हर एकके मडदेरी क्रोडी मसीहे, ते कुआन्शरी क्रोडी मडदे, ते मसीहेरी क्रोडी परमेशरो। 4 जै मडद क्रोडी ढेकता प्रार्थना या भविष्यवाणी केरते, तै अप्पे क्रोडीरी अनादर केरते, किजोकि तैन घमण्डेरो बराबरे। 5 पन जै कुआन्श बगैर दोग ढेकतां प्रार्थना या भविष्यवाणी केरतीए, तै अप्पे क्रोडीरी अनादर केरती, ते अप्पे क्रोडीरी अनादर केरती, किजोकि तैन टिनडी भोनेरे बराबरे। 6 अगर कुआन्श ओडीनी न ओडे, त दोग भी कटे; अगर कुआन्शरे लेइ दोग कटूनो शरमरी गल्ले, त ओडीनी ओडे। 7 हाँ मडद अप्पो दोग ढकनो जेइज्ज नई, किजोकि तै परमेशरेरू रूप ते शोभाए; पन कुआन्श मडदेरी शोभाए! 8 किजोकि मडद कुआन्शी मरां नई, बल्के कुआन्श मडदे मरां निसोरिए। 9 ते मडद कुआन्शरे लेइ नई पन कुआन्श मडदेरे लेइ बनेरीराए। 10 एल्हेरेले इ स्वर्गदूतो केरे वर्जाई सेइं कुआन्शरे लेइ इन रीकि कि अप्पे दोग ढक्के, ताके इस सेइं बांदू भोए कि तै मडदेरो अधीने। 11 फिरी भी प्रभु पुड विश्वास केस्नेबालन मा कुआन्श मडदे करां अलग नई, ते न मडद कुआन्शरी करां अलगे। 12 किजोकि जेन्नरे पेइली कुआन्श मडदे मराए, पन हुनी मडदन कुआन्श जर्म देतीए। सब चीजां परमेशरे करां आन। 13 तुस एप्पू फैस्लो केरा, कुन कुआन्शी खुले आम आराधनाई मां बगैर दोग ढेकतां परमेशरे कां प्रार्थना केरनि शोभाए? 14 कुन तुस भी न ज्ञानथ, कि अगर मडद लमो दोग रखे तै तैसेरेले रोड़ी न भोए, ते अप्पे दोग रखे, ते तैसेरेले रोड़ी न भोए। 15 किजोकि जेन्नरे पेइली कुआन्श मडदेरी करां अलगे। 16 किजोकि जेन्नरे पेइली कुआन्श जर्म देतीए। 17 कुन कुआन्शी खुले आम आराधनाई मां बगैर दोग ढेकतां परमेशरे कां प्रार्थना केरनि शोभाए? 18 कुन तुस इन रीकि अप्पे दोग रखे, ते तैसेरेले रोड़ी न भोए, ते अप्पे दोग रखे, ते तैसेरेले रोड़ी न भोए। 19 कुन तुस इन रीकि अप्पे दोग रखे, ते तैसेरेले रोड़ी न भोए, ते अप्पे दोग रखे, ते तैसेरेले रोड़ी न भोए। 20 कुन तुस इन रीकि अप्पे दोग रखे, ते तैसेरेले रोड़ी न भोए, ते अप्पे दोग रखे, ते तैसेरेले रोड़ी न भोए। 21 किजोकि खाए वर्जाई अप्पो इलाछडो होरन करां पेइलो खाते, ते किछ न यिन्हो रहतन, ते किछ मतवालो भोइ गाते। 22 कुन खाने पीरेरे लेइ तुसन घर नई या परमेशरेरी कलीसियाई घटिया समझातथ, कि जैन कां नई तैन छितातथ अंवं तुसन कुन जोई? कुन इस गल्ली मां तुशी तारीफ केरि? अंवं तारीफ न केरि। 23 जै शिक्षा

मीं प्रभु करां पुँजी तै शिक्षा मीं तुसन दिती, कि प्रभु यीशुए जैस राती तै दलुवाव जेव तैने रोट्टी नी। 24 ते शुक केरतां हलोडी, ते ज़ोँवं; “कि ई रोट्टी मेरे जानी हिराती, जै तुशेस मुक्करे लेड बलिदान की गातीए, मेरी यादी मां इन्ने केरा।” 25 ते एन्वरे जैखन तैनेइ रोट्टी खाइ, यीशुए दाढ़ारों कटोरे भी नेव, ते ज़ोँवं; “ई कटोरे मेरे खुने मां नंवों करारे, जैखन भी पीथ, मेरे यादी मां इन्ने केरा।” 26 किजोकि जैखन ई रोट्टी खाथ, ते इस कटोरे मरां पीथ, त प्रभुएरे मौती जांतगर तै न एज्जे, इस बारे मां जोते राथ। 27 एल्हेरेलेड जै कोई प्रभुएरे रोट्टी नाजाइङ तरीके सेइं खाए, या प्रभुएरे कटोरे मरां पीथ, ते प्रभुएरे जानरो ते खुनेरे खलाफ पापी भोलो। 28 एल्हेरेलेड मैन्हु अपने बतवि परखे ते एन्वरे इस रोट्टी मरां खाए, ते इस कटोरे मरां पीथ। 29 किजोकि जै इस रोट्टी खाते ते कटोरे मरां पीथ बार इन न पिशाने कि तैसेरो रिश्तो प्रभुएरी जानी सेइं केरो, तै इस खाने पीने सेइं एप्पु पुड़ आफत आनते। 30 एल्हेरेलेड तुसन मरां बड़े कमज़ोर ते रोगी आन, ते बड़े मेरि भी जे। 31 एल्हेरेलेड अगर अस पेइले अपनो आप परखम त परमेश्वर असन सज्जा न देलो। 32 पन प्रभु असन सज्जा देतां शिखालते एल्हेरेलेड कि अस दुनियाई सेइं साथी दोषी न भोम। 33 ते हे मेरे ढलाव ते बेइनव, जैखन तुस प्रभुएरी रोट्टी खानेरे लेड अकोडे भोतथ, एककी होरि बलगा। 34 अगर कोई नियन्नो भोए त अपने घरे मां खाए, जैस सेइं तुस अकोडे भोथ, रोडे चारे बतवि केरा, जैस सेइं प्रभु तुसन सज्जा न दे, ते होरि गल्लां अंव इतां ठीक केरेलो।

**12** हे मेरे ढलाव ते बेइनव, हुनी तुशेतै सब सवालेरे बारे मां जै तुसेइं समझा। 2 तुस जानतथ, कि तुस विश्वास केरने करां पेइले तुसन ज़ेन्नरे ज़ीते थिये तुसन पुड़ भूतां केरो अस्सर भोती थियो, कि तुस मूर्ती केरि प्रूजा केरथ, जैना जाँती न भोन। 3 एल्हेरेलेड अंव चाताई तुस जानथ, कि जै कोई परमेश्वरे आत्मारे जुवाने सेइं जोते, तै न जोए, कि यीशु लाननीए, सिर्फ एककैलो पवित्र आत्मा आए, जै इस काबल बनाते, कि कोई भी इन ज़ोई सकते कि “यीशु प्रभुपुणा।” 4 वरदाना त बड़े किसमा केरन, पन इना सब परमेश्वरे आत्मा देते। 5 अस बड़े किसमा कैरु कम परमेश्वरे लेड केरतम, पन अस तैसे एककी प्रभुएरी सेवा केरतम। 6 परमेश्वर इश्शे ज़िन्दरी मां अलग-अलग किसमे सेइं कम केरते, पन तैए परमेश्वर जै असन सेब्बन तैसेरेलेड कम केरनेरी काबलीत देते। 7 असन सेब्बन अक एरी काबलीत दितोरीए, जैस सेइं पवित्र आत्मारी हजूरी साबत भोती, ताके अस अपने सैथी विश्वासी लोकां केरि मद्दत केरम। 8 किजोकि परमेश्वरे आत्मारे ज़िरिये एककी मैन्हु समझादैरारो सन्देश शुनानेरी काबलीत दितोरीए, ते होरि मैन्हु तैसे आत्मारे जिरिये सेइं ज्ञानेरो सन्देश शुनानेरी काबलीत दितोरीए। 9 तैए आत्मा एककी मैन्हु मसीह पुड़ मज़बूती सेइं विश्वास केरनेरी काबलीत देते, ते तैए होरि मैन्हु, बिमार लोकन बड़ानेरी काबलीत देते। 10 आत्मा एककी मैन्हु चमत्कारेरां कमां केरनेरी शक्ति देते, ते होरि परमेश्वरो सन्देश शुनानेरु वरदान, ते कोन्ची आत्मां केरि परख, ते कोन्ची मैन्हु बड़े किसमां केरि भाषां ज़ोनेरी काबलीत दिती, जैना तैने नई पेड़ोरी, ते होरि मैन्हु तैन भाषां केरो मतलब समझानेरी काबलीत दिती, जैना तैनेर्नई नई पेड़ोरी। 11 सब वरदानां तैसे एककी पवित्र आत्मारू कमां। तैए ज़ेन्नरे चाते सेब्बी विश्वासी लोकन वरदान देते। 12 किजोकि ज़ेन्नरे इश्शे जिसम त अकके ते तैसेरे अंग बड़ेन, ते तैस एककी जिसमेरे अंग छह्छे भोने सेइं भी सब मिलतां अकके जिसमे, तेन्वरे मसीह भी आए, ते तैना भी जैना तैस पुड़ विश्वास केरतन। 13 किजोकि असेइं सेब्बेइ कुन यहूदी, कुन गैर कौमा, कुन गुलाम, कुन आज्जाद अकके आत्मारे ज़िरिय अक जिसम भोनेरे लेड बपातस्मा नेवरोए, ते असन सेब्बन अकके आत्मा मैल्ली। 14 इश्शे जिसमे मां अकके अंग नई, बल्के बड़ेन। 15 अगर पव जोए अंव हथ नई, एल्हेरेलेड अंव जिसमेरो अंग नई। त कुन तैसेरे ज़ोने सेइं तै जिसमेरो अंग न राए? 16 ते अगर कन्ह जोए; “अंव अछु नई, एल्हेरेलेड अंव जिसमेरो अंग नई,” त कुन तैसेरे एक ज़ोने सेइं तै जिसमेरो न राए? 17 अगर सारो जिसम अछ्छे भोथी त शुनू कोट्टा

भोथू? ते अगर सारो जिसम कन्ह भोथो त शीघ्नू कोट्टा भोथू? 18 पन सङ्घे परमेश्वरे इश्शे जिसमे मां अंग अपने मेर्जी सेइं अक-अक केरतां इश्शे जिसमे मां अपने-अपने डेरी ख्योरेन। 19 अगर तैना सभे अकके अंग भोथ, त फिरी जिसम न भोथो। 20 एल्हेरेलेड, जिसमेरे बड़े अंग भोने सेइं अक जिसम बनते। 21 अछु हथ्ये सेइं न ज़ोई सके, “मीं तेरी ज़स्तर नई,” ते न क्रोडी पवन सेइं ज़ोई बटीए, “मीं तेरी ज़स्तर नई!” 22 पन जिसमेरे अंग जैना होरन करां कमज़ोर लेहोतान, बडे ज़रूरिन। 23 ते जिसमेरे जैन अंगन अस आदारेरे काबल न समझम तैन केरि अस जादे आदर देतम; ते इश्शे अबोवते अंग होरे भी रोडे भोतन। 24 फिरी इश्शे शोबते अंगन एसरी ज़स्तर नई, पन परमेश्वरे जिसम बनोवरोए, कि जैस अंग घटी थी तैस होरि भी जादे आदर भोम। 25 परमेश्वरे एन कियू ताके जिसमेरे अंगन मां अन-बन न भोम, पन तैना एककी होरेरे देख-भाल केरन। 26 एल्हेरेलेड अगर जिसमेरे एककी अंगे दुख मैलते, त सारी जान ते सब अंग तैस सेइं साथी दुखी भोतन; ते अगर एककी अंगरी बुद्धाई भोतीए; त तैस साथी सब अंग अनन्द केरतन। 27 एन्वरे तुस सब मिलतां मसीहोरो जिसमथ, ते तैसेरे जिसमेरे अंगथ। 28 मसीहोरी जानी मां यानी कलीसियाई मां, परमेश्वरे असन अलग-अलग कम केरने जो दित्तोराए, पेइले प्रेरित, दुख्योवं नवी, दलेइयोवं शिक्षा देनेबाले, फिरी तैना, जैन चमत्कार केरनेरो अधिकार दित्तोरोए, ते तैना जैन होरि केरि मद्दत केरनेरी काबलीत दित्तोरोए, जैना प्रधान्म, तैना जैन पवित्र आत्मार तरफां अलग-अलग किसमां केरि भाषां ज़ोनेरी काबलीत मैली। 29 हर कोई प्रेरित नई। हर कोई नबी नई। हर कोई शिक्षा देनेबालो नई। हर कोई चमत्कार केरेबालो नई। 30 कुन सेब्बन बड़ानेरु वरदान मैलैलो। हर कोई अलग-अलग भाषां केरेबालो नई। हर कोई भाषां केरो मतलब समझानेबालो नई। 31 सेब्बन कां तरजग्मो केरनेरी काबलीत नई, रोटु रात इन आए पवित्र आत्मां करां वरदानां हासिल केरनेरी बेडि इच्छाई मां राथ। पन सङ्घे रोटु कुने, तैन अंव हुनी ज़ोताई।

**13** अगर अंव मैन्हु, ते स्वर्गदूतां केरि भाषां केरि, ते प्यार न रेख्खी, त अंव ठन-ठन केरेबाली पितल, ते झान-झान केरेबाली झाङ्गाई। 2 ते अगर अंव भविष्यवाणी केरि सेखी, ते सब भेद जैनी ते, मीं डही तागर पूरो विश्वास भोए, कि पहाड़न घासेई, पन प्यार न रेख्खी, त अंव किछु भी नई। 3 ते अगर अंव अपनि सारी जेइदाद कंगालन देई, या अपनो जिसम फुकनेरे लेड देई, ते प्यार न रेख्खी, त इन मेरो कोनी कम्मेऱ नई। 4 जैना लोक होरन सेइं प्यार केरतन तैना सबर ते दयाई सेइं कम केरतन, तैना जलन न केरन, तैना अपनि बडीयाई न केरन, ते न घमण्ड केरन। 5 तैना होरन बेइज्जत न केरन, तैना खुदगरज न भोन, जल्दी क्रोध न केरन ते जैना बुरी गल्लां तैन केरे खलाफ भोइ, तैन तैना याद न केरन। ते तैन केरे खलाफ जैना पाप केरतन तैना, तैन बडे आसन तरीके सेइं माफ केरतन। 6 तैना युश न भोन जैखन लोक बुरु केरतन, पन तैना तैखन खुश भोतन जैखन लोक तैन केरतन जैन ठीक ते सङ्घ। 7 तैना सब गल्लां झैल्लतन, प्यार विश्वास कधी न गुवाए, ते असन परमेश्वरे पुड़ भरोसो केरनेरे काबल बनाते, मुशकलन ते तकलीफन मां सबर रख्खो। 8 भविष्यवाणी ते गैर भाषां ते खास जान बेकार भोलू। पन प्यार हमेशारे लेड रालो। 9 किजोकि इश्शू जान ते इश्शी भविष्यवाणी केरनेरी काबलीत अधीरी, पन जैखन सिद्ध एज्जेलो, त जैन अधूरूप तैसेरी ज़स्तर नई। 11 इन मेरो बेडोनेरू ज़ेरु आए। जैखन अंव बच्चो थियो, त बच्चां केरो जैरो जौतो ते सोचतो ते समझातो थियो। पन जैखन अस बड़े भोतम, त बच्चां केरो गल्लां शारतम। 12 एन्वरे असन सेइं भी आए जैन अंग रेख्खी, किजोकि अस सब किछु रोडे चारे न जानम। सिर्फ एज्जेलो, त जैन अधूरूप तैसेरी ज़स्तर नई। 13 इन मेरो बेडोनेरू ज़ेरु आए। जैखन अंव बच्चो थियो, त बच्चां केरो जैरो जौतो ते सोचतो ते समझातो थियो। पन जैखन अस बड़े भोतम, त बच्चां केरो गल्लां शारतम। 14 किजोकि असेइं सेब्बेइ कुन यहूदी, कुन गैर कौमा, कुन गुलाम, कुन आज्जाद अकके आत्मारे ज़िरिय अक जिसम भोनेरे लेड बपातस्मा नेवरोए, ते असन सेब्बन अकके आत्मा मैल्ली। 15 अगर पव जोए अंव हथ नई, एल्हेरेलेड अंव जिसमेरो अंग नई। त कुन तैसेरे ज़ोने सेइं तै जिसमेरो अंग न राए? 16 ते अगर कन्ह जोए; “अंव अछु नई, एल्हेरेलेड अंव जिसमेरो अंग नई,” त कुन तैसेरे एक ज़ोने सेइं तै जिसमेरो न राए? 17 अगर सारो जिसम अछ्छे भोथी त शुनू कोट्टा

विश्वास, परमेश्वरे वादन पुढ़ उमीद, ते परमेश्वरे ते होरन सेइं प्यार। पन इन ट्लाई गल्लन मां जै महानै, तै ई आएः परमेश्वरे ते होरन सेइं प्यार केरन।

**14** एककी होरि सेइं प्यार केरनेरी कोशिश केरा। ते आत्मिक वरदानां केरि बड़ी इच्छा रखा, खास केरतां इन, कि भविष्यिवाणी केरा। 2 किजोकि, जै गैर भाषाई मां गल्लां केरते; तै मैनूं सेइं नई, बल्के परमेश्वरे सेइं गल्लां केरते, एल्हेरेलेइ कि तैसेरी कोई न समझै, किजोकि तै भेदेरी गल्लां पवित्र आत्मारे शेक्कि सेइं ज्ञोते। 3 पन जै परमेश्वरे तरफां सन्देश शनाते, तै विश्वासी लोकन, विश्वासे मां मज़बूत भोनेरे लेइ मद्दत केरते, ते होरि विश्वासी लोकां केरि हिम्मत बद्धाते ते तस्सली देते। 4 जै गैर भाषाई मां ज्ञोते, तै अपने विश्वासे मज़बूत केरते। पन जै भविष्यिवाणी केरते, तै कलीसियारे विश्वासी लोकां केरे विश्वासे मज़बूत केरते। 5 अंवं चाताई, कि तुस गैर भाषाई मां गल्लां केरा, पन जादे इन चाताई कि भविष्यिवाणी केरा: किजोकि अगर गैर भाषा ज्ञोनेबालो कलीसियारे विश्वासी लोकां केरे विश्वासे मां मज़बूत भोनेरे लेइ तरजमो न केरे त भविष्यिवाणी केरनेबालो तैस करां जादे खास कम केरि रावरोए। 6 एल्हेरेलेइ हे ढ्लाव ते बेइनव, अगर अंवं तुसन कां एइतां गैर भाषाई मां गल्लां केरि त तुसन मीं करां कुन फैइदो भोलो। पन अगर अंवं प्रकाश या खास ज्ञान, या परमेश्वरो सन्देश शुनेइ या शिक्षा देई त इस सेइं तुश्शी मद्दत भोली। 7 एन्नरे, अगर तुस बाजों बजाथ ज्ञेन्वरे बेइशोई या सारंगी, अगर तैन रोडे चारे न बजाव गाए त जैन बजाव लावरु गाने त तैन केन्वरे पिशानेले बेइशोई या सारंगी मां कुन लावरु बजाने। 8 जंगी मां अगर नड़शिनोरी आवाज़ साफ न भोए, त फौजीं जंगे लेइ तियार न भोइ सकन। 9 एन्नरे, जैखन तुस तैना गल्लां केरथ जैना होरि लोकन समझै न एजन, त जैन किछ ज़ोंवं गाते तैसेरी कोई कीमत नई। 10 दुनियाई मां बेड़ि भाषा आन, त हर भाषारो मतलबे। 11 पन अगर अस तैस भाषाई न समझाम जै होरे ज्ञोने लोरेन, त एन एरु भोलू, कि जैन्वरे तैन इश्शे लेइ परदेशी भोले ते अस तैन केरे लेइ परदेशी भोले। 12 एन्नरे तुस भी जैखन पवित्र आत्मारे वरदानां केरे लेइ बड़ी इच्छा रखतथ, त तैन वरदानां केरि इच्छा रखा जैन सेइं कलीसियारे विश्वासी लोक विश्वासे मां मज़बूत भोन। 13 एल्हेरेलेइ जै गैर भाषा केरते, तै प्रार्थना केरे, कि जैन किछ तैने ज़ोंवं, तेरो मतलब समझोनेरे काबल भी भोइ सके। 14 किजोकि अगर अंवं गैर भाषाई मां प्रार्थना केरो लोरोई, त मेरी आत्मा प्रार्थना केरतीए, पन मेरी सोचरे लेइ फैइदो नई, किजोकि इन मीं समझा न एजो। 15 त फिरी मीं कुन कियोरु लोडे? एरो भी वक्त भोते जैखन मीं अपने आत्माई सेइं प्रार्थना कियोरी लोडे, एरो वक्त भी भोते जैखन मीं अपने अकली सेइं भी प्रार्थना कियोरी लोडे। किछ वक्ते मीं अपने आत्माई सेइं गीतां ज़ोवरां लोडे, ते होरि वक्ते मीं अकली सेइं भी गीत ज़ोवां लोडन। 16 मना कि जैखन किछ आम मैनूं तुशें आराधनाई मां एजन, जैखन तुस अपने आत्माई सेइं परमेश्वरे बड़याई केरथ। अगर तैना तुश्शी न समझै, त तुश्शे परमेश्वरे शुक्र केरनेरे बाद तैना केन्वरे बुझोले कि किताली, “आमीन” ज्ञानू, किजोकि तैना न समझै तुस कुन लारेथ ज्ञोने। 17 तुश्शु परमेश्वरे शुक्र केरनू रोडूए, पन इन होरि केरे विश्वासे मज़बूत केरनेरे लेइ मद्दत न केरेलू। 18 अंवं अपने परमेश्वरे शुक्र केरताई, कि अंवं तुसन सेब्भन करां जादे गैर भाषां केरताई। 19 पन कलीसियाई मां गैर भाषा केरने मां दश हजार गल्लां केरे ज्ञोनेरे केरतां इन मीं होरु भी रोडू लगते, कि होरन शिखानेरे लेइ अकली सेइं पंचे गल्लां ज्ञोई। 20 हे ढ्लाव ते बेइनव, तुस इना गल्लां समझाने मां बच्ये न बना, पन बुरैई केरनेरे लेइ बच्यां केरे बना, पन इस किसमेरी गल्लां समझानेरे लेइ समझादार बना। 21 कानूने मां प्रभु ज्ञोते; “अंवं बखला केरे चिरिये ज़ोइलो, जैना गैर भाषां केरेले, पन फिरी भी तैना मेरी न शुनेलो।” 22 एल्हेरेलेइ असन मरां किछ गैर भाषा केरन जै पवित्र आत्मारे तरफां आए, इश्शे शब्द तैन लोकां केरे लेइ प्रभुएरे शक्तिरो निशाने, जैना प्रभु पुढ़ विश्वास न केरन। 23 ते अगर कलीसिया एककी ठैरी अकोटी भोए, ते सब गैर भाषा केरन, त आम लोक जैना ई भाषा न समझान या गैर विश्वासी लोक अन्तर एजन त

कुन तैना इन न सोचेले कि तुस पागल आथ। 24 ते अगर सब भविष्यिवाणी केरन, ते आम लोक या गैर विश्वासी लोक अन्तर एजन, तै तैन एसास भोलो कि तैनेरी जौन तैनेरी जौन तैसेरे बजाई सेइं तैन एसास भोलो कि तैनेरी बुकु कियोरु तैन केरे मरेरे भेद बांदो भोइ गाले, ते तैन एसास भोलो कि तैना पापी आन त कने पापन करां मन फिराले। ते तैना मथो टेकतां परमेश्वरी आराधना केरेले, ते मनेले कि परमेश्वर तुसन मां आए। 26 हे ढ्लाव ते बेइनव कुन कियोरु लोडूए? जैखन तुस आराधना केरेले लेइ अकोटे भोतथ, त किछ भजन ज्ञोन, किछ उपदेश देन, ते किछ जैन प्रकाशन परमेश्वरे तरफां आए तैस देन, ते किछ गैर भाषाई मां गल्लां केरन ते किछ तैसेरो तरजमो केरन, तुस इन सब एल्हेरेलेइ केरा कि कलीसियारे लोकन विश्वासे मां मज़बूत केरते। 27 अगर कोई गैर भाषाई मां ज्ञोने लोरोए, त दूर्दू या ट्लाई ज्ञोने बैरी-बैरी सेइं ज्ञोन, ते इन ज़रूरी कि अक मैनूं तैस भाषारो मतलब ज्ञोए। 28 पन अगर तरजमो केरनेबालो न भोए, ते गैर भाषा ज्ञोने बालो कलीसियाई मां चुप राए, ते चुपचारे अपने मने सेइं परमेश्वरे सेइं गल्लां केरे। 29 नेबन मरां दूर्दू या ट्लाई ज्ञोन, इन ज़रूरी आए कि हर कोई शुने, ते सोचन ते परखन कि जैन किछ ज़ोवं लौरु गाने सही आए या नई। 30 पन अगर काई जै तैड़ी सभाई मां विश्वारोए, तैस परमेश्वरे तरफां सन्देश मैल्ले, त जै ज्ञोने लोरोए तै चुप भोए, ते तैस ज्ञोने दे। 31 किजोकि तुस सब अक-अक भविष्यिवाणी केरि बटतथ, पन अक-अक भोइतां ताके सब शिखन, ते हिम्मत बद्दे। 32 जै नवी परमेश्वरो सन्देश शनाते, तै अपने आपे वशे मां रख्यो। तै इस काबले कि अपने मेझी सेइं ज़ोई बटते ते चुप रेइ बटते। 33 किजोकि परमेश्वर गडबड केरनेबालो नई, पन शान्ति देनेबालोए; ई तै कानूने जैस परमेश्वरे सैरी कलीसियारे लोक मन्तन। 34 कुआन्शां कलीसियारे सभाई मां चुप रान, किजोकि तैन गल्ला केरनेरो हुक्म नई, जैन्वरे कानूने मां लिखोरु भी आए। 35 ते अगर तैना किछ स्वाल पुछ्यो चान, त सभाई मां न पुछ्यन पन घरे अपने-अपने मुन्शन पुछ्यन, किजोकि कलीसिया मां कुआन्शां केरि जादे गल्लां केरनि ठीक नई। 36 एरु किजो आए तुसन मरां किछ लोक पेहले जोरे नियमन किजो न मनूं चान? कुन तुस सोचतथ कि तुस पेहले लोक आथ जैनेरी परमेश्वरे वचन दितू? या सिर्फ तुसन दितू? 37 अगर कोई मैनूं अपनो नवी समझै, या इन समझै कि मीं पवित्र आत्मारे तरफां वरदान मैलोरुए, त इन समझै कि जैना गल्ला अंवं तुसन लिखताई, तैना प्रभुएरे कुक्मन। 38 पन अगर कोई इन गल्लन मने, त तैन पुढ़ विश्वास न केर। 39 एल्हेरेलेइ हे ढ्लाव ते बेइनव, भविष्यिवाणी केरनेरी बड़ी इच्छा रखा, ते गैर भाषाई केरनेरे लेइ न ठाक। 40 पन तैन सब किछ जैन तुस कलीसियाई मां केरथत तरीके सेइं कियूं गाए।

**15** हे ढ्लाव ते बेइनव, अंवं तुसन तैए खुशखबरी याद कराताई जै मीं तुसन शुनावरी थी, ते जैस सन्देश पुढ़ तुमेई विश्वास कियोरो थियो, ते जैस पुढ़ तुसेरी लगातार भरोसो रख्योरोए। 2 अगर तुस तैस खुशखबरी पुढ़ लगातार विश्वास केरेले राले, जै मीं प्रचार की, त परमेश्वर तुसन बचालो। नई त तुशो विश्वास केरनो बैफैदो भोव। 3 एल्हेरेलेइ मीं तुसन खास सन्देश दितो, जै मीं प्रभु यीशु मसीह करां मैल्लो। तै सन्देश ई आए, कि पवित्रशास्त्ररे मुताबिक यीशु मसीह इश्शे पापों केरे लेइ मरो 4 ते दोबो जेव, ते पवित्रशास्त्ररे मुताबिक दलेइयोव दिहाड़ मुड़दन मरां ज़ीती भोव। 5 ते कैफा (यानी पतरस) ते 12 चेलन लेइहोव। 6 फिरी 500 करां जादे चेलन एककी साथी लेइहोव, जैन मरां हेजु बड़े ज़ीतन ते किछ मेरी ज़ोरेन। 7 फिरी याकूब लेइहोव फिरी सेभी प्रेरित लेइहोव। 8 ते आखरी मां तैनी अपनो आप मीं पुढ़ भी पुढ़ बांदो कियो, अंवं जै तैस बच्योरे जेरो आई जै ठीक वक्ते पुढ़ नई ज़मोरू। 9 किजोकि अंवं प्रेरित न मरां सेव्यना निकोडोई, बल्के प्रेरित जूवानेरे काबल भी नई, किजोकि अंवं परमेश्वरे कलीसियारे विश्वासी लोकन सतातो थियो। 10 पन परमेश्वरे अनुग्रहे सेइं अंवं प्रेरित आई। ते तैसेरो अनुग्रहेरो अस्सर ई भोव कि, मीं तैन होरि प्रेरित करां बेदूतां मेहनत

भी की, ते ई मेहनत मीं अपने तरफां न की, बल्के परमेशरे मेरी मद्दत की, कि अब इन केरि। 11 ते चाए अवं भोइ, चाए होरे प्रेरित भोन, अस तैस मसीहेरे बारे मां सन्देश प्रचार करतम, ते इस्से पुढ़ तुसेई भी विश्वास कियो। 12 एल्होरेले द्विनी अवं पुलुताई, जैखन मसीहोरे ई प्रचार कियो गाते, कि तै मुड़दन मरां जींतो भोव, ते तुसन मरां किछ किजो ज़ोतन, कि मुड़दां केरु जींतू भोनू अध्थी नईः? 13 अगर मुड़दां केरु जींतू भोनू अध्थी नई, ते फिरी मसीह भी नई जींतो भोरो। 14 ते अगर मसीह भी मुड़दन मरां जींतो नई भोरो, ते फिरी इश्शो सन्देश प्रचार केरनो भी बे फैदोएः ते तुश्शो मसीह पुड़ विश्वास केरनो भी बे फैदोए। 15 अगर मुड़दां जींते न भोन, त असेई इन ज़ोडां परमेशरे बारे मां द्यूठ ज़ोव, कि परमेशरे मसीह जींतो कियो ज़ैन तैन हकीकित मां नई कियोरु। 16 अबं दुबारां फिरी जींताई, अगर कोई मुड़दन मरां जींतो न भोए, ते फिरी मसीह भी मुड़दन मरां जींतो नई भोरो। 17 ते अगर मसीह मुड़दन मरां जींतो नई भोरो, त तुश्शो मसीह पुड़ विश्वास भी बे फैदोए, ते तुस हेजू तगर अपने पापन मां जींते लोरेथ। 18 बल्के ज़ैन मसीह पुड़ विश्वास केरनेबाले मर्नें, तैना भी नाश भोए। 19 अगर अस सिर्फ इस ज़िन्दगी मां मसीह करां उमीद रखतम ते फिरी अस सेब्बी मैनून करां नुभागम। 20 पन सज्ज त इन आए कि परमेशरे मसीह मुड़दन मरा इन साबत केरने लेइ जींतो कियोरो, ते ज़ैना मर्नें, तैन मां पेइलो फल भोए। 21 किजोकि ज़ैन पेइले मैने यानी आदमे कियूं तैसेरे वजाई सेइं सब मैन्हु मरे, एन्हरे ज़ैना विश्वासी लोक एजनेबाले वक्ते मां मुड़दन मरां जींते किये गाते, तैन भी एक्की मैनेरे केरनेरे वजाई सेइं आए, ते तै मैन्हु मसीह आए। 22 एल्होरेले एक्की मैनेरे पापेरे यानी आदमेरे वजाई सेइं सब मैन्हु मरतन, तेन्वरे एक्की मैनेरे केरनेरे सेइं यानी यीश मसीहे वजाई सेइं सरे फिरी मुड़दे जींते किये गाते। 23 पन हर कोई ठीक तरीके सेइं ज़िन्दारे लेइ वापस एजेलो, पन मसीह मुड़दन मरां जींतो भोनेबालो पेइलोए, फिरी ज़ैन लोकां केरो रिश्तो तैस सेइं साथी आए, तैना भी जींते भोलो। 24 एसेरां पत्ती, मसीह सैरी दुष्ट शक्ति नाश केरेलो ज़ैना परमेशरी खलाफत केरतिन। ते दुनियारो खातमों भोलो। तैखन मसीह, अपने बाजी परमेशर अपनू राज, राज़ केरने लेइ पूरे तरीके सेइं देलो। 25 मसीहे तेइस तगर राजरू ज़ेरु राज़ केरनू ज़रूरीए, जांतगर परमेशर तैसेरे सारे दुश्मन्त तैसेरे अधीन न केरे। 26 सेब्बना आखरी ज़ै दुमनू खतम कियो गालो तै मौते। 27 जैखन पवित्रशास्त्र ज़ोते परमेशरे सब किछ कैसेरे अधीन मां केरेलो त इस मां परमेशर अकैल्लो प्रभुए तैए हर एक्की मां, ते हर गल्ली मां कम केरते। 29 हुनी तुस इस बारे मां सोचा, तुसन मां किछ एरे आन ज़ैना मर्ने लोकां केरे लेइ बपतिस्मो नेतन, ते कोई तैन बपतिस्मो देते, अगर जेन्वरे किछ लोक ज़ोतन, विश्वासी लोक मुड़दन मरां जींते नई भोने, ते फिरी एन केरनेरी कोई कीमत नई ते किरी एन केरनेरी वजा नई। 30 ते इश्शो लेइ, अगर मुड़दे जींते किये गान त अपनो आप खतरे मां रखनो बेवकूफी आए। 31 हे ढलाव ते बेइनव, इन पक्कू आए कि तुश्शो बारे मां घमांड केरताई, किजोकि तुस इश्शो प्रभु यीश मसीह मां आथ, इन भी पक्कू आए कि अबं रोज़ मौतरे खतरे मां राताई। 32 मीं इफिसुस नगरे मां बैडे तैन केरे वजाई सेइं मुशकलां झील्ली ज़ैना मेरी खलाफत केरते थिये, तैना जगली जानवरां केरे ज़ेरे थिये। लोकां केरे खियाले सेइं मीं तैन मुशकलन सेइं कुन हासिल कियूः? किछ भी नईः। एल्होरेले इन साफे कि मुड़दे दुबारां जींते न किये गान, त इन रोड़ए ज़ैन लोक ज़ोने लोरेन, “एज्जा, खाम पीम, किजोकि असेई कालां मरनू आए ते इन सब खतम भोनू।” 33 ज़ैना एरी गल्लां जोतन तैन केरे वजाई सेइं बेवकूफ न बना, “बुरी संगती रोडे चाल-चलने बगाड़ीताए।” 34 तुस अपने सोचेरे रोडी बत्तां वापस एज्जा ते पाप केरनो शरा। किजोकि तुसन मां किछ एरे आन ज़ैन केरी रिश्तो परमेशरे सेइं साथी नईः। अबं तुसन छिथानेरे लेइ इन ज़ोताईः। 35 पन किछ पुछतन, “कि मुड़दे केन्वरे जींते

भोतन, ते केरहे जिसमे मां इद्वतन?” 36 हे बे समझाव, बीजे पुड़ ध्यान देथ, जैखन बीज बेवं गाते, त पोदो बन्ने करां पेइलू तैस मरनू पैतो। 37 ते ज़ैन तू बतस, चाए इन गैहु भोन या हालू किछ। इन ज़ै भोनेबालो पोदोए एन तैसेरु ज़ेरु नईः। 38 तैस बेनेरे पत्ती परमेशर तैस एपनी मेरजरे मुताबिक बडाते ज़ातंगर गेहु केरि या होरि आन्वरे डाल बादे न भोन। 39 इस दुनियाई मां हर जींती चीजां अलग-अलग आन इन सेब्बी केरो जिसम अक्कां ज़ेरे नईः। मैन्हु केरो जिसम केरो जिसम जानवरां केरो ज़ेरो नई। चलांडू केरो जिसम, मछली केरो जिसम करां अलगे। 40 जेन्वरे इस धेरतली पुड़ बड़े किसमां केरो जिसम भोतन तेन्वरे अम्बरे मां भी दिहाडो चाँदीनी, ते तारे आन, पन अम्बरेरी चीजां केरि शोभा होरि ज़ेरीए ते धेरतरे चीजां केरि शोभा होरि ज़ेरि आए। 41 ते दिहाडी शोभा होरीए, चेदन्नरी शोभा होरीए, ते तारां केरि शोभा होरीए, किजोकि तारे-तारेरी शोभाई मां फक्के। 42 मुड़दां केरु जींतू भोनू भी एरु आए। ज़ै जिसम नाश भोनेरे हालती मां दबो गाते, पन जैखन जींतो कियो गातो त कथी नाश न भोलो। 43 जैखन अस मरतम (इश्शो जिसम) बद्सूरत ते कमज़ोर भोतन। पन जैखन तै दुबारां जींतो भोतो त तै बड़े खूबसूत ते मज़बूत भोते। 44 जेन्वरे इश्शो जिसमे मास ते खूने सेइं आन, एरे जिसम आन ज़ैन परमेशरेरो आत्मा ज़िन्दगी देते। ते इश्शो जिसम ज़ै मासे त कने खूनेरोए तैस जिसमे मां बेदलोलो, ज़ै परमेशरेरो आत्मारे तरफां दितो गाते। 45 पवित्रशास्त्रे मां इन भी लिखोरुए, “कि पेइलो मैन्हु, मतलब आदम, जींतो प्राणी बनो,” त आखरी आदम, यानी मसीह, हमेशारी ज़िन्दगी देनेबालो बनो। 46 मासे ते खूने सेइं साथी पेइले जिसम वजूदे मां आए फिरी तैना जिसम ज़ैना परमेशरेरो आत्मा देते। 47 पेइलो मैन्हु ज़मीनरो मतलब मित्ती सेइं बनोरो थियो, तेन्वरे दुड़योरे मैन्हु यानी मसीह, स्वर्गां ओरो थियो। 48 लोक ज़ैना इस धेरतरेन तैना धेरतरे पेइले मैन्हु आदमेरे ज़ेरेन। पन ज़ैना लोक स्वर्गरेन तैना स्वर्गे मैन्हु यानी मसीहोरे ज़ेरो आन। 49 ते जेन्वरे असेई तैसेरु रूप ज़ै मितारो थियू धारण कियूं तेन्वरे तैस ज़ै स्वर्गारोए तैसेरु रूप धारण केरेमेले। 50 हे ढलाव ते बेइनव, इश्शो जिसम इस धेरती पुड़ मास ते खूने सेइं बनोरो भोते, अस एरे ज़ेरे जिसमे सेइं साथी स्वर्गे मां परमेशरेरे राज्जों मां रानेरे काबल न भोले। अस स्वर्गे मां अपने मरने बाले जिसमे सेइं साथी न रेड बटमेले, ज़ै मरते, किजोकि तैडी कोई मौत नईः। 51 शुना, अबं तुसन सेइं भेदीरो गल ज़ोताईः, अस सब नई मरने, पन जैखन आखरी नड़ियोरी आवाज भोली, त अस सब एक्की पले मां बेदलोनेम, 52 ते इन एक्की पले मां, ज़ै न्वरे कोई चिप केरो, जैखन आखरी नड़ियोरो बजाव गालो त ज़ैना मरे थिये तैना जींतो भोनेन ताके हमेशारे लेइ जींती रान, ते अस ज़ैना जींतेम, इश्शो जिसम बेदलोनेन। 53 किजोकि इश्शो जिसम ऐसैनी सेइं मरते ते शडते, ते ई तैस जिसमे मां बेदलोई गालो जै कथे न मरे ते न शडे। 54 जैखन इन भोलू, तैखन पवित्रशास्त्रे मां लिखोरु परमेशरेरु तैन वचन पूर भोलू, ज़ैन ज़ोते, “मौत रोडे चारो हाराई गाली ते तैसेरु कोई वजूद न रालू।” 55 एन्वरे ज़ैन पवित्रशास्त्रे मां लिखोरु तैन पूर भोलू, “हे मौत तेरी जींत कोई राईः? हे मौत तेरो डस कोई राव?” (Hades g86) 56 मौती तकलीफ देनेरो शक्ति पापे करां मैलतीए, ते पापे कानूने करां शक्ति मैलतीए। 57 पन परमेशरेरु शुक्र भोए, ज़ै इश्शो प्रभु यीश मसीहोरे जिरिये पापे ते मौत पुड़ जींत देते। 58 हे मेरे ढलाव ते बेइनव, विश्वासे मां मज़बूत राथ ते गलत शिक्षाई सेइं न टेपलोथ, ते हमेशा प्रभुएक कम जोशी सेइं केरा, किजोकि तुस इन जानतथ, कि ज़ैन किछ तुसेरी प्रभुयोरे लेइ कियूं तैन बेफैदू नईः।

**16** हुनी तुशे तैस चन्द्रेरे सवालेरे बारे मां जै यस्तलेम नगरेरे परमेशरेरे लोकां केरे लेइ कियो गाते, तुसेरी भी तेन्वरे कियोरु लोडे जेन्वरे मां गलतियरे कलीसियान हुक्म दितो। 2 हफतेरे पेइले दिहाडे तुसन मरां हर कोई अपने आमदरेरे मुताबिक किछ एप्पू कां रखा, कि मेरे एजने पुड़ चन्दो अकोद्दो न केरनो पे। 3 जैखन अबं तैडी भोई, अबं किछ लोक भेजेलो ज़ैन तुस चुनेले कि एना भरोसेरे काबलन, चन्दो घिन्ता यस्तलेम नगरे जो गान। अबं तैन कां चिट्ठी भी भेजेलो ताके विश्वासी लोक तैन केरे बारे मां ज़ानन्। 4

ते अगर मेरू भी गानू ज़रूरीए, त तैना मीं सेइं साथी गाले। 5 ते मकिदुनिया गानेरे बाद अवं तुसन कां एज्जी रावरोई, किजोकि मीं मकिदुनिया मेइं गानेरो बिस्तार बनोरोए। 6 भौइ सकते, अवं तुसन सेइं साथी किछ चिरे रुकेलो, शेइद पूरे हिवतडो, फिरी तुय जेरां मीं गानू भोलू तेरहां मीं भेज़ां। 7 अगर ई परमेश्वरी मर्जी भोली, ते मीं उमीदे अवं बादे मां जादे चिरे लेइ तुसन कां एज्जेलो, न कि इस वके थोडे चिरे लेइ। 8 पन अवं पेन्तिकृसत तिहारे तगर इफिसुस नगरे मां रानोई। 9 किजोकि मीं बडो रोडो मौको मैलोर जैस सेइं अवं तैन कम केरि सकताई जेसेरो अस्सर बडोए, चाए बडे लोक मेरी खलाफत केरनेबाले आन। 10 अगर तीमुथियुस एज्जे, त तैस कबूल केरा, तैसेरी रोडे चारे आदर केरा, किजोकि तै सेरो ज़ेरो प्रभुएरु कम केरते। 11 एलहोलेइ कोई तैस घटिया न समझे, पन तैन केरे सफरे लेइ ज़ै ज़रूरते तैन खुशी सेइं देथ। ताके मीं कां एज्जन, किजोकि अवं तैस लोरोई बलगने, कि तै विश्वासी ढलाव सेइं साथी एज्जे। 12 ते विश्वासी साथी अपुल्लोसे सेइं मीं बड़ी बिनती की, कि तुसन कां होरि विश्वासी मैनन् सेइं साथी गाए जैना तुसन सेइं मिलने ओसर। पन तैनी इस वके गानू न चाव, पन ज़ैखन ठीक वक्त भोलो, तैखन एज्जेलो। 13 खबरदार राथ, विश्वासे मां मज़बूत भोथ, हिम्मत रखा, मज़बूत भोथ। 14 जैन किछ केरतथ तैन व्यारे सेइं केरा। 15 हे ढलाव ते बेइनव, तुस स्तिफनासेरे टब्बरे ज़ानतथ, कि तैना अखाया इलाकेरे, पेइले मसीह पुढ़ विश्वास केसेबालेन, ते परमेश्वरे लोको केरि मद्दत केररे लेइ जैन किछ केरि बटते थिये तैनेई तैन कियू। 16 अवं तुसन कां बिनती केरताई कि एरे लोकां केरे अधीन राथ, बल्के तैन केरे भी जैना इस कम्मे मां मेहनत केरनन ते मद्दत केरनेबालन। 17 ते अस स्तिफनास ते फूरतूनातुस ते अखड़कुसेरे एजने सेइं खुश आई, किजोकि ज़ेइस तुस इडी न थिये, तैनेई मेरी ज़रूरतां पूरी केरने लेइ मेरी मद्दत की। 18 ज़ैन्चरे तुसेई अवं खुश कियो, तेन्चरे तैनेई भी अवं खुश कियो, एल्हेरेलेइ एरे लोकां केरि तारीफ केरा। 19 आसिया इलाकेर कलीसियां केरे सारे विश्वासी लोकां केरे तरफां तुसन नमस्कार; अकिवला ते तैसेरी कुआन्श प्रिस्कारे तरफां ते तैन केरे घरे कलीसियाई भी तुसन प्रभु मां हळु-हळु नमस्कार। 20 इट्टरे विश्वासी लोक तुसन नमस्कार ज़ातन, मसीहेरे व्यारे सेइं एककी होरि जो नमस्कार केरा। 21 अवं पौलुस अपने हथे सेइं नमस्कार लिखताई। 22 अगर कोई प्रभु सेइं व्यार न रखे तै लानती भोए, हे इश्शे प्रभु एई! 23 प्रभु यीशुएरो अनुग्रह तुसन पुड़ भोतो राए। 24 अवं तुसन सेब्बन सेइं व्यार केरताई जैन केरो रिश्तो यीशु मसीह सेइं साथीए। आमीन।

# 2 कुरिन्थियों

1 अब पौलुस परमेशरेरे मेर्जी सेइं यीशु मसीहेरो प्रेरिताई, मेरे त कने द्वाला तीमुथियुसेरे तरफां ईचिट्टी परमेशरेरी तैस कल्पसियारे नव्वे, जै कुरिन्थुस मां, ते सारे अखाया इलाकेरे सब पवित्र लोकों केरे नव्वे, 2 इश्शे बाजी परमेश्वर ते प्रभु यीशु मसीहेरो बाजी, जै दया केरनेबालो बाजीए, ते जै असन हमेशा तसल्ली देनेबालो परमेशरे। 4 तै इश्शे सेब्बी मुसीबतन मां असन तसल्ली देते; ताके अस तैस तसल्लेरे वजाई सेइं जै परमेश्वर असन देते, तैन भी तसल्ली देइ बटम, जैना कोन्ची वजाई सेइं मुसीबतन मां आन। 5 किजोकि जैन्वरे मसीहे दुःख झौलेरेतन तेन्वरे अस भी दुःख झौलतम, एलहेरेलै असन तसल्ली भी मसीहेरो जिरिये जादे भोतीए। 6 अगर अस दुःख झौलतम, ते ई तुश्शे तसल्लरे ते तुश्शे मुक्ते लेइए ते अगर असन तसल्ली मैलतीए, ते ई तुश्शे तसल्लरे लेइ आए; जैसेरे असरे सेइं तुस सबरी सेइं तैना दुखन झल्लतथ, जैना अस भी झल्लतम। 7 ते इश्शी उमीद तुश्शे बारे मां पक्कीए; किजोकि अस जानतम, कि जैरे दुःखन तुसेई असन सेइं साथी झौल्ले, तेरी तसल्ली तुसन भी असन सेइं साथी मैलती, जै असन परमेश्वर देलो। 8 हें द्वाला ते वेदनव, अस न चाम कि तुस इश्शी तैस दुखे करां अनजान राथ, जै आसिया इलाके मां असन पुड अव, कि एरो भारी बोझ असन पुड ओरोए थियो, जै इश्शे लेइ छूनो मुश्किल थियो, इडी तार कि असन अग्रोंव जो जीनिरी कोई उमीद न थी। 9 बल्के असेर्ई अप्पे मने मां समझोरु थियूं, कि अस मारे गानेम ते अस अपनो भरोसो न रखम, बल्के परमेश्वर पुड भरोसो रखम जै मुड़दन जीते करते। 10 तैन अस एत्रे बडे मौतेरे खतरे करां बज्जाए, ते बज्जालो; ते तैस करां इश्शी ई उमीदे, कि तै अग्रोंव भी बज्जातो रालो। 11 तुस भी मिलतां प्राधन्याई सेइं इश्शी मद्दत केरेले, कि जैना बरकतां असन बडां लोकां केरे जिरिये मैली, किजोकि परमेश्वर अनुहो सेइं इश्शी हाफ़ज़तरे लेइ बेडी प्रार्थनां शून्नी, तैलहेरेलै बडे लोक इश्शु भोतु परमेशरेरु शुक्र केरन। 12 किजोकि अस अप्पे इस जमरीरे गुवैही पुड घमाउ केरतम, कि दुनियाई मां, खास केरतां तुसन मां इश्शो चालचलन परमेशरे लायिक ते पवित्रतैई ते सचैई सेइं थियो। जै दुनियारे जाने सेइं नई, बल्के परमेशरेरे अनुग्रह सेइं साथी थियो। 13 अस हमेशा तुसन इन लिखतम ताके तुस पढुय ते समझाइ, ते मीं उमीदे, कि आखरी तारा समझते भी राले। 14 जैन्वरे तुसन मरां केरेई मन्नोरु भी आए, कि अस तुश्शे थमांडेरी वजाम; तेन्वरे तुस भी प्रभु यीशुरे वापस एजन्वरे दिहाडे इश्शे लेइ थमांडेरी वजा भोले। 15 ते इस भरोसे सेइं, अब चातो थियो कि पेइलो तुसन कां एज्जी; कि तुसन दुग्गी बरकत मैल्ले। 16 ते तुसन मेंद निस्तां मकिदुनिया इलाके जो गई ते किरी मकिदुनियारां तुसन कां एज्जी, ते तुस मेरी सफरेरी ज़रूरतरे मुताबिक मदह केरतां यहूदिया इलाकेरे पासे किछ दूर पुजाथ। 17 एलहेरेलै मीं जैने ई इच्छा कियोरी थी कुन मीं चंचलता हिराई? या जैन केस्नु चाताई कुन दुनियारे लोकां केरे जैरु केरनु चाताई, कि अब गल्ली मां हाँ हाँ भी केरि; नई, नई भी केरि? 18 जैन्वरे परमेश्वर वफादारे, तेन्वरे कि इश्शे तैस वचने मां जै तुसन सेइं जोऽवं, “हाँ” ते “नई” दुध्ये न मैल्ले। 19 किजोकि परमेशरेरु मदु यीशु मसीह जेसेरो इश्शे जिरिये मतलब मेरे ते सिलवानुस ते तीमुथियुसेरे जिरिये तुसन मां प्रचार भोव; तैस मां “हाँ” ते “नई” दुध्ये न थी; पन तैस मां “हाँ” ए “हाँ” भोइ। 20 किजोकि परमेशरेरे जैत्रे वादेन, मसीह मां हाँए सेइं आन, एलहेरेलै मसीहेरो जिरिये आमीन भी भोइ, कि इश्शे जिरिये परमेशरी महिमा भोइ। 21 ते जै असन तुसन सेइं साथी मसीह मां जमजूत केरते, ते जैने इश्शु अभिषेक कियोराए, तै एरपरमेशरे। 22 जैने असन पुड छाप भी की, ते जैन्वरे कोन्ची चीज़ेरे लेइ साई देतन तेन्वरे तैनी पेइली आम्ता इश्शे मने मां दित्ती। 23 परमेश्वर मेरे इस सचैयारो गवाह कि अब कुरिन्थुस नगरे मां दुबारां एलहेरेलै नई ओरोए कि अब तुसन दुःख देनो चातो थियो। 24 इन नई, कि अस विश्वासेरे बारे मां

तुसन पुड राज केरनू चातम; पन तुश्शे आनन्दे मां तुश्शी मद्दत केरनेबाले आम, किजोकि तुस विश्वासे सेइं मज़बूत रातथ।

2 मीं अप्पे मने मां इन थापेस थियूं, कि फिरी तुसन कां एइतां तुसन दुख न देई। 2 किजोकि अगर अब अब तुसन दुखी केरि, त मीं आनन्द देनेबालो कौन भोलो, सिफ़ तै जै मीं दुखी कियोरोए? 3 ते मीं ई गल तुसन एलहेरेलै लिखी, कि ए रु न भोए, कि मेरे एजने पुड जैन सेइं आनन्द मैल्लेरो लोडितो थियो, अब तैन करां दुखी भोई; किजोकि मीं तुसन सेब्बन पुड इस गल्लरो भरोसोए, कि जै मेरो आनन्द, तै तुश्शो सैरी करो भी आए। 4 मीं बडे दुःख, ते मनेरे कष्टे सेइं, बडे एंखरन सेइं तुसन चिट्टी लिखोरी थी, एलहेरेलै नई, कि तुस दुखी भोथ, पन एलहेरेलै कि तुस तैस बडे प्यारे जानथ, जै मीं तुसन सेइं आए। 5 ते अगर केन्वे दुखी कियोरोई, त अब नई बल्के (तैस सेइं बडी सखती न केरि) किछ-किछ तुस सब दुखी कियोरेथ। 6 एरे मैनेरे लेइ ई सज्जा जै विश्वासी ढालान मरां बडेरी दित्ती, सुझी आए। 7 एलहेरेलै इस करां इन रोडाए कि तैसेरो पाप माफ केरां; ते तैस तसल्ली देथ, एरु न भोए कि एरो मैनू उदैसी मां डुबे। 8 एलहेरेलै अब तुसन कां बिनती केरताई, कि तैस अप्पे प्यारेस बस्तू देथ। 9 किजोकिमीं एलहेरेलै भी लिखोरु थियूं, कि तुसन पेरव्वी, कि तुस मेरे सब गल्लां मनेरे लेइ तियार आथ या नई। 10 जैस तुस माफ़ केरतथ तैस अब भी माफ़ केरताई, किजोकिमीं भी जैन किछ माफ़ कियोरुए, अगर कियेव भोए, त तुश्शी वजाई सेइं मसीहेरो तैरी भोइतां कियोरुए। 11 कि शैतानेरो असन पुड दावो न चले, किजोकि अस तैसेरो चालन करां अनजान नई। 12 ते जैखन अब मसीहेरी खुशखबरी शुनाने त्रोआस नगरे मां अव, ते प्रभुरु मेरे लेइ अक बत खोल्ली। 13 त मेरे मने मां चैन न भोइ, एलहेरेलै कि मेरे विश्वासी ढाला तीतुसे तुश्शे एहुं कोई खबर थिन्तां न अब; ते अब त्रोआसेरे विश्वासी लोकन करां अलग भोइतां अब वापस मकिदुनिया इलाके मां अव। 14 परमेशरेरु शुक्र भोए, जै मसीह मां सदा असन जीतारे जशने मां चलाते, ते अप्पे जानेरे खुशबू इश्शे जिरिये हर ठैरी फैलाते। 15 किजोकिअस परमेशरेरो कां मुक्ति मैलने बालां, ते नाश भोने बालन कां, दुखांये केरे लेइ मसीहेरी खुशबू आम। 16 केत्रा केरे लेइ त मनेरे मुशक, ते केत्रन जो जिन्दगरे लेइ जिन्दारी खुशबू, ते इन गल्लां केरे काबल कैने? 17 किजोकिअस तैन केरे जैरे नई, जैना परमेशरेरु वचन पेइसां केरे लेइ प्रचार केरतन, पन अस मनेरी सचैई सेइं, ते परमेशरेरे तरफां परमेश्वर हाज़र सेमझातां मरीही मां जौतम।

3 कुन अस दुबारा फिरी अप्पन बडायाई केरने लगम? या असेर्ई केत्रा केरि जैरी सुपाराशारी चिट्टी तुसन कां एनिन या तुसन करां नेनिन? 2 तुस एप्पु इश्शी लेइ चिट्टी केरे जेरेथ, जैन इश्शे लेइ सुपाराश केरतिन, जैन इश्शे दिले पुड लिखोरिथ, तैन हर कोई पेढी सकते ते जैना रोडां कम्मां असेर्ई कियोरन, तैन लोक पिशेनी सकतन। 3 इन बांदूए, कि तुस मसीहेरो चिट्टी केरे जेरेथ, जैन असेर्ई सेवकां केरे जैरी लिखीं; ते जैना शैही सेइं नई, पन जैति परमेशरीरी आत्माई सेइं घोड़ा केरे तेख्यी पुड नई, बल्के दिलेरे मासेरे तेख्यी पुड लिखोरिन। 4 अस मसीहेरो जिरिये परमेशरेरु पुड एरु याकीन रखतम। 5 इन नई, कि अस अप्पने आपे सेइं इस काबलम, कि एप्पु कोन्ची गल्लरे बारे मां सोची बटम; पन इश्शी काबलीत परमेशरेरत रफां आए। 6 जैनी अस नंवे करारेरे सेवक भोनेरे काबल भी किये, मूसेरे कानूनेरे सेवक नई बल्के पवित्र आत्मा सेइं, किजोकि मूसेरो कानून न मन्नेरो नेतिजो मौत भोते, पन पवित्र आत्मा हमेशारी जिन्दगी देते। 7 जैखन मूसेरो कानून जैसेरे जिरिये मौत एइती जैसेरे लफास घोड़ा केरे तेख्यतिन पुड घेडतां लिखोरे थिये, इडी तगर महिमा बाले भोए, कि इसाएली लोक मूसेरे तुतरें तेकि न थी बट्टे, पन तै जादे वक्ते तगर न राव, 8 ते आत्मारो करार होरो भी महिमा बालो किना भोलो? 9 किजोकिदोषी ठहरने बालो करार महिमा बालो थियो, ते धर्मी बाले बालो करार होरो भी महिमा बालो किना भोए! 10 ते जै पुराने महिमा बालो करार थियो, तै नव्वे करारे करां महिमा बालो न भोव। 11 किजोकि मूसेरू कानूने जैसेरी महिमा थोड़े वक्तेरे लेइ थी, महिमा बालो

थियो, त तै नव्वों करार जै कायम रालो, होरु भी महिमा बालू किजो न भोलो! 12 एल्हेरेलेइ एरी उमीद रेखतां अस दिलेरी सेइं ज्ञोतम। 13 अस मूसेरो ज़ेरे नई, ज़ैने अपने तुरते पुड़ पड़दो रखोरो थियो ताके इसाएली लोक तैस घटने बैली महिमारो अन्त न लहन। 14 पन तैन केरे मन सखत भोए, किजोकि अज्ञ तगर पुरानो नियम पढ़ते बार तैन केरे मन्न पुड़ तैए पड़दो रहते; पन पड़दो सिर्फ तै मसीह पुड विश्वास केरेने सेइं उठते। 15 ते अज्ञ तगर जैखन भी मूसेरो कानून पढ़ा गाते, ते तैन केरे मन्न पुड़ सदा पड़दो रहते ते तैन रोड़ चारे समझ न एज्जे। 16 पन जैखन भी तैना प्रभु यीशु पुड़ विश्वास केरेले, तैखन तै पृष्ठो दूर भोलो। 17 प्रभु त आत्मा आए, ते ज़ैडी भी प्रभुएरो आत्माए तैडी कानूने करां आजारी आए। 18 पन जैखन इशे सेबी केरे बगैर पड़दे तुरतन सेइं प्रभुएरु प्रकाश बांध भोते, ज़ैन्वरे शीरो मां, ते प्रभुएरे ज़िरिये जै आत्माए, अस प्रभुएरे महिमा बाले रुपे मां थोड़े-थोड़े बदलते रातम।

**4** एल्हेरेलेइ अगर असन पुड़ एरी दया भोइ, कि असन ई खुशखबरी शुनानेरी सेवा मैल्ली, त अस दिलेरी न शारम। 2 पन असेइं शरमर्मौं छपोरां कम्मा शारेन, ते न चलैकी सेइं चलते, ते न परमेशरेरे वचन मां मलातर केरम। पन परमेशर इशों गवाहे कि अस सत्र ज्ञोतम, ते हर कोई गवाही देते कि इन सच्चे। 3 पन अगर इशो खुशखबरी पुड़ पड़दोए, त ई नाश भोने बालां केरे लेइपु। 4 ते तैन विश्वास न केरनेबालां केरे लेइ, जैन केरे अकल इस दुनियारे इश्वर शैताने कानी कियोरीए, ताके मसीह जै परमेशरेसु रुपे, तेसेरी महिमा खुशखबरारी लो तैन पुड न चमके। (aiōnios g165) 5 किजोकि अस अपनो नई, बल्के यीशु मसीहोरे प्रचार केरतम, कि तै प्रभुए; अस यीशु मसीहोरे वजाई सेंदू तुशें सेवकम। 6 एल्हेरेलेइ कि परमेशर तै आए जैनी ज़ोवं, “कि आंधेर मरां लौ चमके,” ते परमेशर इशे दिलन मां लोअरी जेरि समझ दित्ती, कि अस परमेशरेरी महिमा पिशानम जै यीशु मसीह मां लेइहोई। 7 पन अस मितारे भांडां केरे जेरेम जैन मां धन रखेरु, कि ई हछठी शक्ति इशे तरफां नई, बल्के परमेशरेरे तरफां भोए। 8 अस चेन्वे पासना दुःख त इलात्तम, पन मुशकली मां न पेम; घबरातम, पन न उमीद न भोम। 9 सताए त गातम, पन शारे न गाम, बछोड़े त गातम पन नाश न भोम। 10 अस यीशु मसीहोरी मौत अपनि जानी मां हर वक्त चलातम; कि जैन किछ अस केरतम तैसेरे ज़िरिये लोक यीशुएरा ज़िन्दगी हेरेले। 11 किजोकि इशो ज़ीते सांसेइं, सदा यीशुएरो वजाई सेइं असन मौरे खतरो भोतो थियो, कि यीशुएरी ज़िन्दगी भी इशो नाश भोनेबाले जानी मां बांदी भोए। 12 अस त मौतरे खतरे मां जीतम पन इसेरो नितीजो तुशें लेइ हमेशारी ज़िन्दगी। 13 ते एल्हेरेलेइ कि असन मां तैए विश्वासेरी आत्माए, “ज़ेसेरो बारे मां पवित्रशास्त्रे मां लिखोरुए, कि मीं विश्वास कियो, एल्हेरेलेइ मीं ज़ोव” एल्हेरेलेइ अस भी विश्वास केरतम ते ज्ञोतम। 14 किजोकि अस ज्ञानतम, जैने प्रभु यीशु मुँदन मरां ज़ीतो कियो, तैए असन भी यीशु मसीह मां हिसेदर सेमझतां ज़ीति केरेलो, ते तुसन सेइं साथी अपने सामने हाजर केरेलो। 15 किजोकि सारे दुःख जैना असन पुड आन, तुशे लेइ आन, ताके परमेशरेरो अनुग्रह जादे करां जादे लोकन मसीह कां आने, ते बड़े लोक परमेशरेशु शुक्र केरेलो। 16 एल्हेरेलेइ अस दिलेरी न शारम; अगर इशी बैरी इन्सानयत नाश भी भोए, त किरी भी इशी एननी इन्सानयत रोज़ न नव्वी भोती रहतीए। 17 किजोकि इशो एक्की पलेरो थोड़ो ज़ेरो दुःख बड़ी ते हमेशारी महिमा पैदा केरते, जेसेरी तुलना केन्वी सेइं न केरोए। (aiōnios g166) 18 ते अस त लेवरी चीजन नई पन अलैई चीजन लाते रातम, किजोकि लेवरी चीजां थोड़े दिहाड़ां केरे लेइ आन, पन अलैई चीजां हमेशरे लेइ आन। (aiōnios g166)

**5** किजोकि अस ज्ञानतम, कि जैखन इशो जिसम जै धेरतली पुड़े ते तेम्बेरो ज़ेरो आए मेरांना नाश भोलो, त असन परमेशरेरी तरफां स्वर्मे मां अक भवन मैलनोए, जै हथ्यां केरो बनावरो नई बल्के हमेशारोए। (aiōnios g166) 2 इस मां अस बड़ू कर लातम, ते बड़ी इच्छा केरतम; कि असन एरो

जिसम मैले जै स्वर्गेर घेरो जेरो भोए। 3 कि जैखन असन स्वर्गेरो जिसम मैल्ले ते अस नगे न लेइहोम। 4 ते अस तेम्बेरे ज़ेरे घेरे मां रेइतां बोझे सेइं देवोइतां कर लाते रातम; किजोकि अस दुनियारो जिसम शास्त्रो न चाम, बल्के इन चातम कि परमेशर असन स्वर्गेरो जिसम दे, ताके जै मरने बालो जिसमे तै न मेरे बल्के हमेशरे ज़िन्दगी मां बेदलोए। 5 ते ज़ैनी अस नव्वे जिसमेरो लेइ तियार कियोरिम जै असन मैलनोए, तै परमेशरे, ज़ैने असन ज़ेन्वरे साई ई देतन तेन्वरे पवित्र आत्मा भी दित्तोरोए। 6 असन सदा पूरु याकीने ते इन जानतम; कि जांतगर अस जिसमे मां रातम, तांतगर अस प्रभु करां अलग आम जै स्वर्गे मां आए। 7 किजोकि अस शकल हेरतां नई, पन विश्वासे सेइं जीताम। 8 एल्हेरेलेइ अस हिम्मत केरते रातम, ते जिसमे करां अलग भोइतां जैखन अस मरमेले त प्रभु सेइं साथी रानू जादे रेडू समझतम। 9 एल्हेरेलेइ इशी मनेरी उमंग ईए, कि चाए अस स्वर्गे मां तैस सेइं साथी रहम, चाए अलग इडी धेरती पुड़ रहम पन अस तैस पसंद एड़ते रहम। 10 किजोकि ज़रूरीए, कि इशो सेबी केरो हाल मसीरो आदालतेरे तखतेरे सामने खुल्ले, कि हर कोन्वी मैनू अपने रोड़ां बुरां कम्मा केरो बदलो मैल्ले जैना तैने जिसमे सेइं कियोरन। 11 अस प्रभुएरो डर मेन्तां लोकन कां बिनती केरतम कि सच्चे पुड़ विश्वास केरन, ते परमेशर रोड़े चारे जानते; ते मेरी उमीद ईए, कि तुस भी अपने दिले मां असन रोड़े चारे जानथ। 12 अस फिरी भी अपनि बड़याई तुशें सामने न केरम, बल्के अस अपने बारे मां तुसन घमण्ड केरनेरो मौको देतम, कि तुस तैन जुवाव देड बटतथ, जैना मने पुड नई, बल्के दिखवटी गल्लन पुड़ घमण्ड केरतन। 13 अगर कोई जोते कि अस पागलम, त परमेशरेरे लेइ अहम; ते अगर कोई जोते कि अस रोड़े अहम त तुशें लेइ आम। 14 किजोकि मसीहोरो प्यार असन मजबूर केरते; एल्हेरेलेइ कि असन याकीने कि जैखन अक मैनू सेबी केरे लेइ मरो जैव त सब मेरि जो। 15 ते मसीह एन्वरे सेबी केरे लेइ मरो, कि जैनी ज़ीतो आन, तैना अग्रोवं जो अपने लेइ न जीन पन तैसेरेलेइ जै तैन केरे लेइ मरो ते फिरी ज़ीतो भोव। 16 एल्हेरेलेइ अजेरां पत्ती अस कोन्वी दुनियारे मुताबिक न समझाम, ते अगर असेइं भी मसीह दुनियारे मुताबिक जानोरो थियो त फिरी भी अज्ञेरो पत्ती फिरी एरु न जानम। 17 ते अगर कोई मसीह मां आए त तै नव्वों साई आए, पुरैनी गल्ला बीती जेई; हेरा, तैना सब नेव्वी भोड़जेझ। 18 ते सब गल्ला परमेशरेरी तरफन, जैने मसीह भेजतां फिरी इशो मेल मलाप एप्पु सेइं कराव, ते लोक तैस सेइं सेल मिलाप केरन ई सेवा परमेशरे असन सौफोरोए। 19 मतलब परमेशरेरी मसीह मां भोइतां एप्पु सेइं साथी दुनियारो मेल मिलाप कियोरोए, ते लोकां केरे पापां केरो दोष तैन पुड नई लोरो, ते परमेशरे मेल मलापेरो बिस्तार असन सौफोरोए। 20 अस मसीहोरो राजदूत अहम; मन्ना कि परमेशर इशें जिरिये बिनती केरते कि तुस तैसेरो सन्देश कबूल केरथ, अस मसीहोरे तरफां बिनती केरतम, कि परमेशरे सेइं साथी मेल मिलाप केरा। 21 मसीह पापे करां अनजान थियो, तैए परमेशरे इशो लेइ पापी ठहराव, कि अस परमेशरेरी नज़री मां धर्मी बनम किजोकि मसीहे इशी पापां केरि सजा भुगतोरीए।

**6** अस जैन परमेशरे सेइं साथी कम केरनेबाले आम ई भी बिनती केरतम, कि परमेशरेरो अनुग्रह जै तुसन पुड भोरोए, जैया न भोने देथ। 2 किजोकि परमेशर पवित्रास्त्रे मां ज़ोते, “कबूल केरनेरो वक्ते मीं तेरी शुनी, ते मुक्तरो दिहाड़े मीं तेरी महत की,” हेरा, हुना तै कबूल केरनेरो वक्ते, हरा, हुना तै मुक्तरी दिहाड़ीए। 3 अस परमेशरे सेइं साथी कम केरनेबाले केन्वी भी गल्ली मां कोई भी मौको न देम, कि इशी सेवाई पुड़ कोई दोष लाए। 4 पन हर गल्ली सेइं परमेशरेरो सेवकां केरे जेरे अपने रोडे गुन्न बांदे केरतम, बड़े सबरी सेइं दुःख सेइं, शारे गाने मां, मशकलन सेइं। 5 कोडे खाने सेइं, कैद भोने सेइं, हैल्लन सेइं मेहनती सेइं, बींझे बिशने सेइं, बरत रखने सेइं। 6 पवित्रतैई सेइं, जाने सेइं, सबरी सेइं, दरवाई सेइं, पवित्र आत्मा सेइं। 7 सच्चे प्यारे सेइं, सच्चे वचने सेइं, परमेशरेरो शक्ति सेइं; अस धार्मिकतारे हथियारन इस्तेमाल केरतम, देवने हथ्ये सेइं हमलो केरनेरो लेइ ते खिंशडे हथ्ये सेइं अपनो आप

बचानरे लेइ। 8 ते जैखन लोक इश्शी इज्जत करतन या असन बेइज्जत करतन, जैखन लोक जोतन अस रोडेम या बुरे मैनूम, अस ईमानदारम फिरी भी लोक छूठ ज्ञातम। 9 अनजाना करे ज़ेरेम; फिरी भी मुश्यम, मरने बाला केरे ज़ेरेम पन हेरा ज़ीतिम, मार खाने बालां केरे ज़ेरेम, पन जानी सेइं न मैरोम। 10 दुःख केनेबालां केरे ज़ेरेम, पन सदा आनन्द करतम, कंगालम, पन बडे लोकन आतिक धनी करतम; एरेम कि असन कां किछ भी नई फिरी भी सब किछ रखतम 11 हे कुरिन्थस नगरेरे विश्वास लोकाव, असेई तुसन सेइं खुलातां गलां कमेई, अस तुसन सेइं पूँ पुले सेइं प्यार करतम। 12 इश्शो मने मां तुशो लेइ बडी ठारे, पन तुशेम मन्न मां नई। 13 पन अंव बच्चे सेमझातां तुसन सेइं जौताई, कि तुस भी तैसेरे बदले असन सेइं प्यार केरा। 14 गैर विश्वासी लोकां केरे सेंगती मां न गाथ, किजोकि धर्मिकता ते अधर्मरो कुन मेल जोल? या लौ ते आंधरेरो कुन साथ? 15 ते मसीहे शैताने सेइं कुन लगाव? या विश्वास केनेबालेरो विश्वास न केनेबाले सेइं कुन तालमर? 16 ते परमेशरे मन्दरे मां मूरती केरे लेइ कोई ठार नई, किजोकि अस त जींते परमेशरें मन्दर अहम; ज़ेन्चरे परमेशरे पवित्रशास्त्रे ज़ोवं, “अंव तैन लोकन साथी रेइलो ते तैन मां चललो पिरेलो; ते अंव तैन केरो परमेशर भोनोई, ते तैन मेरे लोक भोले।” 17 एल्हेरेलेइ प्रभु पवित्रशास्त्रेरे ज़िरिये ज़ीते, “विश्वास न केनेबालन मरा निस्सा ते अलग राथ; ते अशुद्ध चीजन करां दूर राथ; ते अंव तुसन कबूल केरेलो। 18 ते तुशेम बाजी भोइलो, ते तुस मेरां मट्टुं ते कुद्यां भोलां, इन सर्वशक्तिमान प्रभु परमेशरेल वचने।”

**7** किजोकि हे द्लावाव परमेशरे वादो कियोरो कि तै असन अपने बच्चां केरे स्पै मां कबूल केरेलो, त एज्जा, अस अपने आपे ते जिसमेरी ते आत्मारी सब गंदी शुद्ध केरम, ते परमेशरो डर मेनां ते इज्जत करतां, ते परमेशरो बतां चलनेरे लेइ पूरे तरीके सेइं पवित्र ज़िंदगी ज़ीम। 2 असन अपने दिल मां ठार देथ, असेई केन्व्या सेइं बेइन्साफी नई कियोरीए, न केचेरु किछ बिगाडेलाए, ते न कोई ठागोरोए। 3 अंव तुसन दोषी बनानेरे लेइ इन नई लगारो ज़ोने, किजोकि मीं इन घेलू ज़ोस्स, कि तुस इश्शे मने मां बसोरेथ कि अस तुसन साथी मने जीरेने लेइ तियारम। 4 अंव तुसन सेइं बडे दिलेरी सेइं जोने लोरोई, मीं तुसन पुड बडु घमण्डे, अंव तसल्ली सेइं भेरोई जोरोई; अपने सारे दुखन मां अंव आनन्दे सेइं भरपूर राताई। 5 किजोकि जैखन अस त्रअस शैरातां मकिदुनिया इलाके मां आए, तैखन भी इश्शी जानी चैन न भोइ, पन अस चेवे पासना दुःख झाल्लते राए, बेइर लाईडी थी, अन्तर बेडि-बेडि गल्लां थी। 6 फिरी भी उदासन तसल्ली देनेबाले परमेशरे तीतुसेरे एजने सेइं असन तसल्ली दिती। 7 ते न सिर्फ तैसेरे एजने सेइं पन तैसेरी तैस तसल्ली सेइं, जै तैस तुसन करां मैलती थी; ते तैनी तुशीशी इच्छा ते तुशेम दुःख ते मीं सेइं मिलनेर जोशेरी खबर असन शुनाइ, जैस सेइं होरो भी आनन्द भोव। 8 किजोकि अगर मीं एप्पी चिट्ठी सेइं तुस दुखी किये, पन तैस करां पसतर्ई न, ज़ेन्चरे पैइलो पसतातो थियो, किजोकि अंव हेरताई तैस चिट्ठी सेइं तुसन दुःख त भोव पन थी थेडे विरेरे लेइ थियो। 9 हुनी अंव खुशी आई पन एल्हेरेलेइ नई कि तुसन दुःख पुजो, बल्के एल्हेरेलेइ कि तैसेरे दुखेरे वजाई तुसेई पापन करां मन फिराव। किजोकि तुशो दुःख हमेशारी मौत पैदा केरते। 11 ते हेरा, इस्से गल्ली सेइं तुसन परमेशरेरे भेत्तरो दुःख भोव, कि तुसन केत्रो जोश, उज्जर, सरक, डर, इच्छा, मधन भोइ, ते सज्जा देनेरो खियाल पैदा भोव? तुसेई सेब्बी तरीके सेइं इन सिद्ध कियूं, कि तुस इस गल्ली मां बेक्सूर आथ। 12 फिरी मीं जैन तुसन जो सेखती सेइं लिखोरु थियूं, तैन न तैसेरे वजाई सेइं लिखू, जैने बेइन्साफी की, ते न तैसेरे वजाई सेइं जैस सेइं बेइन्साफी भोइ, पन एल्हेरेलेइ कि तुशीशी सरगरामी जै इश्शे लेइहा, ते परमेशरेरे सामने तुसन पुड बांदी भोए। 13 एल्हेरेलेइ असन हिम्मत मैल्ली, ते इश्शी इस हिम्मती सेइं साथी तीतुसेरे आनन्द सेइं होरो भी आनन्द भोव

किजोकि तैसेरो मन तुशेम वजाई सेइं हरो भरोए। 14 किजोकि अगर मीं तैसेरे सामने तुशेम बारे मां किछ घमण्ड हिराव, त छिथोव न, पन ज़ेन्चरे असेई तुसन सेइं सब गलां सच्च-सच्च जौरी थी, तेच्चरे इश्श घमण्ड हिरानू तीतुसेरे सामने भी सच्च निस्सू। 15 ते जैखन तैस तुशेम सेब्बी केरु हुक्मन मन्नेबाले भोन याद एइते; किजोकि तुसेई थरकते-थरकते तैसेरो सेइं मुलाकात की; तैसेरो प्यार तुशेम पासेरो होरो भी बद्धतो गाते। 16 अंव खुश भोताई, किजोकि तुसन करां मीं हर गल्ली मां भरोसो भोतो।

**8** हुनी मेरे द्लाव बेइनव, अस तुसन परमेशरेरे अनुग्रहेरी खबर देतम, जैन मकिदुनिया इलाकेरे कलीसियारे लोकन पुड भोरोए। 2 कि जैखन बेडि मुसीबातां केरे जिरिये परखे जे, त तैना बडे खुशी भोए, चाए तैना बडे गरीब थिये फिरी भी होरि विश्वासी लोकां केरि मदह केरनेरे लेइ खुल्ले दिले सेइं पेइलो दितो। 3 ते तैन केरे बारे मां मेरी ई गवाहीए, कि तैनेई अपने काबलीतरे मुताबिक बल्के अपने काबलीती करां भी जादे मने सेइं दितू। 4 ते इस दाने मां ते पवित्र लोकां ज़ीना यूहूदिया इलाके मां आन तैन केरे सेवाई मां मदह केरनेरे बारे मां असन सेइं बार-बार बडी बिनती की। 5 ते ज़ेन्चरे असेई उमीद न थी कियोरी, कि तैनेई पेइलो अपनो आप प्रभुभाई चेवा केरनेरे लेइ समर्पण कियो, फिरी परमेशरेरी मेर्जी सेइं असन पत्ती चलनेरे लेइ समर्पण कियो, फिरी परमेशरेरी मेर्जी सेइं असन पत्ती चलनेरे लेइ अपनो आप समर्पण कियो। 6 एल्हेरेलेइ असेई तीतुसन समझाव, कि ज़ेन्चरे एल्हेरेलेइ तैने पेइलू शुरु कियोरु थियूं, तेच्चरे इस दानेरे कम्मे पूरु भी केरे। 7 ज़ेन्चरे हर गल्ली मां मतलब विश्वासे, वचन प्रचार केरनेरे काबलीत, जाने ते सेब्बी किसमेरे कांशिश मां, ते तैस प्यारे मां, जै तुस असन सेइं केरतथ, बद्धते गातथ, तेच्चरे विश्वासी लोकन दान देवेरे कम्मे मां बद्धते राथ। 8 अंव दुखमेरे तरीके पुड नई, पन होरि केरे हिम्मतरे लेइ ते तुशेम प्यार ते सचैई परखनेरे लेइ ज़ोताई। 9 तुस इश्शे प्रभु यीशु मसीहेरे अनुग्रह ज़ानतथ, कि तै धनी भोइतां भी तुशो लेइ गरीब बनो ताके तैसेरे गरीब भोने सेइं तुस धनी भोथ। 10 ते इस गल्ली मां मेरो खियाल ईंग, किजोकि तुशेम लेइ रोडूँ; जै एक्की साले करां न सिर्फ इस कम्मे केरने मां, बल्के इस गल्लरे चाने मां भी पेइले भोते थी। 11 एल्हेरेलेइ हुनी इन कम्म पूरु केना; ज़ेन्चरे तुस इच्छा केरने तियार थिये, तेच्चरे अपने-अपने हैसियतरे मुताबिक पूरु भी केरा। 12 किजोकि अगर मनेरी तियारी भोए त दान तैसेरे मुताबिक कबूल भी भोते जैन तैस कां आए न कि तैसेरे मुताबिक जैन तैस कां अथी नई। 13 अंव इन न चैई होरि केरि जिन्दगी आसान बनानेरे लेइ तुस अपने जिन्दगी मुश्किल बनाथ। 14 पन बाराबर भोनेरे खियालन सेइं इस वक्ते तुशू जादे तैन केरि घाटे मां कम्मे एज्जे, ताके तैन केरु जादे तुशेम घाटे मां कम्मे एज्जे, कि बाराबरी भोए। 15 ज़ेन्चरे पवित्रशास्त्रे मां लिखोरुए, “जैनी बडु अकोडू कियू तैसेरु जादे न निस्सू, ते जैने थोडु अकोडू कियू तैसेरु घट न निस्सू।” 16 परमेशरेरु शुरु भोए, जैने तुशेम लेइ जै सोच मेरे मां आए तैए जोश तीतुसेरे मने मां छाड़ोरोए। 17 कि जैखन तैस कां एजनेरे लेइ मिनत की तै तैनी इश्शी गल मनी बल्के अपने मेर्जी सेइं ते बडे जोश सेइं तुसन कां अव। 18 ते अस तैस सेइं साथी अक होरो विश्वासी द्लाव भेजने लोरेम, ज़ेसेरु नवं खुशखबरी शुनानेरे बारे मां कलीसियारे लोकन मां फैलोए। 19 ते एत्रु नई, पन तै कलीसियारे केरे लोकेई ठहरावरो भी आए, कि इस दानेरे कम्मे लेइ असन सेइं साथी गाए ते अस ई सेवा एल्हेरेलेइ केरतम, कि प्रभुभाई महिमा भोए, ते इन हिरानेरे लेइ कि अस यरुशलेमेरे विश्वासी लोकां केरि मदह चातम। 20 अस इस गल्ली मां हुशार रातम, ते तीतुसेरे सेइं साथी विश्वासी लोक भेजने सेइं इस दान देनेबाले कम्मेरे बारे मां जै सेवा अस केरतम, ताके कोई असन पुड दोष न लेइ सख्त। 21 किजोकि जैना गल्ला सिर्फ प्रभुभाई नजर मां रोडी नई बल्के मैनू केरे नजरी मां रोडी आन, अस तैन केरि फिक्क केरतम। 22 ते अस तैन सेइं साथी अक होरो विश्वासी द्लाव भी भेजी राओरेम, जै असेई बार-बार परखो ते बेडि गल्लन मां जोश बालो निस्सो; पन हुरी तुसन पुड तैस बडी भरोसोए एल्हेरेलेइ तै दिले सेइं जोश बालोए। 23 अगर कोई तीतुसेरे बारे मां पुछे, त तै मेरो साथीए, ते

तुशें लेइ मेरो मद्दतगार, ते अगर दृश्ये विश्वासी ढालां केरे बारे मां कोई पुछे, त तैना कलीसियां केरो भेजोरोए ते तैन केरि जिन्दगी सेइं मसीहेरी महिमा भोटीए। 24 एलहेरेलैइ अपनो प्यार तैन हिराथ, सारे कलीसियां केरे विश्वासी लोकन सबूत देथ कि इश्शू तैन घमण्ड जैन तुशें बारे मांस सङ्ग्ने।

**9** हुनी तैस सेवारे बारे मां जै युश्लालेमेरे विश्वासी लोकन जो दान देवेरे बारे मां की गातीए, मीं तुसन जो लिख्यु जारीए नई। 2 किजोकि अंवं तुशें मनेरे तियैरेरो बारे मां जानताई, जेरेरे वजाई सेइं अंवं तुशें बारे मां मकिदुनिया इलाकेरे विश्वासी लोकां केरे सामने घमण्ड हिराताई, कि तुस अख्याय इलाकेरे लोक एककी साले कारां तियार भोरेथ, ते तुशें जोशे होरन भी जोश बनेवरोए। 3 पन मीं तीतुस ते र्वृही होरे ढला तुसन कां एलहेरेलैइ भेज्जो, कि असेई जैन घमण्ड तुशें बारे मां हिराव, तैन इस गल्ली मां बैफैड्डे न भोए; पन ज्ञेन्वरे मीं ज्ञोवं, तेन्वरे तुम युश्लालेम नगरेरे विश्वासी लोकां केरे लेइ दान देने जो तियार राथ। 4 एरु न भोए, कि अगर किछ मकिदुनिया इलाकेरे विश्वासी लोक मीं सेइं साथी एजन, ते तुशू दान तियार न भोए, त अस तुसन पुड भरोसेरे केरनेरे वजाई छिथोम, पन तुस असन कारा भी जादे छिथोल। 5 एलहेरेलैइ मीं विश्वासी ढलान सेइं ई बिनती केरनि ज़रूरी समझी, कि तैना पेइले तुसन कां गान, ते तुशें खुल्ले दिले सेइं दान देनेरे बारे मां, ज्ञेसेरे बारे मां पेइलो वादो कियोरो थियो, तियार केरतां रखा, कि इन दबावे सेइं नई बल्के इच्छाई सेइं भोए। 6 पन गल त ईए, कि जै थीूदू वेते तै कटेलो भी थोडू; ते जै हछु वेते तै हछु कटेलो। 7 हर अक मैन्हु ज्ञेन्वरे मने मां थापेरु भोते तेन्वरे दान दे, न कुँकुँकुँ केरतां, ते न दबावे सेइं, किजोकि परमेश्वर खुशी सेइं देने वालन पुड खुश भोते। 8 परमेश्वर जैन किछ तुसन जरूरते तैसरो अनुग्रह देइ बटते, जैस सेइं हर गल्ली मां ते हर वर्क, सब किछ, जैसरो तुसन ज़रूरत भोए, तुसन कां राए, ते हर एककी रोडे कम्मेरे लेइ तुसन कां बडू किछ भोए। 9 ज्ञेन्वरे पवित्रशास्त्रे मां लिख्योए, “परमेश्वर जैन ज़रूरते तैन हच्छु देते, जैन तै केरते तैन ठीके ते तैन हमेशा रालू” (aiōn g165) 10 आखरी, जै बेनेबालो बीज, ते खानेरे लेइ रोटी देते, तै तुसन बीज देलो, ते तैस सेइं फलवन्न केरेलो, ते तुशें धार्मिकतारो फल वधालो। 11 तुसन हर गल्ली मां बरकत मैलैली जैस सेइं तुस जादे दान देनेरे काबल बनेले, ते जैखन अस तुशें हछ्ये दाने तैन कां नेमेले जैन जरूरते त तैना लोक परमेश्वरे शुक केरेले। 12 किजोकि सेवारे पूरे केरने सेइं, न सिर्फ परमेश्वरे लोकां केरो घाटो पूरो भोते, पन लोकां केरे तरफां परमेश्वरे बडू शुक भोते। 13 किजोकि होरी लोकन दान देनेरी मदतरी सेवारा सबूत कबूल केरतां तैना परमेश्वरी महिमा बांदी केरतन, कि तुस मसीहेरी खुशखबरी मेन्तां तैसेरे अधीन राथ, ते गरीब विश्वासी लोकां केरि, ते सेव्ही केरि मदत केरेने मां हच्छु देनु बांदू केरतथ। 14 ते तैना तुशें लेइ परमेश्वरे कां प्रार्थना केलेले; तैना तुसन सेइं प्यार केरतन, किजोकि परमेश्वरे तुसन पुड अनुग्रह कियोरोए। 15 परमेश्वरे तेसेरे तैस दानेरे लेइ जैन समझी कारा बैदर शुक भोए।

**10** अंवं एइ पालुसु जै तुशें सामने दीन आई, पन तुसन कां दूर भोटाई सेख्ती सेइं जोताई। अंवं तुसन मसीहेरी नग्रता ते नर्सी याद केरेलां तुसन कां भिनत केरताई। 2 अंवं ई बिनती केरताई, कि तुशें सामने नद्दाक भोइता किलेर न भोनु पै; ज्ञेन्वरे अंवं केन्वन पुड जैन असन दुनियारे लोकां केरे ज्ञेर ज्ञाले बाले समझातन, बहदरी हिरानेरी खियाल केरताई। 3 किजोकि अगर अस दुनियाई मां ज़ीतम, पन फिरी भी अपने दुभन्न सेइं दुनियारे मुताबिक न लड़म। 4 किजोकि इश्शी लड़ई हथियार मैन्हु केरे नई, पन गड बछीड़ेरे लेइ परमेश्वरी शक्ति। 5 ते अस खियालन, ते हर एककी उच्ची गल्ली, जैना परमेश्वरी पिशाने खलाफ उटन, खतम केरतम; ते हर एककी खियाले कज्जे मां केरतम, ते मसीहेरो हुक्म मन्ने बालो बनातम। 6 ते तियार रातम कि जैखन तुस पूरे तरीके सेइं अपनो आप मसीहेरो हुक्म मन्नेबाले बनातथ, त अस मसीहेरो हुक्म न मन्ने बालन सज्जा देनेरे लेइ तियार रामेलो। 7 तुस बैदरयू रूप हेतथ, अगर केन्वी एप्पु पुड ई भरोसे, कि अंवं मसीहेरोई, तै इन भी जाने, कि ज्ञेरो तै मसीहेरोए, तेन्वरे अस भी मसीहेरेम आम।

8 किजोकि अगर अंवं तैस अधिकारेरे बारे मां होर भी घमण्ड हिरेई, जै प्रभुए तुशें विश्वास नाश केरनेरे लेइ नई बल्के विश्वासे बद्दानेरे लेइ असन दित्तोरोए, त शरोमन्दे न भोलां। 9 इन अंवं एलहेरेलैइ ज़ोताई, कि चिठ्ठी केरे ज़िरिये तुसन डराने बालो न भोलां। 10 किजोकि किछ लोक ज़ोतन, “कि तैसेरो चिठ्ठी त ज़रूरिन ते अस्सर केरने बैलिन; पन जैखन हेरतन, त तै कमज़ोर मैन्हु आए, ते तैसेरो भाषाना बेकारान।” 11 ते जै एरु जोते, तै ई समझ रखते, जेन्वरे ठीक इश्शे चिठ्ठन मां इश्शो वचन आए, तेन्वरे तुशें सामने इश्शां कमां भी भोलां। 12 किजोकि असन ई दिलेरी नई कि अपनो आप तैन सेइं साथी गनम, या तैन सेइं अपनो आप मिलाम, जैन अपनि तारीफ केरतन, ते अपनो आप एककी होरि सेइं तुलोइता बेकूफ बन्तन। 13 अस परमेश्वरे दित्तोरे कम्मे करां बैदर घमण्ड कधी न करेमले, पन तैसेरो हदी तगर जै परमेश्वरे इश्शे लेइ बनोरोए, ते तैस मां तुस भी ओरेथ ते तैसेरो मुताबिक घमण्ड भी केरेले। 14 किजोकि अस एपनी हदी करां बैदर अपनो आप बधानो न चाम, जेन्वरे कि तुसन तगर न पुजेनरी हालती मां भोते, बल्के अस पेइले थिये जैना कुरिन्युस नारे मां मसीहेरी खुशखबरी शुनाते तुसन तगर पुजी जोरेम। 15 ते अस हदी करां जादे होरि केरे मेहनती पुड घमण्ड न केरम; बल्के असन उमीदे, जेन्वरे-जेन्वरे तुशें विश्वास बधेलो तेन्वरे-तेन्वरे अस एपनी हदारे मुताबिक तुशें वजाई सेइं होरां भी बड़ां जादे कमां केरनेरे काबल भोले। 16 कि अस तुशें हदन कां सारे दूर-दूर इलाकन मां भी खुशखबरी शुनाम, इन नई कि अस होरि केरे हदां केरे अन्तर बनोरे कम्मन पुड घमण्ड केरम। 17 पन जेन्वरे पवित्रास्त्र जोते, जै घमण्ड केरे तै प्रभु पुड केरे। 18 किजोकि जै अपनि बड़याई केरते, तै नई, पन जेसेरो बड़याई प्रभु केरते, तैए परमेश्वरी नज़री मां रोडोए।

**11** तुस होरन कबूल केरतथ जैना अपनि बड़याई केरतन, ते एलहेरेलैइ अंवं उमीद केरतां, अगर अंवं थोडी जेरि बेकूफी केरि त तुस झाल्लै। 2 किजोकि अंवं तुसन सेइं प्यार केरताई ते तुशें खियाल रखताई ठीक तेन्वरे, जेन्वरे परमेश्वर केरते, मीं वादो कियोरोए तुसन मसीही जौ देनेरे लेइ, जेन्वरे लोक पूरे तरीके सेइं समर्पितन। 3 पन अंवं डरताई कि जेन्वरे शीताने सप्पेरे रूपे मां एइतां अपनि त्रैलैकी सेइं पेइली कुआन्श, हव्वा भटकवारी थी, तेन्वरे तुशें मन तैसेरो सिध्यैर्यै ते पवित्रतैर्यै सेइं जै मसीहे कबूल केरते भोरी लोडे भ्रष्ट न की गाए। 4 जैखन भी कोई तुसन कां एइते ते तुसन तैस यीशुएरी जैस यीशुएरो असेई नई कियोरो एइतां, कोन्वी होरि यीशुएरो प्रवार केरत, जैसेरो प्रवार केरो एप्पेरो: या जै अत्मा तुसन मैल्लोरी तैस करां अलग किसमेरी आत्मा तुसन मैल्लो; या जैस खुशखबरी पुड तुसेई विश्वास कियू तैस करां अलग किसमेरे खुशखबरी तुसन शुनाए, त तुस तैन शिक्षान कबूल केरने मां गलतथ। 5 अंवं समझाताई, कि अंवं कोन्वी गल्ली मां, जैना इस तरीके सेइं बर्वात केरतन, कि जैना होरि सब प्रेरितन करां महान आन अंवं भी तैन केरो ज्ञेरो रोडो प्रेरित आई। 6 अगर अंवं भाषण देने मां माहिर नई, पन मसीही ते खुशखबरो बारे मां मीं कां जाने; बल्के मीं हर गल शिखालने मां अपनू ज्ञान हिरावरुए। 7 कि मीं तुसन परमेश्वरी खुशखबरी मुखत शुनाई; ते अपनो आप निकडो कियो, कि तुस उच्चे भोथ, कुन इस मां मीं किछ पाप कियो? 8 मीं होरि कलीसियान करां दान कबूल कियू, ताके तुशें सेवा मुफते मां केरि बैटि, तैस जो लूट न जोथ। 9 ते जैखन तुसन सेइं साथी थियो, ते मीं पेइसेरो घाटो भोव, ते मीं केन्वी पुड भार न छड्हो, किजोकि विश्वासी ढलाएई, मकिदुनिया इलाकेरां एइतां मेरो घाटो पूरो कियो: ते मीं हर गल्ली मां अपनो आप तुसन पुड भार भोने करां रोको, ते अग्रोव जो भी रोकेलो। 10 मसीहेरी सच्चाई मीं मां आए, मीं अख्याय इलाके मां कोन्वी करां दान नई नेवरू, एलहेरेलैइ अख्याय इलाके मां इस घमण्डे केरनेरे करां कोई मीं न रोकी बटे। 11 किजो मीं तुशें पेइसो नई नेवरो? कुन मीं एन कियू, कि अंवं तुसन सेइं प्यार न केरि? परमेश्वर जानते कि अंवं तुसन सेइं प्यार केरताई। 12 पन जैन अंवं केरताई, तैने अग्रोव भी केरतो रेइलो; अंवं तुसन करां मद्दत न नेइलो जैस सेइं अंवं तैन जैन घमण्ड

केरनेरो मौको चातन, कि जेरू कम अस परमेशरे लेइ केरतम तेरहु कम तैना भी केरतन। 13 किजोकि एरे लोक झूठे प्रेरित आन, ते दगो केरतां कम केरनेबालन, ते मसीहेरे प्रेरितां केरु ज़ेरू रूप बनाने बालेन। 14 ते ई हैरान राने बाली गल नई किजोकि शीतान एपु भी महिमा बाले सर्वदूतां केरु रूप बनाते। 15 ते अगर तैसेरे सेवक भी धर्मी सेवकां केरु ज़ेरू रूप बनान, त कोई बड़ी गल नई पन तैन केरो अन्त तैन केरो कम्मां केरे मुताबिक भोनोए। 16 अवं किरी ज़ोताई, कोई मीं बेवकूफ न समझो; नई बेवकूफ समझातां मीं कबूल केरे, ताके अवं थोड़ू जेरू घमण्ड केरो। 17 ज़ैन किछ अवं ज़ोताई ज़ेरू यीशु चाते तेरहु नई बल्के बेवकूफी सेइं ज़ोताई। 18 ज़ैखन कि बडे लोक इस दुनियारे लोकां केरु ज़ेरू घमण्ड केरतन, त अवं भी घमण्ड केरेलो। 19 तुस त समझादार भोइतां आनन्दे सेइं बेकूफां केरि ज़ैखन तुसन कोई गुलाम बनातन, या ज़ैन किछ तुसन कां आए नेते, या तुसन सेइं धोखो केरते, या सोचतन कि तैना तुसन करां बहुन, या तुशेश तुतरे पुड़ थप्पड़ बनातन, त तुस झल्लतथ। 21 एल्हेरेले कुन तुस साचतथ कि मीं छिथोरू लोइते किजोकि मीं तैन नई कियोरु; पन ज़ै कोई कोन्नी गल्ली मां घमण्ड केरते, अवं बेवकूफी सेइं ज़ोताई, किरी भी घमण्ड केरताई। 22 कुन तैना इडानी आन? अवं भी आई। कुन तैना इसाएली आन? अवं भी आई, कुन तैना अब्राहमेरे खानदाने मरां आन? अवं भी आई? 23 कुन तैना मसीहेरे सेवक आन? (अवं पागलेरो ज़ेरो ज़ोताई) अवं तैन करां बेदुतां आई! मीं तैन करां जादे मेहनत कियोरीए, तैन करां जादे बार अवं कैद कियोरोई, बडे बार मीं मार बजोराए, हमेशा मेरी जान मुश्किली मां पेवरीए। 24 मीं यूहून लीडेर्हु करां पंच बार 39 कोडे खाए। 25 ट्लेइ बार मीं बेंटेइ खेड़े; एककी बार मीं पुड़ घोडेव कियो जेव; ट्लेइ बार ज़िहाजे मां ज़ैन पुड़ अवं चादोरो थियो, दलुटी जेआं, अक रात ते दिहाड़ी मीं समुन्द्रे मां कट्टी। 26 अवं बार-बार सप्तर मां, दीरयोरे खतरन मां; डैकू केरे खतरन मां; अपने जातरे खतरन मां, गैर कौमा केरे खतरन मां; नगरां केरे खतरन मां; जंगल्लेरे खतरन मां, झूठे विश्वासी लोकां केरे खतरन मां; 27 बडे मेहनती मां ते तकलीफी मां; बार-बार बींझो विशने मां; बार-बार बरत रखने मां; ढलुख ट्लिशी मां; हिवतडे मां; ते नगरे रानेरी हालती मां राहोरेइ। 28 ते होरि इना गल्लां केरे अलावा ज़ैन गल्लां केरे बारे मां अवं न ज़ोई सेब्बी कलीसिया केरे फिक्र मीं रोज़ दुबातीए। 29 ज़ैखन कोई कमज़ोर भोते अवं भी कमज़ोर भोताई। ज़ैखन कोई पापेरे पासे गाते त मेरो दिल बड़ी दुवी भोते? 30 अगर घमण्ड केरनू ज़स्सीए, त अवं एपनी कमज़ोरारी गल्लन पुड़ केरेलो। 31 परमेशर इश्शे प्रभु यीशुएरो बाजी ज़ै सदा धने, तै ज़ानते, कि अवं झूठ नई लोरो ज़ोनो। (ai01n g165) 32 ज़ैखन अवं दमिश्क नगरे मां थियो त अरितास राजेरे हाकिमे अवं कैट केरनेरे मकसदे सेइं सारे नगरे मां पेरोरे रखोरो थियो। 33 ते अवं टोकेरे मां शहरपाहेरे दैरारे बत्तां दुवारी उन्ढो औसालोरो थियो, ते अवं हाकिमेरे हथ्ये करा बज्जो।

**12** अगर घमण्ड केरनू मेरे लेइ ठीक नई, किरी भी केरनू पेते; अवं प्रभुएरे दित्तोरे दर्शन ते प्रकाशेरे बारे मां ज़ोइलो। 2 अवं मसीह मां चैवधे साल पेइले ट्लेइयों स्वर्गे पुड़ नीयो जेव, चाए अवं जिसमे मां थियो या जिसमे मरां बेडर, अवं न ज़ैनी सिफर परमेशर ज़ानते। 3 अवं फिरी ज़ोताई, कि ई मैनु स्वर्गे तगर अकदम नेव जेव (फिरी, अवं न ज़ैनी कि इन जिसमे मां भोवं या अक दर्शन थियूं सिफर परमेशर ज़ानते), तेड़ी तैनी तैना गल्ला शुनी ज़ैना लफसन मां न ज़ोइयान, एरी गल्लां ज़ैना मैन्हु ओठन सेइं न ज़ोई बटन। 5 ऐरे मैन्हु पुड़ त अवं घमण्ड केरेलो, पन अपने कमज़ोरी केरे अलावा, अपने बारे मां घमण्ड न केरि। 6 किजोकि अगर अवं घमण्ड केरनू चैई भी त बेवकूफ न बेई, किजोकि अवं सच जोइलो; पन अपने आपे एस किसमेरे घमण्डे करां रोकताई, एरु न भोए, कि ज़ेन्नरे कोई मीं लाते, या मीं शुन्ते, मीं तैस करां भी बेदुतां न समझो। 7 पन ज़ैना अद्भुद गल्ला परमेशरे मीं हेरवरिन तैन केरे वजाई सेइं अवं बड़ो जादे घमण्डी न भोइ गेइ। एल्हेरेले तैनी मीं अक बड़ो मुश्किल मसलो तुसन सेइं बर्ताव केरनेरे लेइ दित्तोरोए।

(मेरी जानी मां अक कंटो।) शैतानेरे एककी दूते मीं मुहनेरो इरादो कियोरोए ते अवं घमण्ड केरने करां रोकोरोई। 8 इसेरे बारे मां मीं प्रभु कुन ट्लाई बार बिनती की, कि मीं कांक दूर भोइ गाए। 9 ते तैने मीं सेइं ज़ौव, “मेरी अनुग्रह तेरे लेइ सुधोए; किजोकि मेरी शक्ति कमज़ोरी मां सिद्ध भोतीए।” एल्हेरेले अवं एपनी कमज़ोरी पुड़ घमण्ड केरेलो, कि मसीहेरी सामर्थ मीं पुड़ एंडीती राए। 10 इस वजाई सेइं अवं मसीहेरो लेइ कमज़ोरन मां, ते बेड्जतन मां, गरीबी मां, साताए गाने मां, ते मुश्कलन मां खुश आई; किजोकि ज़ैखन अवं कमज़ोर भोताई, तैखन अवं मसीहेरी शक्ति सेइं ज़ोरे बालो भोताई। 11 अवं बेवकूफ त बानो, पन अवं एरु केरनेरे लेइ तुसेई अवं मजबूर कियो, तुसेई त मेरी बड़याई कियोरी लोइती थी, किजोकि अगर अवं किछ भी नई, किरी भी होरे प्रेरित ज़ैना महान आन अवं तैन केरो ज़ेरो रोड़ो आई। 12 मीं रोड़े प्रेरिती पिशान भी तुशेश दरमयान हर किसमेरे सबर साथी ते निशान ते बडां-बडां कम्मां, ते सामर्थएरा कम्मां हिंरा। 13 अक गल थी ज़ै मीं तुसन सेइं न की, ज़ै मीं होरि कलीसियान सेइं की, यानी अवं पेइंसां केरे बारे मां तुशेश लेइ बोझ न बनो। कुन इन तुसन घटिया बनाते, एरु केरने सेइं मीं तुशेश खलाफ गलत कियोरु ई तुशेशी सोच गलत। 14 हेरा, अवं ट्लेइयोरे बार एजनेरे लेइ तियाराई, ते अवं तुसन करां कोई पेइंसां केरि मांग न रेखेलो। किजोकि अवं तुशेशी जेइदाद नई, बल्के तुसन चाताई, किजोकि बच्चेइ अम्मा बाजी केरे लेइ धन अकोटु न लोड़े कियेऱ, पन अम्मा बाजेई बच्चा केरे लेइ कियेऱ लोड़े। 15 अवं तुशेशी लेइ बड़ी खुशी सेइं खर्च केरेलो, बल्के अवं अपनू सब किछ तुसन देइल, अवं तुसन संद बडो प्यार केरताई पन एरु लगते कि तुस मीं सेइं घट प्यार केरतथ। 16 तुसन मरां किछ मन्तन कि मीं तुसन पुड़ भार नई छडोरो, पन किल होरे सोचतन कि अवं चलाक आई ते मीं तुसन पूरे तरीके सेइं धोखो दित्तोरोए, ज़ैन कि झूठ आए। 17 मीं अपने लेइ तुसन करां पेइंसे नेरे लेइ तीतुसया य होरो कोई इस्सेमाल नई कियोरो। 18 मीं तीतुस समझेहांता तैस साथी तै ढला भेज्जो, त कुन तीतुसे धोखे सेइं किछ नेव? कुन अस एक्की मकसदे सेइं न चले? कुन इश्शां कम्मां अककां ज़ेरो नई। 19 हे ट्लाराव, तुस हेजू तगर इन समझातथ कि अस तुशेश सामने अपनो बचाव लोरेम केरन, अस त परमेशरे हाजर सेमझातां मसीह मां जोतम, ते सब गल्ला एल्हेरेले ज़ोतम कि तुसन विश्वासे मां मजबूत केरेन लोरेम। 20 किजोकि मीं डरे, कि एरु न भोए, कि अवं एज्जी ते ज़ेन्नरे अवं चाताई, तेन्नरे तुस न भोथ; ते मीं भी ज़ेन्नरे तुस मीं चातथ तेरे लाथ, कि तुसन मां लड़ई, गर्म सुधाव, सरक, खलाफत, जलन, चोगली, अभिमान ते फसाद भोन। 21 कि एरु न भोए कि ज़ैखन अवं तुसन कां दुबारां एज्जी, त मेरो परमेशर मीं छिथाए। ते मीं दुःख केरनो पे, किजोकि तुसन मरां बड़ई अपने पुराने पाप नई शारोरे। ते तैस गंदे कम्मे, ते बदमाशी, ते लुचपने सेइं, जै तैनई कियो, मन न फिराव।

**13** पवित्रशास्त्रे मां इन लिखोरुए कि, “हर अक गल दूर्ध या ट्लेइ गवाहां केरे गवाही केरे ज़िरिये सेइं पक्की की गाली।” मीं तैन लोकन हदैयत दित्तोरी ज़ैना पाप केरते थिये, ज़ैखन अवं दुर्घोर बार ओरो थियो। हुनी अवं फिरी तैन ते होरि सेब्बी लोकन हदैयत देताई कि ठीक तेन्चरे ज़ेन्नरे मीं पेइलू भी कियोरुए इस चिट्ठी मां खबरदार केरताई। हुनी अवं ट्लेइयोरे बार एजनेबालो आई, ते अगर तैना हेजू भी पाप केरनो बंद नई कियोरो, तैन मरां कोई भी सजाई करां न बचेलो। 3 अवं जोताई कि तुस इन गल्लां केरु सबूत चातथ, कि मसीह मेरे ज़िरिये गल्लां केरते, पन ज़ैखन मसीह तुसन सेइं बर्ताव केरते तेरे लाथ, कि तुसन मां लड़ई, गर्म विश्वास साल्लो आए कि नई; एपु परखा, कुन तुसन मां आप रस्खा, कि तुशेश विश्वास साल्लो आए कि नई; एपु परखा, कुन तुसन मां अपने बारे मां ई पतो नई, कि यीशु मसीह तुसन मां आए, नई त तुस निकम्मे भोए। 6 पन मेरी

उमीदे, कि तुस बुझेले, कि अस निकम्मे नहीं निसोरे। 7 चाए अगर तुसन इन लेइहोते कि अस सङ्घे प्रेरित नहीं, अस तुश्शे लेइ परमेशरे कां प्रार्थना केरने लोरम, कि गलती केरनेरे बगौर सिर्फ रोड़ू केरा। 8 किंजोकि अस सङ्घेरे खलाफ किछ न केरि बटम, पन सङ्घेरे लेइ केरि बटम। 9 ज़ैखन अस कमज़ोरम, ते तुस ताकतबरथ, अस खुशी रातम, ते ई प्रार्थना भी केरतम, कि तुस विश्वासे मां सिद्ध भोते राथ। 10 एल्लेरेलेड अवं तुश्शे पिठी पतर इना गल्लां लिखताई, कि मौजूद भोइतां मीं तैस अधिकारेर मुताबिक जै प्रभुए विगाड़नेरे लेइ नहीं पन बननेरो लेइ मीं दितोरोए, सेखती सेंडं किछ न केन्नू पे। 11 हे ढलाव ते बेइनव, खुश राथ, सिद्ध बनते राथ; एककी होरि हिम्मत देथ; ते मेल मिलापे सेंडं राथ, ते प्यार केरनेवालो ते शान्ति देनेवालो परमेशर तुसन साथी भोलो। 12 मसीहेरे प्यारे सेइ एककी होरि जो नमस्कार केरा। 13 सब पवित्र लोक तुसन जो नमस्कार ज़ोतन। 14 प्रभु यीशु मसीहेरो अनुग्रह ते परमेशरेरो प्यार ते पवित्र आत्मारी सनाती तुसन सेष्बन साथी भोए।

# गलातियों

**1** अब पैलूस ई चिट्ठी तुसन लिखताई, अब अक प्रेरिताई, अब न मैनू केरे तरफां, ते न केन्नी मैनेरे जिरिये प्रेरित भोनेरे लेइ चुनोरोई, बल्के यीशु मसीह ते बाजी परमेश्वरे जिरिये, जैना यीशु मुडलन मारं जींतो कियो। 2 ते सारे ढाना केरे तरफां, जैना मीं सेइं सविधन; गलातिया इलाकेरे कलीसिया केरे लेइ ई चिट्ठी लिखताई। 3 बाजी परमेश्वर, ते इश्शे प्रभु यीशु मसीहे तरफां तुसन अनुग्रह ते शान्ति मैलती राए। 4 इश्शे परमेश्वर ते बाजी केरि मेर्जी सेइं यीशु मसीहे अपनो आप इश्शे पापां केरे लेइ बलिदान कियो, ताके असन इस मौजूद बुरे दुनियाई करा छुटकारो दे। (aiōn g165) 5 तैसेरी माहिमा हमेशा भोती राए। आमीन। (aiōn g165) 6 अब हेरान भोताई, कि परमेश्वरे तुसन मसीहेरे अनुग्रहे मां जींतेरे लेइ कुजाए; ते तुस तैस करां एत्रे जल्दी फिरतां होरि किसमेरी खुशखबरी मने लाए। 7 पन सिर्फ एक्के सळ्ही खुशखबरी आए, गल ईए, कि किछ लोक एरेन, जैना तुसन धोखो देतन, ते मसीहेरी खुशखबरी बगाने चातन। 8 पन अगर असन मारं कोई या कोई स्वर्गदूत भी तुसन कोई तैस खुशखबरारे अलावा जै असेई तुसन शुनोरी, शुनाए त लानती भोए। 9 जेन्वरे असेई पैदलू ज्ञोवरू, तेच्चेर अब उना फिरी ज्ञोताई, कि तैस खुशखबरारे अलावा जै तुसेई कबूल कियोरोए, अगर कोई होरो खुशखबरी शुनाए, त लानती भोए। 10 हुनी कुन अब मैनू केरि मन्जूरी हासिल केनेरी कोशिश केरताई या परमेश्वरी? कुन अब लोकन खुश केनेरी कोशिश केरने लोरोई? बिलकुल भी नई, अगर हेजू तगर लोकन खुश केरतो राताई, त मसीहेरो दास न भोयो। 11 हे ढलाव ते बेइनव, अब तुसन जोताई, कि जै खुशखबरी मीं तुसन शुनाई, ई मैनू केरि बनोरी नई। 12 किजोकि ते मीं न केन्नी मैनू करा मैलोरी, ते न मीं कान्वी उस्तादे करा शिखोरी, बल्के यीशु मसीहे मीं पुड़ बाटी को। 13 तुसेई शुनोरे यहूदी धर्म मां पैदलू जै मेरो चालचलन थियो तै केरो थियो, कि अब वरमेश्वरी कलीसियाई बडी सतातो थियो, ते नाश केनेरी कोशिश केरतो थियो। 14 ते अब अपने धर्मे मां तैस वक्ते बडे मेरे उमरोरे यहूदन करां अग्रोव थियो। ते अपने बुजुर्गा केरे रीतन मां जोशे मां थियो। 15 पन परमेश्वरी जैखन इच्छा भोइ, तैनी अब मेरे जरमने करां पैदलू चुनो ते अपने अनुग्रह सेइं कुजाव, 16 कि मीं मां अपने मटू बांदू केरे कि अब गेर कौमन मां तैसेरी खुशखबरी शुनेई; ते मीं समझ्नेरे लेइ होरि कोन्वी करा सलाह नी। 17 ते न यस्तलेम नगरे मां तैन कां जेव जैना मीं करा पैदले प्रेरितन, पन अबर मुल्खे जो चलो जेव, ते फिरी किछ चिरेरा बाद तैदुं दमिश्क नगरे जो वापस अव। 18 फिरी टलाई सालना पत्ती अब कैफा (यानी पतरस प्रेरिते) सेइं मिलने यस्तलेम नगरे जो जेव, ते 15 दिहाडे तैदी राव। 19 पन प्रेरितन मरा प्रभुप्रे ढला याकूबरे अलावा होरि कोन्वी सेइं न मिलो। 20 जैना गल्लां अब तुसन लिखताई, हेरा परमेश्वरे हाजर सेमझातां जोताई, कि तैना झूठी नई। 21 यस्तलेम नगर शास्त्रेंरां पत्ती, अब सीरिया ते किलिकियारे मुलखे मां जेव। 22 पन यहूदिया इलाकेरे कलीसियां केरे लोक जैना मसीह मां थिये, जैना मीं सेइं कथं न थिये मिलोर। 23 पन इन्ने शुते रहते थिये, कि जै असन पैदलू सतातो थियो, तै तैसेरे विश्वासेरी खुशखबरी शुनाते, जैस पैदलू नाश केरतो थियो। 24 ते जैन परमेश्वरे मेरे जिन्नी मां कियू तैलरेलेइ तैना परमेश्वरी बडीयाई केरते रहते थिये।

**2** चेवधे सालना पत्ती अब बरनवासे सेइं साथी यस्तलेम नगरे जो जेव, ते तीतुस भी मीं एपू सेइं साथी नीयो। 2 अब एलहरेलेइ तैडी जेव किजोकि परमेश्वरे मीं गानेरे लेइ जोरु थियू, जैखन अब तैडी थियो, अब अकैल्ले मां कलीसियारे खास बुजुर्गन सेइं मिलो ते तैन खुशखबरी समझाई, जै अब गेर कौमन मां प्रचार केरतो ओरो थियो, ताके एरु न भोए, कि जैन किछ अब केरतो ओरोई ते जैन केरने लोरोई बेफैदू भोए। 3 मेरो साथी तीतुस, जै यूनानीए, जेसेरो खतोनो कधी न भोए। पन जैना यस्तलेम नगर कलीसियारे खास बुजुर्ग थिये तैनेई तै खतनो करानेरे लेइ मजबूर न कियो, बल्के तैनेई तै

कबूल कियो। 4 ते ई गल तैन केरे लेइ परेशानी बनी, ई इन तैन झूठे ढलां केरे वजाई सेइं भोवं, जैना छेपतां इश्शे टोली मां ओरे थी, कि तैस ऐजैदरी जै मसीह यीशु मां असन मैलोरीए, भेद नेइतां किरी असन यहूदी केरे कानूनेरे गुलाम बनान। 5 पन असेई एक्की पलरे भी तैन केरि शुने करां इन्कार कियो, ताके जै सदेश असेई तुश्शे लेइ आनो तै सळ्ही खुशखबरी बनोरी राए। 6 तैन यस्तलेम नगरेरे कलीसियारे खास लीडेर्स मेरी शिक्षाई मां किछ न जोडू, इस सेइं मीं किछ फक्क न पे, कि तैना केरहे बुजुर्ग आन, किजोकि परमेश्वर बेइरोवं रूप हेरतां फैसलो न केरे। 7 पन इसरे उलट जैखन तैन बुजुर्गई हेरु, कि जेन्वरे परमेश्वरे यहूदी लोकां केरे लेइ खुशखबरारु कम पतरसे सोंफू, तेच्चेर परमेश्वरे गैर कौमां केरे लोकन खुशखबरी शुनानेरु कम मीं सोंफू। 8 जैने परमेश्वरे पतरस यहूदी केरो प्रेरित भोनेरे लेइ चुनो, तैने अब भी गैर कौमां केरो प्रेरित भोनेरे लेइ चुनो। 9 जैना मैनू कलीसियारे खम्मबे समझू गाते थिये (यानी खास लीडर) मतलब याकूब, कैफा (यानी पतरस) ते यहूना तैनेई अनुग्रहे तैन वरदान विशानू जैन मीं मैलोरु थियू। तैनेई अब ते बरनवास साथी सेमझातां ते असन सेइं हथ मिलेहतां राजी भोए। कि अस गैर कौमन मां खुशखबरी प्रचार केरम, ते तैना यहूदीन मां। 10 तैनेई असन कां बिनती की, कि अस यस्तलेमेरे गरीब विश्वासी लोकां केरि मदह केरम, जैन केरनेरी अब बडी इच्छा केरतो थियो। 11 पन जैखन कैफा (पतरस) अन्ताकिया नगरे मां अव, त मीं सेब्बी विश्वासी लोकां केरे सामने तैसेरी खलाफ की ते झाड दिती, किजोकि जैन तैनी कियोरु थियू तैन गलत थियू। 12 एलहरेलेइ कि याकूबेरे पासेरो किछ मैनू केरे एजनेरे पैदले तै गैर कौमां केरे लोकन साथी खातो थियो, पन जैखन तैना आए, त खतनो केरियोरे लोकां केरे डेरे सेइं तैन करां हटो ते अलग भोने लव। 13 ते तैस साथी बाकी यहूदी विश्वासी लोकैई भी पांचखंड कियू, इडी तगर कि बरनवास भी तैन केरे संगती मां शामल भोव। 14 पन जैखन मीं तैन केरो बताव हेरु, कि तैना खुशखबरारे सळ्हेरे खलाफ चलतन, त मीं सेब्बी केरे सामने कैफा (पतरस) सेइं जोव, “कि जैखन तू यहूदी भोइतां गैर कौमन केरि जेरि चाल चलतस, न कि यहूदी केरि जेरि, त तू गैर कौमन यहूदी केरे रसमन पुड़ चलनेरे लेइ किजो जोतास?” 15 अस जैना जर्मिने यहूदिम, ते पैपी गैर कौमां केरे जेरे नई। 16 फिरी भी इन सेमझातां कि मैनू मूसेरे कानूनेरे कम्मन सेइं नई, पन सिर्फ यीशु मसीह पुड़ विश्वास केरने सेइं धर्मी भोते, असेई एपू भी मसीह यीशु पुड़ विश्वास कियो, कि अस मूसेरे कानूनेरे कम्मन सेइं नई पन यीशु मसीह पुड़ विश्वास केरने सेइं धर्मी भोते, कि जिजोकि मैनू मूसेरे कानूनेरे कम्मन सेइं कोई धर्मी न भोतो। 17 किछ यहूदी सोचतन कि असेई पाप कियो, किजोकि असेई धर्मी भोनेरे लेइ कानून मन्नेरे बदले सिर्फ मसीह पुड़ विश्वास कियोरो, त कुन मसीहे अस पापी बनाए, नई, कथी नई। 18 किजोकि जैन किछ मीं बछाडू, अगर तैस फिरी बनेई, त अपनो आप पापी बनाताई। 19 अब त कानूनेरे सेइं कानूनेरे लेइ मेरी जेव, कि परमेश्वरे लेइ ज़ीडी। 20 अब मसीह सेइं साथी कूर्से पुड़ चढ़ोरोई, ते हुनी जींतो न राव, पन मसीह मीं मां जींतोए, ते अब जिसमेरा मां हुनी जींतोई, त सिर्फ तैस विश्वासे सेइं जींतोई, जै परमेश्वरे मटु पुड़े, जैने मीं सेइं प्यार कियो, ते मेरे लेइ अपनि जान दिती। 21 अब इस गल्लरो इन्कार न केरि कि परमेश्वर अपने अनुग्रहे सेइं बातो, किजोकि अगर कानून मन्नेरे सेइं लोक धर्मी भोथे, त मसीहे मरनेरी कोई ज़रूरत न थी।

**3** हे बेसमझ गलातियारे लोकव, केने तुस टेरे लाए? तुश्शे त मना तुश्शे सामने यीशु मसीह कूरसे पुड़ चाढो! 2 अब तुसन सिर्फ ई सवाल पुछ्नो चाताई, कि तुसेई पवित्र आत्मा कुन कानून मन्नेरे सेइं हासिल कियो? बिलकुल भी नई, तुसेई खुशखबरी शुनी ते तैस पुड़ विश्वास कियूं ते पवित्र आत्मा हासिल की। 3 कुन तुस ऐरे बेसमझाथ, कि पवित्र आत्मारे रीति पुड़ शुरु केरतथ ते जिसमेरो रीति पुड़ खतम केरेले? 4 कुन तुसेई सब दुःख बैफैदो झैल्ले? अब उमीद केरताई बैफैदो नई। 5 एलहरेलेइ जै तुसन पवित्र आत्मारु दान बडू जादे देते ते चमत्कार केरते, कुन तै कानून मन्नेरे

वजाई सेइं एन केरते या तुसेई खुशखबरी शुनी ते तैस पुड़ विश्वास कियो? 6 हुनी अब्राहमेरे बारे मां सोचा “अब्राहमे परमेशरे पुड़ विश्वास कियो ते तैसैरेलेइ धार्मिकता गनो जेव।” 7 एल्हेरेलेइ तुसन एन जान्नरी ज़रूरते कि ज़ैना अब्राहमेरो ज़ेरो परमेशरे पुड़ विश्वास केरेबालेन तैना हकीकति मां तैसैरी बच्चेन। 8 पवित्रशास्त्रे मां बडू पेड़ल इन लिखोरुए, कि परमेशर गैर कौमन विश्वासे सेइं धर्मी बनालो, पेड़ले अब्राहमे ई खुशखबरी शुनाई, “कि तेरे जियिए सेभी कौमन बरकत मैलेली।” 9 ते जैना अब्राहमेरो ज़ेरो परमेशरे पुड़ विश्वास केरतन, परमेशर तैन सेभन बरकत देते जैना मसीह पुड़ विश्वास केरतन ज़ेन्नरे तैनी अब्राहमे बरकत दिती। 10 एल्हेरेलेइ जैना लोक सोच्चन कि तैना मूसेरो कानून मेन्तां धर्मी बनाए गाले, तैन पुड़ परमेशरी लानते, किजोकि मूसेरे कानून मां लिखोरुए, “कि जै कोई कानूने मां लिखोरे सब कानूनेरे मुताबिक न वले, तैस पुड़ परमेशरी लानते।” 11 ई गल साफे, कि मूसेरे कानून सेइं परमेशरे कां कोई मैन्हु धर्मी न भोए, “किजोकि जै मैन्हु परमेशरे पुड़ विश्वास केरते, परमेशर तैस धर्मी ठहरते ते तैस हमेशारी जिन्दगी मैलतीए।” 12 पन मूसेरे कानूनेरो विश्वासे सेइं कोई वासते नई, पन “जै तैन मनेलो, तै तैन मन्हे सेइं ज़ीतो रालो।” 13 मसीहे जै इश्वे लेइ लानती बनो, तैने अस कीमत देइतां कानूनेरो लानती करां छुटाए किजोकि पवित्रशास्त्रे मां लिखोरुए, “जै कोई क्रूसे पुड़ टंगो गालो तै लानतीए।” 14 मसीहे एन एल्हेरेलेइ कियूं कि गर कौमा तैसेरे जियिए तैना सैरी बरकतां हासिल केरन, जैन केरो वादो परमेशरे अब्राहमे सेइं कियोरो थियो, ते मसीह पुड़ विश्वास केरने सेइं अस पवित्र आत्मा हासिल केरम, जेसेरो वादो तैने कियोरोए। 15 हे ढ्लाव ते बेइनव, अवं आम जिन्दगीरी मिसाल देने लोरोई, ज़ैखन दूर्ह मैन्हु केरो करर जै पक्को भोते, त न कोई तैस टालते ते न तैस मां किछ बद्धाते। 16 ते सारे वादे परमेशरे अब्राहमे ते तैसेरे खानदाने दिते; पवित्रशास्त्रे इन न जाए, “कि वडा केरे वारे मां ज़ोव, पन एक्की मैनेरे वारे मां ज़ोव “कि तेरुं वंश इने, ते ते मसीहे।” 17 मेरे ज़ोनेरो मतलब ई आए, परमेशरे अब्राहमे सेइं करार केरनेरां बाद 430 सालन पत्ती मूसे कानून दितो (ताके तैस करारे पक्को केरे), पन अस जोई बटन कि परमेशरो करार ट्लुटो, तैए करार पक्कोए, तैए तैस पूरो केरेलो। 18 किजोकि परमेशर असन अपनी बरकत एल्हेरेलेइ न दे कि अस मूसेरे कानूनेरो मुताबिक ज़लतम, पन तै एल्हेरेलेइ देते कि तैनी वादो कियोरोए, परमेशरे अपने अनुग्रहे सेइं अब्राहमे बरकत दिती, किजोकि तैनी पेइलो वादो कियोरो थियो। 19 तैखन, फिरी कानूनेरो कुन मकसद थियो? तैन त पापां केरे बजाई सेइं वादो मां दितू, ताके तैसेरे वंश मसीहेरो एजने तगर राए, जैस सेइं वादो कियोरो थियो, परमेशरे स्वर्गदूतां केरे जियिए मूसे कानून दितो, जै परमेशर ते लोकां केरि बिचवाई केरेबालो थियो। 20 परमेशरे एप्पु अब्राहमे सेइं वादो कियो। एल्हेरेलेइ हुनी बिचवाई केरेबालोरी कोई ज़रूरत नई। 21 कुन कानून परमेशरे वादो केरे खलाफे? नई, कथी नई! किजोकि अगर एरो कानून दितो गाथो जै हमेशारी जिन्दगी देइ बटेथो, त सङ्गे धार्मिकता कानून मन्हे सेइं भोवी। 22 पन पवित्रशास्त्रे ज़ोते दुनियारे सब लोक यापेए अधीन आन, ताके तै वादो जेसेरी तुनीयाद यीशु मसीह पुड़ विश्वास केरनोए, तैस पुड़ विश्वास केरनेबालां केरे लेइ पूरो भोए। 23 पन इस करां पेइले कि लोक मसीह पुड़ विश्वास केरन, मसीहेरो एजने करां पेइले अस यहूदी कैदे मां थिये कानून इश्वी रखवाली केरेतो थियो। ते तैस विश्वासे एजन तगर जै बादो भोनेबालो थियो, अस तैसेरे बन्धने मां रहम। 24 एल्हेरेलेइ कानून मसीह तगर पुजानेरो लेइ असन बत हिरानेबालो ते स्मभालने बालो भोव, कि अस यीशु मसीह पुड़ विश्वासे केरने सेइं परमेशरेरो सामने धर्मी भोव। 25 पन ज़ैखन मसीह अव ते असेई विश्वास कियूं, त असन ज़रूरत न पेई, कि कानून बत हिराए ते मदत केरो। 26 किजोकि तुस सब विश्वास केरने सेइं जै मसीह यीशु पुड़, परमेशरेरो बच्चेथ। 27 ते तुसन मरां ज़ोत्रेइं मसीह मां अक भोवेरे लेइ बपतिस्मो नीयो, तुमेई मसीहीरी नव्वीं जिन्दगी तेन्वे लाई ज़ेन्नरे लिगडां लातन। 28 हुनी मसीह मां कोई फर्क नई, चाए कोई यहूदीए या गैर यहूदीए, गुलामे या आजाद। कोई फर्क नई मङ्ग्दे या कुआन्शी, अस यीशु मसीह

मां सब बराबर आम। 29 किजोकि तुस मसीह सेइं साथी अक आथ, त अब्राहमेरे बच्चेथ, ते परमेशरेरो वादेरे मुताबिक बरकतां केरे वारस भी आथ।

4 अवं मिसाल देइतां ज़ोताई, कि वारस जांतगर बच्चोए, अगर तै सेभी मालिके, फिरी भी तैस त कने गुलामे मां कोई फर्क नई। 2 पन बाजी केरे ठहरावरे वक्ते तगर सुमालने बालां ते भैन्डैरी केरे हेरेगोशी मां रहते। 3 तेन्नरे अस भी ज़ैखन बच्चां केरे ज़ेरे थिये, त दुनियारे रीति रुवाजां ते कानूनेरे गुलाम थिये। 4 पन ज़ैखन ठीक वक्त अव, त परमेशरे अपन मट्टु दुनिया मां भेज्जू, जैस एक्की कुआन्शां ज़म दितू, तैन यहूदन मां ज़र्म ते तैनी कानून मन्हो। 5 ताके तैन छुटाए जैना मूसेरे कानूनेरे अधीन थिये, ते असन तैसेरे बच्चे भोनेरो अधिकार मैल्ले। 6 ते तुस जैना बच्चेथ, एल्हेरेलेइ परमेशरेरो मट्टैरी आत्मा इश्वे दिले मां भेज्जोरीए, जै आत्मा, “हे बैपू हे बाजी,” ज़ोती। 7 एल्हेरेलेइ हुनी तू गुलाम नई, पन परमेशरेरो बच्चोस, ते ज़ैखन परमेशरेरो बच्चोस, त तीं तैन सब मैलेतू ज़ेसेरो वादो परमेशरे अपने बच्चन देनेरो वादो कियोरोए। 8 ज़ैखन तुस परमेशर न थिये ज़ानते, त तुसन तैन केरे गुलाम थिये, जैना हकीकति मां ईश्वर अथी नई। 9 पन हुनी तुश्शो रिष्टो परमेशर न सेइं आए, ते तुसेई ते जैनो बल्के परमेशरे अस कबूल किये, ते तैन कमज़ोर ते निकोकी पेइली गलालं केरे पासे किजो गातथ, कुन तुस तैन केरे दुबारा गुलाम भोने चातथ? 10 मीं शुनेरुए कि तुस गैर कौमां केरे विश्वासी, यहूदी केरे दिहान ते महीन ते खास वक्ते ते सालां केरे तिहान मन्तथ, इन सोचतां कि परमेशर खुश भोते। 11 अवं तुश्श एन केरनेरो वजाई सेइं परेशान आई, कि एक न भोए, कि जै मेहनत मीं तुश्शे लेइ कियोरोए तै बेफेडी भोए। 12 हे ढ्लाव ते बेइनव, अवं तुसन कां बिनती केरताई, तुस अपने आपे यहूदी केरे कानूने करां आजाद केरा, किजोकि मीं अपने आप आजाद कियोरोए ज़ेन्नरे तुस गैर कौमरे लोक पेइले आजाद थिये, तुस पेइले मेरे सामने बडे रोडे थी। 13 तुसन याद भोलू, ज़ैखन अवं पेइलो वाद खुशखबरी शुनाने तुसन कां अव त अवं बिमार थियो। 14 ते मेरी जिसमानी हालत जै तुश्शे आजामैइशरी वाजा थी, तुसेई अवं घटिया न समझो ते तुसेई दूर न कढो बल्के एन्नरे कबूल कियो ज़ेन्नरे परमेशरेरो दूर या यीशु मसीह एप्पु। 15 ते तुश्शी तै खुशी मानानी कोरां जेर्द? अवं सच्चे जोई बटाई, तुस मेरे लेइ सब किछ बलिदान केरनेरो लेइ तियार थिये, इडी तगर कि अपनि एछाँ भी। 16 ते कुन तुसन सेइं सङ्ग ज़ोनेरो वजाई सेइं अवं तुश्श बैरी भोरेई। 17 तैन झूठे उत्ताद तुसन दोस्त बनानो त चातन, पन रोडी नीती सेइं नई; बल्के तुसन अलग केरने चातन, कि तुस तैन केरे चेले बना। 18 ज़ोरो मां भेनू रोडाए, कि रोडी गलालन मां हर वक्त दोस्त बनानेरी कोशिश की गाए, सिर्फ तैस वक्ते नई ज़ैखन अवं तुसन सेइं साथी राताई। 19 हे मेरे बच्चव, जांतगर तुसन मां मसीहेरु रूप न बने, तांतगर अवं तुश्शे लेइ ज़म देने बैली कुआन्शो ज़ेरे तकलीफी मां राताई। 20 अवं त चाताई कि हुनी तुसन कां एडतां मिट्टी ज़बाना गल केरि, किजोकि मेरी समझी मां न एज्जे कि अवं तुसन सेइं कुन केरि। 21 तुस जैना मूसेरे कानूनेरे अधीन भोने चातथ, मीं ज़ोतथ, कुन कानूनेरी गलालां शुन्नेरो लेइ तियार नई? 22 तैस मां इन लिखोरुए, कि अब्राहमेरो दूर मट्टु थियां; अक गुलाम कुआन्शरु, ते अक जै आजाद थी तैसेरु। 23 पन जैन गुलाम कुआन्शरु भोव, तैन आम बच्चां केरे ज़ेरु ज़र्म ते जैन आजाद कुआन्शरु भोव, तैन परमेशरेरो वादेरे मुताबिक ज़र्म। 24 इन दूर कुआन्शां परमेशरेरो दूर करारां केरे स्पै मां कम केरतिन। पेइली कुआन्श हाजिरा सीनै पहाडे हिराती जैडी लोकन कानून मैल्लो, जैन तैन गुलाम बनातू थियूं। 25 हाजिरा मना अरबेरु सीनै पहाडेरी ज़ेरी आए, ज़ेसेरी तुलना मौजूद यस्शलेम सेइं केरोतीए, किजोकि तैन अज़ु अपने बच्चन यानी अपने लोकन समेत गुलैमी मांए। 26 पन बेयू यस्शलेम अब्राहमेरो कुआन्श सारालू ज़ेरुए, ते तैसेरे बच्चे गुलाम नई। इन यस्शलेम इश्वे लेइ इश्वे अम्मालू ज़ेरु आए ज़ैसां विश्वास कियो। 27 किजोकि पवित्रशास्त्रे ज़ोते, “हे बैंझ, तीं जैसां कथे बच्चे नई ज़ावरे, खुश भो, तीं जैस बच्चो ज़ानेरी तकलीफ नई भोरी; आवाज उच्ची केरे ते जयजयकार केर, किजोकि शैरोरारी औलाद सुहागानी

करां भी जादे।” 28 हे ढलाव ते बेइनव, तुस अब्राहमेरे मट्टे इसहाकेरे जेरे आथ, जैन परमेशरेरे वादेरे मुताबिक ज़मूर, अस भी परमेशरेरे वादेरे मुताबिक तैसेरे बच्चे बने। 29 ते ज़ैन्वर तैस वक्ते ज़े बच्चो आम बच्चों केरो ज़ेरो ज़मूरो थियो, तैस सतातो थियो ज़े परमेशरेरे आत्मारे मुताबिक ज़मूरो थियो, तेन्हरे अज़ भी अस तैन करां सताव झैललतम ज़ैना कानून मेन्तां परमेशरेरे सामने धर्मी भोनू चातन। 30 पन पवित्रशास्त्र कून ज़ोते? “गुलाम कुआन्शी ते तैसेरे मट्टे कढ, किजोकि गुलाम कुआन्शरू मट्टु आज़ादेरे मट्टे साथी वारस न भोलू” 31 एल्हेरेलेइ हे ढलाव ते बेइनव, असू गुलाम कुआन्शरे बच्चे नई, जै कानूने, बल्के आजाद कुआन्शरां बच्चेम, जै विश्वासे।

**5** मसीहे अस आजाद कियोरम हुनी असन गुलामेरु ज़ेरु यहूदी केल कानून मन्नेरी ज़रूरत नई, अपने एस ऐजैदी मां बनोरे राथ, ते दुबारा अपने आपे कानून मन्नेरे गुलाम भोनेरे लेड न देथ। 2 हेरा, अवं पौलूस तुसन सेइं ज़ोताई, अगर परमेशरेरे सामने धर्मी भोनेरे लेड खतनो करालो, फिरी जैन मसीहे कियोरु तैसेरो तुसन कोई फैद्दो न भोलो। 3 फिरी भी अवं हर एक्की सेइं ज़ोताई जै इस उपीदी सेइं खतनो कराते कि परमेशरेरे सामने धर्मी भोए, तैस कानूनेरो हर हुक्म मन्नो पेनोए। 4 तुस जैना कानून मेन्तां धर्मी भोने चातथ, तुसैई अपने आप मसीह करां अलग कियो ते परमेशरेरो अनुग्रह कबूल केने करां इन्कार कियो। 5 अवं इन ज़ोई बटाई, किजोकि असन पवित्र आत्मारे तरफां पूरो भरोसो कि परमेशर असन धर्मी कबूल केरेलो किजोकि अस मसीह पुड़ विश्वास केरतम। 6 ते मसीह यीशु मां न खतनो, न बगेर खतनो किछ कम्मेरोए, पन सिर्फ विश्वास जै प्यारे सेइं अस्सर केरते। 7 तुस त रोडी दौड़ लोरे थिये दौड़ने, तुस केनि रोक, कि सङ्क्षेप न मन्नथ। 8 एरी शिखर तुसन परमेशरेरे नई दितोरी जैने तुस अपने बच्चे भोनेरे लेड कुजोरेथ। 9 दूरी शिक्षा थोड़े ज़ेरु खमीरेरी ज़ेरु जैन सारे सोनोरे अट्टे खमीर केरते 10 अवं प्रभु पुड़ भरोसो रखताई, कि तुसन झूती शिक्षा पुड़ विश्वास केने करां दूर रखे; पन जै तुसन परेशान केरते, ते कोई कि न भोए परमेशर तैस सज्जा देलो। 11 पन हे ढलाव ते बेइनव, अगर अवं लोकन प्रचार केरतो भोथो कि खतनो केरनो ज़रूरीए, त सताव न गाथो। अगर अवं इ प्रचार न केरतो राथो कि मुक्ति सिर्फ मसीहोरे कूसे सेइं, त फिरी केन्ची ठोकर न लगेथी। 12 रोडू भूथू कि जैना तुसन टपलातन, तैना अपने अंग केटेथे। 13 हे ढलाव ते बेइनव, तुस आजाद भोनेरे लेड कुजोरेथ पन एरु न भोए, कि ई आजादी जिसमानी कम्मां केरे लेड मौको बने, बल्के प्यारे सेइं एक्की होरेरे सेवक बना। 14 किजोकि सारो कानून इस्से एक्की गल्ली मां पूरो भोइ गाते, “कि तू अपने पडोसी सेइं अपनो ज़ेरो प्यार केर।” 15 पन अगर तुस एक्की होरि सेइं लटते ते तंग केरतो राथ, त खबरदार राथ, एक्की होरेरी बरबादी केरले। 16 पन अवं ज़ोताई, पवित्र आत्मारे च्लाने सेइं च्लेले, त तुस जिसमरी खुवैदशां कधी पूरी न केरेले। 17 किजोकिं जिसम पवित्र आत्मारे खलाफे, ते पवित्र आत्मा जिसमेरे खलाफ खुवैइश केरते, ते इना एक्की होरेरे दुश्मन आन; एल्हेरेलेइ जैन तुस केरनु चातथ तैन न केरि बटथ। 18 ते अगर तुस पवित्र आत्मारे च्लाने सेइं च्ललतथ त कानूनेरे अधीन न राए। 19 जिसमेरां कम्मां बांदन, मतलब बद्दाशी, गंदा कम्मां, चपलूसी। 20 मूरती केरि पूजा, टूनो, बैर, लडाई, जलन, सरक, खलाफत, फसाद, विधर्म। 21 नफरत, नशो केरनो, नाच, ते इन केरे ज़ेरां होरा भी कम्मां आन, जैन केरे बरे मां अवं तुसन पेइलू ज़ोताई, ज़ेन्चरे पेइलू भी ज़ोवरए, कि एरां कम्मां केरेवाले परमेशरेरे राज्जोरे वारस नई भोने। 22 पन पवित्र आत्मारो फल प्यार, आनन्द, शान्ति, सबर, ते दया, भलाई, विश्वास, 23 नप्रता, ते बरदाश केरनु; एरां कम्मां केरे खलाफ कोई कानून नई। 24 ते जैना मसीह यीशु मां आन, तैनई जिसम तैसेरे खुवैदशन सेइं साथी कूसे पुड़ ज़ाढ़ेरोए। 25 अगर पवित्र आत्मां असन नव्वीं ज़िन्दगी दितोरीए, त पवित्र आत्मारे मुताबिक च्लाम भी। 26 अस घमण्ड न केरम, अस एक्की होरि न सरकाम, ते एक्की होरि सेइं न जलन केरम।

**6** हे ढलाव ते बेइनव, अगर तुसन पतो चले कि केन्चे कोई पाप कियोरोए, त तुस जैना पवित्र आत्मारे च्लाने सेइं च्ललतथ, तैस बड़े नेरमी सेइं वापस धार्मिकतारे बतां वापस एजनेरी लेड मदत केरा, ते अपनो भी खियाल रखा, कि तुस भी तैसेरे अज़मैशी मां न पेथ। 2 तुस एक्की होरेरी मुशकलन मां मदत केरा, ते एन्नरे मसीहेरो कानून पूरो केरा। 3 अगर कोई अपने आपे खास मैन्ह समझो ते तै सङ्घे न भोए, त तै अपने आपे धोखो देते। 4 पन हर कोई अपने कम्मे परखे, ते तैखन तैस होरि केरे बारे मां नई पन अपने बारे मां घमण्ड केरेवारो मौको भोलो। 5 किजोकि हर कोई मैन्ह अपनो भार छूलो। 6 जैन वचनेरी शिक्षा मैलतीए, तैना सब रोडी चीजन मां शिखालेवाले शामिल रखन। 7 धोखो न खाथ, परमेशर ठाठन मां न उडाव गाए, किजोकि मैन्ह जैन किछ बेते, तैने कटेलो। 8 किजोकि जै अपने जिसमेरे लेइ बेते, ते जिसमेरे सेइं विनाशेरी फसल कटेलो; ते जै आत्मारे लेइ बेते, ते आत्मा सेइं हमेशारी ज़िन्दगी फसल कटेलो। (aiōnios g166) 9 अस रोडां कम्मां केरने मां हिम्मत न हारम, किजोकि अगर अस हार न मनमेले त परमेशर अपने वक्ते पुड़ असन इनाम देलो। 10 एल्हेरेलेइ जैडी तपर मौको मल्ले सेब्बन सेइं भलाई केरा; खास केरतां मसीही लोकन सेइं। 11 हेरा, मीं केत्रे बडे-बडे लफसन मां तुसन अपने हथ्ये सेइं लिखोरुए। 12 ज़ेत्रे लोक यहूदन खुश केरने चातन तैना तुसन खतनो कराने लेइ ज़ोतन। तैना एन केरतन कि लोक प्रचार केररे लेइ तैन न स्तान कि परमेशर लोकन सिर्फ एल्हेरेलेइ बज्जाते कि तैना विश्वास केरतन कि मसीह कूसे पुड़ मरोए। 13 किजोकि खतनो करानेवाले एप्पु भी सेब्बी कानूने पुड़ न च्लन, पन तैना चातन तुस खतनो कराथ, ताके तैना होरि यहूदी केरे सामने घमण्ड केरेवारे काबल भोन, कि तुसैई तैन केरे वजाई सेइं खतनो कियोरोए। 14 पन मेरे लेइ इने, अगर अवं घमण्ड केरि त सिर्फ इश्शे प्रभु यीशु मसीह पुड़ जै इश्शे लेइ कूसे पुड़ मरो। किजोकि तैसेरे मरने सेइं अवं हुनी दुनियारे चीजां केरि इच्छां केरो गुलाम न राव, ते तैन मीं पुड़ राज्ज केरेवारी कोई शक्ति नई। 15 किजोकि न खतनो, ते न खतनो न भोनो ज़रूरीए, पन ज़रूरी इने, कि परमेशरे तुस पवित्र आत्मारे कम्मेरे ज़िरिये अक नव्वीं इन्सान बनोरेथ। 16 परमेशर तैन सेब्बन अपनि शान्ति देलो ते तैन बरखत देलो जैन इस नियमे मन्नन, तैना परमेशरे लोक आन। 17 अग्रोवं जो कोई मीं दुख न दे, किजोकि मेरे जानी पुड़ जैना दाग आन तैना हिरातन कि अवं यीशु मसीहेरो दास आई। 18 हे ढलाव ते बेइनव, इश्शे प्रभु यीशु मसीहेरो अनुग्रह तुसन पुड़ भोए। आवीन।

# इफिसियों

**1** अब पौलस परमेश्वरी मेंसी सेइं यीशु मसीहों प्रेरित आईं। अब तुसन जैना परमेश्वरे लोक आथ ते इफिसुस नगरे मां रातथ ईं चिठ्ठी लिखने लोरोई। 2 इश्शे बाजी परमेश्वर ते प्रभु यीशु मसीह करां तुसन अनुग्रह ते शान्ति लैलती राए। 3 इश्शे प्रभु यीशु मसीहों परमेश्वर ते करो बाजी केरि बड्याई भोए, इश्शो रिश्तो मसीह सेइं भोनेरे वजाई सेइं तैने असन हर लिहाजे सेइं तैना आत्मिक बरकतां दितोरिन, जैना बरकतां स्वर्गं इश्तिन। 4 जेन्वेरे तैने अस दुनिया बनानेरे पैइली मसीह मां चुने, कि अस तैसेरी नज़री मां ध्यारे मां पवित्र ते बेडुलज़ाम भोम। 5 किजोकि परमेश्वरे असन सेइं ध्यार कियो, तैनी बडे पैइले ईं फैसलो कियोरो थियो कि तै असन यीशु मसीहों जिरिये अपने बच्चां केरे स्पै मां गोद ने, किजोकि तै इन केरनू चातो थियो। 6 अस परमेश्वरे अनुग्रहे लेद तैसेरी बड्याई केरतम, जै तैने असन मुफ्तो मां दितो, किजोकि इश्शो रिश्तो तैसेरे टुलारे मट्टे सेइं आए। 7 परमेश्वरे बडे अनुग्रहे मुताबिक मसीहों खुने बगाने सेइं असन छुटकारो मैल्लो, मतलब इश्शे पाप माफ भोए। 8 जै तैनी सारे ज्ञान ते समझ सेइं साथी असन पुड़ बडो जादे कियो। 9 कि तैने अपनि मेरज़ो भेद, अपने रोडे इरादेरे मुताबिक असन पुड़ बांदो कियो, जै तैने पूरो करनो थापोरो थियो। 10 परमेश्वरे ठहरावरे वक्ते पुड़ तै वर्वते थेरतरी चीज़न साथी आनेतो ते मसीह तैस पुड़ राज़ करालो। 11 मसीह सेइं इश्शो रिश्तो भोनेरे वजाई सेइं परमेश्वरे अस चुने, तैन हासिल केनेरे लेद जैसेरो वादो तैने असन देनेरे लेद कियोरो थियो। इन बिलकुल तेन्वरे भोव जेन्वरे तैनी बडे पैइलू पूरु केरनू थापेरु थियूं ते इच्छा कियोरो थी। 12 अस यहूदी पैइले लोक आम जैनेई मसीह पुड़ उमीद रखोरी थी, ते अस चुने जे, ताके परमेश्वरे महिमारी स्तुति केरि बटम। 13 ते तुस भी मसीह सेइं शामिल भोए जैखनु तुसेईं सच्चू वचन शुनू, जै खुशखबरा तुश्शे लेद मुक्ति आनी, जैखन तुसेईं विश्वास कियो परमेश्वरे तुसन पुड़ अपनि छाप लाई, ई छाप पवित्र आत्मा आए, जै तैनी असन दितो, जैसेरो वादो तैनी कियोरो थियो। 14 पवित्र आत्मा भी छुटकारें सैयरो ज़ेरो आए, जै पक्कू केरते कि परमेश्वरे असन तै विरासत देलो जैसेरो तैनी वादो कियोरोए, ते तैनी अस अपने लोकां केरे स्पै मां धिनोरम, ताके तैसेरे महिमारी बड्याई भोए। 15 एल्हेरेलेद, जैइसेरू मां शुनेरू कि तुस प्रभु यीशु पुड़ विश्वास केरतथ ते परमेश्वरे सेइं लोकन सेइं ध्यार केरतथ, 16 तुश्शे लेद परमेश्वरे शुक्र केरनू न शरीरी, ते अपने प्रार्थनामां तुसन याद केरताई। 17 अब प्रार्थना केरताई कि परमेश्वर, इश्शे प्रभु यीशु मसीहों महिमा बाले बाजी, तुसन पवित्र आत्मा दे, तै तुसन अकलमन्द बनालो ते परमेश्वरे तुसन पुड़ बांदो केरेलो, ताके तुस तैस पिशेनी बथथ। 18 अब ई भी प्रार्थना केरताई कि तै तुश्शे मने खोलेलो, कि तुस बुझथ कि इश्शे कुजाहोरी कुन उमीद आए, ते केती महान ते महिमा बैली बरकतां केरे लेद परमेश्वरे अपने लोकन जो वादो कियोरोए। 19 ते तैसेरी शक्ति इश्शे लेद जैना अस विश्वास केरतम, केत्री महान, तैसेरी शक्तेरे कम्पेरे मुताबिक, 20 जैन तैनी मसीहों बारे मा कियूं, कि तैस मुद्दन मरां ज़ीते केरतां वर्वमां अपने देइने पासे बिशालो। 21 तैड़ी तै हर किसमेरी हकौमत, ते अधिकार, ते शक्ति, ते प्रभुता, ते तैसेरी पदवी हर एक्के अधिकारी करां तै महान आए, जैना न सिर्फ इस जहानी मां, पन एजेनेवाले जहानी मां भी आए। (aiōn g165) 22 ते परमेश्वरे सब किल मसीहों अधिकारे मां कियूं तैनी सेब्बी चीज़न पुड़ अधिकारी बनेइतां कलीसिया दितो। 23 कलीसिया मसीहों जान आए, ते तैसेरी भरपूरी जै सेब्बन मां सब किल पूरु केरती।

**2** बीतोरे वक्ते मां परमेश्वरे तरफां तुसन कां नव्वी ज़िन्दगी न थी; तुस अपने पाप ते बुरे कम्मां केरे वजाई मरोरे लोकां केरे जेरे थिये। 2 तैस वक्ते तुस दुनियारे रीति पुडु चलते थिये, ते तुस अम्बरेरे दुष्ट आत्मा केरे अधिकारी मुताबिक चलते थी, जैसेरी आत्मा हैजू भी परमेश्वरे हुक्म न मनेवाले लोकां केरे मन्न मां कम केरती। (aiōn g165) 3 एन मां अस भी सब पैइले अपने जिसमेरे खुवैइशन मां दिहाडे कटते थी, ते जिसम, ते मनेरी

मर्जी पूरी केरते थी, ते होरि लोकां केरे जेरे स्भावे सेइं बुरे थिये ते परमेश्वरे सजारे अधीन थिये। 4 पन परमेश्वर जै बडो दया केरेनेबालोए; अपने तैस बडे प्यारे सेइं, जैस सेइं तैने असन सेइं प्यार कियो। 5 जैखन अस पापां केरे वजाई सेइं मर्म लोकां केरे जेरे थिये, तैनी असन ज़िन्दगी दिती जैखन तैनी मसीह मुद्दन मरां ज़ीतो कियो, परमेश्वरे अनुग्रहे सेइं तुसन मुक्ति मैलोरीए। 6 किजोकि तैनी अस मसीह सेइं साथी मुद्दन मरां ज़ीतो कियो, ते स्वगरे ठैरन मां तैस सेइं साथी बिशालो। 7 परमेश्वरे एन कियूं कि एजनेवाले वक्ते मां दुनियारे लोकन हिराव, तैने इश्शे लेद एन कियूं जैना अस यीशु मसीह मां आम। (aiōn g165) 8 किजोकि विश्वासेरे जिरिये परमेश्वरे अनुग्रहे सेइं तुसन मुक्ति मैलोरीए, ते तुसेईं अपनो आपे एप्पु नई बद्धावरो बल्के परमेश्वरे दाने सेइं तुस बद्धावरेथ। 9 ते भले कम्मन सेइं नई, एकु न भोए कि कोई धमण्ड केरे। 10 किजोकि अस परमेश्वरे बनोरेम; ते मसीह यीशु मां तैन भले कम्मां केरे लेद पैदा कियोरेम, जैना परमेश्वरे पैइले इश्शे केनेरे लेद तियार करां। 11 एल्हेरेलेद याद केरा, कि तुस जैना जरमनेरे गैर कौमरेथ, ते खतनो कियो लोक तुसन जो बैगैर खतने बाले ज़ोतन। 12 तुस लोक तैस वक्ते मसीह न थिये ज्ञानते, ते तुस परमेश्वरे चुनोरे इसाएली लोक न थिये, ते तुस तैन रोडी चीजन मां हिस्सेदार न थिये ज़ीन केरो वादो परमेश्वरे यहूदी लोकन सेइं कियोरो थियो, ते न उमीद ते दुनियाई मां परमेश्वरे करां दूर थिये। 13 पन अक वक्त थियो कि तुस परमेश्वरे करां दूर थिये, पन हुनी यीशु मसीह मां तैसेरे खुन सेइं नेडे आनोरेथ। 14 किजोकि मसीहे इश्शो मेले कराव, तैने यहूदी ते गैर यहूदी दुड्ये अक केरे, ते अलग केरेनेवाली दिवार जै मझाटे थी, डाली। 15 मसीहे रुक्सेरे मौतरी वजाई सेइं, तैनी कानूनेरे सारे नियम पूरे तरीके सेइं खतम किये। मसीहों एरो केरेनेरो मकसद ई थियो कि दूर्दू टोली केरि अक नव्वी टोली बनाए, जै तैस सेइं जुड़ोरी भोए। 16 मसीहे रुक्सेरी मौतरे जिरिये, तैनी दूर्दू टोली अक की, ते परमेश्वरे सेइं तैन केरो मेल कराव, एन्वरे यहूदी ते गैर यहूदी केरि दुश्मनी खतम की। 17 ते मसीहे एइतां तुस गैर कौमर लोक जैना परमेश्वरे करां दूर थिये, ते यहूदी जैना तैसेरे नेडे थिये, दुर्यन मेल मिलापेरी खुशखबरी शुराई। 18 किजोकि मसीहे बदौलाम अस सारे एक्की पवित्र आत्मारे जिरिये बाजी परमेश्वरे कां एज्जी बटतम। 19 एल्हेरेलेद तुस गैर कौमां केरे लोक परदेशी ते मुसाफर न राए, पन परमेश्वरे लोकां केरे द्वां झुण्ड, ते परमेश्वरे घरानेरे भोए। 20 तुस इमारारे ज़ेरेथ जैसेरी बुनीयाद प्रेरित ते नेबी आन ते यीशु मसीह एप्पु तैसेरो कूनोरे बोडे। 21 जैन मां सारी इमारार साथी मिलातं प्रभु मां अक मन्दर बनती गातीए। 22 तुस गैर कौमरे विश्वासी लोक भी परमेश्वरे होरि लोकन सेइं साथी शामिल किये जे, किजोकि तुस मसीह सेइं साथी अक भोरेथ। ताके तुस अक घर बनथ जैडी परमेश्वरो आत्मा रहते।

**3** किजोकि परमेश्वरे तुश्शे गैर कौमां केरे लेद इन कियोरु, अब पौलुस तुश्शे लेद प्रार्थना केरताई, अब कैदे मां आई, किजोकि अब तुश्शे लेद यीशु मसीहों सेवा केरताई। 2 पक्कू तुसेईं शुनेरू, परमेश्वरे अपने अनुग्रहे जिरिये तुसन खुशखबरी शुनेरी लेद मां ज़िम्मेवारी दितोरीए। 3 परमेश्वरेरो छ्योरो मकसद बडो पैइलो छ्योरो थियो, हातांकी तैनी मां पुड़ बांदो कियो, किछ गल्लां आन जैना अब तुसन चिट्टेरे जिरिये समझानो चाताई। 4 जैन सेइं तुस पेढां बुडी बटतथ, कि अब मसीहोरो तै भेद कोडि तगार समझाताई। 5 बीतारे वक्ते मां परमेश्वरे ई भेद लोकन पुड़ बांदो नई कियोरो, पन हुनी पवित्र आत्मारे जिरिये अपने पवित्र प्रेरितन ते नेबन पुड़ बांदो कियो। 6 परमेश्वरेरो मकसद ई आए, खुशखबरारि जिरिये यीशु मसीह सेइं तैन केरो रिश्तो भोनेरे वजाई सेइं गैर कौमां केरे लोक तैसेरो विश्वासी मां हिसेदार भोले, ते तैना तैसेरे जानेरे अंग आन, जैसेरो वादो परमेश्वरे यहूदन सेइं कियोरो। 7 परमेश्वरे अनुग्रह ते बेडि शक्ति सेइं मां तै खुशखबरारी प्रचार केरनेरो लेद सेवा केरेनेरो खास अधिकार दितोरोए। 8 चाप अब परमेश्वरेरो सेब्बी लोकन मरां निकडे करां निकोडोई। परमेश्वरे मां पुड़ अनुग्रह कियो,

कि अंवं गैर कौमन खुशखबरी शुनेई बेटि कि मसीह हमेशारी बरकतां केरो देनेवालोए। 9 अंवं इस भेदेरे मक्सदेरे बारे जोनेरे लेई चुनारोई, जै परमेश्वर हर चीज़ बनानेवालोए तैनी शुक करा छप्पोरो रखोरो थियो। (aiōn g165) 10 ताके हुनी कलीसियरे जिरिये सेईं, परमेश्वरेव बडु ज्ञान, अन्वरेव तैन प्रधान्न ते अथिकैरन पुडु बांदू कियू गाए। 11 परमेश्वरे दुनिया बनानेरे पेइलो इन्ने थापेरू थियू, जैन तैने इश्शे प्रभु यीशु मसीह मां पूरु कियू। (aiōn g165) 12 किजोकि मसीह पुडु इश्शो विश्वासे, तैसेरे वजाई सेईं अस परमेश्वरी मौजूदीमां मां हिम्मत ते भरोसे सेईं साथी एज्जी बटतम। 13 एल्हेरेलेई अंवं बिनती केरताई कि जैना दुःख तुश्शे लेई मां पुडु लोरेन एज्जन, तैन केरे वजाई सेईं दिलेवी न शैरी, किजोकि इन सब तुश्शे फेदेरे लेई आए। 14 एल्हेरेलेई अंवं तैस बाजी परमेश्वरे कां जीधू केरे भारे प्रार्थना केरताई, 15 तैए आए जै स्वर्ग ते धेरती पुडु रानेबाले विश्वासी लोकां केरो बाजी। 16 कि तै तै अपने महिमारे धनेरे मुताबिक तुसन इन दान दे, कि तुस तैसेरी आत्माई सेईं अपने एनत्रीयों मैन्हु मां शक्ति हासिल केरतां मज़बूत भोते गाथा। 17 ते विश्वासे सेईं मसीह तुश्शे दिले मां राए, कि तुस प्यारे मां जील छेडतां ते मुनीयाद छेडतां, 18 सब पवित्र लोकन सेईं रोडेचारे समझानेरी शक्ति हासिल केरा; कि तैसेरी चौडाई, ते लमबाई, ते ऊँचाई, ते दुधार केत्रोए। 19 ते अंवं प्रार्थना केरताई कि तुस मसीहेरे तैस प्यारे सेमझी बटतथ जै समझी करां बेइरे, कि तुस परमेश्वरी भरपूरी सेईं भेरोते गाथ। 20 हुनी जै एरो शक्ति बालोए, जै इश्शी बिनती ते समझी करां बडु जाए कम केरि बटते, ते तैस शेर्तेरे मुताबिक असन मां कम केरते, 21 कलीसिया मां, ते मसीह यीशु मां, ते सेरो महिमा पीडी करां पीडी तगर हमेशा भोती राए आमीन। (aiōn g165)

**4** अंवं जै प्रभुएरी सेवा केरनेरे वजाई सेईं कैदे मां आई, तुसन कां बिनती केरताई, कि जैन्वरे परमेश्वरे तुस अपने लोक भोनेरे लेई कुजेवरेथ, तैसेरे मुताबिक जिन्दीभी जीथ। 2 मतलब सैरी दीनतां ते नम्रता सेईं साथी, ते सबर केरतां प्यारे सेईं एककी होरेरी झाल्लां। 3 इस कम्मे मां अपनि पूरी कोशिश केरा ताके तुस मेल मिलापे सेईं राथ, किजोकि पवित्र आत्मारे जिरिये तुस अक कियोरेथ। 4 अस सारे विश्वासी एककी जानेर अंगां केरे जेरे आम, ते असन सेव्भन अकके पवित्र आत्माए मैलोरोए; ते तुसन अकके उमीद दिती, जैखन तुस परमेश्वरे लोक भोनेरे लेई चुने जे। 5 अकके प्रभुए जै यीशु मसीहे, जैस पुडु अस सब विश्वास केरतम, ते असेई सेव्भन अकके बपतिस्मो मैल्लो। 6 ते अद्वके परमेश्वरे, जै सेब्बी केरो बाजीए, तैए सेव्भन पुडु राज केरते ते इश्शी दरमियान कम केरते, ते असन सेव्भन मांए रहते। 7 पन मसीहे असन मरां हर एककी तैसेरु कम केरनेरे लेई अलग-अलग किसमेरी काबलीत दितोरिए। 8 एल्हेरेलेई पवित्रशास्त्र जोते, “जैखन तै उच्चे पुडु चाढो, ते तैन बडे कैदी एप्पु सेईं साथी ने, ते तैन लोकन बेडि बरकता दिती।” 9 (तैसेरे उच्चे चुन्नेरो साफ मतलबे ई आए, कि मसीही धेरतरे बुनीयों ठारन मां ओरो थियो। 10 एल्हेरेलेई मसीह बुन ओरो थियो, तैए आए जै सैरी अम्बरे करां भी उबरो जेव, मसीहे एन एल्हेरेलेई कियू ताके सब किछ तैसेरे हज़री सेईं भरपूर भोए।) 11 ते तै मसीहे जैने (कलीसियाई) जिमेबारी दिती, तैने किछ प्रेरित किछ नबी, किछ खुशखबरी शुनाने बारे, किछ रखवाले ते किछ उस्ताद चुने। 12 मसीहे अपने लोकन इना जिमेदारी एल्हेरेलेई दितोरिए, कि कलीसिया जै मसीहेरी जाने तरक्की केरे। 13 जैखन कि अस सब विश्वास, ते परमेश्वरे मदुरी पिशानी मां अक भोम, ते ज़ातगर अक सिद्ध मैन्हु न भोम ते मसीहेरी करेर अनदाज़े तगर न पुजाम। 14 ताके अस अग्रीवं जो बच्चां केरे जेरे न रहम, जैना मैन्हु केरि ठग्नेरी गल्लां ते च्चलैकी सेईं तैन केरे कोशिशी सेईं खियालां केरि ते शिक्षारी हर एककी बयाने सेईं उछडाए, ते इरां उरां धुमाए गाते भोन। 15 बल्के प्यारे सेईं सब जोइतां, सेब्बी गल्लन मां मसीहेरे जेरे सिद्ध भोथ जै कलीसियारी क्रोडी। 16 जैस सेईं सारी जान सेब्बी जोडां केरि मद्दी सेईं साथी मिलातां, ते साथी जुडातां तैस अस्सेरे मुताबिक जै सेब्बी हिसन सेईं भोइतां, अपने आपे बद्धाते, कि तै प्यारे मां तरक्की केरतो राए। 17 एल्हेरेलेई अंवं ज़ोताई, ते प्रभु मां

खबरदार केरताई कि जैन्वरे गैर विश्वासी लोकां केरे लोक अपने मनेरे बेकार खियालन पुडु चलतन, तुस अज़ेरे बाद तैन केरे जेरे न चला। 18 किजोकि तैना बेसमझी भोरेन, ते तै ज़ाजानतारी वजाई सेईं ते सखत मनेरे वजाई सेईं तैना तैस ज़िन्दी करां दूर आन जै परमेश्वर देते। 19 ते तैना बेशम भोइतां, एशी मां लेगि जे, कि सेब्बी किसमेरां गन्द्वा कम्मां शोके सेईं केरन। 20 पन तुसन मसीहेरी एरी शिक्षा नई मैल्लरोरी। 21 बल्के मीं पूरु याकीने कि जैखन तुसेई यीशुएरे बारे मां अपने उस्तादन करां शुनू, ते तुसेई तैन करां सच्ची शिक्षा शिख्वी। 22 कि तुस पेइले चाल चलनेरे पुरानी इन्सानयती जै टपाने बैली इच्छां केरे मुताबिक भष्ट भोइ गतीए, खोल्ला। 23 इसेरे बदले पवित्र आत्मा तुश्शे खियालन ते नजिरियो बदले। 24 परमेश्वरे तुसन नव्वो स्वभाव दितोरोए, जै तैसेरे स्वभाववेरे जेरो आए। ते तुस नव्वे स्वभाववेरे जेरे जीथ। सच्चे तुस धर्मा ते पवित्र भोथ। 25 एल्हेरेलेई झूठ झौंनू शैरतां हर कोई अपने पडोनी सेईं सेव्भन व्योजे, किजोकि अस एप्पु मामेई एककी जानेरे अंग आम। 26 अगर तुस क्रोधे मां भोथ खबरदार राथ, कि पाप न केरथ, दिहाडो डुबने तगर तुश्शो क्रोध मुक्की गाए। 27 ते शैताने मौको न देथ कि तै तुश्शी अज़ामैश केरे। 28 चौरी केरनेबालो फिरी चौरी न केरे; बल्के इमानदारी सेईं अपने हथन सेईं मेहनत केरे; एल्हेरेलेई जैस ज़रूर भोए तैस देनेरे लेई तैस का किछ भोए। 29 कोई गन्दी गल तुश्शे ज़बाना न निस्से, पन ज़रूरतरे मुताबिक तैने ज़ोथ, जैन होरि केरे लेई विश्वासे मां मज़बूती सेईं बद्धनेरी वजा भोए। तैखन जैन तुसेई जौवं तैन लोकां केरे लेई रोडु भोतू जैना तुश्शी शुन्तन। 30 ते जैन किछ तुस केरथ तैसेरे वजाई सेईं परमेश्वरे पवित्र आत्मा दुखी न केरा, जैस सेईं तुसन पुडु छुटकारेरे दिहाडेरे लेई छाप दितोरोए। 31 सेब्बी किसमेरी टलइठार ते प्रकाप, ते क्रोध, सखत गल, ते तुहीन ते सारो वैर-भाव सेईं तुस दूर कियोरेथ। 32 ते एककी होरि पुडु दया केरा, ते माफ केरनेबालो भोथ, ते जैन्वरे परमेश्वरे मसीह मां तुश्शे पाप माफ किये, तेन्वरे तुस भी एककी होरेरे पाप माफ केरा।

**5** एल्हेरेलेई तुस परमेश्वरे बच्चेथ जैन सेईं तै प्यार केरते, तैसेरे जेरे बन्नेरी कोशिश केरा। 2 होरि केरे लेई प्यार केरे सेईं भेरतां जिन्दी जीथ, जैन्वरे मसीहे भी तुसन सेईं प्यार कियो; ते इश्शे लेई अपने अप रोडी मुश्करे लेई परमेश्वरे कां चेदातां बलिदान केरो। 3 ते ज़ेरु परमेश्वरे लोकां केरे लेई ज़रूरीए, तेन्वरे तुसन मां भी बदमाशी, ते कोन्ची किसमेरु बुरु कम न भोए, या लालव्वेरे बारे मां गल भी न भोए। 4 ते न बे शर्मी, न बेसरी गल्लां, न मेवजेरी गल्लां, किजोकि इना गल्लां शोभन्न न, बल्के तुसेई परमेश्वरे शुक्र कियोरु लोडो। 5 किजोकि तुस इन जानतथ, कि कोन्ची बदमाश, या भिट्टो मैन्हु, या लालव्वी मैनेरो जै मूरती पूजा केरनेबालोए, मसीहे ते परमेश्वरे राज्जे मां तैसेरो कोई हस्सो नई। 6 कोई तुसन ई सल्लाह देइतां धोखो न दे, कि परमेश्वरे हकीकित मां तैन सज्जा न देलो जैना एरे पाप केरतन। 7 एल्हेरेलेई तैन केरु साथ न रखा। 8 किजोकि तुस ते पेइले आंधूरु थी, पन हुनी प्रभु यीशु मां लोआथ, ते लोआरे बच्चां केरे जेरे तैरे चला। 9 (किजोकि लोआरे फल सेब्बी किसमेरी भलाई, ते धार्मिकता, ते सच्चे)। 10 ते इन तोपां कि प्रभु कुन रोडु लगते। 11 ते आंधेरों ते बेकार कम्मन मां शामिल न भोथ, बल्के लोकन इन हिराथ कि इन कम्मां बुरन। 12 किजोकि गैर विश्वासी लोकां केरां छपोरा कम्मां केरि गल केरनि भी शमरी गल आए। 13 जैखन लौ कोन्ची बीजी पुडु चमकती त हर कोई लेई बटते कि इन केरु, किजोकि जैखन लौ किछ हिराती, तै जीच एप्पु लौ भोइ गतीए। 14 एल्हेरेलेई एन्वरे जौवं गते, “हे झूलने बाला उठ ते मुढ़दन मां ज़ीतो भो, ते मसीहेरी लौ तीं पुडु चमकली।” 15 एल्हेरेलेई रोडे चारे देगा, कि केरि जिन्दी जैने लोरेथ। बेअक्लां केरि जेरि नई पन अक्लमन्दा केरि जेरि जिन्दी जीथ। 16 ते मौको कीमती समझा, किजोकि दिहाडे बुरेन। 17 एल्हेरेलेई बेअक्ल न बना, पन ध्याने सेईं समझा, कि प्रभुएरी तुश्शे लेई कुन मर्जी? 18 ते शराब पीने मां मतवाले न भोथ, किजोकि एस सेईं बदचलनी भोतीए, पन पवित्र आत्मा सेईं भेरेतो राथ। 19 ते एप्पु मामेई परमेश्वरे भजन ते स्तुति केरते ते

आत्मिक गीत जोथ, ते अपने-अपने मने मां प्रभुपरे लेइ गीत जोथ ते किरतन केरते राथ। 20 ते सदा सेंधी गल्लां केरे लेइ प्रभु यीशु मसीहेरे नंचे सेंइ बाजी परमेश्वरे शुक्र केरते राथ। 21 ते मसीहेरे डरे सेंइ एककी हारेरे अधीन राथ। 22 हे कुआन्शव, अपने-अपने मुन्नां केरे अधीन राथ, जेन्वरे प्रभुपरे। 23 किजोकि मुशा त कुआन्शरा क्रोडी जेन्वरे मसीह कलीसियारा क्रोडी, ते मसीह कलीसियारो मुक्ति देनेबालोए जै तैसेरी जाने। 24 जेन्वरे कलीसिया मसीहेरे अधीन, तेन्वरे कुआन्शां भी हर गल्ली मां अपने-अपने मु-शेरे अधीन रान। 25 हे मुशव, अपने-अपने कुआन्शन सेंइ प्यार केरा, जेन्वरे मसीह भी कलीसिया सेंइ प्यार केरतां अपनो आप तैसेरेलेइ दितो। 26 ताके तैस वचनेरे जिरिये पैरेरे निहाने सेंइ शुद्ध केरतां पवित्र बनाए। 27 ते तैस अक एरी महिमा बाली कलीसिया बनेइतां एपू कां खडी केरे, जैस मां न कोई दाग, न थबो, न कोई एरी चीज भोए, बल्के पवित्र ते बेइलजाम भोए। 28 एन्वरे मुश अपने कुआन्शी सेंइ अपने जानी बराबर प्यार केरे। जै अपने कुआन्शी सेंइ प्यार करते, तै एपू सेंइ प्यार केतो। 29 किजोकि कोन्वे कथी अपने जानी सेंइ बैर नई रखोरो, बल्के तैसेरी हेरेश कियोरीए, जेन्वरे मसीहे भी कलीसियाइ सेंइ केरतो। 30 एल्लेरेलेइ अस मसीहेरे जानरे अंगां केरे जेरे आम। 31 जेन्वरे पवित्रशास्त्र जोते “एल्लेरेलेइ मङ्गद अम्मा बाजी शैरता अपने कुआन्शी सेंइ मिलारो रालो।” 32 इ भेद त बड़ोए; पन अवं मसीह ते कलीसियरे बरे मां ज़ोताइ। 33 पन तुसन मरां हर कोई अपने कुआन्शी सेंइ एपू बराबर प्यार केरे, ते कुआन्श भी अपने मुन्शेरो इज्जत केरे।

**6** पवित्रशास्त्र जोते, “अपने अम्मा ते बाजी केरि आद केरा, तैखन तुशू भलू भोलू ते दुनियाई मां तुशी लम्मी उमर भोली।” ई पेइलो हुक्मे जैस सेंइ परमेश्वरे वादो कियोरोए, त बच्चव इन तुश्शे लेइ रोड़ु आए, तुस जैना प्रभु यीशु पुड़ु विश्वास केरतथ, अपने अम्मा बाजी केस ज्ञान मन्ना। 4 ते हे बच्चन बालव, अपने बच्चन न सरकाथ, पन प्रभुएरी शिक्षा ते खबरदारी देइतां, तैन केरि हेरेश केरा। 5 हे गुलामाव, जैने लोक दुनियारे मुताबिक तुश्शे मालिकन, अपने मेरे सज्जैइ सेंइ डरते, ते थरकरे, ते जेन्वरे मसीहेरो तेन्वरे तैन केरो भी हुक्म मन्ना। 6 ते मैनू खुश केने बालां केरि जेरे हिरानेरे लेइ सेवा न केरा, पन मसीहेरे दासां केरे जेरे मने सेंइ परमेश्वरेरी मेर्जी पुड़ु चला। 7 ते तै सेवा मैनू केरि नई, पन प्रभुएरी जैनतां केरा। 8 किजोकि तुस जानतथ, कि जै कोई ज़ेरु रोड़ु कम केरेलो, चाए गुलाम भोए, चाए आजाद; तैस प्रभु करां तेरु इनाम मैलैलु। 9 एन्वरे हे मालिकव, तुस भी धेमकी शैरतां अपने नौकरन सेंइ रोड़ो बर्ताव केरा, किजोकि तुस जानतथ, कि तैन केरो ते तुश्शो दुड़वां केरो मालिक स्वर्ग माए, ते तै केन्वरी तरफदारी न केरो। 10 आखरी मां तुस प्रभुएरी शक्ति बाले शक्ति मां मज़बूत बना। 11 परमेश्वरे सारे हथियार बन्धा; ताके तुस शैतानेरे सारे मस्तूवा केरो मुकाबलो केरि बटतथ। 12 किजोकि इश्शी ई लड़ाई, खूने या मासे सेंइ यानी मैनू केरे खलाफ नई, बल्के प्रधानन सेंइ, ते अधिकैरन सेंइ, ते इस दुनियारे आंधरेरे हाकिमन सेंइ ए, ते तैस दुष्टेरे आत्मिक फौजन सेंइ ए जैना आसानने मां आन। (aino g165) 13 एल्लेरेलेइ परमेश्वरे सारे हथियार बन्धा, ताके तुस जेइस बुरे दिहाड़न एजन त तुस सामनो केरि बटतथ, ते सब किछ पूरे केरतां मज़बूत राथ। 14 परमेश्वरे साल्लाई पटकेरी जेरि अपने कमरी सेंइ बन्धा, ते धार्मिकतारी झिलम लेइतां, 15 ते पवन मां मेलरे खुशखबरी शुनानेरे तियैरेरे बूट लाथ। 16 ते तैन सेब्बन सेंइ साथी विश्वासेरी ढाल धिन्तां मज़बूत भोथ जैस सेंइ तुस तैस शैतानेरे सब ज़लते तीर हिरेई बटथ। 17 ते मुक्तरो टोप, ते आत्मारी तलवार जैन परमेश्वरे वचने, नेथ। 18 ते हर वक्त ते हर किसमे सेंइ जै पवित्र आत्मा चलाने सेंइ प्रार्थना ते बिनती केरते राथ, ते बींझी राथ, कि सब परमेश्वरे लोकां केरे लेइ लगातार बिनती केरा। 19 ते मेरे लेइ भी, कि मीं वचन शुनानेरे वक्त हिम्मत भोए, कि अवं दिलेरी सेंइ खुशखबरारो भेद ज़ोई बेटि। 20 एल्लेरेलेइ अवं शंगलन सेंइ बन्धेरो राजदूतेरो जैरो सेवा केरनेबालोई। प्रार्थना केरा कि जेन्वरे मीं शुनावरु लोडे, तेन्वर अवं दिलेरी सेंइ खुशखबरी शुनेई बेटि। 21 तुस भी, अवं ज़ोई बटताई ते कुन केरने

लोरोई, इस सेंइ बुझा। तुखिकुस जै तुसन सब किछ ज़ोलो। तै इश्शो टुलारो साथीए, ते प्रभु मां वफादार सेवके। 22 ते मीं तुसन कां एल्लेरेलेइ भेजोरोए, कि तुम इश्शो हालती ज्ञानथ, ते तै तुश्शे मन्न मां हिम्मत दे। 23 अवं प्रार्थना केरताई कि इश्शो बाजी परमेश्वरे ते प्रभु यीशु मसीह तुसन विश्वासी लोकन शान्ति दे, ते तैना तुसन एककी होरि सेंइ प्यारे मां ते मसीह पुड़ु विश्वासे मां बनोरे रानरे वजा भोए। 24 जैना इश्शे प्रभु यीशु मसीह सेंइ सच्चो प्यार केरतन, तैन सेब्बन पुड़ु अनुग्रह भोतो राए।

# फिलिप्पियों

1 अंवं पौलुस, त कने तीमुथियुस, यीशु मसीहेरे दास आम। 2 इश्वर तरफां सेब्बी पवित्र लोकां केरां नंव्यां, जैना मसीह मीशु मां भोइतां फिलिप्पी नगरे मां रातन, रखवालन ते सेवकन समेत, 2 इश्वर बाजी परमेश्वर ते प्रभु यीशु मसीहे करां तुसन अनुग्रह ते शनित मैलती राए। 3 अंवं जैखन-जैखन तुसन याद केरताई, तैखन-तैखन अपने परमेश्वर शुक्र केरताई। 4 ते जैखन भी तुश्वे सेब्बी केरे लेड बिनती केरताई, ते होशा आनन्दे सेइं प्रार्थना केरताई। 5 किजोकि तुस पेइले दिहाडे करां अज़ तगर यीशु मसीहेरी खुशखबरी फैलाने मां मीं सेइं साथी सामिल रावरेथ। 6 ते मीं इस गल्लरो भरोसोए, कि परमेश्वरे तुसन मां रोडे कम्मेरी शुरुआत कियोरी, तैपै तैस कम्मे यीशु मसीहेरे वापस एजनेरे दिहाडे तगर पूरू केलेलो। 7 इन जेइजे, कि अंवं तुसन सेब्बी केरे लेड एड सोवी, किजोकि तुस मेरे मने मां बस्तोरेथ, ते मेरे कैदे मां खुशखबरारे लेड जुवाव ते सबूत देने मां तुस सब मां सेइं साथी अनुग्रहे मां मीं साथिथ, 8 इस मां परमेश्वर मेरो गवाहे, कि अंवं यीशु मसीहेरो जेरो प्यार केरतां तुश्वे सेब्बी केरु लालच केरताई। 9 ते अंवं ई प्रार्थना केरताई, कि तुश्वो प्यार ज्ञान ते सेब्बी किसमेरो ज़मीर सेइं होरे भी बदूते गाथ। 10 इडी तगर तुस रोडी करां रोडी गल्लां द्लाएरी बुद्धा, ते मसीहेरे दिहाडे तगर सऱ्ये बनारे राथ; ते ठोकर न खाथ। 11 ते तैस धार्मिकतारे फले सेइं जै यीशु मसीहेरे जिरिये भोते, भेरोते गाथ जैस सेइं परमेश्वरी महिमा ते बड्याई भोती राए। 12 हे ढलाव ते बेइनव, अंवं सच ज़ोताई, कि तुस इन ज्ञाना, कि मीं पुड़ जै बीतोरी, तैस सेइं खुशखबरारी बडोतरी भी भोड। 13 इडी तगर कि महाराजेरी सारी फौज ते बाकी सारे लोकन मां इन बांदू भोव कि अंवं मसीहेरे लेड कैद मां आई। 14 ते प्रभु यीशु मां जैना ढला आन, तैन मरा बडे मेरे कैद भोनेरे वजाई सेइं आन, तैना हम्मत केरता परमेश्वरो वचन बेथडक भोइतां ते दिलेरी सेइं शुनानेरी कोशिश केरतन। 15 किछ लोक त जलन ते लडैरी सेइं मंसीहेरो प्रचार केरतन ते किछ लोक सज्जे दिले सेइं। 16 किछ त इन सेमझातां कि अंवं खुशखबरारे लेड जुवाव देवे लेड टेरावरोई प्यारे सेइं प्रचार केरताई। 17 पन तैना होरे लोक साफ दिले सेइं नई पन जलनी सेइं मसीहेरो प्रचार केरतन, इन सेमझातां कि मेरे कैद मां मेरे लेड मुसीबत बधान। 18 त कुन भोव? सिफ़ इन, कि हर बतां चाए बुरे खियाले सेइं, चाए राचैरी सेइं, मसीहेरे बारे मां खुशखबरी प्रचार भोतीए, ते अंवं इस सेइं खुश आई, ते खुश भी रेइलो। 19 किजोकि अंवं जानताई, कि तुश्शी प्रार्थनाई सेइं, ते यीशु मसीहेरी आत्मारे दाने सेइं दिसेरो नितिजो मेरी मुकि भोली। 20 अंवं त दिले सेइं इन चाताई, ते ई उमीद रखताई, कि अंवं कोन्वी गल्ली मां न छिथोई, बल्के जेन्वरे मेरी बडी दिलेरी सेइं मसीहेरो बड्याई मेरे जिसमे सेइं भोती राई, तेच्चे हुना भी भोए चाए अंवं ज़ीतो रेड या मेरी। 21 किजोकि मेरे लेड ज़ीतू रानू मसीहे, ते मस्नू फैइदेए। 22 पन अगर जिसमे मां ज़ीतू रानू मेरे कम्मेरे लेड फैइदेमदे त अंवं न ज़ीनी, कि केस चुनी। 23 किजोकि मीं दुड्यां केरे मङ्गाटे चुने मां मुश्किल भोने लोरीए। अंवं मस्नू चाताई ताके स्वर्य मां मसीह साथी रेड बेटि, किजोकि इन बडू ज़रूरीए। 24 पन तुश्शी महत केरनेरे लेड मेरे ज़ीतू रानू बडू ज़रूरीए। 25 एलहेरेलेड कि मीं इलहेरो भरोसोए ते अंवं जानताई कि अंवं ज़ीतो रानोई, बल्के तुसन सेब्बन सेइं साथी रानोई जैस सेइं अंवं तुश्वी महत केरि, कि विश्वासे मां मज़बूत भोथ, ते इस मां खुश राथ। 26 जैखन अंवं तुसन कां दुबारां एज्जी, तुसन कां जादे वजा भोली यीशु मसीह पुड घमण्ड केरनेरी एलहेरेलेड जैन किछ तै मेरे जिरिये केरवे लोरोए। 27 सिरफ़ एनु केरा कि तुश्शो चालचलन मसीहेरे खुशखबरारे काबल भोए। चाए अंवं तुसन एइतां हेरी, चाए न एज्जी, तुश्वे बारे मां इन शुनी, कि तुस अक मन भोइतां बनोरे राथ, ते अकोडे भोइतां खुशखबरारे विश्वासेरे लेड मेहनत केरते राथ। 28 ते कोन्वी गल्ली मां खलाफत केरनेबालन करां न डराथ। ई तैन केरे लेड बरबाद भोनेरो साफ निशाने, पन तुश्वे लेड मुक्तरो, ते इन परमेश्वरे तरफां

आए। 29 किजोकि मसीहेरे वजाई सेइं तुसन पुड ई अनुग्रह भोव कि न सिफ़ तैस पुड विश्वास केरा पन तै सेरेलेड दुःख भी झौल्लां। 30 ते तुसन तेन्वरे मुसीबत केरनाए, ज़ेन्वरे तुसेरी मीं करा केरते लोरीए, ते हुना भी शुन्तन, कि अंवं तेन्वरे केरताई।

2 अगर मसीह मां किछ तसल्ली ते य्ये रे सेइ हिम्मत ते आत्मारी मौजूदी, ते किछ दर्द ते दयाए। 2 ते मेरो ई आनन्द पूरो केरा कि अकके मन राथ ते अकके प्यार, ते अकके खियाल, ते अकके सोच रखा। 3 खुदगरज या झूठी बड़यैरे लेड किछ न केरा पन नर्म भोइतां एक्की होरि एप्पू करां रोडो समझा। 4 तुसन मरां हर कोई सिफ़ अपने भलैयरे लेड न सोचे, बल्के होरि केरि भलैयरे लेड भी सोचे। 5 ज़ेन्वरे यीशु मसीहेरो सुभाव थियो तेन्वरे तुश्वो भी भोए। 6 ज़ेन्वरे परमेश्वरे बराबर भोइतां भी परमेश्वरे बराबर भोने अपने कब्जे मां खुशनेरी चीज़ न समझा। 7 बल्के अपनी आप खाली केरो, ते गुलामेल रूप धारण केल, ते मैन्हू केरे ज़ेरो बनो। 8 ते मैनेरे रूपे मां बांदो केरतां दीन केरो, ते इडी तगर हुक्म मने बालो राव, कि मौत, हाँ, क्लूरेरे मौत भी झौल्ली। 9 एल्हेरेलेड परमेश्वरे तै बडो महान भी केरो, ते तैस तैन नवं दितू जैन सेब्बी नंव्यन करां बड़ा। 10 कि स्वर्ग मां ते धेरीरी पुड ते धेरतलरे बुने; तैना सब यीशुरे नंव्ये पुड ज़ीधू टेकन। 11 ते बाजी परमेश्वरी महिमारे लेड हर अक ज़िधु मने कि यीशु मसीह प्रभुए। 12 ते हे मेरे ढलाव, ज़ेन्वरे तुस सदा हुक्म मने ओरेथ, तेन्वरे हुना भी न सिफ़ मीं सेइं साथी रेइतां पन खास केरतां जैखन अंवं दू भोइताई फिरी भी डरते राथ ते थरकते अपने मुक्तर कम पूरू केरते गाथ। 13 किजोकि परमेश्वर जै तुसन मां कम केरते, ते तुसन इच्छा ते शक्ति तैन केरनेरे लेड देते, जैस सेइं तै खुश भोते। 14 त सब कम्मां बाहै शक्तिकां ते बगैर बेसी सेइं केरा। 15 ताके तुस बेइलजाम ते शरीफ भोइतां टारे ते ढीठ लोकन मां परमेश्वरे बेइलजाम बच्चे बना, जैन मां तुस ज़िन्दगारो वचन धिनां दुनियाई मां बालते दीयां केरे ज़ेरो लेइहाते राथ, 16 कि मसीहेरो वचन धिनां दुनियाई मां बालते दीयां केरे ज़ेरो लेइहाते राथ, 16 कि मसीहेरो वापस एजनेरे दिहाडे घमण्ड केरनेरी वजा भोए, कि न मेरी दौङ्धूप ते न मेरी मेहनत बेकार भोए। 17 अगर मीं तुश्वे विश्वासेरे बलिदाने या सेवारे लेड अपनो खुन भी बागानो ऐ, ते फिरी भी अंवं खुश आई, ते तुसन सेब्बी साथी खुश आई। 18 तेन्वरे तुस भी खुश भोथ, ते मीं साथी आनन्द केरा। 19 मीं प्रभु यीशु मां उमीदे, कि अंवं तीमुथियुसे तुसन कां जल्ली भेजेलो, ताके तुश्वो हाल शुन्तां मीं शान्ति मैल्ले। 20 किजोकि मीं कां एरे ज़ेरो सुभारोरो कोई नई, जै साफ दिले सेइं तुश्शी फिक्क केरे। 21 किजोकि सब अपने फैइदो तोपतन, न कि यीशु मसीहे। 22 पन तुसेरी तै परखो ते पिशानो भी, कि ज़ेन्वरे मठु बाजी साथी केरते, तेन्वरे तैनी मीं सेइं साथी खुशखबरी फैलाने मां मीं सेइं साथी मेहनत केरते। 23 ते मीं उमीदे, कि जैखन मीं पातो चलेलो कि मेरी कुन हालत भोली, तैखन अंवं तैस लूशी भेजेलो। 24 ते मीं प्रभु मां भरोसोए, कि अंवं एप्पू भी ज़ल्दी एज्जेलो। 25 पन मीं इफ्पुरीदुतुस जै मेरो ढलाए, ते मद्धतागर, ते साथी योधो ते तुश्वो दूते, ते ज़स्सीरी गल्लान मां मेरी सेवा टेल केरनेबालोए, तुसन कां भेजनो ज़स्सीरी समझो। 26 किजोकि तैसेरो मन तुसन सेब्बन मां लगागो थियो। एल्हेरेलेड बै चैन रातो थियो कि जिकोकि तुसेरी तैसेरो बिमैरारो हाल शुनोरो थियो। 27 ते तै सद्ये बिमार त भोरो थियो, इडी तगर कि मरने पुड थियो, परमेश्वर तैस पुड दया की; ते सिरफ़ तैसे पुड नई, पन मीं पुड भी, कि मीं दुःखे पुड दुख न भोए। 28 एल्हेरेलेड अंवं तैस भेजनेरी होरि भी कोशिश केरि, तुस सेइं मिलातां खुश भोड्यथ ते मेरो भी दुःख घट। 29 एल्हेरेलेड तुस प्रभु मां बडे आनन्दे सेइं तैसे लुमालत केरो, ते एरे ज़ेरो लोकां केरिआद आदर केरा। 30 किजोकि तैए मसीहेरो कम्मेरे लेड अपनि जान खतरे मां छेडतां मौतरे नेडी पुजोरो थियो, ताके जै घाटो तुश्वे तरफां मेरी सेवा मां भोव, तैस तै पूरो केरो।

3 हे मेरे ढलाव ते बेइनव, प्रभु मां आनन्दित राथ, तैना गल्लां तुसन बार-बार लिखने मां मीं तो कोई कष्ट न भोए, ते इस मां तुश्वी सलामतीए। 2 तैन बुरां कम्मां करनेबाले लोकन करां हुशार राथ, जैना खुशार कुतरां केरे ज़ेरो

खाने बालां आन। 3 किजोकि खतने बाले त असां आम जैना परमेशरे आत्मारे चलाने सेइं चलतम ते आराधना केरतम ते मसीह यीशु पुडु घमण्ड केरतम ते जिसमे पुडु भरोसो न रखम। 4 पन अवं त जिसमे पुडु भरोसो रेख्खी बटाई अगर कोन्ची होरि जिसमे पुडु भरोसो रखनेरो वचार भोए, त अवं तैस करां भी जादे रेख्खी बटाई। 5 अठोंड दिहाडे मेरो खतनो भोव, इसाएल केरे कुहमे ते बिन्यामीनेरो गोत्र मरां आई; डबरैनी केरो इब्रानी; कानूनेरे बारे मां अगर कोई जोए त फरीसी। 6 जोशें बारे मां अगर कोई जोए त कलीसियाई सताने बालो; ते अगर कानूनेरे धार्मिकतारे बारे मां कोई जोए त बेइलजाम। 7 पन जैना-जैना गल्लां मेरो फैइदरी थी तैना मां मसीहें खातर नुकसान सैमझोरिन। 8 बल्के मां अपने प्रभु यीशु मसीहें पिशानारी बड्डैयरे वजाई सेइं अवं सब गल्लां नुकसान समझाताई, ज़ेसेरे वजाई सेइं मां बेडि वीजां केरो नुकसान उठाव, ते तैन कूड़ी समझाताई, ज़ेस सेइं अवं मसीह हासिल केरि। 9 ते तैस मां भोड, न कि एपनी तैस धार्मिका सेइं जै मूसेरे कानूने सेइं ए, बल्के तैस धार्मिकता सेइं जै परमेशरेरे तरफां मसीह पुडु विश्वास केने सेइं भोतीए। 10 ते अवं तैस ते तैसेरे ज़ीती भोनेरी शक्ति, ते तैस साथी दुखन मां शामिल भोई, ते तैसेरी मौतरी बरारी हासिल केरि। 11 ताके अवं कोन्ची रीति सेइं मुद्दन मरां ज़ीते भोनेरे पदे तगर पुज्ही। 12 ई मतलब नई, कि मां हासिल केरो, या अवं सिद्ध भोइ जेव, पन तैस चीजी हासिल केनेरे लेइ दौड़ने लोरोई, ज़ेसेरे लेइ मसीह यीशुए अवं ट्लावरो थियो। 13 हे ढ्लाव ते बेइनव, मेरु इन गुमान नई कि मां ट्लाव, पन सिर्फ अक कम केरताई, कि जैना गल्लां पत्रोंवेडे तैन बिसरतां, अग्री गल्लां केरे पासे गताई। 14 निशानेरे पासे दौड़तो चलताई, ताके मां तैन इनाम मैल्ले, ज़ेसेरे लेइ परमेशरे अवं मसीह यीशु मां बां कुजेवरोई। 15 असन मरां ज़ेत्र सिद्धन, ईंपे विचार रखा, ते अगर कोन्ची गल्ली मां तुश्शो होरो खियाल भोए त परमेशर तैस भी तुसन पुडु बांदी केरेलो। 16 एलरेलेइ ज़ैडी ताजर पुजोरेम, तैसेरे मुताबिक चलम। 17 हे ढ्लाव ते बेइनव, तुस सब मिलतां मेरी जेरि चाल चला, ते तैन केरि पिशान रखा, जैना इस रीति पुडु चलतन ज़ेसेरी मिसाल तुस असन मां हेरतथ। 18 किजोकि बडे एरी चाल चलतन, जैन केरि चर्चा मां तुसन सेइं बार-बार की ते अज्ज भी लेरा डेइ-डेइ ज़ोताई, कि तैना अपने चालचलन सेइं मसीहेरे क्लसेरे बैरिन। 19 तैन केरो अन्त विनाशे, तैन केरो ईश्वर पेटे, तैना एपनी शरमरी गल्लन पुडु घमण्ड केरतन, ज़मीनारी गल्लन पुडु मन लातन। 20 पन इश्शो मुलख स्वर्म, ते अस एककी मुक्ति देनेबाले प्रभु यीशु मसीह स्वर्वरां बलगने लोरेम। 21 तैए एपनी शक्ति सेइं तैस अस्सेरे मुताबिक तैना सब चीजन अपने वशे मां केरि बटते, इश्शे कमज़ोर जिसमेरु रूप बेदलतां, अपने महिमारो जिसमेरे मुताबिक बनालो।

**4** एलहेलेइ हे मेरे ढ्लारे ढ्लाव ते बेइनव अवं तुसन सेइं घ्यार केरताई, जैन मां मेरो दिल लगारो रहते जै मेरो आनन्द ते ताज भोए, हे ढ्लारे ढ्लाव ते बेइनव, प्रभु मां एन्नरे मजबूत राथ। 2 अवं यूआदियारे छेदे केरताई, ते सुन्तुखेरे भी, कि तैना प्रभु मां अक मन रान। 3 ते हे सच्चे मद्दतगार अवं तीं कां भी बिनती केरताई, कि तू तैन कुआन्शा केरि मद्दत केर, किजोकि तैनई मां सेइं साथी खुशखबरी फैलाने मां, क्लेमेस ते मेरे तैन मद्दत केरेबालन समेत मेहनत की, जैन करां नंवां ज़िन्दगरे किताबी मां लिखोरन। 4 प्रभु मां सदा आनन्दित राथ; अवं फिरी ज़ोताई, आनन्दित राथ। 5 तुश्शी नरमी सेब्मी मैनू पुडु बांदी भोए, प्रभु नेडोए। 6 कोन्ची भी गल्लारी फिक न केरा, पन हर एककी गल्ली मां तुश्शी दरखुवास, प्रार्थना बिनती सेइं शुक्र साथी परमेशरे कां हाजर भोन। 7 तैखन परमेशरेरी शनिति, जै समझी करां बिलकुल बेड़े, तुश्शे दिलन ते तुश्शे खियालन मसीह यीशु मां बिलकुल मैफूज रखेली। 8 आखरी मां, हे मेरे ढ्लाव ते बेइनव, जैना-जैना गल्लां सज्जीन, ते जैना-जैना आदरारे काबलन, ते जैना-जैना गल्लां पवित्रतन, ते जैना-जैना गुण ते जैना-जैना गल्लां तरीफेरी, तैन पुडु ध्यान केरा। 9 जैना गल्लां तुसईं मां करां शिखी, ते कबूल की, ते शुनी ते मां हेरी, तैन केरो हुक्म मन्ना

तैखन परमेशर जै शनिति देनेबालोए तुसन साथी भोलो। 10 अवं प्रभु मां बड़ो खुश आई कि हुनी एत्रे दिहाइन पत्ती तुसन मेरे बारे मां फिरी खियाल भोव; याकीन तुश्शे शुरुआती मां इस एरो खियाल थियो, पन तुसन मौको न मैल्लो। 11 इन नई कि अवं अपनि कम्मेरे वजाई सेइं ज़ोताई, किजोकि मां इने शिखोरुप कि जैस हालती मां आई, तैस्से मां राजी भोई। 12 अवं निकड़ भोन् भी ज्ञानताई ते बहू भोन् भी ज्ञानताई, ते मां हर एककी गल्ली ते सेब्मी हालतन मां रज्नू, ढ्लुख्नू ते बधनू घटनू शिखोरुप। 13 जै मां ताकत देते तैस मां अवं सब किछ केरि बटाई 14 फिरी भी तुसेई रोड़ कियूं, कि मेरे दुखे मां मां साथी भोए। 15 ते हे फिलिप्पियों, तुस एप्पू भी ज्ञानतथ, कि खुशखबरी प्रचारेरे शुरुआती मां जैखन अवं मकिटुनिया अग्रोवं जेव, तैखन मां तुस शरि ते कोन्ची होरि मेनडलारे लोकेई लेने देनेरे बारे मां मद्दत न की। 16 एन्नरे जैखन अवं थिस्सलुनीके नागरे मां थियो; तैखन भी तुसेई मेरी घटी पूरी केनेरे लेइ एककी बार नई बल्ले काई बार किछ भेजेरु थियूं। 17 इन नई कि अवं दान चाताई पन अवं एरो फल चाताई, जै तुश्शे फैइरे लेइ बड़तो गाए। 18 मां कां सब किछे, बल्के बड़ जादे, जैन तुसेई इपकुरीतुसेरे हथ्ये भेजोरु थियूं, तैन मेलतां रज्जोरोई, तैन त खुशबू ते कबूल केरनेरे काबल बलिदाने, जैन परमेशर पसदे। 19 ते मेरो परमेशर भी अपने तैस धनेरे मुताबिक जैन महिमा सेइं यीशु मसीह मांए, तुश्शी हर अक ज़स्तरत पूरी केरेलो। 20 इश्शो परमेशर ते बाजी एरी महिमा हमेशा भोती राए। आमीन। (aiōn g165) 21 हर अक पवित्र मैन्हू जै यीशु मसीह मांए तैस जो नमस्कार जोथ। जै ढ्ला मां साथीए तुसन नमस्कार जोते। 22 सब पवित्र लोकन, खास केरतां जैना महाराजेरे घरानेरेन तुसन नमस्कार जोतन। 23 इश्शो प्रभु यीशु मसीहेरो अनुग्रह तुश्शी आत्माई सेइं साथी राए।

# कुलुस्सियों

1 अब पौलस ईच्छियों लिखने लोरोई, अब परमेश्वरी मेर्जी सेइं मसीह

यीशुएरो प्रेरित आईं, ते विश्वासी ढाला तीमुथियुस भी मां साथी आए।

2 मसीह मां तैन पवित्र ते विश्वासी ढाला केरे नंवे जैना कुलुसे नगरे मां

रातन। इशी बाजी परमेश्वरे तुसन अनुग्रह ते शक्ति देतो राण। 3 अस जैखन

तुश्शे लेइ प्रार्थना केरतम त अपने प्रभु यीशु मसीहेरे बाजी, परमेश्वरे शुक्र

केरतम। 4 किजोकि असेइ शुनोरूप, कि मसीह यीशु पुडु तुश्शे विश्वासे, ते

तुस सेब्बी पवित्र लोकन सेइं तुस प्यार केरतथ। 5 तैस उमीद कियोरी

चीजारे वर्जाई सेइं जै तुश्शे लेइ स्वर्गे मां खोरीए, जैसेरे बारे मां तुसेइ तैस

खुशखेबरारे सच्चे वचने सेइं शुनोरूप, जै तुसन कां पुजोरोए। 6 ते जेन्नरे

दुनियाई मां भी फल आनते, ते बद्रोतो गाते; मतलब जैस दिहेडी करा देतै

तुसेइ तै शुभू ते सर्वैसे लेइ परमेश्वरो अनुग्रह पिशानो, तुसन मां भी एरु केरि

बटते। 7 तैसेरी शिक्षा तुसेइ इश्शे ढालेर मद्वतगार इप्रकास करा हासिल

की, जै इश्शे लेइ मसीहोरो वफादार सेवके। 8 तैने तुश्शे प्यारेरे बारे जोवं

जै होरि लोकां केरे लेइ आए, जै पवित्र आत्मा मां तुसन दित्तोरोए। 9

एलहेलेइ जैस दिहेडी करां इन शुभू त असेइ हमेशा तुश्शे लेइ प्रार्थना की,

कि परमेश्वरी आत्मा तुसन अक्ल ते मसझ दे जैस सेइं तुस तैसेरी मर्जी पूर्वे

तरीके सेइं सेमझी बटेले। 10 ताके तुस तेरही जिन्दगी जीथ जेरि प्रभुरे

लोकन ज़ीयोरी लोडे, ते तुस प्रभु हर बत्ता खुश केरथ, ताके तुस लगातार

हर किसेरी भलाई केरते राथ, ते परमेश्वरी पिशानी मां बद्धुतो गाथ। 11 अब

प्रार्थना केरताई कि परमेश्वर अपनि महिमारे शक्तरे इस्तेमाल केरनेरे जियिए

तुसन मज़बूत केरे, ताके तुस आनन्दे ते सबरी सेइं दुख ढाल्ली बटतथ। 12

बाजी परमेश्वरे शुक्र केरते राथ, जैने अस इस काबल बनाए कि स्वर्गेरी

राज्जे मां तैसेरे अपने लोकन सेइं साथी विरासती मां हिसेदार भोम। 13

किजोकि तैने अस शैतानेरे राज्जे मरा छुटेइतां अपने ढालेर मस्तेरे राज्जे मां

आने 14 परमेश्वरे अपने मस्तेरे बलिदाने सेइं असन पापां केरि माफ़ि किंती

(यानी शैतानेरे राज्जे करां आजाद किये)। 15 परमेश्वरे त कोई न लई बटे,

पन जैखन तैसेल मटू मैनू बनू त तैनी परमेश्वर लोकन पुडु बांदो कियो, जैन

किछ परमेश्वरे बनाव तैस पुडु तैस कां सेब्बाना जादे अधिकार आए। 16

किजोकि ई तै (मसीह) शियो जैने सब किळ बनानेरे वक्ते परमेश्वरे सेइं कम

कियू चाए अम्बेरे पुडु भोन या थेती पुडु भोन, लेवरी भोन या आलई, कुन

तखत भोन, या रियासतां, कुन हकामां भोन या अधिकार, सैरी जीजां

तैस्से सेइं ते तैसेरेलै बनेइ। 17 ते मसीह सेब्बी चीजां बनाने करां पेइले

थियो, ते सब चीजां तैस मां बनोरी रैतिन। 18 तैए कलीसियारो प्रधाने जै

तैसेरी जाने; तैए पेलोए ते मुद्दन मरा जींतो भोने बालन मरा पेइलोए कि

सेब्बी गल्लन मां तैए प्रधान भोए। 19 किजोकि बाजी परमेश्वर इस्ते मां

खुश भोते कि मसीह मां तैसेरे सारे सुभाव वास केरतन। 20 परमेश्वरे फैसलो

कियो कि अपने मटू भेजो, जैने अपने खून बगाव ते क्रूसे पुडु अपनि जान

दिती। परमेश्वरे सेब्बी चीज़न सेइं मेल मलाप केरनेरे लेइ एन कियू। एन्नरे

तैनी मसीहेरे जियिए सेइं सेब्बी चीजां केरो मेल मिलाप एप्पे साथी कियो,

चाए तैना धेरतरी भोन, चाए स्वर्गरी भोन। 21 ते तुस जैना पेइले परमेश्वरे

करां दूर थिये, ते बुरे कम्मां सेइं मने सेइं बैरी थी। 22 किरी भी परमेश्वर

अपने मटू यीशुएरे मैनू बने सेइं ते क्रूसे पुडु मौतेरे जियरीए तुश्शो मेल

कराव, ताके तुसन एप्पू कां पवित्र ते बे दाग ते बेडलजाम हङ्गार केरे। 23

पन तुस मसीह पुडु विश्वास केरनेरे मां बुनीयादरे जेरे मज़बूत राथ, ते तैस

खुशखेबरारे उमीद पुडु जै तुसेइ शुनोरी एन शारथ, जैसेरे प्रचार करां

बुन सैरी स्थि मां कियो जेव; ते जैस मां अबं पौलुस सेवक बनो। 24 हुनी

अब तैन दुखन सेइं खुश आई, जैना तुश्शे लेइ ढाल्लीताई, ते मसीहेरी दुखा

केरि घटी तैसेरे जानारे लेइ, मतलब कलीसियार लेइ, अपने जिसमे मां पूरी

केरताई। 25 जैसेरो अबं परमेश्वरे इंतजामेरे मुताबिक सेवक बनो, जै तुश्शे

लेइ मी सौफो, ताके अबं परमेश्वरे वचन पूरो-पूरो प्रचार केरि। 26 मतलब

तैस भेदे जै जमाना ते पीडन करां छप्पोरो थियो, पन हुनी तैसेरे तैन पवित्र लोकन पुडु बांदो भोरोए। (alion g165) 27 जैन पुडु परमेश्वरे बांदो केरनो चाव, कि तैन जान भोए होरि कोमन मां तैस भेदेरी महिमारी कीमत कुने ते तै ईए, कि मसीह जै महिमारी उमीदे तुसन मां रहते। 28 जैसेरो प्रचार केरतां अस हर एककी मैनू ज़ोतम ते सारे जाने सेइं हर एककी मैनू शिखालतम, कि अस हर एककी मैनू मसीह कां सिद्ध केरतां पेश केरम। 29 ते एल्हेरेलेइ अबं तैसेरी शक्तेरे मुताबिक जै मी मां शक्ति सेइं साथी अस्सर केरतीए तन मन लेइता मेहनत भी केरतम।

2 अब चाताई कि तुस जानथ, कि तुश्शे ते तैन केरे जैना लौदीकिया नगरे

मां आन, ते तैन सेब्बी केरे लेइ जैनेई अब नई लोरोई कि अब केन्वरे

मेहनत केरताई। 2 ताके तैन केरे मन मां शक्ति भोए ते तैना प्यारे सेइं एप्पू

मामेइ बनोरे रान, ते तैस पूरी समझूल धन हासिल केरन, बाजी परमेश्वरेरे भेदे

मतलब मसीह पिशान। 3 जैस मां समझुरे ते जानेने सारे भण्डार छपोरेन।

4 इन अबं एल्हेरेलेइ जोताई, कि कोई मैनू तुसन लालच देने बैली चीजी सेइं

धोखो न दे। 5 किजोकि अबं अगर जिसमेरे लिहाजे सेइं दूराई, फिरी भी

आत्मिक लिहाजे सेइं नेडो आई, ते तुश्शे रीति सेइं तुश्शी हालती ते तुश्शे

विश्वासे जै मसीह यीशु मां मज़बूती हेरतां खुश भोव। 6 ते जेन्नरे तुसेइ

मसीह यीशु अपनो प्रभु कबूल कियोरोए, तेन्वरे तैस मां चलते भी राथ। 7 ते

तैस मां ज़ील छुटते राथ ते बद्धुते राथ; ते जेन्नरे तुस खिखालेरेथ तेन्वरे

विश्वासे मां मज़बूत भोते गाथ, ते खब शुक्र केरते राथ। 8 खबदरार राथ कि

तुसन कोई तैसेरो जाने ते धोखो सेइं शिकार न केरे, जैन मैनू केव रुखजेरु ते

दुनियारी पेड़ली शिकारे मुताबिक पन मसीहेरे नई। 9 किजोकि तैस मां

ईश्वरत्वेरी सारी भरपूरी जैनी मां इहतां वास केरती। 10 ते तुस तैस मां

भरोरेथ जै सैरी हकोमती ते अधिकारेरी क्रोडी। 11 तैसेरे मां तुश्शो एरो

खतनो भोरोए, जै धाथेरो नई, मतलब मसीहेरो खतनो, जैस सेइं तुश्शी

पुरानी इन्सानयत अलग की गातीए। 12 ते तैसेरो सेइं साथी वपतिस्मे मां दबे

जे, ते तैसेरो मां परमेश्वरे शक्ति पुडु विश्वास केरतां, जैने तै मुद्दन मरा ज़ींतो

कियो, तुस भी तैस सेइं साथी जींत किये। 13 ते तैने तुस भी, जैन अपने

पापां, ते अपने जिसमेरे खतनोरे हालती मां फटदे थी, तैस सेइं साथी जींते

भी केरे, ते इश्शे सब पाप माफ़ केरे। 14 ते विधि केरो तै लेख जै इश्शे नंवे

पुडु ते इश्शे खलाफ थियो मटाव; ते तैस क्रूसे पुडु कील देइतां दूर केरो। 15

ते तैने प्रधान ते अधिकैरन हारेइतां तैन केरो खुल्लो मुख्यलूलो तमाशो बनाव

ते क्रूसे सेइं जयजयकार भी केरु। 16 एल्हेरेलेइ खानू पीनू या तिहार या

नर्वी चाँदनी, या आरामेरे दिहादा केरे बारे मां तुश्शो कोई फैसलो न केरो। 17

किजोकि सब एजने बैली गल्लां केरि छावे, पन असली चीजां मां मसीहेरिन। 18

कोई मैनू दीनता ते स्वर्गदूतां केरि पूजा पासंद केरतां तुश्शी दौडेरे इनामे

करां दूर न रखे। एरो मैनू लेवहरी गल्लां मां लग्गोरो रहते ते एप्पी जिसमानी

समझी पुडु फैफैदो फुलते। 19 ते तैस क्रोडी दलेइतां न रखन जै मसीह आए

ते जैस सेइं सारो जिसम जौडन ते पठां केरे हफाजती सेइं ते एककी सेइं

साथी जुडांत, परमेश्वरेरे तरफां बद्रोतो गाते। 20 जैखन कि तुस मसीह सेइं

साथी दुनियारे पेड़ली शिक्षाई सेइं मरोरेथ, ते फिरी तैन केरे जैरे जैना दुनियाई

मां ज़िन्दगी बीतान मैनू केरे हक्म ते शिक्षा सेइं, 21 ते एरी शिक्षा मां

किजो राथ कि इस सेइं नई हुरन, एन नई खानू, ते तैस सेइं हथ नई लानो?

22 (किजोकि इना सब चीजां कम्मे मां आनते-आनते नाश भाँडे गली)। 23

इन गल्लन मां एप्पी मेज़री मुताबिक अपने बेवेरी भेक्ति सेइं, ते दीनता, ते

जिसमानी कोशिश सेइं जानेरु कम त आए, पन जिसमानी खुवैदेशन रोकने

मां इन सेइं किछ भी फैफैदो न थोए। 5

3 ते जैखन तुस मसीह सेइं साथी जींतो किये, त स्वर्गे चीजां केरे तोपी मां

राथ, जैरी मसीह मौजूदे ते परमेश्वरे देइने पासे बिशोरोए। 2 थेरतरे नई

पन स्वर्गे चीज़न पुडु ध्यान लाथ। 3 किजोकि तुस त मरे, ते तुश्शी ज़िन्दगी

मसीह सेइं साथी परमेश्वरे मां छपोरेए। 4 जैखन मसीह जै इश्शी ज़िन्दगीए,

बांदो भोलो, तैखन तुस भी तैस सेइं साथी महिमा साथी बांदे किये गाले। 5

एल्हेरेलेड अपने तैन अंगन मैरी देथ, जैना थेरती पुड आन, मतलब बदमाशी, गन्दगी, बुरे खियाल, बुरी खुवैश ते लालचे जैन मूरती पूजने बराबरे। 6 इन केरे वजाइ सेंद परमेशररो क्रांथ हुक्म न मनने बालन पुड इडते। 7 ते तुस भी, ज़ैखन इन बैड़ेइन मा ज़िन्दगी बीताते थी, त इन केरे मुताबिक चलते भी थी। 8 पन हुनी तुस भी इन सेब्भन मतलब क्रोध, सरक, बैर, तुहीन, गैरै देनी इना सब गल्लां शारा। 9 एककी होरि सेंद झूठ न ज़ोश किजोकि तुसेहं पुरानी इन्सानयत तैसेरे कम्मन समेत खोलोरीए। 10 ते नव्वी इन्सानयत लोरीए जै अपने बनाने बालेरे रूपेरे मुताबिक ज्ञान हासिल केररे लेड नंवंची बनातीए। 11 तैस मां न कोई यूनानी राव, न यहूदी, न बैगैर खतने बालो, न जंगली, न स्कूटी, न गुलाम न आजाद, सिर्फ मसीह सब किछ ते सेभन मांए। 12 एल्हेरेलेड परमेशररे चुनोरा केरे जेरे जैना पवित्र ते ट्लारेन, बड़ी, ते ढुला, ते दीनता, ते नम्रता, ते बरदाशत धारण केरा। 13 ते अगर केन्वी, केन्वी पुड दोष लानेरी वजा भोए, त एककी होरेरी झूलला, ते एककी होरेरे पाप माफ केरा, जेन्सेरे प्रभुपु तुशेथे पाप माफ केरे, तेन्नरे तुस भी केरा। 14 इन सेब्भन करां बा प्यारे जै सेब्भन सिद्धतारो पटकोए बंधा। 15 ते मसीहीरी शान्ति ज़ेसेरे लेड तुस अक जान भोनेरे लेड कुकुरेरे भी आश, तुशें दिलन मां राज केरे, ते तुस शुक्र केरते राथ। 16 मसीहीरे वचन अपने दिलन मां रोड़ेचारे बसने देथ; ते सारे ज्ञाने सेंद एककी होरि शिखाला, ते नसीहत देथ, ते अपने-अपने मनन मां अनुग्रहे साथी परमेशररे लेड भजन ते स्तुति ते आत्मिक गीत ज़ोते राथ। 17 ते वचन या काम जैन किछ भी केरा सब प्रभु यीशुए नंचे सेंद, ते तैसेरे जिरिये बाजी परमेशरेह शुक्र केरा। 18 हे कुआन्शव, जेन्सेरे प्रभु मां जेङ्जो, तेन्नरे अपने-अपने मुशां केरे अधीन राथ। 19 हे मुशाव, एपनी-एपनी कुआन्शन सेंद प्यार रखा, ते तैन सेंद सखत बर्ताव न केरा। 20 हे बज़ाव, सेभ्भी गल्लन मां अपने-अपने अम्मा बाजी केरो हुक्म मन्ना, किजोकि प्रभु इस सेंद खुश भोटे। 21 हे बच्चन बालव, अपने बच्चन तंग न केरा, एरु न भोए कि तैन केरि हिम्मत न ट्लुटे। 22 हे सेवकाव, जैना जिसमेरे मुताबिक तुशें मालिकन, सेभ्भी गल्लन मां अपने मालिकां केरो हुक्म मन्ना, मैनैन् खुश केररे बालां केरे जेरे हिरानरे लेड नई, पन सळ्वे मने सेंद ते परमेशररे डेरे सेंद। 23 ते जैन किछ तुस केरतथ, तैन मने सेंद केरा, इन समझतां कि मैन्हु केरे लेड नई पन प्रभुएरे लेड केरतथ। 24 किजोकि तुस ज्ञानतथ कि तुसन एसेरे बदले प्रभु करां बदले मां मीरास मैल्लनीए, तुस प्रभु यीशु मसीहीरी सेवा केरतथ। 25 किजोकि जै बुराई केरते, तैस एपनी बुरैद्यरो फल मैलनोए; तैड़ी केन्चरी तरफदारी नई।

**4** हे मालिकव, अपने-अपने गुलामन सेंद साथी इन्साफ ते ठीक-ठीक बर्ताव केरा, इन समझतां कि सर्वे मां तुशो भी अक मालिक। 2 प्रार्थना मां लग्गोरो राथ, ते शुक्र सेंद साथी हुशार राथ। 3 साथी इश्वरी लेड भी प्रार्थना केरते राथ, कि परमेशर इश्वरी लेड शुनानरे लेड एरी बत खोल्ले, कि अस मसीहेरे तैस भेरो बारे मां जोई बटम ज़ेसेरे लेड अवं कैदे मां आई। 4 ते तैस बांदो केरि, ज़ेन्चरे मीं कियो लोड़े। 5 वक्त कीमती सेमझतां बेइरन साथी सैमझदैरी सेंद बर्ताव केरा। 6 तुशो वचन सदा अनुग्रहे सेंद ते एरो लूनो भोए, कि तुसन हर एककी मैन्हु रोड़ेचारे जुवाब देनो एज्जे। 7 ट्लारे ढुला ते वफादार सेवक, तुखिकुसे जै प्रभु मां मेरो मदतगार, तै मेरी सेभ्भी गल्लन मां तुसन ज़ोलो। 8 तै मी एल्हेरेलेइ तुसन कर्ा भेजो, कि तुसन इश्वरी हालतरो पतो भोए ते तै तुशें दिलन शान्ति दे। 9 ते तैस सेंद साथी उनेसिमुस भी भेजो जै वफादार ते ट्लारो ढुलाए ते तुसन मराए, ते तुसन इड़ी तगर सैरी गल्लां ज़ोले। 10 अरिस्तर्खुस जै मीं सेंद साथी कैदीए, ते मरकुस जै बरनबासेरो ढुलाए लगते। (ज़ेसेरे बारे मां तुसन हुक्म मैल्लोरो थियो कि अगर तै तुसन कां एज्जे, ते तैस सेंद रोड़ेचारे बर्ताव केरथ) 11 ते यीशु जै जौ यूस्तुस ज़ोतन, तै तुसन नमस्कार ज़ोते। खतनो केरें लोकन मां सिर्फ इए परमेशरेरो राज्जे लेड मदतगार ते मेरे शैनतरी वजा राए। 12 इण्फ्रास जै तुसन मराए, ते मसीह यीशुएरो दासे, तुसन जो नमस्कार ज़ोते ते सदा तुशें लेड प्रार्थना केरते, ताके तुस सिद्ध भोइतां पूरे विश्वासे सेंद साथी परमेशररे मेर्जी

पुड मज़बूत राथ। 13 अवं तैसेरो गवाह आई, कि तै तुशो लेड ते लौदीकिया ते हियरापुलिस बालां केरे लेड बड़ी कोशिश केरतो रहते। 14 ट्लारे तबीब लूका ते देमासेरू तुसन नमस्कार। 15 लौदीकिया नगरेरे ढुलान ते नुमफास ते तैन केरे घेरे कलीसियान जो नमस्कार ज़ोथ। 16 ते ज़ैखन इ चिट्ठी तुशी इड़ी पढ़ी गाए, त एरु केसू कि लौदीकियरे कलीसिया मां भी पढ़ी गाए, ते तै चिट्ठी जै लौदीकियां एज्जे तैस तुस भी पेडथ। 17 फिरी अरखिप्पुसे सेंद ज़ोइथ कि जै सेवा प्रभु मां तीन सोफी, तैस बडे हुशीरी सेंद पूरी केरथ। 18 अवं पौलुस अपने हथ्थन सेंद नमस्कार लिखताई। मेरी शंगलन याद रखा; तुसन पुड अनुग्रह भोतो राए। आमीन।

# 1 थिस्सलुनीकियों

1 अब पौलुस ई चिट्ठी लिखताई। सिलवानुस ते तीमुथियुस भी मां सेइं साथी आन, थिस्सलुनीकिन गगरे कलीसियारे विश्वासी लोकन, जैना बाजी परमेश्वर ते प्रभु यीशु मसीह मां आन, तैन अनुग्रह ते शान्ति मैलती राए। 2 अस अपने प्रार्थनाम मां तुसन याद केरतम, ते सदा तुशी सेभी केरे लेइ परमेश्वरे शुक्र केरतम। 3 ते अपने बाजी परमेश्वरे सामने तुशां कम्मां, जैना तुस विश्वासेरे वजाई सेइं केरतथ, ते बडी महेतरां कम्मां जैन सेइं पतो चलते तुस होरन सेइं प्यार केरतथ, ते इशो प्रभु यीशु मसीहेरे वापस एजनेरे उमीदेरे लेइ मुसीबितन मां सबर केरतथ, अस लगातार याद केरतम। 4 ते हे ढलाव, ते परमेश्वरे ढलारे लोकव, अस जानतम, कि तुस परमेश्वरे अपने लोक भोनेरे लेइ चुनोरेथ। 5 किजोकि यीशु मसीहेरे बारे मां खुशखबरी तुसन कां न सिर्फ लफसन मां पुजी बल्के पवित्र आत्मारे शक्ति सेइं, ते बडे याकीने सेइं साथी पुजी, जेन्नरे तुस जानतथ, कि अस तुशे लेइ तुसन मां केहे बनोरे थिये 6 ते तुस बडे दुखे मां पवित्र आत्मारे आनन्दे सेइं साथी वचने मेन्तां इश्ते ते प्रभुसीरी चाल चलने लाए। 7 इडी तगर कि मकिदुनिया ते अख्याया इलाकां केरे सेभी विश्वासी लोकां केरे लेइ तुस अक नमूनो बने। 8 किजोकि तुशे इट्टां न सिर्फ मकिदुनिया ते अख्याया इलाकान मां प्रभुसुर वचन शुनाव, पन तुशो विश्वासेरी जै परमेश्वरे पुड, हर फैरी जैडी अस जे चर्चा फेलोराए, कि असन तुशी बारे मां ज्ञोनेरी ज़रूरत नई। 9 किजोकि तैना एप्पू होरन ज्ञोतन कि जैखन अस तुसन कां आए त कुन भोवं। तुस मूरतन करा दूर भोवंतो परमेश्वरे पासे फिर, ताके जींतो ते सच्चे परमेश्वरो सेवा केरथ, 10 ते तैसैर मृदु स्वर्वरां वापस एजने बलगते राथ, जैन तैने मुद्दन मरां जींतो कियूं मतलब यीशुए, जै असन एजनेबाले परमेश्वरे प्रकोपे करां बजाते।

2 हे ढलाव, तुस एप्पू जानतथ कि इशू तुसन कां एजनु वैफेट्टू न भोवं। 2 बल्के तुस एप्पू जानतथ, कि असेई पेइले फिलिप्पी नगरे मां दुख झल्लने ते मुसीबत झल्लने पुड़ी भी इशो परमेश्वरे असन दिलेरा दिनी, कि अस परमेश्वरेरो खुशखबरी बडी खलाफत भोते भी तुसन शुनाम। 3 किजोकि इशो शिक्षा न टपलाने सेइं ते न थोखे सेइं, ते न बुरे मकसदे सेइं आए। 4 पन जेन्नरे परमेश्वरे अस इस काबल बनेइतां असन खुशखबरी सोफी, अस तेन्नरे वियोन केरतम, ते मैनून नई, बल्के परमेश्वरे खुश केरनेरे लेइ शिक्षा देतम, जै इशो मन्न परखतो। 5 तुस जानतथ, कि असेई कधी चपलूसारी गल्लां नई कियोरी, ते न लालचैरे लेइ बहानो केरते थी, परमेश्वर इस गल्लरो गवाहे। 6 ते असन मसीहेरे प्रेरित भोनेरे वजाई सेइं तुसन करां महू नेनोरे अधिकार थियो। फिर भी अस मैनून करां आदर न थिये चाते, ते न तुसन करां, न होरि कोन्वी करां। 7 पन जेन्नरे अम्मा अपने मट्टू केरि हेरेगेश केरतीए, तेन्नरे असेई भी तुसन मां रेइतां नरमी हिराई। 8 ते तेन्नरे अस तुशू लालचैरे करते, न सिर्फ परमेश्वरेरी खुशखबरी, पन अपने-अपने प्राण भी तुसन देनेरे लेइ तियार थिये, एल्हेरेलेइ तुस इशो बडे ढलारे भोवं जारे थिये। 9 किजोकि, हे ढलाव, तुस इशो मेन्हनत ते काए याद रखतथ, कि असेई एल्हेरेलेइ रात दिवेडी कारोबार केरतां तुसन मां परमेश्वरी खुशखबरी प्रचार की, कि तुसन मरां कोन्वी पुड भार न भोए। 10 तुस एप्पू गवाह आथ, ते परमेश्वर भी गवाह, कि तुसन जैना विश्वास केरतथ, अस करी पवित्रता, ते धार्मिकता ते बेइलजामे सेइं राए। 11 तुसन पतोए, कि जेन्नरे बाजी अपने बच्चन सेइं बर्ताव केरते, तेन्नरे अस भी तुसन मरां हर केन्वी शिक्षा देते, ते दिलासो देते, ते समझाते थिये। 12 कि तुस एरी जिन्दगी जीथ जैस सेइं परमेश्वर खुश भोए, जै तुसन अपने राज्जो ते महिमा मां कुजाते। 13 अस भी परमेश्वरेरु शुक्र लगातार केरतम, कि जैखन इशो जिरिये परमेश्वरेरी खुशखबरी तुसन कां पुजी जै असेई प्रचार की, त तुसेई तै मैनू केरि नई, बल्के परमेश्वरेरु वचन सेमझातां (ते सच्चे इन परमेश्वरु वचन आए) कबूल की, ते तै वचन तुसन मां जैना मसीह पुड विश्वास केरतथ कम केरते। 14 एल्हेरेलेइ तुस, हे ढलाव, परमेश्वरेरी तैन कलीसियां केरि जेरि चाल चलने

लाए, जैना यहूदिया मां यीशु मसीह मां आन, किजोकि तुसन भी अपने लोकन करां एरो दुःख मैल्ला, जेन्नरे तैन यहूदन करां मैल्लोरो थियो। 15 जैनेई प्रभु यीशु ते नबी भी मारे, ते अस सताए, ते परमेश्वर तैन सेइं खुश नई, ते तैना सेभी मैनू केरि खलाफत केरतन। 16 ते तैना गैर कीमन सेइं खुश नई, ते मुक्ते लेइ गल्ला केरे लेइ असन रोकतन। तैना पापे पुड पाप केरतन जांतगर परमेश्वर तैन सज्जा न देते, ते हुनी परमेश्वरे तैन पक्को सज्जा देनेबालो। 17 हे ढलाव, जैखन अस थोडे विरेले लेइ मने मां नई बल्के बांदे मां तुसन करां अलग भोरे थी, ते असेई बडे लालचे सेइं तुसन हेनेरी बडी जादे कोशिश की। 18 एल्हेरेलेइ (मलबाल मां पौलुसे) एक्की बार नई बल्के बार-बार तुसन कां एजुन चाव, पन शैतान अस तुसन का एजनेरे लेइ रोके। 19 भला इश्शी उमीद, या आनन्द, या बडीवैयरु ताज कौन आए? इन तुस भोले जैखन प्रभु यीशु वापस एज्जोतो 20 इश्शी बड्याई ते आनन्द तुस आथ।

3 एल्हेरेलेइ जैखन असेई जादे न बेलगी बटू त असेई इन ठहराव कि अस एथेंस नगरे मां अकैल्ले रेइ गाम। 2 ते असेई तीमुथियुस जै मसीहेरे खुशखबरी मां इश्शो ढलाए, ते परमेश्वरो सेवके, एल्हेरेलेइ तुसन कां भेजो, कि तै तुसन विश्वासे मां मज्जबूत केरे ते तुशी द्विमत बधाए। 3 कि कोई इन दुखो केरे वजाई सेइं न घबराए, किजोकि तुस एप्पू रोडे चारे ज्ञानतथ परमेश्वरे फैसलो कियोरोए, कि अस सताए गानेम। 4 किजोकि पैइले भी, जैखन अस तुसन कां थिये, त तुसन सेइं जोते थी, कि अस सताए गानेम, ते तुस ज्ञानतथ एरु भोवं भी। 5 एल्हेरेलेइ जैखन मां करां होरु न बेलगाव, त तुशो विश्वासेरो हाल जानेरे लेइ तीमुथियुस भेजो, किजोकि अवं डर्टो थियो कि एरु न भोए, कि अज्ञामो बाले (शैताने) तुस अज्ञामा त न, कि इश्शी मेहनत बेकार त न भोइ। 6 पन तीमुथियुस जै तुसन करां इशो इडी अव, ते तुशो विश्वासेरो ते प्यारेरे बारे मां खुशखबरी शुनाइ। ते हे गल भी शुनाई, कि तुस सदा प्यारे सेइं असन हेरनेरी इच्छा रखतथ, जेन्नरे अस भी तुसन हेरनेरी इच्छा रखतम। 7 एल्हेरेलेइ हे ढलाव, अपनि सारी तंगी, ते मुसीबत तुशो विश्वासे सेइं असन शान्ति मैल्ली। 8 तुशो प्रभु पुड मज्जबूत विश्वासे इशो लेइ अक नक्वे जिन्दगे साँसेरो जेरोए। 9 ते जेरो आनन्द असन तुशे वजाई सेइं अपने परमेश्वरेरु शुक्र केरम! 10 अस रात दिवाडी बडी प्रार्थना केरते रातम, कि तुसन सेइं दुबारां मिलम, ते तुशी मद्दत केरम कि तुस होइ जादे मज्जबूती सेइं प्रभु यीशु पुड विश्वास केरथ। 11 ते अस प्रार्थना केरतम कि इशो बाजी परमेश्वर ते इशो प्रभु यीशु, बत खोल्ले कि अस तुसन कां एज्जी बटम। 12 ते प्रभु एरु केरे, कि जेन्नरे अस तुसन सेइं प्यार केरतम; तेन्नरे तुशो विश्वासेरो एप्पू मांमेहं, ते सेभी मैनू सेइं बधे, ते तरक्की केरते राए। 13 ताके तै तुशो मन मज्जबूत केरे, कि जैखन इशो प्रभु यीशु अपने सब पवित्र लोकन सेइं साथी एज्ज, तै तै इशो बाजी परमेश्वरेरी सामने तुशो मन पवित्रता मां बेइलजाम ठहरालो।

4 आखर, हे ढलाव अस तुसन कां बिनती केरतम, ते तुसन प्रभु यीशु मां समझातम, कि जेन्नरे तुसेई इशो जैरो चाल चलन रख्खो, ते परमेश्वर खुश केन्वो शिखोरोए, ते जेन्नरे तुस चलतथ भी, तेन्नरे तुस अग्रोवं बद्धते राथ। 2 किजोकि तुस ज्ञानतथ, कि इन्ना हादयातां असन प्रभु यीशु करां मैलेरिन। 3 परमेश्वर चातो, कि तुस पवित्र बन, मतलब बदमाशी केन्व करां बज्जोरे राथ। 4 ते तुसन मरां हर केन्वे जानेरु लोडे कि केन्वरां अपने कुआन्शी सेइं पवित्रता ते आदरी सेइं जिन्दगी जीयोरी लोडे। 5 ते इन कम खुवैइशी सेइं नई, ते न गैर कौमा केरे जेरे, जैना परमेश्वरे न पिशानन। 6 कि इस गल्ली मां कोई अपने विश्वासी ढलाए न ठगे, ते न तैस पुड हकोमत चलाए; किजोकि प्रभु इन सब गल्लां केरि सजा देलो, जेन्नरे कि असेई पेइलु तुसन सेइं जूख थियूं, ते खबरदारी भी दित्तोरी थी। 7 किजोकि परमेश्वर अस अशुद्ध जिन्दगी जीनेरे लेइ नई, पन पवित्र जिन्दगी जीनेरे लेइ कुजारवेर। 8 एल्हेरेलेइ जै कोई इना हादयातां केरो इक्कार केरते, तै मैनू केरो नई, पन परमेश्वरो इन्कार केरते, जै अपनो पवित्र आत्मा तुसन देते। 9 पन विश्वासी

भाईयारे प्यारे बारे मां तुसन किछ लिखनेरी ज़रूरत नई, एप्पू मांमें घ्यार रख्नो तुसेही परमेशरे करा एप्पू शिखोराे। 10 ते सारे मकिदुनिया इलाकेरे सेड्भी ढलान सेइं साथी एरु केरतथ भी, पन हे ढलाव, अस तुसन कां छान्दे केरतम कि होरे भी बद्धते गाथ। 11 ते ज़ेन्वरे असेही तुसन हुक्म दितो, तेन्हरे तुस होरन सेइं लडाई न केरा, ते अपनू कम केरा त कने अपने लेह कमाई केरा। 12 ते एन्वरां तैना भी तुशी आदर केरेहे ज़ैना विश्वासी नई, ते तुसन कोन्ही चीजारो घाटो न भोलो। 13 हे ढलाव, अस न चातम, कि तुस तैन केरे बारे मां अनजान राथ जैना विश्वासी मरेन अनजान राथ, एरु न भोए, कि तुस होरि केरे ज़ेरे शोग केरथ, जैन मररेनां पत्ती उमीद नई। 14 किजोकि आदर अस विश्वास केरतम, कि यीशु मरो, ते ज़ीतो भोव, त तेन्हरे परमेशर तैन भी ज़ैना यीशु पुढ विश्वास केरतां मरे, परमेशर तैन भी यीशु सेइं साथी वापस आनेलो। 15 किजोकि अस प्रभु यीशुरे वचनेरे मुताबिक तुसन सेइं इन ज़ोतम, कि अस जैना ज़ीतम, ते प्रभुरे वापस एजने तगर बंचोरे रामेते, त जैना विश्वासी मररेन पेहले तैस सेइं मिलमेले, किरी अस मिलमेले। 16 किजोकि प्रभु यीशु एप्पू स्वर्गरां एज्जेलो; ते ज़ोरे सेइं हुक्म देलो, तैस वक्त प्रधान दूतेरी आवाज शुनैलो, ते परमेशरे महिमारो नडाशिनगो बज़ो गालो, ते जैना मसीह पुढ विश्वास केरेबाले मा मरेन, तैना पेहले ज़ीत भोनेन। 17 तैखन अस जैना ज़ीत बङ्गोरे रहमेले, ते तैन सेइं साथी बिदलारी पुढ निये गानेम, कि अम्बरे मां प्रभु सेइं मिलमेले, ते तेइसेरां बाद अस सदा प्रभु सेइं साथी रानेम। 18 एल्हेरेलेड इने गल्लन सेइं एककी होरि तस्सती देते राथ।

**5** हे ढलाव ते बेइनव, इसेरी ज़रूरत नई, कि वक्तन ते कालां केरे बारे ज़ेन्स प्रभु यीशु वापस एज्जेलो तुसन किछ लिख्यू गाए। 2 किजोकि तुस एप्पू रोडे चारे जानतथ, ते ज़ेन्वरे चोर राती एइते, तेन्हरे प्रभुएरु दुबारा एजनू भोलू। 3 ज़ैखन लोक ज़ोले, “कि शान्तिए, ते कोई डर नई,” त तैन पुड अकदम विनाश एजनोए, ज़ेन्वरे दोज़ीती पुड तकलीफ; ते तैना तैस मुसीबती करां न बचेले। 4 पन हे ढलाव ते बेइनव, तुस त (आत्मिक) आंदरे मां नई, कि तै दिहाडी पुसन पुड चोरेरी ज़ेरि एज्जो। 5 किजोकि तुस सब लोउर बच्ये आथ, ते दीसारे बच्ये आथ, अस न रातेरम, न आंधरेरेम। 6 एल्हेरेलेड अस होरि केरे ज़ेरे झुलोरे न रहम, पन बीँझे रहम ते हुशार रहम। 7 किजोकि जैना झुलोरे रातन, तैना राती झूलतन, ते जैना नशी मां रातन, तैन राती नशे मां भोतन। 8 पन अस त दीसेरेम, विश्वास ते प्यार लेइतां कि इश्वरी हिफाज़त थोए ज़ेन्वरे झिलम सिपाहेरी हिफाज़त केरतीर, ते मुल्ले उमीद लेइतां ज़ेन्वरे सिपाही टोप लाते, खबरदार रहम। 9 किजोकि परमेशरे अस सज्जोरे ते क्रोधेरे लेइ नई, पन एल्हेरेलेड चुनोरेम कि अस अपने प्रभु यीशु मसीहेरे जिरिये सेइं मुकि हासिल केरम। 10 यीशु मसीह इश्वे लेइ एल्हेरेलेड मरो, कि अस चाए बीँझे भोम, या झुलोरे भोम, सब मिलतां तैस सेइं साथी ज़ीम। 11 एल्हेरेलेड एककी होरि हिम्मत देथ, ते एककी होरेरी तरक्की भोनेरी ज़िरियो बना, लगातार, तुस एरु केरतथ भी। 12 ते ढलाव, अस तुसन सेइं बिनती केरतम, कि जैना तुशी लेइ बडी मेहनत केरतन, ते प्रभु मां तुशी अगवाई केरेबाले आम, ते जैना तुसन सलाह देतन, तैन केरि आदर केरा। 13 ते जैना कमां तैनेही तुशी लेइ कियां तैन केरे वजाई सेइं तैन केरि आदर ते तैन सेइं बडो प्यार केरा, ते एप्पू मांमें मेल मालपे सेइं राथ। 14 हे ढलाव ते बेइनव, अस तुसन कां मिनत केरतम, कि जैना आलसी आन, तैन खबरदार केरा, जैन केरि हिम्मत घटे तैन हिम्मत देथ, तैन केरि मद्दत केरा जैना (आत्मिकता) मां कमज़ोरस, सेड्भी केरे लेइ बरदाशत केसू हिराथ। 15 इस गल्लारु थ्यान रख्या, कि कोई कोन्ही सेइं बुरीयीरे बदले बुराई न केरे, पन सदा भलाई केरनेरी कोशिश केरा। 16 सदा खुश राथ। 17 लगातार प्रार्थना केरते राथ। 18 हर हाले मां शुक्र केरा, किजोकि तुशी लेइ मसीह यीशु मां परमेशरेरी ईए मज़रीए। 19 पवित्र आत्मारे कम्मन जैना लोकां केरे ज़िन्दगी मां भोतन तैन न रोका। 20 भविष्यवैनी केरो इन्कार न केरा। 21 सब गल्लां परखा, जैना रोडी भोन तैन अपनाथ। 22 सेड्भी किसमेरी

बुराई करां बचोरे राथ। 23 शान्ति देनेबालो परमेशरे एप्पू तुसन पूरे तरीके सेइं पवित्र केरे; ते तुशी आत्मा ते प्राण ते जिसम इश्वे प्रभु यीशु मसीहेरे दुबारां एजने तगर पूरे, ते बेडलज्जाम ते सुरक्षित रान। 24 तुशी कुजाने बालो वफादारे, ते एरु केरेलो। 25 हे ढलाव, इश्वे लेइ प्रार्थना केरा। 26 सेड्भी विश्वासी ढलान मसीहेरे प्यारे सेइं नमस्कार केरा। 27 अवं तुसन प्रभु यीशु मसीहेरो अनुग्रह तुसन पुड भोतो राए। 28 इश्वे प्रभु यीशु मसीहेरो अनुग्रह तुसन पुड भोतो राए।

# 2 थिस्सलुनीकियों

1 अब पौलस ईच्छियों लिखने लोरोई। सिलवानुस ते तीमुथियुस भी मां सेइं साथी आन। थिस्सलुनीकि नगरेर कलीसियरे विश्वासी लोकन, जैना बाजी परमेशर ते प्रभु यीशु मसीह मां आन, 2 अस प्रार्थना केरतम कि इश्शे बाजी परमेशर ते प्रभु यीशु मसीह तुसन अनुग्रह ते शान्ति दे। 3 ते ढ्लाव ते बेइनव, तुशे बारे मां असेई हर वक्त परमेशरे शुक्र कियेऱ लोडे, ते इन इश्शे लेड ठीक भी आए। एल्हेरेलेइ कि तुशो यीशु मसीह पुड़ विश्वास बड़ो बद्धो गाते, त कने तुशो एककी होरे सेइं प्यारे केरोने भी बड़ो बद्धने लोरोए। 4 ई वजा आए, कि अस एप्पू परमेशरेर कलीसियन मा, तुशे बारे मां घमण्ड केरतम, चाए तुसन पुड़ मुसीबत या दुःख भी एज्जन, फिरी भी तुस सबरी सेइं झैलतथ, ते तुस यीशु मसीह पुड़ विश्वास केरते राथ। 5 परमेशर अपने इन्साफ हिरानेरे लेड ई स्ताव इत्सेमाल केरेलो, कि तुस परमेशरेरो राज्जोरे काबल भोथ, जेसेरे लेड तुस दुःख भी झैलतथ। 6 परमेशर हमेशा ठीक तरीके सेइं इन्साफ केरते, कि जैना तुसन दुःख देतन, तैन बदले मां दुःख दे। 7 तुस जैना दुःख झैलतथ, परमेशर तुसन आराम देलो ते असन भी। इन तेइस भोलू जेइस प्रभु यीशु अपने शेक्किबाले स्वर्वदूतन सेइं साथी बेलित आगरे लाप्पी सेइं साथी स्वगरों एज्जोलो। 8 ते जैना लोक परमेशरे न पिशानन् त कने इश्शे प्रभु यीशुए खुशखबरी न मन्न, तैन तै सज्जा देलो। 9 तैना प्रभुए करां हमेशरे लेड अलग भोले, ते तैसेरे महान शोक्तरे हिसेदार न भोले। तै तैन हमेशारी सज्जा देहांत नाश केरेलो। (aiōnios g166) 10 इना गल्लां तेइस भोली जेइस यीशु अपने लोकन करां आदर हासिल केरेरे लेड वापस एज्जोलो, ते जैना लोक तैस पुड़ विश्वास केरतन तैना हैरान भोले। तुस भी तैन्ने लोकन मरां भोले, किजोकि जै सन्देश असेई तैसेरे भारे मां तुसन शुनव तुसेई तैस पुड़ विश्वास कियो। 11 एल्हेरेलेइ अस लगातार तुशे लेड प्रार्थना भी केरतम, कि परमेशर तुसन इस काबल बनाए, जेति जिन्दगी जीनेरे लेड तुस कुजवरे तेन्नरे तुस जीथ। ते तै तुसन अपने शेक्कि सेइं इस काबल बनालो कि तुस जैना रोदू केरथ ते जैन तुस केरन् चाथ, ते जैन कम तुस अपने विश्वासे सेइं केरतथ पूरु केरथ। 12 एन्चेरे इश्शे प्रभु यीशु मसीहे नंव्वेरी तुशे जिरिये बडीयाई भोली। ते तैसेरे जिरिये तुसन आदर मैलेली। इन सब किछ इश्शे परमेशर त कने प्रभु यीशु मसीहे अनुग्रहे सेइं भोलू।

2 हे ढ्लाव ते बेइनव, असन कां प्रभु यीशु मसीहे वापस एज्जनेरे बारे मां जोनेरे लेड किछ आए। तै वक्त एज्जोलो जेइस अस तैस सेइं साथी मिलमेले। 2 इन सोचांत तुस परेशान न भोथ या तुशो दिल न घबराए कि प्रभुयारी दिहाई पेइली ओरिए। किछ जोई बटतन कि इन भविष्यवाणी माया सन्देशी मां या चिठ्ठी मां तैन कां ओरु थियू। 3 लोक जैना इस बारे मां झूटी गल्लां ज्ञोतन तैन पुड़ विश्वास न केरा। किजोकि यीशु मसीहे वापस एज्जनेरे पेइले, तै वक्त एज्जोलो जेइस बडे लोक परमेशरे खलाफ भोले, ते फिरी अधर्मी मैन्हू बांदो भोलो, तै आए जै नाश भोनेरे लेड ठहरावरोए। 4 तै अधर्मी मैन्हू परमेशरे खलाफत केरेलो, तै तैन सब किछ जैन लोक देवते सेमझातां आराधना केरतन, तै इन जोलो ई अवं इन सेब्बन करां महान आईं इडी तगर कि तै परमेशरेर मन्दरे मां शिथां अपनो आपे जो परमेशर जोलो। 5 इन न बिसरा, कि मीं बडे बार इन गल्लां केरे बारे मां जोरूप, जैखन अवं तुसन सेइं साथी थियो। 6 हुन्ना तै अधर्मी मैन्हू बांदो नई भोरो किजोकि कोई आए जैने तै रोकोरोए, कि तै अपने वक्ते पुड़ बांदो भोए। 7 किजोकि अधर्मी चीजां केरि शक्ति इस दुनियाई मां पेडली छेपतां कम केरने लोरोए, पन अक आए जै तैस रोकतो। तै तै तैस रोकतो रालो जां तगर तै दूर न कियो गाए। 8 तैटुं बाद तै दुष्ट मैन्हू एज्जोलो, पन बादे मां जैखन प्रभु यीशु एज्जोलो, तै तैस दुष्ट मैन्हू अपने एरीरे फुकी सेइं ते एज्जनी महिमाई सेइं मरेलो। 9 तै दुष्ट मैन्हू, रीताने रेक्ति सेइं एज्जोलो। तै हर किसमेरे द्यूठे चमत्कार ते निशान, ते बडां-बडां कम्मां केरेलो, ताके लोक सोचन कि तै परमेशरे जै एन

केरते। 10 ते तै हर किसमेरां बुरां कम्मां केरेलो, तै तैन धोखो देलो जैना परमेशरे नाश केरनेन। किजोकि तैनेई तैस सज्जे पुड़ विश्वास केरने करां इन्कार कियो, जैस सेइं तैन मुक्ति मैलेली। 11 एल्हेरेलेइ परमेशर तैन मां अक धोखो देवेबाली आत्मा भजेलो जै तैन सज्जे करां दूर केरेली, ताके तैना द्यूठे पुड़ विश्वास केरन जैन तै दुष्ट मैन्हू तैन सेइं ज्ञोलो। 12 परमेशर तैन सेब्बी लोकन सज्जा देलो जैनेई यीशु मसीहेरे सज्जे सदेशे पुड़ विश्वास न कियो, पन एप्प केरने सेइं खुश भोए। 13 हे ढ्लाव ते बेइनव, असेई तुश्शे लेड परमेशरे शुक्र कियोरु लोडे। किजोकि परमेशर तुसन सेइं प्यार केरते, तैने तुस दुनिया बनाने करां पेइले चुने, कि पवित्र आत्मारे पवित्र बनाते, ते यीशु मसीहेरे बारे मां जै सज्जो सदेशे तैस पुड़ विश्वास केरतां परमेशर तुसन मुक्ति दे। 14 जै खुशखबरी असेई प्रचार की परमेशरे तै इस्तेमाल की, कि तुसन बज्जानेरे लेड कुजाए, तुस इश्शे प्रभु यीशु मसीहेरी महिमाई मां शामिल भोथ। 15 एल्हेरेलेइ, ढ्लाव ते बेइनव, जै शिक्षा असेई तुसन दित्ती, जैखन असेई तुसन सेइं गल्लां की त कने चिठ्ठी केरे जिरिये, तैस पुड़ तुस लगातार विश्वास केरते राथ। 16 अस प्रार्थना केरतम इश्शे प्रभु यीशु मसीह एप्पू, ते इश्शो बाजी परमेशर जैने असन सेइं प्यार कियो, ते जैने अपने अनुग्रहे सेइं असन हमेशारो होसलो ते पक्की उमीद दित्ती, (aiōnios g166) 17 तैना तुसन होसलो देन, ते तुसन मज्जूत केरन ताके तुस लगातार भलाई केरथ ते जैन जोथ तैन रोदू भोए।

3 आखरी मां हे ढ्लाव ते बेइनव, इश्शे लेड प्रार्थना केरते राथ, कि अस प्रभु यीशुए वचन होरि भी बडे टैन शुनेई बटम, ते जैना शुन तै तैना तेन्नरे मनन जेन्नरे तुसेई मन्नू। 2 ते ई भी प्रार्थना केरा कि परमेशर असन बुरे ते दुष्ट लोकां केरे जिरिये नुकसान पुजाने करां बचेइतां रख्छे, किजोकि बडे लोक जैनेई प्रभु यीशुरी खुशखबरी शनी, ते तैनेई इस पुड़ विश्वास न कियो। 3 पन तुस प्रभु पुड़ पूरो भरोसो केरि बटतथ, तैप तुसन मज्जूत केरेलो, ते दुष्ट करां यानी शीताने करां बज्जालो, ताके तै तुसन कोई नुकसान न पुजेई बटे। 4 ते असन प्रभु मां तुसन पुड़ भरोसोए, कि जैन किछ असेई तुसन केरन्नरे लेड जोरूप, तुस तेन्नरे केरते ओरु थे एज्जेवाले वक्ते मां केरते राले। 5 अस प्रार्थना केरतम, कि प्रभु यीशु मसीह तुसन इन समझानेरे काबल बनाए कि परमेशर तुस सेइं केत्रो प्यार केरते, ते बरदाश केरा जेन्नरे मसीहे बरदाश कियू। 6 हे ढ्लाव ते बेइनव, अस प्रभु यीशु मसीहे दित्तोरे अधिकार सेइं तुसन इहुकम देतम, कि तुसन मरां हर कोई एरे ढ्लान ते बेइनव सेइं साथ न रख्छे, जैना आलसी आन त कने जै शिक्षा असेई तुसन दित्ती तैस न मन्न। 7 किजोकि तुस एप्प रोडे चारे जानतथ, कि तुसेई तेन्नरे जिन्दगी जीवीरी लोडे जेन्नरे असेई जी, जैखन अस तुसन सेइं साथी थिये, अस आलसी न थिये पन कम केरते थिये। 8 असेई कोन्वेरी रोटी मुफ्त न खाइ, पन अस मेहनत ते कषे सेइं रात दिहाई कारोबार केरते थिये, कि अस अपने ज़रूरतां केरे लेड तुसन पुड़ निर्भर न भोए। 9 असेई बडी मेहनत की, एल्हेरेलेइ नई कि असन अधिकार नई, कि तुसन हुकम देम कि तुस इश्शी ज़रूरतां पूरी केरा। पन एल्हेरेलेइ कि असेई अपनो आप तुशे लेड लेड मिसाल बनाई ताके तुस इश्शे जैनी जिन्दगी जीथ। 10 जैखन अस तुसन सेइं साथी थिये तैखन असेई तुसन हुकम दित्तोरो थियो, कि अगर कोई कम केरने करां इन्कार केरे तै तैस रोटी भी न देथ। 11 इश्शे शुनें मां ओरु आए कि तुसन मां बडे लोक एरे आन जैना आलसी जिन्दगी जीतन। तैना एप्प कम न केरन, पन होरि केरे कममन मां दखल देतन। 12 एरे लोकन अस प्रभु यीशु मसीहेरे दित्तोरे अधिकार सेइं हुकम देतम ते समझातम, कि चुपचाप कम केरतां अपनि जिन्दगी जीनेरे लेड कमाई केरन। 13 ते तुस, ढ्लाव ते बेइनव, भलाई केरने मां हिमत न हारा। 14 अगर कोई इश्शी इस चिठ्ठोरो सन्देशे न मन्न, ते सेब्बी केरे सामने तैसेरी पिशान केरा, ते तैस सेइं साथ न रख्छा, ताके तै थिथोए; 15 फिरी भी तैस सेइं दुम्हनेरो ज़ेरो बर्ताव न केरा, पन तैस सेइं विश्वासी सैथेरो ज़ेरो बर्ताव केरतां तैस खबरदार केरा, कि ज़ेरु तैने कियू तैन न केरो। 16 हुनी अवं प्रार्थना केरताई प्रभु जै शान्ति देनेबालोए, तुसन हर

ਕਤਿ ਹਰ ਕਿਸਮੇ ਸੇਵਾਂ ਸ਼ਾਮਿਤ ਦੇਤੇ ਰਾਏ, ਤੇ ਪ੍ਰਭੁ ਲਗਾਤਾਰ ਤੁਸਨ ਸੇਵਭਨ ਸੇਵਾਂ ਸਾਥੀ ਭੋਏ। 17 ਅਵਂ ਪੌਲੁਸ ਅਪਨੇ ਹਥੇ ਸੇਵਾਂ ਨਮਸਕਾਰ ਲਿਖਤਾਈ, ਇਨ ਮੇਰੂ ਸਬੂਤੇ, ਅਵ ਚਿਟ੍ਠੀ ਕੇਤੇ ਆਖਰੀ ਮਾਂ ਏਨ੍ਹਰੇ ਲਿਖਤਾਈ, ਤਾਕੇ ਹਰ ਏਕਕੀ ਪਤੀ ਚੜਲੇ ਕਿ ਇੱਥੇ ਚਿਟ੍ਠੀ ਮੇਰੇ ਤਰਫਾਂ ਆਏ। 18 ਇਥੇ ਪ੍ਰਭੁ ਧੀਸੁ ਮਸੀਹੇ ਅਨੁਗ੍ਰਹ ਤੁਸਨ ਸੇਵਭਨ ਪੁੱਡ ਭੋਤੇ ਰਾਏ।

# 1 तीमुथियुस

1 अब पौलस ईच्छिया लिखने लोरोई। अब इशेस मुक्ति देनेबाले परमेश्वरे ते यीशु मसीहे अधिकारे सेइं प्रेरित आई, जैस पुड़ इश्शी उमीदे। 2 अब ईच्छिया तीमुथियुसे जो लिखने लोरोई। हे तीमुथियुस तू मेरे मष्टे ज्ञेस आस, किजोकि जेन्वरे अब विश्वास केरताई तेन्वरे तू भी विश्वास केरतस। अब प्रार्थना केरताई दृश्शो बाजी परमेश्वर ते प्रभु यीशु मसीह तीं अनुग्रह, दया त कने शान्ति देतो राए। 3 हे तीमुथियुस जेन्वरे तू ज्ञानतस, इफिसुस नगरे मां किछु ऐरे लोक आन ज्ञान गलत शिक्षा देतन। तैना लगातार झूठी कहनी शिखालतन ते पूर्वां केरे नव्वा केरे बारे मां शिखालतन। जैखन अब इफिसुस नगरेरां मकिदुनिया इलाके जो गानेरे लेइ तियार थियो, त मीं ती ज्ञोरु थियू कि इफिसुस नगरे मां रा ते तैन ज्ञो, कि एरी जैरि शिक्षा न देतन, जैखन तैना एरी जैरि शिक्षा देतन त लोक तैन केरे बारे मां बेस केरतन। नितीजो ई आए, जैन कम परमेश्वरे दित्तोराए, शिखालनेबाले तैन नई लौ केरने जैन सिर्फ परमेश्वरे पुड़ रेखतां भोइ सकते। 5 मेरो हुक्म देनेरो मकसद ई आए, कि तुस एक्की होरि सेइं साफ दिले ते रोडे जमीर, ते सच्चे विश्वासे सेइं प्यार केरा। 6 झूठी शिक्षा देनेबालैई इन सैरी गल्लां केरनि बंद की ते सिर्फ बेकार बेस केरतन। 7 ते शास्त्री बन्नू चातन, पन ज्ञान गल्लां तैना होरन शिखालतन ते ज्ञैन केरो दावो केरतन तैन एप्पू भी न समझन। 8 अस ज्ञानतम, कि अगर लोक मूर्सेरे कानूने सही तरीके सेइं शिखालतन त तैन रोड़ आए। 9 तुस ज्ञानतथ मूर्सेरो कानून धर्मी मैनेरे लेइ नई। पन तैन केरे लेइ आए, जैन परमेश्वरे कानूनेरो इन्कार केरन ते ज्ञान लगातार पाप केरतन, ते जैन अशुद्ध आन, ते परमेश्वरी आदर न केरन, ते जैना अपने अम्मा बाजी ते होरि केरे कातलिन। 10 ते कने बदमाशी केरनेबाला, मड़द मङ्दन सेइं जिसमानी रिश्तो रखनेबाला, नौकर बेचबाला, झूठ ज्ञेने बाला, ते झूठी कसम खाने बाला, ते इन केरे अलावा रोडी शिक्षारी खलाफ कम केरनेबाला केरे लेइ आए। 11 ई शिक्षा महान परमेश्वरी महिमारे खुशखबरो मूताबिके, ई परमेश्वरे मीं होरन शुनानेरे लेइ दितोरीए। 12 अब अपने प्रभु मसीह यीशुएरु शुक्र केरताई जैने मां शक्ति दिती, तैने अब वफादार सेमझानी मां अपनि सेवा दिती। 13 विश्वासी बन्ने करो पैइलो अब यीशुएरे बारे मां तुहीन केरनेबालो ते विश्वासी लोकन सताने बालो, ते तैन नुकसान पुजाने बालो थियो। पन परमेश्वरे मीं पुड़ अपनि दया हिराई, किजोकि मीं हेजू यीशु पुड़ विश्वास न थियो कियोरो ते अब न थियो ज्ञानतो कि कुन लोरोई केरने। 14 ते इशेस प्रभु अपनो बडो अनुग्रह लगातार हिराव। ते तैनी विश्वास ते प्यार दित्तो, किजोकि अब तैस सेइं साथी अक भोरो थियो। 15 ई गल सच्चे, ते हर किसमे सेइं मने काबल, कि मसीह यीशु असन पापी लोकन मुक्ति देने इस दुनियाई मां अब, जैन मरा सेब्भना जादे पापी अब आई। 16 पन परमेश्वरे मीं पुड़ दया की, एन तैने एल्हेरेलैइ कियू, कि मेरे जिरिये, जैने मैने होरन करा जादे बुराई की, यीशु मसीह तैस पुड़ अपनि पूरी बरादाश हिर्ई बटे, चाए मीं जैन भी कियोरु थियू तैने एन कियू ताके बादे मां होरे लोक विश्वास केरन ते हमेशारी ज़िन्दगी हासिल केरन। (αιοनियोς g166) 17 हुनी हमेशारो राजो, जै सदा जींतोए ते आलाए महान परमेश्वरी आदर, ते महिमा सदा भोती राए। आमीन। (αιοनियोς g165) 18 हे मट्टु तीमुथियुस, अब इन्ना हदायातं देने लोरोईः अब तीं तैना गल्लां याद कराताई जैना बीतोरे वक्ते मां नेवई तीं ज़ोरी थी। तू तैन गल्लां केरो इस्तेमाल हथियारां केरो ज़ेरो तैन केरे खलाफ लड़नेरे लेइ केर, जैना झूठी शिक्षा देतन। 19 तू मसीह पुड़ लगातार विश्वास केर ते अपनो ज़मीर भी साफ रख। किछु लोकैई अपने साफ ज़मीरो इन्कार कियोरोए तैसेरो नितीजो ई भोव कि तैनेई यीशु पुड़ विश्वास केरने शारो। 20 तैने मां हुमिनयुस ते सिकन्दरे, जैना मां शैतानेरो शक्ति मां देइतां तैन सजा दितोरीए, एस सेइं तैना इन शिखेले कि परमेश्वरी तुहीन केरनि बंद केरन।

2 हुनी अब सेब्भन करां बेद्धतां इन ज़ोताई, कि बिनती, ते प्रार्थनां, ते दरखुवासां, सेब्भी मैन्हु केरे लेइ की गान। 2 राजां ते सेब्भी उच्चे पदे बाला केरा लेइ प्रार्थना केरा, ताके तैना असन सुखे ते बगैर खतरे सेइ ज़ीने देन ते अस परमेश्वरी आराधना केरि बटतम ते होरि लोकन सेइ रोड़ी बर्ताव केरि बटम। 3 इन इशेस मुक्ति देनेबाले परमेश्वरे रोडू लगते ते पसंद एडो। 4 तै इन चाते, कि सेब्भी मैन्हन मुक्ति मैल्ले; ते तैना सच्चेरो ज्ञाने ज्ञान। 5 किजोकि सिर्फ अकके परमेश्वरे, ते अक मैन्हु आए जै परमेश्वर ते लोकां केरो बिचावाई कराने बालो, ते तै मैन्हु यीशु मसीह आए। 6 सेब्भी लोकन पाप ते मौतरी शक्ति करां छुटकारो देरेर लेइ मसीहे अपनो आप बलिदान कियो। तैसेरे मौतरी ज़िरिये परमेश्वरे ठीक वक्ते पुड़ सबूत दितू कि तै सेब्भी लोकन बङ्गो चाते। 7 ई वजा आए, परमेश्वरे अब खुशखबरी प्रचार केरनेबालो ते प्रेरित भोनेरे लेइ चुनो। तैने अब गैर कौमन विश्वासेरो सच्चो सन्देश शिखालनेरे लेइ चुनो। अब झूठ नई लोरो ज़ोने बलके सब्र ज़ोने लोरोई। 8 अब चाताई, कि हर ठैरी सभान मां मङ्दद परमेश्वरे लेइ समर्पित हथ खडे केरतां बगैर सरकां ते बगैर बेसी सेइं प्रार्थना केरन। 9 तेन्चरे मसीही कुआन्शां भी इज्जतदार लिगडां लेइतां, ते अपनो आप रोडेचारे सज़ेइतां, न कि अलग-अलग किसमे सेइं दोग बनाने, ते सोन्ने, ते मोती, ते कीमती लिगड़न सेइं। 10 बलके इसेरे बदले तैनेई होरि केरे लेइ रोडां कम्मा केरतां अपनो आप खुबसूत लोडे बनावरो, किजोकि परमेश्वरी भक्ति केरनेबैली कुआन्शन इन शोभा देतो। 11 जैखन होरे लोक विश्वासी लोकन शिखालन त सेब्भी कुआन्शेर्ई चुपचाप ते आदरी सेइं शुन्तां शिखोरु लोडे। 12 अब अज़ाजत न देई कि कुआन्शां मङ्ददन शिखालन ते तैन पुड़ अधिकार रखन। जैखन तुस आराधना केरनेरे लेइ अकोटे भोथ त कुआन्शेर्ई चुप लोडे रावरु। 13 अब इन एल्हेरेलैइ ज़ोताई किजोकि परमेश्वरे पैइलो आदम बनाव, तैसेरे पती हव्वा बनाई। 14 होरि वजा ई आए कि कुआन्शां सप्ये करां धोखो खाव न कि आदमे, एन्नरां हव्वा परमेश्वरो हुक्म टलोडो। 15 फिरी भी कुआन्श बच्चे जरमने सेइं परमेश्वरे करां मुक्ति हासिल केरली, अगर मसीह पुड़ लगातार विश्वास केरती राए, ते होरि लोकन सेइं प्यार केरती राए, ते शुद्ध त कने रोडे तरीके सेइं बर्ताव केरे।

3 ई गल सच्चे, कि जै कलीसियाई मां अगवो भोनो चाते, त तै आदरारे पदेरी इच्छा रखते। 2 ते इन ज़रूरी कि अगवो बेइलजाम भोए, ते तैसेरी अक कुआन्शा लोडे, ते तै अपने आपे पुड़ कैबू केरनेबाला, सम्मुद्री सेइं ज़ीनेबालो भोए, इज्जतदार भोए, ते द्लाहना केरि आदर केरनेरे लेइ तियार रानेबालो भोए, ते होरि लोकन परमेश्वरी सन्देश रोडे चारे शिखालनेरे काबल भोए। 3 तै शराबी या मार-पीट केरनेबालो न लोडे, बलके दया केरनेबालो लोडे, ते लडाई न केरनेबालो लोडे ते पैइंसां केरे लालवी न भोए। 4 तै अपने घेरो रोडे चारे ज़लानेबालो ते बन्दो बसत केरनेबालो लोडे, ते तैनी अपने बच्चन शिखालोरु लोडे कि तैना हर गल्ली मां इज्जती सेइं तैसेरी मनन। 5 जैखन अगर कोई अपने घेरो बद्दो बसत केरनो न जानतो भोए, त ते परमेश्वरी कलीसियारो हेरोग्या केन्चरे केरेलो? 6 तै नंवो विश्वासी न लोडे, एरु न भोए अभिमान केरे ते तैस शैतानेरी ज़ेरि तैस सजा मैल्ले। 7 ते जैना लोक विश्वासी नई तैनेई भी तैसेरे बारे मां इन ज़ोरु लोडे कि ए रोडो मैन्हु आए। ताके एरु न भोए कि तै घटिया भोए ते शैतानेरो ज़ाले मां फंसे। 8 तेन्चरे सेवक भी तेरहे लोडन जैन केरि लोक आदर केरन। ईमानदार लोडन, ते पीने बाले न भोन, ते एरे मैन्हु न भोन जैन पैइंसां केरे लेइ किछु भी केरि बटतन। 9 पन तैन केरे ज़मीर साफ लोडन ते जै शिक्षा परमेश्वरे बादी कियोरीए, तैस पुड़ लगातार विश्वास केरनेबाले लोडन। 10 जैखन कलीसियारो हेरोग्या केन्चरे केरेलो? 11 तैसेरो कलीसियाई मां सेवा केरनेबालां केरि कुआन्शां भी आदरारे काबल भोन, होरन बदनाम केरनेबैली न लोडन, पन शांत सुभावे बैली, ते सेब्भी गल्लन मां ईमानदार भोन। 12 कलीसियारो सेवक अपने

कुआन्शरे लेड वफादार लोडे, ते बच्चां ते अपने घरेरे सारे लोकां केरो रोडे चारे हेरेगोश केरनेबाला लोडे। 13 किजोकि जैना सेवकेरु कम रोडे चारे केरतन, तैना लोकां केरि नजरी मां इज्जतदार भोतन। ते तैना अपने तैस विश्वासेरे बारे मां जै यीश मसीहे पुडे बडे लिलेरी सेंडे जोतन। 14 अवं तीं का जलदी एजनेरी उमीद रखने पुडे भी इना गल्लां एल्होलेले लिखताई। 15 अगर मीं एजने मां चिर लगे, तु जू जानस, कि लोकेई परमेशरे टब्बरे होरि लोकन सेंडे केन्वे बर्ताव कियोरो लोडे। इन टब्बर तैना लोकन सेंडे बनोल, जैना यीश पुडे विश्वास केरतन ते जीते परमेशरेरे कलीसियारेन। इना विश्वासी सच्ची शिक्षाई मजबूती सेंडे मन्तन ते सम्भालतन जैन्वेरे बुनीयाद ते खम्मे इमारती सम्भालतन ते मजबूत केरते। 16 ते इस मां शक नई, अस पूरे याकीन सेंडे झोई बटतम, जैना शिक्षां परमेशरे बैंटी की एना विलकुल सच्ची आन, मतलब, मसीह मैनेरे रूपे मां बांदो भोत, पवित्र आत्मा तै हर कम्मे मां धर्मी ठहराव, स्वर्गदूर्दृष्ट तै लाव, लोकेई तैसेरे बारे मां कौमन मां प्रचार कियो, सरे दुनियाई मरां लोकेई तैस पुडे विश्वास कियो, परमेशरे तै उदरे स्वर्गे जो नीयो।

**4** पन पवित्र आत्मा साप जोते, कि आखरी वक्ते मां किछ लोक मसीही शिक्षाई पुडे विश्वास केरनो बन्द केरेले। तैना दुष्ट आत्मान कबूल केरेले, तैना तैन बुरी बत्ती चलतीत, त कने तैना लोक दुष्ट आत्मां केरि झूटी शिक्षाई पुडे विश्वास केरेले। 2 इन तैना झूटे पांचांडी लोक आन, जैना इन झूटी शिक्षान शिखालतन, तैन केरो ज़मीर जै रोडे ते बुरे मां फैसलो केरते मरो आए ते जैन्वेरे ताते लोहे सेंडे तै फुकोरोए। 3 एरे लोक इन शिखालतन कि ड्ला नई बनानो ते खानेरी किछ चीजां न लोडन खेवरी, पन परमेशरे इन खानेरी चीजां विश्वासी लोकां केरे खनेरे लेड बनोरिन जैना सच्ची शिक्षा ज्ञानतन कि प्रार्थना केरतां खावरु लोडे। 4 किजोकि परमेशरेरी बनेवरी हर चीज रोडीए। अस परमेशरेरू शुक्र केरतां सब किछ खेडे बटतम। 5 किजोकि परमेशरेरे वचने, ते प्रार्थनाई सेंडे शुद्ध भोते। 6 अगर तू ड्लान ते बैद्धनन लगातार इना गल्लां याद करातो रालो, जैन केरि हादयत मीं तीं दितोरीए त कने विश्वासेरे सन्देशे ते तैस रोडी शिक्षाई सेंडे जैस मां तू मजबूत बनावरोस जै तू मन्त्रो ओरोस। त तू यीश मसीहेरो रोडो सेवक भालो। 7 पन बनेवरी कहैनी ते बेकार कहैनी केर वजाई सेंडे वक्त बरबाद न केरे जैन सेंडे परमेशरेरी आदर न भोए। पन तू लागातर परमेशरेरी आदर केरनेबाली ज़िन्दगी जीनी शिखाल। 8 किजोकि जिसमानी वजिशी सेंडे जानी फैद्दो भोते, पन भेत्तरे लेड तियारी बडी रोडीए किजोकि इस वक्तेरी ते एजनेबाली वक्तेरी ज़िन्दगारो फैद्दो इस्से मां आए जेसेरो वादो परमेशरे कियोरोए। 9 ते ई गल सब, ते हर तरीके सेंडे मन्नेरे कावल। 10 किजोकि अस मेहनत ते कोशिश एल्होलेडे केरतम, किजोकि इश्शी उमीद तैस जीते परमेशरे पुडे। जै सेब्बी लोकां केरो, ते खास केरतां विश्वास केरनेबालन मुक्त देनेबालोए। 11 विश्वासी लोकन इना गल्लां शिखाल ते तैन ई हुक्म दे कि तैना इन मनन। 12 तु एन्वेर बर्ताव केरि कि कोई भी तेरी अनादर न केरे किजोकि तू जवान आस। पन तू विश्वासी लोकां केरे लेड इन सैरी गल्लान मां अक मिसाल बन, गलबाती मां, होरन सेंडे बर्ताव केरने मां, ते होरन सेंडे प्यार केरने मां, ते यीश मसीह पुडे विश्वास केरने मां, ते बैद्धलज्जाम ज़िन्दगी जीने मां ताके लोक भी एन्वरां केरन। 13 जांतगर अवं न एज्जी, तांतगर जैखन विश्वासी लोक अकोटे भोतन जोरे सेंडे पँडे मां, ते तैन केरो होसलो बद्दा ते पवित्रशास्त्रेरो मतलब शिखाल। 14 इस गल्ली याद रख जैखन बुजुर्गा केरे एककी टोलां तां पुडे हथ रखेंरे थिये, परमेशरे तैन अक सन्देश दितो कि तैस वरदानेरे बारे मां जैन जै तैने तीं दितोरी। तैस वरदानेरे नजर अनदाज न केर। 15 तैन गल्लन सोचतो रा, ते तैन मां अपन ध्यान लेइतां रख, एन्वेर हर कोई हेरी बटलो कि तू विश्वासे मां बद्दने लोरोस। 16 इस गल्लू ध्यान रख कि तू केन्वेरे जीतस ते केन्वेरे शिखालतस। इसेरो नितीजो ई भोलो कि परमेशरे इन्साफे मां तेरे जिरिये तीं ते तेरे शुनेबालन बचालो।

**5** बुढे मैन्हु न झिंडक पन तैस एन्वेरे आदरी सेंडे सल्लाह दे जैन्वेरे अपने बाजी, एप्पू करां निकडे मैन्हु एन्वेरे सल्लाह दे जैन्वेरे अपने निकडे

द्लाए। 2 बुढी कुआन्शन सेंडे एन्वेरे बर्ताव केरे जैन्वेरे अम्मा सेंडे, ते जवान कुआन्शन सेंडे एन्वेरे बर्ताव केरे जैन्वेरे अपने बेदी सेंडे। इन साफ दिले सेंडे केर। 3 तैन विधवा केरि आदर केरा, जैन केरो कोई हेरेगोश केरनेबालो नई तैन केस रुद्ध ध्यान रख्खा। 4 ते अगर कोन्ची विधवारां मट्टुं या पोट्टलां या थियोडां भोन, ते तैन पेड्लू अपने घरेरे लोकां केस रुद्ध ध्यान रेखतां परमेशरेरी भक्ति केरन शिखोरी लोडे। ते तैन एन केरतां अपने अम्मा-बाजी ते दादा देदी केस रुद्ध केर, किजोकि इन परमेशरे पसंद एइते 5 जै विधवा आए ते तैसेरो ध्यान रख्खेबालो कोई नई, ते परमेशरे पुडे उमीद रखतीए, ते रात दिहैडी बिनती ते प्रार्थनाई मां परमेशरे करां मद्दत मगतीए। 6 पन जैन विधवां अपनो सारो वक्त एश मां बितैतिन तैना जिसमानी रुपे सेंडे त जीतिन पन आतिक्म रुपे सेंडे मेरीन। 7 इन गल्लां केरो भी हुक्म दे कि तैना बैद्धलज्जाम रान। 8 पन अगर कोई अपने रिश्तेदारां केरि ते खास केरतां अपने घरानेऱ ध्यान न रख्खे, ते तै विश्वासे करां मुकरोरोए, ते जै विश्वास न केरे तैस करां बुरो बनोरोए। 9 तैसे विधवारू नवं लिखू गाए, जै शठ सालन करां घट न भोए, ते अपने मुशो सेंडे वफादार रावरी भोए। 10 ते होरे लोक तैसेरे बारे मां जानते भोन कि तैसां हमेशा रोडां कम्मां कियोरन। जैन्वेरे कि, तैसां बच्चे रोडे चारे पाले, ते तैन लोकां केरि मद्दत कियोरी भोए जैना मुसीबती मां थिये, ते जैसां हर किसमेरां रोडां कम्मां कियोरां भोन। 11 पन जवान विधवां केरां नंवां न लिख, किजोकि जैखन तैन केरि जिसमानी इच्छा तैस वादे करां शक्ति बाली भोती, जै तैनई विधवा रेइतां मासीहेरी सेवा केरनेरे लेड कियोरोए, ते तैना ड्ला बनानो चैतिन। 12 दुबारां ड्ला केरतां तैना दोषी भोतिन, किजोकि तैनई अपनो पेड्लो वादो बरकरार नई रखोरो। 13 एन्वेर तैन घेरे-घेरे फिरतां आलसी भोनू शिखतिन, ते सिर्फ आलसी नई, पन होरि केरे खलाप गल्लां केरतिन, ते होरि केरे कम्मन मां दखल देतिन, ते तैना गल्लां ज़ीतिन जैना न लोडन जोरी। 14 एल्होलेड अवं इन चाताई, कि जवान विधवां ड्ला बनान; ते तैन बच्चे भोन ते घरबार सुमालन, ते दुश्मन बदनाम केरनेबारा मौको न देन। 15 किजोकि किछ जवान विधवां कुआन्शेरी परमेशरे करां दूर भोइदां शैताने पत्ती चल्नू शुरु कियोरा। 16 अगर कोन्ची विश्वास केरनेबालरी टब्बरे मां विधवां भोन, ते तैए तैन केरि मद्दत केरे न तैन केरि ज़िमेवारी कलीसियाई पुडे भोए। ते खेखन कलीसिया तैस विधवारी मद्दत केरि बटते ज़ेसेरो कोई न भोए। 17 जै बुजुर्ग रोडे चारे कम केरते तै आदर हासिल केरनेरे ते बराबर तनखाएरे काबले, खास केरतां तैना जैना परमेशरेरू वचन शुनाने, ते शिखालने मां बडी महनत केरतन। 18 किजोकि पवित्रशास्त्र मां इन लिखोरुए, “कि तू जोट्टोरे दांतेरू आशी न बेन्याँ,” किजोकि, “मज़दूर अपने मज़दूरोरो हक्करोरे।” 19 कोई दोष कोन्ची बुजुर्गे लव गाए, त जांतगर दूर्य या जादे लोक न जौन कि असेई ए पाप केरतो लावरोए, तांतगर न शुन। 20 जैना लोक पाप केरतन तैन सेब्बी विश्वासी लोकां केरे सामने झिंडक, ताके होरे विश्वासी लोक भी डम। 21 परमेशर ते मसीह यीशु ते चुनोरे स्वर्वादित हाज़र सेमझातां अवं तीं हादयत देताई, ध्यान राए कि तू केचेरो इन्साफ जल्दी न केरस, ते कोन्चेरी तरफदारी न केर। 22 कलीसियारो बुजुर्ग चुरेरे बारे मां जलदी कधे नई केरिन। ते होरि केरे पापन मां शामिल न भो, अपनो आप पवित्र बनोरो रख। 23 अग्रेवं जो पानी न पी, पन अपने पेटेरे ते अपने बार-बार बिमार भोनेरे लेड थोडो-थोडो दाढ़ारो रसी की कम्मे मां आन। 24 अवं जोताई कि जलदी बुजुर्ग नई चुने, किजोकि किछ लोक खुले आम पाप केरतन, इन्साफे करां पेइले भी तैना विश्वासी लोकां केरे सामने दोषी आन। हांलाकि होरि लोकां केरे पाप बांदे न भोन पन बांदे मां पिशाने गातन। 25 एन्वेरे जैखन लोक रोडां कम्मां केरतन, तैन होरि केरि विश्वासी केरे जिरिये हेरु गाते। अगर तैन तैन एककी बारे साफ चारे लई बटन, आखर तैन पिशानेले।

**6** जैना विश्वासी लोक गुलाम आन, तैनई हर तरीके सेंडे अपने मालिकां केरि आदर कियोरी लोडे ताके होरे लोक परमेशरेरी ते इश्शे शिक्षारी

तुहीन न करन। 2 ते जैना मालिक विश्वासी भोन, त तैन केरु मसीह पुड़ विश्वास केन्नेरे वजाई सेइं तैन केरि बराबर इज्जत की गाए, बल्के तैन केरे लेइ हारू भी जादे कम कियोरु लाडे। किजाकि इस सेइं फैडवो नेनेबाले विश्वासी आन ते तैना गुलाम तैन सेइं प्यार केरतन, इन गल्लां केरि शिक्षा दे ते इन होसलो दे कि तैना इन सब केरतन। 3 किछ लोक इश्शी शिक्षासी खलाफत केरि बटन, पन इना यीशु मसीहीरी रोडी शिक्षां आन। इना शिक्षां भेक्तरी जिन्दगी बद्धेतिन। 4 जै कोई अलग शिखालते तै अभिमानी ते तै किछ न समझो। एरे जेरे मैन्ह गैर ज़स्ती मुद्दां ते लफसां केरो मतलब ज़ान्नेरे लेइ होरन सेइं बेस ते तक केरतन। जैन केरो निरीजो जलन, ते लडाई ते तुहीनरी गल्लां, ते बुरी-बुरी शक, 5 ते मैनन् मां बैफैडवी लडैइ पैदा भोतिन, ते जैन केरे मन बुरे शककी सेइं भेरोरेन, ते तैना लगातार होरन सेइं बेस केरतन, ते तैना सेझी न बटथ कि सब कुने, तैना समझातन परमेश्वरे वरे मां शिक्षा देनी कमाई केरनेरो जिरियोए। 6 पन इश्शी इन लेइ इन रोडु कि अस तैन केम जैन सेइं परमेश्वर खुश भोए ते जैन परमेश्वर असन देते तैस सेइं अस राजी भोम। 7 ते न असेइं दुनियाई मां किछ आनोरु, ते न किछ नेही बटम। 8 ते अगर असन कां किछ खाने पीने ते लाने जौ भोए, ते इस्से मां खुश रहम। 9 पन जै धनी भोनो चाए, तैना इन सब पाप केरतां बडे आसान तरीके सेइं धोखो खातन, जेन्नरे जानवर ज्ञाले मां फसतन तेन्नरे तैना फसतन। तैना इन केरसू चातन जैन तैन केरे लेइ बेवकूफी ते खतरोए, ते एरी इच्छा तैन बरबाद ते नाश केरनेरो पासे नेतिन। 10 किंजोकि पेइंसां केरु लालच सेब्बी किसमेरे बुरैडअस वजाए, किछ लोकेई बले-बले मसीह पुड़ विश्वास केन्नो शारो किंजोकि तैना धनी भोनू चाते थिये, ते तैनेइ तैस मैनेरो जेरो बडे तरीकन सेइं दुःख झैल्लो जै अपने आपे कोन्वी हशियारे सेइं जखमी केरते। 11 पन हे तीमुथियुस, तू परमेश्वरो मैनूस, तीं इन गल्लां न लोइन कियोरी, सिर्फ जैन ठीके तैन केररो लेइ हर किसमे सेइं कोशिश केर। एरी जिन्दगी जौ जैस सेइं परमेश्वरी आदर भोती, मसीह पुड़ भरोसो केर, होरि लोकन सेइं प्यार केर, मुश्किल वके मां हिम्मत रख, ते होरि लोकन सेइं नेरमी सेइं बर्ताव केर। 12 जेन्नरे अक रोडो सिपाई जंगी मां लडैइ मां हार न मने, तेन्नरे तू भी परमेश्वर पुड़ भरोसो रखने मां ते तैसेरी गल मन्ने मां हार न मन। ते तैस हमेशारी जिन्दगी मजबूती सेइं ठेमतां रख, जेसेरे लेइ तू परमेश्वरे कुजावरोस, ते जेसेरे वरे मां तीं बडे लोकां केरे सामने दिलेरी सेइं ज़ोरू थियू कि तू मसीह पुड़ विश्वास केरतस। (aiōnios g166) 13 अवं तीं परमेश्वर सामने जै सेब्बन जिन्दगी देते, ते मसीह यीशुएरे सामने ज्ञाताई, जैने पुनित्युस पिलातुरेरे सामने रोडी गवाही दिती, ई हुक्म देताई। 14 जैन किछ परमेश्वरे तीं केन्नेरे लेइ हुक्म दितोरो तैन सब किछ पूरू केर, ताके यीशु मसीह जांतगर वापस न एज्जे तीं पुड़ कोई दोष न लेइ बटे तू कुन गलत केरने लोरोस। 15 सिर्फ परमेश्वर तै राजोए जै बडवयैये काबले, तै महान राजो ते महान प्रभुए, तैपे मसीहे सही वके पुड़ बांदो केरेलो। 16 सिर्फ तैए हमेशा जींतो रहते, ते तै तैस महिमा बैली लोइ मां रहते जैस कां कोई न एज्जी बटे। तैसेरी आदर ते शक्ति हमेशा राली। आमीन। (aiōnios g166) 17 इस दुनियारे दौलतमंदन हुक्म दे, कि तैना घमण्डी न भोन ते चंचल धने पुड़ उमीद न रखन, पन परमेश्वरे पुड़ जै इश्शी सुखरे लेइ बडु हच्छू देते। (aiōnios g165) 18 ते तैन ज़ो कि तैना आपेने पेइंसे रोडे कम्मां केरे लेइ इस्तेमाल केरन ते भलाई केरने मां दौलतमंद बनन ते हमेशा तियार रान होइन खुल्ले दिले सेइं देनेरे लेइ ज़ो। 19 एन्नरे केरने सेइं तैना अपना रोडां कम्मां खज़ानेरे झेरे जमा केरेले, जैना तैन केरे लेइ एजनेबाले वके स्वर्गे मां मजबूत मुनीयादरा ज़ेरां भोलां। ते तैना तै सच्ची जिन्दगी हासिल केरेले जै हमेशारे लेइ आए। 20 हे तीमुथियुस इस गल्ली पुड़ ध्यान दे कि जैन परमेश्वरे तीं केन्नेरे लेइ दितोरुए तैने केर। दुष्ट ते बेकार गल्लन करां ते तैन शिक्षान करां बेचता रा, जैना परमेश्वरी सच्ची शिक्षां केरि खलाफत केरतन, तैस तैना जान जोतन पन तैन गलते। 21 किछ लोकेई इन झूठू जान कबूल कियोरुए, एन्नरे केरनेरे सेइं तैनेइ मसीहेरे सच्ची शिक्षान पुड़ विश्वास केरनो शारो। परमेश्वरो अनुग्रह तुसन सेब्बन पुड़ भोतो राए।

# 2 तीमुथियुस

**1** अब पौलस ई चिट्ठी लिखने लोरोई। परमेश्वरे अब यीशु मसीहोरे प्रेरित भोनेरे लेंद चुनो, ताके अब इस सन्देशोरे प्रचार केरि कि परमेश्वरे यीशु मसीह पुढ़ विश्वास केरनेरे जिरिये वादो कियो कि हमेशारी ज़िन्दगी देलो। 2 अब ई चिट्ठी तीमुथियुसे लिखने लोरोई, जैन मेरे मट्ठेरे लेस्प, हे तीमुथियुस अब प्रार्थना केरताई बाजी परमेश्वर ते इश्शे प्रभु यीशु मसीह ती अनुग्रह ते दया ते शान्ति देतो राए। 3 जैस परमेश्वरी सेवा अब अपने दादे पड़दादां केरे रीति पुढ़ शुद्ध ज़मीरे सेंइ केरताई, तैसेरे शुक्र भोए, कि अब एपीरी प्रार्थनान मां ती रात दिहेड़ी याद रखताई। 4 मीं याद ज़ैखन अस अलग भोने लोरे थिये तैखन तू केन्द्रेरे लेरा देने लोरो थियो, ते तीं सेंइ मिलनेरी बड़ी इच्छा रखताई कि ज़ैखन मिली त अब अनन्दे सेंइ रुधी गेइ। 5 ते अब तेरे अम्मा यूनीक ते तेरी नानी लोइसेरो ते सच्चे विश्वास याद केरताई। तेरो विश्वास भी तेरहो आए, ते मीं याकीने तीं मां भी आए। 6 एल्हेरेलेइ अब ती याद करताई, कि तू परमेश्वरे तैस वरदाने जैन मेरे हथ रखने सेंइ तीं मैल्लोरु थियूं चमका। 7 किजोकि परमेश्वर अस डर्पोक नई बनावरे बल्के तैसेरो आत्मा इश्शे दिलन मज़बूत केरते, ते मदह केरते कि अस हौरि लोकन सेंइ प्यार केरम ते ताके आपे कैबू मां रख्य। 8 एल्हेरेलेइ होरि लोकन प्रभु यीशुरे बारे मां ज़ोने करा शरमा ते एल्हेरेलेइ शरमा कि अब प्रभुपुरी सेवा केरनेरे लेइ कैदे मां आई बल्के तू परमेश्वरे तैस शेंकि इस्तेमाल केरे ते मीं सेंइ साथी खुशखेबरारे लेइ दुःख झलने मां शमिल भो। 9 परमेश्वरे असन मुक्ति दित्ती, ते अस पवित्र ज़िन्दगी ज़ीनेरे लेइ कुजाए, तैने अस एल्हेरेलेइ नई कुजरवे कि असेइ रोड़ां कम्मां कियां, किजोकि दुनिया बनाने करां पेड़लो परमेश्वरो ई मक्सद थियो कि ते यीशु मसीह इश्शे लेइ इस दुनिया मां भेजतां असन पुढ़ अनुग्रह हिराए। (aiōnios g166) 10 पन हुनी इश्शे मुक्ति देनेबाले यीशु मसीह औरोए ते तैनी अपनो अनुग्रह हिरावरोए। तैने मोतीरी शक्ति नाश की, तैने असन खुशखेबरारे ज़िरिये हमेशारे जिन्दगरी बत हिराई। 11 इस खुशखेबरारे लेइ परमेश्वरे अब प्रचारक ते प्रेरित ते शिक्षा देनेबालो चुनो। 12 एल्हेरेलेइ अब कैदखाने मां दुःख भी झौल्लने लोरोई, पन शरमेई न, किजोकि अब मसीहे जानताई जैस पुड़ मीं विश्वास कियोरोए, ते मीं याकीने, कि जैन मसीहे दितोरु ज़ानगर ते वापस न एज्जे तांतप ते तैसेरो रखवाली केरि बटते। 13 जैन रोड़ी शिक्षां तीं मीं करां शुनोरिन तैन तू मिसालरे रुपे मां रख, इन तू विश्वासे ते प्यारे सेंइ साथी केर, किजोकि तू मसीह यीशु सेंइ साथी अक भोरोस। 14 ते तैस सच्चेरी रखवाली केर, जैन पवित्र आत्मारे ज़िरिये सेंइ तीं सोंफ़र, जै असन मां रहते। 15 तु ज़ानतस, कि आसिया इलाकेरे बड़े विश्वासी लोक जैरेई अब शरोरोई, जैन मां फूगिलुस ते हिसुगिनेसे भी अब शारो। 16 उनेसिफुस्सेरे घराने पुढ़ प्रभु दया केर, किजोकि ते बड़े बार मीं कां अब ते मीं होसलो दित्तो, ते मीं सेंइ कैदखाने मां एज्जनेरे लेइ न शरमाव। 17 पन ज़ैखन तै रोम नगरे मां अव, त बड़े कोशिश सेंइ तोपां मीं सेंइ मुलाकात केरि। 18 प्रभु इन्साफेरे दिहाड़े अपनि महान दया उनेसिफुस्से पुढ़ हिराए। तु एप्प रोड़े चारे ज़ानतस कि इफिसुस नगरे मां तैनी मेरी केत्री मदह की।

**2** एल्हेरेलेइ हे मेरे मट्ठुं तीमुथियुस, तू अपने आपे मज़बूत केर इन ज़ीनतां कि परमेश्वरे तीं अनुग्रह दितोरो, जै सिंक यीशु मसीह सेंइ अक भोइतां मैलते। 2 तीं बडे लोकां केरे सामने जै मसीहेरे सन्देशी शिक्षा मीं करां शुनोरिन। एल्हेरेलेइ अब चाताई कि तैए सन्देश तू हौरि विश्वासी लोकन शिखाल, जैना वफादार भोन ते होरन शिखालनेरे काबल भोन। 3 बिलकुल तैन्चरे ज़ीन्चरे अक सिपाही ज़ंगरे मैदाने मुश्किल हालातन मां सबरी सेंइ झौल्लते, तेन्चरे तू भी मुश्किल हालातन मां सबरी सेंइ दुःख झौल्ल ज़ीन्चरे अस यीशु मसीहेरे लेइ झौल्लतम। 4 अक सिपाही ज़ैखन फौजी मां नौकरी केरते त तै हौरि किसमेल कम न केरे, किजोकि तै अपने भरती केरनेबाले खुश केरनू चातो। 5 फिरी आखाड़े मां घुल्लने बालो अगर कानूनेरे मुताबिक न घुल्ले त तैस ताज न मैल्ले। 6 जै ज़मीनदार मेहनत केरते, फसलरे पेइले

हिस्सेरो हकदार तैए भोते। 7 जैन अब ज़ोताई, तैस पुढ़ ध्यान दे, ते प्रभु तीं सेंभी गल्लां केरि समझा देलो। 8 लगातार याद रख कि यीशु मसीह कोने, ते दाऊदेरे खानदेनी मारो आए, ते परमेश्वरे तै मुदहन मारो ज़ीतो कियो ते ईए खुशखबरी अब लोकन शुनाताई। 9 अब खुशखबरी शुनाताई एल्हेरेलेइ अब मुजारमेरो ज़ेरो दुःख झौल्लताई, इड़ी तगर कि कैदे मां आई, पन कोई भी लोकन परमेश्वरे वचन प्रचार केरने करां न रोकी बटे। 10 एल्हेरेलेइ अब तैन लोकां केरे फैद्देरे लेइ दुःख झौल्लताई जैना परमेश्वरे चुनोरेन, ताके तैन भी यीशु मसीह पुढ़ विश्वास केराना मुक्ति हासिल केरन। (aiōnios g166) 11 ई गल सच्चे, कि अगर अस तैस सेंइ साथी मेरे ते तैस साथी ज़ीतो भी भोमेले। 12 अगर अस तैसेरे वजाई सेंइ दुःख झौल्लते रहले, त तैस सेंइ साथी राजा कैरु ज़ेरु अस भी राजा केरमेले, अगर अस तैसेरो इन्कार केरमेले कि अस तैस न ज़ानम, त तै भी इश्शो इन्कार केरेलो। 13 अगर अस मसीह सेंइ साथी वफादार न भोम, त तै फिरी भी वफादार बनोरो रालो, किजोकि तै अपने स्मारेरे खलाफ न गेइ बटे। 14 जैन गल्लां मीं तीं सेंइ ज़ोरिन तैन तू अपने लोकन बिसरेन न दे, ते प्रभुए गवाह रेखतां तैन खबरदार केर, कि लफसन पुढ़ बेंस न केरन, जैस सेंइ किछ फैद्दो न भोए, बल्के शुने बालों केरो बड़ा नुकसान भोते। 15 बड़ी मैहनत केर ताके तू परमेश्वरे सामने कबूल भोनेरे खलाफ काबल भोस, तु एरे मैनेरो ज़ेरो भोनेरी कोशिश केर ज़ी अपने कम्मे सेंइ वजाई सेंइ शरमिनदा न भोए, ते ज़ी सच्चो सन्देश ठीक तरीके सेंइ शिखालतो भोए। 16 पन बेकार ते बेवकूफ गल्लन करां दूर राए, किजोकि एरी गल्लां परमेश्वरे करां दूर केरतिन। 17 ते तैन केरि गल्लां मैनेरे शडोरे ज़खेमेरी ज़ेरि फैलतां लोकां केरे विश्वासे नाश केरतिन। ते हुमिनयुस ते फिलेतुस तैन केरे ज़ेरे आन। 18 तैनेई सच्च पुढ़ विश्वास केरनो बंद कियो। तैना ज़ीतन परमेश्वरे पेइले मरे विश्वासी लोक हमेशारे जिन्दगरे लेइ ज़ीतो कियोरेन। एसेरो नितीजो ई भोते कि विछ लोक मसीहीरी शिक्षाई पुढ़ विश्वास केरनो बंद केरतन। 19 परमेश्वरे लोक पवक्की मुनीयादरो ज़ेरे आन ज़ै हिल्ले न। इस मुनीयादी पुढ़ एरे लफस लिखोरेन: “प्रभु जानते तैसेरे लोक कौन आन, ते इन भी कि जैना प्रभुपुरी आराधना केरतन तैरेई बुरां कम्मा केरना बंद कियोरां लोडना” 20 एककी अमीर घरे मां किछ सोन्नेरे ते चैदरां भांडां भोतन ते लेकड़ान ते मितरां भोतन। माध्य भांडां खास मौके पुढ़ इस्तेमाल केरनेरे लेइ भोतन ते सस्तां रोज झौल्लेमाल केरनेरे लेइ भोतन। 21 तैन्चरे विश्वासी लोक जैना अपनो आप एन सैरी बुरी ज़ीजन करां अलग केरे त तै कीमती भांडोरो ज़ेरो भोलो जैन खास मौके पुढ़ इस्तेमाल कियूं गाते, ज़ेसेरी जिन्दगी पवित्र भोली त तै अपने मालिकें इस्तेमाल भोनेरे काबल भोलो। 22 जैवनीरी खुवैदशन करां दूर रा, ते जैना मैनू हुरु शुद्ध मने सेंइ प्रभुएरु नवं घिन्तन, तैन सेंइ साथी थार्मिकाता, प्यार, ते मेल मलापेरो पीछो केर। 23 अब फिरी ज़ोताई तू अपनो आप बेवकूफी, ते बेफैद्दी गल्लन करां दूर रा, किजोकि तू ज़ानतस, कि तैन सेंइ लड़ाई भोतिन। 24 ते परमेश्वरे दास लडाको न लोडे, पन सेभन दया केरनेबालो ते परमेश्वरेरे वचनेरी रोड़े शिक्षा देनेबालो, ते जैना लोक तैसेरो खलाफ भोन तैन सेंइ सबर केरनेबालो लोडे। 25 ते जैना लोक तैसेरो खलाफ भोन तैन बोडी सेंइ शिखालेनेबालो लोडे, भोड़ सकते परमेश्वर तैन लोकां केरि महत केरे कि तैना मन फिरान, ते मसीहीरी सच्चाई पिशान 26 ते एरे लोक दुबारा फिरी साफ तरीके सेंइ सोचनेरो काबल भोले ते शैतानेरो थांधे करां ज़ी ज़ालेरे ज़ेरोए। शैतान तैना फासवरे थिये कि जैन तै चाते तैना तैन करां कराए।

**3** ध्यान दे अब हुना कुन ज़ोने लोरोई, कि दुनियारे आखीरी दिहाड़न मां बुरी वक्क एजनाए। 2 किजोकि लोक सिंक अपने आपे सेंइ प्यार केरेले, दौलतरे लालती, बड़कां मारनेबाले, अभिमानी, होरन बेइज्ज केरनेबाले, अम्मा-बैपू कैरु ज़ोनू न शुन्ने बाले, होरि केरु शुक्र न केरनेबाले, अपवित्र, 3 होरन सेंइ प्यार न केरनेबाले, माफ़ न केरनेबाले, दोष लाने बाले, अपनि इच्छान पुढ़ कैबू न केरनेबाले, सखत, सच्चे सेंइ नफरत केरनेबाले। 4 थांधे देनेबाले, ढीठ, ते अभिमानी ते परमेश्वरे नई बल्के एरेसे चानेबाले भोले 5

तैना भेत्तकर रूप त बनाले पन तैस शेक्ति न मन्नेले जै तैन भक्त बनाथी, ऐरे ज़ेरे लोकन सेइं संगती न रेखां। 6 एन्ने मां तैना लोकन, ज़ैना लोकां केरे घरन मा गेझां बैवकूफ कुआँशन अपने वशो मां केरतन, ज़ैन केरे मन पापे सेइं देबोइतां हर किसमेरी खुवैइशन मां आन। 7 ते हमेशा नव्वी-नव्वीं गल्ला॒ त शिखती रैतिन, पन तैना मसीहेरी सङ्घी॒ शिक्षाई॒ कथे न सेमझी॒ बटन। 8 इना झूठे उस्ताद मसीहेरे सङ्घे॒ सन्देशेरे खलाफत केरतन ज़ेन्वरे यन्नेस ते यम्ब्रेस मूसीरी खलाफत कियोरी थी। तैन केरे मन बुरेन ते तैन केरो मसीह पुड़ विश्वास सङ्घो नई। 9 तैन केरि कामयाबी सिर्फ थोड़े वक्तेरीए, किजोकि ज़ेन्वरे लोकई॒ यन्नेसे ते यम्ब्रेस पिशनोरे थिये कि तैना बैवकूफन। तेन्वरे हर कोई इन भी पिशनोलो कि इना भी बैवकूफन। 10 पन हे तीमुथियुम तू एप्पु रोड़े चारे ज़ान कि अवं शिखालताई॒, ते अवं केन्वरे ज़ीताई॒, ते मेरो कुन मकसदे, ते अवं कुन विश्वास केरताई॒। तू ज़ानतस अवं सबर केरतो ओरोई॒ ते सेडभी किसमेरे लोकन सेइं प्यार केरतो ओरोई॒, मीं मुसीबतां झूल्ली ते लोकई॒ अवं स्तव कि मीं बड़ो दुःख भोए, 11 तू तैन भयानक गल्लां केरे बारे मां ज़ानतस जैना लोकई॒ मीं सेइं अन्ताकिया ते इकुनियुम ते लुस्त्रा नगरन मां की, ते मीं तैड़ी केरो स्तव झूल्लो। पन प्रभुए अवं तैन सेब्बन मरा॒ छुटव। 12 ज़ै कोई॒ तैन केरनू चाते ज़ैस सेइं परमेशरे खुश भोते ते यीशु मसीह पुड़ विश्वास केरते तै स्तव गानोए। 13 पन दुष्ट लोक ते तैना धोखो देनेबाले होरि भी बुरी चीज़ो केरेले। तैना लोकन धोखो देले ते एप्पु भी होरन करां धोखो खाले। 14 पन जैन तीं असन करां शिखोस्ए॒ तैस पुड़ लगातार विश्वास केर, ते तीं पूरू याकीन किजोकि तू असन ज़ानतस ते असन पुड़ भरोसो केरि बटतस जैनेई॒ तीं इना सैरी गल्लां शिखैली। 15 ते बचपनेरो तू पवित्रशस्त्रेरो ज़ान्ने बालोस, जैन तेरी इन समझानेरे लेड महत केरतो, कि ज़ैखन तू यीशु मसीह पुड़ विश्वास केरतस परमेशर तीं मुक्ति देते। 16 सारू पवित्रशस्त्र परमेशरे अगवै॒ सेइं लिखोरू, ते इन लोकन शिखालने लेइ मदहाराए, तैन ज़ोनेरे लेइ कि जैन तैनेई॒ कियू तैन गलते, तैन केरि गेलती सुधारनेरे लेइ, ते तैन केरनेरे लेइ शिखालनेरे लेइ जैन सही आए। 17 ताके परमेशरो मैन्हू हर किसमेरा रोड़ां कम्मा॒ केरनेरे लेइ तियार भोए।

**4 ज़ैखन मसीह यीशु राज्ञोरो जेरो राज केरने एज्जोलो तै जैंतो ते जैना**  
मरें, लोकां केरो इन्सक केरेलो, अवं तीं परमेशरे ते मसीहे गवाह रेखतां हुक्म देताई॒। 2 कि तू परमेशरेरु वचन प्रचार केर, वक्त बे वक्ते तियार रा, तू लोकन ज़ैना बुरां कम्मा॒ तैनेई॒ कियां हिरा, तैन केरो पापा केरे लेइ तैन झिङ्क पन तैन होसलो भी दे ते तैन सबरी सेइं शिखाल। 3 किजोकि एरो वक्त एज्जोए, कि लोक रोडी शिक्षा न शुन्नी चाले, पन तैना अपने मेर्जी॒ पुड़ चलनू चाले ते तैना अपने लेइ बडे॒ उस्ताद तोप्पेले जैना तैन सेइं तैन ज़ोन ज़ैन तैन शुनू चालन। 4 तैना तैन करा॒ शुनू न चाले ज़ैन परमेशरेरु सङ्घू वचन शुनातन पन तैना झूठी॒ कहैनी शुन्नी चाले (जैना मैन्हू केरि बनेवरिन)। 5 पन तू अपनो आप कैबू मां रख चाए किछ भी की न भोए, इस मां तीं जैना भी दुःख भी झैल्लने पेन त झाल, खुशखबरी शुनानेरे लेइ बड़ी प्रचार केर, ते जैन कम परमेशरे तीं केनेरे लेइ दितोरु तैन पूरे केर। 6 अवं इना हुक्म तीं देताई॒ किजोकि मेरी ज़िन्दगी ते परमेशरेरे लेइ कम खतम भोवरुए किजोकि अवं ज़ानताई॒ अवं जल्दी मरेलो। 7 मीं जंगी मां रोडो सिपेहोरे ज़ेरे जै लडाई॒ केरने मां कधी हार न मन्ने, तू भी मसीहेरे लेइ बड़ी मेहनत केरनि कथे हिम्मत न हार, मीं तैन कम पूरू कियू जैन मसीह यीशुए मीं केरनेरे लेइ दितोरु थियू, मीं वफादी॒ सेइं खुशखबरी प्रचार की। 8 हुनी, प्रभुएरे मेरे लेइ स्वर्ग मां इनाम रखेरु किजोकि मीं तैस खुश केरनेबाली ज़िन्दगी ज़ीयोरिए। प्रभु जै धर्मी इन्साफ केरनेबालोए मीं इन इनाम तेइस देलो ज़ेइस तै वापस इन्साफ केरनेरे लेइ एज्जोलो। पन इन इनाम सिर्फ मेरे लेइ नई॒, पन तैन सेडभी केरे लेइ भी आए, जैना तैसेरे एजनेरो बड़ी इच्छा रखतन। 9 मीं कां जल्दी एजनेरो कोशिश केर। 10 किजोकि देमासे इस दुनियारी चीज़न सेइं प्यार केरतो अवं शारो, ते तै थिस्सलुनीके नगरे जो च़लो जेव, ते क्रेसकेस गलातिया इलाके जो जेव ते तीतुस दलमतिया इलाके जो च़लो जेव। (aiōn g165) 11 सिर्फ

लूका मीं सेइं साथीए, जैखन तै मरकुसे भी एप्पु सेइं साथी एना, किजोकि तै इड़ी मेरे मदत केरनेरे काबले। 12 तुखिकुस मीं इफिसुस नगरे जो भेजोरोए। 13 ज़ैखन तू एजस तै तै चोगो एना जै मीं त्रोआस नगरे मारकुसेरे घरे रखखोरोए। ते मेरे चर्मपत्र भी एना, खास केरता॒ तै जै छेल्ली केरे खेडु॒ सेइं बनोरोए। 14 सिकन्दर ताबेरु कम केरनेबाले मीं बड़े बारे दुःख दितोरोए, प्रभु तैस तैसेरे बुरे॒ कम्मां केरे मुताबिक बदलो देलो। 15 तू भी तैस करां खबरदार रा, किजोकि तैने इश्शे॒ शिक्षारी बड़ी खलाफत की जै मसीहेरे बारे मां आए। 16 ज़ैखन पेइले बार अवं आदालती मां अपनो आप बचाव केरनेरे लेइ जोरो थियो तो कोई॒ भी मीं सेइं साथी न थियो। पन तैना सारे मीं शैरतां च़लो जे, परमेशर इन तैन केरे खलाफ न गने। अवं प्रार्थना केरताई॒ परमेशर तैन हछु माफ़ केरे। 17 पन प्रभु मेरो मदतगार राव, तैने मीं हिम्मत दिती, ते अवं यीशु मसीहेरी खुशखबरी शुनानेरे काबल भोव कि सारे गैर कौमां केरे लोक शुन्न, ते तैने अवं मौती करां एन्वरे बचाव जेन्वरे शेरे कां। 18 ते प्रभु मीं हर एककी बुरे॒ हमले करां बचालो ते अपने स्वर्गेर राज्जे मां हफाजती सेइं पुजालो, सारे महिमा हमेशा-हमेशा परमेशरेरी भोती राए। आमीन। (aiōn g165) 19 मेरु नमस्कार प्रिस्का ते तैसेरे घरे बाले अकिवला ते कने उनेसिफुरुसेरे घराने दे। 20 इरास्तुस कुरिन्थुस नगरे मां रावरोए, ते त्रुफिमुस मीं मीलेतुस नगरे मां बिमार शारोरोए। 21 हीवतड़ेरे पेइले एजनेरी कोशिश केर, ते यूबूलुस ते पूर्वेस ते लीनुय ते क्लौदिया, ते इदेरे सारे विश्वासी लोकई॒ नमस्कार भेजोरु आए। 22 अवं प्रार्थना केरताई॒ प्रभु तीं सेइं साथी भोए, ते तैसेरो अनुग्रह तुसन सेब्बन पुड़ भोतो राए।

# तीतुस

**1** अब पौलस ई चिट्ठी लिखने लोरोई। अब चं परमेश्वरो दास ते यीशु मसीहोरो प्रेरित आई। अब चं परमेश्वरो चुगोरे लोकां केरे विश्वासे मज़बूत केरनेरे लेइ ते तैन केरि मद्दत केरनेरे लेइ चुगोरोई, कि तैना वीशु मसीहीरी सच्ची शिक्षा जानन ताके तैना एरी जिन्दगी जीन जैस सेइं परमेश्वर खुश भोए। 2 तैसेरो निरीजो ई भोए कि तैना परमेश्वरे सेइं हमेशा रानेरो उमीद रखन, परमेश्वर जै कद्दे झूठ न जोए, तैने दुनिया बनाने करां पेइलो वादो कियोरो थियो, कि तैसेरे लोक हमेशारे लेइ ज़ीयेले। (aiōnios g166) 3 ते हुनी परमेश्वरे ठीक वक्त पुड़ ई खुशखबरी असन पुड़ बांदी की जै अस सेव्हन प्रचार केरतम। इश्शे मुक्ति देनेबाले परमेश्वरे ई जिमेवारी मीं दितोरीए ते तैसेरेलेइ इन कम केरनेरे लेइ मीं हुक्म दितोरोए। 4 अब ई चिट्ठी तीतुसे जो लिखने लोरोई तू भी तू मेरे मट्ठे ज़ेरु आस, किजोकि जेन्नरे अब विश्वास केरताई तेन्नरे तू भी विश्वास केरतस। अब प्रार्थना केरताई इश्शो बाजी परमेश्वर ते इश्शो मुक्ति देनेबालो प्रभु यीशु मसीह तीं अनुग्रह त कने शान्ति देतो राए। 5 मीं तू एलहेलेइ क्रेते टैपू मां शारोरो थियो, ताके तू तैड़ी इश्शू कम पूरू केरस, ते होरि नगरन मां बुजुर्ग चुन ज़ेन्नरे तीं केरनेरो हुक्म दितोरो थियो। 6 लीटड बेइलजाम लोडे ते अपने कुआन्शी सेइं वफादार लोडे, जैन केरे बच्चे विश्वासी भोन ते बुरो बर्ताव केरनेबाले न भोन ते तैना अपने अम्मा बाजी केरो हुक्म मन्नेबाले भोन। 7 किजोकि रखवालो परमेश्वरो भण्डारी भोने वजाई सेइं बेइलजाम लोडे, न अपनि ज्वलानेबालो, न सेरकलो, न शराकी, न लडाको, ते न पेइसां केरो लालची लोडे। 8 पन मेहमानां केरि आदर केरनेबालो, होरि केरि भलाई केरनेबालो, अपने आपे पुड़ कैबू केरनेबालो, धरमात्मा, पवित्र ते अपने छँचान कैबू केरनेबालो लोडे। 9 ते तै यीशु मसीहे तैस सन्देशे पुड़ जै भोरोसेरे काबले मज़बूती सेइं विश्वास केरनेबालो लोडे, जै असेरी तैस शिखालोरोए। ताके तै होरन सही शिक्षाई मन्नरे लेइ होसलो देव बटे ते जैना गलत भोन तैन सुधैरी बटे। 10 अब इन एलहेलेइ ज़ोताई, किजोकि बडे लोक सही शिक्षारी खलाफ केरेले, जैना बेकार गल्लां शिखालतन ते होरन धोखो देतन। इन खास केरतां किल यहूदी केरे लेइ सत्र आए जैन विश्वासी बनोरेन (इना तैना लोकन जैना चातन कि सारे मसीही लोक यहूदी केरे कानूने मनन, खास केरतां खतनेरो कानूने)। 11 एन लोकन शिखालनेरी अज़ाज़त न दे, किजोकि ज़ीखन तैना इन गल्लान शिखालतन, जैना तैनेइ शिखेलोरी लोडन, त तै सारे टब्बरां केरे विश्वासे बरबाद केरतन। तैना इन एलहेलेइ केरतन कि पेइसो कमई बटन। 12 अक मैन्हु क्रेत टैपेरो आए जैस जो तैना अक्लमन्द ज़ोतान तैने ज़ोरुए, “क्रेतेरे लोक हमेशा झूठे, ज़ंगली जानवरां केरो ज़ेरो बर्ताव केरेबाले, तैना आलसी ते हमेशा अंडां खानेबाले भोतान!” 13 इन गल्लां क्रेतेरे लोकां केरे बारे मां सज्जी आन। एलहेलेइ तैन खबरदार केर, कि तैना यीशु मसीही शिक्षाई पुड़ विश्वास केरन। 14 ते यहूदी केरि बोवारी कहैनी ते जैना लोक सज्जे करां दूर भोरन तैन केरे हुक्म शुने बंद केरा। 15 जैन लोकां केरे मने मां पापी खियाल नई तैन केरे लेइ रीतरे मुताबिक सब किछ शुद्धे। पन तैन लोकां केरे लेइ जैना उरेन ते यीशु मसीह पुड़ विश्वास न केरन तैन केरे लेइ किछ भी शुद्ध नई जैन तैन केरतन। 16 तैना झूठे उस्ताद ज़ोतान कि अस परमेश्वरे जानतम, पन तैन केरां कमां साफ तरीके सेइं हिरातन कि तैना तैस न जानन, किजोकि परमेश्वर तैन सेइं नफरत केरते ते तैना हुक्म न मन्नेबालेन, ते किछ भी रोडू केरनेरे काबल नई।

**2** पन हे तीतुस तू विश्वासी लोकन तैन शिखाल जैन यीशु मसीहोरे बारे मां सही शिक्षारे मुताबिक ठीके। 2 बुडे मङ्दन शिखाल कि अपने आपे पुड़ कैबू केरनेबाले बनन, ते तैनेइ एरो बर्ताव केरन कि लोक तैन केरि आदर केरन, ते समझादैरी सेइं बर्ताव केरनेबाले भोन। ते तैना परमेश्वरे पुड़ मज़बूती सेइं विश्वास केरनेबाले बनन, होरन सेइं प्यार केरनेबाले ते सबर केरनेबाले बनन। 3 एन्नरे बुड़ी कुआन्शन शिखाल कि एरी जिन्दगी

जीन जैस सेइं परमेश्वरी आदर भोए। तैना होरन पुड़ दोष लाने बैली, ते पीने बैली नई, पन ते तैन जौ कि तैन होरन तैन शिखालन जैन रोडूए। 4 ताके तैना जावान कुआन्शां केरे लेइ मिसाल भोन ते तैन शिखालनेरे काबल भोन कि अपने मुशन ते बच्चन सेइं केन्नरे प्यार केरन। 5 ते तैना अपने आपे कैबू केरनेबैली, अपने मुशां केरे लेइ वफादार, ते धरेरो कारोबार केरनेबैली, भलाई केरनेबैली ते अपने-अपने मुशां केरे अधीन राने बैली भोन, ताके परमेश्वरे वचनरी तुहीन न भोए। 6 एन्नरे जावान मङ्दन भी अक्लमन्द भोइतां ज़ीनेरे लेइ समझाइ। 7 हर गल्ली मां तू हमेशा अपनो आप अक मिसाल बना, ताके तैन भी एन्नरे केरन। ज़ीखन तू परमेश्वरे बारे मां शिखालस त रोडे मक्करे सेइं शिखाल। एन्नरे लोक तेरी आदर केरते। 8 ते जैन सच्चे तैन शिखाल ते ज़ेसेरी आलोचना न भोए, ताके तेरे दुश्मन छिथोन, किजोकि फिरी कोई बुराई नई भोनी ज़ेसेरी तैना खलाफ केरि बटन। 9 जैना विश्वासी गुलाम आन तैन शिखाल कि हमेशा अपने मालिकां केरि गल मनन। तैन जौ कि तैन केरन जैस सेइं तैन केरे मालिक खुश भोन ते कमेरे बारे मां शिकायत न केरन। 10 चोरी न केरन, पन इन सावत केरन कि तैन हमेशा ईमानदारन, ताके लोक तैन केरे रोडे बतवि हेरन ते जैन तैन केरतन तैन लोकां केरे लेइ, इश्शे मुक्ति देनेबाले परमेश्वरो सन्देश शुन्नेरी वजा भोली। 11 किजोकि परमेश्वरे सेढ़भी लोकन मुक्ति देनेरे लेइ अक बत देइतां अपनो अनुग्रह हिराव। 12 परमेश्वर अपने अनुग्रहेरे ज़िरिये असन शिखालते, परमेश्वर असन शिखालते कि अस तेरोहे बर्ताव न केरम जैस सेइं तै खुश भोए। जेन्नरे गैर विश्वासी चीजां केरे लालचे केरतन तुस एन न केरा, तुस जांतगर इस दुनियाई मां आथ, अक्लमन्द ते धर्मी लोकां केरो ज़ेरो ते एरो ज़ेरो बर्ताव केरा जैस सेइं परमेश्वर खुश भोए। (aiōn g165) 13 अस तैस अनोखी दिहेरी उमीदी मां रातम, कि जैइस इश्शो महान परमेश्वर ते मुक्ति देनेबाले यीशु मसीह महिमाई सेइं साथी वापस एज़जोलो। 14 एने यीशु मसीहे अपनो आप इश्शे लेइ बलिदान कियो ताके असन पापेरे शक्ति करां छुटकारो दे, ताके अस शुद्ध भोम ते तैसेरे अपने लोक बनम जैन रोडां केरतन। 15 इन गल्लां शिखाल ते अपनो पूरो अधिकार इस्तेमाल केर, ते अपने शुन्नबालन होसलो दे ते झिंझक दे। कर्दी तीं घटवा न समझो।

**3** विश्वासी लोकन याद करा, कि हाकिमां ते अधिकैरी केरे अधीन रान, ते तैन केरो हुक्म मन्न, ते हमेशा रोडो केरनेरे लेइ तियार रान। 2 कोन्ची बदलाम न केरन, लड़ाके न भोन, पन नर्म सुभावे भोन, ते सेढ़भी मैन्न सेइं साथी बेड़ी नेरमी सेइं रान। 3 किजोकि अस भी पैइल बेअकल ते हुक्म न मन्नेबाले थिये ते लोकेई असन धोखो दितोरो थियो। बडे खुबैशां ते एरेरे केरनेरे गुलाम थिये, इश्शी जिन्दगी दुष्टे ते जलनी सेइं भेरोरी थी ते एक्की होरि सेइं नफरत केरते थिये। 4 पन फिर भी इश्शे मुक्ति देनेबाले परमेश्वरे असन लोकन पुड़ दया ते प्यार हिराव। 5 तैने अस इश्शे पापां केरि सज्जाई करां बच्चाए एलहेलेइ नई कि असेरी रोडां कमां कियोरां थियां, पन तैसेरे दयारे वजाई सेइं। तैन इश्शे पाप धोइतां असन नंबू ज़र्म दित्तु ते पवित्र आत्मा देनेरे ज़िरिये असन नव्वी जिन्दगी दित्ती। 6 परमेश्वर पवित्र असन मुफते मां दित्तो कि इश्शे जिन्दगी मां शक्ति सेइं कम केरे, किजोकि यीशु मसीह इश्शो मुक्ति देनेबालो बन्नेरे लेइ इश्शे पापां केरे लेइ मरो। 7 परमेश्वरे इन कियूं ताके तै अपने अनुमोह सेइं अपने नज़री मां धर्मी बनाए, ताके अस तैसेरे बच्चे बनम ते पूरे तरीके सेइं हमेशा तैस सेइं साथी रानेरो उमीदी सेइं केरम। (aiōnios g166) 8 ई गल सच्चे, अब चाताई ई कि तू इन शिक्षान पुड़ जोर दे ताके सब जैन परमेश्वरे पुड़ भरोसो रखतन तै अपनो आप रोडू केरनेरे लेइ सांफेले, इन शिक्षां सेढ़भी केरे लेइ रोडी ते फैइदामद आन। 9 पन बेवकूफी बेस ते पूर्वजां केरे नव्वां केरे बारे मां, ते लडाई ते तैन ते मूसेरे कानूनेरे बारे मां लडाई करां दूर रा, किजोकि तैन सब बेकार ते फैकेइदू आए। 10 जैन लोक कलाईसियाई मां फिरके बनानेरी वजा बनतन, कम से कम दूर्व बार तैन खबरदार केर कि तैना एन न केरन, तैहुं बाद अपनो वक्त तैन पत्ती बर्बाद न केर। 11 तुस ज़रूर जैनी बटतथ एरो ज़ेरो मैन्हु जैनी बुज़झातां गलत

बत्तां च्छलते, ते तैन अपना बुरां कम्मां इन साबत केरतन कि तैना पापिन। 12  
अवं अरतिमास या तुखिकुसे तुसन कां भेजनेरे लेइ विस्तार बनाने लोरोई,  
जैखन तैन मरां अक तीं का पुजारे त निकुपुलिस नगरे मां मीं सेइं मिलनेरी  
पूरी कोशिश केर, किजोकि मीं तैडीए हिवतडों कटनो थापोरोए। 13 जैखन  
जेनास शास्त्री ते अपुल्लोस तैटां गानेरे लेइ तियार भोन त जेत्रु भोइ बटे तैन  
केरि मद्दत केर, ताके तैन कोन्ची भी चीजरी घटी न भोए। 14 सिर्फ इन नईं,  
बल्के तु विश्वासी लोकन शिक्षा देतो रा, कि तैना रोडां कम्मां केरन ताके तैन  
लोकां केरि मद्दत केरन जैन ज़रूरत आए। इस सेइं तैन केरि मद्दत भोली कि  
तैना एककी मकसदे सेइं जिन्दगी जीन। 15 सारे विश्वासी लोक जैना मीं सेइं  
साथी आन तींजो नमस्कार ज़ोतन। इश्शे विश्वासी सैथी लोकन जैना असन  
सेइं प्यार केरतन तैन नमस्कार। अवं प्रार्थना केरताईं प्रभु तुसन सेव्हन पुड  
अनुग्रह केरतो राए।

# फिलेमोन

जैना प्रभुएरु कम मीं सेइं साथी केरतन तींजो नमस्कार ज़ोतन। 25 इश्वे प्रभु यीशु मसीहेरो अनुग्रह तुसन पुड़ भोतो राए। आमीन।

1 अंवं पौलस ई चिट्ठी लिखने लोरोई। अंवं कैदे मां आई किजोकि अंवं यीशु मसीहेरो बारे मां प्रचार केरताई। हे फिलेमोन तीं इश्वे ढला तीमुथियुस ते मेरे तरफां नमस्कार। तू इश्वे ढलारी दोस्तस आस ते ज़ैन्वरे अस अफकिया ते इश्वे सैथी अरखियुस जै सिपहें ज़ेरो प्रभुएरी सेव केरते, ते तैन कलीसियारे लोक जैना तेरे घर मां अकेटु भोतन, तैन भी लिखने लोरोई,  
3 अंवं प्रार्थना केरताई, इश्वे बाजी परमेशर ते प्रभु यीशु मसीह तुसन पुड़ अनुग्रह केरे ते तुसन शान्ति दे। 4 अंवं ज़ैखन भी तेरे लेइ प्रार्थना केरताई, तेरे लेइ अंवं परमेशरेस शुक्र केरताई। 5 किजोकि मीं प्रभु यीशु मां तेरे विश्वासेरे बारे मां ते परमेशरेस लोकां केरे लेइ तेरे प्यारे बारे मां शनू। 6 अंवं प्रार्थना केरताई तेरी संगती जै विश्वासी लोकन सेइं साथीए, तुशो तैन रोड़ी चीजां केरे ज़ान्ने जिरिये जैना परमेशरे दित्तोरिन बद्धती गाए। इन मसीहेरो महिमारे लेइ भोतू राए। 7 किजोकि हे ढला, अंवं तेरे प्यारे सेइं जै तू मीं केरतस बडो खुश आई, ते मीं बडो होसलां भोव, एल्हेरेलेइ कि तेरे प्यारेरे जिरिये होरि परमेशररे लोकन भी होसलो मैल्लो। 8 अंवं तीं किछ केन्नेरे लेइ पुछताई जैन तीं कियोरु लोड़। अंवं मसीहेरो दित्तोरे अधिकारे इस्तेमाल केरतां इन केरनेरे लेइ हुक्म देइ बटती थियो, पन अंवं न केरेलो। इसेरे बदले मां, अंवं बलहे चारे ज़ोताई कि तू इन केर, किजोकि अस एककी होरि सेइ ते परमेशररे लोकन सेइं प्यार केरतम। अंवं पौलस हुनी सियाने मैनेरे रुपे मां तीं पुछताई, अंवं लोकेई कैदे मां बंद कियोरोइ किजोकि अंवं यीशु मसीहेरी सेवा केरताई। 10 अंवं उनेसिमुसेरे लेइ मिनत केरताई जैन मेरे लेइ मट्टेरु ज़ेरु। तैन मसीह मां मेरू मट्टु डड़ी कैदखाने मां बनू। 11 तै बीतोरे वक्ते मां तेरे लेइ केन्वी कम्मेरो न थियो, पन हुनी तेरे त कन्ने मेरे दुरुयां केरे बड़े कम्मेरोए। 12 अंवं उनेसिमुसेरी तीं कां वापस भेजने लोरोई, तैस सेइं अंवं पूरे दिले सेइं प्यार केरताई। 13 अंवं ज़ांतगर खुशखबरी प्रचार केरनेरे वजाई कैदखाने मां आई तांतगर तैस अपनि मद्दत कैन्नेरे लेइ इडी एप्पू सेइं साथी रखनो चातो थियो। ताके तै तेरे ठैरी मेरी मद्दत केरे, किजोकि अंवं ज़ानताई तू मेरी मद्दत केरनि चातस। 14 पन मीं तेरी मेज्जी बौर किछ भी केरनू न चाव, अंवं चाताई तू ई मेरी मद्दत केर, किजोकि तू इन केरनेरे लेइ खुश आस ते एल्हेरेलेइ नई कि अंवं इन केरनेरे लेइ दबाव बनाने लोरोई। 15 शैदैट परमेशरे उनेसिमुस एल्हेरेलेइ तीं करां नशने दितो, ताके तै मसीह पुड़ विश्वास केरे, ते तैसेरो निरीजो ई भोए कि तै हमेशा तीं सेइं साथी राए। (aionios g166) 16 पन हुनी तै तेरो गुलाम नई, बल्के गुलामे करां भी बेद्धतां आए। तै हुनी तेरो ढलारो विश्वासी ढला आए। अंवं तैस सेइं बडो प्यार केरताई, पन तीं तैस अपने गुलामेरे रुपे मां होरा भी प्यार कियोरा लोड़े किजोकि तै मसीह मां अक ढलाए। 17 अगर तू मीं शामिल समझतस, त ज़ैखन उनेसिमुस वापस तीं कां एज्जे तै तैस एन्नरे कबूल केर ज़ेन्नरे मीं। 18 ते अगर तैने किछ तेरो नुकसान कियोरोए, या तेरे किछ पैइंसां केरो कर्जां भोए त अंवं तैसेरे बदले देइलो। 19 अंवं पौलस अपने हथन सेइं लिखताई, कि अंवं तीं एप्पू वापस देइलो, तू इन पैइलू जानतस, अगर मीं तेरी मद्दत न भोथी कियोरी त तीं अपने आप सेइं न भोथू मैलूर, मेरो कर्जां जै तीं पुड़े तै तेरी अपनि जिन्दगी आए। 20 हे मेरे ढलारे दोस्त, साथी विश्वासी भोनेरे वजाई सेइं इन मेरे लेइ केर ते मसीह मां मीं खुश केर। 21 मीं ई चिट्ठी लिखोरीए, किजोकि मीं याकीन कि जैन केरनेरे लेइ ज़ोरु तैन तू केरलो। हकीकति मां अंवं ज़ानताई तू तैस करां भी बदू जादे केरलो, जैन केरनेरे लेइ मीं ज़ोरु। 22 ते अक होरि गल, तू अपने घरे मां मेरे लेइ अक कमरो तियार केर। किजोकि मीं उमीदे परमेशर तुशे प्रार्थनां केरो जुवाब देलो ते तीं कां फिरी एजने देलो। 23 इप्रक्रास, जै यीशु मसीहेरी खुशखबरी प्रचार केरनेरे वजाई सेइं मीं साथी कैदीए तै तीं नमस्कार ज़ोते। 24 ते मरकुस ते आरस्तखुस ते देमास ते लूका

# इब्रानियों

**1** परमेश्वरे बड़े पेड़ले इश्शे दादे पड़दादन सेंइं बड़े बारे ते अलग-अलग किसमे सेंइ नेवी केरे ज़िरिये गल्लां की। 2 पन इन आखीरी दिहाड़न मां परमेश्वरे असन सेंइ अपने मट्टेरे ज़िरिये गल्लां की, जैन तैनी सैरी चीज़ां केरे बारास ठहराव ते तैसेरे ज़िरिये परमेश्वरे सारी सिए बनाइ। (aiōn g165) 3 मट्ट परमेश्वरी महिमारू प्रकाश आए, ते तैन हर किसमे सेंइ परमेश्वरे ज़ूरू आए, तैने सैरी चीज़न अपने शोकरे वचरेरे ज़िरिये सेंइ संभालते, तैने लोकन पापन करान् शुद्ध करतां स्वर्गं मां परमेश्वरे महिमा मां देवने पासे विश्शु। 4 एन केरने सेंइ परमेश्वरे मट्ट, स्वर्गदूतन करा महान कियू ते जैन नवं तैस दित्त जेर्व तैन स्वर्गदूतन करा मैहान आए। 5 किजोकि परमेश्वरे स्वर्गदूतन मरा कोन्ची सेंइ कथे नई ज़ूरू, “तू मेरु मट्ट आस; अज्ञ अंव इन बांदू केरताई तू मेरु मट्ट आस” ते फिरी परमेश्वरे केन्ची स्वर्गदूते सेंइ इन नई ज़ूरू, “अंव तैसेरो बांजी भोइलो, ते तैन मेरु मट्ट भोलू” 6 ते फिरी परमेश्वरे अपने पेइले मट्ट दुनियाई मां भेजने करान् पेइलू, इन ज़ोर, “परमेश्वरे सब स्वर्गदूत तैस कां मथो टेकन।” 7 परमेश्वर स्वर्गदूतां केरे बारे मां इन ज़ोरे, “ते अपने स्वर्गदूतन हवरो ज़ेरे बनातो, ते अपने सेवकन आगार लपारे ज़ेरे बनातो।” 8 पन परमेश्वरे अपने मट्टेरे बारे मां ज़ोरे, “हे परमेश्वर तेसु राज्ञ सदा रालू ते तू इन्साफे सेंइ राज केरेलो। (aiōn g165) 9 जैन रोडापै तैस केरने सेंइ तू ध्यार केरतस ते जैन गलते तैन केरने सेंइ नफरत केरतस; एल्हेरेलेइ तेरे परमेश्वरे तू चुनोरोस ते तेरे सैथन करां जादे तीं आदर ते आनन्द दितोरोए।” 10 ते पवित्रशास्त्र इन भी ज़ोरे, हे प्रभु, तीं शुक्र मां दुनियारी रचना की, ते जैन किछ अम्बरे मां आए तैन तीं बनावं। 11 तैन सब किछ खतम भोइ गानूए; पन तू हमेशा रालो; ते तैन सब किछ लिंगां केरे ज़ेरु पुरानू भोइ गालू। 12 ते तू तैन चादरालू ज़ेरो बनालो, ते तैन लिंगां केरे ज़ेरु बेलोइ गालू; पन तू कथे न बेलोस; ते तेरी ज़िन्दगी कधी खतम न भोली। 13 ते परमेश्वरे स्वर्गदूतन मरा केस सेंइ किताली ज़ोरं, “तू मेरे देवने पासे आदरारे ठैरी बिशं, ते अंव तेरे दुश्मन तेरे अधीन केरेलो।” 14 तैना सब स्वर्गदूत सिर्फ परमेश्वरे सेवक आन; परमेश्वर तैना तैन लोकां केरि हिफाज़त केरनेर लेइ भेजोरेन जैन मुक्ति मैलोरीए।

**2** एल्हेरेलेइ, जैना गल्लां असेई शुनोरिन, तैन पुड़ असेई होरो भी मन लेइतां ध्यान कियेसु लाडे, कोस्कोई एक न भोए, कि असां टेपलोइता तैन करां दूर ज़ले गाम। 2 किजोकि जैन वचन परमेश्वरे स्वर्गदूतां केरे ज़िरिये ज़ोरु थियूं तैन सञ्चू साबत भोवं, ते हर एककी पाप केरेबाले ते हुक्म न मन्नेबाले सजा मैलौं। 3 त असन भी सजा मैलौं, अगर अस एत्री महान मुक्ति करां बे खबर राए त। ज़ेसेरे बारे मां पेइले प्रभुए एप्पू ज़ोर्सु, ते जैन चेलैई एन प्रभु करां शुनोरु थियूं तैन केरे ज़िरिये असन याकीन भोवं कि एन सन्न आए। 4 परमेश्वर भी निशान ते चमत्कार ते बहुं-बहुं कमां केरे ज़िरिये ते अपने मेरज़रु मुताबिक लोकन पवित्र आत्मारे ज़िरिये वदान देइता इन साबत कियूं। 5 परमेश्वरे एजने बैली दुनिया ज़ेसेरे बारे मां अस ज़ोने लोरेम, स्वर्गदूत केरे अधीन मां न की पन प्रभु यीशुरे अधीन की। 6 बल्के पवित्रशास्त्रे मां कोस्कोई केन्चे परमेश्वरे सेंइ एन ज़ोर्सु, “मैनूरु कुन चीजे, ज़ेसेरे बारे मां तू सोचतस? या इन्सान कैने, कि तू तैसेरी फिक्र केरतस? 7 तीं ते शेकि मां किछ वक्तेरे लेइ स्वर्गदूतन करां थोड़ो ज़ेरो घट कियो, ते ती तैस राजेरो ज़ेरि महिमा ते आदर दितोरोए, ते तैस अपने हथां केरे कम्मन पुड़ अधिकार दित्तो। 8 तीं तैस सेव्ही चीज़न पुड़ अधिकार दितोरोए,” ज़ैखन सब किछ तैसेरे अधिकारे मां कियूं ते किछ भी बाकी न रख्खु, जैन तैसेरे अधीन न भोए। पन असां हुन्ना तार सैरी चीज़ां तैसेरे अधिकारे मां न लहम। 9 पन असां यीशु लहतम, जै स्वर्गदूतन करां किछ वक्तेरे लेइ निकडो कियोरो थियो, ताके ते परमेश्वरे अनुग्रहे सेंइ सेव्ही केरे लेइ अपनि जान दे। किजोकि यीशुए दुख बरदाश कियो ते मरो, ते हुनी अस ज़ानतम कि तैस महिमा ते आदर दितोरीए। 10 परमेश्वरे सब किछ बनाव, ते तै सब किछ

अपने लेइ सुमैलतां रखते। परमेश्वरे ठीक कियूं जैन तैनी दुखेरे ज़िरिये यीशु सिद्ध कियो, ताके तै बड़े लोकन महिमा मां पुज़ाए। किजोकि यीशु ही आए जै असन मुक्तरे पासे नेते। 11 किजोकि पावेत्र केरनेबालेरो ते पावेत्र भोने बालां केरो बाजी अवके, एल्हेरेलेइ यीशु तैन जो ढला बेरु ज़ोने करां न शरमाए। 12 पन मसीह परमेश्वरे सेंइ ज़ोते, “अंव अपने लोकन इन ज़ोएलो कि कीं मेरे लेइ इन कियोरु ते तैन केरे सभाई मां तेरे नव्वेरु गीत ज़ोइलो।” 13 ते फिरी तै ज़ोते, “अंव तैस पुड़ भरोसे रेखेतो” ते फिरी तै ज़ोते, “अंव तैन लोकन सेंइ साथी भोनोई, जैना परमेश्वरे मीं दिटोरेसन।” 14 किजोकि ज़ेन्वरे परमेश्वरे बच्चे, मैनू आन, तेन्वरे यीशु भी तैन केरो ज़ेरो मैनू बनो। परमेश्वरे एन एल्हेरेलेइ कियू ताके तैसेरे मीतरे ज़िरिये शैताने बरदाल केरे जैस कां मीतरो अधिकार थियो। 15 ते एन्वरे तैनी तैना आजाद किये जैना मौतरे डरे सेंइ सैरी उमरी गुलामेरे ज़ेरे ज़ीते थियो। 16 किजोकि प्रभु यीशु स्वर्गदूतां केरि नई बल्के अब्राहमेरे वशेरी मदह केरते। 17 एल्हेरेलेइ यीशु मसीह हर गल्ली मां मैनू केरो ज़ेरो बन्नू ज़र्ली कियूं, तके सेभी केरे पापां केरे बलिदानेरे लेइ परमेश्वरे सामने दया केरनेबालो ते इमानदार महायाजक बनो। 18 किजोकि यीशुएरी अज्ञमैश कीजेर्ड ते तैनी एप्पू दुःख झ़ाल्लोरोए, एल्हेरेलेइ तै तैन लोकां केरि मदह केरि बटते, जैना आजमैशरो सामनो केरतन।

**3** एल्हेरेलेइ हे विश्वासी ढलाव ते बेइनव, तुस परमेश्वरे स्वर्गं मां तैस सेंइ शामिल भोनेरे लेइ कुजेरेथ। एल्हेरेलेइ प्रभु यीशुएरे बारे मां ध्यान देथ जै इश्शे लेइ परमेश्वरो बिस्तार अन्ने बालो दूत ते महायाजक आए ज़ेसेरो अस इकरार केरतम। 2 यीशु परमेश्वरे लेइ वफादार थियो, जैनी तै ठहरावरो थियो, ज़ेन्वरे मूसा भी परमेश्वरे लोकां केरि सेवाई मां वफादार थियो। 3 किजोकि घर बनानेबालो घरे करां जादे इज्जतरे काबल समझोगा गते, तेन्वरे यीशु भी मूसा करां जादे इज्जतरे काबल समझो जेव। 4 किजोकि हर घरेरो कोई न कोई बनानेबालो ज़रूर भोते, पन ज़ीनी सब किछ बनावं ते परमेश्वरे। 5 मूसा त परमेश्वरो सेवक भोने सेंइ सेव्हे परमेश्वरे घरेरे लोकन मां वफादार राव ताके तैना गल्लां केरि बटे, जैना परमेश्वर एजनेबाले वके मां ज़ोनेबालो थियो। 6 पन मसीह मट्ट भोनेरे जावाई सेंइ परमेश्वरे लोकां केरि मुख्यतियारे, ते असां तैसेरे लोकम, शर्त एने कि असां तैस दिलेती ते उमीदी मज़बूत रख्म, जैस पुड़ असां भरोसे केरतम। 7 बस्सा पवित्र आत्मा ज़ोते, “अगर अज्ञ तुस परमेश्वरी आवाज शुनथ।” 8 त अपने दादे पड़दादां केरे ज़ेरे तैसेरो हुक्म मने करां इन्कार न केरथ, ज़ैखन तैनैई परमेश्वरे खलाफ खलाफत की, ते ज़ेन्वरे तैस दिहाडे तुशे दादे पड़दादेइ ज़ेइस तैना सुनसान ठैरी मां थियो, तैनैई परमेश्वरी अज्ञमैश की। 9 तैडी तुशे दादे-पड़दादे 40 सालन तगर मेरां महान कमां हेरने बाद भी, अंव चनोती देइतां अज्ञमाव। 10 एल्हेरेलेइ अंव तैस वक्तेरे लोकन पुड़ क्रोधे भोते, ते मीं ज़ोंव, तैना हमेशा मेरो इन्कार केरतन, ते जैन केरनेरो मीं हुक्म दितोरोए तैन केरने करां इन्कार केरतन। 11 एल्हेरेलेइ मीं एपनी सरकी मां कसम खाइ, कि तैना तैस तैस तैरी कथे दाखल न भोले ज़ौड़ी अंव तैन आराम देथो।” 12 हे ढलाव ते बेइनव खबरदार राश, तुसन मरा केन्चेरो दिल एत्रो बुरो ते बेरु एमान न भोए, कि जै तैस ज़ीते परमेश्वरे करां दूत केरे। 13 पन ज़ानतगर तै दिहाडी जैस जो अज्ञ जोतन, रोज एककी होरि हिम्मत देते राश, एफ न भोए कि तुसन मरा कोई पापेरे धोखे मां इतां परमेश्वरे लेइ सखत दिल न भोइ गए। 14 किजोकि अगर असां अपने पेइले विश्वासे पुड़ अपने मीती तगर लगातार मज़बूत रातम, ते अस अकोहु कम केरने मां मसीह सेंइ साथी जुडतम। 15 ज़ेन्वरे पवित्रशास्त्रे मां लिखोरुए, “आग अज्ञ तुस तैसेरी आवाज शुनथ तुस अपने दिले सखत न केरा, ते अपने दादे पड़दादां केरे ज़ेरे तैसेरो हुक्म मने करां इन्कार न केरथ, ज़ैखन तैनैई परमेश्वरे खलाफ खलाफत की।” 16 तैना लोक कौन थिये, ज़ैनैई परमेश्वरी आवाज शुनथ तुस अपने दिले रखत दिल ज़ोरे नेते। 17 तैना कौन लोक थिये, जैन सेंइ परमेश्वर 40 सालन तगर

क्रोधे राव? तैना लोक तैना थिये, जैनेहृ पाप कियो ते मेरतां तैन केरि लाशां सुनसान ठैरी मां रेड जेर्दि। 18 जैखन परमेश्वरे क्रोधे मां कसम खाइ, कि तैन तैस ठैरी कथे दाखल न भोले ज़ैडी अब तैन आराम देथो, हकीकीति मां तै तैन केरे बारे मां ज़ोती थियो जैनेहृ हुक्म न थियो मन्नोरो। 19 बस्सा, असन हुनी पतो लगो, कि तैना विश्वास न केरनेरी वर्जाई सेइं तैडी दाखल न भोइ सके।

**4** एल्हेरेलेड जैखन परमेश्वरे ए वादोए कि असां तैस आरामे मां दाखल भोइ सकतम, ते असेई खबरदार राहरु लोडते, ताके कोस्कोई एसु न भोए, कि तुसन मरां कोई तैस मां दाखल भोने करां एरो रेड गाए। 2 किजोकि ज़ेन्न्वे असेई वीशु मसीहीरी खुशखबरी शुनी, तेन्नरे इसाएली लोकेहृ भी आरामेरी ठैरी दाखल भोनेरी खुशखबरी शुनोरी थी। पन तैनेहृ तैस पुडु विश्वास न कियो, एल्हेरेलेड तै सन्देश तैन केरे लेड बैफैदो भोव। 3 पन असेई जैनेहृ विश्वास कियो, परमेश्वरे तैस वादो कियोरे आरामे मां दाखल भोतम, जेन्वे परमेश्वरे जोडु थियूं, “मीं अपने क्रोधे मां कसम खाइ, कि तैना तैस ठैरी कथे दाखल न भोले ज़ैडी अब तैन आराम देथो।” परमेश्वरे एन एल्हेरेलेड नईं ज़ोरु, किजोकि हेजू तगर आरामेरी ठार तियार न थी, पन तै ठार दुनिया बनानेरे वके करां तै तियार आए। 4 किजोकि परमेश्वरे सतोव दिहैडरे बारे मां पवित्रशास्त्रे मां एन्नरे ज़ोरु आए, “परमेश्वरे अपना सब कमां खतम केरतां सतोव दिहाडे आराम कियो।” 5 ते अस भी इन पहुतम कि तैनी बादे मां ज़ोवं, “एना मेरे आरामेरी ठैरी कथी दाखल न भोले।” 6 तैना इसाएलेरे लोक जैनेहृ पेइली ई खुशखबरी त शुनी, पन आरामेरी ठैरी दाखल भोनेरी मां कामयाब न भोए, किजोकि तैनेहृ परमेश्वरे हुक्म न मन्नो। पन हुन्ना भी किछ लोकां केरे लेड आरामेरी ठैरी दाखल भोनेरे लेड मांको आए। 7 एल्हेरेलेड परमेश्वरे कोई होरो वके अपने आरामेरी ठैरी मां दाखल भोनेरे लेड ठहरावरो, तै वक्त अज्ज आए, इशी दादे पड़दादर्दै खलाप केरने बडे सालाना बाद परमेश्वरे दाऊदेंदे ज़िरिये ज़ोवं, जेन्वे तैने ज़ोवं “अगर अज्ज तुस तैसेरी आवाज शुनथ, त अपनो दिल सखत न केरा।” 8 अगर यहोशूए तैना लोक आरामे मां दाखल करावरे भोते त बादे मां परमेश्वरे होरि दिहैड़ बारे मां गल न थी केरनि। 9 एल्हेरेलेड परमेश्वरे लोकां केरे लेड एरी ठार तियार आए ज़ैडी तैना पूरे तरीके सेइं आराम केरि बटन। तैना तेन्नरे आराम केरेले ज़ेन्वे परमेश्वरे सतोव दिहाडे आराम कियोरो थियो। 10 किजोकि ज़ै कोई परमेश्वरे आरामे मां दाखल भोते त तै परमेश्वरो जेरो अपने कम्मन पूरे केरतां आराम केरो। 11 एल्हेरेलेड एज्जा अस भी तैन आरामेरी ठैरी मां दाखल भोनेरी कोशिश केरम, ताके कोई वी मैन्हू इसाएली लोकां केरे जेरो हुक्म न मेन्नां तैस आरामेरी ठैरी दाखल भोनेरे करा रेड न गाए। 12 किजोकि परमेश्वरे वचन ज़ीतू ते शेन्हि बालू आए, ते हर दूर्दू धारण बैली तलवारी करां भी जादे तिख्खु आए। ते तैन प्राण ते आत्माई गहराई तगर चीरते, ज़ेन्वे तिख्खी तलवार जोडन ते हेडी केरे अन्त्रीयों मासे वारां पार चिरतां निसतीए ते दिलें खियाल ते मैनेरो इरादो भी ज़ानते। 13 दुनियारी कोई भी चीज परमेश्वरी नज़री करां छप्पोरी नईं, भल्के तैसेरे सामने सब चीजां खुल्ली ते बेंदिन, ते असेई तैस, जैन किछ भी अपने पूरे ज़िन्हीरी मां कियोरु तैसेरो हिसाब देनो पेनोए। 14 बस्सा, एज्जा अस अपने विश्वासे पुडु मज़बूत रहम। किजोकि इश्शो अक महायाजक, ज़ै स्वर्गे मां ज़ोरोए, यानी परमेश्वरे मटु वीशु। 15 किजोकि इश्शो महायाजक इश्शी सैरी कमज़ोरी समझते। किजोकि इश्शो अक महायाजक इश्शी सैरी कमज़ोरी समझते।

**5** परमेश्वरे हर महायाजक इसाएली लोकन मरां चुनो, ते परमेश्वरे महायाजक, लोकां केरि तरफां अपनि सेवा केराने लेड ठहराए, ताके तैना लोकां केरे मैफरे लेड ब्रह्मतल ते पापां केरु बलिदान चाढ़न। 2 किजोकि अक याजक एप्पु बेडि गल्लन मां कमज़ोरे, एल्हेरेलेड तै बेसमझा, ते टेपलारे

लोकन नेरमी सेइं बर्ताव केरि बटते। 3 किजोकि तै एप्पु कमज़ोरे, एल्हेरेलेड तैस न सिर्फ लोकां केरे पापां केरे लेड, बल्के अपने पापां केरे लेड भी बलिदान चाढ़नेरी ज़स्सरत भोतीए। 4 कोई मैन्हू अपने लेड महायाजकरी पदवी अपने आपे सेइं हासिल न केरि सखे, ज़ातंगर तै हास्सरे ज़ेरो परमेश्वरेरी तरफां कुजाव न गाए। 5 तेन्नरे मसीहै भी महायाजक बेनां अपनि आदर न की, बल्के परमेश्वरे तैस आदर दिटी जैखन तैने ज़ोवं, “तु मेरु मटु आस, अज्ज अब बांदू केरताई तु मेरु मटु आस।” 6 एल्हेरेलेड परमेश्वर फिरी एक्की होरि ठैरी जोते, “तु मेलिकिसिदकेरो जेरो हमेशारे लेड याजक आस।” (aiōnios g165) 7 यीशुए एक्की मैनीरी ज़ेरि जिन्दगी गुजारेने दिहाडन मां फुकैरी-फुकैरी ते लेड देड-देड परमेश्वरे कां प्रार्थना ते बिनती की, ज़ै तैस मौती करां बव्रेइ सकतो थियो, ते परमेश्वरे लेड तैसेरे भेत्तरे बजाई सेइं परमेश्वरे तैसेरी फरयाद शुनी। 8 ते परमेश्वरे मटु भोइतां भी तैनी दुख झौलतां हुक्म मन्नो शिखो। 9 जैखन तैनी तैन सब कियूं जैन तैनी कियेहै लोडूत थियूं त तै तैन केरे लेड हमेशारे लेड मुक्तरो जिरयो बनो, जैना तैरेरे हुक्म मन्तन। (aiōnios g166) 10 ते तैस परमेश्वरी तरफां मेलिकिसिदकेरी ज़ेरि महायाजकरी पदवी मैल्ली। 11 असन कां इस बारे मां ज़ोनेरे लेड बडु किछ आए, पन तुसन समझानू मुश्किले, किजोकि तुस समझाने मां सुसतथ। 12 द्रासले मां अज्ज तगर तुस गुरु बनोरे लोडते थियो, किजोकि तुसन विश्वास कियोरे बदु चिर भोस्स। पन हुन्ना त ज़स्सरत इस गल्लरीए कि कोई मैन्हू तुसन परमेश्वरे वचनेरी शुरुआतरी गल्लां दुबारा शिखाले। तुस तैन बच्चा केरे जेरें जैन हेजू दुख पीतन ते शुरी रोट्टी न खेड बटन। 13 जै दुख पीते, तै हेजै बच्चो भोते, किजोकि तैस नईं पतो सही कुने ते गलत कुने। 14 पन शुरी रोट्टी तैन केरे लेड भोते जैना विश्वासे मां बहुन, ते अपने तजरबे सेइं इस काबल भोरेन, कि रोडे ते बुरे मां फ्रक सेमझी सखन।

**6** एल्हेरेलेड एज्जा अस मसीहैरो बारे मां शुरुआतरी शिक्षारी गल्लां बार-बार दोरहानेरे बगैर अस सिधतारे पासे च्लाते रहम। ते मौतैरे पासे नेवोताले कम्मन करां मन फिराम ते परमेश्वरे पुडु विश्वास केरनो, 2 बपतिस्मे ते हथ रखेन्ही शिक्षारे बारे मां, ते मुडांदां केरे ज़ीते भोतेरे बारे, ते हमेशारे इन्साफेरे बारे मां दुबारा गल न केरम। (aiōnios g166) 3 एज्जा अस परिपक्व विश्वासी बनम! अगर परमेश्वर अज्जाजत दे त असो इन केरमेले। 4 जैना लोक अपने विश्वास शारतन तैन फिरी मनफिरानेरे पासे केन्वरे अने गान? तैनी एक्की बारे परमेश्वरी सच्चाई विशानोरी थी, ते तैन स्वर्गीरां वरदाना मैलोरां थियां ते तैनेहृ होरन सेइं साथी पवित्र आत्मा हासिल कियोरो थियो। 5 तैनेहृ मैसूस कियोरु थियूं कि परमेश्वरे वचन रोडू आए, ते तैनेहृ एज्जनेबाले ज़मानेरी शक्ति मैसूस कियोरी थी। (aiōnios g165) 6 ते हुनी तैनेहृ अपनो विश्वासे शारोरो! एल्हेरेलेड तैन मनफिरानेरे पासे आन मूश्किले, किजोकि तैन एप्पु परमेश्वरेरे मटु फिरी कूसे पुडु चाढ़ने लोरेन! ते लोकां केरे सामने तैसेरी बेड़ी केरने लोरेन। 7 जैन लोकन रोट्टी शिक्षा मैलोरीए तैना तैस ज़मीनेरे जेरे आन जैस पुडु झैडी लगती रातीए। अगर ज़मीन रोट्टीए ते चिम्मादारे लेड रोट्टी फसल देवे, ते तैस परमेश्वरेरी तरफां बरकत मैलचे। 8 होरे लोक तैस ज़मीनेरे जेरे आन जैस मां केरे ते झौलालां लगतन ते तै कोन्ची कम्मेरी नईं। ते परमेश्वर तैस ज़मीनी फिटकार देनेबालोए ते आखरी मां तैस अग्गी मां बरबाद केरेलो। 9 हे मेरे टलारे ढलाव ते बेइनव, हालांकी असां एरी गल्लां ज़ोतम फिर भी अस विश्वास केरतम कि एन तुशेहो लेड नईं। इश्शो भोसोंए कि तुस रोट्टी गल्लां केरे लेड आथ जैना मूक्तरे ज़िरिये इटिन। 10 किजोकि परमेश्वर बेइनसाफ नईं कि जै तुशु कम ते प्यार बिसरी गाए, जै तुसेरी तैसेरे लोकां केरि सेवा केरने ज़िरिये तैसेरेलेड दिहरावोरोए। ते परमेश्वर याद केरेलो कि तुस हेजू भी तैन केरि मद्दत केरने लोरेथ। 11 इशी इच्छा ई आए कि तुस ज़ातंगर ज़ीतीथ रोट्टो बर्ताव केरते राथ, इन पक्कू केन्वरे लेड कि तुशु उमीद सच्च भोती। 12 तैखन तुस आलसी न बनेलो। पन तुस तैन केरे जेरे च्लते जैना अपने विश्वास ते सबरारे वजाई सेइं परमेश्वरेरो वादा केरे बारस भोती। 13 जैखन परमेश्वर अब्राहम सेइं वादो कियोरो थियो त कसम केरनेरे लेई तैस करां बहु

कोई न थियो, एल्हेरेलेड तैनी अपनि ही कसम कमाइतां ज़ोवं, 14 “अवं ती सङ्गे बरकत देइलो, ते तेरु वंश बेशुमार बेथेइलो।” 15 एल्हेरेलेड अब्राहम तैन वादन हासिल केस्ने लेड सबरी सेंड इत्तज़ार केरतो राव। 16 मैन्हु त हएपू करां बडां केरे नव्वरी कसम केरतन ते एन्न्वे तैन हर मसलेरो हल कसम केरतां खतम भोते। 17 एल्हेरेलेड परमेश्वरे भी कसम खाइ, एन केरने सेंड तैनी तैन लोकन जैन सेंड वादो कियोरो थियो, इन हिरान् चाऊ कि ज़ै वादो तैनी तैन लोकन जैन सेंड वादो कियोरो केरेतो। 18 त इड्डी दूर्घ गल्लां आन तैसेरो वादो ते तैसेरी कसम, ज़ैना कथे न बेदलोने ते तैन केरे बारे मां परमेश्वर कधे झूठ न ज़ोए। एल्हेरेलेड अस ज़ैना तैसेरे सहारे मां अोरेम त ज़ै उमीद असन दितोरीए, तैस मां अस बनोरे रहम, ते अस बडे जादे जोशे मां आम। 19 इश्शी उमीद प्राणा केरे लेड पवक्ती आए तै टेली न बटे ते ई असन परमेश्वर करां भटकने न दे, बल्के ई असन परमेश्वरे मन्दरे मां महा पवित्र ठैरी पुजातीए। 20 ज़ैडी यीशु इश्शे लेड मेलिकिसिदक महायाजकेरो ज़ेरो हमेशारो महायाजक बेनतां इश्शे लेड बत हिराने बालेरो ज़ेरो दाखल भोव। (aiōn g165)

**7** ई मेलिकिसिदक शालेमेरो राजो ते परमप्रधान परमेश्वरो याजक थियो, ज़ैखन अब्राहम राजन मैरातां वापस ओरो थियो, त मेलिकिसिदके तैस सेंड मिलतां तैसेरी बडी आदर की ते तैस बरकत दिती। 2 अब्राहमे तैस तैन सेंधभी चीज़ां केरो दशोवं हिस्सो दितो ज़ैना तैनी कब्ज़ो केरतां ऐनोरी थी। मेलिकिसिदकेरो नव्वरो मतलब थार्मिकतारो राज्जो आए, ते शालेमेरो मतलब शैन्तरो राज्जो। 3 तैसेरो न कोई बाजी, न अम्मा, न तैसेरो रुकोई वंशे, न तैसेरी जरमनोरे बारे मां न तैसेरे मनोरे बारे मां लिखोरुण। तै परमेश्वरे मद्दोरे जेरोए तै हमेशारे लेड याजक बनोरो रहते। 4 पन हुनी इस पुढ़ ध्यान देथ मेलिकिसिदक केत्रो महान थियो। ज़ैस पूर्वज अब्राहमे कब्ज़ो कियोरो चीज़ां केरो दशोवं हिस्सो दितो। 5 मूसेरो कानूनेरे मुताबिक ज़ैना लेवेरे खानदाने मरा थियो यानी ज़ैना याजक ठहराए गातन, तैन हुक्म दितो जोरोए कि तैना इसाएली लोकन यानी अपने लोकन करां दशोवं हिस्सो नेन, हालांकी तैना भी अब्राहमेरी वंशे मरां आन। 6 पन मेलिकिसिदके ज़ै लेवी केरे वंशे मरां न थियो फिरो भी अब्राहमे करां दशोवं हिस्सो नीयो, ते तैस बरकत दिती ज़ैस सेंड परमेश्वरे वादो कियो थियो। 7 अस पक्कू ज़ानतम कि ज़ै बरकत देते तै बरकत मैलने बाले करां महान आए। 8 ते याजक ज़ैना दशोवं हिस्सो नेन तैना तैन मैन्हु आन ज़ैना मरतन, पन मेलिकिसिदक एन करां भी महान आए, किजोकि पवित्रशास्त्र ज़ोते कि तै ज़ीता आए। 9 बल्के अस ज़ोई सकतम कि लेवी भी ज़ै दशोवं हिस्सो नेते, अब्राहमे ज़िरिये मेलिकिसिदक जो दशोवं हिस्सो दितो। 10 एल्हेरेलेड कि ज़ैस मौके मेलिकिसिदके लेवेरे पूर्वज अब्राहमे सेंड मुलाकत की, तैस मौके लेवी ज़रमोरो भी न थियो। 11 इना लेवी याजकेरे आधारे पुढ़ कानून इसाएली लोकन दितोरो थियो, अग लेवी ते याजकेरु कम ठीक थियूं त अलग किसमेरे याजकेरु बांद भून ज़रूरी न थियूं ज़ै मेलिकिसिदकेरो ज़ेरो आए। पन हास्नोरो ज़ेरो नई। 12 किजोकि ज़ैखन याजकेरी पदवी बेदलोतीए त कानूनेरु बेदलोन भी ज़रूरीए। 13 असां इना सैरी गल्लां मसीरे बारे मां ज़ोने लोरेम ज़ै होरी गोत्रे मरां आए, ते तैस गोत्रे मरां केन्वे बलिदान केरनेरे ठैरी याजकेरी सेवा नई कियोरी। 14 किजोकि इन अस ज़ानतम, कि इश्शो प्रभु यहूदारे गोत्रे मरां थियो। ते मूसा एस गोत्रे मरां याजकेरे पेदवरे बारे मां कोई गल नई कियोरी। 15 मेलिकिसिदकेरो ज़ेरो अक होरो भी याजक एजने सेंड इन होइ भी साफ भोते। 16 किजोकि यीशु कानूनेरु हुम्मेरे मुताबिक याजक लोडोतो थियो, पन तै नाश न भोनेवीली जिन्दगारे शेत्तरे ज़िरिये महायाजक बनो। 17 किजोकि तैसेरो बारे मां परमेश्वर पवित्रशास्त्रे मां ई गवाही देते, “कि तै मेलिकिसिदकेरो ज़ेरो हमेशारे लेड याजक आस।” (aiōn g165) 18 एन्न्वे मूसेरो कानून कमज़ोर ते बेफल भोनेरे वर्जाई सेंड हुनी कम न केरि बटे। 19 (किजोकि मूसेरो कानूनेरु कोई गल्ली सिद्ध न केरि बटी) पन हुनी असन कां अक रोडी उमीदे ज़ेरोरे ज़िरिये सेंड असां परमेश्वरे सामने एज्जी बटतम। 20 ते परमेश्वरे भी तैस वर्ते कसम खाइ ज़ैखन तैनी यीशु महायाजक बनाव। 21 किजोकि

होरे याजक त बगैर कसमा याजक बनाए, पन जैखन यीशु, परमेश्वरी तरफां याजक बनाव त तैनी ज़ोवं, “अवं, प्रभु कसम खाताईं, कि तू हेशा याजक रालों ते अवं अपने मने कधी न बेदलेलो।” (aiōn g165) 22 एल्हेरेलेड यीशु ज़मानत देते कि पुरानो करार नव्वे करारे करां रोडी भोलो। 23 ते अक फर्क, किजोकि पेइले बडे याजक बेनतां आए, पन तैना सब मरे ते तैनेई लगातार याजकेरु कम न केरि बटु। 24 पन यीशु आखरी तगर रानेबालो याजके ते एल्हेरेलेड तैसेरी ठैरी होरो कोई याजक न रख्खो गाए। (aiōn g165) 25 एल्हेरेलेड ज़ैना लोक यीशुएरे जिरिये सेंड परमेश्वरे कां इटन, यीशु तैन पूरी-पूरी मुक्ति देड बटरे, किजोकि तै तैन केरे लेड बिनिता केरनेरे लेड हमेशा ज़ीताए। 26 एल्हेरेलेड असन एरे ज़ेरो महायाजक ज़रूरी थी, ज़ै इश्शो ज़रूरतन पूरी केरे, ज़ै पवित्र, निष्कपत ते शुद्ध, ते पैन करां अलग भोए ते ज़ै परमेश्वरे स्वर्गे जो नेवरो भोए। 27 ते होते महायाजक केरु ज़ेरु यीशु ज़रूरी नई, कि पेइले अपने पापां केरे लेड ते फिरी अपने लोकां केरे पापां केरे लेड रोज़ बलिदान चाढ़े, किजोकि यीशुए सेव्ही लोकां केरे पापां केरे लेड एक्की बार अपनो आप बलिदान केरतां एरु बलिदान चाढ़ू ज़ैन हमेशारे लेड आए। 28 किजोकि मूसेरो कानूनेरे लेड ठऱ्हराते ज़ैना सिद्ध नई, पन मूसेरो कानूनेरे लेड परमेश्वरे कसम खेड़तो अपनु मूदू ठऱ्हराव ते तैसेलु मटु हमेशारे लेड सिद्ध महायाजक बनोरोए। (aiōn g165)

**8** ज़ैना गल्लां हुना अस ज़ोने लोरेम तैन मरां सेभना बढ़ी गल ई आए कि इश्शे एरो महायाजक, ज़ै स्वर्गे मां परमेश्वरे महिमा बाले तख्तेरे देइने पासे बिशेरोए। 2 ते ज़ै तैस महा पवित्र ठैरी ते तैस सच्चे तेम्हु मां सेवा केरते, ज़ै केन्वे मैने नई बल्के परमेश्वरे खड़ो कियोरोए। 3 किजोकि हर महायाजक पापां केरे मैफरे लेड चऱ्हतल ते बलिदान चाढ़नेरे लेड ठऱ्हराव गाते, एल्हेरेलेड ज़रूरी आए, कि इश्शे महायाजके (यीशु) कां भी किछ चाढ़नेरे लेड भोए। 4 ते अग यीशु दुनियाई मां भोथी त कथे कोई याजक न थियो भोनो, किजोकि इडी मूसेरो कानूनेरे मुताबिक चऱ्हतल चाढ़नेरे लेड याजक आन। 5 इना याजक ज़ैना कम केरतन, तैना सिर्फ स्वर्गे चीज़ां केरि नकल ते सैयोए, पन जैना चीज़ां स्वर्गे मां आन। एल्हेरेलेड ज़ैखन मूसा तेम्हु बनानेरी तियेरो मां थियो, त परमेश्वरे तैस हैदृयत दिती, “हेर ज़ै नमूनो मां तीन पहाड़े पुढ़ हिरावरो थियो तैसेरो सेंड तू सैरी चीज़ां बना।” 6 पन हुनी ज़ै महायाजकेरी सेवा यीशु दितीरी तै पुराने याजकेरे सेवाई करां बड़ी बढ़ीए, किजोकि तै जैना गल्लां केरि बिचवाई केरते तैना पुराने करारे करां भी उच्ची आन, ते वादन पुढ़ तैसेरो बुनियादे। 7 किजोकि अग पेइले करारे मां कोई खांसी न भोथी त होरो करार केरनेरो कोई ज़रूरत न थी भोनी। 8 पन परमेश्वर लोकन पुढ़ दोष लेइतां ज़ोते, “तक्का प्रभु ज़ोते कि तै दिहाड़ी एज्जी राहोरी, इसाएलेरे लोक ते यहूदार लोकन सेंड साथी नंवो करार केरेतो। 9 ए तैस करारेरो ज़ेरो न भोलो ज़ै मैने केरे पासे कोई ध्यान न दितू। 10 प्रभु ज़ोते कि ज़ै करार अवं इसाएलेरे लोकन सेंड तैस मौके केरेतो लेडोलो तै ईए, कि अवं अपने कानून तैन केरे मन मां छेड़लो, ते तैन केरे दिलन मां लिखेलो, ते अवं तैन केरे परमेश्वर भोलो ते तैना मेरे तैस करारेरो मुताबिक वफादार न राए, एल्हेरेलेड मां भी तैन केरे पासे कोई ध्यान न दितू। 11 ते केन्वी ए ज़रूरत न भोली कि अपने पुड़ोसन, या अपने रिश्तेदारन ए शिक्षा दे कि प्रभु पिणाना, किजोकि निकड़े करां बड़े तगर सब मां पिशानेले। 12 एल्हेरेलेड अवं तैन केरे अधर्म माफ़ केरेलो, ते तैन केरे पापन फिरी कथे याद न केरेलो।” 13 ज़ैखन परमेश्वरे नंवो करारे कमाव त पेइलो करारे पुरानो बनाव, ते ज़ै चीज़ पुरानी ते कमज़ोर भोती तै जल्दी खतम भोतीए।

**9** पेइले करारेरो मुताबिक भी परमेश्वरी आराधना केरनेरो नियम थिये; ते आराधना केरनेरो लेड मैन्हु केरि बनोरी अक ठार थी। 2 यानी अक तेम्हु बनोरो थियो, ते तैसेरो दूर्घ हिस्से थियो, पेइले हिस्से मां अक दीवत (दीयो), मेज ते चैदोरी रोटी रेखोरी भोती थी, तैस दिस्से जो पवित्र ठार ज़ोते थिये। 3

ते होरि हिस्से मां पडदे पतोरां तै ठार थी, तैस हिस्से जो परमपवित्र ठार जोते थिये। ४ एसमां सोनेरी तै बलिदान केनेरी ठार थी जैस पुड़ खुशबूदार चीजां बालते थिये, ते चेवै पासन सोने सेइं पलेटीरो करारेरो सुदुख थियो। ते तैस सुनुखे मां मन्ने सेइं भेरतां अक सोनेरो भांड थियु, ते कने हासनेरी तै सोटी थी जैस पुड़ पटलां लगोरां थियां ते दूर्घ धोडां केरि सलेटां थी, जैन पुड़ दश हुक्म लिखोरे थिये। ५ एस सुंदुखों वेद्यें पासे महिमा बाले करूब बनेरे थिये, जैना परमेश्वरी मौजूदारी हिराते थिये। तैना अपने-अपने फंगन सेइं तैस ठैरी सैयो केरि रावरे थिये, जैडी पाप माफ कियोरे थिये। पन हुनी इन गल्लन रोडे चारे जैनेरो वक्त नई। ६ एना सब चीजां एस तरीके सेइं तियार केनेरे बाद, याजक तेम्हे तैस पेड़ले हिस्से मां रोज़ गाते, ताके सेवारु कम पूरु केरन। ७ पन परमपवित्र ठैरी मां सिफ महायाजक साले मां सिफ एककी बार गाते। ते तै भी खून विन्तां ताके अपनि ते अपने लोकां केरे पापां केरे लेइ बलिदान चाढ़े, जैना तैनई अनजाने मां किये। ८ एस नियमें सेइं पवित्र आत्मा इन हिराते, कि जांतगर पेड़लो तेम्हु आए, तांतगर परमपवित्र ठैरी गानेरी बत बदे। ९ ते इन सब किछ इस वर्केरे लेइ अक मसाले, एस सेइं एन बांदू भोते कि जै चाढ़तल ते बलिदान याजक परमेश्वरे जो चाढ़ते थिये, तैस सेइं आराधना केरेनेबालां केरो ज़मीरो रोड़ेजारे शुद्ध न भोए। १० तैन केरो तलक सिफ खाने पीनेरे चीज ते अलग-अलग शुद्ध भोतेरे रसमन सेइं भोते थियो। इन सिफ जिसमानी रसमां आन, इन तैखन तगर लागू भोतन जांतगर परमेश्वरे नव्वों नियाम न बनाए। ११ पन ज़ैखन मसीह इश्शो महायाजक बेनतां अव, त तै रोडी चीजां घिन्तां अव जैना हुन्ना मौजूद आन। तै स्वर्ग मांजो परमेश्वरे हजूरी मां जेवा। ते तै हजूरी एककी महान ते सिद्ध तेम्बरो जेरि आए, जै मैनू केरे हथां केरे जिरिये सेइं नई बनेरो ते न दुनियारो। १२ ज़ैखन मसीह तैस तेम्हु मांमेइ भोइतां पवित्र ठैरी दाखल भोव, त तैनी थावां ते बछडां केरो खून नई, बल्के अपनो खुनेरे जिरिये एककी फेरे पवित्र ठैरी दाखल भोव ते असन इश्शो पापन करां हमेशारे लेइ छुटकारो दितो। (aiōnios g166) १३ किजोकि ज़ैखन थावां ते दांतां केरो खून ते बेछडी केरि मांज़न अपवित्र लोकन पुड़ छक्के गाने सेइं तैना लोक जिसमान तरीके पवित्र मन्ने गाते थिये, १४ त मसीहे सानातन आत्मारे जिरिये सेइं अपनो आप परमेश्वरे कां बगैर पापेरु बलिदान केरतां चाहू, ते तैसेरो खून असन इश्शो ज़मीरेरे तैन कम्मन करां होरो भी जादे पवित्र केरेलो, जैन केरो तलक मौती सेइं ए, ताके अस ज़र्ती परमेश्वरी आराधना केरम। (aiōnios g166) १५ एहे वजा आए कि परमेश्वरे अपने ते दुनिया म़ज़ाटे मसीह विचाराई बनेइतां तसेरे जिरिये सेइं अक नव्वो करार बनावरोए, ताके जैना परमेश्वरे कुजोरेन तैना हमेशारी बरकत हासिल केरन जेसेरे लेइ परमेश्वरे तैना कुजोरेन। किजोकि पेइले दितोरे करारेरे अथीन कियोरे पापन करां तैन आजाद केरनेरे बदले मां मसीह मरोए। (aiōnios g166) १६ किजोकि वसीयतरे सिलसले मां वसीयत देनेबालेरी मौत साबत भोनी ज़र्सीए। १७ एल्हेरेलेइ वसीयत देनेबालेरो ज़ीते दम्हे तगर वसीयत कम्मरी न भोए, पन तैसेरे मरनेरे बाद तै वसीयत पक्की भोतीए। १८ एहे वजा आए कि पेइलो करार भी खूनेरे बगैर नई कियोरो। १९ एन्वरां ज़ैखन मूसा सैरी लोकन कानूनेरो अक-अक हुक्म शुनाव, त तैनी थावां ते बछडां केरो खून पैनी मां मिलाव, केरि लाल उन्ना ते जूफा सेइं एन्तां कानूनेरो किताबी ते सैरी लोकन पुड़ छिड़को। २० ते ज़ोव कि, “ए तैस करारोरो खून जेसेरो हुक्म परमेश्वरे तुशें लेइ दितोरोए।” २१ एन्वरे तैनी तेम्हु पुड़ ते आराधना केरनेरी सैरी चीजन पुड़ खून छिड़को। २२ किजोकि मूसे कानूनेरो मुताबिक लगभग सैरी चीजां खूने सेइं पवित्र की गेइचन, ते जांतगर खून न बगाव गाए, तांतगर पाप भी माफ न भोए। २३ त फिरी ए ज़रूते कि तैना चीजां जैना स्वर्गेरी नकल आन, तैना जानवरां केरो बलिदाने सेइं शुद्ध की गान। पन स्वर्गेरी चीजन इन करां भी जादे रोडे बलिदाने सेइं शुद्ध भोतेरी ज़रूरते। २४ किजोकि मसीह मैनू केरे बनेरे घेरे मां जैन सच्चे पवित्र ठारारी नकले, दाखल नई भोरो, बल्के स्वर्गे मां दाखल भोव ज़ेडी ते इश्शो लेइ परमेश्वरे कां हाज़रे। २५ यहूदी केरो महायाजक पवित्र घेरे मां हर साल होरि केरो यानी जानवरां केरो खून नेइतां गाते, पन मसीह अपने आपे बार-बार

बलिदान केरनेरे लेइ न गाए। २६ वरना दुनियारे शुरु करा लेइतां हुन्ना तगर तैस बार-बार दुख झौलनो पेथो; पन हुनी जुगेरे आखरी मां तै बांदो भोवं, ताके अपने बलिदाने सेइं पाप दूर केरे। (aiōn g165) २७ ते ज़ैन्चरे सेइं मैनेरु मरनू ते एककी बार इन्साफेरु भोनू पक्कुए। २८ ते नेञ्चरे सेइं मसीह भी बड़े लोकां केरे पाप सैलूंगानो गानेरे लेइ एककी बार बलिदान भोव, ते दुवारां पापां केरु बलिदान देरेरे लेइ नई, बल्के तैन मुक्ति देरेरे लेइ एज्जेलो, जैना तैसेरे इंतजारे मां आन।

**१०** मूसेरो कानून एजने बैली रोडी चीजां केरो सिर्फ अक सैयोए, न कि असती रुपे। एल्हेरेलेइ एककी किसमेरां बलिदानां जैना हर साल चाढ़ां गातन, तैना परमेश्वरे कां एजने बालन कधे भी सिद्ध न केरि सखन। २ अगर केरि सख्येथां, त कुन तैन केरु चाढ़नु बंद न भोथू? एल्हेरेलेइ अगर आराधना केरेनेबाले एककी बारे हमेशारे लेइ पवित्र भोइ गाथे, त तैन केरो ज़मीर तैन पापी न बनाथो। ३ पन तैना बलिदानां तैन लोकन हर साल याद करातन कि तैना पापिन। ४ किजोकि मुमकिन नई, कि दांतां केरो ते थावां केरो खून पापे दूर केरि सके। ५ एल्हेरेलेइ जैखन मसीह दुनियाई मां ओरो थियो, त तैनी परमेश्वर सेइं ज़ोव थियु, “तीं बलिदान ते चाढ़तल न चाई, बल्के तीं मेरे लेइ अक जान तियारी।” ६ तू न भस्म भोनेबाले बलिदाने सेइं, ते न पापेरे बलिदाने सेइं खूश भोव।” ७ तैखन मसीहे ज़ोव, “हे परमेश्वर, हेर, अवं तेरी इच्छा पूरी करेरे लेइ ओरोई, जेन्चरे मेरे बारे मां पवित्राशास्त्रे मां लिखोरुए।” ८ पेइले त तै ज़ोते, न तीं कोइ बलिदान ते न कोई चाढ़तल चाई, ते न भस्म भोनेबालू बलिदान ते न पापेरू बलिदान चाव, ते न तैन सेइं तू खुशी भोव, हालांकी एना बलिदानां मूसेरे कानूनेरे मुताबिक दितां गातन। ९ फिरी तै एन ज़ोते, “हेर, अवं तेरी मर्जी पूरी केरनेरे लेइ ओरोई,” एन्वरे तै पेइले सारे बलिदान्ह हटाते ताके तैन केरे ठैरी मसीहेरे बलिदाने रख्खे। १० परमेश्वरी मर्जी ई थी, कि यीशु मसीहेरे जिसम एककी बार बलिदान भोने सेइं अस हमेशारे लेइ पवित्र भोव। ११ पेइले करारेरे मुताबिक हर याजक बलिदान केरनेरे ठैरी खेडे भोइतां रोज़ सेवा केरतन, ते एककी किसमेरां बलिदानां बार-बार चाढ़तन, जैना पापे कधी भी दूर न केरि सखन। १२ पन मसीह जै इश्शो महायाजके, इश्शे पापां केरे लेइ एककी बार बलिदान भोइतां परमेश्वरे देइते पासे गेइतां बिश्शी जेव। १३ तैडी तै तैस वस्तेरो इंतजार केरने लोरोए, कि परमेश्वर तैसेरे दुश्मन पूरे तरीके सेइं हाराए। १४ तैनी एककी बलिदाने सेइं जैना लोक पवित्र कियोरेन, तैना हमेशारे लेइ सिद्ध कियोरेन। १५ पवित्र आत्मा भी एस गल्लरी गवाही देते। पेइलू त एन ज़ोते कि १६ “प्रभु ज़ोते, कि जै कैरार अवं तैन दिहैङ्नां बाद अपने लोकन सेइं केरेलो तै ईं, अवं अपने कानून तैन केरे मन्न मां छेलो तै तैन केरे दिलन मां लिखेलो।” १७ ते फिरी एन भी ज़ोते कि, “अवं तैन केरे पाप ते बुंग कम्मां माफ़ केरेलो, ते फिरी कधी याद न केरेलो।” १८ बस्सा, ज़ैखन तैन केरे पापां केरि माफ़ भोइज़े, त फिरी पापां केरे लेइ बलिदानेरी ज़रूरत नई। १९ एल्हेरेलेइ ढलाव ते बेइनव, असन यीशुएरे खूनेरे जिरिये सेइं मन्दरेरे परमपवित्र ठारी मां दाखल भोनेरो दिलेरी भोराए। २० यीशुए इश्शे लेइ अक नव्वी ते जिन्दगी देनेबाली बत खोलारोरीए, जै तैनी पड़दे मां यानी अपने जिसमे मां मौतेरो जिरिये इश्शे लेइ बनाई। २१ ते एल्हेरेलेइ इश्शो एत्रो महान याजक जै परमेश्वरे घरेरो मुखियारोए। २२ त एज्जा अस सच्चे दिले सेइं ते पूरे विश्वासे सेइं, ते एरो ज़मीर जै खूनेरे घेरे ते तेपीं सेइं पापेरे एसासे करां पवित्र कियोरे, ते एरो जिसम नेइतां जै साफ पैनी सेइं धोवरोए, परमेश्वरे कां नेम। २३ ते अस एपनी उमीदो इकरार रोड़ेजारे द्लेइतां रख्ख, किजोकि जैनी असन सेइं वादो कियोरोए तै सच्च्योए। २४ ते असेइं इस गल्लारु ध्यान लोडे रख्खोरु कि अस केन्द्रे प्यार ते रोडां कम्मां केरे लेइ एककी होरेरी हिम्मत बधाम। २५ ते एककी ठैरी अकोटू भोनू न शारम, ज़ैन्चरे होरे लोक केरतन बल्के अस एककी होरि हिम्मत देथ, तुस जैस हिसाबे सेइं परमेश्वरे दुवारे एज्जेरी दिहैङ्नी नेइतो लातथ तैसेरे हिसाबे सेइं जादे एन गल्लन पुढ़ ब्ललते भी राथ। २६ किजोकि अगर अस सच्च पिशानेरां बाद, जैनी बुझतां पाप

करेम त पापां केरे लेइ कोई बलिदान बाकी नई रावरु। 27 हाँ, परमेश्वरे इन्साफ ते भयानक अग जै परमेश्वरे दुश्मन्न भस्म केरेली तै बाकी आए। 28 जैखन मूर्सेरे कानून न मन्नेबाले, दूइ या टालाई मैन्हू केरे गवाही देने सेइ तैस मैन्हू बगैर दया केरातां मौतीरी सज्जा दिनी गातीए। 29 त तै मैन्हू केत्री सज्जारो लैइक भोलो, जैनी परमेश्वरे मृष्ट पावन हैन ढेलेचू, तै करारेरो खन जैस सेइ तै पवित्र ठहरावरो थियो, तै अंपवित्र समझो। ते पवित्र आत्मारी बेइज्जती की, जेसेरो जिरिये असन अनुग्रह मैलते। 30 किजोकि अस जानतम, तैनी जौर थियूं, “बदलो घिन्नो मेरु कम्मे, अवं एप्पू बदलो देल्लो।” ते फिरी तैनी एप भी जोवं, “प्रभु अपने लोकां केरे इन्साफ केरेलो।” 31 जैंती परमेश्वरे हथ्थन मां गानू बडो खतरनाक गलते। 32 पन तैना पेडले दिहाडे याद केरा, जैखन तुसन मसीह पिशानेरी लौ मैली, ते तैसेरे बाद तुसेइ बेडि मुशकलातां केरो दैटां मुकाबलो इ कियो। 33 यानी कथे त तुस लोकां केरे तुहीन केरने सेइ ते मुसीबती सेइ तुस तमाशो बने, ते कथी तुसेइ होरे मुसीबत बरदाशत केरते लाए ते तुसेइ तैन केरे साथ दितू। 34 किजोकि तुसेइ कैनन सेइ हमदरदी की, ते अपनो माल भी लुटानो खुशी सेइ कबूल कियो। किजोकि तुम जानते थिये कि अक बडी बहु खास मलकियत तुसन कां आए जै हमेशरे लेइ आए। 35 एल्हेरेलेइ तुस हिम्मत न हरा, किजोकि तैसेरो फल बडो बहुए। 36 तुसेइ बेडि सारी सेइ कम किवेल लोडते, ताके तुस परमेश्वरी मर्झी पूरी केरतां तै चीज़ हासिल केरि सख्त जेसेरो तैनी वादो कियोरोए। 37 किजोकि जेन्नरे पवित्रशस्त्रे मां लिखोरु आए, “हुनी थोड़ू घिर बाकी आए, कि एजनेबालो एज्जेतो ते घिर न लाएलो।” 38 पन मेरे धर्मो लोक मां पुड़ विश्वासे रखने सेइ जैंती राले, अगर तैना मां पुड़ विश्वास केरने करां पत्रोव हटन त मेरो दिल तैन पुड़ खुश न भोलो।” 39 पन अस हटने बाले नई, कि परमेश्वरे पुड़ विश्वास केरने करां पत्रोव हटम ते नाश भोम, बल्के अस विश्वास केरनेबाले आम, ताके इश्शे प्राण बजाए गान।

**11** हुनी विश्वास उमीद कियोरी चीजां केरु याकीन, ते अलैई चीजां केरु सबूतो। 2 इश्शे दादे पड़दादन भी एरो विश्वास थियो। एल्हेरेलेइ परमेश्वर तैन पुड़ खुश भोव। 3 विश्वासे सेइ असन पतो लगते कि दुनियारी हर चीज़ परमेश्वरे वचने सेइ बनोरोए। एल्हेरेलेइ जैन किछ अस लहतम, तैन लेइहोने बैली चीज़न सेइ नई बनोरोए। (aiong 9165) 4 विश्वासे सेइ आदर्मेरे मठे हाबिले अपने बहु ढला कैने केरां रोडु बलिदान परमेश्वरे लेइ चाढ़ू, जेसेरो वार्डाई सेइ परमेश्वरे तैसेरु बलिदान कबूल कियूं, ते तैसेरे बारे मा गवाही दिती, कि हाबिल धर्मी मैन्हू आए। हालांकी हाबिल मेरि जोरोए, फिरी भी अस तैसेरे विश्वासेरे जिरिये परमेश्वरे पुड़ भरोसो केरनो शिखतम। 5 विश्वासे सेइ हनोक नव्वरो मैन्हू मौती करां पेइलो जैंतो सर्वं जो नीयो, ते तैसेरो पतो न चालो, किजोकि परमेश्वरे तै सर्वं जो नीयोरो थियो, तैसेरे उदरे गाने करां पेइले तैसेरे हके मां गवाही दितोरी थी, कि तैनी परमेश्वर खुश कियो। 6 किजोकि विश्वासेरे बगैर परमेश्वर खुश केरनो नामुमकिने, बस्सा रोडु एने कि परमेश्वरे कां एजने बालन विश्वास कियोरो लोडे कि परमेश्वर आए, परमेश्वर तैन जैना तैस सच्चाई सेइ तोपतन फल देतो। 7 विश्वासे सेइ नहू तैन गल्ला केरे बारे मां जैना एजनेबाले वक्ते मां भोनी बैली थी, परमेश्वरे तरफां हुक्म मैलतां परमेश्वरे यारे सेइ तैस पुड़ अमल कियूं, ते अक किशी बनाई जैसा मा तैसेरु साल टब्बर बचू, एन केरे सेइ जैनी सारी दुनिया मुर्झिम बनाई ते एप्पू तैस धार्मिकतारो बारस बनो जै विश्वासे सेइ हासिल भोचे। 8 विश्वासे सेइ जैखन परमेश्वरे अब्राहम, जैस जगाई गाने जो परमेश्वरे तै कुजोरो थियो, तै तै हुक्म मेन्ता तैस जगाई चलो जेव, जै जगाई बादे मां परमेश्वर तैस विरासतरो जेरो देनेबालो थियो। हालांकी तै एन भी न थियो जानतो कि अवं कोरां चालोरोई, फिरी भी चलो जेव। 9 विश्वासेरे जिरिये सेइ तै परमेश्वरे कियोरे वादेरे मुताबिक तैस मुलखे मां परदेशी केरो जेरो तेम्बन मां गेइतां बस्सो। ते तैस सेइ साथी तैसेरु मृष्ट इसहाक ते तैसेरु पोटलू याकूब भी राए, तैन भी परमेश्वरे करां तैए वादो मैलो ते तैना भी तेम्बन राए। 10 किजोकि अब्राहम तैस नगरेरे इतजारे मां थियो (जैन स्वर्ग मांए) जेसेरो

मुनीयाद सदारे लेइ आए, जेसेरो तियार केरनेबालो ते बनानेबालो परमेश्वरे। 11 विश्वासे सेइ सारा दोजींती भोनेरी ताकत हासिल की, हालांकी तै उमरारे हिसाबे सेइ बच्चो जानेरे काबल न थी राहोरी, सारा एन याकीन थियूं कि वादो केरनेबालो परमेश्वर अपनो वादो पूरो केरेलो। 12 जैइस अब्राहम बड़ी बुहो थियो ते बच्चे पैदा केरनेबाले काबल न थियो, अम्भरेरे तारां केरे ते सुमदरेरी रेतारे बराबर एत्रु हुहु वंश पैदा भोव। 13 एन सेब्बी लोकेई परमेश्वरे पुड़ भरोसो कियो ते मेरि जे, ते तैन तै कोई चीज़ न मैल्ली जेसेरो वादो परमेश्वरे कियोरो थियो, तैनेइ समझू कि परमेश्वर एन एजनेबाले वक्ते मां केरेलो, ते तैना भी समझते थियो, कि तैना जामीनी पुड़ परदेशी ते मुसाफर आन। 14 जैना एरी गल्ला जौतान तैन सेइ एन साबत भोवते, कि तैना अज्ञ तगर अपने मुलखेरी तलाशी मां आन। 15 अगर तैना तैस मुलखेरी खियाल रखते भोवथ जैस मरां तैना आरे थिये, त तैना वापस गेइ बतते थिये। 16 एन असलीती मां तैना एकी रोडे स्वर्गे मुलखेरे उमीदी मां थिये, एल्हेरेलेइ परमेश्वर तैन केरो परमेश्वर जुवाने सेइ खुश भोव, एल्हेरेलेइ तैनी तैन केरे लेइ अक नगर तियार कियोरोए। 17 विश्वासे सेइ हमाहमे अपने इम्हाहमेरे मौके अपने मट्टे इसहाकरे बलिदान देने करां न टलो, जैन तैस परमेश्वरे वादे कबूल केरने बद मैलोरो थियूं, तैसेरो अकैल्ले मट्टे बलिदान केरने जो तियार भोइ जेव। 18 हालांकी परमेश्वरे तैस सेइ जारू थियूं, “कि इसहाकरे वक्ते सेइ तेरे वंशरू नवं रालू।” 19 किजोकि अब्राहमे याकीन थियूं, कि परमेश्वरे कां मुद्दन जौंते केरनेरी शक्ति आए, एल्हेरेलेइ लेइ जैन्नरे परमेश्वरे इसहाक मुद्दन मरां फिरी वापस आनो। 20 विश्वासे सेइ इसहाके अपने दुख्ये मट्टन याकूबे ते एसावे आशीर्वद दित्तो, कि एजनेबाले वक्ते मां तैना वादे पूरे भोलो। 21 विश्वासे सेइ याकूबे मरते वक्ते यूसुफेरे दुख्ये मट्टन बरकत दित्ती ते अपने सोटरे सहारे सेइ परमेश्वरे आराधना की। 22 विश्वासे सेइ यूसुफे मरते बार पूरे याकीन सेइ जौक थियूं, इसाएली लोक मिस्स मुलख शारेलो। ते तैन हुक्म दित्तोरी थियो कि जेवास तैना मिस्स मुलखे मरां निसेले त तैना तैसेरी हेह्ही साथी नेन। 23 विश्वासे सेइ मूर्सेरे हाज बैवेई तैसेरे जरमनेरां पत्ती ट्लाई महीन तगर छपेइतां रख्खो, किजोकि तैनेइ हेलू कि तै बच्चो खासो, ते तैना राजेरो हुक्म ट्लोइने करां न डरे। 24 विश्वासे सेइ मूर्सा बैडे भोइतां फिरानेरे कुइयर मट्ट बन्ने करां इकाक कमाव। 25 पापेरे थोडे दिहाडे अनान्दरी जिन्दगी गुजारानेर बजाहे तैनी परमेश्वरे लोकन सेइ साथी मिलतां दुख झीलनों चुनो। 26 तैनी मसीहेरे लेइ दुख झीलनों मिस्सेरे खजानन् करां जादे दौलत समझी, किजोकि तै जानतो थियो कि तैस स्वर्गं मां द्वानाम मैलनाए। 27 विश्वासे सेइ तैनी राजेरो सरकरो डर न कियो, बल्के मिस्स मुलख छैडी दित्तो, एल्हेरेलेइ तैनी समझोरु थियूं जैन्नरे तैनी न लेइहोने बाल परमेश्वरे लाहू। 28 विश्वासे सेइ मूर्से इसाएली लोकन हुक्म दित्तो कि तैना फसह तिहारी दिवाई बनानी ते गबड़ेरो खून दारन छिड़कन, ताके मौतरो स्वर्गांतू जै परमेश्वरेरी तरफां भेजोरोए इसाएलेरे पेइले मट्टन न मैरी बटो। 29 विश्वासे सेइ इसाएली लोक लाल समुद्रे मांमेइ एन्नरे लंये जैन्नरे शुक्कोरी जामीनी पुड़मेइ पार निस्से, यन जैखन मिथेइ तैटुं पार लंयनेरी कोशिश की तै तैना डुबतां मेरि जे। 30 किजोकि इसाएली लोकेई परमेश्वरे पुड़ विश्वास कियो, ते सत दिहैन तगर यरीहो नगरेरे चक्कर लाए (जैन्नरे परमेश्वरे जौरु थियूं) ते दिवार डुल्ली। 31 विश्वासे सेइ राहाक वेश्या परमेश्वरे हुक्म न मन्ने बालन साथी नाश न भोइ; एल्हेरेलेइ कि तैसां इसाएली जासूस शैन्ति सेइ अपने घरे मां आने जैना छेपतां याहु नगरे हेरने औरे थिये। 32 हुनी होरु किल जौनेरी ज़रूरत नई। हुनी मीं कां वक्त नई कि एरे जौरे लोकां केरे बारे मां जौर्हू, जैन्नरे गिदोन, बाराक, शिमशोन, यिफतह, दाऊद, ते शमूएल ते होरे नबी। 33 तैनेइ विश्वासे सेइ राज्जां जौंतां, ते धार्मिकतारां कम्मां कियां तै वादो कियोरी चीज़ां हासिल की, ते शेरेई तैना न खाए। 34 अग्गां तैना न फुके, ते तलवारी सेइ तैना न मारे जे, जैखन तैना कमजोर थिये तैखन तैन ताकतबर बनाए, ते जंगी मां भी बहादूर निस्से, ते तैनेइ दुश्मना केरि फौज निशानी। 35 विश्वासे सेइ किछ कुआन्शन अपने मुओरे लोक जौंती मैल्ले, किछ मार खाते-खाते मेरि जे। ते तैनेइ अपनो विश्वास शारनो न चाव, तैसेरे बदले मां तैनेइ कैद रानू मन्जूर

कियूं, एल्हेरेलेइ तैना मरनेरां बाद फिरी जीते थोन, ते तैन रोडी जिन्दगी मैल्ले। 36 किछ लोकां केरो मज़ाक बनाव जेव, किछ लोकां कोडे बाए, ते किछ शगलन सेइं बधे ते केदखाने मां छडे। 37 ते किछन घोड़ई बैड़े; ते आरे सेइं चिरे, ते तलवारी सेइं मारे जो। तैना गरीब थिये, तैन दुःख दित्ती जेव ते तैन सेइं दुरु बर्ताव कियो जेव। तैना भैहूं छैल्ली केरि खाड़ी लेइतां इरां उरा नशते थियो। 38 तैना जंगलन ते पहाड़न ते कुदन मां ते थेतरे खडन मांसेइं हंठते थिये। 39 इन बुरु संसार तैन विश्वासी लोकां केरे काबल न थियूं तैन सेब्बी केरे विश्वासेरे वजाई सेइं परमेशर तैन पुड़ खुश भोव, पन तैन, तैन मैलू जैसेरो वादो परमेशरे कियोरो थियो। 40 किजोकि परमेशरे कां न सिर्फ तैन केरे लेइ बल्के इशें लेइ रोडी योजनाए। परमेशरे तैन शुद्ध बनानो चाते, पन सिर्फ असन सेइं साथी।

## 12 एल्हेरेलेइ जैखन गवाहां केरे एतो बहु धाने असां धेरोरेम, त अस भी

सैरी रकवाटां ते तैस पापे दूर केरम जै असन उलझाते, ते तैस दौड़ी जै असेई दौवड़नीए बल्ले सेइं दौवड़म। 2 एज्जा अस विश्वासे मां पवित्र केरनेबाले यीशु पुड़ नजर रखम, जैनी तैस खुशारे लेइ जै तैसेरी नजरी मां थियो, बैज्जतरी परवाह न की, बल्के कूरसेरो दुख झैल्लो ते परमेशरे तत्खतेरे देइने पासे गेइतां बिश्शो। 3 तुस एस गल्ली पुड़ खियाल केरा, कि अपने खलाफत केरनेबाले जैनी पैपी केरि तरफा केत्रो दुख झैल्लो, ताके बेदिल भोइतां हिम्मत न हैरी। 4 तुसेईं पापे सेइं लडते-लडते हेजू तगर एतो मुकाबलो नई कियोरो कि तुसेईं अपनो खून बगावरो भोए। 5 ते तुसेईं तैन समझानू बिसरी छड़ू, कि जैस मां तुसन जो मट्ठूं जौवं, “किं हे मरे बचव परमेशरे हुक्मे एरे न समझा। ते जैखन प्रभु ती झिङ्के त शारनेरे ज्ञेरे मैसूस न केर। 6 किजोकि जैस सेइं परमेशर प्यार केरते तैस झिङ्कते भी, ते जैस ते अपनु मूढ़ बनाते तैस सोइं भी बाते।” 7 ए हैदैत तुशे समझानेरे लेइन, एस बल्ले सेइं बरदाशत केरा, परमेशर तुसन अपना मट्ठूं सेमझतां बर्ताव केरते, किजोकि तैन कौन ज़ेरु मट्ठूं जैस तैसेरो बाजी समझाए नन्हा? 8 पन अगर तुसन सुधारे न गाथ जैस शामिल त तुस न गैर औलाद भोनेथ न की अपना मट्ठूं। 9 एसेरे अलावा जैखन इशें जिसमानी बाजी सुधारते रहते थिये ते अस तैन केरि इज्जत केरते राए, त कुन आत्मां केरो बाजी यानी परमेशरेरो जादे इज्जत न केरम ताके जीती राम। 10 इशें जिसमानी बाजी त थोडे दिहाड़ा केरे लेइ एपनी समझारे मुताबिक असन सुधारते रहते थिये, पन परमेशर इशें फैदरे लेइ असन सुधारते ताके असां तैसेरी पवित्रतई आं शामिल भोएं। 11 एसमां शक नई कि जैखन केच्ची हैदैत की गाचे त ते खुशी नई, बल्के बड़ु बुरु बुझता, पन जैखन तै बले-बले पक्को भोइ गाते त तैस बादे मां धर्मी बनतां चेनरो फल मैलतो। 12 बस्सा एपनी कमज़ोर पैखड़न ते कमज़ार जैन्धु मज़बूत केरा। 13 ते अपने पावन सिधी बत्तां च्लाथ ताके टोटे टेपलोए न ते तैना बेझोन। 14 सेभन सेइं मेल मिलापे सेइं राथ, ते तै पवित्रतई हासिल केरनेरो हर वक्त कोशिश केरा जैसेरो बौर कोई प्रभु न लेई सके। 15 खबरदार एरु न भोए कि कोई टिलूं जील लगे ते तुसन परेशान केरे ते होरे लोक भी भिटे भोइ गान। 16 ते तो कोई मैन्हु तुसन मां बदमाशी केरनेबालो भोए, या एसावेरो ज्ञेरो अधर्मी न बने, जैनी एककी बार रोटी खाएरे लेइ अपने बहु भोनेहु रुक बेचतां छड़ू। 17 किजोकि तुस जानतथ कि बादे मां जैखन तैनी तै बरकत हासिल केरनेरो कोशिश की, त तैस न मैल्ली, तैस अपनि नियत बदलनेरो मौको न मैलो हालांकी तै लेरा देह-देह तैस तोपनेरो कोशिश केरतो राव। 18 तुस तैस पहाड़े कां नेडे नई ओरे, जैस सेइं तुस हुरी सकते थिए, तैन पहाड़ अगरी सेइं फुकोतू थियूं ते अंगुबुबरी ते बड़ो तूफान थियो। 19 तैडी नड़ियोगी शोर ते ज्ञोने शुनाने बालेरी एरी आवाज शुनानी थी, कि जैखन लोकैई तै आवाज शुनी त मिनत केरने लगे, कि असन सेइं होरि गल्ला न केर। 20 एल्हेरेलेइ कि तैनैई तै हुक्म बरदाशत न केरि बटो, “अगर कोई जानवर भी एस पहाड़े सेइं हुरेलो तै घोड़ई बैदितां मारो गालो।” 21 तै

22 बल्के तुस सिय्योनेरे पहाड़े ते जीते परमेशरे नगर यानी स्वर्गेर यरुशलेम मां लखेइ स्वर्गदूतन कां खुशी मनाने ओरेथ। 23 ते तुस परमेशरेरी पेइले बच्चों केरि सभाइ मां ते कलीसियाई मां ओरेथ, एना तैना लोकन जैन केरां नव्वा स्वर्गे मां लिखोरेन, तुस इन्साफ केरनेबाले परमेशरे कां ओरेथ, ते थेरमी केरि आत्मन कां ओरेथ, यानी तैन कां जैना सिद्ध कियोरेन। 24 तुस नंके करारे बिचवाई केरनेबाले यीशु ते तैसेरे छिकोरे खुने कां ओरेथ, जै हाबिलेरे खुने कां रोडी गल्लां जोते। 25 खबरदार राथ, तुस परमेशर जै हुसन सेइं गल्लां केरते तैसेरो इक्कार न केरथ, किजोकि जैनैई जमीनी पुड़ हैदैत केरनेबालेरो इन्कार कियो तै तैना न बंचे, त अगर अस स्वर्गे हैदैत केरनेबालेरो इक्कार केरमेले त केन्वरे बंगलोले? 26 तैखन तैसेरी आवाजी सेइं धरती हिली जैई पन तैनी ई वादो कियोरोए कि, “एककी फेरे फेरि अवं सिर्फ जमीन नई बल्के अम्बरे भी हिलेइलो।” 27 तैसेरू “एककी फेरे फेरि” जोने सेइं साप पतो लगते की पैदा कियोरी चीजां जैना हिलचन तैना खतम भोनिन ताके जैना हिलन नन्हा तैना रैनिन। 28 जैडी असन तैन राज मैलने लोरूप जैन हिलेरे नई त एज्जा अस तैसेरू शुक्र केरम ते हिम्मत केरम कि, अस परमेशरेरी आराधना परमेशरेरे डरे सेइं केरि बटम जैस सेइं तै खुश भोए। 29 किजोकि इशें परमेशर भस्म केरनेबाली अगारो ज्ञेरोए।

## 13 एककी होरि सेइं दूला ते बेइना केरो जेरो प्यार केरते राथ। 2 बख्ले

लोकां केरि खातरदारी केरा, किजोकि एरु केरने सेइं किल्डै अनजाने मां स्वर्गदूतां केरि खातरदारी कियोरीए। 3 कैदन याद रखा, मन्हा कि जैन्वरे तुस एप्पू भी तैन सेइं साथी कैद आथ, ते जैन सेइं बुरो बताव भोते तैन भी याद रखा, इन सेमझातां मन्हा कि जैन्वरे तुसन सेइं बुरो बताव भोव। 4 इला बनानो सेब्बी लोकन मां इज्जतरी गल समझी गाए, ते कुआन्श ते मडल एककी होरेरे लेइ वफादार रान, किजोकि परमेशर बदमाशी केरने ते नाजाइज शिते रखनेबालां केरो इन्साफ केरेलो। 5 अपने आपे दौलतरे लालचे करां दूर रखा, ते जैत्रु तुसन कां आए तैस्से मां राजी राथ, किजोकि परमेशरे एप्पू एन ज्ञोरू, “अवं तीं कां धो भी धूर न भोइलो, ते न कधे तीं शेरोतो।” 6 एल्हेरेलेइ अस दिलेरी सेइं जौई एकतरम कि, “प्रभु मेरो मद्दत केरनेबालोए, अवं डेरि नन्हा इन्सान मेरे कुन बौड़ी सकते?” 7 जैना तुशे अगुवे थिये, तैन याद रखा, जैनैई तुसन परमेशरे बच्चन शुनावरु थियूं, इस गल्ली पुड़ ध्यान देथ, कि तैना केरो जिन्दगी गुज़ेरतां चले जे, ते जेरो विश्वास तैन थियो तुस भी तैन केरो जेरो विश्वास केरा। 8 यीशु मसीह हीज ते अज बल्के हमेशारे लेइ अक्कां ज्ञेरोए। (ai01n g165) 9 अलग-अलग किसमां केरि शिक्षाई सेइं न टेपलोथ, रोटु एने कि तुशों दिल परमेशरेरे अनुग्रहे सेइं मज़बूत राए, न कि एरो परहेज़रे खाने सेइं, जैसेरो खाने बालन कोई फैद्दो न मैलो। 10 इशें अक एरी बलिदान केरनेरी ठोरे, तैस मरां तैन खानेरी कोई अज्ञाजत नई जैना तेम्हु मां सेवा केरतन। 11 किजोकि महायाजक जैन जानवरां केरो खुन मन्दरे मां परमपवित्र ठैरी मां पापेए बलिदानेरो लेइ नेतो थियो, तैन केरो बाकी जिसम जैडी इस्साएली लोक रहते थिये तेदौं बेडर फुकते थियो। 12 एल्हेरेलेइ, यीशु भी लोक एप्पू अपने खुने सेइं पवित्र केरनेरो लेइ यस्खलेम नारे करां बेडर दुःख झैल्लो ते मरो। 13 एल्हेरेलेइ, एज्जा अस भी यहूदी केरि रसमन शैरतां यीशु पुड़ विश्वास केरम ते तैसेरो जेरो दुःख ते निदा झैल्लम। 14 किजोकि ई दुनिया इश्शु हमेशारु घर नई, पन अस एजनेबाले घरेरे इंतज़ारो मां आम जैन एजनेबाल वर्के मां इश्शु भोलू। 15 एल्हेरेलेइ असां यीशुरे जिरिये परमेशरेरे लेइ तारीफस बलिदान व्याढम, यानी जैखन अस अपने शब्दन सेइं इक्कार केरतम कि यीशु इशें प्रभु आए। 16 पन भलाई केरनि ते जैन जरूरते तैन केरि मद्दत केरा, किजोकि परमेशर एरे जेरो खानेरी होरे हुक्म मन्हा, ते तैन केरो खुने कोई खोते। 17 अपने अगुवां केरो हुक्म मन्हा, ते जैन केरि आधीन राथ, किजोकि तैन केरो जिमेदारी कि तैना प्राणा केरि रखवाली केरन, ते एस कम्पेरो तैनैई परमेशरेरे हिसाब भी देने पेनोए। अगर तुस तैन केरो हुक्म मन्दरे तै तैना अपन कुम खुशी सेइं केरेले तै तुसन कोई फैद्दो भोलो, पन अगर तैस कम तकलीफ बुझेले तै तुसन कोई फैद्दो न

भोलो। 18 इशो लेड प्रार्थना केरते राथ, असन याकीने इशो ज़मीर साफे, ते अस हर हिसाबे सेइं नेक नीती सेइं ज़िन्दगी गुज़ारनी चातम। 19 अवं तुसन का बिनती केरताई कि मेरे लेड प्रार्थना केरा, कि अवं फिरी लूशी तुसन कां एज्जी सेखी। 20 हुनी शान्ति देनेबालो परमेशर, ज़ैनी भैड्हां केरो महान रखवालो मतलब प्रभु यीशु मसीहे, इशो प्रभु हमेशारे करारेर खूने सेइं मुडन मरां ज़ीतो कियो, (aiōnios g166) 21 तुसन हर रोडे कम्मे मां सिद्ध केरे, ज़ैस सेइं तुस तैसेरी मज़्जी पूरी केरथ, ते जैन किछ परमेशरे पसंद एइते तैस यीशु मसीहेरे ज़िरिये असन मां केरे, ते मसीहेरी बड़याई हमेशा-हमेशा भोती राए, आमीन। (aiōn g165) 22 हे ढलाव ते बेइनव, अवं तुसन कां बिनती केरताई कि मेरी तुस तैना गल्लां सबरी सेइं शुना, जैना मीं तुशो हिम्मत बद्धनेरे लेइ लिखीरिन, किजोकि ई चिट्ठी ज़ै मीं तुसन लिखी बड़ी नहीं। 23 ताके तुसन पतो लगो कि इशो विश्वासी ढला तीमुथियुस कैदेरां छुटोरोए, ते अगर तै जल्दी अव, त अस दुइये तुसन सेइं मिलमेले। 24 अपने सेब्भी विश्वासी लोकन ते सेब्भी पावित्र लोकन जो इशू नमस्कार ज़ोथा इतालिया मुलखेरे विश्वासी लोकेई तुसन जो नमस्कार ज़ोरुए। 25 तुसन सेब्भन पुड़ परमशरेरो अनुग्रह भोतो राए, आमीन।

# याकूब

1 अब याकूब, जै परमेश्वर ते प्रभु यीशु मसीहेरे दास आई। अब तैन 12

यहूदी गोत्रां केरे विश्वासी लोकन जैना तितर भीतर भोइतां सारे दुनियाई मां रातन, तैन जो नमस्कार लिखताई। 2 हे मेरे ढलाव ते बेइनव, जैखन तुसन पुड अलग-अलग किसमां केरि अजमैइरां एजन, त एस खुशरी गल समझा, 3 किजोकि तुस ज्ञानतथ, तुशे विश्वासेरे परखे गाने सेइ इन साबत भोते, कि तुस हेजू तगर भी परमेश्वरे पुड भरोसो रखतथ, ते तुस मुश्कलन सबरी सेइ झालले। 4 पन मुश्कलन मां सबर केरनि शिख्छा, कि तुस आन्तिकता मां मज्जबूत ते सिद्ध भोते गाथ, ते तुसन मां कोन्ची रोड़ी गल्लरी घटी न भोए। 5 पन अगर तुसन मरां कोन्ची अकलारी घटी भोए, त तै परमेश्वरे करा मग्गे, जै बौरे दोष लेइतां सेभ्मन खुशी सेइ देते, त मग्गे बाले दित्ती गाली। 6 पन विश्वासे सेइ मग्गे, ते शक न केरे। किजोकि शक केरनेबालो समुद्रेरा छेल्ली केरो जेरोए, जैना हवाई सेइ चेलतिन ते उछड़तिन। 7 एरो मन्हु इन न समझो, कि मीं प्रभु करां किछ मैलेलू। 8 ई मैन्हु दूमनोए ते एप्नी सैरी गल्लन मां चंचल आए। 9 गरीब विश्वासी ढला खुश भोए, किजोकि परमेश्वरे तैसेरी आदर कियोरी। 10 ते धीरी विश्वासी अपने घटिया हालती पुड खुश भोए, किजोकि घासेरे फूडोवेरो जेरो मिटी गातो। 11 दिहाडो निसते बड़ी धुप पेतीए, ते घासे शुकाते, ते तैसेरे फूडोव झेड़ी गाते, ते तैसेरी शोभा गाती रहतीए; तेन्हरे दौलतमन्ह ढला भी अपने कम्मन मां मैरी गानेन। 12 धने तै मैन्हु, जै अजमैइरी मां मज्जबूत रहते, किजोकि तै अपनो विश्वास साबत केरता जिन्दगू तैन इनाम हासिल केरेलो, जैसेरो वादो प्रभुए तैन सेइ कियोरोए, जैना तैस सेइ प्यार केरतन। 13 जैखन कोन्चेरी अजमैइश भोए, त तै इन न जोए, कि मेरी अजमैइश परमेश्वरो तरफा भोतीए। न बुरी गल्लन सेइ कैचेरी अजमैइश केरते। 14 पन हर कोई अपने खुवैइशन मां खिचोइतां, ते फेसतां अजमैइशी मां गाते। 15 ते फिरी बुरु केरेसेरी खुवैइशरो नितीजो ई भोते, कि मैन्हु बुरी चीजां केरतन, ते आखरी मां तैन हमेशरी सज्जा मैलतीए। 16 हे मेरे ढलारे ढलाव ते बेइनव, धोखो न खाथा। 17 किजोकि हर रोडू वरदान, ते हर रोडू दान इश्शो बाजी परमेश्वरेरे तरफां आए, जैनी सैरी लोआं (यानी दिहाडी चाँदीनी, तारे) बनेहो। परमेश्वर हमेशा अकां जेरो आए, ते छावरो जेरो न बेदलो। 18 तैने अपने मेर्जी सेइ असन सऱ्हेरे वचने जिरिये सेइ नव्वीं जिन्दगी दिती, ताके अस तैसेरी सद्यनाई मरां फसलारे जेरो पेड़ले फल भोम। 19 मेरे ढलारे ढलाव ते बेइनव, ई गल तुस ज्ञानतथ, एल्हेरेलेड हर कोई मैन्हु शुन्ने लेड हुशार ते जोने मां पत्रोव भोए, ते सरकी मां ढिल्लो भोए। 20 किजोकि जैखन मैन्हु सरकी मां भोए त तै धार्मिकतारु कम न केरि बटे जैस सेइ परमेश्वर खुश भोए। 21 एल्हेरेलेड सारी गंदीतो ते दृष्ट दूर केरतां, तैन परमेश्वरेरे वचन नेरमी सेइ कबूल केरे, जैन दिले मां हड्हु जेव, जैन तुशे प्राणन मुक्ति देइ बटो। 22 पन परमेश्वरेरे वचने पुड चलनेबालो बना, ते सिफ शुन्ने बाले नई, जैन अपने आपे थोखो देतन। 23 किजोकि जै परमेश्वरेरे वचन शुन्ने बालो भोए, ते तैस पुड चलने बालो न भोए, त तै तैस मैनेरो जेरोए, जै अपनु तुरत शीशो मां हेरतो। 24 ते तै अपनो आप हेरतां चलो गाते, ते तैखने बिसरां कि अवं केरो थियो। 25 पन जै मैन्हु कानूने ध्यान सेइ पढ़ते, जै पूरे तरीके सेइ असन आजादी देते, सिफे शुने न पन तेन्हरे कम केरते, ते अपने कम्मे मां बरकत हासिल केरेलो। 26 अगर कोई अपनो आप भक्त समझो, ते अपनि जिभी कैबू मां न रख्ये, ते अपने आपे थोखो देते, ते तैसेरी भक्ति बेफैदी आए। 27 इश्शो बाजी परमेश्वरेरे नेड़े शुद्ध ते रोड़ी भक्ति ई आए, कि बे सहारां ते विधवां केरे मुसीबती मां खबर नी गाए, ते अपनो आप दुनियारे बुरे सुभावेरे अस्सरे करा दूर रख्य।

2 हे मेरे ढलाव ते बेइनव, इश्शो महिमा बालो प्रभु यीशु मसीहेरो विश्वास

तुसन मां तरफदैरी सेइ न भोए। 2 अगर अक मैन्हु सोनेरे छल्ले ते रोड़ां लिगड़ां लेइतां तुशे झुण्डे मां एज्जे ते अक गरीब भी मेलां लिगड़ां लेइतां

एज्जे। 3 ते तुस तैस रोडे लिगड़ान बालेरु तुरत हेरतां जोथ, “तू इडी रोड़ी ठैरी बिश,” ते तैस गरीबे सेइ जोथ, “कि तू इडी खड़ो रा, या इडी तल्ले बिश।”

4 त कुन तुसेई भेद भाव न कियो, ते बुरे खियाले सेइ इन्साफ केरनेबालो न भोए? 5 हे मेरे ढलारे ढलाव ते बेइनव शुना, कुन परमेश्वरे दुनियारे गरीब न चुने, कि विश्वासे मां धनी भोन, ते तैस राज्जोरे बारस भोन, जैसेरो वादो तैने तैन सेइ कियोरोए जैन तैस सेइ प्यार केरतन। 6 पन तुसेई तैस गरीबेरी बेड़जती की, कुन धनी लोक तुसन पुड जुलम न केरन? ते कुन तैना तुसन आदालतन मां घसीटी-घसीटी न नेन? 7 कुन तैना तैस रोडे नव्वीरे तुहीन न केरन जैसेरो तुसन जौ जोतन? 8 फिरी भी तुस पवित्रशास्त्ररे इस वचनेरे मुताबिक, कि “तू अपने पड़ोसी सेइ अपनो जौरो प्यार केरे,” सच्चे तैस राज्जाकौनून पूरो केरतथ, त रोडू केरतथ। 9 पन अगर तुस तरफदारी केरतथ, त पाप केरतथ; ते मूसेरो कानून तुसन पापी ठहराते। 10 किजोकि अगर कोई मूसेरे सारे कानूने पुड झलते, ते एक्की गल्ली पुड न चेलि बटो त तै सेबी गल्लन मां दोषी भोते। 11 एल्हेरेलेड कि जैने इन जोवं, कि “तू बदमारी न केरां,” तैन भी जोवं, “तू खून न केरां” एल्हेरेलेड अगर ती बदमाशी न की, पन खून कियो फिरी भी तू मूसेरो कानूने पुड झलने बालो न भोव। 12 तुशी गल्लां ते बर्ताव तैन लोकां केरे जौरो भोए, जैन केरो इन्साफ आजादी देनेबालो कानूनेरे मुताबिक भोलो। 13 किजोकि जैने दया न की तैसेरो इन्साफ बगैर दर्याई सेइ भोलो। दया इन्साफे करां भारी भोतीए। 14 हे मेरे ढलाव ते बेइनव, अगर कोई ज्ञाव ते अपने यीशु मसीह पुड विश्वासे, पन होरि केरे लेड रोडां कम्मां न केरतो भोए, त तैस सेइ कुन फैइदो? कुन एरो विश्वास तैस मुक्ति देइ बटो? 15 अगर कोई विश्वासी ढला या बेइन भोए जैन लिगड़ा केरि ज़सरत भोए, ते तैन रोज़ खाने जौ न भोए। 16 ते तुसन मरां कोई तैन सेइ जोव, “खुशी सेइ गाथ परमेश्वर तुसन बरकत दे,” तुस गर्म राथ, ते रुज्जा; पन जैना चीजां जानरे लेइ ज़सरिन तैना तैन न दे, त कुन फैइदो? 17 तेन्हरे विश्वास भी, अगर रोडे कम्मन सेइ न भोए, त अपने सुभावे मां मरोए। 18 बल्के कोई ज्ञाव बटो कि, “तीं विश्वासे, ते अवं रोडां कम्मां केरताई” पन अवं ज्ञाताई तू अपनो विश्वास मीं रोडां कम्मां केरे बगैर हिरा, ते अवं अपनो विश्वास रोड कम्मन सेइ तीं हिरालो। 19 तीं विश्वासे कि अक्के परमेश्वरे, तु रोडू केरतस, भूतां भी विश्वास केरतन, ते थरकतन। 20 पन हे निकम्मे मैन्हु तू इन न जानस, कि रोडे कम्मन बगैर विश्वास मरोए। 21 जैखन इश्शो पूर्वज अब्राहम अपनु मटू इसहाक बलिदान केरनेरे ठैरी पुड चारू, त कुन तै कम्मन सेइ धर्मी न भोवै? 22 तीं हेल कि विश्वासे तैसेरो कम्मन सेइ साथी अस्सर कियोरोए, ते कम्मन सेइ विश्वास सिद्ध भोव। 23 ते पवित्रशास्त्रे ई वचन पूरो भोव, “कि अब्राहमे परमेश्वरे पुड विश्वास कियो, ते तै तैसेरेलेड धार्मिकता गनो जेव,” ते तै परमेश्वरो दोस्त भोव। 24 ते तुसेई हेल कि मैन्हु सिर्फ विश्वासे सेइ नई, बल्के कम्मन सेइ धर्मी भोते। 25 तेन्हरे राहब वेश्या भी जैखन तैसां विस्तार देनेबालो लोक अपने घेरे मां रखे, ते होरि बतां वापस भेजे, त कुन कम्मन सेइ धर्मी न भोइ? 26 ते जैन्चरे जान आत्मा बगैर मर्मी आए, तेन्हरे विश्वास भी रोडे कम्मन बगैर मर्मीए।

3 हे मेरे ढलाव ते बेइनव, तुसन मरां बडे परमेश्वरे वचनेरे उस्ताद न भोन,

किजोकि तुसन पतोए, कि इश्शो उस्तादां केरो इन्साफ जादे सेखती सेइ भोलो। 2 अस बडे बगैर गोली केरतम, जै जोने मां गलती न केरे, तै एस सिद्ध मैनूए, ते सारे जानी कैबू केरतो। 3 जैखन अस अपने कैबू मां केरनेरे लेइ धोड़ां केरे ऐशी मां लगाम लातम, त अस तैन केरि सारी जानी भी केरी सखम। 4 हेरा, पैनेरा जिहाजां भी, अगर बडां भोतन, ते तेज़ हवाई सेइ झलां गातन, फिरी भी एक्की निकडी पतवारी सेइ चलानेबालो अपने मेर्जी सेइ फिरातो। 5 तेन्हरे जिभ भी, अगर अक निकडो अंगे, ते बेड़ि-बेड़ि घमण्डेरी गल्लां केरती, तक्का, थोड़ी जेरि अग्गी सेइ केत्रे बेड़े-बेड़े जंगले मां अग लाई गातीए। 6 जिभ भी अक अगारी जेरीए, जिभ इश्शो जानी मां अक बुरो हिस्सो आए, ते सैरी जानी पुड कलंक लातीए, ते जिन्दगारी दुनियाई मां अग लातीए, ते नरकेरी अग्गी सेइ बलती रहतीए। (Geenna g1067) 7 हर किसमां

केरे जंगली जानवर, चुड़ालू, ते पेटेरे भारे बाले जीप जनू ते दरियरे जानवर त इन्सानेरे हथ्ये एज्जी बटतन ते ओरे भी आन। 8 पन जिंभी मैनन् मरा कोई भी कैबू मान केरि सके, तै अक एरी बलाए जै कथ्ये रुके न, तै सप्पेरे ज़ेहरे ज़ेरीए नुकसान देने बालीए। 9 इस्से जिंभी सेई अस प्रभु ते बाजी परमेश्वरी तारीफ केरतम, ते इस्से सेई मैनू, जै परमेश्वरी रुपे मां बनोरोए आए देतम। 10 एककी ऐशी सेई शुकू ते शाप निसतन। हे में ढलाव ते बेइनव एरु न लोडे भोरु। 11 कुन एककी नागे मरा मिटू ते लूनू पानी निस्सी बटते? 12 हे मेरे ढलाव ते बेइनव, कुन फेगेरो बुट्टे पुड़ जूतून, या दाढ़ी पुड़ फैगू लेगि बटतन? तेन्हरे लूनू नाग भी मिटू पानी न निस्सी बटे। 13 तुसन मरा जानी ते समझदार कैनै? जै एरो भोए तै अपने कम्मन रोडे चाल चलने सेई तैस नप्रता सेई साथी बांदो केरे जै जाने सेई पैदा भोतीए। 14 पन अगर तुस अपने-अपने मने मां सखत जलन, ते खुदारङ्गी रखतथ, त बेड़ि-बेड़ि गल्लान केरथ ते सच्चेरे खलाफ झाठ न ज़ोड़यथ। 15 इन जान तैन नई, जैन स्वर्गेरा ओरुए बल्के दुनियार, ते जिसमानी, ते शैतानीए। 16 एल्हेरेलेइ कि जैडी जलन, ते खुदगरजी भोतीए, तैड़ी फसाद ते हर बुरु कम भोते। 17 पन जैन जान स्वर्गेरां इहो तैन पेड़लू त पवित्र भोते, फिरी मिलनसारा, हलीम ते शिखालने बालू ते दया ते रोडे कम्मन सेई ते बगैर तरफदारी ते पाखड़े बगैर भोते। 18 ते मिलाप केराने बालां केरे लेइ धार्मिकतरो फल मेल मलापे सेई साथी बेव गाते।

**4** तुसन मां लड़ाई ते झगड़े कोट्टु एइतन? कुन तैन खुवैइशन सेई नई जैना तुश्शे अंगन मां लेड़ितन? 2 तुस ख्युवैइश रखतथ, पन तुसन मैल्ले न, एल्हेरेलेइ तुस ख्युन ते जलन केरतथ, ते किछ हासिल न केरि बटथ तुस झगड़तथ ते लड़तथ; तुसन एल्हेरेलेइ न मैल्ले, कि तुस मगथ न। 3 तुस मगथ ते मैल्ले न, किजोकि बुरी इच्छा सेई मगथ तथ, ताके अपने ऐशी मां खर्च केरथ। 4 हे बेर्दीमान लोकव, कुन तुस न जानथ, कि दुनियारी चीज़न सेई दोस्ती रखनी परमेशरे सेई बैर केरनोए, जै कोई दुनियारो दोस्त भोनो चाते, तै अनो आप परमेशरो दुश्मन बनाते। 5 कुन तुस इन समझतथ, कि पवित्रशास्त्र बैफेट्टू जोते कि, “जै आत्मा तैने असन मा छडी, कुन तै एरी इच्छा केरती, जैसेरो फल जलन भोए?” 6 पन जै अनुग्रह परमेशर देते तै बड़ो मज़ारुते, एल्हेरेलेइ पवित्रशास्त्रे मां इन लिखोरुए, “कि परमेशर अभिमान केरनेबालां केरो मुकाबलो केरते, पन दीनन् पुड़ अनुग्रह केरते।” 7 एल्हेरेलेइ परमेशरे अधीन भोथ, तै जैन शैतान तुसन करां करानू चाते तैन न केरा, तै तै तुसन करां दूर नश्शेलो। 8 परमेशरे नेडे एज्जा, तै तै तुश्शे नेडे एज्जोलो, हे पापी लोकव, अपने जिन्दगी करां पाप दूर केरा, ते हे दुम्नने बाले लोकव अपने मन्न पवित्र केरा। 9 अपने पापां केरे वर्जाई सेई दुखी भोथ, ते शोग केरा, ते लेरां देथ, तुश्शी हासी शोगी मां, ते तुश्शी खुशी उद्देसी मां बेदलोए। 10 प्रभुरे सामने नम्र बना, तै तै तुसन इज्जत देइतां उच्चे केरेलो। 11 हे ढलाव ते बेइनव, एककी होरेरी तुहीन न केरा, जै अपने ढलाएरी तुहीन केरते, या अपने ढलाए पुड़ दोष लाते, तै मूसेरे कानूनेरी भी तुहीन केरते, ते मूसेरे कानूने पुड़ दोष लाते, ते अगर तू कानूने पुड़ दोष लातस, तू कानूने पुड़ चलने बालो न भोव, पन तैसेरो हाकिम भोव। 12 मूसेरे कानून देनेबालो ते हाकिम त अकके, ते परमेशर आए, जैस कां बज्जाने ते नाश केरेसी शक्ति आए, तू कोन आस, जै अपने पड़ोसी पुड़ दोष लातस? 13 तुस जैन इन ज़ोतथ, “कि अज़ या कालां अस कोन्वी होरि नगर मां गोइतां अक साल बीतामेले, ते बुपाकेरतां फैइदो उठामेले।” 14 ते इन न जानथ कि कालां कुन भोलू, शुना, तुश्शी जिन्दगी आए कुन? तुस त भाखेरे जेरेथ, जै थोड़े चिरे लेहोते, ते फिरी गैद्व भोते। 15 एल्हेरेलेइ तुसेई इन जौरु लोडे, “अगर प्रभु चाए, त अस ज़ीते रहमेले, ते इन या तैन कम भी केरमेले।” 16 पन हुनी तुस अपने अभिमाने पुड़ धमण्ड केरतथ, एरु सब धमण्ड बुरु भोते। 17 एल्हेरेलेइ जै कोई भलाई केरनि जानते ते न केरे, तैसेरेलेइ ई पापे।

**5** हे दौलतमंदव विश्वासी लोकव, शुना, तुस अपने एजनेबाले दुखेरे लेइ ज़ोरे-ज़ोर लेरां देथ। 2 तुश्शू धन नाश भोवं ते तुश्शे लिमगड़न खर लग्गे। 3 तुश्शे सोनो चैट्टी मोरचो लग्गो, ज़ेइस परमेशरे तुश्शो इन्साफ केरेलो त ई मोरचो तुश्शे खलाफ गवाहेरो ज़ेरो भोलो, ते अग्मारो ज़ेरो तुश्शू मास फुकेलो, तुसेई आखरी युगे मां थन अकोटु कियु। 4 तकका, जैन मज़दुरेई तुश्शां ऊडारा क्कां, तैन केरि तै मज़दुरी जै तुसेई तैन न दित्ती, चिन्डां मारने लोरीए, ते फसल कन्दे बालां केरि फरयाद फौजरे परमेशरे शुनोरीए। 5 तुस धेरती पुड़ एश केरने मां लग्गोरो राए, तुसेई सिर्फ अपने सुख्ये लेड जिन्दगी जी, एल्हेरेलेइ तुसेई अपनो आप तैस दिहाड़ेरे लेइ तियार कियोरोए ज़ेइस परमेशर तुश्शो इन्साफ केरेलो। 6 तुसेई धर्मी दोषी बनेइतां मारो, तै तुश्शे सामनो न केरे। 7 ते हे ढलाव ते बेइनव, प्रभुरे एजने तगर सबरी सेई बलगा, हेरा, ज़मीनदार कीमती फसलरे कीमती फलरे उमीदरो पेइली ते आखरी झौड़ी भोने तगर सबरी सेई बलगाते। 8 तुस भी तेन्हरे सबरी सेई बलगा, ते अपने दिले मज़बूत केरा, किजोकि प्रभुरु एजनु नेहुए। 9 हे ढलाव ते बेइनव, एककी होरि पुड़ दोष न लात ताक तुसन पुड़ भी दोष न लाव गाए, हेरा, हाकिम नेडे ते एजनेरे लेइ तियार। 10 हे ढलाव ते बेइनव, जैन नेबेई प्रभुरे नंब्ये सेई सेई गल्लां की, तैन सबर केरनेरो अक नमूनो समझा। 11 हेरा, अस बलगने बालन जो धन ज़ोतम, तुसेई अय्यूरे सबरारे बारे मां शुनोराए, ते प्रभु करां तैसेरो जै प्रतिफल भोव तैने भी बुझू, जैस सेई प्रभुरी बड़ी महरबानी ते दया बांदी भोतीए। 12 पन हे मेरे ढलाव ते बेइनव, सेब्मन करां बड़ी गल ईए, कि कसम न खाथ, न स्वर्गेरी न धेरतरी, न होरि कोन्ची चीज़री, पन तुश्शी गल हांएरी हाँ, ते न एरी नां भोए, फिरी परमेशर तुसन सज्जा न देलो। 13 अगर तुसन मां कोई दुखी भोए त तै प्रार्थना केरे, अगर खुश भोए, त परमेशरेरो भजना ज़ोए। 14 अगर तुसन मां कोई रोगी भोए, त कलीसियार बुजुगन कुजाए, ते तैना प्रभुरे नंब्ये सेई देस पुड़ तेल मेलतां तैसेरेलेइ प्रार्थना केरन। 15 ते विश्वासेरी प्रार्थनाई सेई रोगी बजेलो ते प्रभु तैस बज्जालो, ते अगर तैने पाप कियोरे भोले ते परमेशर तैस माफ़ केरेलो। 16 एल्हेरेलेइ तुस एककी होरेरे सामने अपने-अपने पाप मन्ना, ते एककी होरेरे लेइ प्रार्थना केरा, जैस सेई तुस बेज्जाथ, धर्मी मैनरे प्रार्थनारे अस्सरे सेई बड़ु किछ भोइ बटो। 17 एलियाह भी इश्शो ज़ेरो दुःख सुख झौल्लने बालो मैन्हु थियो, तैने दिले सेई प्रार्थना की, कि झौड़ी न भोए, ते सडे टलाई साल झौड़ी न भोइ। 18 फिरी तैने प्रार्थना की, त अम्बरिंग झौड़ी भोइ, ते धेरती पुड़ फसल भोइ। 19 हे मेरे ढलाव ते बेइनव, अगर कोई विश्वासी परमेशरेरी सच्ची शिक्षा मन्नी शरे, ते कोई तैस मनफिरानेरे लेड मद्दत केरे, 20 तै तै इन बुझे, कि जै कोई कोन्ची भटकेरे पैपी मनफिरानेरे लेइ मद्दत केरे, तै तै एककी प्राणे (मैन्हु) मौती करां बालालो, ते परमेशर तैसेरे बड़े पाप भी माफ़ केरेलो।

# 1 पतरस

1 अबं पतरस यीशु मसीहेरो प्रेरित आई, अबं ई चिट्ठी परमेश्वरे चुनोरे लोकों केरे लेइ लिख्ने लोरोई, जैना परदेशी केरे जेरे पुन्सु, गलातिया, कप्पदूकिया, आसिया ते वितूनिया इलाकां केरे अलग-अलग नगरन मां तितर-बितर थोड़तां रातन। 2 बाजी परमेश्वर बड़ी पेड़ोरो ई फैसलो कियोरो थियो कि तुस तैसेरे लोक भोथ त कने तै तुसन पवित्र आत्मारो कम्मो जिरिये पवित्र बनाए। तैने एन एल्हेरेलेइ कियूं ताके तुस यीशु मसीहेरो मन्थथ ते तैसेरे खूनोरे जिरिये सेइं शुद्ध भोथ। अबं प्रार्थना केरताई कि परमेश्वर तुसन अुग्रह ते शान्ति जादे करां जादे दे। 3 इशो प्रभु यीशु मसीहेरो बाजी ते परमेश्वरेश शुक्र भोए, परमेश्वरे असन पुड़ महान दया केरतां असन नव्वी जिन्दगी दिती। किजोकि परमेश्वरे यीशु मसीह मुड़दन मरां ज़ीतो कियो त कने तैने अस पूरी उमीदी सेइं ज़ीनेरो काबल बनोरेम, मतलब असन तैन चीजां हासिल केरनेरो पूरी उमीदे, जैन केरो देनेरो वादो परमेश्वरे असन सेइं कियोरोए। 4 अस तैस विरासती हासिल केरनेरो इंतजार केरने लोरेम जै परमेश्वरे इशो लेइ तियार कियोरोए। कोई भी तैन चीजान कधी बरबाद न केरि बटे। किल भी तैस खराब केरि बटे। तैन चीजां कधी भी पुरुनी न भोली ते तैन केरि खूबसूरी कधे न घेटो। परमेश्वरे इन चीजां तुशें लेइ स्वर्गे मां रेखोरिन। 5 परमेश्वर तुसन अपने महान शेत्करे जिरिये सेइं सम्भाले, किजोकि तुस यीशु पुड़ विश्वास केरतथ। तै तुसन यीशु मसीहेरो वापस एजने तागर सम्भैलतां रखेतो। तेहस तुस जानेले कि परमेश्वरे तुस पापे करां ते मौती करां पूरे तरीके सेइं बचावरथ। 6 तुसेई इन सेष्पी चीजां केरे बारे मां खुश भोउ लोडे, चाए हुना किल वक्तेरे लेइ अलग-अलग किसमेरी मुसीबतां तुसन दुखी केरतिन। 7 इन मुसीबतां केरो मकसद ई आए कि इन बांदू भोए कि तुस सज्जे परमेश्वरे पुड़ विश्वास केरतथ। तुशों यीशु मसीह पुड़ विश्वास केरनो सोन्ने करां भी जादे कीमतीए। ज़ेन्वरे नाश भोनेबालू सोन्नू अग्नी सेइं परख्यु ते शुद्ध कियूं गाते, तेन्वरे अगर तुशें विश्वास अगारे ज़ेरे अजमैइशन सेइं परखनेरो बाद भी मजबूत रहते त जेहस यीशु मसीह फिरी एज्जोलो, परमेश्वर तुसन जो शाबाश जोलो, महिमा ते आदर देलो। 8 तुसेई यीशु मसीह कधे नई लवरो, पन फिरी भी तुस तैस सेइं प्यार केरतथ। तुस हुना तैस न लाथ पन तुस तैस पुड़ विश्वास केरतथ। एसेरो नितीजो ई आए, कि तुस बडे खुश आथ। तुस एत्रे खुश आथ कि लफजन मां वियान न केरोए। 9 तुस एल्हेरेलेइ खुश आथ किजोकि परमेश्वर तुशें प्राण पापेरे सज्जाई करां बचाने लोरोए। इन यीशु मसीह मां तुशें विश्वासेरो इनामे। 10 ई मुक्ति किछ एरी थी ज़ेसेरे बारे मां नबी बदू ज्ञानू चाते थिये। तैनेई ज़ोवं केन्वरे परमेश्वर तुसन पुड़ अुग्रह केरतां बचालो ज़ेनेरो काबल तुस न थिये, तेनेई बड़ी जांच पड़ताल की, कि तैन जुवाब मैल्ले। 11 मसीहेरो आत्मा तैन मां थियो ते तैन सेइं ज़ोने लोरो थियो कि मसीहे केन्वरे दुख झ्लालेलो ते तैनूं बाद तैस महान आदर दिती गाली। एल्हेरेलेइ तैन खोज केरतां तोपन लगे कि सज्जे मसीह कौन भोलो ते इन केइस भोलू। 12 पन परमेश्वरे इन अपने गल्लो ज़ोनेबालन सेइं ज़ोवं, कि तैन केरो सन्देश तैन केरे अपने आपेरे लेइ नई, पन तुशें लेइ आए। तै सन्देश यीशु मसीहेरो बारे मां खुशखबरी आए, जै तुसेई इस वक्त शनी। परमेश्वरे स्वर्गोरां पवित्र आत्मा भेजो कि लोकां केरि मद्दत केरे कि तैना तुसन खुशखबरी शुनान। इन सब एत्रू हैरान केरनेबालू ए कि स्वर्गदूत भी इन हेरनेरो बड़ी इच्छा रखतन। 13 एल्हेरेलेइ अपने मने तियार केरा ते अपने आपे कैबू मां रख्खा। तैस मुक्ती उमीद रख्खा जै तुसन अनुग्रहे सेइं तेहस मैलीनी ज़ेहस यीशु मसीह दुवारा इस दुनियाई मां एजनोए। 14 परमेश्वरे मना किजोकि तुस तैसेरे बच्चेथ। बुरां कम्मां न केरा जैना तुस बुरी इच्छाई सेइं केरते थिये जेहस तुस परमेश्वरे सज्जाई न थिये जानतो। 15 पन हुनी तुस जैन किल केरतथ तैस मां पवित्र भोथ, ज़ेन्वरे परमेश्वर पवित्रे जैने तुस अपने बच्चे भोनेरे लेइ चुनोरेथ। 16 किजोकि पवित्रशास्त्रे मां परमेश्वर ज़ोवं ए “पवित्र बना, किजोकि अबं पवित्र आई”। 17 जैखन तुस प्रार्थना

केरतथ तुस परमेश्वरे जो बाजी जोतथ। पन याद रख्खा तै तरफदारी न केरे। एल्हेरेलेइ जैखन तुस दुनियाई मां परदेशी केरे ज़ेरे रातथ ते तुसेई तैसेरी बड़ी इज्जत कियोरी लोडे। 18 किजोकि तुस ज्ञानतथ, बीतोरे वक्त मां तुस बेकार तरीके सेइं ज़ीते थिये ज़ेन्वरे तुशें दादे-पददादे ज़ीते थिये। पन हुनी तुस बेकार किन्दगी करां छ्लावरेथ, तुस नाश भोनेबाले सोने चैंदी सेइं नई घिन्नोरे, 19 पन मसीहेरो कीमती ख्ने सेइं घिन्नोरेथ, मसीह जै शुद्ध ते सिद्ध गबड़ो जेरोए। 20 दुनिया बनाने करां पेड़ोले परमेश्वरे इन ठहरावरु थियूं कि यीशु मसीह मुक्ति देनेबालो भोलो। पन तै इन आखरी दिहाड़न मां इस दुनियाई मां अब ताके तुशी छहत केरे। 21 यीशु मसीह जैन कियूं तैसेरे बजाई सेइं तुस परमेश्वरे पुड़ विश्वास केरतथ, तै आए ज़ेने यीशु मसीह मुड़दन मरां ज़ीतो कियो ते तैस आदर दित्ती ताके तुशें विश्वास ते उमीद परमेश्वरे पुड़ भोए। 22 किजोकि तुस तुस सब मन्नेरे जिरिये शुद्ध कियोरेथ, ते हुनी तुसेई विश्वासी सैथन सेइं इमानदरी सेइं प्यार कियोरो लोडे। तुसेई एक्की होरि सेइं गहराई ते पूरे दिले सेइं प्यार कियोरो लोडे। 23 किजोकि तुसन परमेश्वरे तरफां नक्की जिन्दगी मैलोरी। तुसेई ई जिन्दगी एरी चीज़ी सेइं नई हासिल कियोरी जै नाश भोली। पन तैस सेइं जैन हमेशा रालू। मतलब परमेश्वरे ज़ीतो ते हमेशा रानेबाले वचने सेइं मैलोरीए। (aiōn g165) 24 किजोकि पवित्रशास्त्र ज़ोते “सारे लोक घासेरे ज़ेरे आन ते तैन केरि शोभा जंगली फूँडोवेरी ज़ेरीए। घास शुक्की गालो ते फूँडोव झेड़ी गालू। 25 पन प्रभुएरु वचन सदा बोरु रालू, ते वचन मसीहेरो बारे मां खुशखबरी जैन तुसन शुनव जेवं” (aiōn g165)

2 एल्हेरेलेइ सब किसमेरो बुरो सलूख केरनो शारा। होरन थोखो न देथ, पाखंड न केरा। ते होरन सेइं जलन न केरा। होरि केरे बारे मां बुरी गल्लां न ज़ोथ। 2 ज़ेन्वरे नंचे ज़मरे बच्चे अपने अम्मारे खालिस दुर्दोरी इच्छा रखतन, तेन्वरे तुस भी परमेश्वरे वचन शिखनेरो लेइ इच्छा रख्खा जैस सेइं तुस आत्मिक तरीके सेइं मजबूत बनेनो। फिरी आखरी मां परमेश्वर तुसन दुनियारी बुरी चीजान करां पूरे तरीके सेइं बचालो। 3 ज़ेन्वरे पवित्रशास्त्र ज़ोते, “तुसेई तजरबे सेइं ज़ानेस्पै कि प्रभु भलो आए।” 4 तुस प्रभु यीशु कां ओरेथ। पै खास घोड़ेरे ज़ेरोए जै घरेरे बुनियादी मां लोरोए, पन तै ज़ीतो घोड़े, तै लोकेई तै रद कियो, पन परमेश्वरे तै चुनो ते बड़ी कीमती मन्नो। ज़ेन्वरे लोक घोड़न सेइं घर बनातन, तेन्वरे परमेश्वर तुसन एक्की एरे द्युण्डे मां शमिल भोनेरी वजा बनाने लोरोए, जैस मां परमेश्वरोरा आत्मा रहते, ताके तुस जैन यीशु मसीहेरो इश्शे लेइ कियोरुपै तैसेरे बजाई सेइं याजक बना, जैना बलिदाना ज़ाद्दतन, तुस भी तैन केरा जैरां रोडां कम्मां केरथ जैन सेइं परमेश्वर खुश भोते। 6 एल्हेरेलेइ ज़ेन्वरे परमेश्वर पवित्रशास्त्रे मां ज़ोते, “तक्का, अबं अक मैन्हु सिय्योन नगरे मां रखने लोरोई। जै कूरेरो खास ते चुनोरो घोड़े, तै अक कीमती घोड़ेरो जेरो जै मुनीयादी मां रख्खोरोए। ते जै तैस पुड़ विश्वास केरेलो ई कौन्ची भी तरीके सेइं शरमिनदो न भोलो।” 7 तुस जैना यीशु मसीह पुड़ विश्वास केरतथ ई घोड़ तुशें लेइ बड़ो कीमतीए। पन पवित्रशास्त्र तैन लोकां केरे बारे मां ज़ोते जैना विश्वास न केरन, “जै घोड़ राजा जिस्तेरे इस्तेमाल केरनो न चाव, तै आए घेरेरे मुनीयादो खास घोड़ भोव,” 8 ते पवित्रशास्त्र फिरी ज़ोते, “ई घोड़ लोकां केरे बिछुड़नेरी वजा भोलो। ई अक चट्टुने जै तैन बिछुड़ली।” तैना एन्वरे बिछुड़तन किजोकि तैना परमेश्वरे सद्देश मन्ने करां इन्कार केरतन। तैन सेइं नई किजोकि तुस परमेश्वरे चुनोरो लोक आथ, परमेश्वर जै राजोए, तुस तैसेरे याजक आथ, तुस एरे लोक आथ ज़ैनेई अपनो आप परमेश्वरे सोफोरोए, ते परमेश्वरे अपने लोक आथ। तैने तुस आंधेरे मारं बड़े लोई मां कुजावरेथ, ताके तुस परमेश्वरे महान कम्मां केरे बारे मां एलान केरथ। 10 तुशें बारे मां होशे नेवे जैन ज़ीरू तैन सज्जे, “तुस पेड़ले परमेश्वरे लोक न थिये पन हुनी तुस परमेश्वरे लोक आथ। तुस पुड़ पेड़ले परमेश्वरे दियाई न थिये जानतो पन हुनी जानतथ, किजोकि तैने तुसन पुड़ अपनि दया हिरावरीए।” 11 हे टलाराव, तुस दुनियाई मां परदेशी

ते मुसाफरां केरे जेरे जीने लोरेथ, अवं तुसन खबरदार केरताईं, कि तुस जिसमेरी सैरी पापी खुवैशन करां दूर राथ, किजोकि तैना हमेशा तुशेश आत्मारे खलाफ लेडितन। 12 जैना लोक परमेशरे पुड़ विश्वास न केसन तैना तुशेश त्रेवे पासन रहतन, तैना ज्ञोले तुस गलत केसने लोरेथ। तुस एरी रोडी जिन्दगी जीथ कि लोक तुशां रोडां कम्मां हेरतां तैस दिहाडे जैइस वीथू मसीह दुबारा एजनो परमेशरेरी बडयाई केरेले। 13 प्रभुरे इज्जतरे खातर, मैन्हु केरे ठहरावे हर एककी अधिकारेरे अधीन राथ, किजोकि ई प्रभुरेरी इच्छा आए, हकोमत केरनेबालेरे अधीन एल्हेरेलेडी राथ किजोकि ते बडो खास अधिकारी आए। 14 ते हाकिमेरे भी अधीन भोथ, किजोकि राजो तैस बुरां कम्मां केरनेबालन सज्जा देने लेडे ते रोडां कम्मां केरनेबालां केरि तारिफ केरनेरे लेइ इत्तेमाल केरते। 15 किजोकि परमेशरेरी मस्जी ईए, कि तुस रोडां कम्मां केरतां तैना वेकूफ लोकन जैना परमेशरे न जानन, तुशेश खलाफ दोष लाने करां रोकथ। 16 हुनी तुस पापेरे गुलाम नई किजोकि तुस इश्शे प्रभु यीथू मसीहेरे जिरिये आजादी बुरे कम्मां केरे लेइ इत्तेमाल न केरा, पन तुस भला कम्मां केरे जिरिये इन हिराथ कि तुस सञ्चो परमेशरेरे दास आथ। 17 सेव्ही केरि आदर केरा, अपने विश्वासी साथी लोकन सेइं प्यार केरा, परमेशरेरे करां डरा, हकोमत केरनेबालेरी इज्जत केरा। 18 हे घरन मां कम केरनेबाले सेवकव, तुस जैना विश्वासी आथ अपने मालिकां केरे हुक्म मन्ना ते हमेशा तैन केरि आदर केरा। इन न सिर्फ दया केरनेबालन सेइं केरा, बल्के जैना दया न केरन तैन सेइं भी। 19 किजोकि अगर अस बौर गलती केरतां दुःख झौलतम त अस जानतम कि परमेशरे सब किछ जानते ते परमेशर असन सेइं खुश भोते। 20 किजोकि अगर तुसईं पाप केरतां मार खाइ त तुशी कोई बडयाई नई कि तुसईं सज्जाई मां सबर की। पन अगर भलाई केरतां दुःख झौलतथ ते सबर केरतथ त इस सेइं परमेशर खुश भोते। 21 परमेशरे तुसन कुजानेरी अक वजा ई भी आए कि तुस तैसेलेइ दुःख झौलला, मसीह भी तुशेश लेडे दुःख झौलतां तुसन अक मिसाल दित्ती। तुसईं भी तेन्वेरे कियोरु लोडे जेन्वेरे मसीहे कियूं। 22 पवित्रशस्त्र जोते, तैन कधी पाप नई कियोरो। तैन कधी झूठ नई जौवरु 23 जैखन लोकई यीथू बैइज्जत कियो, त तैन तैसेरे बदले मां तैन बैद्यज्जत न किये। जैखन लोकई तैस दुःख दितो त तैन बदले मां तैन दुख न दितो, बल्के तैने परमेशरे पुड़ भरोसो कियो कि ते तैसेरी मदह केरो। तैन जानतो थियो कि परमेशर हमेशा धार्मिकताई सेइं लोकां केरो इन्साफ केरते। 24 जैखन मसीह मरो, त तैसेरे जानी पुड़ इशी पापां केरे लेइ तैस क्रूसे पुड़ सज्जा दित्ती। तैन एन कियूं कि अस पाप केरनो बंद केरम ते धार्मिकतारी जिन्दगी ज़ीनी शुरु केरम। तैसेरे ज़खम जैना तैनी झौल्ले तैन केरे वजाई सेइं अस बेज़ोगो। 25 तुस पेइले टेपलोरी भैयूं केरे जेरे थिये, पन हुनी तुस मसीह कां वापस ओरेथ जै तुशेश प्राणा केरो पुहाल ते रखवालोए।

**3 हे कुआन्शव,** तुस भी अपने मुन्थां केरे अधीन राथ। एल्हेरेलेडी अगर इन मां कोई एरो भोए जै परमेशरेरे वचने न मनतो भोए, तुशेश ज़ीनेरे तरीके सेइं तुशेश बगेर ज़ोने तैन केरे विश्वास केरनेबारी वजा भोलो। तैन तुशेश रोडे ते पवित्र बताव हेरतां मसीह पुड़ विश्वास केरेले। 3 ते तुशीं सजावट दिखावेरी न भोए, मतलब अलग-अलग किसमे दोग बनानो, ते सोन्नेरे गेहो, या किसमां-किसमां केरां लिगडां लाना। 4 बल्के तुस अपने गुना केरे जिरिये अपनो आप खूबसूरत बनाथ जै तुसन करां दूर न गाए, मतलब नेरामी ते शांत स्थावे सेइं जै परमेशरेरे लेइ बडो कीमती आए। 5 ते पेइले जुमाने मां पवित्र कुआन्शा भी, जैना परमेशरे पुड़ उमीद रेखती थी, तैन अपनो आप इस तरीके सेइं सज्जीती ते अपने-अपने मुन्था केरे अधीन रैती थी। 6 जेन्वेरे सारा अब्राहमेरी अधीन रहती थी ते तैस जो मालिक ज़ोती थी, ते तुस भी अगर भलाई केरथ, ते केन्ची किसमेरे फिक्रन सेइं न डरथ त सारों कुइयों केरि जेरि भोली। 7 तेन्वेरे हे मुन्शव, तुस भी समझौदैरी सेइं कुआन्शन सेइं जिन्दगी बीताथ ते इन याद रख्खा कि तैना तुसन करां कमज़ोरन, एल्हेरे तुसईं तैन केरि आदर कियोरु लोडे, किजोकि तुस दुइये तैस वरदानेरे

हिसेदार आथ जैन परमेशर तुसन अनुग्रहे सेइं दितोरु आए, तै हमेशारी जिन्दगी आए। एरु केरा ताके जैखन तुस प्रार्थना केरथ त परमेशर तुशशी प्रार्थना शुने। 8 आखरी मां अवं तुसन इन ज्ञोताई, तुसईं सैर्हेई अक मन भोवरु लोडे ते एककी होरि सेइं हमदरदी केरा ते एककी होरि सेइं ढला बेइनां केरो जेरो प्यार केरा, ते एककी होरि पुड़ दया केरा, एककी होरेरे लेइ नर्म बना। 9 बुरैडरे बदले बुराई न केरा, गैरै केरे बदले गैरै न देथ, पन इसेरे बदले बरकत देथ, किजोकि परमेशरे तुस होरन बरकतां देरो लेइ कुजावरेथ। अगर तुस इन केरथ, त परमेशर तुसन भी बरकतां देलो 10 किजोकि पवित्रशास्त्र जोते, “अगर कोई मैन्हु जिन्दगरो आनन्द नेनो चातो, ते रोडे दिहाडे हेरेन चातो ते तैनी ध्यान लोडे दितोरु कि बुरी गल्लां न ज्ञोए। ते तैनी होरन थोखो न लोडे दितोरो। 11 ते बुरु केस्यु बंद कियोरी लोडे बल्के तैनी रोडू कियोरु लोडे। होरन सेइं मेल मिलाये सेइं ज़ीनेरे लेइ मेहनत कियोरी लोडे। 12 किजोकि प्रभु तैन लोकां केरु ध्यान रख्खे जैना तैने केरतन जैन सही आए, ते तै हमेशा तैन केरि प्रार्थना शुन्नेरे लेइ तियार रहते। पन परमेशर तैन केरे खलाफ कम केरते जैना बुरु केरतन।” 13 अगर तुस हमेशा भलू केरेरी कोशिश केरथ, त किरी कोई भी तुसन हकीकित मां नुकसान न पुज़ेई बटे। 14 अगर अस धार्मिकतारे स्थावरे वजाई सेइं दुःख झौललम, त अस सज्जे धन भोले, पन अगर कोई असन डराते त तैस करां डर्न न लोडे ते न घबराव लोडे। 15 पन इसेरे बदले, तुसईं मसीहीरी आराधना अपने जिन्दगरे प्रभुरेरे रुपे मां कियोरी लोडे। ते ज़ी कोई तुसन तुशेश उमीदरे बारे मां किछ पुछ्छे जैस मां सारो विश्वासी शामिल आन, तैस जुवाब देनेरे लेइ हमेशा तियार राथ, पन नेरामी ते आदरी सेइं। 16 हमेशा तैने केरा जैन सही भोए। तैखन अगर लोक तुशेश लेइ बुरु जौले तै तैन मासीह सेइं तुशेश रिख्तो भोनेरे वजाई सेइं तुशेश रोडो बताव हेरेले तै तैन थिलोते। 17 किजोकि इन रोडू आए अगर इशां रोडां कम्मां केरो वजाई सेइं अस दुःख झौललम, अगर इश्शे लेइ परमेशरेरी इच्छा ई आए। इन इश्शे बुरु कम्मां केरो वजाई सेइं दुःख झौललने करां बडू रोडूए। 18 अवं इन ज्ञोताई, मसीहे भी इश्शे पापां केरे लेइ दुःख झौल्ले तो मरो। तै एककी बारे मरो ते तैस दुबारा मन्नरी ज़रूर नई। तै अक धर्मी मैन्हु यिथो जै पापी लोकां केरे लेइ मरो ताके तै असन परमेशरे कां आने। तैनेईं तैसेरो जिसम मारो पन तै पवित्र आत्मारे शेत्तरे ज़ीतो कियो 19 तैतूं बां बाद तैसेरी आत्मा तैन आत्मान खुशखबरी शुनाने जई, जैना परमेशरे तैस ठैरी कैद कियोरिन ज़ीडी मर्ने लोकां केरि आत्मा रैती थी। 20 इन तैन मैन्हु केरि आत्मा आन जैनेईं बडे पैले परमेशरोरो हुक्म न यिथो मन्नोरो। जैखन नूह किश्ती बनाने लोरो थियो, त परमेशरे बडे सबरी सेइं बलगू कि तैना पापन करां मन फिरान। पन सिर्फ अठ तैस भयानक तूफाने करां बचे। 21 पुराने वक्ते मां तैन केरि मुक्ति हुना इश्शे लेइ जैखन अस बपतिस्मो नेतम मिसाले। जैस पैनी मां अस बपतिस्मो नेतम तैन इश्शे जानोरो मैल दूर न केरे, पन ई अक निशान आए कि असेईं परमेशरे करां माफी मागोरीए ताके इश्शो मन असन परेशन न केरे। असन माफी मैली बटतीए किजोकि यीथू मसीह मेरतां ज़ीतो भोवरोए, 22 ते तै स्वर्गे जो जोवरो तैडी हुनी तै परमेशरेरे देइने पासे खास ठैरी, तैडी तै सारे स्वर्गदूनत ते अधिकैरन ते शेक्कन पुड़ राज केरने लोरोए।

**4 एल्हेरेलेडी जैखन मसीहे जिसमे मां भोडां दुःख झौल्लो,** त ज़ीन्वेरे तैसेरो स्थाव थियो तेन्वेरे तुस भी दुःख झौल्लनेरे लेइ तियार भोथ। किजोकि अगर तुस मसीहेरे लेइ दुःख झौल्लने चातथ त तुसेईं पाप न केरनेरो फैसलो कियो। 2 नितीजो ई भोलो, कि तै मैन्हु बाकी अपनि जिन्दगी मैन्हु केरे पापी खुवैडां केरे मुताबिक इस दुनियाई मां न ज़ीयोले पन तै तैने केरेलो जैन परमेशर तैस कराने चातो। 3 किजोकि बीतोरे वक्ते मां तुस गैर विश्वासी लोकां केरे जेरे आनन्द केरने मां वात बबाद केरते थिये, ते तुस अपनि जिन्दगी एश केरने मां, बुरी खुवैडेशन मां, ते तैन केरे तिहान मां, शाराव पीने मां ते नाचे मां, ते तैन केरे मूरती केरि पूजाई मां मां जैन सेइं परमेशर नफरत केरते बीताते थिये। 4 एल्हेरेलेडी तुशेश पुराने दोस्त हैरान भोतन, जैखन तुस

तैन केरे बुरी गल्लन मां जैना तैन केरतन शामिल न भोथ, तांग तैना तुशे बारे बुर्ख-भलू ज्ञोतन। 5 पन एककी दिहाडे तैनेई ज़रूर परमेशरेरे सामने इन्साफेरे लेइ खुडू भोनू पैनूप। ते परमेशर तैन मरा हर एककी जैन तैनेई इस थेतली पुड़ कियोरु तैसेरे बारे मां पुछलो। परमेशर ज़ीति ते मुद्दां केरो इन्साफ केरेलो। 6 ईं एज जाए कि मुद्दन भी मसीहेरे बारे मां खुशखबरी शुनाई। तैन केरे जिसम भी एन्चे मेरे जेन्वेर सारे मैनू मरतन। पन हीनी तैना आत्माई मां परमेशरेरे सेइं साथी हमेशा ज़ीडले। 7 सेभ्मी गल्लां केरो अन्त जल्दी भोने बालोए, एल्हेरेलेइ साक तरीके सेइं सोचा ते अपने आपे पुड़ कैबू केरा ताके तुस प्रार्थना केरी सकतथ। 8 सेभ्मन करां रोडी गल ईं, कि एककी होरि सेइं ईमादीरी सेइं प्यार केरा, किजोकि अगर तुस लोकन सेइं प्यार केरेले त तुस तैन केरि गेलती भी माफ़ केरनेरे लेइ तियार भोले। 9 ज़ैखन लोक तुशे धरन मां एजन त बैरै कोन्ही शिकायतां तैन केरु स्वागत केरा। 10 हर एककी परमेशरे करां वरदान मैलोरुए ते तैनी तैन वरदान होरि केरि महूत केरेने लेइ इस्तेमाल कियोरु लोडे। तैनेई तैना काई किसमां केरा वरदान इस्तेमाल कियोरां लोडन जैना परमेशरेरे अपने अनुग्रहे सेइं दित्तोरन। 11 अगर तुसन कां प्राचार केरनेहु वरदाने त तुसेई परमेशरेहु वचन प्राचार कियोरु लोडे। अगर तुसन कां होरि लोकां केरि महूत केरनेहु वरदाने त तैस शक्ति सेइं केरा ज़ी परमेशरे तुसन दित्तोरी। फिरी सब किछ जैन तुस केरेले तैस सेइं यीशु मसीहेरे जिरिये परमेशरेरी महिमा भोली। सारी महिमा ते शक्ति हमेशा-हमेशा तैसेरी। आमीन। (aiōn g165) 12 द्लाराव, जैना दुःख तुस झ्लैलने लोरेथ तैन केरे बारे मां हैरान न भोथ किजोकि तुस मसीहेरे आथ। पन इना चीजां इन हिरानेरे लेइ भोरें लोरिन कि तुस सच्चे परमेशरे पुड़ विश्वास केरतथ की नई। एल्हेरेलेइ इन न सोचा कि तुसन सेइं नव्वीं गल भोने लोरीए। 13 पन इसेरे बारे मां खुश भोथ, कि जैना दुःख मसीहे मैल्ले तुस भी तैन मां शामिल भोए। एल्हेरेलेइ ज़ैखन मसीह दुबारा एज्जेलो त सेभ्मी लोकन पुड़ अपनि महिमा बांदी केरेलो, त तुस बड़े खुश भोले। 14 फिरी अगर मसीहेरे नंचेरे लेइ तुशी तुहीन भोतीए, त तुस धन आथ। किजोकि परमेशरेरे महिमा बालो आत्मा तुसन मां रहते। 15 तुसन मरा कोई मैनू खूनी ते चार, या कुकर्मी भोने, या होरि केरे कम्मन मां खल देनेर वजाई सेइं दुख न झ्लैले। 16 पन अगर मसीही भोने सेइं दुःख झ्लैललथ त शरमाए न, पन इस गललेरे लेइ परमेशरेरी बड़ीयाई केरे किजोकि तुस विश्वासी आथ। 17 किजोकि इन्साफेरो वक्त ओरोए, ते तै इश्शो विश्वासी लोको केरो इन्साफ पेइलो केरेलो, तैन डरानेबैली गल्लां केरे बारे मां सोचा जैना तैन सेइं भोनिन, जैना खुशखेबरी पुड़ विश्वास न केरन ज़ी परमेशरेरे तरफां एड़ीए। 18 जेन्चरे पवित्रशास्त्र ज़ोरे, “अगर धर्मी मैनेरे लेइ मुक्ति हासिल केरनि बड़ी मुश्कलीए, त बुरे ते पापी मैनू पक्के नाश भोनेन!” 19 एल्हेरेलेइ जैना परमेशरेरी मेरज़ेरे मुताबिक दुःख झ्लैलतन, तैनेई तैस पुड़ लगातार भरोसो कियोरो लोडे जैने तैन बनाए। परमेशर हमेशा तैन केरते जैन केरेनेरो वादो तैनी कियोरोए ते तै लगातार तैन केरेलो जैन रोटूए।

**5** अवं साथी बुजुर्गन सेइं इन ज्ञोनू चाताई किजोकि अवं तुशों ज़ोरो आई। मीं एप्प तैना दुःख हेरेरेन जैना मसीहे बड़े पेइले झ्लैले। ज़ैखन तै दुबारा एज्जेलो, त अवं तैसेरे महिमा मां शामिल भोनोई। अवं तुशों साथी बुजुर्ग भोने सेइं तुसन कां ई बिनती केरताई, 2 जेन्चरे पुहाल अपनि भैड़ूं हेरतन, तुस भी तेन्चरे हर एककी हेरेश केरा, जैना परमेशरे तुशे रखवैली मां रखोरेन। इन अपने मेज़ीं सेइं केरा किजोकि परमेशर इन चातो। तुस इन एल्हेरेलेइ न केरा कि तुसन पुड़ दबाव बनाव गाते। ते इन कम एल्हेरेलेइ न केरा कि तुस कमाई केरनि चाथ, पन इस इच्छाई सेइं केरा कि तुस परमेशरेरी ते लोकां केरि सेवा केरनि चातथ। 3 ते जैना लोक तुसन सोफे तैन पुड़ हकोमत न केरा, बल्के तैन केरे लेइ रोडी मिसालां बना। 4 ते ज़ैखन यीशु मसीह ज़ी इश्शो प्रधान पुहालेरो ज़ेरोए, वापस एज्जेलो त तै तुसन तैन इनाम देलो जेसेरी शोभा कथे खतम न भोली। 5 तेन्चरे हे जवान लोकव, तुस भी बुजुर्गा केरे अधीन राथ, तुस सारे एककी होरेरी मद्दत बड़े नर्म स्थावे सेइं

केरा। किजोकि कोई पवित्रशास्त्रे मां पेढ़ी बटते “परमेशर घमण्ड केरनेबालां केरि खलाफ केरते, पन तै तैन केरे लेइ रोडो आए जैना दीन आन।” 6 एल्हेरेलेइ अपनो आप परमेशरेरे कां दीन बनाथ तै तुशी विहाज़त केरनेरे लेइ शक्ति बालोए, ज़ैस सेइं तै तुसन ठीक वक्ते पुड़ आदर दे। 7 परमेशरे अपने पेशैनी ते फिकरां केरे बारे मां ज़ोथ, किजोकि तैस तुशु ध्यान आए। 8 खबरदार राथ, ते बीँझे राथ, किजोकि तुशों दुश्मन शैतान तुसन पुड़ हमलो केरनेरे लेइ तियारे, कि तुस परमेशरे मनू शारा। तै गजनीबाले शेरे ज़ेरो तोपने लोरो कि केस मारे ते खाए। 9 तुस विश्वासे मां मज़बूत भोद्दां तैसेरो मुकाबलो केरा, तैन विश्वासी लोकन याद रखवा जैना दुनियारे अलग-अलग ठैन मां आन, तैना भी तुशों ज़ोरो दुःख झ्लैलने लोरो। 10 हुनी परमेशर ज़ै सारे अनुग्रहे सेइं भेरतां, तैन अस हमेशारी महिमा मां शामिल भोनेरे लेइ चुनोरेम किजोकि इश्शो रिश्तो यीशु मसीह सेइं आए। थोड़े वत्तेरे दुःख झ्लैलनेरे बाल परमेशर तुसन सही बनालो ताके तुसन मां कोई गलती न राए, ते तुशे दिलन मज़बूत केरेलो ताके तुस मज़बूती सेइं तैस पुड़ विश्वास केरथ। (aiōnios g166) 11 तै शक्ति सेइं हमेशा राज केरेलो। आमीन। (aiōn g165) 12 मीं सिलवानुसेरे महूती सेइं ई निकड़ी ज़ेरि चिट्ठी लिखी ते तुसन जो भेज़ी, अवं तैस ज़ानताई ते मसीह मां वफादार ढला आए, मेरे लिखनेरो मकसद ई आए कि तुशों होसलो बधैई ते याकीन दूर्वई कि ज़ी तजरबो तुस केरने लोरोरेथ तै सज्जे परमेशरेरे अनुग्रहेरो अक हिस्सो ए, इस अनुग्रहे मां मज़बूती सेइं बनोरे राथ। 13 बाबेल नागोरे विश्वासी जैना परमेशरे चुनोरेन ठीक तेन्चरे जेन्चरे तुस चुनोरेथ, तैन तुसन जो नमस्कार ज़ोतन। मरकुस जै मेर मट्टोरो ज़ेरोए तुसन जो नमस्कार ज़ोते। 14 मसीहेरे प्यारे सेइं एककी होरि जो नमस्कार केरा। अवं प्रार्थना केरताई परमेशर तुसन सेभ्मन जैन केरो रिश्तो मसीह सेइं साथी शान्ति दे।

# 2 पतरस

1 अब शमैन पतरस, यीशु मसीहेरो दास ते प्रेरित आई, अब तुशे सेब्बी केरे लेइ लिखने लोरोई, तुस भी तैस कीमती विश्वासे मां शामलथ जै अस केरतम, ई विश्वास असन यीशु मसीह, इश्शे परमेशर ते मुक्ति देनेबाले जिरिये दितो जेव, जै असन धर्मी बनाते । 2 अब प्रार्थना केरताई ज़ेन्नरे तुस परमेशरे ते प्रभु यीशुए ज्ञाने मां बद्दते गाथ, परमेशरे तुसन अनुग्रह ते शान्ति जादे करां जादे दे । 3 परमेशर अपने शक्ति सेंदू असन तैन सब दितोर जैन असन परमेशरे खुश केरनेरी जिन्दगी ज़ीनेरे लेइ लोडुते । इन भोइ बटते किंजोकि अस परमेशरे जानतम कि तैने अस अपने महिमा ते अपने रोडे गुना केरे मुताबिक तैसेरे लोक भोनेरे लेइ कुजोरेम । 4 इन सेब्बी केरे जिरिये परमेशरे असन महान ते कीमती वरदानों दितोरन जैन केरो तैनी वादो कियोरो यिथो, इन वरदानों इस्तेमाल केरतां अस दुनियारी बुरी इच्छान करां बेंगी बटतम, जैना लोकन नाश केरतिन, ते अस परमेशरे स्थामो मां शामिल भोइ बटतम । 5 एल्हेरेलेइ तुसेई न सिर्फ यीशु पुड़ विश्वास कियोरो लोडे, बल्के होरि केरे लेइ भलाई केरनेरे लेइ सख्त मेहनत भी कियोरो लोडे, तुसेई न सिर्फ तैन कियोरु लोडे जैन रोडु भोए, बल्के तुसेई एरे लोक बनोरे लोडे जैना जानतम समझदाई सेंदू केन्नरे बताव केरतन, 6 तुसेई सिर्फ इन न लोडे ज़ानोरु कि समझदाई सेंदू केन्नरे बताव केरतन, पन तुसेई अपनो आप कैबू भी कियोरो लोडे, तुसेई न सिर्फ अपनो आप कैबू मां लोडे कियोरो, बल्के मुसीबत मां सब भी कियोरो लोडे, तुसेई न सिर्फ मुसीबत मां सबर कियोरो लोडे बल्के तुसेई एरी जिन्दगी भी जीयोरो लोडे जैस सेंदू परमेशर खुश भोए । 7 तुसेई न सिर्फ एरी जिन्दगी जीयोरो लोडे जैस सेंदू परमेशर खुश भोए, बल्के तुसेई एककी होरि विश्वासी लोकन सेंदू अपने टब्बरेरे लोकां केरो ज़ेरो प्यार भी कियोरो लोडे, तुसेई एककी होरि सेंदू न सिर्फ अपने टब्बरेरे लोकां केरो ज़ेरो प्यार कियोरो लोडे, बल्के तुसेई सैरी लोकन सेंदू प्यार कियोरो लोडे । 8 अगर तुस एन्नरे ज़ीते त तुस इश्शे प्रभु यीशु मसीह ज़ानेले ते तुस इस्तेमाल भोनेबाले ते फलदार भोले । 9 पन अगर कोची मां इना गुण न भोन त तै एरे मैनेरो ज़ेरो जै कानोरे, ते तैने बिसरोरु एकि परमेशरे तै तैसेरे पुराने पापन करां साफ कियोरोए । 10 एल्हेरेलेइ हें ढालव ते बेंनव, एन्नरे कम केरनेरे लेइ होरि जादे मेहनत केरा, जैस सेंदू तुस अपनो आप साबत केरा कि परमेशरे तुस धक्कीकित मां तैस पत्ती छलनेरे लेइ चुनोरेथ ते तैसेरे लोक भोनेरे लेइ चुनोरेथ । अगर तुस इना गुणो केरे मुताबिक केरेले त तुस कधी मसीही पुड़ भरोसो केरनो न शरोले । 11 ते परमेशर भी तुसन तैस राज्जे मां बड़े जोशे सेंदू कबूल केरेलो जैडी यीशु मसीही, जै इश्शे प्रभु ते इश्शो मुक्ति देनेबालो, तै राजेरो जेरो हमेशा राज केरेलो । (alios 9166) 12 चाए तुस इना सैरी गल्लां जानतम, ते सच्ची शिक्षा तैस मां तुस मज़बूती सेंदू बनोरे रातथ, जै लोकेई तुसन शिखालोरी, अब तैन केरे बारे मां लगातार याद किरेइलो । 13 अब जानताई जांतगर अब ज़ीतीई, तैन केरे बारे मां लगातार तुसन ज़ोन सही आए, ताके तुस तैन न बिसरथ । 14 किंजोकि अब जानताई, अब जल्दी मरनोई, किंजोकि इश्शे प्रभु यीशु मसीही मां एल्हेरे बारे मां साफ जोवरु । 15 एल्हेरेलेइ अब इना गल्लां केरो बारे मां ज़ोनेरी बड़ी कोशिश केरताई, ताके तुस मेरे मरनेरां पत्ती इन सैरी गल्लां याद केरि बटथ । 16 ज़ैखन असेई प्रेरिताई तुसन अपने प्रभु यीशु मसीहेरी शक्ति ते एजनेरी खबर शुनावरी थी, त असेई लक्कैनी सेंदू बनवरी कहैनी न जोई बल्के असेई मसीहेरी तैस महिमारे बारे मां ज़ोव जै असेई अपने एछलेई सेंदू लाई । 17 ज़ैखन अस तैस साथी पवित्र पहाड़ पुड़ यिथो ज़ैखन बाजी परमेशरे तैस आदर ते महिमा दितीया । तैस वक्ते परमेशरे करां तैस महान महिमाई मारं आवाज आई, “इन मेरु ढलारू मट्टूए जैस सेंदू अब खुश आई” असेई एप्पू ई आवाज स्वर्वरां शुनी । 18 अस नेबी केरु वचन भी जानतम, जैन तैनेई मसीही बारे मां ज़ोव तैन बिलकुल सच्चे, तैना इस बारे मां पक्कू केरतन जैन असेई तुसन तैसेरे वापस एजनेरो बारे मां खिखालू । तुसेई तैना गल्लां ध्याने

सेहं शुनोरी लोडन, जेन्नरे दीयो आंधरे मां बलते ते लोकन सही बत्तां गानेरे लेइ मद्दत केरते, इन वचन तुशी इन जानेरे लेइ मद्दत केरेलू कि सच्च कुने । 19 तुसेई तैन वचन रोडे चारे शुनोरे लोडन जांतगर इश्शो प्रभु यीशु मसीह वापस न एजो । तैसेरु एजनू एरु भोलू जेन्नरे नंवे दिहैड़री लौ भोली, ते तै झोड़ेरे तारेरो जेरो भोलो । तैस कृत तैसेरी लौ तुशी दिलन मां चमकेली त कने तुसन पुड़ परमेशरे बांदी केरेली । 20 पन इन ज़रूरी कि तुस नेबी केरु वचन जैन तुस पवित्रशास्त्रे मां पढतथ, तैन वचन तैन केरे अपने खियाल नई । 21 किंजोकि कोई भी भविष्यावाणी मैन्हु केरे मेर्जा सेंदू न भोइ, पन भक्त लोक पवित्र आत्मा आगवैई सेंदू परमेशरेरे तरफां सन्देश ज़ोते थिये ।

2 ते जेन्नरे बडे पेइले इसाएली लोकन मां झूठे नबी थिये, तेन्नरे तुसन मां भी झूठे उस्ताद भोले । तैना बल्हे चारे तुसन मां एजोले ते परमेशरेरे बारे मां नाश केरेबालू झूठू जोले । इडी तगर तैना मसीहेरो इन्कार केरेले कि तै प्रभु नई जैने तैना पापन करां आजाद किये । एन्नरे केरने सेंदू तैना एप्पू पुड़ विनाश आनेले । 2 परमेशरेरे बडे लोक तैन इन झूठे उस्तादा केरे बुरे कम्मां केरि नकल केरेले, ते तैन बुरां कम्मां केरे वजाई सेंदू सज्जे बतारे खलाफ बुरी गल्लां जोले । 3 इना उस्ताद बडे लालाकी भोले ते तैना तुसन बनेवरी कहैनी शुनेतां तुसन धोखो देले, ताके तुसन करां पैंसो हासिल केरन । परमेशरे बडे पेइले ई फैसलो कियोरो कि तैन सजा दे ते तै इन केरनेरे लेइ तियार भी आए, तैसेरे एजने मां किछ भी चिर नई, ते तैन केरो विनाश बलगतोए । ते पक्को तैन नाश केरेलो । 4 तुस जानतथ बडे पेइले किछ स्वर्गदूतैई परमेशरो हुक्म न मन्नो, जैन तैनेई कियूं तैसेरेलैं परमेशरे तैन सजा दिती । तैने तैना नरके मां छूडे, ते तैस दिहैड़ी तगर आंधरे मां कैद किये जांतगर तै तैन केरो इन्साफ न केरे ते तैन सजा न दे । (Tartaro 9520) 5 तुस इन भी जानतथ बडे बडे पेइले इस दुनियाई मां ज़ीते थिये तैनेई परमेशरो डर न मन्नो, परमेशरे तैन केरां बुरां कम्मां नज़रानदाज़ न कियान । बल्के तैनी पानी भेजतां तैन सजा दिती जैस मां सारी धर्ती छ़पी ते तैना सारे नाश भोए । पन तैने तैन मरां नूहे समेत अठ लोक बज्जाए, जैने धर्मिकतारो प्रचार कियो । 6 परमेशरे सदोम ते अमोरा नगरन सजा दिती, तैना भस्म भोइतां मांजन बना, एन केरतां परमेशरे लोक खबरदार किये, कि जैना तैसेरे हुक्म न मनन तैन सेंदू भी एरु भोलू । 7 पन सदोम ते अमोरा नगरन नाश केरने करां पेइले तैने धर्मी लूत न गरे करां बेइर कढो ते बदाव । लूत तैन लोकन सेंदू खुश न थियो किंजोकि तैना कोई भी कानून न थिये मने ते वेशम कम्मां केरेते थियो । 8 (लूत धर्मी मैन्हु थियो, पन तै रोज तैन बुरे लोकन मां रातो थियो, एल्हेरेलेइ जैन बुरी गल्लां तै शुनतो थियो ते हेरतो थियो तैन सेंदू तैसेरो रोडो दिल बड़ो दुखी भोलो थियो) । 9 इन सैरी गल्लां जैना परमेशरे कियारिन इन हितेनिक ते प्रभु परमेशर अपने धर्मी लोकन तैन केरे मुसीबतरे वक्त तैन सम्भालेलो, ते इन्साफेरे दिहैड़े तगर बुरे लोकन सजा देलो, जैना इना गल्लां अपने गलत ते बुरी खैवैशन सेंदू केरतन, ते तैना परमेशरेरे अधिकारे जै तैन पुड़े घट्या समझातन, ते तैना ढीठे ते घमण्डी आन । तैना स्वर्गे प्राणीरी केरे बारे मां बुरु ज़ोने करां न डरन । 11 स्वर्गदूतां केरे बारे मां सोचा, तैना तैन झूठे उस्तादन करां बडे शेक्ति बालेन । तैना ज़ैखन इन झूठे उस्तादन पुड़ परमेशरी हजूरी मां दोष लातन, त गलत ज़ोबान इस्तेमाल न केरतन । 12 पन इना झूठे उस्ताद जंगली जानवरां केरे ज़ेरन, इना जानवर न जानन केन्नरे सोचोरु लोडे तैन केरो मकसद सिर्फ ढलानू ते मारनू भोले । इन लोक भी जैन तैन केरे मने मां एइते तैन केरतन, ते जैन गल्लां अपने गलत ते लोकन सही जोतन, तैना पक्कके बारे मां बुरु ज़ोतन, तैना पक्कके बारे मां बुरु ज़ोने । 13 तैन नाश भोनू तैन केरे कियोरो नुकसानेरो इनामे । तैन भर दूपार्न एश केरनो रोडो लगते, तैना तुसन मां कलक ते दाग आन । इडी तगर कि तैना तुसन सेंदू धामन मां खातन-पीतान फिरी भी धोखो देने मां खुश भोतन । 14 तैना जैस कुआन्शी भी लातन तैस सेंदू बदमाशी केरन चातन । तैना पाप केरने लेइ मौके तोपने कीधी न शारन । तैना तैन लोकन धोखो देतन जैना मसीह पुड़ मज़बूती सेंदू

विश्वास न केरन ते तैन पापे मां नेतन। तैन केरि जादे करां जादे बुरी इच्छां केरे वजाई सेंइ परमेशर तैन सज्जा देलो। 15 तैनेई सही केरनु बांद कियोरुए, ते तैनेई तन्चरे बुरा कम्मा केरनां शुरु किया जेन्चरे बढे पेइले बओरेरे मढे बिलामे कियोरां थियां। तैनेई बुरी चीजां केरतां पेइसे कमाने पसंद किये। 16 परमेशरे ते तैसेरे बुरैइरे लेइ डांटो ज़ी तैनी कियोरी थी, तैसेरे गेथा मैन्हू केरि भाषाई मां गाल की ते नवी गलत केरने करां रोको। 17 इन झाठे उस्ताद शुक्कोरे खूआं केरे जेरे बेकार आन, ते तैन बेफैदी बिदलारे जेरे आन, जैस झाड़ी भोने करां पेइले हवा दूर उडारती। परमेशर तैन केरे लेइ एरी ठार तियार कियोरी जै बिलकुल आंधारी। 18 जैखन तैना लोकन शिखालतन त तैन बेकार ते घमण्डी लफज्ज इस्तेमाल केरतन, तैना लोकन जौतन कि तैन बेइज्जत चीजां केरि बटतन जैना तैन केरे जिसम केरने चातन, तैना लोकन धोखो देइतां पाप करातन जैना इस किसमेरी बुरी ज़िन्दगी करां बचारेन। 19 तैना तैन लोकन सेंइ ई वादो केरतन अगर तैना तैन केरि मनन, त तैना जैन चातन तैन केरि बटतन, किजोकि तैन केरो कोई मालिक नई। पन इन सच्चे, तैन एप्पू भी अपने बुरे स्वाजां केरे गुलामन, किजोकि जै कोई चीज़ केरनेरो आदी त ते तैस केरनेरो गुलाम बनतो। 20 जैखन लोकेई यीशु मसीह तैन केरो प्रभु ते मुक्ति देनेबालोए पिशानो, त तैना दुनियारे बुरैइ करां छुटोरे थिये। पन तैना फिरी तैन बुरी चीजां केरने मां शामिल भोए ते तैना बुरी चीजां तैन कैबू केरतिन, ते तैन केरि आखरी हालत पेइली हालती करां भी बुरी भोइ। 21 जौनेरो मतलब ई आए, किजोकि जैन लोकेई मसीहे पुढ विश्वास केरनो शारो, परमेशर तैन, तैन लोकन करां जादे सज्जा देलो, जैनेई कथे विश्वास नई कियोरो, तैन लोकां केरे लेइ रोहू भोथु कि तैना कथी न जांनेथे कि धार्मिकतारी ज़िन्दगी केन्चरे जीतन। हुनी तैना जानतन कि सही कुन आए, पन तैना परमेशरेरो हुक्मन न मनन जैना असेई प्रेरितेई शिखालोरेन। 22 जैन तैनेई कियूं तैन केरे लेइ झां दूर्ह कहावत ठीक आन, “तैना कुत्रा केरे जेरे आन जैना उलटी केरतां फिरी खातन, ते तैना निहावरे सूर्के केरे जेरे आन जैना फिरी चिकरी मां गातन।”

**3** हे द्लारव, अंव दुखोवं चिंटी लिखने लोरोई, अंव दुदये चिठ्ठन मां तुसन  
किछ गल्लां याद केरेतां होसलो देनेरी कोशिश केरने लोरोई। जैना  
तुसेई पेइली शिखोरेन ताके तुस सही तरीके सेंइ सोचथ। 2 अंव इन  
एल्हेरेलेइ लोरोई केरने, कि अंव तुसन तैना गल्लां याद करैनी चाताई जैना  
बडे पेइले नेबेई जौरिन ते इश्शे प्रभु ते मुक्ति देनेबाले यीशु मसीहेरी शिक्षा  
आन। जैना प्रेरित तुसन कां आए तैनेई तुसन शिखालोरेन। 3 सेव्भन करां  
खास गल ई आए, कि तुस जानथ, कि आखरी दिहाड़न मां मसीहेरे वापस  
एजने करां पेइले, लोक तुशो मज़ाक बनाने कि तुस विश्वास केरतथ कि  
मसीह दुबारा वापस एजनोए, तैना आदी भोनेरो वजाई सेंइ एना बुरी चीजां  
केरेले जैन सेंइ तैना खुश भोतन। 4 तैना जोले, “तैसेरो एजनेरो वादो सन्न  
नई, ते बिलकुल भी नई एजनो। किजोकि जैना शुरुआती मां दशे मसीही  
बुर्ज थिये तैन सब मरे, पन किछ भी बेदलोवं। सब किछ तेरहु आए, जेन्चरे  
दुनिया बनानेरे वक्त करा थियूं।” 5 तैना एन एल्हेरेलेइ जौतन किजोकि तैना  
इन बिस्सरनु चातन, कि बडे पेइले अम्बर ते धरती परमेशरेरो हुक्मे सेंइ  
बनाव जेव। तैने धरती पैनी मरां कठी ते पैनी करां अलग की। 6 फिरी  
तैनी पैनो इसेमाल कियो कि पुरानी दुनिया बडे तूफाने सेंइ नाश केरे। 7  
पन परमेशरे अम्बर ते धरती तैसे हुक्मेरे जिरिये रखोरेन, ताके तैन अग्मी  
सेंइ नाश केरे। ते तैन तैस दिहाड़ी तगर रखेलो जेइस ते तैन लोकां केरो  
इन्साफ केरेलो ते नाश केरेलो जैना तैसेरी आदर न केरन। 8 हे द्लारव, जैना  
गल्लां अंव हुना जौने लोरोई तैन नज़रानदाज़ न केरा, कि प्रभुरी नज़री मा  
अक दिहाड़ी हजार सालान बराबरे ते हजार साल एककी दिहाड़े बराबर आन  
(तैना तैसेरेलेइ अक्कां जेरे आन)। 9 किछ लोक सोचतन कि प्रभु अपनो  
वापस एजनेरो वादे पूरे केरने मां चिर लोरो लाने। पन परमेशर एन्जरे चिर नई  
लाने लोरो, बल्के इसेरे बदले तै तुसन सेंइ सब्र लोरो केरने। किजोकि तै न  
चाए कोई भी नाश भोए। पन तै चाते कि हर कोई अपनो मन बदले त के

गलत केरनू शारे ते तैस कां एज्जे। 10 पन मसीह पक्को वापस एज्जेलो, तै  
अचानक एज्जेलो जैन्चरे च्चार अचानक इटीते। तैस वक्त अम्बर मां गज़नीरी  
जेरि शोर भोली, ते अम्बर गायब भोइ गालू। सब किछ जैन अम्बरे मां  
आए, दिहाड़ी, चाँदीनी, तारे सब अग्मी सेंइ बिलकुल नाश भोलू, तैस दिहाड़े  
परमेशर इन्साफ केरनेरो लेइ तैन सब किछ बांदू केरेलो जैन लोकेई इस  
दुनियाई मां कियोरुए। 11 एल्हेरेलेइ कि परमेशर इना सैरी चीजां पेक्की  
नाश केरेलो जैन्चरे मीं जोवं, एल्हेरेलेइ तुसेई पवित्र जिन्दी ज़ीयोरी लोडे ते  
अपनो आप परमेशर सोंफोरो लोडे। 12 जेन्चरे तुस तैस दिहाड़ी बलगने  
लोरेथ जेइस परमेशर दुनियारो इन्साफ केरने एज्जेलो, ते बडी कोशिश केरा  
कि तै दिहाड़ी जलदी एज्जेरो लेइ। तैस दिहाड़े परमेशर अम्बरे अग्मी सेंइ  
फुकेलो ते नाश केरेलो त कने अम्बरेरी सैरी चीजां अगरे गेरीसी सेंइ गेरेलो।  
13 पन अस विश्वासी नंवे अम्बरे ते नंवे धेरती बलगने लोरम जेरेसेरो वादो  
परमेशरे कियोरो, जैडी लोक परमेशरेरो इच्छाई सेंइ जीयेले। 14 एल्हेरेलेइ, हे  
ट्लारव, जेन्चरे तुस तैस दिहाड़ी बलगने लोरेथ जेइस परमेशर इस दुनियारो  
इन्साफ केरेलो, त तुस पूरी कोशिश केरा कि तुस शैन्ति सेंइ परमेशरेरे  
नज़री मां शुद्ध ते बेइलजाम भोथ। 15 ते इशो प्रभुरुएरे सबरारे बारे मां सोचा  
तैने तुसन मीको दितो, कि तुस एजेनेबाले इन्साफे करां बद्रथ। इन इशो  
ट्लारव विश्वासी सेथे पौलुसे भी तुशें लेइ तैस समझारे मुताबिक अपने चिठ्ठी  
मां लिखोरु जै परमेशरेरो तैस दितोरीए। 16 तैने अपने सैरी चिठ्ठन मां जैना  
तैने विश्वासी लोकन जो लिखी, इना सैरी गल्लां तुसन लिखी। पन किछ  
तैसेरी लिखोरी गल्लां समझानी मुश्किल आन। तैन लोकां केरे लेइ जैनेई  
रोडे चारे नई पढोरु जैन इस बारे मां पक्को पतो नई कि तैना कुन विश्वास  
केरतन, तैना गलत तरीके सेंइ इन मुश्किल गल्लां केरे मतलब कठतन,  
जेन्चरे तैना पवित्रशास्त्रेरी किछ गल्ला केरो गलत तरीके मतलब समझातन।  
एन्चरे केरने सेंइ तैना अपनो आप इस काबल बनातन कि परमेशर तैन नाश  
केरे। 17 एल्हेरेलेइ, हे ट्लारव तुस पेइले जानतथ कि इन गल्लां भोनिन,  
एल्हेरेलेइ तुस हुशार राथ ताके जैना लोक कानूने न मनन तैना तुसन झूठ  
ज़ोइतां धोखो न देन, ते तुस सेच्ची गल्लन विश्वास केरनो शारथ। 18 पन  
तैसेरी महिमा हुन्ना भी भोए, ते हमेशा भोती राए। आमीन। (aiōn g165)

# 1 यूहन्ना

1 अस तैस एककी वचनरे (मैनेरे) बारे मां लिखने लोरेम जै जिन्दगारो वचन आए, जै शुक करा थियो, जै असेई शुनो, ते जै अपनि एछुर्है सेई लाव, बल्के जै असेई ध्याने सेई लाव, ते तैस सेई अपने हथ लाए। 2 (ई जिन्दगी बांदी भोइ, ते असेई लाई, ते अस तैसेरी गवाही देतम, ते तुसन तैस हमेशारी जिन्दगरी खबर शुनातम, जै बाजी सेई साथी थी, ते असन पुड़ बांदी भोइ)। (aiōnios g166) 3 जैन किछ असेई यीशुएरे बारे हेरू ते शून तैसेरी खबर तुसन भी देतम, एल्हेरेलैद कि तुस भी असन सेई साथी शामलथ, ते इश्शी इ शामलीत बाजी सेई साथी, ते तैसेरे मट्डे यीशु मसीह सेई साथीए। 4 ते इना गल्लां अस एल्हेरेलैद लिखतम, कि इश्शी खुशी पूरी भोए। 5 जै खबर असेई प्रभु यीशु करा शुनी, ते तुसन शुनातम, ते ईए; कि परमेश्वर लोअरो ज़ेरो शुद्ध, ते तैस मा किछ भी अंध्र (बुराई) नई। 6 अगर अस ज़ोम, कि तैस सेई साथी इश्शी शामलीत, ते फिरी आंध्रे मां चलतम, त अस झूठेम, ते सञ्चे पुड़ न चलम। 7 पन अगर ज़ेन्वरे परमेश्वर लोई माए, तेन्वरे अस भी लोई मां ज़ीम, त एककी होरि सेई शामिल रातम ते तैसेरे मट्डे यीशु मसीहेरो खून असन सेव्ही पापन करा शुद्ध करते। 8 अगर अस ज़ोम, कि असन मां कोई पाप नई, त अपने आपे धोखो देतम, ते असन मां सञ्चे नई। 9 अगर अस अपने पाप मन्तम, त तै इश्शी पाप माफ करने, ते असन सेव्ही अधर्म करा शुद्ध करने मा वफादार ते धर्मीए। 10 अगर अस ज़ोम कि असेई पाप नई कियोरो, त परमेश्वरे झूठो ठहरातम, ते तैसेरु वचन असेई कधी कबूल नई कियोरु।

2 हे मेरे ट्लारे बच्चव, अबं इना गल्लां तुसन एल्हेरेलैद लिखताई, कि तुस पाप न केरा, ते अगर कोई पाप केरे, त बाजी परमेश्वरे कां इश्शो अक मद्दतगारे, मतलब धर्मी यीशु मसीह। 2 तै इश्शी पापां केरो छुटकारेरे लेई बलिदान भोव, ते सिफ़ इश्शे लेई नई, बल्के सैरी दुनियारे पापां केरे लेई भी। 3 अगर अस तैसेरे हुक्मन मन्नम, त इस सेई अस समझे गारे कि अस तैस ज़ानतम। 4 जै कोई इन ज़ोते, “कि अबं तैस ज़ानताई,” ते तैसेरे हुक्मन न मन्ने, ते झूठोरे, ते तैस मां सच नई। 5 पन जै कोई तैसेरे वचने पुड़ चलते, त तैस मां सञ्चे परमेश्वरे प्यार सिद्ध भोरोए, असन इस सेई पतो चलते, कि अस तैस मां आम। 6 जै कोई इन ज़ोते, कि अबं तैस मां बनोरो राताई, त तैनी तेन्वरे ज़ीयोरु लोई ज़ेन्वरे यीशु मसीह ज़ीयोरुए। 7 ट्लाराव, अबं तुसन कोई नंब्यो हुक्म न लिखी, पन तैए पुरानो हुक्म जै पेड़लो तुसन मैल्लो; इ पुरानो हुक्म तैन वचने, ज़ैखन तुसेई मसीह पुड़ विश्वास कियूं। 8 फिरी भी अबं तुशें लेई नंब्यो हुक्म लिखताई, किजोकि एन सच आए, जैन मसीह मां ते तुसन मां भी लेइहावं, किजोकि अन्धकार मिट्टो गारे ते सञ्चेरी लौ हुनी चमकने लोरीए। 9 जै इन ज़ोते, कि अबं लोई मां आई ते विश्वासी ढ़लाए सेई बैर रखते, तै हेजू तगर आंधरे मां आए। 10 जै कोई अपने ढ़लाए सेई प्यार करते, तै लोई मां, तैसेरेलै पाप करनेरे लेई कोई वजा नई। 11 पन जै कोई अपने ढ़लाए सेई बैर रखते, तै आंधरे मां चलते; ते न ज़ाने, कि कोरा गारे, किजोकि आंधरे तैसेरी एछुछी कैनी केररिन। 12 हे बच्चाव अबं तुसन एल्हेरेलैद लिखताई, कि यीशु मसीहेरो नंब्ये सेई तुशें पाप माफ भोए। 13 हे बुर्जुवां अबं तुसन एल्हेरेलैद लिखताई, कि जै शुक करां अपै तुस तैस ज़ानथ, हे जवानव, अबं तुसन एल्हेरेलैद लिखताई कि तुसेई तैस शैताने पुड़ ज़ीत हासिल केरीए, हे बच्चाव अबं तुसन एल्हेरेलैद लिखताई कि तुसेई बाजी परमेश्वर पिशानो। 14 हे बाजव, अबं तुसन एल्हेरेलैद लिखताई, कि तुस मज्जबूतथ, ते परमेश्वरे वचन तुसन मां बनोरु रहते, ते तुस शैताने करां ज़ीतोरेथ। 15 तुस न दुनियाई सेई ते न दुनियारी चीजन सेई प्यार केरा, अगर कोई दुनियाई सेईं प्यार करते, त तैस मां बाजी परमेश्वरेरे प्यार नई। 16 किजोकि जैन किछ दुनियाई मां आए, मतलब जिसमेरी खुवैडश, ते एछुछी केरि खुवैडश ते ज़िन्दगू घमण्ड, तैन बाजी परमेश्वरेरे तरफां नई पन

दुनियारे तरफांए। 17 दुनिया ते तैसेरी खुवैडश दुड़ये मिट्टी गैतिन, पन जै परमेश्वरेरे मर्जी पुड़ चलते, तै सदा बनोरी रालो। (aiōn g165) 18 हे बच्चव, ही आखरी वक्ते कि मसीही वापस एजनोए, ते ज़ेन्वरे तुसेई शुनोरूए, कि मसीहेरी खलाफत केरनेबाले एजनेबालोए, तैसेरे मुताबिक हुना भी बड़े मसीहेरी खलाफत केरनेबाले उठोरेन, इस सेई अस ज़ानतम, कि ई आखरी वक्ते कि मसीही वापस एजनोए। 19 तैना मसीहेरी खलाफत केरनेबाले लोक निस्से त असने मरां, पन तैना असन मरां न थिये, किजोकि अगर असन मरां भोथे, त असन सेईं साथी राथे, पन निस्से एल्हेरेलैद कि इन बांदू भोए कि तैना सब असन मरां नई। 20 पन मसीहेरी जिरिये तुसन पवित्र आत्मा दित्तोरोए, तैसेरे वजाई सेईं तुस सब सब्र ज़ानतथ। 21 मीं तुसन एल्हेरेलैद नई लिखोरु, कि तुस सञ्चे न ज़ानथ, पन एल्हेरेलैद, कि तैस ज़ानतथ, ते एल्हेरेलैद कोई झूठ, सञ्चेरो पासेंरां नई। 22 झूठो कौनै? सिफ़ तै, जै यीशुएरु मसीह भोनेरो इन्कार केरते, ते मसीहेरी खलाफत केरनेबालो तैए आए, जै बाजी परमेश्वरी ते कने मट्डो यानी यीशुएरो इन्कार केरते। 23 जै मट्डो इन्कार केरते तैस कां बाजी परमेश्वर भी नई, जै मट्ड मन्ते, तैस कां बाजी परमेश्वर भी आए। 24 जैखन तुसेई यीशु मसीह पुड़ विश्वास कियूं, तुसेई जै सञ्ची शिक्षा शुरु करां शुनोरोए, तै तुसन मां बनीरी राए, त तुस भी मट्ड मां, ते बाजी परमेश्वरे मां बनोरे राले। 25 ते ज़ेसेरो वादो परमेश्वरे कियोरोए, तै हमेशारी ज़िन्दगीए। (aiōnios g166) 26 मीं इना गल्लां तुसन तैन करां खबरदार रानों लेई लिखी, जैना लोक तुसन झूठी शिक्षारे जिरिये टपलातन। 27 ते तुशू तैन अभिषेक, जैन तैसेरे तरफा केर्हू, तुसन मां बनोरु रहते; ते तुसन एल्हेरी ज़रूरत नई, कि कोई तुसन शिखाले। बल्के ज़ेन्वरे तैन अभिषेक जैन तैसेरे तरफां कियोरुए, तुसन सब गल्लां शिखालते, ते इन सञ्चे, ते झूठ नई, ते ज़ेन्वरे तैन तुसन शिखालोरुए, तेन्वरे तुस तैस मां बनोरे रातथ। 28 हे बच्चव, तैस मां बनोरे राथ, कि ज़ैखन इन बांदू भोए, त असन दिलेरो भोए ते अस तैसेरे एजने पुड़ तैसेरे सामने शरमिनदे न भोम। 29 अगर तुस ज़ानतथ, कि मसीह धर्मीए, त इन भी ज़ानतथ, कि जैना धार्मिकतारा कम्मां केरतन, तैना परमेश्वरे बच्चेए।

3 हेरा बाजे परमेश्वरे असन सेईं केरो प्यार कियो, कि असन जो परमेश्वरेरे बच्चे ज़ोन, ते अस अहम भी, एल्हेरेलैद दुनियारे लोकेई अस न पिशाने कि अस परमेश्वरेरे बच्चेम, किजोकि तैनेई बाजी परमेश्वर भी न पिशानो। 2 हे ट्लाराव, हुनी अस परमेश्वरेरे बच्चेम, ते हेजू तगर इन बांदू नई भोरु, कि अस केरे भोनेम। इन ज़ानतम, कि ज़ैखन यीशु मसीह बांदो भोलो त अस भी तैसेरे ज़ेरे भोमेरे, किजोकि तैस तेरहो लहमेले ज़ेरो ते आए। 3 ते जै कोई भी मसीह पुड़ ई उमीद रखते, तै अपनो आप तेरहो पवित्र केरते, ज़ेरो मसीह पवित्र आए। 4 जै लगातार पाप केरते रहते, तै मूर्हेरो कानूनेरो इन्कार केरते, ते पाप त कानूनेरो इन्कार केरन्नो। 5 ते तुस ज़ानतथ, कि यीशु मसीह एल्हेरेलैद अव, कि जापन दूर केरे, ते तैस मां पाप नई। 6 जै तैस मां बनोरो रहते, तै लगातार पाप केरते, तै न समझे कि मसीह कौन आए, ते न तैसेरो तैस सेईं रिशतोए। 7 ट्लारे बच्चव, केन्वरे धोखे मां न एजाथ, जै धार्मिकारां कम्मां केरते, तै न मसीहेरो ज़ेरो धर्मीए। 8 जै कोई लगातार पाप केरते, तै शैतानेरे तरफांए, किजोकि शैतान शुरुआती करां पाप केरतो ओरोए, परमेश्वरेरु मट्ड एल्हेरेलैद अव, कि शैतानेरे कम्मन खतम केरे। 9 जैना परमेश्वरेरे बच्चेन तैना लगातार पाप न केरन, किजोकि परमेश्वरेरो सुभाव तैन मां बनोरु रहते, ते तैना पाप केरि न सकन, किजोकि तैना परमेश्वरेरे बच्चेन। 10 इस्से सेईं परमेश्वरेरे बच्चे, ते शैतानेरे बच्चे पिशोत्त, जैना धार्मिकता कम्मां न केरन, तैना पाप परमेश्वरेरे सेईं नई, ते न तै जै अपने ढ़लाए सेईं प्यार न केरे। 11 जै खबर तुसेई पेड़ली शुनी, तै ईए, कि अस एककी होरि सेईं प्यार रखम। 12 ते आदमेरे मट्डे कैनरे ज़ेरे न बनम, जै तैस शैतानेरे सेईं थियो, ते जैने अपनो ढ़ला मारो, ते तै कोस वजाई सेईं मारो। एल्हेरेलैद कि तैसेरो कम्मां बुरं थियां, ते तैसेरे ढ़लाएरो कम्मां रोड़ा थियां। 13 हे ट्लाराव, अगर दुनियारे लोक तुसन सेईं बैर केरते त

हैरान न भोथ। 14 अस जानतम, कि अस मौती करां पार भोइतां जिन्दगी मां पुज़ोरेम, किजोकि अस ढुलान सेइं प्यार रखतम। जै प्यार न रखे, तै मौतेर हालती मां। 15 जै अपने ढुलाए सेइं बैर केरते, तै खूनी आए, ते तुस ज्ञानतथ, कि कोन्ची खूनी मां हमेशारी ज़िन्दगी न राए। (aiōnios g166) 16 असेइं प्यार इस्से सेइं जानों, कि यीशु मसीहे इश्शे लेइ अपने प्राण दिरे, एल्हेलेइ इश्शो भी ढुलां केते लेइ प्राण देवे फर्जे। 17 पन जैस कां दुनियारी जेदाद भोए, त तै अपने ढुलाए जैस जरूत भोए, तैस हेरतां तैस पुढ तरस खानो न चाए, त तैस मां परमेशरे प्यार केन्चरे बनोरो रेइ बटेतो? 18 हे ढुलाए बच्चव, अस सिंफ वचन ते जुबानी सेइं नई, पन कम्मन ते सच्चे सेइं भी प्यार केरम। 19 जैखन अस होरन सेइं प्यार केरमेले एस्से सेइं अस ज्ञानमेले, कि अस सख्त्रेम, ते जैस गल्ली मां इश्शो ज़मीर असन दोष लाए, तैसेरे बारे मां अस तैसेरे सामने अपने-अपने मने याकीन देइ बटमेले। 20 किजोकि परमेशर इश्शे मने करां बहुए, ते सब किछ ज्ञानते। 21 हे ढुलारव, अगर इश्शो मन असन दोष न दे, त असन परमेशरे सामने दिलेरी भोतीए। 22 ते जैन किछ अस मगतम, तैन असन तैस करां मैलते, किजोकि अस तैसेरे हुक्म मन्तम, ते जैन तैस पसंदे तैन केरतम। 23 ते तैसेरो हुक्म ईए कि अस तैसेरे मट्ह यीशु मसीहेरे नंचे पुड विश्वास केरम ते ज़िन्नरे तैने असन हुक्म दितो तैसेरे मुताबिक एककी होरि सेइं प्यार केरम। 24 ते जैना परमेशरो हुक्म मन्तन, तैना परमेशरे मां, ते परमेशर तैन मां बनोरो रहते, ते इस्से सेइं, मतलब तैस पवित्र आत्मा सेइं जै तैने असन दित्तोरोए, अस ज्ञानतम, कि तै असन मां बनोरो रहते।

**4** हे ढुलारव, हर एककी मैनेरु याकीन न केरा जै दावो केरते कि परमेशरेरी आत्मा तैस मां आए, बल्के आत्मां अङ्गमाथ कि तै परमेशरेरी तरफांए कि नई, किजोकि बडे झूठे नवी दुनियाई मां निसोरेन। 2 परमेशरेरी आत्मा तुस इस रेति सेइं पिश्चैनी बटतथ, कि जै आत्मा इन मने, कि यीशु मसीह जिसमे मां आरोए तै परमेशरेरे तरफांए। 3 ते जै आत्मा यीशु न मने, तै परमेशरेरे तरफां नई, ते तैए मसीहेरी खलाफत केरनेबाली आत्माए, ज़ेसेरे बारे मां तुरुई शुनोरु, कि तै एजने बालीए, ते अज्ञ भी दुनियाई मां आए। 4 हे ढुलारे बच्चव, तुस परमेशरेरे लोक आथ, ते तुसेइं तैन झूठन पुड ज़ीत हासिल कियोरीए, किजोकि पवित्र आत्मारी शक्ति जै तुसन मांए तै शैतानेरे शक्ति करां बहु, जै दुनियाई पुड राज केरते। 5 तैना झूठे नवी दुनियारेन, एल्हेलेइ तैना दुनियारी गल्लां जोतन, ते दुनियारे लोक तैन केरि शुन्नन। 6 अस परमेशरेम, जै परमेशरे ज्ञानते, तै इश्शी शुन्ने, जै परमेशरे न ज्ञाने तै इश्शी न शुन्ने, एल्हेलेइ अस तैस आत्माई जै सच्च ज़ोतीए ते जै आत्मा झूठ ज़ोतीए पिशानतम। 7 हे ढुलारव, अस एककी होरि सेइं प्यार केरम; किजोकि प्यार परमेशरे करां आए, जै कोई प्यार केरते, तै परमेशरेरो बच्चोए, ते परमेशरे ज्ञानते। 8 जै होरन सेइं प्यार न केरे, तै परमेशरे न ज्ञाने, किजोकि परमेशर प्यारे। 9 जै प्यार परमेशरे असन सेइं केरते, तै इस सेइं बांदो भोव, कि परमेशरे अपन अकैलू मट्ह दुनियाई मां भेजू, कि तैस पुड विश्वास केरने सेइं असन हमेशारी ज़िन्दगी मैल्लै। 10 प्यार इस सेइं नई कि असेइं परमेशरे सेइं प्यार कियो, पन इस मां आए, कि तैने असन सेइं प्यार केरो, ते इश्शे पापां केरे छुटकारेरे लेइ अपनु मट्ह भेजू। 11 हे ढुलारव, जैखन परमेशरे असन सेइं एरो प्यार कियो, त असेइं भी एककी होरि सेइं प्यार कियोरो लोड। 12 परमेशर कथी केन्चे नई लवरो; अगर अस एप्पु मांमेइं प्यार रखम, त परमेशर असन मां बनो रहते; ते तैसेरो प्यार असन मां सिद्ध भोरोए। 13 इस सेइं अस ज्ञानतम, कि अस परमेशरे मां बनो रातम, ते परमेशर असन मां, किजोकि तैने असन अपने आत्माई मरा दिती। 14 ते असेइं हेस्त भोए, ते गवाही भी देतम, कि बाजी परमेशरे, मट्ह दुनियाई मां मुक्ति देनेबालो केरता भेज़ोरोए। 15 जै इन मन्ते, कि यीशु परमेशरेम मट्हू, परमेशर तैस मां बनोरो रहते, ते तै परमेशरे मां। 16 ते जै प्यार परमेशर असन सेइं केरते, तै असेइं जानो, ते असन तैस पुड विश्वासे, परमेशर प्यारे, जै प्यारे मां बनोरो रहते, ते परमेशर तैस मां बनोरो रहते। 17 इस सेइं प्यार असन मां सिद्ध भोव, कि

असन इन्साफेरे दिहैडी दिलेरी भोए, किजोकि जेरो तै आए, तेरे अस भी दुनिया मां अहम। 18 प्यारे मां डर न भोए, बल्के सिद्ध प्यार डरे दूर केरते, किजोकि डरोरो रिश्तो सज़ाई सेइं भोते, ते जै डरते, तै प्यार मां सिद्ध नई। 19 अस परमेशरे सेइं ते होरन सेइं एल्हेलेइ प्यार केरतम, कि एल्लो परमेशरे असन सेइं प्यार कियो। 20 अगर कोई जैए कि, “अवं परमेशरे सेइं प्यार केरताई,” पन अपने ढुलाए सेइं बैर रखे, तै झूठोए, किजोकि जै विश्वासी ढुलाए सेइं जै तैने लोरोए प्यार न केरे, त परमेशरे सेइं भी जै तैने लवरो नई, प्यार न केरि सके। 21 ते तैस करां असन ई हुक्म मैलते, कि जै अपने परमेशरे सेइं प्यार केरते, तै विश्वासी ढुलाए सेइं भी प्यार केरते।

**5** जेसेरो ई विश्वासे कि यीशु ही मसीहे, तै परमेशरेरो बच्चेए, ते जै परमेशरे

सेइं प्यार केरते, तै तैस सेइं भी प्यार केरते, जैना परमेशरेरो बच्चेन। 2 जैखन अस परमेशरे सेइं प्यार केरतम, ते तैसेरो हुक्मन मन्तम, त इस सेइं अस ज्ञानतम, कि अस परमेशरेरो बच्चव, ते तैसेरो हुक्म मुशकलन नई। 4 किजोकि जै परमेशरेरो बच्चोए, ते दुनियाई पुड ज़ीत हासिल केरते, ते तै ज़ीत जैस सेइं दुनियाई पुड ज़ीत हासिल केरतम तै इश्शो विश्वासे। 5 दुनियाई पुड ज़ीत हासिल केरतम तै इश्शो विश्वासे, कि यीशु परमेशरेरु मट्हुए। 6 ईए तैए, जै पैनी ते खुनेरो ज़िरिये ओरो थियो; मतलब यीशु मसीह, ते न सिर्फ पैनी सेइं, बल्के पैनी ते खुने दुड़यां केरे ज़िरिये ओरो थियो। ते ई आत्मा जै गवाही देतीए, किजोकि तै सच्चे। 7 ते गवाही देनेबाले ढुलाई आन 8 आत्मा, ते पानी, ते खून, ते ढुलेइयां केरि एककी गल्ली पुडे गवाही देनेत। 9 जैखन अस मैन्हु केरि गवाही मन्तम, त परमेशरेरी गवाही दिती। 10 जै परमेशरेरे मट्हू पुड विश्वास केरते, तै अपने आपे मां ई गवाही रखते, जैने परमेशरे पुड विश्वास न कियूं, तैने तै झूठो ठहराव, किजोकि तैने तैस करां गवाही पुड विश्वास न कियो, जै परमेशरे अपने मट्हूरे बारे मां दित्तोरीए। 11 ते तै गवाही ईए, कि परमेशरे असन हमेशारी ज़िन्दगी दिती, ते ई ज़िन्दगी तैसेरो मट्हू मांए। (aiōnios g166) 12 जेसेरो रिश्तो मट्हू सेइं आए तैस कां हमेशारी ज़िन्दगी भी नई। 13 मीं तुसन, जै परमेशरे मट्हूरे नंचे पुड विश्वास केरतो भोए, एल्हेलेइ लिखताई, कि तुसन पतो लगे, कि हमेशारी ज़िन्दगी तुश्शीए। (aiōnios g166) 14 ते असन परमेशरेरे सामने ई दिलेरी भोतीए, तै ईए; कि अगर अस तैसेरो मेर्जी सेइं किछ मगतम, त तै इश्शी शुनते। 15 ते अगर अस ज्ञानतम, कि जैन किछ अस परमेशरे करां मगतम, तैन असन मैलते। 16 अगर कोई विश्वासी ढुलाए कोई एरो पाप केरतो लाए, जेसेरो नितीजो मौत न भोए, त बिनती केरे, ते परमेशर तैसेरोलेइ, जैने एरो पाप कियोरो एरो नितीजो मौत नई, ज़िन्दगी देलो। पाप एरो भी भोते एरो नितीजो मौते, एसेरे बारे मां अवं प्रार्थना केरनेरे बारे मां न जोई। 17 सेभी किसमेरी बुराई त पापे पन एरो भी पापे, जैरो नितीजो मौत नई। 18 अस ज्ञानतम, कि जैना परमेशरेरो बच्चेन, तैना लगातार पाप न केरन, पन परमेशरेरु मट्हू यीशु तैस बचाते, ते शैतान तैसेरु किछ मगतम, तै अस ज्ञानतम, कि जैन अस ज्ञानतम, कि जैन किछ अस परमेशरे करां मगतम, तैन असन मैलते। 16 अगर अस तैसेरो मेर्जी सेइं किछ मगतम, तै असेइं लवरो रहते; 15 ते अगर अस ज्ञानतम, कि जैन किछ अस परमेशरेरो बच्चेन, तै असेइं लवरो रहते। 17 अस ज्ञानतम, कि अस परमेशरेरे सेइं अहम, ते सारी दुनिया तैस शैतानेरे कब्जे मां आए। 20 ते इन भी ज्ञानतम, कि परमेशरेरु मट्हू यीशु मसीह इस दुनियाई मां ओरुए, ते तैने असन समझ दित्तोरीए, कि अस सच्चे परमेशरेरु मट्हू यीशु मसीह मां ओरुए, ते अस तैस मां जै सच्चे मां आए, मतलब तैसेरो मट्हू यीशु मसीह मां बनोरो रातम, सच्चे परमेशर ते हमेशारी ज़िन्दगी ईए। (aiōnios g166) 21 हे बच्चव, हर अक तैस चीजी करां दूर राथ, जै तुश्शे दिले मां परमेशरेरी ठार नेतीए।

## 2 यूहन्ना

1 अब यूहन्ना कलीसियारो बुजुर्ग, तैस बेइन ते तैसेरे बच्चन जैना परमेशरे चुनोरेन ई चिट्ठी लिखने लोरोई। जैन सेइ अब सज्ज्वो प्यार केरताई। सिर्फ अब नई पन तैना सारे जैना सज्ज्वे जानतन तुसन सेइ प्यार केरतन। 2 अस तुसन सेइ प्यार केरतम किजोकि अस सज्ज्वी शिक्षाई पुड़ विश्वास केरतम, ते अस तैस शिक्षाई हमेशारे लेइ मन्ने राले। (aiōn g165) 3 बाजी परमेशर ते तैसेरे मटू यीशु मसीह असन अनुग्रह, दया, शान्ति देन। इना सब इश्शे लेड आए अस जैना सज्ज्वे मन्तम ते एककी होरि सेइ प्यार केरतम। 4 अब बड़ो खुश भोव, जैखन मीं तेरे किछ बच्चा केरे बारे मां शुनू कि तैना परमेशरेरे बत्तां घलने लोरेन, तैना तैने केरने लोरेन जैन इश्शे बाजी परमेशरे असन केरनेरे लेइ ज़ोरुए। 5 हुनी है बेइन, अब तीं कां मिनत केरताई, असेइ एककी होरि सेइ प्यार कियोरो लोडे, ई अक नंव्यो हुक्म नई पन अब आदेश जै अस तैस वक्ते करां जानतम, जैइसेरु असेइ यीशु मसीह पत्ती घलनू शुरू कियोरुए। 6 सज्ज्वो प्यार ई आए जैखन अस परमेशरेरे हुक्म मन्तम। जैइसेरु तुसेइ यीशु मसीह पत्ती घलनू शुरू कियोरु तैइसेरु तुसेइ शुनेरु कि परमेशरे हुक्म दित्तोरो, कि हमेशा एककी होरि सेइ प्यार कियो लोडे। 7 अब इन एल्हेरेलेइ ज़ोताई, किजोकि बडे लोक जैना होरि लोकन झूठी शिक्षारे चिरिये धोखो देतन। तैना दुनियारे अलग-अलग ठैरन मां जोरेन। तैना ज़ोतन यीशु मसीह मैनेरे रुपे मां नई ओरो, अगर कोई मैन्हु एन्हरे ज़ोते, त तै मसीहोरो खलाफत केरनेबालोए जै हमेशा लोकन धोखो देते। 8 एल्हेरेलेइ तू अपने बारे मां खबरदार रा कि तैना लोक तीं धोखो न देन। जै मेहनत परमेशरेरे सेवरे लेइ तीं की तै बेफैद्दी न भोए, पन तुस तैना सैरी बरकतां हासिल केरेलो जैना देनेरो वादो परमेशरे तुसन सेइ कियोरोए। 9 अगर कोई मैन्हु मसीहीरी शिक्षाई पुड़ लगातार न घले पन तैस मां होरु किछ ज़ोड़ते त तैसेरो रिश्तो परमेशरे सेइ साथी नई, तैस कां परमेशर नई। पन अगर कोई मसीहीरी शिक्षाई मां बनोरो रहते, तैसेरो रिश्तो बाजी परमेशर ते तैसेरे मटू यीशु मसीह सेइ भी आए। 10 अगर कोई तुश्शे सभाई कां एज्जे, ते मसीहोरे बारे मां ईए शिक्षा न दे, त तैस न अपने घरे मां एजने देथ, ते न तैस नमस्कार केरतां होसलो न देथ। 11 किजोकि जै कोई एरे मैन्हु जो नमस्कार केरते, तै तैसेरे बुरे कम्मन मां शामिल भोते। 12 बेड़ि गल्लां आन जैना अब तुसन सेइ ज़ोनी चाताई, पन अब तैना एन्चरे चिट्ठी मां लिखनी न चैड़। पन मीं उमीदे कि अब तुसन कां एज्जेलो ते अस आमने-सामने भोइतां गल्लां केरमेले, तैखन अस पूरे तरीके सेइ खुश भोले। 13 तेरी चुनोरी बेइनारे बच्चे इड़ी जैना परमेशरेरे चुनोरेन नमस्कार ज़ोतन।

# 3 यूहन्ना

1 अब यूहन्ना कलीसियारो बुजुर्ग आई, हे ट्लारे गयुसे अब तींजो ई चिट्ठी लिखने लोरोई। अब सज्जे तीं सेइं प्यार केरताई। 2 मेरे ट्लारे दोस्त, मेरी प्रार्थना ई आए, कि ज़ेन्नरे तू आत्मिक तरक्की केरि रवरोस, तेन्हरे तू सेल्पी गल्लन मां तां तरक्की केरतो रास, ते तेरी जान भी राजी राए। 3 किजोकि किछ विश्वासी लोकेई मी सेंड इटां ज़ोवं, कि तू केन्वरे सज्ज्वरे मुताबिक ज़ीने लोरोस त अब बड़ो खुश भोव। 4 ज़ैखन भी अब शुनताई कि तैना, ज़ैना मेरे बच्चां केरि ज़ेरे आन तैना सच्चेरे मुताबिक ज़ीतन, तैखन अब बड़ो खुश भोताई। 5 हे ट्लारा, तीं इश्शे विश्वासी सैशी केरि मद्दत केरनेरे लेइ वफादरी सेइं बडू किछ कियोह्सए, इडी तगर ज़ैन तू ज़ानस भी न तैन केरि भी मद्दत केरतस। 6 इन मरां किछ लोकेई इट्टेरी कलीसियारे विश्वासी लोकन सेइं ज़ोवं, कि तुस अपने मसीही लोकन सेइं केत्रो जादे प्यार केरतथ। हूनी अब तीं ज़ोताई ज़ैना इना लोक तीं करां गान त तीं तैन केरि मद्दत केरती रावरी लोडे किजोकि एस सेइं परमेश्वर खुश भोते। 7 किजोकि इना लोक मसीहेस वचन प्रचार केरनेरे लेइ सफर केरतन, ते गैर विश्वासी लोकन करां किछ मद्दत न नेन। 8 एल्हेनेलेइ असेई तैन केरि आदर-खातर कियोरी लोडे, ताके अस भी तैन सेइं साथी सज्ज प्रचार केरनेरे कम्मे मां शमिल भोम। 9 मीं तुशें नगरेरे कलीसियारे लोकन पेडुले चिट्ठी लिखोरी थी, पन दियुनिफेस मेरे हदायतन कबूल केरने करां इन्कार केरते, किजोकि तै हमेशा अपने आप कलीसियारी लीडर बनानो चाते। 10 एल्हेनेलेइ अगर अब एज्जेलो, त कलीसियारे लोकां केरे सामने ज़ैन तै केरि रावरोए ज़ोइलो। तै इश्शे खलाफ बुरी-बुरी गल्लां ज़ोइतां झूठे दोष लाते, ते एत्रू नई तै एप्पु प्रचार केरनेबालन कबूल न केरे, ते ज़ैना तैन कबूल केरने चातन, तैन भी ठाकते ते कलीसिया मरां कढतन। 11 हे ट्लारा, तैन लोकां केरि नकल न केरा ज़ैना बुरां कम्मां केरन, पन तैन लोकां केरु ज़ेरु बन्नेरी कोशिश केरा ज़ैना भला कम्मां केरतन। ज़ैखन कोई भला कम्मां केरते तैस सेइं साबत भोते कि तै परमेश्वरो बच्चोए, अगर कोई बुराई केरते तैस सेइं साबत भोते कि तै परमेश्वर न ज़ाने। 12 कलीसियारो सारे मैन्हु दिमेत्रियुसेरे बारे मां ज़ोतन कि तै रोडो मैन्हु आए, किजोकि तै सज्जेरे मुताबिक ज़ीते ते अस भी ज़ोतम कि तै अक रोडो मैन्हु आए, ते तू ज़ानतस अस सज्ज ज़ोतम। 13 बेडि गल्लां आन ज़ैना अब तीं सेइं ज़ोनी चाताई, पन अब तैना एन्वरे चिट्ठेरे ज़िरिये न लिखनी चैई। 14 पन मीं उमीदि कि अब तीं सेइं जल्दी मुलाकत केरेलो, तैखन अस आमने-सामने गल्लां केरमेले। अब प्रार्थना केरताई परमेश्वर तीं शान्ति दे, इट्टेरे मसीही दोस्त तींजो नमस्कार ज़ोतन, एट्टे दोस्तन अकैल्ले-अकैल्ले मां गइतां मेरु नमस्कार ज़ोइयां।

# यहूदा

1 अब यहूदा यीशु मसीहेरो सेवक ते कने याकूबेरो निकडो ढहा आईं। अब यहूदा ई चिठ्ठी तुसन लोकन लिखने लोरोई, जैना परमेशरे कुजरेथ कि तैस पुड़ विश्वास केरथ। बाजी परमेशर तुसन सेइं प्यार केरते ते यीशु मसीहेरो जिरिये तुस सुरक्षित आथ। 2 अबं प्रार्थना केरताई कि परमेशर तुसन दया ते शान्ति ते प्यार जादे करां जादे दे। 3 हे दलारव, अबं लिखनेरे लेड हर मुमकिन कोशिश केरि रावरा थियो तैस (मुक्तरे) नंवे जिन्दगरे बारे मां जैयीशु मसीहेरो जिरिये परमेशरे तरफां मैलतीए, जैस मां अस शामिल आम। पन हुना अबं इन जरूरी समझाताई कि तुसन इस चिठ्ठों जिरिये होलसो देई, ताके तुस मसीही विश्वास बनोरो रखनेरे लेड बड़ी मेहनत केरि बटथ, परमेशरे ई विश्वास अपने सेब्बी लोकां केरे लेड एककी बार दितोरोए, ते ई न बेदलोए। 4 किछ लोक जैना यीशु मसीह पुड़ विश्वास केरनेरो दिखावो केरतन तैना तुशे लोकलियान मां शामिल भोरेन। तैना परमेशरेरो आदर न केरतन ते तैना ई गलत शिक्षा देतन, कि परमेशरे इश्शे पाप माफ कियोरेन ते अस अधर्मी जिन्दगी जी बटतम। तैना यीशु मसीहेरो इन्कार केरतन, जै इश्शो अकके मालिक ते प्रभुए। बडे पेड़ले पवित्रशास्त्र ज़ीते, परमेशरे एरे ज़ेरे लोकन सज्जा देलो। 5 पन अगर तुसेईं सब गल्लां एककी बार जैनोरिन, किरी भी अबं तुसन इना गल्लां याद करैनी चाताई, कि प्रभुए इसाएली लोक गुलीमी मरा आज़ाद किये, ते मिस मुलखे मरां कढे पन बादे मां तैने तैना मारे जैनेई सुन्सान ठारी मां तैस पुड़ तैन स्वर्गदूतां केरे बारे मा सोचोरु लोडे जैना अपने पदे पुड़ खुश न थिय, जै परमेशरे तैन दितोरो थियो, पन तैनेईं स्वर्गेव धर शारु; परमेशरे तैन कधी न टलुटन बैली शंगलन सेइं बेंधतां बुन अंधरे मां तैस महान दिहड़ी तगर रख्वोरेन, जैइस ते तैन दोषी बनालो। (aīdios g126) 7 इना इसाएली ते स्वर्गदूता केरु ज़ेरु इन भी याद रख्वा कि सदोम ते अमोरा नगरां ते कने आसपासेरे नगरां केरे रानेबाले लोकन सेइं कून भोवं। लोक अधर्म भोए ते हर किसमेरी बदमाशी केरनेबाले थिये। एल्हेरेले ई परमेशरे तैना अगरे जिरिये भस्म किये। जैन तैन सेइं भोवं ई तैन झूठे उस्तादां केरे लेड खबरदारी आए कि तैन भी हमेशरे अगारे जिरिये सजा मैल्लनीए। (aīdios g166) 8 तेन्वरे इना अधर्मी लोक ई दावो केरतन कि परमेशरे दर्शन मां जोवरु अधर्मी जिन्दगी जीतां तैना अपनो जिराम अशुद्ध केरि बटतन, ते कोन्वी भी एप्पु पुड़ अधिकार रख्वोरी अज़ाजत न देन ते तैना महिमा बाले स्वर्गदूतां केरे बारे मां बुरी गल्लां ज़ोतन। 9 पन इडी तीगर कि प्रधान स्वर्गदूत मीकाईले इन अधर्मी लोकां केरु ज़ेरु न कियूं। जैखन शैतान ते मीकाईल मूसा नेवेरी लाश दबरेरे अधिकारे बारे मां बैंस भोइ, त मीकाईल स्वर्वार्दों का इन लोकन करां जादे अधिकार भोरे बावजूद भी तैने शैताने बुरी गल्लां ज़ोइतां दोषी न ठहराव, इसरे बदले तैने इन ज़ोवं, कि “प्रभु तीं डॉटैं।” 10 पन इना लोक तैन चीज़ां केरे खलाफ गलत ज़ाबान इस्तेमाल केरतन जैन तैना न समझन। ते जैन चीज़न तैना समझतन तैन लैटे जानवरां केरे ज़ेरे केरतन, एना चीज़ां केरता तैना अपनो आप नाश केरतन। 11 तैन पुड़ अफसोस! किजोकि तैना आदमेरे मटे किनेरो ज़ेरो बुरो सलुख केरतन, जैने अपनो ढहा मारो। तैना जल्दी ज़ेन्वरे बिलामे पेंडंसो कमानेरे लेड लोकन करां पाप कराव तैनेई भी तैए गलती की, ते ज़ेन्वरे करोह नाश कियो किजोकि तैने (मूसेरे खलाफ) खलाफत की, तेन्वरे तैना लोक भी नाश किये गाले किजोकि तैना भी प्रभुएरे खलाफ खलाफत केरने लोरेन। 12 जैखन इना लोक धामन मां खातन जैना तुस प्रभुएरो प्यार याद केरनेरे लेड बनातथ, त तैना समुद्ररेरी लेपरी शफदां केरे ज़ेरे खतरनाक आन, जैना तुसन डोबनेरी वजा बेनि बटतन। तैना तैन बेशम पुढालां केरे ज़ेरे आन जैना सिर्फ अपनो खियाल रखतन। तैना बैगर पैने बिदलारारे ज़ेरेन जैन हवा उडातीए, तैना शेरारे बेफल बुदां केरे ज़ेरे आन. जैना जीलना उखड़ोरेन ते दुख्ये तरोकई सेइं मर्मेन। 13 ज़ेन्वरे समुद्ररेरी मज़बूत छेल्ली गंदी शैमफ एनतिन, तेन्वरे इना लोक बेशर्म कम्मां केरतन। तैना किछ तारां केरे ज़ेरे

आन जैना सिद्धे बत्तां न चलन, तैना सही बत न हिरान। प्रभुए तैन केरे लेड अक ठार रखोरि जै पूरे तरीके सेइं आंधरीए जैडी तैनेई हमेशारे लेड रान पैन। (aīdios g165) 14 ते हनोक जै आदमेरे सेतोव पींडी मरा थियो, तैने इन अधर्मी लोकां केरे बारे मां भविष्यद्वाणी की। तैने ज़ोवं “हेरा, प्रभु अपने बेशुमार पवित्र स्वर्गदूतन सेइं साथी एज्जलो। 15 कि सेब्बी लोकां केरो इन्साफ केरे, ते तैन केरे सेब्बी बुरां कम्मा केरे बारे मां जैना तैनेई परमेशरे खलाफ कियोरन ते सैरी बुरी गल्लां जैना तैनेई तैसेरे खलाफ कियोरन तैन केरे बारे मां तैन दोषी बनालो।” 16 इना लोक हमेशा परमेशरे खलाफ ज़ोतन ते होरि केरि गेलती कढतन। तैन अपने मनेरे मेरज़रे मुताबिक लगातार बुरां कम्मां केरतन। तैन अपने बारे मां घमण्ड केरतन ते अपने फैडेरे लेड होरि केरि चापलूसी केरतन। 17 पन हे दलारव, तुस तैन गल्लन याद रखा; जैना गल्लां इश्शे प्रभु यीशु मसीहेरो प्रेरितेई पेइली ज़ोरिन। 18 तैन तुसन सेइं ज़ोते थिये, “कि आखरी दिवाहन मां एरे लोक भोरे जैना प्रभु ते तैसेरे लोकां केरो मज़ाक बनाले। इना तैन लोक आन जैन केरि जिन्दगी तैन केरे बुरी इच्छा केरे कैबू मां आए।” 19 इना तैन लोक आन जैना तुसन अलग-अलग टोलन मां बंटतन, तैन केरि बुरी इच्छां तैन चलैतिन ते तैन का परमेशरेरो आत्मा नई। 20 पन हे दलारव, तुस एककी होरेरी मद्दत केरते राथ कि बडे पवित्र सज्जे मां बद्धथ जैन तुस विश्वास केरतथ। तुसेईं पवित्र आत्मारे शेंकरे अपावैई सेइं प्राथना कियोरो लोडे। 21 तुसेईं लगातार इन ज़ैनतां ज़ीयोरु लोडे कि परमेशर तुसन सेइं प्यार केरते, ज़ेन्वरे तुस बलगने लोरेथ जेइस इश्शो प्रभु यीशु मसीह अपने दयाई मां तुसन हमेशारी जिन्दगी देलो। (aīdios g166) 22 तैन लोकन पुड़ दया केरा जैन नई पतो कि तैना कोस शिक्षाई पुड़ विश्वास केरन। 23 किछ होरे लोक जैन तुस जानतथ कि नरके मां चलैतेन। तैन जलदी खिचतां हमेशारी अग्नी मरा ब़जाथ। हेजु भी होरन पुड़ दया केरा। हालाकि, ध्यान देथ तैस्से पापे दुबारा न केरा। तुस तैन केरे पापन सेइं अज़मैइशी मां न पेथ, ते तैना पाप केरनेरे जिरिये अपनो आप दागदार न केरा। 24 परमेशर तुशी हफाज़त केरनेरे बाले ताके तुस पापेरी जिन्दगी जीतां धोखो न खाथ। ते महिमा बालो परमेशर तुसन एप्पु का आनेरे ते तुसन बेक्सूर ते खुशी सेइं भरनेरे काबलो। 25 तैए अक परमेशरे जैने यीशु मसीहेरो जिरिये असनु मुक्ति दिती, इश्शो प्रभु यीशु लोकन परमेशरेरी आदर केरने ते तैसेरी बड़याई केरनेरी वजा बनाते। ताके तैना इस गल्ली पिशानन कि तैस का शुरु करां हुन्ना ते हमेशारे लेड शक्ति ते अधिकार आए। आमीन। (aīdios g165)

# प्रकाशित वाक्य

## १ यीशु मसीहेरो प्रकाशितवाक्य, जै परमेश्वरे तैस एल्फेरेलेइ दितो कि तै

अपने सेवकन तैना गल्लां हिराए, जैन केऱु जल्दी भोनू ज़स्तीए। यीशु मसीहे अपनो स्वर्गदूत भेजता तैसेरे जिरिये अपने दास यूहन्ना इना गल्लां ज़ोई, २ अंव यूहन्ना तैन सब लिखने लोरोई जैन मीं लंब, अंव इस मां परमेश्वरेरु वचन ते यीशु मसीहेरी स़स्ती शिक्षारी गल्लां लिखने लोरोई जैना तैनी मीं सेहं ज़ोई। ३ परमेश्वर तैन सेंबी लोकन बरकत देलो जैना इस भविष्यिवैनरे वचने पढ़तन, ते कने जैना शुन्तन ते इस मां लिखोरी गल्लन मन्तन, किजोकि इन गल्लां पूरी भानेरो वक्त नेडो औरोए। ४ अंव यूहन्ना असिया इलाकिरे सत कलीसियान जो लिखने लोरोई। परमेश्वरे जै आए ते जै हमेशा थियो, ते जै एजनेबालो आए; ते तैन सत आत्मां केरे तरफां जैना तैसेरे तखते सामनेन तुसन अनुग्रह ते शान्ति मैलती राए। ५ ते यीशु मसीहेरे तरफां, जै वफादार गवाह ते मुडदन मारं ज़ीतो भोने बालन मरां पेड़लोए त कने धेरतरे राज़ों केरो प्रधाने तुसन अनुग्रह ते शान्ति मैलती राए। यीशु मसीहे असन सेहं प्यार कियो, त कने तैने अपने खूने सेहं अंस पापन करां छुटाए। ६ तैने अस अक राज़ ते अपने बाज़ी परमेश्वरेरी सेवा केरनेरे लेड याजक भी बनाए; तैसेरी महिमा ते होकोमत हमेशा भोती राए। आमीन। (aiōn g165) ७ हेरा, मसीह बिदलारी सेहं साथी एजनेबालोए, ते हर कोई तैस लाएलो, बल्के जैना लोक तैसेरे मीतो लेइ जिमेवार थियो, तैना भी तैस लाएले ते धेरतरे सारे लोक ज़ोर-ज़ोर सेहं लेरां देलो। हाँ इन भोलु। आमीन। ८ प्रभुपरमेश्वर जोते, “अंवें अलफा ते ओमेगा आईं, (मतलब पेड़लो ते आखर) अंव ते आईं, जै आए, जै हमेशा थियो, ते जै एजने बालोईं, ते बडो शक्ति बालोईं” तै इन ज़ोते, ९ अंव यूहन्ना तुश्शो विश्वासी ढला, ते कने यीशु मसीहेरे लेड दुःखन मा, परमेश्वरेरो राज़ों मा, ते सबरी मा तुसन सेहं साथी शामलाई। अंव पतमुस नंवरे टैपु पुडु परमेश्वरेरु वचन शुनानेरे त कने यीशुएरी गवाही देवेर वजाई सेहं कैद थियो। १० हफतेरे पेड़लो दिहाडे पवित्र आत्मां अंव अपने कैल मां कियो, मीं एप्पु पत्र अक आवाज़ इन ज़ोते शुनी। तै आवाज़ नड़शिगेरी उच्ची आवजरी ज़ेरि थी। ११ “जैन किल तू लातस, तैस किताबी मां लिखतां सत नगरां केरे कलीसियान कां भेज़, मतलब इफिसुस, स्मुरना, परिगमुन, थुआतीरा, सरदीस, फिलदिलफिया ते लोदीकिया नगरन मां आन।” १२ तैखन जै मीं सोइंग गल्लां केरने लोरो थियो तैस हेनेरे लेड तक्कू; ते प्रोत्रे फिरतां मीं सोनेरे सत दीवट लाए। १३ ते तैन दीवटां केरे मझारे म़ददोरो जेरो कोई लाव, तैने पवन तगर लम्पो चोगो लोरो थियो, ते तैसेरे छैती पुडु सोनेरो पटको बंधोरो थियो। १४ तैसेरे दोगे पुडु तैसेरे बाल छिती उन्नी या हिरेरे ज़ेरे थियो तैसेरी एछ़ड़ी अगारे लपारी ज़ेरि बेलती थी। १५ ते तैसेरे पाव भेट्टी मां गर्म कियोरे पितलरे ज़ेरे चमकते थियो, ते जैखन तैने गल की तैसेरी आवाज़ बडे ज़ोरे सेहं थी, ज़न्नरे बडे दरियां केरे ज़ेरि जैना बडे ज़ोरे सेहं ज़लतन। १६ ते तै अपने देइने हथ्ये मां सत तारे धिन्तां यियो, ते तैसेरे मुखे सेहं दूर्ध धारण बाली तलवार निसती थी, तैसैरु तुतर एक चमकतू थियू, ज़न्नरे दिहाड़ी भर-दुपरेई चमकते। १७ जैखन मीं तै लव, ते तैसेरे पावन पुडु मु़ददोरो जेरो पेव, ते तैने मीं पुडु अपनो देने हथ रखतां इन ज़ोव, “डर न, अंव पेइलो त कने आखरी आई।” १८ ते ज़ीतो भी अंव आई, अंव एक्की बार मर्मो थियो, पन हुनी अंव ज़ीतोई ते अंव हमेशा ज़ीतो रानोई। मीं मौती पुडु ते पाताले पुडु जै मर्मे लोकां केरि ठारे अधिकारे। (aiōn g165, Hadēs g86) १९ एल्फेरेलेइ जैना गल्लां तीं हेरी ते जैना गल्लां भोइ रेवरिन, ते जैना इट्टां बाद भोने बैलिन, तैना सब लिखु।” २० मतलब तैन सत तारा केरो भेद जैना तीं मेरे देइने हथ्ये मा लोरे थियो, ते तैन सत सोनेरे दीवटा केरो भेद, ते सत तारे सत कलीसियां केरे स्वर्गदूतन, ते तैना सत दीवट सत कलीसियान।

२ तैने मीं सेहं इन भी ज़ोवं: “इफिसुस नगरेरे कलीसियारे स्वर्गदूतो जो

ई सन्देश लिख कि, ‘अंव तै आई जै सत तारे अपने देइने हथ्ये मां धिन्तां फिरताई, ते सोनेरे सत दीवटां केरे म़द्दाटे फिरताई, अंव इन ज़ोताईः २ अंव

तेरां कम्मां, तेरी मेहनत, ते तेरू सबर ज़ानताई। ते इन भी, कि तू बुरे लोकन बद्रीश न केरि बटस; त कने तैन ज़ैना अपनो आप प्रेरित ज़ोतन पन आन नई, तैना तीं परखे ते तैना झूठे निस्से। ३ अंव इन भी ज़ानताई मेरे नंवरेरे खातर तीं सबरी सेहं दुःख झौलले ते तीं मेरी सेवा केरनि न शारी। ४ पन मीं तेरे खलाफ इन ज़ोनू कि ज़ेरो प्यार तीं मीं सेहं विश्वास केरनेरे वक्त मां कियोरो थियो इस वक्त मां मां केरस। ५ याद रख तु बिछड़ने करां पेड़लो कोड़ि थियो। तू पाप केने करां मनकिरा ते तेरही ज़िन्दगी ज़ी जेरि पेड़लो विश्वास केरनेरे वक्त जीतो थियो। अगर त मन न फिरालो त अंव तीं कां इदतां तेरू दीवट तैस ठारारां पुटेलो। ६ पन हाँ तीं मां ईं गल त आए, कि तू नीकुलइयां केरे कम्मन सेहं नफरत केरतस, जैन सेहं अंव भी नफरत केरताई। ७ जै समझून चाते तै ध्याने सेहं शुने कि परमेश्वरो आत्मा कलीसियान सेहं कुन ज़ोते, जै ज़ीत हासिल केरे, अंव तैस, जिन्दगेरे बुटे मरां फल खानेरे लेड देइलो जै ज़िन्दगी देते, जै परमेश्वरेरु स्वर्ग लोके मांए।” ८ तैने मीं सेहं इन भी ज़ोव, “स्मुरना नारेरे कलीसियारे स्वर्गदूतो जो ई सन्देश लिख, “जै पेइलो ते आखरीए; जै मर्मो थियो ते हुनी ज़ीतो भोरोए, ते इन ज़ोतो: ९ अंव ज़ानताई कि तू स्तव गातस ते तू गोरीब आस, पन आत्मिक गल्लन मां तू धुनी आस। अंव इन भी ज़ानताई कि जैना लोक ज़ोतन कि तैना परमेश्वरेरे चुनेरे (घट्टदी) लोकन, पन तैना असलीती मां नई तैना तुश्शे बारे मा बुरी गल्लां ज़ीतन, पन हकीकिति मां तैन केरो रिश्तो एरे टोली सेहं आए जै शैतानेरी। १० जैना दुःख तीं झौललने पेने तैन करां न डर। शैतान तुसन मरां किछ लोकन दलुइतां कैद करालो ताके तैना परखे गान। ते तुसन दश दिहाड़न तगर बडो दुःख झौललने भोलो। पन मीं पुड़ विश्वास केरो न शार, चाए जान भी दीनी पे, किजोकि अंव तेरे ज़ीतरे लेइ हमेशरेरि ज़िन्दगू इनाम देइलो। ११ जै समझून चाते तै ध्याने सेहं शुने कि परमेश्वरो आत्मा कलीसियान सेहं कुन ज़ोते, जै ज़ीते, तैस दुश्योवं मीती सेहं नुकसान न पुजेलो।” १२ तैने मीं सेहं इन भी ज़ोव, “पिरगमुन नगरेरे कलीसियारे स्वर्गदूतो जो ई सन्देश लिख, ‘अंव तै आई जैस कां दूर्ध धारण बाली ते लिख्खी तलवारे, अंव इन ज़ोताईः १३ अंव ज़ानताई, कि तू तैडी रातस जैडी शैतान राज़ केरते, तू मीं सेहं साथी ईमानदार राव, त कने तू मीं पुड़ विश्वास केरो न कथेन शास। तीं डडी तगर विश्वास कियो जैइस मेरो वफादार गवाह अन्तिपास तैनैइ तैस ठैरी मारो, जैडी शैतान राज़ केरते। १४ पन मीं तेरे खलाफ किछ गल्लां ज़ोनिन, किजोकि तू तैन केरि खलाफत न केरस जैना तुश्शे कलीसियाई मां झूटी शिक्षा देतन तेन्नरे जैन बिलामे बीतोरे वक्त मां शिखालू। बिलामे बालाक राज़ो शिखालू कि इसाएली लोकां केरि अज़मैइश केरे ताके तैना पाप केरन। तैने शिखालू कि तैना मूरतन पुड़ बलिदान कियोरी चीज़ां खान ते बदमाशी केरन। १५ तन्चरे तुसन मां किछ लोक एरे आन जैना नीकुलइयां केरि शिक्षा मन्तन। १६ ते मनफिरा, नई त अंव तीं कां जल्दी एजतां तैन लोकन सेहं तैस तलवारी सेहं लेडेलो जै मेरे ऐशरां निसतीए। १७ जै समझून चाते तै ध्याने सेहं दुःख शुने कि परमेश्वरो आत्मा कलीसियान सेहं कुन ज़ोते; जैना लोक ज़ीत हासिल केरन, तैन अंव छूप्पोरो मने मारं देइलो, त कने अंव तैन अक लव एक चमकतू थियू, ज़ेन्नरे दिहाड़ी भर-दुपरेई चमकते। १८ जैखन मीं तै लव, ते तैसेरे हथ रखतां इन ज़ोव, “डर न, अंव पेइलो त कने आखरी आई।” १९ ते तैसेरी एछ़ड़ी अगारे लपारी ज़ेरि बेलती थी। २० ते तैसेरे पाव भेट्टी मां गर्म कियोरे पितलरे ज़ेरे चमकते थियो, ते जैखन तैने गल की तैसेरी आवाज़ बडे ज़ोरे सेहं थी, ज़न्नरे बडे दरियां केरे ज़ेरि जैना बडे ज़ोरे सेहं ज़लतन। २१ तेरां कम्मां, तेरी मेहनत, ते तेरू सबर ज़ानताई। ते इन भी, कि तू बुरे लोकन बद्रीश न केरि बटस; त कने तैन ज़ैना अपनो आप प्रेरित ज़ोतन पन आन नई, तैना तीं परखे ते तैना झूठे निस्से। ३ अंव इन भी ज़ानताई मेरे नंवरेरे खातर तीं सबरी सेहं दुःख झौलले ते तीं मेरी सेवा केरनि न शारी। ४ पन मीं तेरे खलाफ इन ज़ोनू कि ज़ेरो प्यार तीं मीं सेहं विश्वास केरनेरे वक्त मां कियोरो थियो इस वक्त मां मां केरस। ५ याद रख तु बिछड़ने करां पेड़लो कोड़ि थियो। तू पाप केने करां करां मनकिरा ते तेरही ज़िन्दगी ज़ी जेरि पेड़लो विश्वास केरनेरे वक्त जीतो थियो। अगर त मन न फिरालो त अंव तीं कां इदतां तेरू दीवट तैस ठारारां पुटेलो। ६ पन हाँ तीं मां ईं गल त आए, कि तू नीकुलइयां केरे कम्मन सेहं नफरत केरतस, जैन सेहं अंव भी नफरत केरताई। ७ जै समझून चाते तै ध्याने सेहं शुने कि परमेश्वरो आत्मा कलीसियान सेहं कुन ज़ोते; जैना लोक ज़ीत हासिल केरन, तैन अंव छूप्पोरो मने मारं देइलो, त कने अंव तैन अक लव एक चमकतू थियू, ज़ेन्नरे दिहाड़ी भर-दुपरेई चमकते। ८ तैने मीं तेरे खलाफ इन ज़ोनू, कि तू तै कुआन्श इज़बेल राने देतस; जै अपनो आप नबिन ज़ोतीए, ते मेरे दासन बदमाशी केरनेरे त कने मूरतन कां चाढ़ोरु खान शिखैलान टप्पलातीए। २१ मीं तैस मनफिरानेरे लेड मौको दितो, पन तैसा अपने बदमाशी केरने करां मन न फिरानो चाव। २२ देरा, एल्फेरेलेइ अंव तैस बिमार केरेलो; ते जै तैस सेहं बदमाशी केरेलो आर तैना भी तैन कम्मन करां मन न फिरालो, ते तैन बडे मुरीबीती मां छेडेलो। २३ ते अंव तैसेरे बच्चन मैरेलो; ते तैखन सब कलीसियां बुझौली कि दिल त कने मनेरो परखने

बालो अवं आईँ; ते अवं तुसन मां हर एककी तैसेरे कम्मां केरे मुताबिक बदलो देइलो। 24 पन तुस थुआतीरा नगरेरे बाकी लोकन सेइं, ज़ेना तैस शिक्षाई न मन्न, ज़ैन गल्लन जो तैना शैतानेरी दुग्गी गल्लां ज़ोतन न ज़ानन्, इन ज़ोताईँ, कि अवं तुसन पुड़ होरो बोझा न रेख्खी। 25 पन हाँ, ज़ैन तीकांए तैस मेरे एजने तर ठेमतां रख। 26 ज़ैना लोक ज़ींत हासिल केरन, ते ज़ै मेरे इच्छाए मुताबिक आखरी तगर केरतो राए, अवं तैस सैरी कौमा केरे लोकन पुड़ अधिकार देइलो। 27 अवं तैस तेरहो अधिकार राज केरनेरे लेड देइलो ज़ेरो मेरे बाजे मीं दितोरोए। तैन केरु राज लोहेंडु जेरु मज़बूत भोलू जैन टल्टे न, ते तैन केरे दुश्मन मित्तरे भांण्डां केरे ज़ेरो चूरू-चूरू भोले। 28 अवं तैन केरि ज़ींत हिरानेरे लेड तैन द्वैद्वेरो तारो भी देइलो। 29 ज़ै समझनू चाते तै ध्याने सेइं शुने कि परमेश्वरी आत्मा कलीसियान सेइं कुन ज़ोते।”

**3** तैने मीं सेइं इन भी ज़ोवं, “सरदीस नगरेरे कलीसियारे स्वर्गदूते जो ई सन्देश लिख कि, “जैस कां परमेश्वरी सत आत्मान ते सत तारेन, तै इन ज़ोते कि अवं तेरे कम्मन ज़ानताईँ, कि तीङ्गो ज़ींतो ज़ोतन, पन तू आस मरो। 2 एल्हेरेलेड बीङ्गो रा, ते तैन चीज़न ज़ैना रेवरिन, ते ज़ैना मिट्टने वैलिन, तैन मज़बूत केर; किंजोकी मीं तू केन्ती चीज़ी मां अपने परमेश्वरे कां पूरो न लव। 3 याद केर, कि तीं केरि शिक्षा मैलोरी थी तीं ते शुनोरी थी, ते तैस मनतो रा ते कने मनफिरा, ते अगर तू बीङ्गो न रालो, त अवं चोरोरो ज़ेरो एज्जेलो ते तू कृथ धेन ज़ानेलो, कि अवं कौस घेडी तीं पुड़ एज्जेलो। 4 पन सरदीस नगरे मां तुसन मां किछ लोक एरे आन, ज़ैनेही अपनो आप पापे सेइं अशुद्ध नई कियोरो, तैना छित्ता लिग्डां लेइतां मीं सेइं साथी चल्लें किंजोकी तैना इस काबलन। 5 ज़ैना ज़ींत हासिल केरेले तैन इस्से तरीके सेइं तैन केरां ज़ेरा छित्ता लिग्डां लुवां गालां। अवं तैन केरु नवं तैस किताबी मरां हेइलो ज़ैस मां परमेश्वरे तैन केरां नवं लिखोरन ज़ैना ह्येशारी ज़िन्दगी हासिल केरेले। अवं तैन केरु नवं अपने बाजी ते अपने स्वर्गदूतां केरे सामने एलान केरेलो। 6 ज़ै समझनू चाते तै ध्याने सेइं शुने कि परमेश्वरो आत्मा कलीसियान सेइं कुन ज़ोते।” 7 तैने मीं सेइं इन भी ज़ोवं, “फिलदिलफिया नगरेरे कलीसियारे स्वर्गदूते जो इन लिख, “अवं तै आईँ ज़ै पवित्र ते सच्चे, ते ज़ैस कां दाऊदीरी चाबीए, ज़ेसेरे खोल्लेरे कोई बंद न केरि सके ते ज़ेसेरे बंद केरे कोई खोल्लेरे न सके, तै इन ज़ोते: 8 अवं तेरे कम्मन ज़ानताईँ देर, मीं तेरे सामने अक बत खोलरोरी, ज़ैस कोई बंद न केरि सके कि तेरी शक्ति थोड़ीए, ते तीं भेलू वचन मनोरू, ते मेरे नंबरो इन्कार नई कियोरो। 9 हेर, ज़ैन लोकां केरो रिश्तो शैतानेरी टोली सेइं आए, तैना ज़ोतन कि तैना यहूदी आन, पन आन नई, बल्के झूठ ज़ोतन हेर, अवं एरु केरेलो, तैना तीं कां इडां झुक्केले, ते इन ज़ानेलो, कि अवं तीं सेइं प्यार केरताईँ। 10 ज़ैखन तू दुःख झील्लतो थियो तीं सबरी सेइं मेरो सन्देश मन्नो। एल्हेरेलेड अवं भी तीं बडे अज़मैइश्वरि वर्के बच्चे इलो, ज़ै धेरतली पुड़ रानेबालन पुड़ परखनेरे लेड सारे दुनियाई पुड़ एजने बालीए। 11 अवं ज़ल्दी एजने बालोई, ज़ैन किछ तीकांए, तैस ठेमतां रख, कि कोई तेरु ताज न थसोडे। 12 ज़ै ज़ींत हासिल केरे, ते ज़ैन्नरे अक खम्मो घेरे मज़बूत रखते, तेन्वेरे तै भी परमेश्वरे मन्दरे मां हमेशा रालो; ते अवं अपने परमेश्वरु नवं, ते अपने परमेश्वरेरो नगर, मतलब नवं यस्तशलेमेरु नवं, ज़ैन नगर स्वर्गे पुडां एजने बालूए ते अपन नव्वु नवं तैस पुड़ लिखेलो। 13 ज़ै समझनू चाते तै ध्याने सेइं शुने कि परमेश्वरो आत्मा कलीसियान सेइं कुन ज़ोते।” 14 तैने मीं सेइं इन भी ज़ोवं “लोदीकिया नगरेरे कलीसियारे स्वर्गदूते जो ई सन्देश लिख कि, “ज़ै आमीन, वफादारे, ते सच्चो गवाह आए, ते परमेश्वरी संषिरी वजाए, ते इन ज़ोते। 15 कि अवं तेरे कम्मन ज़ानताईँ, कि तू तैस पैनेरो जेरोस ज़ैन न ठंडू ए ते न गर्म, रोड़ भोथू कि तू ठंडो भोथो या फिरी गर्म, यानी तू मीं पूरो विश्वास केरेथो या बिलकुल न केरेथो। 16 एल्हेरेलेड तू निंघोस, ते न ठंडोस ते न ज़ओस, पन तू अथ्थे मने सेइं मीं पुड़ विश्वास केरतस, एल्हेरेलेड अवं तीं रद केरनेबाला आईँ। 17 तू ज़ैन ज़ोतस, कि अवं धनी, ते धनी भोरोई, ते मीं केच्ची चीज़री घटी नई, ते इन न ज़ानस, कि तू बदकिसमत ते तुच्छ ते कंगाल ते कानो, ते

नगोस। 18 एल्हेरेलेड अवं तीं सलाह देताईँ, कि अगी मां तौरु सोन्नू मीं करां ने, कि धनी भोस; ते छित्ता लिग्डां ने, कि तीं अपने नगे पनेरी शर्म न भोए; ते अपने एछळी केरे लानेरे लेड कज़ल ने, कि तू लास। 19 अवं ज़ैन-ज़ैन सेइं प्यार केरताईँ, तैन शिखालताईँ ते सज्जा देताई ताके तैना रोडे बनन। एल्हेरेलेड भलाई केरने मां लागोरो रा, ते पापन करां मनफिरा। 20 हेर, तेरे दिले मां एजनेरे लेड अवं ज़ैन्नरे कोई घेरेलू दार गुडकाते अवं तेन्वेरे आईँ; अगर तू मेरी आवाज शून्तां अपनो दिल खोल्लस, त अवं अन्तर एज्जेलो ते अस एप्पु मांमेहं संगती केरमेले। 21 ज़ै ज़ींत, अवं तैस एप्पु सेइं साथी अपने तखते पुड़ बिश्वेलो, ज़ैन्नरे अवं भी ज़ींत हासिल केरतां अपने बाजी केरे तखते पुड़ बिश्वोरोई। 22 ज़ै समझनू चाते तै ध्याने सेइं शुने कि परमेश्वरो आत्मा कलीसियान सेइं कुन ज़ोते।”

**4** दुना गल्लां हेरनेरां पती, मीं स्वर्गे मां अक दार खुल्लोरु लाव। ते मीं सेइं कोई गल्लां केरने लाव ई तैपै थियो ज़ैने मीं सेइं पेड़ीली गल्लां की, तैसेरी आवाज नड़शिनगेरे ज़ेरि थी। तैने मीं सेइं ज़ींत, “इडी बा ईँ: अवं तीं तैना गल्लां हेरिइलो, ज़ैन केरु इन गल्लां केरे पती पूक भोनू ज़स्सीए।” 2 अकदम पवित्र आत्मां अवं अपने कैबू मां कियो; ते मीं स्वर्गे मां अक तखत लाव ते तैस तखते पुड़ कोई बिश्वोरो लाव। 3 ते ज़ै तैस तखते पुड़ बिश्वोरो थियो, तै यशब ते मानिक कीमती घोडां केरो जेरो लेइहोतो थियो। ते तैस तखते चेव्रे पासन भुञ्जल्लैठ थी, जै मरकत घोड़ेरी ज़ेरि लेइहोती थी। 4 तैस तखतेरे चेव्रे पासन चोबीं तखत थियो; ते तैन तखतन पुड़ चोबीं बुजुर्ग छित्ता लिग्डां लेइतां बिश्वोरो थियो, ते तैन केरे दोगान पुड़ सोन्नरो ताजा थियो। 5 ते तैस तखते मां ज़ैजिली ते गुडने ते तखतेरे सामने अगरे सत दीवट बलने लोरे थियो, इन परमेश्वरे सत आत्मा आन। 6 ते तैस तखतेरे मझाटे ते तखतेरे चेव्रे पासन प्राणी थियो, तैन केरे सैर जानी पुड़ एछळी-एछळी थी। 7 पेइलो प्राणी शेरोरो जेरो थियो, ते दुखोयं प्राणी दाँवोरो जेरो, टलेइयोयं प्राणी मैनेरो जेरो थियो, ते चेव्रोयं प्राणी उडरने बाले उकबोरो जेरो थियो। 8 ते चेव्रे परैयी केरां शा-शा फंगां थियो ते तैन पुड़ एछळी थी इडी तगर कि फंगन अन्तर भी एछळी थी, तैना रात दिहाड़ी बगैर आरामे इन ज़ोते रातन, “पवित्र, पवित्र, प्रभु-परमेश्वर, सर्वशक्तिमान, जै थियो, जै आए, ते ज़ै एजनेबालोए।” 9 ज़ै तखते पुड़ बिश्वोरो जै हमेशा-हमेशा ज़ींतोए, तैना प्राणी तैसेरी महिमा ते आदर ते शुक्र केरेले, (aión g165) 10 जैखन चोबीं बुजुर्ग तखतन पुड़ बिश्वेलो कां मथ्थो टेक्के, ते तैसेरी आराधना केरेले। ते तैना अपना-अपना ताजां तखतेरे सामने इन ज़ोडांता रखेले: (aión g165) 11 “हे इश्वर प्रभु-परमेश्वर, तींए सेरी चीज़ां बनेइ। तेरे मेज्जी सेइं सद बच चीज़ा बनेइ ज़ेरि ते वजूदे मां एई। एल्हेरेलेड तूए महिमा, आदर ते शेकरे काबलस।”

**5** ज़ै तखते पुड़ बिश्वोरो थियो, मीं तैसेरे देइने हथ्ये मां अक किताब लाईँ, ज़ै अन्त्रमेही त कने बेइरमेही लिखारी थी, ते तै सत मोहरां लेइतां बन्द कियोरी थी। 2 फिरी मीं अक ताकतबर स्वर्गदूत लाव, ज़ै जेरो जेरो सेइं ई प्रचार केरतो थियो। “इस किताबारो खोल्लने ते इसेरी मोहरां टलोइनेरे काबल कौनेत?” 3 पन न स्वर्गे मां, न धेरती पुड़ न धेरतारे बुन कोई तैस किताबी खोल्लने या तैस पुड़ नज़र केरनेरे काबल मैतो। 4 ते अवं जेरो-जेरो सेइं लेरां देने लव, किंजोकी तैस किताबरे खोल्लनेरे या तैस पुड़ नज़र केरनेरे काबल कोई न मैतो। 5 तैखन तैन बुजुर्णन मरां एकके मीं सेइं ज़ोवं, “लेरां न दे, तक, तै जैस जो यहूदारे गोत्रो शेर ज़ोतन, जै दाऊद राजेरे खानदाने मराए। तैने तै किताबी खोल्लनेरे ते सत्ते मोहरां टलोइनेरे लेड शैतान हारावरोए।” 6 तैखन मीं तखते ते चेव्रे प्राणी त कने तैन बुजुर्णा केरे मझाटे अक मारोरु गबडु लाव। तैसेरां सत शिनाँ ते सत एछळी थी; इना परमेश्वरी सते आत्मान, ज़ैना सैरी धेरतली पुड़ भेजोरीन। 7 गबडे अगर इटां जै तखते पुड़ बिश्वोरो थियो तैसेरे देइने हथ्ये मरां तै किताब नेही। 8 ते जैखन तैने किताब नेही, तै तै चेव्रे प्राणी ते चोबीं बुजुर्ग तैस गबडेरे सामने झुके; ते

हर केन्द्रे हथ्ये मां बर्बत ते धूपे सेंड भरोरे सोन्नेरे कटोरे थिये, इना पवित्र लोकां केरि प्रार्थनान। ९ त तैना इन नंवू शीत ज्ञाने लगे, “तीं कां अधिकारे कि तू मोहन ट्लोडस ते इस किताबी खोल्लस, किजाकि तीं मेरता अपने खूने सेंड परमेश्वरे लेइ हर एककी कुले मरां, हर भाषाई मरां, हर लोकन मरां, ते कौमी मरां लोक घिन्नेरेन।” १० “तीं तैना राजे बनाए, तीं तैना याजक बनाए जैना इश्शे प्रभु परमेश्वरे लेड सेवारू कम केरन, ते तैना धेरती पुड राजां केल ज्ञें राज केरतन।” ११ मीं दुबारा तक्कू, त मीं बेशुमार स्वर्गदूतां त चेवे प्रणी ते बुजुर्गा केरि आवाज शुनी जैना तखतेरे चेवे पासन थिये। १२ तैना ज्ञारे सेंड ज्ञोते थी, “मारोर गबडू समर्थ, धन, ज्ञान, शेक्ति, आदर, महिमा, ते कने शुक्रेरे कावले।” १३ फिरी मीं स्वर्णे मां ते धेरतली पुड त कने धेरतले बुन, ते समुन्दरी सब चीजां, ते सब किछ जैन तैन मांए, इन ज्ञोते शुनू कि, “जै तखते पुड बिशोरोए तैसेरे त कने गबडैरु शुक्र, आदर, महिमा ते राज, हमेशा राए।” (aiōn g165) १४ ते चेवे प्रेणेइ आमीन ज्ञोवं, ते बुजुर्गई मथ्यो टेको।

**६** फिरी मीं लाव, कि गबडे तैन सत मोहरन मरां अक खोल्ली; ते तैन चेवे प्रैणेन मरां एककेरी गुडनेरी ज्ञेरि आवाज शुनी कि, “एई।” २ ते मीं नजर की, ते अक छिलो घोडेए, ते तैसेरे सुवरोरे कां थनक थियू, ते तैस अक ताज दित्तू, ते तै ज्ञोती निस्सो कि होरि भी जीत हासिल केरे। ३ जैखन गबडे दुइयोवं मोहर खोल्ली, त मीं होरो प्राणी इन ज्ञोते शुनू कि, “एई।” ४ फिरी अक होरो घोडो निस्सो, जै लाल रंगेरो थियो; ते तैसेरे सुवरोरे ई अधिकार दितो, कि धेरतली पुडां मेल-मिलाप सल्ले, ताके लोक एककी होरि मारन; ते तैस अक बडी तलवार दिती। ५ ते जैखन गबडे ट्लेड्योवं मोहर खोल्ली, त मीं ट्लेड्योवं प्राणी इन ज्ञोते शुनू कि, “एई।” जैखन मीं तक्कू त अक कालो घोडो निस्सो; ६ ते मीं तैन चेवे प्रेणेन मरां मैनेरी ज्ञेरि ई गल ज्ञोते शुनी, कि दीनारो गेहुं, “ते दीनारे ट्लाई सेरे जौ, तेल, ते कने दाढोरी रसेरो नुकसान न केरथ।” ७ जैखन तैने चेवेरोवं मोहर खोल्ली, त मीं चेवेरोवं प्राणी इन ज्ञोते शुनू कि, “एई।” ८ ते मीं नजर की, ते हेरा, अक हेड्हलो घोडोए; तैसेरे सूवरोरु नवं मातै, ते पाताल तैस पत्ती-पत्तीए, ते तैन ई अधिकार मैल्लो कि धेरती पुड रानेबाले लोकन मरां हर चेवोरा मैनू मारन, कि तैना तैन तलवारी सेंड मारन, ते ढुलुखी सेंड मारन, ते बुरी चिमैरी सेंड मारन, ते तैन जंगली जानवरन सेंड भी मारन। (Hades g86) ९ जैखन गबडे पंचोवं मोहर खोल्ली, त मीं बलिदान केनेरी ठारी करां बुन आत्मा लेइ, जैना परमेश्वरे वचनरेरे वजाई सेंड, ते तैस गवाहेरी वजाई सेंड जै तैनेइ दितोरी थी, कि यीशु मसीही तैन केरो प्रभुए मारोरो थियो। १० ते तैनेइ बडे ज्ञोरे सेंड हक देहतां ज्ञोवं, “हे पवित्र, ते सच्चे प्रभु; तु केइस तगर इश्शो इन्सफ न केरेलो? ते धेरतलेरे रानेबालन सेंड इश्शे खूनेरो बल्लो केइस नेतो?” ११ ते तैन सेभन छिल्लां लिगडां दितां, ते तैन सेंड ज्ञोवं, कि थोडे चिवेरे लेइ आराम केरा, जांतगर तुशी संगी दास, ते विश्वासी साथी, जैना तुशी जेरे मारे गानेन, तैन केरि भी गिनिती पूरी न भोए। १२ जैखन गबडे शेइयोवं मोहर खोल्ली, त मीं हेहु, कि अक बडो भुजल अव; ते दिहडो कमलेरो ज्ञेरो भोव, ते वाँदीन पूरी खूनेरी जेरि भोइ। १३ ते अम्बरेरे ते थेरतली पुडां झडे जेन्नरे बडे तुफाने सेंड फँगेरे बुटे मरां कच्चे फल झाडतन। १४ ते अम्बर एस घिशकू, ज़न्नरे बरको पलेटोते ते हर अक पहाड़, ते टैपू, अपने-अपने ठारारां थिशकै। १५ ते धेरतलेरे राजे, प्रधान, सरादार, धनी ते समर्थी लोक, ते हर अक आज्जाद पहाडां केरे कुठन मां, ते शफङ्गन मां छप्पे। १६ ते पहाडन, ते शफङ्गन सेंड ज्ञोने लाए, “कि असन पुड झाडा; ते असन तैसेरे ऐशी सेंड जै तखते पुड बिशोरोए ते गबडू हर एककी सज्जा देले, ते कोई भी तैस झूल्लनेरे काबल नई।”

**७** इसेरां पत्ती मीं दुनियारे चेवे कूनन पुड ज्ञेव स्वर्गदूत खडे लाए। तैन स्वर्गदूत दुनियार्हा मां आफत फैलेइता नुकसान पुजानेरो लेड परमेश्वरे करां अधिकार हासिल कियोरो थियो, चाए धेरती पुड या समुन्द्रे पुड। तैनेइ

दुनियारे चेवे कूनन करां हवान ठेमतां रख्खी ताके धेरतली, या समुद्र, या कोन्वी बुटे पुड, हवां न चले। ते मीं अक होरो स्वर्गदूत पूर्वों इडतो लाव। तैस कां अक महार थी जै हमेशा ज्ञोती परमेश्वरे तरफा थी। तैने चेवे स्वर्गदूतन सेंड ज्ञोवं: ३ “जांतगर अस अपने परमेश्वरे दासां केरे कुपाए पुड मोहर न लाम तांतगर तैना आफतां तैन पुड न एजन, ते धेरतली, समुन्द्र ते कने बुतन नुकसान न पुजान।” ४ ते जैन पुड मोहर कीजेई, मीं तैन केरि गिनती शुनी, कि इसाएलेरी खानदानेरो गोट्लन मरां अक लख चुरतैली हजारन पुड मोहर कीजेई। ५ यहूदरे गोट्लन मरां १२ हजारन पुड मोहर लाई, र्लोनेरे गोत्रे मरां १२ हजारन पुड; गादरे गोत्रे मरां १२ हजारन पुड। ६ अशेरेरे गोट्लेरे मरां १२ हजारन पुड; नप्तालेरे गोत्रे मरां १२ हजारन पुड; मनश्वेरे गोत्रे मरां १२ हजारन पुड। ७ शमानेरे गोत्रे मरां १२ हजारन पुड; लेवेरे गोत्रे मरां १२ हजारन पुड; इस्साकारेरे गोत्रे मरां १२ हजारन पुड। ८ जबूलनेरे गोत्रे मरां १२ हजारन पुड; यूसुफेरे गोत्रे मरां १२ हजारन पुड, बिन्यामीनेरे गोत्रे मरां १२ हजारन पुड मोहर लाई जेई। ९ इसेरां पत्ती मीं मैन्हू केरि भी लाई जैस कोई गेनि न थियो बटतो। तैना हर कुले मरां, हर कौमी मरां, ते हर भाषाई मरां ओरे थिये। तैना तखतेरे ते गबडेरे सामने खडे थिये। तैनेइ छिल्लां लिगडां लोरी थियां, ते सैभैही अपने हथ्थन मा तैसेरे आदारारे निशानेरे रूपां मां खजुरीरी डैलडी विन्तां थिये। १० ते तैना लोक बडे ज्ञोरे सेंड ज्ञोती थिये, “मुक्तरे लेइ इश्शे परमेश्वरे जै तखतेरे पुड बिशोरोए, ते गबडैरु जयजयकार भोए।” ११ ते सारे स्वर्गदूत जैना तखतेरे चेवे पासन ते बुजुर्गा केरे चेवे पासन थिये ते चेवे प्रेणेइ तैनेइ मथ्यो टेको, ते परमेश्वरे कां मथ्यो टेकातां ज्ञोवं, १२ “आमीन, इश्शे परमेश्वरे स्तुति, ते महिमा, ते ज्ञान, ते शुक्र ते आदर, ते समर्थ, ते शक्ति हमेशा बानेरी राए। आमीन।” (aiōn g165) १३ इन गल्लन पुड बुजुर्गान मरां एककी मीं सेंड ज्ञोवं: “इना छिल्लां लेइतां कोन? ते कोट्टु ओरसैर?” १४ मीं तैस सेंड ज्ञोवं: “हे मालिक, तूए जानतस।” तैने मीं सेंड ज्ञोवं: “इना तैना आन, जैना तैस बडे मुसीबती मरां निसोरेन; तैनेइ अपना लिगडां गबडेरे खने सेंड धोइतां छिल्लां केरन, जेरोरो मतलब तैन केरे पाप दूर कियो।” १५ “एल्हेरेले इ तैना परमेश्वरे तखतेरे सामनेन, ते तैसेरे मन्दरे मां रात दिहाडी तैसेरी सेवा केरतन; ते जै तखतेरे पुड बिशोरोए, ते तैन मां रालो ते तैन केरि रक्षा केरेलो। १६ ते तैना फिरी ढलुख्खोरे ते ट्लिशोरे न भोले: ते तैना दिहाडे सेंड कोन्वी भी गेरमी सेंड न फुकोले। १७ किजोकि गबडू जैन तखतेरे मङ्गाए, तैन केरि रखवाली केरेलू ते तैन लोकन जिन्दगरे पैनी कां नेलू, ते परमेश्वर तैन केरे एछुछी केरां सब ऐंखु पुछेलो।”

**८** जैखन गबडे सतोवं मोहर खोल्ली, त स्वर्णे मां अध्ये घटे तगर खामोशी राई। २ मीं तैन सत स्वर्गदूत जैना परमेश्वरे सामने खडे रहतन, लाए, ते तैन सत नडशिंगे दिते जे। ३ फिरी अक होरो स्वर्गदूत सोन्ने धूपदान विन्तां अव, ते बलिदान केरेनेरी ठारी कां जेव; ते तैस बडो धूप दित्तो, कि सेभ्भी पवित्र लोकां केरि प्रार्थनान सेंड साथी तैस सोन्नेरे बलिदान केरेनेरी ठारी पुड जै तखतेरे सामने चाढे। ४ ते तैस धूपेरो तू परमेश्वरे लोकां केरि प्रार्थनान सेंड साथी स्वर्गदूत केरे जिरिये परमेश्वरे सामने पुजो। ५ तैखन स्वर्गदूत धूपदान नेइतां तैस मां बलिदान केरेनेरी ठारीरी अग भरी, ते धेरतली पुड छडी, ते गुडनेरी आवाज ते बिजली ते भुजल भोने लाए। ६ ते तैना सते स्वर्गदूत जैन कां सत नडशिंगे थिये, बजानेरो लेइ तिवार भोए। ७ घेले स्वर्गदूत नडशिंगो बजाव, ते खुने सेंड मिलोरी आण ते अग धेरतली पुड शारी; ते धेरतली ट्लेइन मरां अक हिस्सो फुकोई, ते बुट भी अक तीयाही फुकोए, ते सब नीलो घास भी फुकोव। ८ दुइयोवं स्वर्गदूत नडशिंगों बजाव, ते खुने सेंड फुकोतू समुन्द्रे मां शारू; ते समुन्द्र अक तीहाई खून भोव। ९ ते अक तीहाई जानवर जैना समुन्द्रे मां रहते थिये मेरि जे, ते समुन्दरेरों अक तीहाई जिहाजां तुगा भुआं। १० ट्लेइयोवं स्वर्गदूत नडशिंगो बजाव, ते अक बड्ही तारो जै दीयेरो जेरो बलतो थियो, स्वर्णे दलुरो, ते दरियां केरे एककी तीहाई पुड, ते पैन्न पुड पेव। ११ ते तैस तरेल नवं नागदैनाए, ते अक तीहाई पानी नागदैनारु जै लिंग भोव, ते बडे मैन्हू

तैस पैनेरे ट्लिठ भोने सेंड मेरि जे। 12 चेवरोवं स्वर्गदूते नड़शिनगो बजाव, ते दिहाड़ो अक तीहाई, ते चेंदनरी अक तीहाई ते तारां केरि एक्की तीहाई पुड़ हलचल पैर्ह, इडी तगर किं तैन केरो अक तीहाई हिस्सो आधरो भोव ते दिहेड़री एक्की तीहाई मां लौ न राई, ते तेन्नरे राती मां भी। 13 ज़ैखन मी हेल, त अम्बरे मझामई अक उकाब उडरते ते ज़ोरे सेंड इन ज़ोते शुन्, “कि तैन ट्लाई स्वर्गदूतां केरे नड़शिनगो आवाजारे बजाई सेंड ज़ैना बजाने हेजू बाकिन, धेरतली रानेबालन पुड़ अफसोस! अफसोस! अफसोस!”

**9** ज़ैखन पंजोंवं स्वर्गदूते नड़शिनगो बजाव, त मीं स्वर्गेरां धेरतली पुड़ अक तारो झाड़तो लाव, ते तैस अथाह कुण्डेरी चाबी दित्ती। (Abyssos g12) 2 तैने अथाह कुण्ड खोल्लू, ते कुण्डे मरां एक्की भेट्टारो ज़ोरे तु निस्सो, ते कुण्डेरे तूए सेंड दिहाड़ो ते अम्बर अंधर भोइ जेव। (Abyssos g12) 3 ते तैस तूए मरां धेरतली पुड़ टिट्टां निस्सां, ते तैन धेरतलरे बिच्चू केरि जेरि ताकत दित्ती जेई। 4 ते तैन सेंड ज़ोवं, कि न धेरतलरे घासे, न केन्ची नीलारे, न केन्ची बुटे नुकसान पुजान, सिफक तैन मैनैन् ज़ैन केरे कुपाए पुड़ परमेश्वरी मोहर नई। 5 ते तैन मासरेने लेइ नई, पन पंच महीन्न तगर लोकन दुख देनेरो अधिकार दितो, ते तैन केरो दुख एरो थियो, ज़ेन्नरे बिच्चू केरे डस मारने सेंड मैनन भोते। 6 तैन पंच महीन्न मां मैन्हु मस्तु चाएरे, पन तैना न मेरि बटेले। तैना मररेनी इच्छा रखेले पन तैना को-ची भी तरीके सेंड मैनरी बत न मैलेली। 7 तैना टिट्टां जंग केरनेरे लेइ नई, पन पंच महीन्न तगर लोकन दुख देनेरो अधिकार दितो, ते तैन केरो दुख एरो थियो, ज़ेन्नरे बिच्चू केरे डस मारने सेंड मैनन भोते। 8 ते तैन केरे बाल कुआन्शा केरो ज़ेरे लम्पे थियो, ते तैन केरे दंत शेरां केरो ज़ेरे मज़बूत थियो। 9 ते तैने लोहीरी ज़ेरि झिलाम लोरी थी, ते तैन केरे फंगा केरि आवाज़ एरी थी ज़ेन्नरे रथां केरि ते लड़ई मां दौड़ते बड़े घोड़ां केरि। 10 तैन केरां पूछड़ां बिच्चू केरां ज़ेरां थियां, ते तैन मां डस थियो, ते तैन पंच महीन्न तगर मैनैन दुख पुजानेरी ताकत थी, तै ताकत तैन केरे पूछड़न मां थी। 11 अथाह कुण्डेरो दूत तैन पुड़ राजो थियो, तैसेस नवं इड्वानी भाषाई मां अबद्देन, ते यूनानी भाषाई मां अपुल्लहोने, ज़ेसेरो मतलब नाश केरेबालां। (Abyssos g12) 12 पंच महिना बाब ऐड्ली आफत बीती जेई, ते इट्टां पत्ती दूई बल्के दूई करां जादे आफतां एजने बैलिन। 13 ज़ैखन शेड्योवं स्वर्गदूते नड़शिनगो बजाव ते ज़ै सोन्नेरे बलिदान केरनेरी भार परमेश्वरे सामने, तैसेरे चेवे कूनन मरां मां एरी आवाज़ शुनी। 14 ज़ेन्नरे कोई शेड्योवं स्वर्गदूत सेंड ज़ैने लोरोए ज़ैस कां नड़शिनगो थियो, “कि तैन चेवे दूत ज़ैना बडे दरियाए फरते कां बन्दोरोए, तैन खोल्ला।” 15 तैखन तैना चेवे दूत खोल्ले, तैना पेइले तियार भोरे थिये, ते इस घेड़ी, ते दिहाड़े, ते महीने, ते सालेरे लेइ तैन बलगनेरे लेइ ज़ोरु थियूं ते हुनी ई वक्त अव, कि तैना दुनियारे लोकन मरां अक तीहाई लोक मारन। 16 ते तैन केरे फौजिरी गिनती ची कोरोड़ थी ज़ैना घोड़न पुड़ सुवार थिये, मीं तैन केरि गिनती शुनी। 17 ते मीं इस दशनि मां घोड़े ते तैन केरे एरे सुवार लेइहोए, ज़ैन केरि झिलालमां अगरे ज़ेरि लाल, ते नीले ते हेड़ले रंगेरे ज़ेरी थी, ते तैन घोड़ां केरि क्रोडी शेरां केरे क्रोडी केरि जेरि थी, ते तैन केरे एशेरां अग ते तू ते गन्धक निसती थी। 18 इन ट्लाई आफतन सेंड ज़ैना इना आन, अग, तू, ते कने गन्धक, जै तैन घोड़ां केरि एशी मरां निसती थी; तैन सेंड अक तीहाई लोक मेरि जे। 19 तैन घोड़ां केरि ताकत तैन केरे एशी, ते कने तैन केरे पूछड़न मां थी, किजोकि तैन केरा पूछड़ां सपां केरां जेरां थियां, ते तैन केरे पूछड़ां केरि क्रोडी भी थी, ते तैन सेंड तैना दुख भी पुजाते थिये। 20 ते होंगे मैन्हु ज़ैना तैन आफतन सेंड न थी मरे, ते तैनेर्ह मूरती केरि पुजा केरनि न शारी, ज़ैना तैनेर्ह सोन्ने, पितल, ते कने घोड़, लेकड़े बनें। तैना मूरती न लहन, न शुन्, न चैलि बटन, ते तैनेर्ह भूत केरि आराधना केरनि भी न शारी। 21 ते तैनेर्ह, खून, टूनो, बदमाशी, ते कने चोरी केरने करां मन न फिराव।

**10** फिरी मीं अक होरे ताकतबर स्वर्गदूत बिदलार पलेटां स्वर्गेरां ऐटो लाव, तैसेरे दोगे पुड़ भुज्जल्लैठ थी, ते तैसेरे आशी दिहाड़े ज़ेरु ते

तैसेरे पाव अगारे खम्मबेरे जेरे थिये। 2 तैने अपनो देहने पाव समुन्द्रे पुड़ रख्खो, ते खिशडो धेरतली पुड़ रख्खो, ते तैसेरे हथथे मां अक निकडी किताब खोलोरी थी। 3 तैनी स्वर्गदूत बडे ज़ोरे सेंड ज़ोवं, तैसेरी आवाज़ शेरेरे गजनेरी जेरि थी। ते ज़ैखन तैने ज़ोरे सेंड चिन्ड मारी, त सत आवाज़ेर्ह जुवाब दितो, ज़ैन केरि आवाज़ गुडनेरी जेरि थी। 4 ते ज़ैखन मीं सतेरे गुडनेरी आवाज़ शुनी, “कि ज़ैना गल्लां तीं गुडनेरी जेरि शुनोरिन, तैन हेपोरी रख, ते तैन न लिखा।” 5 ते जै स्वर्गदूत मीं समुन्द्र ते धेरतली पुड़ खड़ो लोरो थियो; तैने अपनो देहने हथ स्वर्गेर पासे खड़ा कियो। 6 ते जै हमेशा जांतोए ते ज़ैने स्वर्ग, धरती त कने समुन्द्र ते जैन किल्ह तैन मां बनोहए, तैनी तैसेरी कसम खेडतां ज़ोवं, “हुनी होरि कोन्ची चीज़रो इंतजार नई। हुनी सब पूरे कियूं गालू।” (aion g165) 7 बल्के ज़ैखन सतोवं स्वर्गदूत नड़शिनगो बजालो, त परमेश्वरेरो तै मकसद पूरो भोतो ज़ै तैसेरे नेबेई ज़ोरोए, ज़ैनेर्ह तैसेरी सेवा की, पन तैने होरि लोकन तैसेरो पतो लगाने न दितो। 8 मीं फिरी दुवारां स्वर्गेरां तैए आवाज़ शुनी। तैस आवाजां मीं सेंड ज़ोवं, तैए फिरी मीं सेंड गल्लां केरने लाव; “कि गा, जै स्वर्गदूत समुन्द्र ते धेरतली पुड़ खडोए, तैसेरे हथथे मरां खुलोरी किताब नै।” 9 ते मीं स्वर्गदूत कां गेडतां ज़ोवं, “ई निकडी किताब मीं दै।” तैने मीं सेंड ज़ोवं, “यां इस खा, ते इ तेरे पेटे ट्लाईट्टी त केरेली, पन तेरे ऐसी मैची करा भी जादे मिट्टी लगेली।” 10 ते मीं तै निकडी किताब तैस स्वर्गदूत करां नेइतां खाइ, तै मेरे ऐशी मां मैछैरी जेरि मिट्टी लगग, पन ज़ैखन मीं तै खाइ, ते तैस सेंड मेरे पेट ट्लिठु भोवं। 11 तैखन मीं सेंड इन ज़ोवं, “तीं बडे लोकन, कौमन, भाषान, ते कने राजन पुड़, फिरी दुवारां भविष्यवाणी केरनि भोली।”

**11** फिरी मीं नापनेरे लेइ अक निराठी दिती, ते तैने मीं सेंड ज़ोवं, “उठ परमेश्वरे मन्दरे ते बलिदान केरनेरी ठार नाप, ते ज़ैना लोक तैड़ी मेरी आराधना केरने लोरेन तैन गन। 2 पन मन्दरेरे बैरेयों अंगन न नाप, किजोकि एन तैन लोकां केरे लेइ आए ज़ैना मीं पुड़ विश्वास न केरन, ते तैना तैस पवित्र नगर यस्शलेमे 42 महीन्न तगर तुवा केरेले। 3 तैस वक्ते अव अपने दुखे गवाहन ई अधिकार देइलो, तैना टाटा यानी मातमेरां लिंगां लेइतां 1260 दिहाड़न तगर मेरे सन्देशेश एलान केरन।” 4 तैना दूई गवाह, ज़ैन केरे बरे मां बडे पेइले केरने जैतूनेरे दूई बुट ते दूई दीवाट केरि मिसाल दितोरी भी ज़ैना परमेश्वरे सामने रहतन जै धेरतरे लोकां केरो प्रभुए। 5 ते अगर कोई तैन नुकसान पुजानो चाए, तै तैन केरे ऐसी मरां अग निस्तां तैन केरे दुश्मन भस्म केरतीए, ते अगर कोई तैन नुकसान पुजानो चाए, तै ज़रूर तै इस्से तरीके सेंड मारे गालो। 6 परमेश्वरे तैन अधिकार दितोरो, कि तैना सन्देश एलान केरेरे दौरान अम्बर बंद केरन (यानी इडी रोकन)। तैन ई भी अधिकार मैल्लो पानी खूनेरे ज़ेरु लाल बनान, ते इन भी कि ज़ैखन तैन चान धेरतली पुड़ हर किसमेरी आफत एणी बटन। 7 ते ज़ैखन तैना दूई गवाह, परमेश्वरे सन्देशेश एलान केरतां इडालो, त तै ए हैवान जै अथाह कुण्डे मरां निसेलो, तैन सेंड लेइतां तैन करां ज़ीतोलो ते तैन मारेलो। (Abyssos g12) 8 ते तैन केरि लाशां तैस माहान नगर यस्शलेमे सडकी मां राली ज़ैडी तैन केरो प्रभु कूक्स पुड़ चाढोरो थियो, ज़ेसेरी तुलना सदोम नगर ते कने मिसे मूल्ये सेंड कियोरीए। 9 ते सब लोकन, कुलन, भाषान ते कने कौमन मरां लोक तैन गवाहां केरि लाशां सडे ट्लाई दिहाड़न तगर हेरेते राले। 10 ते धेरतलरे रानेबाले, तैन केरे मारने सेंड खुश ते मधन भोले, ते तैन केरे हेरेने बालन बडे डेरेले। 11 ते सडे ट्लाई दिहाड़ना पराई परमेश्वरे तरफां ज़िन्दगरी सांस तैन मां आई, ते तैना खडे भोए, ते ज़ैनेर्ह तैना दुबारां ज़ीते लाए तैन केरे खडे डेरि जे। 12 एसें बाद, तैन दूई मैन्हु स्वर्गेरां अक ज़ोनेबालो उच्ची आवाज़ी मां जोते शुनो, “कि इडी बा एजाजा!” ज़ैखन तैन केरे दुश्मन हेरेरे लोरे थिये तैना तैने केरे सामने विदलारी पलेटां स्वर्गे मांजो ज़ले जे। 13 फिरी तैसेरे वक्ते यस्शलेम नगरे मां अक बड़ो भुज्जल अव, ते नगरेरे इमारतां केरो दोशों विहारी आवाज़ी ज़ले जे। 14 फिरी तैसेरे वक्ते यस्शलेम भूज्जले सेंड 7000 मरे, ते होरे ज़ैना बज़ोरे थिये तैना बडे डरे, ते

तैनेई स्वर्गे परमेश्वरी बड़ीयाई की। 14 दुइयोवं आफत बीती जेई, हेरा, ट्लेइयोवं आफत एजने बालीए। 15 ज़ैखन सतोवं स्वर्गदूते नड़िशनो बज़वं, त मीं स्वर्ग मां बड़ी ज़ेरे सेई आवाज़ शुनी, “हुनी इस दुनियाई मां कोई राज़ केरनेबालो नई सिर्फ इश्शो प्रभु-परमेश्वर ते तैसेरो बुनोरो मसीह, ते तै हमेशारे लेई राज़ केरेलो।” (aiōn g165) 16 ते चोक्ही बुजुर्ग ज़ैना परमेश्वरे सामने अपने-अपने तखते पुड़ विश्शोरे थियो, परमेश्वर कां मथो टेकां, 17 इन ज़ोने लाएः “हे सर्वशक्तिमान प्रभु-परमेश्वर, तू जै आस, ते जै थियो, अस तेरु शुक केरतम, कि तीं हुन्ना महान शक्ति हिराई, ते तीं थेरती पुड़ राज़ केरनू शुरु कियोलु। 18 हारि कौमां केरे लोकेई तीं पुड़ क्रोध कियो, ते तेरो प्रकोप अव, ते तै वक्त औरोए कि मर्य केरो इन्साफ कियो गाए, ते ई वक्त भी आए, कि तेरे दास नेबन ते सारे लोकन ज़ैना तेरे आदर केरतन ज़ैना कमज़ोरन ते ज़ैना ताकतबरन तैन तू इनाम देस, ते तैससे वक्त तैन नाश केरस ज़ैना धेरतेर नाश भोरेरी वजा थियो।” 19 परमेश्वरू ज़ैन मन्दर स्वर्गे मांए, तैन खोल्लू ते तैसेरे मदरे कां कोरोरो सन्दूख लेहोव, ते बिजली ते आवाज़ ते गुदने ते भुंजल आए, ते बड़ी-बड़ी आण पईं।

**12** ज़ैखन तैन बीती जेव, त फिरी अम्बरे मां अक बड़ो आजीब निशान लेइहोव। मतलब अक कुआन्श जै बाँदीनी पुड़ खड़ी आए ते तैसां ज़ैना लिगांड़ा लोरन तैन दिहाड़ेर जेरां लेइहोतन। ते तैसेरे अपने दोगे पुड़ ताज लोरु थियूं जैस पुड़ 12 तारे थियो। 2 ते दोर्जिंती भोइ, ते चिन्दां मारती थी; किजोकि तैस बच्चो ज़ानेरी तकलीफ थी। 3 ते अक होरो निशान अम्बरे मां लेइहोव, ते हेरा; अक बड़ी लाल अजगर (यानी शेतान) थियो, तैसेरी सत क्रोड़ी ते दश शिनाँ थियो, ते तैसेरे दोगन पुड़ सत ताजो थियो। 4 ते तैसेरे पूछड़ां अम्बरेरे तारां केरि अक तीहाई ज़मीनी पुड़ आनी, ते तै अजगर तैस कुआन्शरे सामने खड़ी भोव जै दोर्जिंती थी, कि ज़ैखन तै बच्चो ज़ाए त तै बच्चे तैस खाए। 5 तैखन तैस कुआन्शा मट्टु ज़ांक, तैन अजगरे न खेड़ बटु किजोकि तैन अकदम परमेश्वर ते तैसेरे तखते कां आनू जेव। तैन मट्टु सारी कौमन पुड़ लोंडेरे डण्डे सेई राज़ केरेलु। 6 ते ई कुआन्श ज़ंगले जै नशी, जैडी परमेश्वरेरे तरफ तैसेरेले अक ठार तियार कोयोरी थी, कि तैडी 1260 दिहाड़न तगर तैसेरी हेरोगश की गाए। 7 फिरी स्वर्गे पुड़ लड़ाई भोइ, मीकाईल ते तैसेरे स्वर्गदूत अजगरे सेई लडने लेई निस्से, ते अजगर ते तैसेरे दूतन सेई लडे। 8 अजगरे लडाई हारी, ते फिरी तैन स्वर्गे मां न रेड बटे। 9 एल्हेरेले तै तैसेरे दूत थेरती पुड़ शारे, तैपै बहु अजगर, ई तैए जै बड़े पेइले सपेरे रुपे मां बांदा भोरो थियो, जैसेस नवं शैतान या दोष लानेबालो। तैए आए जै दुनियारे लोकन थोखे देने लोरोए। 10 फिरी मीं स्वर्गों ई बड़ी आवाज़ एइती शुनी, “कि हुनी परमेश्वर अपने लोकन बचालो! हुनी तै अपनि शक्ति इस्तेमाल केरेलो ते राजेल ज़ेरु राज़ केरेलो! हुनी तैसेरी मसीह दुनियाई पुड़ अधिकार रखेलो!” किजोकि हुनी शैतान इश्शे परमेश्वरे हजूरी मां खड़ो न रेड बटेले कि इश्शे साथी सेवकन पुड़ रात दिहाड़ी दोष लाए। तै स्वर्गे मरां शारो जोरोए। 11 ते तैनेई गबड़ेरे खुनेरे वजाई सेई ते अपने गवाहेरे वचरेरे वर्जाई सेई, तैस पुड़ जैती हासिल की, ते तैनेई अपने प्राण ट्लारे न समझो, इडी तगर की मौतरी भी परवाह न की। 12 ‘एल्हेरेले दु तैस सब ज़ैना इडी स्वर्गे मां रहने बालेथ खुश भोथ। पन वे थेरतली ते कने समुन्द्रे मां लानेबालव तुसन पुड़ अफ्रोसो! किजोकि शैतान बड़े क्रोध सेई तैसन कां एजनेबालो, किजोकि तै ज़ानते कि तैसेरो आखरी वक्त एजनेबालो।” 13 ते ज़ैखन अजगरे समझूं कि अवं ज़मीनी पुड़ जो शरोरो, त तैस कुआन्शी पत्ती दौड़ो ज़ैसां मट्टु ज़ावरु थियूं। 14 पन परमेश्वरे तैस कुआन्शी उकाबेरा दूर्ह बड़ां फंगा दिँतों, कि अजगरे करां उडरतां जंगले मां तैस ठेरी पुज़े, जैडी सड़े ट्लाई सालन तगर तैसेरी हेरोगश भोरी थी, ताके तैडी अजगर न पुज़ी बटे। 15 फिरी अजगरे तैस कुआन्शी पत्ती अपने ऐशी सेई दिरियां ज़ेरु रापानी शारु, कि तैस इस दिरियां एसे ई रुडाए। 16 तैस कुआन्शरी मदह केरनेरे लेई ज़मीना तैन पानी पियूं जैन तैस अजगरेरे ऐशी मरां निसोरु थियूं। 17 ते अजगर कुआन्शी जो सेरकोव। एल्हेरेले तैने कुआन्शरे औलादी सेई लड़ाई

केरनेरु एलान कियूं। तैना लोक ज़ैन परमेश्वरे हुक्मन मन्तन, ते यीशुएरी दित्तोरी शिक्षाई पुड़ चलतन।

**13** तैखन अजगर जेव, ते समुन्द्रेरे बने पुड़ खड़ो भोव। मीं अक हैवान

समुन्द्रे मरां निसतो लाव, तैसेरां दश शिनाँ ते सत क्रोड़ी थी; तैने शिनान पुड़ दश राजमुकट ते तैसेरे दोगन पुड़ परमेश्वरी तुहीनरां नंव्यां लियोरां थियो। 2 जै मीं हैवान लाव, तै इलाधेरो ज़ेरो थियो; ते तैसेरे पाव इधेरे पावां केरे जेरे थियो; ते तैसेरु आजी शेरे एशेश ज़ेरु थियूं ते अजगरे तैस हैवाने अपनि शक्ति दिती ते राज़ केरनेरे लेई तैस अधिकार दितो। 3 मीं तैस हैवानेरे करोड़न मरां एककी पुड़ अक एरो ज़खम लाव, ज़ेन्वरे तै मरने पुड़े, किरी तैसेरो मानेबालो ज़खम रोड़ो भोव, ते सारे थेरतलरे लोक हैरान भोए, ते तैस हैवाने पत्ती चलने लगे। 4 ते तैन सेब्बी लोकेई तैस अजगरेरी पूजा की, किजोकि तैने हैवाने अपनो अधिकार दितोरो थियो। ते इन ज़ोइतां कि, “इस हैवानेरो ज़ेरो कौनै? हैवाने सेईं कौनै लेई बढ़तो?” 5 परमेश्वरे तैस हैवाने अज्ञाजत दितोरी थी कि अपने अधिकारे पुड़ धमण्ड केरे ते एन्वरे परमेश्वरी तुहीन केरे। परमेश्वरे तैस 42 महीन तगर ई अधिकार रखनेरे लेई अज्ञाजत दिती। 6 तै हैवान परमेश्वरी तुहीन केरने लगो, कि तैसेरे नंव्येरे खलाफ, ते जैडी परमेश्वर रहते ते स्वर्गे मां रानेबाले सेब्बी लोकां केरे खलाफ तुहीन केरने लगो। 7 परमेश्वरे तैस हैवाने अज्ञाजत दितोरी थी, कि परमेश्वरेरे लोकन सेई लडे, ते तैन करां ज़ीते, ते तैस हर कुले, सारे लोकन, भाषान, त कने कौमन पुड़ अधिकार दितो जेव। 8 ते थेरती पुड़ रानेबाले सेब्बी लोकेई तैसेरी पूजा की। सिर्फ तैनेई न की जैन करां नंव्यां ज़िन्दरो किताबी मां दुनिया बनाने करां पेइले लिखोरां थियां। तै किताब गबड़ेरी जिन्दगरी किताबे जैन बलिदानेरे लेई मारु ज़ोव। 9 जै समझनू चाते ते थ्याने सेईं शुने। 10 ज़ैना कैद भोनेन, तैना कैद भोले, जैना तलवारी सेईं मरेलो, ज़स्तीरी तैना तलवारी सेईं मरेलो, परमेश्वरेरे लोकां केरि सबर ते विश्वास इस्से मांए। 11 किरी मीं अक होरो हैवान थेरतली पुड़ा निसतो लाव, तैस गबड़ेरे जेरों दूर्ह शिनाँ थियो, पन ज़ैखन तैने ज़ोवं त तैसेरी आवाज़ अजगरेरे जेरी थी। 12 ई दुइयोवं हैवान पेइले हैवानेरो सारो अधिकार इस्तेमाल केरेतो। दुइयोवं हैवाने थेरती ते तैस पुड़ रानेबालन करां पेइले हैवानेरी पूजा कराते जैसेरो मानेबालो ज़खम ठीक भोरो थियो। 13 दुइयोवं हैवान बड़े-बड़े निशान हिरातो थियो, इडी तगर कि मैन्हु केरे सामने अम्बरेरों ज़मीनी पुड़ अग भेज़तो थियो। 14 दुइयोवं हैवाने परमेश्वरेरे अज्ञाजत दिती कि तै पेइले हैवानेरी मूरी बनाए ते तै जीतोए, ताके तैस हैवानेरो मूरी रागल्ला केरि बटे ते ज़ैना तैस हैवानेरी पूजा न करने तैना मारे गान। 16 दुइयोवं हैवाने सारे लोकन सेईं ज़बरदस्ती की, जैना खास आन ते जैना खास नई, अमीर, गरीब, आजाद, गुलाम आन, कि तैना पेइले हैवानेरे नंव्येरो मूरी गल्ला केरि बटे ते ज़ैना तैस हैवानेरी पूजा न करने तैना मारे गान। 16 दुइयोवं हैवाने सारे लोकन सेईं ज़बरदस्ती की, जैना खास आन ते जैना खास नई, अमीर, गरीब, आजाद, गुलाम आन, कि तैना पेइले हैवानेरे नंव्येरो मूरी गल्ला केरि बटे ते ज़ैना तैस हैवानेरी पूजा न करने तैना मारे गान। 17 जैस पुड़ छाप मतलब तैस हैवानेस नंव्या तैसेरी नंव्येरो अंक भोए, त तैसेरे अलावा होरो कोई लेन देन न केरि सके। 18 इस समझनेरे लेई अकल ज़स्तीरी। जैस अक्तर भोए, तै इस हैवानेरो अंक जमा केरे, किजोकि तै मैनेरो अंके, तै तैसेरो अंक 666 आए।

**14** एसेरे बाद, मीं किछ लाऊं, मीं गबड़ु सिल्योन पहाड़े पुड़ खड़ो लाऊं। ते

कने तैसेरे बाजेरु नवं लिखोरु थियूं। 2 ते स्वर्गों एरी आवाज़ शुनीरु, जै बड़े धैनेरो ते बड़े गुड़नेरी ज़ेरो आवाज़ थी, ते जै आवाज़ मीं शुनीं; ते एरी थी ज़ेन्वरे कोई सारंगी बाज़ाने बालो सारंगी बज़ाने लोरोए। 3 144000 लोक तखतेरे सामने, ते प्राणी ते कने बुजुर्गां केरे सामने खड़े थिये, तैना अक नंव्या गीत ज़ोने लोरे थिये, तैना गीत सिर्फ तैन लोकेई शिखोरु थियूं। तैना लोक इना आन जैना सिर्फ इस दुनियाई मां रानेबाले लोकन मरां परमेश्वरे छुटोरे थिये। 4 इना तैना लोक आन, जैना कुआन्शरी जो सेरकोव। एल्हेरेले तैने कुआन्शरे औलादी सेईं लड़ाई

कुवारन, इना तैना आन, ज़ेरा भी गबड़ू गाते तैना भी तैस पत्ती वृलतन, इना त परमेशरे लेइ पेइले फल भोनेरे लेइ मैनून् मरा धिने जोरेन। 5 तैनेई कथी झूठ नई ज़ोर, ते तैना बैड़लजामन। 6 फिरी मीं अक होरो स्वर्गदूत अम्बरे मज़ामई उडरतो लाव ज़ैस कां धेरतली पुड़ रानेबालां केरि हर अक कौम, कुल, ते कने भाषारे लोकन शुनानेरे लेइ हमेशारी खुशबूरी थी ज़ी कथे न बेदलोए। (aiōnios g166) 7 तैने बड़े ज़ोरे सेइं ज़ोर, “परमेशरि करां डरा; ते तैसेरी बड़याई केरा; किजोकि तैसेरो इन्साफ केरनेरो कवु पुजोरोए, ते तैसेरी आराधना केरा, जैने स्वर्ग, धरती, समुद्र, पैनेरो नाग बनेरेन।” 8 फिरी तैसेरा पत्ती अक होरो स्वर्गदूत इन ज़ोतो अव, “कि झ़ाड़ू, तैन बाबेल नगर झ़ाड़ू, तैन सारे कौमन अपनि शराबी पियाई, ज़ेसेरो मतलब ई आए कि तैने सैरी लोकन मूरती केरि पूजा केरनि शिखाली।” 9 फिरी एसेरा पत्ती अक होरो स्वर्गदूत बड़े आवाज़ी सेइं इन ज़ोतो अव, कि ज़ै कोई इस हैवाने ते तैसेरी मूरतरी पूजा केरे, ते अपने कुपाए या अपने हथे पुड़ तैसेरी छाप लाए। 10 परमेशर तैन टूलिठी शराबी पियालो जैस मां पानी न भोए मिलावरु ज़ेसेरो मतलब परमेशरे तैन सेइं बड़ो क्रोधे मां आए ते तैन पुड़ दया न केरेलो, तैना लोक अग ते गन्धकेरे दुखे मां छडे गाले, ज़ैखन परमेशर तैन सजा देतो भोलो त पवित्र स्वर्गदूत गबड़ू लालू। 11 ते तैन केरे दुखेरो तू सदा उठोतो रालो, ते ज़ैना तैस हैवाने ते तैसेरे मूरतरी पूजा केरेले, ते ज़ैना तैसेरे नंवरी छाप नेतन, तैन रात दिहाड़ी चैन न मैलैलो।” (aiōn g165) 12 एहरेरेल अपनेरे लोका केरे लेइ ज़रुरी आए कि ज़ैना भी दुख तैन पुड़ एज्जन तैन सबरी सेइं झ़ैल्लन, परमेशर जैन केरनेरो हुकम तैन दे तैनेई तैन कियोरु लोडे, ते तैनेई यीशु पुड़ विश्वास केरनो न लोडे शारोरो। 13 मीं स्वर्गरो ई आवाज़ शुनी, “लिख, जैना मुड़दे प्रभु मां मरतन, तैन धन आन।” पवित्र आत्मा पक्कू केरते, “ते ज़ोरे, तैन सच्चे। हाँ किजोकि तैना अपने मेहनती करां आराम हासिल केरेल, ते ज़ैन तैनेई कियूं तैसेरे बदले तैन इनाम मैलैलू।” 14 फिरी मीं अक छिती बिदलार लाई, ते तैस बिदलारी पुड़ मैनेरू ज़ेरो कोई बिशरोरो लाव, तैसेरे दोगे पुड़ सोन्नरू ताज ते हथे मां तिखी ड्लातीए। 15 फिरी अक होरो स्वर्गदूत मन्दरे मरां निस्ता, तैने जै बिदलारी पुड़ बिशरोरो थियो, तैस बड़े ज़ोरे सेइं ज़ोर, “कि अपनि ड्लाती चाल किजोकि कटनेरो वक्त ओरोए।” 16 ते जै बिदलारी पुड़ बिशरोरो थियो, तैने धेरतली पुड़ अपनि ड्लाती लाई, ते धेरतलरी फसल केरोई। 17 फिरी अक होरो स्वर्गदूत तैस मन्दरे मरा निस्सो, जै स्वर्ग मांए, ते तैस कां भी तिखी ड्लाती थी। 18 फिरी एक्की होरे स्वर्गदूत ज़ैस अग्नी पुड़ अधिकार थियो, बलिदान केरनेरी ठारी मरां निस्सो, ते जैस कां तिखी ड्लाती थी, तैस सेइं ज़ोरे सेइं ज़ोर; “अपने तिखे ड्लाती लेइतां धेरतलरी दाढ़ कटी; किजोकि तैसेरी दाढ़ पकोरोए।” 19 ते तैन स्वर्गदूत धेरतली पुड़ अपनि ड्लाती रख्खी, ते धेरतलरे दाढ़ेरो फल केटां, अपने परमेशरे परकोपेरे बड़े रसेरे कुण्ड मां छडी। 20 ते नगरेरे बेदूर तैस रसेरे कुण्ड मां दाढ़ ढ्लेन्जी, ते रस कुण्ड मरां एत्रो खून निस्सो कि घोड़ा केरे लगामी तगर पुजो, ते 100 कोसे तगर रुड़ो।

**15** फिरी मीं स्वर्गे मां अक बड़ो ते आजीब निशान लाव, मतलब सत पुड़ परमेशरेरो क्रोध मुकेलो। 2 तैखन मीं समुन्द्रे ज़ेरु किछ लाव जैन शीरेह ज़ेरु चमकतू थियूं ते अग भी तैस मां मिलोरी थी। मीं तैना लोक भी लाए जैना हैवाने न थिये हैरेई बटोरो, तैन लोकेई हैवान ते तैसेरे मूरतरी पूजा न थी कियोरी। ते तैन पुड़ तैस हैवानेरे नंवरे अंकेरी महोर न थी लोरोरी। तैना तैस शीरेहेरे समुन्दरेरे बन्ने पुड़ ते सारंगी धिन्तां खड़े भोए जै परमेशरे तैन दितोरी थी। 3 तैना परमेशरेरे दास मूरूर गीत, ते गबड़ूरु गीत ज़ोतो थी, “हे सर्वशक्तिमान प्रभु-परमेशर, जैना कमां ती किया तैना बड़ा महान ते आजीब आन, तू सेभी कौमां केरो राजोस, तैन सब जैन तीं कियूं तैन सही ते धर्मी आए।” 4 “हे प्रभु, सेभी लोकेई तेरी आदर की, ते तैना सारे ते नंवरी इज़ज़त केरतन, किजोकि तूए सिर्फ पवित्रस। सैरी कौमां केरे लोक हर राज़न मरां तीं कां एज्जेले, तैना तेरी आराधना केरेले किजोकि तेरे धर्मी

कम्मां बड़ां मशूर आन।” 5 ज़ैखन तैन लोकेई गीत ज़ोताई खतम कियां, त मीं स्वर्गे मां मन्दर खोलोरु लाव। तैन एरु थियूं ज़ेन्नरे तेम्बु। 6 ते तैना सत स्वर्गदूत जैन कां सत आखरी अफतां थी, तैना तैस मन्दरे मरा निस्सो। तैनेई छित्तां चमकतां लिगड़ां लोरा थियां ते तैनेई अपने छेत्री पुड़ सोन्नेरी पेटी बेच्योरी थी। 7 ते तैन च्वेत्रे प्रैणन मरां एक्के सते स्वर्गदूतन हमेशा ज़ीते रानेबाले परमेशरे प्रकोपे सेइं भरोरे सत सोन्नेरे कटोरे दितो। (aiōn g165) 8 ते परमेशरेरो महिमा, ते तैसेरे शेत्रे बजाई सेइं मन्दर तूए सेइं भरोई जेव, ते ज़ां तगर तैन सत्ते स्वर्गदूतेई सते आफतां खतम की, तातगर कोई मन्दरे मां न गेइ बटो।

**16** तैदूं पती मीं मन्दरे मां कोई ज़ोरे सेइं तैन सत स्वर्गदूतन सेइं ज़ोतो शुनो कि, “गाथ, परमेशरेरो सजां सते कटोरे दुनियारे लोकन पुड़ उलाथा।” 2 ते पेइले गेडां अपनो कटोरे धेरतली पुड़ उलटव। ते तैन मैन्हु केरे जैन पुड़ हैवानेरी छाप थी, ते जैना लोकेई तैसेरी मूरतरी पूजा केरते थी, एक्की किसमेरे बुरे ते दुख देनेबालो फोड़े निस्सो। 3 ते दुख्योरे अपनो कटोरो समुद्रे पुड़ उलटव, ते तै मुदाङो केरे खूनेरो जेरो बोने, ते समुन्दरेरे सारे जानदार मरो। 4 ते दलेइयोरे स्वर्गदूते अपनो कटोरो दरियान ते पैनेरो नागन पुड़ उलटव, ते सारु पानी खून बन्नू। 5 ते जैस स्वर्गांदूते पैनी पुड़ अधिकारे मीं तै परमेशरे सेइं इन ज़ोत शुनो कि, “हे पवित्र परमेशर, तू जै आस, ते हमेशा करां थियो, तीं कां एन्नरे इन्साफ केरनेरु हक्क।” 6 किजोकि तैनेई तेरे लोक ते तेरे नवी मारे ते तैन केरो खून बोरोरो थियो, एल्लेरेल तीं हुना तैन खून पीने जो दितो। इन इनामेरे रुपे मां तैन केरे लेइ ठोक आए।” 7 फिरी मीं बलिदान केरनेरी ठारी मरा ई आवाज़ शुनी कि, “हाँ सर्वशक्तिमान प्रभु-परमेशर, तेरो इन्साफ सही ते कने सज्जो आए।” 8 ते च्वेत्रोरे वर्गांदूते अपनो कटोरो दिहाड़े पुड़ उलटव, ते दिहाड़े जादे गर्म भोनेरी अज़ाज़त दिती कि तैस सेइं लोक फुकोन। 9 ते लोक तैस बड़े सेके सेइं फुकोए, ते तैना लोक परमेशरेरी तुहीन केरने लाए, किजोकि तैए आए जैस कां सैरी अफतन पुड़ अधिकारे। फिरी भी तैन लोकेई अपने पापन करां मन न कियाव, ते फिरी भी तैनेई परमेशरेरो महिमारो इकरार न कियो। 10 ते पंचोरे वर्गांदूते अपनो कटोरो तैस हैवानेरे तत्खेते पुड़ उलटव ते तैसेरे सारे राज़जे मां अंधर भोव। ते लोक दुखे सेइं मारे ते अपनि-अपनि ज़िभ ज्वापने लाए। 11 ते अपने दुखे ते फोड़ां केरे वजाई सेइं स्वर्गरे परमेशरेरी तुहीन की; ते अपने-अपने कम्मन करां मन न कियाव। 12 शेइयोरे वर्गांदूते अपनो कटोरो बडे दरिया फरारे पुड़ उलटव ते तैसेरु तत्खेते पुड़ उलटव ते धेरतलरी दाढ़ कटी। 13 एसेरा पती मीं दलाई भूतां मैन्हु केरे रुपे मां लाए। अक अजगरेरे ऐशी मरा निस्सू, ते अक पेइले हैवानेरे ऐशी मरा निस्सू, ते अक दुइयोरे ऐशी मरा निस्सू, जै जा झ़ूठी सन्देश ज़ोती। 14 इन भूतान कां चमत्कार केरनेरी काबलीत थी ते तैना दुनियारे सारे मुलखां केरे राज़ केरनेबालन अकोड़े केरने चले ताके तैना परमेशरे सेइं लड़न, ई तै दिहाड़ी आए जैइस परमेशर भूतन नाश केरेलो ते अपने लोकन मुक्ति देलो। 15 तैन भूर्दै हकोमत केरनेबाले ते तैन केरि फौज एक्की ठैरी अकोट्टी की जैस जो इड्डानी भाषाई मां हर-मगिदोन ज़ोतन। एल्लेरेल यीशु आरूप, “इस शुना। मेरु एजुन अचानक च्वोरेस ज़ेरु। धने तै मेरु ज़खन अव एज्जी त तै बींबो रहते, ते अपने लिगड़न तियाव रखते। फिरी तै नगोन न भोलो, ते फिरी तैस लोकन मां गाने सेइं शर्म न भोली।” 17 ते सतोरे वर्गांदूते अपनो कटोरो हवाई पुड़ उलटव, ते मीं स्वर्गे मां मन्दरे मरां परमेशरे तत्खेते पुड़ ई बड़ी आवाज़ शुनी कि कोई जैने लोरोए, “सब किछ पूरू भोव।” 18 फिरी बिजली, ते आवाज़, ते गुड़ने लाव, ते अक एत्रो बड़ो भुजल अव, कि जैइसेरे मैन्हु इस धेरतली पुड़ पेदा भोरोरेन, ते इसेरो अज भुजल कथी नई ओरो। 19 ते तैस महान बाबेल नगरेरे दलाई टुकड़े भोव, ते दुनियारे कोमां-कौमां केरे सारे नगर बाबद भोव। ताके परमेशर तै वादो पूरो केरे जै तैने बाबेल नगरेरे लोकन सजा देनेरे लेइ कियोरो थियो। ई सजा परमेशर पक्की देलो। परमेशर तैन टूलिठी शराबी पियालो जैस मां पानी न भोए

मिलावृ ज़ेसेरो मतलब परमेश्वरे तैन सेंड बड़ी क्रोधे मां आए ते तैन पुड़ दया न केरेलो। 20 तैस वक्ते हर अक टैपू समुन्दरे मां डुबो; ते कोई भी पहाड़ न राऊ। 21 ते अम्बरेरा॒ मैन॒ पुड़ मन॑-मन॑ आण॑ पैई॑, ते एल्हेरेलैइ किं ई अफत बड़ी भारी थी, लोकेई॑ आनहीरी आफतेरे वरा॒ बजाई॑ सेंड परमेश्वरी॒ तुहीन॑ की।

**17** ज़ैन सत स्वर्गदूत॑ कां तैना सत करेटे॒ थिये, तैन मरां एइतां एक्के॒ मी सेंड ज़ोवं, “झां एई॑, अवं तीन॑ तैस बड़े वेश्यारी॒ सजा॑ हिराताई॑, ज़ै बड़े पैन॑ पुड़ विशोरी॑। 2 ज़ैस सेंड धेरतलरे॒ राजेई॑ बदमाशी॑ की, ते धेरतली॑ पुड़ रानेबाले॑ तैसेरे॒ बदमैशेरे॒ शाराबी॑ सेंड॑ मसत भोरे॒ थिये।” 3 तैखन आत्मा॑ अवं अपने॑ कैबू॑ मां कियो॒ ते स्वर्गदूत॑ अवं सुनसान॑ ठैरी॑ मांजो॑ नेव। तैडी॑ मीं अक कुआन्श॑ हवाने॑ पुड़ सुवार॑ लाई॑, ज़ैसेरी॑ सत क्रोडी॑ ते दश॑ शिंगाँ॑ थियां॑, तैसेरे॑ जान परमेश्वरी॑ तुहीन॑ केरेने॑ नंवन॑ सेंड॑ ढकोरी॑ थी। 4 तैस कुआन्शा॑ वैगनी॑ ते लाल लिङां॑ लोरो॑ थियां॑, ते सोन्नेरे॑ ते कीमती॑ मेनी॑ ते मोतन॑ सेंड॑ सुजोरी॑ थी, ते तैसेरे॑ हथ्ये॑ मां अक सोन्नेरो॑ करोरो॑ शाराबी॑ सेंड॑ भेरता॑ थियो, ज़ै भिट्टे॑ कममन॑ ते बदमैशेरे॑ कममन॑ हिरातो। 5 ते तैसेरे॑ कुपाए॑ पुड़ इन नवं लिखोर॑ थियूं॑, “भेद-बड़ो॑ बाबेल धेरतलरी॑ वेश्यां॑ ते भिट्टी॑ चीजां॑ केरि अम्मा।” 6 ते मी॑ तै कुआन्शा॑ परमेश्वरे॑ लोकां॑ केरो॑ खून॑ ते यीशुरे॑ गुवाहां॑ केरो॑ खून॑ पीने॑ सेंड॑ मसत भोती॑ लाई॑, ते अवं तैन लेडांत॑ हैरान॑ भोव। 7 तैन स्वर्गदूत॑ मीं सेंड॑ ज़ोवं, “तू किजो॑ हैरान॑ भोव? अवं तीन॑ सेंड॑ इस कुआन्शरो॑, ते तैस हैवानेरो॑ भेद॑ जोताई॑, ज़ैस पुड़ तै सुवारे॑, ते ज़ैसेरी॑ सत क्रोडी॑ ते दश॑ शिनगन। 8 ज़ै॑ हैवान॑ तीं लाव, ई॑ पेड़लो॑ थियो, पन हीन॑ नई॑ रानो, ते अथाह कुण्डरो॑ निसेलो॑ ते परमेश्वर॑ तैस॑ पूरे॑ तरीके॑ सेंड॑ नाश॑ केरेलो, ते जैना लोक॑ इस दुनियाई॑ मां ज़ीने॑ लोरेन॑ जैन॑ केरं नंवां॑ परमेश्वरे॑ दुनिया॑ बानाने॑ करान॑ पेड़ले॑ जिन्दारे॑ किताबी॑ मां नई॑ लिखोरो॑, तैना॑ इस॑ हैवान॑ हैरतां॑ हैरान॑ भोले, ई॑ हैवान॑ पेड़लो॑ ज़ींतो॑ थियो॑ ते हुनी॑ ज़ींतो॑ नई॑ पन॑ फिरी॑ एज्जेलो॑। (Abyssos g12) 9 इन॑ समझानेरे॑ लेड॑ ज्ञानी॑ मन॑ ज़ारीरी॑, तैना सत॑ पहाड़न॑, ज़ैन॑ पुड़ तै कुआन्शा॑ राज॑ केरतीए। 10 ते तैना सत॑ राजे॑ भी आन, पंज़॑ त मेरि॑ जोरेन, ते अक जेहू॑ ए; ते अक आखरी॑ हेजू॑ नई॑ ओरो, पन॑ ज़ैखन॑ तै एज्जेलो॑ त थोड़े॑ चिरेरे॑ लेड॑ राज॑ केरेलो। 11 ते ज़ै॑ हैवान॑ पेड़लो॑ थियो, ते हुना॑ नई॑, तै एप्प॑ अठोवं॑ राजोऽप॑; ते तैन सत्तन॑ मरा॑ पैदा॑ भोव, ते आखरी॑ मां तस॑ राजे॑ हमेश्वरी॑ सजा॑ मैलेली॑। 12 ते जैना॑ दश॑ शिनां॑ तीं पेड़लां॑ लां, तैना॑ दश॑ राजेन, ज़ैनेई॑ हेजू॑ तगर॑ राज॑ शुरु॑ नई॑ कियोरु॑। तैन दश॑ राजेन॑ हैवाने॑ सेंड॑ सारी॑ राज॑ केरेनेरो॑ अधिकार॑ दितो॑ जेव, पन॑ तैन राज॑ केरेने॑ लेड॑ थीडो॑ तक॑ रितो। 13 इना॑ सब॑ अक मन॑ भोले, ते तैना॑ अपनि॑-अपनि॑ शक्ति॑ ते अधिकार॑ तैस॑ हैवान॑ देलो। 14 इना॑ गबड़े॑ सेंड॑ लड़ले, ते गबू॑ तैन पुड़ ज़ींतो॑ हासिल॑ केरेल॑, किजोकि॑ तै राजां॑ केरो॑ राजो॑ ते प्रभु॑ केरो॑ प्रभु॑ आए। तैस पत्ती॑ ज्ञाले॑ बाले॑ तैना॑ आन॑ जैना॑ परमेश्वरे॑ कुजोरेन॑ ते चुनोरेन॑, ते जैना॑ तैस॑ सेंड॑ सारी॑ ईमानदारा॑ आन।” 15 फिरी॑ तैन॑ स्वर्गदूत॑ मी॑ सेंड॑ ज़ोवं, “कि॑ जैन॑ पानी॑ तीं पेड़ल॑ लोरो॑ थियूं॑, ज़ैस॑ पुड़ तै वेश्या॑ विशोरी॑ थी, ए॑ दुनियारे॑ सारे॑ कोमन॑ हिराती॑, जैना॑ बड़े॑ मुलखन॑ मरां॑ ते भाषान॑ मरां॑ आन। 16 तै वक्त॑ एज्जेलो॑ ज़ैइस॑ हैवान॑ दश॑ राजेन॑ सेंड॑ जैना॑ तैस॑ सेंड॑ सारी॑ आन, तैस॑ वेश्याई॑ सेंड॑ वैर॑ रखेले॑, तैना॑ तैस॑ पुड़ हमलो॑ केरेले॑ ते तैस॑ नगी॑ केरेले॑ तैसेर॑ किछ॑ मास॑ खाले॑, ते बाकी॑ फुकेले॑। 17 किजोकि॑ परमेश्वर॑ तैन॑ केरे॑ मन॑ मां छुड़ेलो॑, कि॑ तैना॑ तैसेरी॑ मर्ज़ी॑ पूरी॑ केरेले॑; ते ज़ांगार॑ परमेश्वर॑ वचन॑ पूर॑ न भोए॑, तांतरग॑ अक मन॑ भोड़तो॑ अपन॑ राज॑ हैवाने॑ देन। 18 ते तै कुआन्शा॑, ज़ै तीं लोरीए॑ तैन बड़ू॑ नगरे॑, जैन॑ धेरतलरे॑ राजेन॑ पुड़ राज॑ केरते।”

**18** इटुं पत्ती॑ मीं अक स्वर्गदूत॑ स्वर्ग॑ मरां एइतो॑ लाव। तैस कां बड़ी॑ अधिकार॑ थियो, ते एल्हेरेलैइ॑ तैसेरे॑ बड़े॑ चमकोने॑ बाले॑ महिमा॑ सेंड॑ सारी॑ धरतली॑ लै बनी॑। 2 तैने॑ ज़ो॑ सेंड॑ ज़ोवं, “कि॑ डुल्ली॑ बाबेल॑ नगरी॑ डुल्ली॑, ते भूतो॑ केरोनेरी॑ ठार, ते हर एक्की॑ भूतोरो॑ अड्हो॑, ते हर एक्की॑ दुष्ट॑ ते भिट्टे॑ चड़ोलो॑ वरो॑ अड्हो॑ बीती॑ जेव। 3 किजोकि॑ तैसेरे॑ बदमैशेरे॑ शाराबी॑ सेंड॑ सब॑ कोमां॑ मसत॑ भोइ॑, ते धेरतलरे॑ राजेई॑ तैस॑ सेंड॑ बदमाशी॑ की, ते धेरतलरे॑ बुपारी॑ तैसेरे॑ एशेरे॑ वजाई॑ सेंड॑ अमीर॑ भोइ॑ जै।” 4 फिरी॑ मीं स्वर्गरि॑ अक होहि॑ आवाज॑ शुरी॑, “हे॑ मेरे॑ लोकव॑ तुस॑ तैस॑ मरां॑ निस्सा॑ ताके॑ तुस॑ तैसेरे॑ पापन॑ मा॑

शामिल॑ न भोथ, ते तैसेरी॑ आफतन॑ मरां॑ कोई॑ भी॑ तुसन॑ पुड़ न एज्जो। 5 किजोकि॑ तैसारे॑ पाप॑ बड़े॑ आन॑ ज़ेन्नरे॑ कि॑ अगर॑ ढेर॑ लाव॑ गाए॑ ते अम्बरे॑ तगर॑ पुजारे॑रेन॑, ते परमेश्वरे॑ तैसेरी॑ बुराई॑ नई॑ विसरोरी॑ ज़ै तैसां॑ कियोरी॑ आए। 6 ज़ेन्नरे॑ तैसां॑ लोकन॑ सेंड॑ कियू॑ तेन्नरे॑ तैस॑ लोक अपने॑ बुरां॑ कम्मा॑ केरो॑ स्वाद॑ च्रखनेरे॑ लेड॑ प्रभावित॑ किये, ते परमेश्वरी॑ द्वारानी॑ सरक॑ मैसूस॑ केरनेरे॑ लेड॑ भी॑ बनाई॑ जेई॑। 7 ज़ेत्री॑ तैसां॑ अपन॑ बद्याई॑ की, ते एश॑ किये, तेराती॑ तैस॑ तकलीफ॑ ते दुःख॑ देथ, किजोकि॑ ते अपने॑ मन॑ ज़ोती॑ अवं रानई॑, विधवा॑ नई॑; अवं विधवारे॑ दुखे॑ मां कथे॑ न गेहीती॑। 8 एल्हेरेलैइ॑ तैसेरे॑ घमण्डेरे॑ वजाई॑ सेंड॑ तैस॑ पुड़ अचानक॑ अफतां॑ एज्जेलो। अचानक॑ तैस॑ पुड़ बिमरी॑, दुख॑ ते कने॑ काल॑ साथी॑ एज्जेलो। ते तै अग्गी॑ मां भस्म॑ की॑ गाली॑, किजोकि॑ प्रभु॑-परमेश्वर॑ शक्तिमाने॑ ते तै तैस॑ सजा॑ देलो।” 9 ते दुनियारे॑ राजे॑ ज़ैनेई॑ तैस॑ सेंड॑ बदमाशी॑ ते एश॑ कियेरे॑ थिये, ज़ैखन॑ तैना॑ तैसेरे॑ फुकोनेरो॑ तू लाएले॑ तैसेरेरो॑ लेड॑ छडेले॑, ते छाती॑ कुटेले॑ 10 ते तैना॑ डेरल॑ कि॑ तैना॑ भी॑ तैसेरे॑ सजाई॑ मां ट्लैइडोनेन॑, ते दूर॑ खड़े॑ भोइतां॑ जोले, “हे॑ महान॑ नगरी॑, बाबेल॑। हे॑ मज़बूत॑ नगरी॑, हाय॑। हाय॑। एक्की॑ सैइती॑ मां तीं॑ सज़ा॑ मैलैली॑।” 11 “ते धेरतलरे॑ बुपारी॑ तैसेरेरेलैइ॑ लेरां॑ देले॑ ते मिनत॑ केरेले॑ किजोकि॑ हुनी॑ कोई॑ तैन॑ सेंड॑ लेन॑ देन॑ न केरेलो। 12 तैन॑ केरु॑ सामान॑ बड़े॑ किसमां॑ केस॑ थियूं॑। सोन्न॑ चाँदी॑, जुवाहर॑, मोती॑। ते मलमल॑, बैंजी॑, रेशमी॑, ते लाल॑ लिंगां॑ थियां॑, ते कने॑ किसमां॑-किसमां॑ केरि॑ खुशबूदार॑ लकड़ी॑, ते हथीदंतेरी॑ हर॑ किसमेरी॑ चीजां॑, ते कीमती॑ लकड़ी॑, पितल॑, लूहाँ॑, संगमरमरे॑ किसमां॑-किसमां॑ केरि॑ चीजां॑, 13 ते दालचीनी॑, मसाले॑, धूप॑, गन्धरस॑, लोबान॑, मदिरा॑, तेल॑, मैदो॑, गेहुं॑, बेछी॑-दांत, भैंडू॑-छेली॑, घोडे॑, रथ॑, गुलाम॑, ते कने॑ मैन॑ खड़े॑ केरे॑ प्राण। 14 ते बुपारी॑ तैस॑ सेंड॑ जोले, जैना॑ चीजां॑ तीं॑ चैइ॑ तैना॑ हुनी॑ न रैली॑, जैना॑ खुशबूदार॑ चीजां॑ तीं॑ पसंद॑ की, तैना॑ सैरी॑ चीजां॑ जैना॑ तीं॑ अपनो॑ किसम॑ खुशबूत॑ बनागेर॑ लेड॑ इस्तेमाल॑ की, तैना॑ सैरी॑ तीं॑ गवेह॑ ते हुनी॑ तैना॑ न मैलैलन। 15 इन॑ चीजन॑ सेंड॑ बुपारी॑ जैना॑ तैसेरे॑ वजाई॑ सेंड॑ अमीर॑ भोरे॑ थी, तैसेरे॑ दुखेरे॑ डेरे॑ सेंड॑ दूर॑ खड़े॑ भोले, ते लेरां॑ देलां॑ ते तड़फत॑ जोले, 16 ‘अफसोस॑! अफसोस॑! ई॑ बड़ी॑ नगरी॑ जै॑ मलमल॑, बैंगनी॑, लाल॑ लिंगां॑ लेडांती॑ थी, ते सोन्न॑ ते जुवाहर॑ ते मोतन॑ सेंड॑ सज़ोरी॑ थी, 17 एक्की॑ सैइती॑ मां॑ तैसेरे॑ एकू धन॑ धन॑ बरबाद॑ भोव, ते सब॑ माझी॑, ते मुसाफर॑, ते मल्लाह॑, ते ज़ेत्री॑ समुद्रे॑ मरां॑ कमाई॑ कमातन॑ तैना॑ सारे॑ दूर॑ खड़े॑ भोव, ते लेरां॑ देलां॑ ते तड़फत॑ जोले, 18 ज़ैखन॑ तैना॑ तैस॑ नेगरारे॑ फुकोनेरो॑ तू लाएले॑ त ज़ोरे॑ सेंड॑ ज़ोले, इस॑ महान॑ नेगरारी॑ ज़ेरी॑ कोई॑ नगरी॑ नई॑। 19 ते अपने॑-अपने॑ दोग्गे॑ पुड़ थूड़॑ मलेले॑, ते लेरां॑ देले॑ ते कर॑ लाते॑ चिन्डां॑ मैरात॑ जोले, “अफसोस॑! अफसोस॑! ई॑ बड़ी॑ नगरी॑ जैसेरी॑ दौलती॑ सेंड॑ समुन्दरेरो॑ सब॑ ज़िहाजन॑ बाल॑ धनी॑ भोरे॑ थी, एक्की॑ सैइती॑ मां॑ उज़डे॑। 20 तुस॑ जैना॑ स्वर्ग॑ मां॑ रातथ॑, ते परमेश्वरे॑ लोकव॑, ते प्रेरितव॑, ते कने॑ नेबव॑, ज़ैन॑ तैस॑ सेंड॑ भोव॑ तैसेरे॑ वजाई॑ सेंड॑ खुश्य॑ भोथ, किजोकि॑ परमेश्वरे॑ तैस॑ नेगरारो॑ इन्साफ॑ कियोरो॑ किजोकि॑ तैसां॑ तुसन॑ सेंड॑ बुर॑ कियोरु॑ थियूं॑।” 21 फिरी॑ एक्की॑ ताकतबर॑ स्वर्गदूत॑ बड़े॑ चेकरे॑ पाठेरो॑ जेरो॑ अक घोड़॑ छूचो॑, ते इन॑ जोलांत॑ समुन्द्रे॑ मां॑ शारो॑, कि॑ बड़ी॑ नगरी॑ बाबेल॑ एन्चरे॑ बछोड़ी॑ गाली॑, ते फिरी॑ कथे॑ तैसेरो॑ पतो॑ न॑ मैलेलो। 22 ते सारंगी॑ बजानेबाले॑, ते गीतां॑ जोनेबाले॑, ते बेइरोई॑ बजानेबाले॑, ते नडुशिनगां॑ बजानेबालां॑ केरि॑ आवाज॑ फिरी॑ तीं॑ मां॑ कथे॑ न॑ शुनोली॑। 23 ते लोक॑ दीयेरी॑ लौ॑ किरी॑ तीं॑ मां॑ न॑ बालेलो॑, ते लाडेरी॑ ते लौडारी॑ आवाज॑ कथे॑ तीं॑ मां॑ न॑ शुनोली॑। 24 परमेश्वर॑ बाबेले॑ सजा॑ देलो॑ किजोकि॑ सारी॑ नेबी॑ ते परमेश्वरे॑ लोकां॑, ते धेरतली॑ पुड़॑ सब॑ मारोरां॑ केरो॑ खून॑ तैसे॑ मांए॑।

**19** ताकतबर॑ स्वर्गदूते॑ जोलांत॑ झाड़ेरेन॑ बाद॑, मी॑ स्वर्ग॑ मां॑ बड़े॑ लोकां॑ केरि॑ भीड़॑ उच्च॑ आवाज़ी॑ मां॑ इन॑ ज़ोते॑ शुरी॑, “हलिलूल्याह॑! मुक्ति॑, महिमा॑, शक्ति॑ इश्शो॑ परमेश्वरी॑। 2 तैसेरी॑ बड्याई॑ भोए॑ किजोकि॑ तैसेरे॑ सारे॑ फैसले॑ सही॑ ते ठीक॑ आन। तैने॑ मशूर॑ वेश्यारो॑ इन्साफ॑ कियो॑ तैसां॑ दुनियारे॑ लोक॑ पाप॑

केरने लेइ प्रभावित किये। परमेशर तैस बदलो देलो किजोकि तैसारे जिरिये परमेशरे दास मारेन।” 3 फिरी दुइयों बार तैनई ज़ोवं, “हल्लिलूयाह! ते तैसेरे फुकोनेरो तू सदा चलातो राला।” (aion g165) 4 ते चोढ़ी बुजुर्गई ते चेप्रे प्रेणीयं परमेशरे कां मध्यो टेको; जै तखते पुडु बिश्वोरो थियो, ते ज़ोवं, “आमीन! हल्लिलूयाह!” 5 ते तैखन मीं ज़ोते शुनो, ते परमेशरे तखते मरां अक आवाज़ आई, तैने ज़ोवं, “तुस इशे परमेशरे दास आथ जैना तैसेरी आदर केरतथ, कुन निकड़े, कुन बड़े, तुस सब तैसेरी तारीफ केरा।” 6 फिरी मीं बड़ी भीड़ारी, ते बड़े पेनेरी आवाज़ शुनी, ते गुड़नेरी जेरि आवाज़ शुनी, “हल्लिलूयाह! कि प्रभु इशो परमेशर, सर्वशक्तिमान राज केरेत।” 7 एज्जा अस शुश ते मगन भोम, ते तैसेरी बड़याई केरम, किजोकि गबड़ेरो डला पुज़ोरोए, ते तैसेरे लैड़ां अपनो आप तियार केरोए। 8 ते तैस साफ ते चमकदार महीन मतलब मलमल लानेरो अधिकार दितो, कि जोकि तैस महीन मलमलेरो मतलब परमेशरे लोकां केरां धर्मों कमन। 9 ते स्वर्गदूते मीं सेइं ज़ोवं, “इन लिख, कि धन आन तैना, जैना गबड़ेरे धामी मां कुजोरेन।” फिरी तैने मीं सेइं ज़ोवं, “इना गल्लां जैना परमेशर ज़ोई सच्च आन।” 10 ज़ैखन मीं शुनु अवं जै मीं सेइं गल्लां लोरो थियो केरने तैसेरी आराधना केरने लेइ तैस कां द्युको तैने मीं सेइं ज़ोवं, “मेरी आराधना न केर, तै परमेशर जैसेरी आराधना कियोरी लाड़े। अवं भी परमेशरो दास आई, ज़ेन्वरे तु त तेरे विश्वासी साथी आन जैना यीशुएरो अपने प्रभुएरे रुपे मां इकरार केरतन।” ई सच्चाई यीशुए बांदी कियोरी जै लोकन शक्ति देती कि परमेशरे वचनेरु एलान केरन। 11 फिरी मीं स्वर्ग खुल्लू लाव; तड़ी मेरे सामने छितो घोड़ो थियो; ते तैस पुडु अक सुवार थियो, जै वफादार, ते झूठ न ज़ोए; ते जैन परमेशरेरी नज़री मां सही आए तैसेरे मुताबिक इस्पाफ ते परमेशरे दुश्मन सेइं लड़ाई केरेत। 12 तैसेरे एछुली अगारे लपारी जेरी थी, ते तैने बड़ां ताजां लोरो थियो; ते तैसेरे नवं तैस पुडु लिखोरुए, तैसेरो मतलब सिर्फ तै ज़ानतो थियो। 13 तैनी खूने मां डुबोरु लिगड़ लोरो थियूं तैसेरे नवं परमेशरे वचने। 14 ते स्वर्गरी फौज छिते घोड़न पुडु सुवारे; ते तैना छिते ते साफ मलमल लेइतां तैस पत्ती पत्तीन। 15 ते कौमी-कौमी मासरेरे लेइ तैसेरे ऐशी मरां अक तिखी तलवार निसतीए, ते तै लौंहें सोटे सेइं तैन पुडु राज़ केरेतो, ते तै सर्वशक्तिमान परमेशरे बड़े प्रकोपेरी खालिस शराबी सेइं दाछ डलन्चेलो। 16 ते तैसेरो लिगड़न ते ज़ीधी पुडु इन नवं लिखोरुए, “राजा केरो राजो ते प्रभु केरो प्रभु।” 17 फिरी मीं अक स्वर्गदूत दिहाड़े पुडु खड़ो लाव, ते तैने बेड़ि आवाज़ी सेइं अम्बरे मां उडने बाले झुड़ोलन सेइं ज़ोवं, “एज्जा परमेशरे बड़े धामी मां शामिल भोनेरे लेइ अकोटु भोथ।” 18 ज़ैस सेइं तुस राजां, प्रधानां, ताकतबर लोकां, घोड़ां ते कने तैन केरे सवारां, आजादां, गुलामां, निकड़े, बड़े, सेभी लोकां केरू मास खाथा।” 19 फिरी मीं हैवान लाव जै समुन्दरे मरां ओरो थियो, ते धेरतलो राजो ते कने तैन केरे फौज तैस घोड़ेरु सुवार ते तैसेरी फौजी सेइं लड़नेरे लेइ अकोटु लाई। 20 ते तै पेइलो हैवान ते तैस सेइं साथी तै झूठी नवी ट्लाव, जैने तैसेरे सामने ऐरे निशान दिरावरे थियो, ज़ेरो लिखिये तैना सारे लोक टपालां, ज़ीनई तैस हैवानेरी छाप नेवी थी, ते जैना तैसेरी मूरती पूजा केरते थियो, इन दुखे ज़ीते तैस अगारे झीली मां छड़े जे, जै ग-थक्के सेइं बलती। (Limne Pyr g3041 g4442) 21 ते बाकी लोक तैस घोड़ेरे सवारी तलवारी सेइं ज़ै तैसेरे ऐशी मरां निसती थी मारे जे; ते चुड़ालू तैसेरे मासे सेइं रेज़नी जैआ।

**20** फिरी मीं अक स्वर्गदूत स्वर्गों इहतो लाव; ज़ेसेरे हथ्ये मां अथाह अजागर ट्लाव जै बड़े पेइले सप्पेरे रुपे मां लेइहोरो थियो जेसेरु नवं शैतान भी आए तैने तै ट्लेहिंता हज़ार सालेरे लेइ बच्चो। 3 ते तै अथाह कुण्डे मां शैरतां बन्द कियो ते तैस पुडु मोहर लई; कि तै हज़ार साल पूरे भोने तार कौमा-कौमा केरे लोकन फिरी न भटकाए; इसेरा पत्ती ज़स्ते, कि थोड़े चिरिये लेइ खोल्ली गाए। (Abyssos g12) 4 फिरी मीं किछ तखत लाए ते तैना जैन केरनेरो अधिकार दितो; ते तैन केरि


आत्मा भी लेई, जैन केरि क्रोडी एल्हेरेलेइ केटोरी थी कि तैना यीश मसीह अपनो प्रभु मन्तन ते परमेशरे वचने पुडु विश्वास केरतन, ते जैनई तैस हैवानेरी, ते तैसेरे मूरतरी पूजा न थी कियोरी, ते तैसेरी महार अपने कुपाए ते हथ्यन पुडु न थी। तैना ज़ीते भोइतां मसीह सेइं साथी हज़ार सालन तगर राज केरेले। 5 इना लोक पेइले आन जैना ज़ीते किये गाले ते तैना धन ते पवित्र आन। दुइयों भौतीरे तैन पुडु कोई शक्ति न भोली। जैना परमेशरे लेइ याजक भोले ते मसीह तैन सेइं साथी हज़ार साल राज केरेलो, ज़ातंगर तैना हज़ार साल पूरे न भोन तांगार होरे मरे लोक ज़ीते न किये गाले। 7 ज़ैखन हज़ार साल खत्म भोनेबाले भोले त स्वर्गदूत शैताने तैस ठेरारा हथरां छड़ेलो ज़ैडी तै बच्चोरी थियो। 8 ते तैन कौमन जैना सैरी दुनियाई मां आन थोखो देनेरे लेइ निसेलो। तैन कौमन जो गोग ते मागोग ज़ोतन। शैतान तैन तैस ठेरी आनेलो ज़ैडी तै तैन सेइं लड़ेलो। तैन केरि गिनती समुन्दरे रेती बराबर भोली। 9 शैतानेरी फौज सारे दुनियाई मां गाली, तैना तैस नगर घेरेले जैस सेइं परमेशर ध्यार केरते ते ज़ैडी तैसेरे लोक रहतन, परमेशरे तेराक स्वर्गों अग तैन सेभन भस्म केरेती। 10 ते तैन केरो गुमरा केरनेबालो शैतान अग ते गन्धकेरे समुन्दरे मां शारो गालो, ज़ैस मां तै हैवान ते कने झूठो नवी भी भोलो, तैना रात दिहाड़ी हमेशा दुखे मां राले। (aion g165, Limne Pyr g3041 g4442) 11 फिरी मीं अक बड़ो छितो तखत ते ज़ै तैस पुडु विश्वोरी थियो लाव, ज़ेसेरे सामनेरां धर्ती ते अम्बर नशूं ते तैन केरे लेइ ठार न मैल्ली। 12 फिरी मीं निकडे बड़े जैना मरे थिये तखतेरो सामने खड़े लाए, ते किताबां खोल्ली ज़ेई; ते फिरी अक होरा किताब खोल्ली; मतलब ज़िन्दगी किताब खोल्ली; ते ज़ेन्वरे तैन केरा किताबान मां लिखोरु थियूं, तै केरे कम्मा केरे मुताबिक मुड़दां केरो इन्साफ कियो। 13 ते समुन्द्रे तैन मरे मैनू दिते जैना तैस मां थी, ते मौता ते पाताले जैना तैस मां मरे थिये दितो; ते तैन मरां हर एकवरो तैन केरे कम्मा केरे मुताबिक इन्साफ कियो। (Hades g86) 14 ते मौत ते पाताल भी अगारे समुन्दरे मां शारु, ई अग्गारे समुन्दरे त दुइयों मौतो। (Hades g86, Limne Pyr g3041 g4442) 15 ते ज़ेसेरु भी नवं ज़िन्दगरे किताबी मां लिखोरु न मैल्लू, तै अगारे समुन्दरे मां शारो जेव। (Limne Pyr g3041 g4442)

**21** फिरी मीं नंवू अम्बर ते नंवी धेरतली लाई, किजोकि पेइलू अम्बर, ते पेइली धेरतली न थी रावरी, ते समुन्दर भी न राव। 2 फिरी मीं पवित्र नगर नंवू यक्षलेलम स्वर्गों परमेशरे करां एइतू लाव, ते तैन तैस लैडारु जेरु थियूं, जै अपने लाडेरे लेइ तियार भोरी भोए। 3 फिरी मीं परमेशरे तखते मरां कोई उच्ची आवाज़ी सेइं इन ज़ोते शुनो, “अज़ेरां बाद परमेशर मैनूं सेइं साथी रालो, ते तैसेरे घर तैन लोकन मां भीलू, ते तैना तैसेरे लोक भोले, ते परमेशर एप्पू नैन, अपने लोकां केरे रुपे मां कबूल केरेलो ते तैना लोक तैस अपनो परमेशर कबूल केरेतो। 4 ते तै तैन लोकां केरे एछुली केरां सब एँखुर पुछेलो; ते तैड़ां पत्ती मौत न राली, ते न दुःख, न मातम, न मुसीबत राली; पेइली गल्लां बीती ज़ेई” 5 जै तखते पुडु बिश्वोरी थियो तैने ज़ोवं, “कि तक, अवं सब किछ नंवू केरताई।” फिरी तैने ज़ोवं, “कि लिख, किजोकि इन वचन विश्वासेरो काबल ते सज्जे आन।” 6 फिरी तैने मीं सेइं ज़ोवं, “सब किछ पूरु भोवं, अवं अलफा ते ओमेगा, पेइलो ते आखरी आई, अवं ट्लिशोरे ज़िन्दारे पैरेने नागन मरां मुखत देइलो। 7 जै ज़ीत नैसिल केरे, तै एप्प इन चीज़ां केरो बारस भोलो; ते अंव तैसेरो परमेशर भोलो, ते तैन मेरू मूढ़ भोलु। 8 पन डपोक, विश्वास न केरनेबाले, भिटे, खूनी, बदमाशी केरनेबाले, जैदू केरेने बाले, मूरती केरे पूजा केरनेबाले ते सब झूठां केरो हिस्सो तैस समुन्दरे मां मैलेलो जै अग्गी ते ग-थक्की केरां सेइं बलतो रहत, ई दुइयों मौतो।” (Limne Pyr g3041 g4442) 9 फिरी तैन सत स्वर्गदूतै ज़ीनेई सत आखरी आफतन सेइं भोरो कटोरो मैनूं पुडु उलटावरे थिये, तैन मरां एकके मां कएइतां ज़ोवं, “इन एरां ई, तीं अवं लैडै जै लल्दी गबड़े सेइं इला बनाली हिराताई।” 10 परमेशरे आत्मा अवं अपने कैबू मां कियो ते स्वर्गदूते अवं एककी बड़े पुडु नेव, ते पवित्र नगर यस्शलेलम स्वर्गों मरां परमेशरे करां

एड्टो हिरव। 11 परमेश्वरी महिमा तैस मां थी, ते तैसेरी लौ बड़े किमती घोड़ा, मतलब बिल्लौरे जेरे यशबे बराबर साफ थी। 12 तैस नगरेरे चेवे पासन बड़ी उच्ची दिवार थी, ते तैसेरो 12 दारा ते दासन पुड़ 12 स्वर्गदूत थियो, ते तैन पुड़ इस्याएली केरे 12 गोत्रां केरां नंवां लिखोरां थियां। 13 पूर्वे पासे टलाई दारां, उत्तरे पासे टलाई दारां, दखिने पासे टलाई दारां, ते पश्चिमे पासे टलाई दारां थियां। 14 ते नगरेरे दिवारारी 12 मूनीयादां थी, ते तैन पुड़ गबड़ेरे 12 प्रेरितां केरां 12 नंवां लिखोरां थियां। 15 ते जै मीं सेइं गल्लां केरतो थियो, तैस कां नगर, ते तैसेरे दारान ते तैसेरे दिवावान नापेरे लैड अक सोनेरो गज़ थियो। 16 ते तैस नगरेरे चेव पासे थिये, ते तैसेरी लमबाई चोड़ाइअरे बराबर थी, ते तैन तैस गज़ सेइं नार नापू, त सडे 750 कोस निस्सी, ते तैसेरी लमबाई, ते चोड़ाई, ते ऊँचाई बराबर थी। 17 तैसेरों बाद स्वर्गदूते दिवारारी ऊँचाई नापी। तैने एन्नरे नापी जेन्वरे मैन्हू चीजां नापतन, तै दिवार 66 मीटर ऊँची निस्सी। 18 ते तै दिवार कीमती घोड़न सेइं बोरी थी जैस जो यशब जोतन, नगर खालिस सोने सेइं बोरे थियूं, जैन साफ चमकते शीशेरु ज़ेरु भोए। 19 ते तैस नगरेरी मूनीयादारे घोड़ हर किसमेरी कीमती घोड़न सेइं सजावरी थी, पेइली मूनीयाद यशबेरी दुइयोवं नीलमणी टैलेइयोवं लालडी, चेवरोवं मरकते, 20 पंचोवं गोदेक, शेइयोवं माणिक्ये, सतोवं पीतमणि, अठोवं पेरोजे, नावोवं पुखराजे, दशोवं लहसनिए, यारोवं धूमकान्त, बारोवं याकूतेरी थी। 21 ते 12 दारां, 12 मोती केरां थियां, अक-अक दार, एककी-एककी मोती सेइं बनोरु थियूं ते नगरेरो सङ्क नाप राफ शीशेरी जेरि खालिस सोनेरी थी। 22 मीं कोई मन्दर न लाव, किजोकि सर्वशक्तिमान प्रभु-परमेश्वर, ते गबडू तैडी नगर मां आए। एल्हेरेलेइ मन्दरेरी कोई ज़रूरत नई। 23 ते तैस नगर मां दिहाड़ो ते चैंडेरे लोअरी ज़रूरत नई, किजोकि परमेश्वर महिमा सेइं तैस मां लौ भोड़ रावरी, ते कने गबडू तैसेरो दीयोए। 24 ते कौमां-कौमा केरे लोक तैसेरी लौड़ी मां राले, ते धेरतलेरे राजे अपनि-अपनि धन दौलत तैस नगरे मां आनेले। 25 तैस नगरेरां दारां सारे दिहैड़ी खुल्लां भोलो ते कधी बंद न भोलां। किजोकि तैडी कोई रात न भोली 26 दुनियारे लोक दुनियारे कौमां केरे सैरी खूबसूत चीजां ते धन दौलत तैस नगरे मां आनेले। 27 ते तैस मां कोई भिट्टी चीज़ या गन्दु कम केरनेबालो या झुठ बनानेबालो, केन्ची भी तरीके सेइं अन्तर न गालों; पन सिर्फ तैन लोक जैन केरां नंवां गबड़ेरे ज़िन्दगरे किताबी मां लिखोरां भोलां।

**22** फिरी तैने मीं बिल्लौरे जेरो अक चमकतो ज़िन्दगरे पैनेरो दरिया हिराव, जै परमेश्वरे ते गबड़ेरे तखते करां निस्तां तैस नागरी सङ्क की तगर मझामैइ निसतो थियो। 2 ते दरियारे इस पासे ते उस पासे, ज़िन्दगरो बुट थियो, तैस मां 12 किसमां केरे फल लगते थिये, ते तै हर महीने फलतो थियो; ते तैस बुटेरे पटलान सेइं कौमां-कौमा केरे लोक बेज़ोते थी। 3 फिरी तैडी लानत न भोली ते परमेश्वर ते गबड़ेरो तखत तैस नगर मां भोलो, ते तैसेरे दास तैसेरी सेवा केरेले। 4 ते तैना परमेश्वरे आमने सामने लाएले, ते परमेश्वरे नवं तैन केरे कुपाए पुड़ लिखोरु भोलो। 5 ते फिरी रात न भोली, ते तैन दीयो ते दिहाड़ी ज़रूरत न भोली, किजोकि प्रभु-परमेश्वर तैन लौ देलो, ते तैना हमेशा राजा केरेले। (aiōn g165) 6 फिरी स्वर्गदूते मीं सेइं ज़ोव, “इना गल्लां विश्वासेरे काबल ते सङ्गीन, ते प्रभु जै नेबी केरे आत्मा केरो परमेश्वरे, तैने अपने स्वर्गार्दित एल्हेरेलेइ भेजे, कि अपने दासन तैना गल्लां जैन केरु जल्दी भोनू ज़रूरीए हिराए।” 7 “हेर, अवं जल्दी एजने बालोई, परमेश्वर तैन सेब्मन ब्रकत देते जैना इस किताबरे सन्देशे पुड़ ध्यान देतन।” 8 अवं तैए यूहन्नना आई, जै इना गल्लां शुन्तो, ते लहतो थियो, ते जैखन मीं शुनू, ते लाऊं, त जै स्वर्गार्दित मीं इना गल्लां हिरातो थियो, अवं तैस कां मथ्यो टेकने लाव। 9 ते तैने मीं सेइं ज़ोव, “हेर, एक न केर; किजोकि अवं तेरो, ते तेरे विश्वासी सैंबी ते इस किताबरी गल्लां केरे मन्ने बालां केरो संगी दासाई, परमेश्वरे कां मथ्यो टेक।” 10 फिरी तैने मीं सेइं ज़ोव, “इस किताबरे भविष्यवैनरे गल्लन केरो भेद छुपेइतां न रख, किजोकि वक्त नेड़ोए। 11 जै बुरु केरते, ते बुरु केरतो राए; ते जै भिट्टो, ते भिट्टो बनोरो राए; ते जै धर्मी, ते

धर्मी बनोरो राए; ते जै पवित्र बनोरो राए।” 12 फिरी प्रभु यीशुए जोव, “अवं जल्दी एजजेलो। अवं एज्जी रावरोई जैन लोकेई कियूं तैसेरे मुताबिक इनाम देवरे लैड या सज्जा देवरे लैड। 13 ‘अवं अलफा ते औमगाई, पेइलो ते आखरी, शुरुआत ते अन्त आई।’” 14 धने तै, जै अपना लिंगड़ा थोते, किजोकि तैस ज़िन्दगरे बुटे कां एजनेरो अधिकार मैलनोए, ते तै दारां केरे बत्तां गेइतां नगर मां दाखल भोलो। 15 पन कुतरां, जैद केरनेबाले, बदमासी केरनेबाले, खून केरनेबाले, मूरती केरि पूजा केरनेबाले, हर कोई झुठेरो जाने बालो, ते कने झूट बनानेबालो बेडर राले। 16 “मीं यीशुए अपने स्वर्गदूत एल्हेरेलेइ भेजो, कि तुसन अगर कलीसिया मां इन गल्लां केरे बारे मां गवाही दे, अवं दाऊदेइ ज़ील, वंश, ते झेझ्झोरो चमकतो तारोई।” 17 परमेश्वरी आत्मा ते गबड़ेरी लाली यीशु सेइं ज़ोतिन, “तू ज़रूर एई!” ते शुने बाले भी ज़ोन, “एई!” जै टलिशोरो भोए, तै एज्जे ते जै कोई चाए पानी ने जैन मुपते मां ज़िन्दगी देते। 18 अवं हेर एककी जै इस किताबरी भविष्यवैनरी गल्लां शुनते गवाही देताई, कि आर कोई मैन्हू इन गल्लन मां किछ बधाए, त परमेश्वर तैना आफतन जैना इस किताबी मां लिखोरिन, तैस देलो। 19 ते अगर कोई इस भविष्यवैनरी किताबरी किछ गल्लां कढे, त परमेश्वर तैस ज़िन्दगरे बुटे ते पवित्र नगर मरां ज़ेसेरे बारे मां इस किताबी मांए, तैसेरो हिस्सो कढेलो। 20 जै इन गल्लां केरि गवाही देते, तै इन ज़ोते, “हाँ अवं जल्दी एजने बालोई!” आमीन। हे प्रभु यीशु एई! 21 प्रभु यीशुएरो अनुग्रह परमेश्वरे लोकन सेइं साथी राए। आमीन।



फिरी मीं पवित्र नगर नंव्यु यरुशलेम स्वर्गोंन परमेशरे करां एंइतू लाव, ते तैन तैस लैडारू ज़ेरू थियूं ज़ै अपने लाडेरे लेह तियार भोरी भोए। फिरी मीं परमेशरेरे तखते मरां कोई उच्ची आवाजी सेहं इन ज़ाते शुगो, “अज़ेरां बाद परमेशर मैनन् सेहं साथी रालो, ते तैसेरू घर तैन लोकन मां भोलू, ते तैना तैसेरे लोक भोले, ते परमेशर एपू तैन, अपने लोकां केरे रूपे मां कबूल केरेलो ते तैना लोक तैस अपने परमेशर कबूल केरेलो।

प्रकाशित वाक्य 21:2-3

# Reader's Guide

भद्रवाही at [AionianBible.org/Readers-Guide](http://AionianBible.org/Readers-Guide)

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

# Glossary

भद्रवाही at [AionianBible.org/Glossary](http://AionianBible.org/Glossary)

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

## **Abyssos** g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

## **aidios** g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

## **aiōn** g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

## **aiōnios** g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

## **eleēsē** g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See [ntgreek.org](http://ntgreek.org).

**Geenna** g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

**Hadēs** g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonomous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

**Limnē Pyr** g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

**Sheol** h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

**Tartaroō** g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

# Glossary +

[AionianBible.org/Bibles/Bhadrawahi---Bhadrawahi-Bible/Noted](http://AionianBible.org/Bibles/Bhadrawahi---Bhadrawahi-Bible/Noted)

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. \* The note placement is skipped or adjusted for verses with non-standard numbering.

## ***Abyssos***

लूका 8:31  
रेमियों 10:7  
प्रकाशित वाक्य 9:1  
प्रकाशित वाक्य 9:2  
प्रकाशित वाक्य 9:11  
प्रकाशित वाक्य 11:7  
प्रकाशित वाक्य 17:8  
प्रकाशित वाक्य 20:1  
प्रकाशित वाक्य 20:3

## ***aidios***

रेमियों 1:20  
यहूदा 1:6

## ***aiōn***

मत्ती 12:32  
मत्ती 13:22  
मत्ती 13:39  
मत्ती 13:40  
मत्ती 13:49  
मत्ती 21:19  
मत्ती 24:3  
मत्ती 28:20  
मरकुस 3:29  
मरकुस 4:19  
मरकुस 10:30  
मरकुस 11:14  
लूका 1:33  
लूका 1:55  
लूका 1:70  
लूका 16:8  
लूका 18:30  
लूका 20:34  
लूका 20:35  
यूहन्ना 4:14  
यूहन्ना 6:51  
यूहन्ना 6:58  
यूहन्ना 8:35  
यूहन्ना 8:51  
यूहन्ना 8:52  
यूहन्ना 9:32  
यूहन्ना 10:28  
यूहन्ना 11:26  
यूहन्ना 12:34  
यूहन्ना 13:8  
यूहन्ना 14:16

प्रेरितों के काम 3:21  
प्रेरितों के काम 15:18  
रेमियों 1:25  
रेमियों 9:5  
रेमियों 11:36  
रेमियों 12:2  
रेमियों 16:27  
1 कुरिन्थियों 1:20  
1 कुरिन्थियों 2:6  
1 कुरिन्थियों 2:7  
1 कुरिन्थियों 2:8  
1 कुरिन्थियों 3:18  
1 कुरिन्थियों 8:13  
1 कुरिन्थियों 10:11  
2 कुरिन्थियों 4:4  
2 कुरिन्थियों 9:9  
2 कुरिन्थियों 11:31  
गलातियों 1:4  
गलातियों 1:5  
इफिसियों 1:21  
इफिसियों 2:2  
इफिसियों 2:7  
इफिसियों 3:9  
इफिसियों 3:11  
इफिसियों 3:21  
इफिसियों 6:12  
फिलिप्पियों 4:20  
कुलुस्सियों 1:26  
1 तीमुथियुस 1:17  
1 तीमुथियुस 6:17  
2 तीमुथियुस 4:10  
2 तीमुथियुस 4:18  
तीतुस 2:12  
इत्रानियों 1:2  
इत्रानियों 1:8  
इत्रानियों 5:6  
इत्रानियों 6:5  
इत्रानियों 6:20  
इत्रानियों 7:17  
इत्रानियों 7:21  
इत्रानियों 7:24  
इत्रानियों 7:28  
इत्रानियों 9:26  
इत्रानियों 11:3  
इत्रानियों 13:8  
इत्रानियों 13:21  
1 पतरस 1:23

1 पतरस 1:25  
1 पतरस 4:11  
1 पतरस 5:11  
2 पतरस 3:18  
1 यूहन्ना 2:17  
2 यूहन्ना 1:2  
यहूदा 1:13  
यहूदा 1:25  
प्रकाशित वाक्य 1:6  
प्रकाशित वाक्य 1:18  
प्रकाशित वाक्य 4:9  
प्रकाशित वाक्य 4:10  
प्रकाशित वाक्य 5:13  
प्रकाशित वाक्य 7:12  
प्रकाशित वाक्य 10:6  
प्रकाशित वाक्य 11:15  
प्रकाशित वाक्य 14:11  
प्रकाशित वाक्य 15:7  
प्रकाशित वाक्य 19:3  
प्रकाशित वाक्य 20:10  
प्रकाशित वाक्य 22:5

## ***aiōnios***

मत्ती 18:8  
मत्ती 19:16  
मत्ती 19:29  
मत्ती 25:41  
मत्ती 25:46  
मरकुस 3:29  
मरकुस 10:17  
मरकुस 10:30  
लूका 10:25  
लूका 16:9  
लूका 18:18  
लूका 18:30  
यूहन्ना 3:15  
यूहन्ना 3:16  
यूहन्ना 3:36  
यूहन्ना 4:14  
यूहन्ना 4:36  
यूहन्ना 5:24  
यूहन्ना 5:39  
यूहन्ना 6:27  
यूहन्ना 6:40  
यूहन्ना 6:47  
यूहन्ना 6:54  
यूहन्ना 6:68

यूहन्ना 10:28  
यूहन्ना 12:25  
यूहन्ना 12:50  
यूहन्ना 17:2  
यूहन्ना 17:3  
प्रेरितों के काम 13:46  
प्रेरितों के काम 13:48  
रोमियो 2:7  
रोमियो 5:21  
रोमियो 6:22  
रोमियो 6:23  
रोमियो 16:25  
रोमियो 16:26  
2 कुरिन्थियों 4:17  
2 कुरिन्थियों 4:18  
2 कुरिन्थियों 5:1  
गलातियों 6:8  
2 थिस्सलुनीकियों 1:9  
2 थिस्सलुनीकियों 2:16  
1 तीमुथियुस 1:16  
1 तीमुथियुस 6:12  
1 तीमुथियुस 6:16  
2 तीमुथियुस 1:9  
2 तीमुथियुस 2:10  
तीतुस 1:2  
तीतुस 3:7  
फिलेमोन 1:15  
इङ्ग्रानियों 5:9  
इङ्ग्रानियों 6:2  
इङ्ग्रानियों 9:12  
इङ्ग्रानियों 9:14  
इङ्ग्रानियों 9:15  
इङ्ग्रानियों 13:20  
1 पतरस 5:10  
2 पतरस 1:11  
1 यूहन्ना 1:2  
1 यूहन्ना 2:25  
1 यूहन्ना 3:15  
1 यूहन्ना 5:11  
1 यूहन्ना 5:13  
1 यूहन्ना 5:20  
यहूदा 1:7  
यहूदा 1:21  
प्रकाशित वाक्य 14:6

## *eleēsē*

रोमियो 11:32

**Geenna**  
मत्ती 5:22  
मत्ती 5:29  
मत्ती 5:30  
मत्ती 10:28  
मत्ती 18:9  
मत्ती 23:15  
मत्ती 23:33  
मरकुस 9:43

मरकुस 9:45  
मरकुस 9:47  
लूका 12:5  
याकूब 3:6  
**Hadēs**  
मत्ती 11:23  
मत्ती 16:18  
लूका 10:15  
लूका 16:23  
प्रेरितों के काम 2:27  
प्रेरितों के काम 2:31  
1 कुरिन्थियों 15:55  
प्रकाशित वाक्य 1:18  
प्रकाशित वाक्य 6:8  
प्रकाशित वाक्य 20:13  
प्रकाशित वाक्य 20:14

**Limnē Pyr**  
प्रकाशित वाक्य 19:20  
प्रकाशित वाक्य 20:10  
प्रकाशित वाक्य 20:14  
प्रकाशित वाक्य 20:15  
प्रकाशित वाक्य 21:8

**Sheol**  
उत्पत्ति 37:35  
उत्पत्ति 42:38  
उत्पत्ति 44:29  
उत्पत्ति 44:31  
गिनती 16:30  
गिनती 16:33  
व्यवस्था विवरण 32:22  
1 शमूएल 2:6  
2 शमूएल 22:6  
1 राजा 2:6  
1 राजा 2:9  
अय्यूब 7:9  
अय्यूब 11:8  
अय्यूब 14:13  
अय्यूब 17:13  
अय्यूब 17:16  
अय्यूब 21:13  
अय्यूब 24:19  
अय्यूब 26:6

भजन संहिता 6:5  
भजन संहिता 9:17  
भजन संहिता 16:10  
भजन संहिता 18:5  
भजन संहिता 30:3  
भजन संहिता 31:17  
भजन संहिता 49:14  
भजन संहिता 49:15  
भजन संहिता 55:15  
भजन संहिता 86:13  
भजन संहिता 88:3  
भजन संहिता 89:48

भजन संहिता 116:3  
भजन संहिता 139:8  
भजन संहिता 141:7


नीतिवचन 1:12  
नीतिवचन 5:5  
नीतिवचन 7:27  
नीतिवचन 9:18  
नीतिवचन 15:11  
नीतिवचन 15:24  
नीतिवचन 23:14  
नीतिवचन 27:20  
नीतिवचन 30:16  
सभोपदेशक 9:10  
श्रेष्ठीत 8:6  
यशायाह 5:14  
यशायाह 7:11  
यशायाह 14:9  
यशायाह 14:11  
यशायाह 14:15  
यशायाह 28:15  
यशायाह 28:18  
यशायाह 38:10  
यशायाह 38:18  
यशायाह 57:9  
यहेजकेल 31:15  
यहेजकेल 31:16  
यहेजकेल 31:17  
यहेजकेल 32:21  
यहेजकेल 32:27  
होशे 13:14  
आमोस 9:2  
योना 2:2  
हबवकूक 2:5

## *Tartaroō*

2 पतरस 2:4

## *Questioned*


None yet noted




विश्वासे सेइ जैखन परमेशरे अब्राहम, जैस जगाई गाने जो परमेशरे तै कुजोरो थियो, त तै हुक्म मेन्तां तैस जगाई चलो जेव, जै जगाई बादे मां परमेशर तैस विरासतरो जेरो देनेबालो थियो।  
हालांकी तै एन भी न थियो ज्ञानतो कि अवे कोरां चलोरोई, फिरी भी चलो जेव। - इब्रानियों 11:8

## Israel's Exodus

N



*"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17*



किंजोकि मैनेक मढूँ यानी अंव एस दुनियाई मां एल्हेरेलैइ नहै ओरो कि कोई मेरी सेवा केरे, पर एल्हेरेलैइ ओरोई कि अंव होरि लोकांकेरि सेवा केरित करने बढै लोकांकेरे लेइ अपनि जान बलिदान केरि, ताके तैन अपने पापां केरे सजाई केरा छुटकारो मैल्लो। - मरुत्स 10:45



अबं पौलुस यीशु मसीहेरो दास आईं, ते प्रेरित भोनेरे लेइ परमेशरे चुनोरोईं, ते परमेश्वरी खुशखबरी प्रचार केननेरे लेइ ठहरावरो आई। - रोमियों 1:1

## Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophesies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

**Jesus Christ born 4 B.C.**

## New Heavens and Earth

1956	Christ returns for his people
1830	Jim Elliot martyred in Ecuador
1731	John Williams reaches Polynesia
1614	Zinzendorf leads Moravian mission
1572	Japanese kill 40,000 Christians
1517	Jesuits reach Mexico
1455	Martin Luther leads Reformation
1323	Gutenberg prints first Bible
1276	Franciscans reach Sumatra
1100	Ramon Llull trains missionaries
1054	Crusades tarnish the church
997	The Great Schism
864	Adalbert martyred in Prussia
716	Bulgarian Prince Boris converts
635	Boniface reaches Germany
569	Alopen reaches China
432	Longinus reaches Alodia / Sudan
397	Saint Patrick reaches Ireland
341	Carthage ratifies Bible Canon
325	Ulfilas reaches Goth / Romania
250	Niceae proclaims God is Trinity
197	Denis reaches Paris, France
70	Tertullian writes Christian literature
61	Paul imprisoned in Rome, Italy
52	Titus destroys the Jewish Temple
39	Thomas reaches Malabar, India
33	Peter reaches Gentile Cornelius
	Holy Spirit empowers the Church

(Wikipedia, Timeline of Christian missions)

**Resurrected 33 A.D.**

What are we? ►			Genesis 1:26 - 2:3		Mankind is created in God's image, male and female He created us							
How are we sinful? ►			Romans 5:12-19		Sin entered the world through Adam and then death through sin							
Where are we? ◀			When are we? ▼									
			Innocence		Fallen				Glory			
Who are we? ▶	God	Eternity Past	Creation 4004 B.C.	Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth				
		Father	John 10:30 God's perfect fellowship	Genesis 1:31 God's perfect fellowship with Adam in The Garden of Eden	1 Timothy 6:16 Living in unapproachable light			Acts 3:21 Philippians 2:11 Revelation 20:3  God's perfectly restored fellowship with all Mankind praising Christ as Lord in the Holy City				
		Son			John 8:58 Pre-incarnate	John 1:14 Incarnate	Luke 23:43 Paradise					
		Holy Spirit			Psalm 139:7 Everywhere	John 14:17 Living in believers						
	Mankind	Living			Ephesians 2:1-5 Serving the Savior or Satan on Earth							
		Deceased believing			Luke 16:22 Blessed in Paradise							
		Deceased unbelieving			Luke 16:23, Revelation 20:5,13 Punished in Hades until the final judgment							
	Angels	Holy	Genesis 1:1 No Creation No people		Hebrews 1:14 Serving mankind at God's command			Matthew 25:41 Revelation 20:10  Lake of Fire prepared for the Devil and his Angels				
		Imprisoned			2 Peter 2:4, Jude 6 Imprisoned in Tartarus							
		Fugitive			Revelation 20:13 Thalaasa							
		First Beast			1 Peter 5:8, Revelation 12:10 Rebelling against Christ Accusing mankind							
		False Prophet			Revelation 19:20 Lake of Fire							
		Satan			Revelation 20:2 Abyss							
Why are we? ►			Romans 11:25-36, Ephesian 2:7		For God has bound all over to disobedience in order to show mercy to all							

# Destiny

ભદ્રવાહી at [AionianBible.org/Destiny](http://AionianBible.org/Destiny)

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'*" Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you*," John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



एलहेरेलेइ तुस गाथ ते सैरी कौमां केरे लोकन चेले बनाथ, ते तैन बाजी, ते मट्टे, ते पवित्र आत्मारे नंवे सेइ बपतिस्मो देथ। - मर्ती 28:19